



## Über dieses Buch

Dies ist ein digitales Exemplar eines Buches, das seit Generationen in den Regalen der Bibliotheken aufbewahrt wurde, bevor es von Google im Rahmen eines Projekts, mit dem die Bücher dieser Welt online verfügbar gemacht werden sollen, sorgfältig gescannt wurde.

Das Buch hat das Urheberrecht überdauert und kann nun öffentlich zugänglich gemacht werden. Ein öffentlich zugängliches Buch ist ein Buch, das niemals Urheberrechten unterlag oder bei dem die Schutzfrist des Urheberrechts abgelaufen ist. Ob ein Buch öffentlich zugänglich ist, kann von Land zu Land unterschiedlich sein. Öffentlich zugängliche Bücher sind unser Tor zur Vergangenheit und stellen ein geschichtliches, kulturelles und wissenschaftliches Vermögen dar, das häufig nur schwierig zu entdecken ist.

Gebrauchsspuren, Anmerkungen und andere Randbemerkungen, die im Originalband enthalten sind, finden sich auch in dieser Datei – eine Erinnerung an die lange Reise, die das Buch vom Verleger zu einer Bibliothek und weiter zu Ihnen hinter sich gebracht hat.

## Nutzungsrichtlinien

Google ist stolz, mit Bibliotheken in partnerschaftlicher Zusammenarbeit öffentlich zugängliches Material zu digitalisieren und einer breiten Masse zugänglich zu machen. Öffentlich zugängliche Bücher gehören der Öffentlichkeit, und wir sind nur ihre Hüter. Nichtsdestotrotz ist diese Arbeit kostspielig. Um diese Ressource weiterhin zur Verfügung stellen zu können, haben wir Schritte unternommen, um den Missbrauch durch kommerzielle Parteien zu verhindern. Dazu gehören technische Einschränkungen für automatisierte Abfragen.

Wir bitten Sie um Einhaltung folgender Richtlinien:

- + *Nutzung der Dateien zu nichtkommerziellen Zwecken* Wir haben Google Buchsuche für Endanwender konzipiert und möchten, dass Sie diese Dateien nur für persönliche, nichtkommerzielle Zwecke verwenden.
- + *Keine automatisierten Abfragen* Senden Sie keine automatisierten Abfragen irgendwelcher Art an das Google-System. Wenn Sie Recherchen über maschinelle Übersetzung, optische Zeichenerkennung oder andere Bereiche durchführen, in denen der Zugang zu Text in großen Mengen nützlich ist, wenden Sie sich bitte an uns. Wir fördern die Nutzung des öffentlich zugänglichen Materials für diese Zwecke und können Ihnen unter Umständen helfen.
- + *Beibehaltung von Google-Markenelementen* Das "Wasserzeichen" von Google, das Sie in jeder Datei finden, ist wichtig zur Information über dieses Projekt und hilft den Anwendern weiteres Material über Google Buchsuche zu finden. Bitte entfernen Sie das Wasserzeichen nicht.
- + *Bewegen Sie sich innerhalb der Legalität* Unabhängig von Ihrem Verwendungszweck müssen Sie sich Ihrer Verantwortung bewusst sein, sicherzustellen, dass Ihre Nutzung legal ist. Gehen Sie nicht davon aus, dass ein Buch, das nach unserem Dafürhalten für Nutzer in den USA öffentlich zugänglich ist, auch für Nutzer in anderen Ländern öffentlich zugänglich ist. Ob ein Buch noch dem Urheberrecht unterliegt, ist von Land zu Land verschieden. Wir können keine Beratung leisten, ob eine bestimmte Nutzung eines bestimmten Buches gesetzlich zulässig ist. Gehen Sie nicht davon aus, dass das Erscheinen eines Buchs in Google Buchsuche bedeutet, dass es in jeder Form und überall auf der Welt verwendet werden kann. Eine Urheberrechtsverletzung kann schwerwiegende Folgen haben.


## Über Google Buchsuche

Das Ziel von Google besteht darin, die weltweiten Informationen zu organisieren und allgemein nutzbar und zugänglich zu machen. Google Buchsuche hilft Lesern dabei, die Bücher dieser Welt zu entdecken, und unterstützt Autoren und Verleger dabei, neue Zielgruppen zu erreichen. Den gesamten Buchtext können Sie im Internet unter <http://books.google.com> durchsuchen.





18.3





15 1112

R.C. VIII-612 pages 1 hope







**F A S T I**  
**NOVI ORBIS**

**ET**

**ORDINATIONUM APOSTOLICARUM.**

THE  
GILDED LION

WILLIAM W. WILSON

# F A S T I N O V I O R B I S

E T

ORDINATIONUM APOSTOLICARUM

AD INDIAS PERTINENTIIUM BREVIARIUM

CUM ADNOTATIONIBUS.

O P E R A

*D. CYRILACI MORELLI*

PRESBYTERI, OLIM IN UNIVERSITATE  
NEO-CORDUBENSI IN TUCUMANIA PROFESSORIS.



V E N E T I I S M D C C L X X V I .

PROSTAT APUD ANTONIUM ZATTA  
SUPERIORUM PERMISSU, AC PRIVILEGIO.





# FASTI NOVI ORBIS,

*Et Ordinationum Apostolicarum ad Indias spectantium  
Breviarium cum Adnotationibus.*

## PROLOGUS.

**O**rdinationum Apostolicarum ad Indias pertinentium collectionem necessariam diu fecit earum novitas, numerus, & vicissitudo: nunc maxime quando moderniorum Pontificum decretis, vel consuetudine & usu, primæ sunt reformatæ, restrictæ, ampliatae, vel abrogatæ. Equidem præter ea quæ in jure positivo de naturali & de divino desumpta sunt, nulla est materia in qua quidquam pro Indiis determinari possit, nisi jus Indiarum municipale præ oculis habeatur, nam licet multæ passim occurrant causæ & dubia in utroque foro ex jure antiquo & novo communi decernenda, cum tamen in pluribus speciale jus obtineat, temere in quovis casu resolutio figatur necesse est ab ignorante, num quidquam specialis juris sit.

Enim vero, ut juris indici studiosorum votis, clericorumque & regularium usui fiat satis; opus erat non tantum litteras apostolicas, vivæ vocis oracula, & Cardinalium declarationes mirum quam dispersas colligere, sed authentica ab apochryphis dividere, & ad singula adnotare quid usus ferat, quid consuetudo legitima; quid obtineat in foro ecclesiastico rite præscriptum, quid etiam in foro regio, notum est enim quantum conferat juris regii notitia ad ecclesiastici vim declarandam (a); nam sæpe Rex ejus executionem imperat, ut in *lege 10. tit. 9. lib. 1. Recopilat. Indiar.*: sæpe aliqua ordinat Cardinalium declarationibus conformia, ut *leg. 28. tit. 15. lib. 1.*: quod dum contingit, liquidum est, ecclesiasticum jus, cui regium sic suffragatur, propriam fortiori & expeditam obligandi vim. Ea præscribit quandoque jus regium, ex quibus constare potest vel colligi, aliquam ordinationem apostolicam, postquam prodiit, esse revocatam vel confirmatam, post primam revocationem renovatam, vel post primam confirmationem tandem ad terminos juris redactam.

Lon-

(a) *Instit. Eccl. apud Memor. Trev. anno 1722. art. 81.*

Longe est ut credam, operi præconcepto per præsens ordinationum Breviarium satisfactum esse, in quo plures aliis erunt, mihi etiam noti sunt frequentes defectus. Deest in plerisque ordinationibus notitia datæ & tenoris authentica, vel ex authentico desumpta, neque fides major est ea, quam auctores faciunt ad cuiusque ordinationis calcem citati. Hæc tamen, nisi auctoritate contraria, exceptione vel aliqua elidatur, vel ratione, sufficit ad resolutiones doctrinales & morales: vix enim ullo id genus iure, in regionibus maxime Novi Orbis, tenebitur quis, si ordinationes pontificias & declarationes præscriptis signaturis, quæ in foro ad faciendam fidem requiruntur, firmatas solum obligare contendat. Defuit ad plures in epitomen redigendas textus integer, quo sensus & virtus constitutionis aliquando relinquitur anceps. Pronum etiam sit in tanta, quæ per eas regiones ubi scribebantur hæc, est summa documentorum inopia, ut multæ ex toto desint ordinationes, de quibus nec mentio fiat. In aliis ad hispanam ditionem pertinentibus desidero testimoniū vel notitiā de Senatus Indici revisione; quamquam hæc in aliis abundat, eo quod leges indicæ ex Indici Senatus consultis ut plurimum factæ passim urgent, nedum permittunt executionem. Documenta etiam desunt de usu & praxi per ecclesias Novi Orbis vigente, cujus cum rite præscribitur, nota vis est ad firmandam, vel infirmandam ordinationum vel legum obligationem. Ordinationibus apostolicis Romanarum Congregationum declarationes ex dicendis anno 1652. 30. Julii connumerantur. Sed in paucis constat de conditionibus ibi requisitis, ut apostolicæ constitutiones nominentur.

Horum tamen defectuum causa cessandum non fuit ab opere, quod perfectum edere consummatumque nescimus an aliquis induxerit animum: quodque deinceps sapientum correctionibus supplementisque potest consummari. Expetitum diu est Opus à Cl. V. Antonio Leon Pinelo inscriptum *Gobierno Ecclesiastico y Espiritual de las Indias*, quod editor & aditor Pinelianæ Bibliothecæ (a) laudabili conatu vulgandum suscepit, additis supra tercentum de rebus Indiarum pontificiis decisionibus. Sed neque scire datum est, an fidem datam liberaverit. In regia certè matritensi bibliotheca & curia nulla editionis factæ notitia; neque numerus edendarum decisionum promissus factis par esse videtur: & alioquin Pinelianum Opus plus uno ante sæculo confectum & primo editum exigui pretii jam sit oportet, si detur sine supplemento, cum tot post auctoris obitum decisiones emanaverint pontificiæ de ecclesiastica re Indiarum.

Non omittitur hic ordinationum temporalium summa vel mentio, dum occurrit, quamvis jam diu expiraverint, tum in eruditionem, doctrinam, notitiā, & similium explicationem; tum ut exemplo sint facultatum, & gratiarum, quæ de apostolica benignitate dimanare solent, sunt enim ut plurimum hæ temporariæ ordinationes privilegia quædam; tum  
ut

---

(a) Verbo Antonio Leon Pinelo. *Epis. de la Bibl. Or. y Occ. naut. y geogr.... anad. etc.*

ut fidentius, dum è re sit, iteretur supplicatio, nam facilius expeditur facultatis aliquando factæ confirmatio vel prorogatio, quam prima sine exemplo concessio; tum etiam ut constet expirasse jam, nam à scriptoribus enunciantur aliquando privilegia suppressâ caducitatis notâ, tum denique quia sæpè ex ordinatione pro tempore jam elapso factâ emergit aliquid pro eadem, dum prorogetur, vel pro aliis ejusdem generis adnotandum. Ordinationes factæ pro Societate Jesu, vel ejus alumniis quamvis indefinitæ concessionis sint, suppresso ordine factæ sunt reipsa temporariæ, cassæ, & inanes prorsus quoad usum; commemorandæ tamen ut reliquæ temporales, in exemplum, in explicationem aliarum, & in eruditionem. Idque in universum semel admonitum iterumque lectorem volo, nullam ordinationem sive favorabilem, sive onerosam hoc opere commemorari, ut in usum cæcè adhibeatur; sed in notitiam adducuntur omnes, vel in memoriam reducuntur, ad acuendum studium ut constet num vi sua destitutæ sint.

Accipiuntur Indiæ seu Novus Orbis latissimè pro regionibus post Mauritaniâ vergentibus ad austrum, orientem, occidentemque juxta declarationem Gregorii XIII. de qua suo loco; nam & Nigritiam Indiarum nomine appellare solemne est, appellatque D. Antonius Herrera (a). Et Azanaghi (b), qui occiduam Africæ oram incolunt sub boreali tropico Indorum nomine appellantur, neque alio appellati sunt ante navigationem Vasci de Gama. Unde & Collectionis initium sumitur à tempore Martini V., quo maximè post sæculi XV. adolescentiam de lustranda Africâ occidentalis ora cogitari cæpit.

Utinam esset qui monumenta de re Indiarum ecclesiastica pari atque Novi Orbis plagas & opes diligentia conquireret, elucidataque novæ illius cultorum usibus adaptaret. Eximium esset operæ pretium, si conciliorum tam provincialium quam diocesanorum Indicanæ qua latè patet Ecclesiæ fieret collectio, qualem de Conciliis Limanis S. Turibii edidit Franciscus Haroldus, de Hispaniensibus Cardinalis Aguirre, de Conciliis totius Ecclesiæ plures, quibus tam modicum acceptum refert Novus Orbis, ut vix unius aut alterius nempe Mexicani & Limani, cum tot alia celebrata sint, copia detur. Et quia locorum distantia in aliquot Indiarum regionibus rariores fecit ejusmodi cœtus, pro his è re foret Episcoporum edicta & instructiones in unum colligi typis edenda, ut ex aliis in alia minus nota affunderetur optata lux. Quodsi desiderato Operi accederet sacra geographia dioceseon cum exacta definitione limitum ad episcoporum, prælatorumque aliorum, & ad nullius jurisdictionem pertinentium, majus esset pretium, præsertim quia plures factæ sunt ordinationes pro locis extra limites episcopatum constitutis. Sed hæc vota concipere

(a) Herrera Decad. 1. lib. 2. cap. 4. pag. 292.

(b) Histoire des Voiag. tom. 2. lib. 5. cap. 2.




capere facile; impossibile mihi complere est; possibile tamen licet difficile litteratis in Curia Regis Catholici, vel Summi Pontificis, quò tam multi Indiarum undequaque adveniunt qui documenta suppeditent, unde reliqua exquiri possunt, nec tam longe absunt juris interpretes, oracula, & tabularia. Interea Breviarium hoc juris, non brevi, non exiguo labore comparatum, benignam lucem, & apostolicorum Paraquariæ messis cultorum, quique sint illi, quorum usui nominatim parabatur olim, & modò dicatur, gratiam amat.

Placet ante juris Breviarium Fastos Novi Orbis, idest Breviarium factorum mittere in novam lucem: ut nempe jura & facta sibi invicem explicationi sint. Fastos Novi Orbis gallicè scripsit primùm, deinde correctos & auctos edidit P. Charlevoix (a). Nunc tamen prodeunt novis correctionibus & accessionibus, quæ asteriscis interpunguntur, & interpretatione latina cujusdam presbyteri rerum indicarum studiosi, & americanae vineæ cultoris in voto.

---

(a) *Charlevoix. Hist. Nov. Franc. tom. 6. a. pag. 393.*





# F A S T I NOVI ORBIS.

A N N O 1248.

Groënlandia . *Long. a merid. Gall. 340. Latitud. bor. 72.*



Audquaquam iis habenda fides , qui ante hunc annum cum irrepertis oris Groënlandiam connumerant : a nono quippe sæculo frequentari cœpta est ampla hæc regio a Norvegis , nec ita ut nostris temporibus infrequenter .

1373.

Guinea . *Long. 20. : Latit. bor. 9.*

Incertum quo anno cœperint Gallorum commercia cum Guineanis . Hoc vero est in comperto ab anno scilicet 1364. Deppenses mercatores in oram maritimam Guineæ merces importare & asportare solitos : nec porro æquæ mitisque horum consuetudinis a majoribus ad posteros perpetuo commendatæ oblitum unquam sunt indigenæ , aliorumque Europeorum iniquitate ac sævitia , humanis enim primis hospitibus inhumana succedere ingenia , grata Deppensum memoria apud Guineanos non sine desiderio accensa est , cuius quidem extat hodieque in ora a grano dicta monumentum , quod ad nostra tempora *parva Deppa* audit .

1383.

In eadem ora , ubi deinde arx , quam a fodina dixere , extructa est , ædificare cœperunt Deppenses domos sibi . Hinc vero solo cedere coacti sunt anno 1410. a civili motu sub Galliæ regibus Carolo VI. & VII. ejus cognomine .

A

1401.

1401. 1405.

Canariæ. *Long.* 0. — 5. *Lat. bor.* 27.

Has quidem insulas levi sanè conjectura Fortunatas antiquis adeo celebratas nonnulli esse credunt, cum revera primus de illis nuntius medio sæculo XIV. ad Europam perlatus sit, anno nimirum 1345. per certos negotiatores e Genuensibus & Catalaunis: cujus occasione D. Ludovicum de la Cerda Canariarum regni diademate Sceptroque Pontifici Summo Clementi VI. placuit consolari, cum ejus patrem regno abdicasset avus & idem Castellæ Rex Ildephonsus X. At cum subrogatæ dominationis habenas non ceperit Lodovicus, de Canariis iterum nullus in Europa sermo. Jam exeunte sæculo XIV. aut certe ineunte XV. Castellæ Rex Henricus III. nuntiatas insulas destinat conspicuæ apud Normannos nobilitatis viro Joanni de Betancur. Sunt vero qui non huic, sed Roberto de Bracamón, qui Gallorum classi postea præfectus fuit, traditas ab eodem Rege eas commemorent: Robertumque illas dimisisse sibi conjuncto sanguine Joanni de Betancur cognomento *Gallardo*, qui per ea tempora dominatum ad S. Martinum obtinebat. Is autem haud instrenue rem aggressus anno 1401., aut certe non exacto 1405., suas fecit insulas vulgi nomine de *Lanzarote*, *Fuerte-Ventura*, *del Hierro*, subactosque insulares homines regiis imperiis novus Rex flectere deinceps constituit. Qui vero jure sanguinis Canariensis regni habenas suscepit Machote (*Menautem* vocat Brietius) de Betancur eas tandem Lusitano Infanti Viseensique Duci D. Henrico transdidit: idque feliciter accidit Ferdinando de Castro, quippe qui ab Henrico cum potestate legatus est a domus suæ præfectura ad eas insulas imperio regendas. Quo autem anno reliquæ insulæ inventæ fuerint, non una est scriptorum opinio. Hoc enim vero in comperto est, reclamatum nempe a Castellano contra memoratam Menautis sive Machoti abdicationem, quod universe in Canarias jus a se stare diceret: nec porro lis antea terminata est quam Canarias omnes ex novis pactis conditionibus Castellæ regno adscriptæ sunt, ut modo permanent.

1412.

Boxadorium. *Long.* 5. *Lat. bor.* 25.

Annus hic oræ Africæ exploratores vidit primos Lusitanos nautas, qui diu in itineribus suis ad promontorium, quod appellationem *Boxador* obtinuit, hærebant prætervehi non ausi.

1418.

Portus-Sanctus. *Long.* 2. *Lat.* 32.

Id nominis huic insulæ est, quod ejus inventores Trifanus Vaz, & Joannes Gonzalez Zarco Lusitani ambo in eam appulerint festa Sanctis omnibus luce.

1419.

Madera. *Long.* 1. *Lat.* 34.

Anno insequente iidem applicuerunt item primi ad Maderam insulam. Uterque vero eum regionis prospectum, quem descendens collustravit, de nomine appellavit suo. Gonzalez præterea antro quodam lupis marinis receptaculo sub excensura ipsum explorato, tractum illum nativo idiomate

*Cama-*

*Camara de lobos marinas* nuncupavit: indeque illustris ejus domus cognomine de *Camara* aucta est. Jam vero *Madera* denominationi toti insulae attributae occasionem dedit interminata qua undequaque cooperiebatur silva. Si nonnullis scriptoribus Anglis habenda fides, reperta *Madera* est a certo Machin insulano suo, qui casu tempestate videlicet actus in illam venerat cum uxore: qua ibi mortua, mari ventisque se rursus commisisse Machin dicitur, incertus omnino quo proram dirigeret. Consumili incertitudine cum maria illa circum Castellanos quosdam fluctuantes obvios habuisset, eos de invento suo fecit certiores, iisdem Anglis auctoribus: Hispanos vero Gallosque etiam, cum in conquistam Maderam venire tandem desperarent, nunc in hos, nunc in illos Canariarum portus recepisse sese. Hæc Angli.

1439.

## Boxadorium Promontorium.

Egidius Afiez gente Lusitanus socio Antonio Gonzalez Baldaya præter ante alios omnes navigat Boxador promontorium. Sunt qui velint, hoc illud promontorium esse, quod apud Ptolomæum *Canaræ* appellatione protensum visitur. \* At in Ptolomæo toto frustra promontorium ejus appellationis quæsieris. Ad 1. long. gradum, & a 10. ad 16. lat. collocat quidem sex insulas, quarum uni Canariæ nomen appingit (a). Quam porro Ptolomæi descriptionem Glossa in eundem edita Basileæ (b) sic explanat: „Canariæ insulae hodie dicuntur ab Hispanis excultæ. Sunt septem habitatæ; tres desertæ. Cadamustus cap. 7. & 8. Sunt tamen septentrionales quam Ptolomæus tradat. Et hoc loco sunt Hesperides insulae, hodie Capitis Viridis sub dominio Regis Portugalliæ. *Petrus Martyr Decad. I.* In eandem rem Plinius l. 6. cap. 32. in *Historia Naturali*, ubi ad Fortunatas insulas venit, Canariam cum eis connumerat. Quæ omnia plane conficiunt, non adeo nuperam recentemque Canariarum denominationem neque notitiam esse, quemadmodum auctori placuerat. Quod si promontorium illac esset antiquis *Canarea* nominatum, ab eo conjectura esse posset dictas adjacentes Canarias; ut Hesperides illis proximæ a Viridi promontorio vernaculo sermone *Cabo-Verde* & Insulae de *Cabo-Verde* appellationem mutuatae sunt. Plinius quidem existimat, Canariæ vocabulo occasionem fecisse Canes, alii Cannas e quibus saccharum exprimitur, quibus abundat regio. \*

Vox Boxador a Lusitanis est, etymon habens a *boxar* quod lusitano & hispano idiomate est remigare. Porro enim ad occidentum solem remigare aut navem agere necesse est cursum ad orientem illac tenentibus. Verum esto etymon; at *boxar* non idem sonat atque *vogar*, quod est remigare, sed ambagibus longisve circuitionibus qua remis velisque, qua pedibus equove viam ingredi: quo profecto sensu lacus exempli gratia sexcentis millenisve leucis ambitus, seu per circuitum, vulgo de *box* circumscribi dicitur. \*

1440.

(a) *Ptol. lib. 4. cap. 6. Tabul. 4. Africa.* (b) *Edit. Basileæ ex offic. Henr. Petri anno 1552. pag. 76.*



1440.

Album Prom. Long. 1. Lat. bor. 21.

Nugus Tristanus & Lusitania salutati primum Albi Promontorii (Hispanis *Cabo Blanco*) laudem nactus est hoc anno, quo nonnulli inventi Hesperii Cornu (*Cabo-Verde*) initium figunt. Iis tamen plerique omnes adversantur.

1442. 1443.

Auri-flumen. Long. 3. Lat. bor. 23.

Arguin. Long. 1. Lat. 20. 20.

Antonius Gonzalez lusitana item gente natus flumen vulgo *dell' Oro* ad ea tempora innavigatum explorator subit anno 1442. Sequenti vero 1443. Arguinis insulas, quæ contra Album promontorium sese erigunt, recognoscit. Hic arcem excitari imperat Infans Henricus, quam anni 1638. Batavi expugnaverunt.

1445.

Angra. Long. 35. Latitud. merid. 26.

Gonzalus seu Gundisalvus de Cintra eadem qua superiores origine amplum in ora Nigritiæ sinum ingreditur haud secundis quidem avibus, in eo quippe vita interfectus est. Ab inventore desumpto nomine suum *Angra de Cintra* appellarunt, cui solum *Angra* nomen reliquit usus.

1446.

Hesperium Cornu. Long. 1. Lat. 15. bor.

Nugno Tristanio, quem paulo ante commemoravi, primo ex omnibus promontorium Viride caput aperuit suum. Ab eodem imprudente tamen Senegalis ostium superatum est, quo ad promontorii septentrionem in mare sese egerit, quemadmodum Gambia ad illius meridiem vi fertur sua. Duobus hisce fluminibus veluti totidem brachiis tractum illum amplectitur flumen Nigrum. Porro hujus inventionis authorem pauci laudant Dionysium Fernandez, qui forte eadem cum Nugno vehebatur navi.

1447.

Senegale. Long. 2. Lat. 16.

Senegale quod accolæ *Ovedec* nominant, distinctum hoc anno est a Lusitano Lanzarote. Austæ appellationi occasionem dedit magni nominis ætiops (sic nigri colorem vocare placet) nomine *Senega* aut *Sanega*, qui a Lusitano captus in pristinam libertatem asseruit se lytro dato. Fallius vero animi Lanzaroteus primis obtutibus existimaverat Nili brachium Senegale esse. Id tandem quod nos hoc anno, alii contra insequenti derelictum tradunt.

1448.

Azores. Long. 346.—354. Lat. 37.—40. bor.

Commendatarius D. Gonzalus Vello solvit e Lusitania Azores insulas exploraturus, quæ ita dictæ sunt a vulturibus, quibus abundat regio. *Azon* enim cum Hispani, tum Lusitani vulturem nuncupant. Haud ita quidem, non enim vultur, sed falco eo apud laudatos donatur nomine, ut propterea a voce *azor* minime detorta *azorarse* vocabulum derivetur, quod quemadmodum celeri & irrequietæ falconis naturæ significandæ aptum est.

est, ita vulturinæ molis & motus describendæ tarditati prorsus ineptum. \*

Ab Azorum insula, quæ a Lusitania profectis ordine occurrit tertia, quæque inter reliquas princeps eminet, vocantur omnes *Tertiaria*. Hæ dumtaxat a Commendatario sunt recognitæ Fayal, Pycus, S. Georgius, Tertiaria, Gratiofa, Sancta-Maria, & S. Michael. Postrema hæc celebris est a præclara victoria, quam in navali pugna anno 1582. Marchio a S. Cruce de D. Antonio ad Lusitaniæ regnum aspirante reportavit. Florezia & Corvina aliquot post annos sunt agnitæ. Tertiariæ omnes, cum adeas appulit Vello, incolebantur a nemine, si modo Fayalem excipias, in hac enim ad fluminis ripam coloni inventi sunt pauci Belgæ, qui ante annum 1439., in quo adinventas Azores auctor est Boterus, sedes illic fixere.

Illud vero non prætereundum, a Florea videlicet & Corvina, quæ sub eodem meridiano sunt, longitudinis gradus enumerare cœpisse Lusitanos, quod ut ipsi quidem aiebant, observassent magneticam acum ad polum ibi recta dirigi. At hujusmodi observationem falsitatis evicerunt alii, quod vel ipsi Lusitani probasse videntur, constituto deinceps primo meridiano in Pico, quæ Azorum item insula est. Id quod si Gallos excipias, reliquæ nationes sequutæ sunt. Gallos, inquam, ii enim a Ferrea, quæ una est e Canariis meridianos circulos enumerare incipiunt. \* Nec minus quam Ferrea de Canariis est Picus alias Tenerife, non autem ex Azoribus, ut author hic & superius tradit. \*

In Corvinæ inventione equestris statua reperta est incerta materia, quam basis non magis nota sustentabat. In hac arcani quidam characteres cælati visebantur, nec subiit animum cura eos asservandi. Longe alia fames eo navigantium animos inceserat. Quod ad equitem attinet, hic aspectus illius fuisse dicitur, dextera scilicet manu ad occidentis plagas elata demonstrantis instar, novas illuc quærendas regiones. De novis sedibus in Azoribus figendis omnium primus cogitavit Commendatarius de Almauros, & re quidem vera eas ædificare cœpit.

1449.

Hesperides. Long. 1. Lat. 10. -- 20. boreal.

Antonius Nolli Genuensis Infantis ac Ducis de Viseo D. Henrici auspiciis insulas a Viridi Promontorio nuncupatas detegit: primamque dixit *Majam*, quod Majo ineunte ad eam descendisset; duabus præterea quas eadem excensionis die prospexit, huic a S. Philippo fecit nomen, illi a S. Jacobo, a festa nimirum ejus diei memoria. Reliquæ vero haud continuo se Lusitanis aperuerunt, sed aliquot post annos dumtaxat, anno nempe 1460., a quo incolis desertæ Insulæ frequentari cœptæ sunt. P. Iarric falso adscribit harum insularum inventionem Lusitanis anno 1446. Nec vere magis hujus inventionis laudem dat Sanutius Ludovico Cadamosto nobili Veneto ablegato, ut ipse quidem affirmat, novis terris inveniendis a regio Infante Lusitaniæ, nisi dicere quis velit classem quæ anno 1446. eas vidit insulas, quæ ad Nolli conspectum nondum venerant, vela fecisse sub Cadamosto. Varia & multiplex est authorum opinio de his insulis: aliqui enim eas esse existimant, quas olim *Gorgonas* vocabat

vocabat Pomponius Mela; alii contra non hujus Gorgonas, sed *Gorgades* Plinii easdem esse arbitrantur. Sunt qui nobiscum *Hesperides*, nec desunt tandem qui *Fortunatas* eas appellent. Has quidem opinioniones temerarias omnia dicere non ausim. Melius forte Canarias vocaret quis *Hesperides*, has vero *Fortunatas*, quamquam id nominis conveniat magis Promontorio quam insulis, quæ insalubri perflantur aëre, nec aliud est quo *Fortunatas* audire dignæ sint.

1471.

1. S. Thomæ. Long. 28. Lat. 0.

Joannes de Santaren cum Petro de Escobar e lusitano sanguine a D. Ferdinando Gomez una missi novi veniunt hoc anno primique ad insulas a S. Thoma, & Principis, simulque ad promontorium a S. Catharina, hoc decoratum nomine quod die Sanctissimæ huic virgini sacra pervestigatum sit. Ad hujusce maris oram aurifodinæ multæ cum inter explorandum repertæ sint, *Fodinæ* appellationi facta est occasio, vulgo *Costa de la Mina*.

1472.

Annobon 1. Long. 24. Lat. 2. merid.

Iisdem prima hujus anni luce novæ insulæ inventio contigit, quæ ab hujus diei notis inter amicos officiis. *Annobueno*, lusitanis *Annobon* dicta est.

1477.

Estotilandia, vulgo Tierra de Labrador.

Joannes Scalve Polonus inventis per hæc tempora regionibus Estotilandiam adjunxisse fertur, sed temere. Certe sedem nullam ibi fixit. Quinimo passim existimatur hodie dum Estotilandiam regionem esse fictitiam, \* aut mari haustam. \*

1481.

S. Georgius a Fodina. Long. 17. lat. bor. 5.

In eadem area, in qua centum abhinc annis præsidium Galli construxerant, novam excitat arcem Didacus de Azambuja Lusitanus, cui nomen a S. Georgio *de la Mina* datum est.

1484.

Congum. Long. 33. Lat. mer. 8.

A Didaco Cam Lusitano patefactum est Congum, quod regnum complectebatur per hæc tempora Angolam & Matambam, alia item quæ postea disparata sunt. Eiusdem itineris fructus videtur fuisse Benini regni cognitio, quo ingressus intellexit, obvenire Regi investituram a potentiore Principe, missio regio pallio, ac pro sceptro scipione, crucem non absimilem præferente illi, quæ Melitenensibus pro insigni est. Aberat vero, uti dicebatur, Benino clarioris hujusce Imperatoris ditio quinquaginta supra bis centum leucas. Hæc cum redux Cam retulisset Lusitano suo, existimavit hic, magnum illum Principem non alium fore a Præstite Joanne, cujus ergo tertio post anno ad Abissimorum Imperatorem, qui Præstes Joannes credebatur, ablegati ab eo sunt Petrus de Covillan & Alphonsus de Paiva. Hi cum naves pariter conscendissent Ademi, qui portus est Felicis Arabiæ, suum deinde quisque tenuit cursum, ac Paiva quidem Abis-

Abissinos cogitabat, quos tamen ei videre non sivit mors, quæ navigationis comes sese illi adjunxerat imprudenti. Covillanus Indiam petiit; ubi vero Canaanoriam, Goam, & Calecutum venit, in Africam remeans in regni Sofalani portum descendit: unde Ormuzium cum navigasset, cursum tandem direxit ad Abissinorum regiam.

1486.

Prom. Bonæ-Spei. Long. 37. Lat. 34. mer.

Apertum hoc anno est Bartholomæo ac Petro Diaz fratribus, & Joanni Infante Lusitanis promontorium, quod nomen a procellis v. *de las Tormentas* quas circum passi fuerant, sortitum est. Lusitanus Rex contra a spe, eo superato, commercii cum Indis, non jam a procellis, sed a Bona spe fecit deinceps appellari.

1492.

Americæ inventio.

Die undecima Octobris primam patefactæ Americæ regionem tenuit Christophorus Colon, adita possessione pro Castellæ Rege. Una erat ex Lucayis insula ab indigenis dicta *Guanahani*; novum autem nomen accepit ab inventore, cui a Sancto Salvatore eam denominari placuit. Cubam inde venit, unde tandem appulit *Haiti*, quam Hispanam insulam, v. *Española* nuncupavit. Gallis tamen placet eandem potius a S. Dominico principe civitate vocitare.

1493.

Linea Divisoria.

Alexander Papa hoc nomine Sextus famigeratam lineam, quam ad instar limitis Hispanus Lusitanusque in novis acquisitionibus observarent, ducere instituit hoc anno. Et quidem recens ducta linea mare medium inter Azores & Viridis promontorii insulas dissecabatur; verum postea progressa est 370. leucas occidentem versus. \* Non nisi 270. post centum primo numeratas. \*

Eodem hoc anno 1493. incertis diebus mensis Octobris \* in secunda navigatione \* plerasque omnes ex parvis Antillis Colonus adinvenit, fereque iisdem omnes agnoscuntur vocabulis, quibus olim ab eo nuncupatae illæ sunt. Venit subinde in insulam Boriqueni, quam S. Joannis Baptistæ nomine illustravit, cui deinceps accessit cognomen *de Puerto-Rico*. Inde ad Hispaniolam rediens primæ in orbe novo civitatis fundamenta jecit, conditamque Isabellæ nomine quod ita vocaretur Castellæ Regina insignivit.

1494.

Jamaica. Long. 295. Lat. bar. 17.

Decimaquarta Martii primo appulit Colonus in Jamaicam, cujus a S. Jacobo nomini quo ab inventore donata erat, vetus prævaluit nominatio *Jamaica*. \* Falsum id quidem, Jamaicae enim denominatio haud vetus sane est, & est ipsa quam a S. Jacobo Colonus imposuit, Jacobus quippe vernaculo sermone etiam *Jaime*, & *James* dicitur. \*. In hac circuitione exploratum habuit Colonus, Cubam undique circumcingi mari.

1496.

1496.

Terranova. *Long.* 325. *Lat.* 47. *bor.*

Henricus VI. Angliæ Rex litteris die 5. Martii datis, Joanni Gaboto ac tribus ejus filiis potestatem fecit novas regiones conquirendi, eo pacto ut Regi cederent post perfolutos sumptus in adornanda navigatione positos, quintum lucri quod ipsis forte obveniret. Id unum ex publicis Anglorum tabulis testatum habemus: incertum est num inventa sit referenda Gabotis, quod fama vulgavit, insula a Terranova, & quæ continentis est pars, terra Laboratorea. Neque magis est in comperto ad 55. gradus latitudinis septentrionalis eos ascendisse, ac barbaros sylvicolas quatuor deportasse in Angliam. Non desunt profecto scriptores, & quidem graves, qui nusquam gentium Gabotos \* Anglorum auspiciis \* excensionem fecisse affirmant. Alii in hac sunt sententia, ut existiment, Estotilandiam, quæ contra Laboratoream ad septentrionem vel illius occidentem describebatur, a certis Frislandis piscatoribus anno 1390. esse lustratam. Hæc notitia, si vera narrant, authores habet Antonium Zani, hujusque fratrem Nicolaum, qui ex oris Hiberniæ profecti tempestate acti sunt in Frislandiam, quæ Groënlandiæ pars creditur, ibique a popularibus illam acceperunt. At in navigationis suæ ephemeride ita splendide ac liberaliter describunt Estotilandiam, ut fabula sit palam.

8. Julii, quæ in sabbatum incidit solvit Ulyssipone Vascus de Gama in Æthiopiam atque Indiam per transmissum promontorium a Bona-Spe, quo in itinere cum ad indescriptam regionem venisset læta Christi Jesu nascentis luce, illam nominavit a Natali.

1498.

Flumen a Regibus. Mozambicus. Quiloa. *Long.* 58. *Lat.* 20.

Incertum cursum profectus amplum vidit flumen 6. Jan., illudque a Regibus ut festum admonebat, nuncupavit. Vidit subinde Mozambicum (Prassus olim erat) Quiloam, Mombazam, Melindem, Sofalamque, capta terrarum possessione, quoties se se ferebat occasio pro Lusitaniæ Rege. Vigesima tandem Maii Calecutio applicuit. Si vera tamen fert Barros, decima sexta ejusdem illuc jam appulerat, ex hujus quippe sententia e Mozambico solvit 24. April., totumque iter quantum illud cumque est duobus supra viginti diebus confecit. Fuit vero Vascus qui hac via Indiam tenuerit primus omnium.

Insula a Trinitate. *Long.* 297. *Lat.* bor. 9.

Sub ipsum Julii exitum conspicatus est Christophorus Colon insulam, quam a Trinitate vocavit. Non una autem est authorum sententia de causa hujusce denominationis; quidam enim factum id volunt, quod primo objecta sibi fuerit insula ad instar montis tricipitis, alii reum voti quo se ante astrinxerat, ita quam primam aspexisset regionem nuncupandi, tale nomen insulæ imposuisse Colonum, affirmant. Unde unde id fuerit, 12. Augusti excensum fecit, brevique cum terræ tractum mari-circumjacente undique allui certis indiciis habuit.

America continens.

Undecima ejusdem mensis porro viderat sese inter undas attollentem  
ma-

magnam terræ molem, quam insulam sanctam appellavit subito. Verum non diu post comperto, continentem esse, quam insulam crediderat, maritima ora quam notis nauticis describebat, vulgato apud indigenas nomine appellari cæpit *Paria*: quam tamen paucis post diebus, cum magnum subiisset naufragii discrimen ad certum Orenoci ostium, eandem nominavit *Draconis buccam*. Hinc vela fecit versus sinum a margaritis, vulgo *Golfo de las perlas*: quo in itinere obvias habuit tres insulas, ex quibus prima a pretiosis baccis, quas affert sinus, Margaritæ nomen ab eo obtinuit, reliquæ antiqua vocabula *Cochem* & *Cubagua* retinere, nec quidem sine contentione, hæc enim a margaritis (de las perlas), quarum copiosa tunc ibi piscatio, multos annos appellata est.

1499.

Velenſe Caput. Long. 315. Lat. bor. 12.

Alfonſus de Ojeda prima apud Hiſpanos nobilitate conſpicuus fociiſ viæque comitibus Americo Veſpucio Florentino, & Joanne de la Coſa nauclero ex Hiſpanis experientiſſimo continentem Americam tenuit 16. Maii, quâ nimirum illa bis centum leucas ad Orientem (\* Nom niſi ad Occidentem \*) diſtat ab Orenoco. Legit oram illam donec ventum eſt ad promontorium, cui novam fecit appellationem *Cabo-de-Vela*. Viſo ſubinde Maracaibo ſinu, atque in mediis aquis conſtructo oppido, memor Venetiarum acclamavit Venetiolum, vulgo *Venezuela*: quod nomen in poſterum toti provinciæ commune fuit. Sub hæc maritimam oram a Cumana dictam, quanta illa eſt, exploravit.

Americus Veſpucius cum veſtor duntaxat claſſem, cui præfeſtus erat Ojeda ſequeretur, publici nihilominus juris facta hujus inventionis hiftoriola, tantæ auctorem gloriæ ſeſe in ea propinavit incautiſ, oſtentavitque. Id autem ut veri faceret ſimilius, cæteriſque Europæiſ inventæ novi orbis continentis laudem præriperet, non dubitavit aſſerere quinque ſupra viginti menſum iter feciſſe ſe. Enim vero Ojeda juridice hac ſuper re interrogatus glorioſum hominem mendacem appellavit: Efficere autem non potuit ut ſemel uſurpata Americæ appellatio antiquaretur pro æquitate.

Ayolenſes Salinæ.

Sub ejuſdem anni finem a Chriſtophoro Guerra & Petro Alphonſo Niſio patefacta eſt acuminata Ayolæ extremitas, quæ ſub eodem meridiano jacet atque Margaritæ extremitas occidua. Ibi magno uſui futuræ ſalinæ repertæ ſunt.

1500.

Braſilia. Maragnon. Terranova.

Vincentius Jañez Pinzon, qui in prima navigatione ſub Colono meruerat, cum ex Hiſpania ſolviſſet ſub finem ſuperioris Decembris, proſpexit 26. Januarii quoddam Braſiliæ promontorium, quod a conſolatione vocavit, totiuſque tractus poſſeſſionem adiit pro Caſtellæ regno. Luſitani vero commutato nomine, appellarunt promontorium a S. Auguſtino. Alio autem die viſus ſibi eſt Pinzoniuſ videre copioſiſſimi cujuſdam fluminis os, appellavitque Marañon. Verum poſtea compertum eſt, mini-

B

me

me quidem flumen, sed quemdam esse sinum, in cuius centro sese attollebat insula, quæ in præsentia Marañon dicitur: quod etiam certæ provinciæ Brasiliensis nomen est. Tria omnino celeberrima flumina laudatum sinum ingrediuntur; at nullum ex his Marañon audit contra ac posuit P. Christophorus de Acuña, qui in descriptione fluminis Amazonii brachium ex eo ait procedere, quod vocant *Marañon*, idque in Maragnoniæ sinum influere. In insula cognomine, quam etiam *Marañan* appellant qui lusitane pronunciant illuc ex Gallia missi defudabant quidam religiosi Capuccini.

Octava, vel potius, si aliis fides, nona Martii die Petrus Alvarez Cabral digressus est Ulyssipone secundo navigaturus in Americam. Sub navigationis initium, sabbatum majoris hebdomadæ recurrebat, cum fœda procella fuisset excitata, qua quibusdam navibus submersis, reliquæ in varia disparatæ sunt, ipse cum classis reliquiis delatus est ad oram Brasiliæ, portumque tenuit, quem denominavit *Securum*. Eique adjacenti regioni, quam Lusitano Regi, adita pro eo possessione, fecit obnoxiam, dedit nomen a Sancta-Cruce. Jam Brasiliæ nomen ab indigenis usurpatum novam appellationem constanter vicit. Post hæc Cabralius in Calecutium flexit, illucque pervenit 13. Septembris, atque inde Canaanorium, & Coccinum petiit.

Fabulosus omnino fuit rumor pervagatus illis temporibus per Hispaniam; cui tamen confirmando accedebat auctoritas invidorum, quos res cum laude gestæ Colono pepererant. Rumor porro hæc ferebat, certam scilicet onerariam, quæ liquores hispanos ad Angliam transportabat, cum diu contra impotentem ventorum vim frustra concertasset, meridiem versus quo procellæ impetu abripiebatur, hac illac fluctuasse, eandem postea versus occidentem delatam, ac denique tranquillo jam mari ad conspectum cuiusdam insulæ stetit, in quam nautarum turba corpora curatura dicitur exscendisse. Pauci tradunt laudatam cybeam ad oram Pernambuci appulisse, omnes ad Brasiliam.

Ad hæc ajebant, nauclerum seu Boeticum, seu Cantabrum, seu Lusitanum, adeo quoque fama fluitabat, cum rediret jam in Europam, casu tenuisse nautarum præsidio destitutum insulam a Portu Sancto, ibique a Colono benigne ac liberaliter acceptum, apud eundem, quem commentariorum suorum hæredem reliquit ex asse, tandem decessisse. Sic instructum Colonum novi orbis conquestionem suscepisse. Ad Senatum Indicum causa delata, iudices pro se habuit Colonus. Et quidem si prævia illa luce non caruisset, certe æquinoctialem lineam superasset; hanc vero nunquam superavit Colonus (a).

Eodem anno 1500. Gaspar de Cortereal Lusitanus conspicua nobilitate (*Gentilbombre* vulgo appellant) Terræ-novæ applicuit, jecitque anchoras in eo sinu, qui ab eo tempore vocatur a Conceptione. Subinde insulæ oram occidentalem totam perlustravit atque si vera est fama, novi tractus

---

(a) Vide Ord. X. adnot. x.

Ab eodem in proximo continenti detecti sunt. Inibi certe veteres geographi describebant terram a *Corte-real* denominatam. Id enim verum certum est, benigniori cælo eum uti solitum, divitiisque Africæ & Indiæ inescatum plagam fastidisse, ubi præter inaccessas rupes, ac nive candidas, gelu concretum mare fluminaque nihil omnino apparebat quo commercium institui foverique posset præter piscium siccatorum genus forte tunc incognitum. Quamobrem in Lusitaniam parat reditum, rediissetque nisi eum mors occupasset. Quo autem mortis genere occubuerit, incertum est Champlanio, qui bis in Americam navigasse *Corte-real* ponit: subditque idem mansisse fatum Michaeli de *Corte-real*, cum fratris cœpta persequeretur.

1501.

Uraba. *Long.* 294. *Lat. bor.* 7.

Mense Januario Rodericus Bastidas Hispanus Joanne de la Cosa, quem antea memoravimus, socio, nova conquisturus Gadibus solvit, cumque Maracaibum sinum pertransisset plus centum leucis ad eam oram navigavit, prætergressus Veleum Promontorium. Urabeum sinum ingreditur explorato situ quo deinceps condita est Carthago. Existimavere quidem nonnulli Carthaginis sinus denominationem, quæ postea obtinuit, ab eo esse; at incerta omnino res est.

Per idem tempus Joannes de Noboa Tago excessit tertio visurus Indiam: conspexitque 20. *Lat. bor.* gradu insulam, quam a Conceptione nuncupavit. Promontorium dein a Bona Spe, dum prætergredi adnititur, se eidem conspiciendam dat altera ad 7. vel 8. *gr. lat. mer. sita*, eaque de illius nomine hodieque appellatur.

1502.

I. Sancta Helena. *Long.* 11. *Lat. merid.* 16.

Sub reditum ab India celebrem insulam invenit Noboa, quam a S. Helena nominavit. Huic parallela, sed quæ orienti soli proximior sit, insula cognominis in quibusdam chartis geographicis describitur. Verum cum a peritioribus rei que nauticæ experientibus hujusmodi insula non agnoscatur fabulosa creditur.

Meliapur.

Eodem hoc anno per Martii mensem Vascus de Gama quartam aggressus est navigationem in Indiam: quo itinere obvios habuit Coccini ablegatos a Meliaporensibus christianis oratores obsecrantes recipi se cum suis reculis in Lusitanorum fidem & tutelam.

Portus-Bellus. *Long.* 293. *Lat. bor.* 7.

Per Augusti mensem sese visendum præbuit Christophoro Colon promontorium quod cum subiecto sinu dicitur de *Honduras*. Septembris 12. promontorium aliud quod appellavit *Gracias a Dios*. Novembris 2. Portus nomine Bellus. Alios subinde portus ingressus est, quos ora illa frequentes offert. Omnes proprio donavit nomine, quod non omnes retinent.

1503.

Veragua. *Long.* 290.: *Lat. bor.* 7.

Sexta Januarii subiit Colonus flumen quod a Bethlehem dixit, noti Magorum



gorum adventus monumentum futura appellatione. Ad tria passuum milia Veraquam aurifodinis nobilem. Tota hæc provincia ducatus titulum dedit postea, qui Ludovico Colon Christophori nepoti cessit: jureque deinceps per feminam traducto Brigantiam domum honestavit primum; dein vero eodem titulo inclaruit familia Liræ-Barwich.

Socotora. *Long.* 83. *Lat.* 6. 10.

Quinto ad Indiam navigatur hoc anno, Alphonso Alburquerque cognomento Magno, ejus fratre Francisco, & Antonio Saldagna singulis attributæ classis præfests. Inter navigandum spectabilem habuit Didacus Fernandez Pereira navis cujusdam gubernator sub Saldagna Socotoram insulam. Alphonso de Alburquerque demisit anchoras ad promontorium de Guardafu dictum, quo in Africa nullum est orienti proximius. Idemque cum in Indiam venit arcem condidit in Coccino insula, quam a S. Jacobo nominatam voluit.

1504.

Syrtes Terræ-Novæ. *Long.* 327. 337. *Lat. bor.* 40-50.

Pisculenta vada Terræ-Novæ frequentabant per hæc tempora Valcones, Normanni, Britannique: cujus commercii epocha obscura est: neque magis inter eruditos constat quo tempore innotescere cœperint fyrtes illæ.

1505.

Monomotapa. *Long.* 44. *Lat. mer.* 18.

Nondum de Africano Monomotapæ Imperio quidquam auditum erat Europæis. Petrus de Anaya Lusitanus primus omnium illius notitiam aucupatus hoc anno est in regno Sofalensi.

Australes Terræ.

Eodem hoc anno vertente certi mercatores Rhotomagienses inita inter eos societate aliquas in Indiam orientalem adornarunt naves, omnium præfecto Bineto Paulmier de Gonville, qui cum aquarum decurrentium ventorumque vi longe ad austrum ab Africæ ora deferretur, appulit in novam pulcherrimamque regionem, a cujus incolis reverenter nec sine admiratione acceptus est. Ea quippe hominum natio, si vera narrat hujusce navigationis ephemeris, mitis est ingenii, atque adeo socialis, neque deformis specie, aspectuque barbara. Specimen reduxit secum Gonvillæus in Galliam filium reguli obligata fide eundem reducendi ad suos post viginti Lunas. Sed reipublicæ dissidiis prohibitus fidem liberare, ut solitudinem juvenis adeo liberaliter sibi traditi solaretur, filiam dedit uxorem, hæredemque dixit. Horum filius itinerarii ad terras australes scriptor est.

1506.

Canada. *Long.* 290. *Lat. bor.* 55.

Joannes Dionysius de Honneur publici juris fecit hoc anno chartam geographicam, descriptis in ea ora maritima Terræ Novæ, ejusque vicinitate.

Maldivæ. --- Ceilanum.

Eodem item anno Laurentius Francisci Almeida Indiæ Proregis filius perveſtigatum Maldivas ablegatus Ceilanum insulam veluti per transennam lustrat. Deinde vero Maldivas insulas explorasse fertur: quod veri equidem

dem similius est quam repertam ab eodem esse per id tempus Madagascariam, cui a S. Laurentio fecisse nomen traditur. Certum quippe videtur, Ceilano invento de regressu ab India nobilem juvenem nunquam cogitasse.

--- Madagascar. --- Tristan de Acuna. ---

Madagascariam insulam agnitam affirmant aliqui anno 1505; auctorem vero inventionis produnt nullum. Id enim vero in comperto est, Tristandum de Acugna illuc navigasse exeunte anno 1506., nuncio scilicet illatum, quod ab uno de suæ classis ductoribus Ruizio Pereira acceperat ad eam appulso, regionem esse piperis feracem. Marcus Polus Venetus cognitam a Sinis ponit Madagascariam prius quam ab Europæis: immo sunt quibus pro comperto est, eo sinicas deductas esse colonias. Multorum item existimatio est, eandem hanc insulam denominatam a Plinio *Cerné*, atque a Ptolomeo *Mamutbias*. In Madagascariam venit Tristanus de Acugna, dum classi quam Lusitanus in Indiam quinto dimittebat, mandata dabat. Priusquam vero promontorium a Bona Spe transmitteret, insulas conspiciatus est, quas de suo nomine *Tristan de Acugna* nuncupatas voluit.

Jucatan. Long. 280. Lat. 6. 20.

Denique eodem anno Joannes Diaz de Solis & Vincentius Jañez Pinzon ingressi sunt penitus sinum Fondurensem, cui a Nativitate nomen dant. Jucataniam vero quadantenus recognitam, de qua nonnihil jam inaudierat Colon cum memoratum sinum invenit, graphide tantum coloratam tenent, & servant.

1508.

Sumatra. --- Malaca. Long. 119. Lat. 6. 2.

Sumatra insula, quam veterem Trapobanam esse ajunt, inventorem habet Didacum Lopez de Siqueira, qui inde in Malacam trajecit: atque per idem tempus, ut fertur, sese illi ostendit Guardafujum promontorium, quod forte penitus recognovit quam Alburquerqueius.

Hoc anno ex nova Francia allatus in Galliam est per Thomam Aubertum Deppensem quidam Indus Canadensis.

1509.

Brasilia. --- Jamaica. ---

Præter navigata linea æquinoctiali, lustratisque Brasiliæ oris, monumenta possessionis aditæ pro Castella erigunt Joannes Diaz de Solis, & Vincentius Jañez Pinzon. \* Ab hoc nomen habet promontorium quod alias Boreale vulgo del Norte gr. 1. Lat. bor. & flumen in Brasiliæ ad boream confiniis. \*

Joannes Esquivelius oppidum ædificat in Jamaica pro D. Didaco Colon indicanae classis Præfecto, D. Christophori primogenito, hæredeque.

1510.

Goa --- Long. 101. Lat. bor. bor. 14.

Portus --- Dives. Long. 310. Lat. bor. 18. ---

--- Nova Boëtica. Long. 310. Lat. bor. 7. ---

--- Aurea --- Castella. Long. 300. Lat. bor. 4.

Decimasexta Februarii Goam expugnatam occupat magnus Alburquerqueius.

quius. Semel iterumque eandem recuperarunt Indi; sed pulsus tandem a Lusitanis, totius quam late patet indicæ dictionis decreta est princeps.

Joannes Poncé de Leon Hispanus a Didaco Colon in Portum-Divitem, vulgo *Puertorico* missus, ut eam insulam Hispano subiceret, imperata fecit hoc anno.

Alphonsus Ojeda, & Didacus de Nicuesa solvunt ex Hispaniola: hic in Castellam ab auro dictam, ille in Novam Bœticam, seu Vandaliziam. Harum regionum gubernatio hac illis conditione commissæ erat, ut oppida & civitates ædificarent. Fines Novæ Bœticæ computandi a Veleo promontorio, Castella vero non ultra promontorium a Deo-gratiis protendenda: utraque provincia dissecanda ducta linea per medium sinum *de Uraba*.

Condidit Ojeda hoc eodem anno oppidum quod a S. Sebastiano *de Buena vista*; Nicuesa quod a Nomine Dei nuncupatum voluit. Nec diu post Baccalaureus Enciso pro Ojeda ad ripam Darienis qui sinui Urabeo immiscetur, urbem constituit *Sancta Maria la Antiqua* nominatam. Hæc in Americæ continente prima, quæ episcopali cathedra decorata sit, novem tantum stetit annis, translata post sede cum incolis Panamam.

Cum neque Ojedæ, neque Nicusæ res ex sententia cederent, Aurea-Castella nomine excidit illecebrosæ, nec nisi per errorem in chartis geographicis deinceps significata est. Novæ Bœticæ nomen exulavit pariter saltem per quosdam geographos, oræ Cumanæ illud affigentes.

1511.

Cuba. Long. 290. Lat. bor. 20.

Java. Long. 133. Lat. mer. 9.

Amboinus Long. 150. Lat. mer. 8.

Didacus Velazquez D. Didaci Coloni missu Cuba potitur: cui ab eodem gubernator designatus est.

Mense Augusto expugnat Malacam Alburquerqueius: quod ut primum intelligit Siamensis Rex Legatōs ad eum mittit gratulabundus.

Franciscus Serranus ac Didacus Abreu, qui in Malacæ obsidione strenuiores præ cæteris se præstiterant, novo ad Moluccas itineri compararunt sese. Quod iter ingressi cursum quisque suum persecutus est. Atque Abreus quidem exscensionem fecit primus in Javam insulam, ac inventa dein Amboino, quam circum ambiunt parvæ frequentes insulæ, quas Amboinas vocant, appulit denique ad eas, quæ de *Banda* nominantur.

Serranus usque ad Ternatem, quæ una de Moluccis est, penetravit. Moluccarum duo sunt genera; aliæ quippe magnæ censentur; parvæ contra aliæ. Hisque maxime Moluccarum nomen convenit, quarum præcipue sunt Ternate, Tidore, sive Tadura, Molir, Machim, & Bachiam. Ex magnis est Giholus, sive Mauritana, quæ a Lusitanis appellatur etiam *Pactobina*. Parvæ Moluccæ, quæ ab his non longe distant, Archipelagum constituunt, quod in chartis geographicis nominatur *del Moro*. Jam reliquæ ex grandioribus Moluccis numerantur Amboinus, Banda, Timor, Celebes, seu Macazaria, quæ duplici gaudet nomine, quod reges duo propria quisque parte dominatum in ea exercent.

1512.

1512.

Florida. Long. 290. Lat. bor. 30.

Martyres. Long. 290. Lat. bor. 25.

Bahama. 291. Lat. bor. 30.

Dum is qui Hispaniæ regno Portoricum adiecit Joannes Ponce de Leon senescenti ætati remedium perquirat a fonte qui in insula Bimini inter Lucaias emanare dicebatur, obviam habuit præter opinionem amplam regionem quam Floridam appellavit, seu quod Paschæ festo quam a florescenti vere Hispani vocant *Florida* exscensionem fecit, seu quod campum vario ridentem flore descendens despexit. Exiguæ deinde insulæ, quibus a Martyribus fecit nomen, quæque ad occidentem Floridæ promontorii sese erigunt, eidem aperuerunt se se ad novi canalis Bahamæ ostium. Per hunc canalem seu rivum sinus Mexicani fluentia in arctum mare sese egerunt. Bahamæ vero denominationem ab insula ex Lucaiis cognomine desumit. Eo autem impetu per illius alveum feruntur aquæ ut rapidiora vincant flumina celeritate sua. Objectu Bahamæ insulæ dispertiuntur aquæ. Traiectus fiebat olim ad Orientem, quem locum canalem antiquum appellant, qua lentior erat fluxus, sed ob latentes ibi scopulos alio ad trajiciendum ventum est.

1513.

Mare Pacificum.

Vascul Nufies de Balboa in S. Mariæ *la Antigua* Gubernator Mare Pacificum, alias *del Sur* ad eam diem incompertum 25. Septembris primus ingreditur, atque 29. ejusdem mensis capta novo ritu possessione Castellæ regno fecit obnoxium. Novo inquam ritu, parma siquidem & ense armatus eo usque mare ingressus est donec umbilicum aqua pertingeret. Eodem die sinui S. Michaelis nomen imposuit, & insulas ibi repertas margaritarum feraces, nominavit *de las Perlas*. Paulo ante certum acceperat nuntium de Peruvix regno. Inter remigrandum denique ad Sanctæ Mariæ interjacentes regiones perlustrat. \* Recens Scriptor (a) duos ex uno exploratores facit, dum ait: Vascul Nuñez, & Nugnus de Balboa, Lusitanus ille, hic Hispanus ingressi sunt (ambo 1512.) mare Pacificum, qua parte Darienis isthmus inter duo maria constringitur. \*

1514.

Æthiopia. Long. 50. Lat. mer. 10.

S. Martha. Long. 300. Lat. bor. 10.

Carthago. Long. 298. Lat. bor. 9.

Peruvium. Long. 300. Lat. mer. 10.

Chagre flumen. Long. 293. Lat. bor. 8.

Ulyssiponem venit legatus a Davide Abissinorum Imperatore.

Cœpit Darienis Prætor Pedrarias seu Petrus Arias Dabila colonias inducere in S. Marthæ & Carthaginis provincias, quarum partem ipse patefecerat.

1515.

(a) *Disquisitionar. Coleti. V. America. pag. 9. Ed. Ven. 1761.*

1515.

Ildephonsus Perez de la Rúa Hispanus conquirendæ Peruvix consilium aggreditur.

Didacus Albitez itidem Hispanus Chagre fluvium subiit. Navium longo spatio patiens est: non longe a mari Pacifico nascitur, unde late per mæandros totum fere irrigat Panamæ isthmum.

1516.

Nata. Long. 290. Lat. bor. 8.

Januarius. fl. Long. 340. Lat. mer. 20.

Argenteus fl. Long. 320. Lat. mer. 35.

Natam urbem, quæ prima fuit Hispanis ad Mare Pacificum condit Lie. Espinosa in Veragua.

Joannes Diaz de Solis, de quo supra mentionem feci, flumen subit Kalendis Januarii, quod ideo Januarium appellat, & Lusitani quorum est ditio, *Rio-Janeiro*.

Alterum subinde flumen ingressus est alveo aquisque longe majus, cui a proprio cognomine de Solis nomen fecit. Hodie ab argento, Hispanis *Rio de la Plata*, nominatur. Hic exscensione facta ab Indis occisus est Solisius. Quod vero Argenteum flumen vocamus, immanis revera sinus est maris, in quo convolvunt sese Paranæ & Uruguai aquæ. Cum Parana confluit Paraguaium bis centum ab hoc sinu leucis.

1517.

Jucatania. Long. 280. Lat. bor. 20.

Campeccium. Long. 280. Lat. bor. 19.

Cataium. Long. 130. Lat. bor. 30.

Cambalua. Long. 140. Lat. bor. 40.

Octava Februarii Velazquii Cubæ Prætoris jussu ex Havana solvit Franciscus Fernandez de Corduba, lustravitque totam Jucatanix oram a promontorio Catoche usque ad Potoncham. In spatio intermedio reperit oppidum, quod indigenæ vocabant *Kimpech*, auctumque tractu temporis ædificiis appellatur *Campeche*.

Per Augustum Sinarum oris applicat Ferdinandus Andrada Lusitanus, nec alius prior hoc iter ex Lusitania tentaverat. Sinenſi Imperio Catay antiquum clauditur; illius enim occidentalis & Septentrionalis regio Catajum haud dubie est. Hujusque urbs primaria Cambalú non alia tandem est a Pekin hodierna.

1518.

Nova Hispania. Long. 270. Lat. bor. 20.

Panama. Long. 291. Lat. bor. 9.

Derato in ipso reditu ex Jucatania Francisco Fernandez de Cordoba, ablegatus est a Velazquio Joannes de Grijalba novis regionibus conquirendis, & primo quidem Cozumel insulam invenit, cui nomen indidit a Sancta Cruce. Objecit tunc dein Tabascus, quem appellavit de suo nomine *Rio de Grijalba*: insula, quam a sacrificiis nominavit exuviis hominum recens idolis immolatorum in ea conspectis: Ulúa insula a S. Joanne tunc nominata, nuncque dicitur Insula S. Joannis de Ulúa. E regione est Ve-

ræ-

re-Cruci, cuius portum tutatur & munit. Tandem in Panucum venit, omnesque regiones hoc itinere lustratas nuncupavit *Novam Hispaniam*.

Eodem anno missus est a Pedraria Lic. Espinosa Panamam urbem conditurus, seu potius eo translaturus Sanctæ Mariæ *la Antigua* coloniam, incolas & rudera. Panamæ vero deinceps nova area, novusque situs delectus magis aliquanto ad occidentem. Hujus Episcopus primas dicitur inter episcopos Terræ-firmæ cum sit Limæ suffraganeus, quia scilicet Sedes S. Mariæ Panamam translata fuit in continente omnium prima. (a) Quo non tollitur quin Archiepiscopus S. Dominici in Hispaniola, cuius Sedes antiquior est, primas totius Americæ Hispaniensis habeatur.

1519.

Vera-Crux. *Long. 270. Lat. bor. 19.*

Novam Hispaniam conquisturus solvit ex Havana decima Februarii Ferdinandus Cortesius. Descensionem primo fecit in S. Joannis de Ulúa, nec longe in continente Villaricam construxit dictam a Vera-cruce, quod eo feria VI. majoris hebdomadæ venisset. In præsentia vetus Vera-cruz dicitur, nempe ut a nova discernatur quæ tres ad orientem leucas distat contra Ulúam. Mexicum Cortesius cum venisset eodem anno, Didacum Ordas flamivomum jugum Popocotapex ut scrutaretur ablegavit in Tlascalam.

\* Hoc anno disceptari cæptum est de Indorum conditione coram Carolo V. Imp. aliis servilis, aliis libera ut esset contententibus (b).

1520.

Magallanicum fretum. *Long. 306. Lat. mer. 52.*

Terra ab Igne. *Long. 306. Lat. mer. 53.*

Nova-Hispania. *Long. 270. Lat. bor. 20.*

Florida. *Long. 290. Lat. bor. 30.*

Placuit Regi Catholico Ferdinandi de Magallanes consilium. Stipendia meruerat Magallanius in Malacæ obsidione sub Alburquerqueo. Reginae Lusitanæ offensus Catholici Regis fidei se transdidit, cui cum consilium probasset ditioni Castellanae adnectendi Moluccas, delectus ad id muneris ipse est. Portum reliquit 10. Aug. 1519. Sequentis anni mense Majo obviam habuit tres insulas, quarum primam a marinis canibus *de los Tiburones*, alteram a *S. Petro*, tertiam *de los Cocos* nuncupavit: omnes vero generatim dixit *Infornatas*, quippe incultas, desertasque. Ingressuro fretum quod Magallanis retinet nomen promontorium conspectui primo objectum a Virginibus appellavit, quod dies erat S. Ursulæ sacra. Fretum subiit 7. Novembris egressurus in Mare Pacificum 27. Mensis ejusdem.

Nomen quod ab igne sortita est terra, quæ ad freti austrum protenditur, recentius esse videtur, desumptum ab ignibus, qui ad eam partem visi sunt, qui forte nihil erant præter fulgura; est enim regio procellis obnoxia cum a vaporibus ex utroque mare contractis, tum a natura loci. Si Batavis, quibus maria illa nota sunt, fides habeatur, terra hæc ab

(a) Vide Ord. 72. (b) Vide Ord. 28.

ab igne insulis bene multis tota constat, trajectu navibus concessio per canales medios.

Per Novæ Hispaniæ oras a Cortesio mittuntur exploratores, & ad australem quidem Gonzalus de Umbria, ad borealem Franciscus Pizarro cum Didaco de Ordas. Quo tempore certæ fodinæ repertæ sunt, & Motezuma Imperator Regis Hispani factus est vestigalis.

Pergit in incepta Floridæ investigatione Lic. Lucas Vazquez de Ayllon, lustratis promontorio S. Helenæ & Provincia de Chicora. Prominet vero S. Helenæ promontorium ad ostium fluminis, quod Jordanes appellatum est.

1521.

Latronum Insulæ. Long. 162. Lat. bor. 16.

Mexicum. Long. 265. lat. bor. 20.

Laudatus Magallanes venit in insulas latronum, quas S. Lazari Archipelagus vocat. Eisdem nos appellamus Marianas. \* Eadem a Velis dictæ sunt, qua linea demarcationis ducenda creditur. \* Lustravit insuper Magallanius Cebu, Matanumque insulas, ubi occisus est, ei suffecto Gonzalo Gomez de Espinosa, qui duas de classe naves sibi delegit a Trinitate dictam & Victoriâ, reliquas pro derelictis habuit. Sinici lintris pro ram casu ducentis ad Molucas gubernatorem ad se vocavit Espinosa, quo duce Toduræ applicuit 8. Novembris, vel exeunte, si Oforio fides, Octobre. Inde tandem ad Hispaniam per indicum iter reversus Victoriâ nave, quæ prima circumvit orbem, & Hispali conservatur. \* Conservari crediderim ejus monumentum, vel partem. \*

Cortesius Mexico potitus finem Mexicanorum imponit Imperio.

1522.

Mechoacan. Long. 260. Lat. bor. 20.

Nicaragua. Long. 280. Lat. bor. 8.

Meliapur. Long. 99. Lat. bor. 7.

Parillas Cortesii miles Mechoacan provinciam reperit: aliæque per Novam Hispaniam regiones hoc anno repertæ sunt, Nicaragua nominatim quo per Darienem paulo ante ingressus Ægidius Gonzalez Davila Nicoyam lustravit primus.

Comparuit hoc anno Meliapuræ Corpus S. Thomæ Apostoli, quod Goam connitente pro rege Eduardo Menesses transfertur; sed oppidum Meliapur nihilominus postea S. Thomæ nomine reedificatur. \* Forte hoc anno translata est sacrarum exuviarum pars. \*

1523.

Verazani Navigatio prima.

Joannes Verazani patria Florentinus, Francisci I. Regis Galliarum auspiciis primum ad septentrionales Americæ plagas iter aggreditur. Hujus itineris pene oblitterata est mentio apud historicos; constat illa tamen ejusdem Verazani ad Regem Christianissimum Deppâ datis litteris octava Julii, quibus ait existimare se, Regem satis jam intellexisse de primi itineris periculo. Incertum est hujusce navigationis consilium, num scilicet con-

con-

conquirendis terris, an Hispanis in prælia vocandis decreta fuerit illa; cum constet aliqua id genus tentamina cogitasse Verazanium.

1524.

Ejusdem navigatio altera.

Inceptas novarum regionum inquisitiones profequitur aut certe incipit Verazanius, atque Martio mense Floridam attingit, unde cum quinquaginta leucas ad meridiem navigasset, altitudinem poli borealis quatuor supra triginta graduum esse observavit. Inde proram retorsit ad septentrionem, totamque lustravit oram usque ad insulam, in quam primi venerant Britanni, quæ ut ipse quidem affirmat sub gradu est 50. At falsum eum habuit calculus si nempe Britanni Promontorii vulgo *de Cabo Breton*, hodie *Isla Real*, designare voluit insulam. Fortasse appulit Terræ-Novæ, quo a multis jam annis piscatum commeabant Britanni.

Mense Novembri solvit Panamâ Franciscus Pizarro ad inquirendum, tentandumque simul, num quid in expugnando Peruvio posset.

1525.

Verazani navigatio postrema.

Insula a S. Matthæo. Long. 15. Lat. mer. 4.

Macazaria. Long. 35. Lat. mer. 5.

Peruvium. Long. 300. Lat. mer. 10.

Tertiam aggreditur navigationem Verazanius; sed incerto nobis mortis genere interceptum est ejus iter: neque certus eo magis est ejusdem navigationis successus. Errat a vero neotericus (a) scriptor, dum ait, Verazanium captum ab Hispanis ad Canarias anno 1524., actumque in furcam piratarum supplicium. Equidem si sic res habet, non anno 1524., sed sub reditum tertii itineris anno 1525.

Garcias de Loaisa Hispanus insulam a S. Matthæo ad occidentem Anobonæ reperit; utque fama est, in cujusdam arboris cortice incisum, septem supra octoginta ante annos eodem advenisse Lusitanos.

Antonius Britus, & Garcia Henriquez, Lusitani ambo, quique suas in Moluccis præfecturas obtinebant, exploratores ablegarunt hoc anno in Celebes, seu Macazariam insulam. Ii vero cum imperata fecissent, ad Moluccas remeare non potuerunt, ventorumque vi acti novas insulas conpexere tantum, in eas enim descendere non licuit. Quod vero licuit, nomen illis dant *de Mezo*, hoc est *Intermediæ*.

Eodem tempore Almagrus, Peruvium Panama petit futurus Pizarro in expugnatione comes.

1526.

Paraquaria. Long. 310. Lat. mer. 18.

Mindanaum. Long. 140. Lat. bor. 7.

Flumen a Solis, quod ab Argento vocat; subit Sebastianus Gabotus Venetus, cui Hispaniæ quam Angliæ servire dulcius. Adverso Parana Paraquarium ingreditur, quod vocat Argenteum, massâ hujus metalli visâ penes

(a) D. Andr. Barcia, *Ensayo Chron. para la Histo. de la Florida*. --



penes accolas. Existimavit bonus esse regionis fructum. At barbari Lusitanos quosdam e Peruvio in Brasiliam reduces expilaverant. Jam supra animadverti, in sinum tantum ubi cum Parana & Paraquario confluit Uruguayis cadere stricte *Argentei fluminis* appellationem.

Per Martinum Iniguez de Corquizano patuit aditus ad Mindanaum insulam. Jam ab anno 1521. quidam Hispani Moluccas cogitantes eodivertorant; at nuntium per illos de Mindanao nullum.

1527.

Jucatania. Long. 280. Lat. bor. 20.

Bermuda. Long. 312. Lat. bor. 30.

Quito. Long. 294. Lat. o.

Bantam. Long. 130. Lat. mer. 7.

Sunda. Long. 133. Lat. mer. 5.

Franciscus de Montejo Hispanus Jucataniae praetor designatus ad occupandam provinciam & rem publicam constituendam proficiscitur: quod utrumque anno jam sequente perfecerat.

Eodem anno aut paulo ante Joannes Bermudez iidem Hispanus insulam detegit de suo nomine dictam Bermuda & Vermuda.

Lustratis orae peruvianae leucis bis centum usque ad Santam portum ultro Quitum, in Panamam regreditur Franciscus Pizarrus.

Bantamum in Java occupat D. Petrus Mascaregnas. Regi tamen suo redduntur occupata ea lege ut tributum penderet Lusitano.

Eduardus Conil Lusitanus in insulas fretumque Sundæ venit, nave Francisci Sa, quem sequebatur, vi tempestatis in transversum acta.

1528.

Apalaccium. Long. 285. Lat. bor. 30.

Nova-Guinea. Long. 155. Lat. mer. 4.

Pamphilus de Narvaez in Floridam hoc anno expeditus inventis addidit 5. Junii terram Apalaccium, vulgo *de los Apalaches*.

Andreas de Vidaneto Hispano Asiam inter & Americam media sese aperit Nova Guinea, neque satis adhuc constat, insula ne sit, an continentis pars. Sunt tamen qui testentur totam nuper circum lustratam. Joannes Laëtius Novæ Guineæ inventionem attribuit Alvaro de Saavedra, qui missus in Moluccas a Cortesio cum jam re perfecta rediret in eam regionem vento delatus accessit anno 1527.

1529.

Venetiola. Long. 305. Lat. bor. 9.

Moluccæ. Log. 145. Lat. mer. 5.

Velleribus opulentis ex Augusta Vindelicorum negotiatoribus Venetiolam provinciam, vulgo *de Venecuela* concedit Carolus V. Imperator: in quam cum penitus penetraret Ambrosius Alfinger Germanus, novi tractus ab eo patefacti sunt.

\* Dissidentibus utriusque gentis hispanæ & lusitanæ actoribus in comitiis Pacis-Juliae, vulgo *de Badajoz*, quinque ante annis institutis de linea divisionis seu demarcationis ducenda, ac de regionibus in alteriusutrius ditione computandis, hoc anno 22. Aprilis rite transactum est Cæ-

sa-

saraugustæ, ut 300. ducatum millibus venderet Hispanus Lusitano cum pacto de retrovendendo quidquid ille jure sibi posset vendicare ad occidentem lineæ a polo ad polum recta ducendæ per insulas a Velis dictas quæ 17. gradibus a Molucco distant. Pactum vero de retrovendendo extinctum voluit pars utraque, si Rege non invito lineam prætergredi tentarent Hispani. Quod si per ignorantiam accideret, insulæ terræve ab ipsis conquisitæ cederent Lusitano. \*

1530.

Peruvium. *Long.* 300. *Lat. mer.* 10.

Culuzcan. *Long.* 260. *Lat. bor.* 23. --

Nova-Gallæcia. *Long.* 260. *Lat. bor.* 17. --

Chiapa. *Long.* 275. *Lat. bor.* 14.

Navem conscendit Pizarrus ad *Dei-Nomen* Peruvium cogitans.

Multis amplificata est incrementis Nova Hispania, qua mare ulterius respicit novis conatibus Nugni de Guzman. Eo mandante Christophorus Oñate condidit Guadalaxaram in Nova-Gallæcia recens notâ. Guadalaxaræ nomine, ac Xalisci appellant aliquando provinciam totam.

In eadem Nova Hispania innotescit Chiapa per Didacum Ordás.

1532.

Cinalóa. *Long.* 258. *Lat. bor.* 26.

Carthago. *Long.* 298. *Lat. bor.* 9.

Orenoco. *Long.* 314. *Lat. bor.* 8.

Nugus de Guzman venit primus in Cinalóam Novæ Gallæciæ provinciam.

Carthaginem condit Petrus Heredia Hispanus. Nomen Carthagini fecit similitudo situs ad Hispaniensem, qui situs antea dicebatur *Calemori*, ubi Ojeda & Nicuesa cum barbaris congressi sunt.

Nuper laudatus Ordás subit Orenocum, investigatoribus aliis viam aperit secuturis.

1533.

Occidit Ingarum Imperium cæso per Pizarrum Atahualpa, \* alias Atabaliba. \*

1534.

Cuzco. *Long.* 310. *Lat. mer.* 14. --

Acapulco. *Long.* 257. *Lat. bor.* 16.

Canadá. *Long.* 300. *Lat. bor.* 50.

Recens ab hac victoria & cæde Cuzcum occupat Pizarrus.

Connitente Cortesio tota maris ulterioris ora percurritur, & Acapulci tuta navibus statio paratur.

Philippus Chabot Gallicanæ classis Præfectus cum Francisco I. persuasset, ut Verazani cœptis aspiraret, delegit expertum naviculatorem Jacobum Cartier Macloviopolitanum, qui consensa 20. Aprilis navi, ad promontorium dictum *de Bella Vista* sub gr. 48. Lat. bor. appulit die Maii 10. Hinc contra notum retorta prora in portum a S. Catharina quinque leucis distantem recepit se. Rursus ad meridiem vela tendit, emenso toto illo maris tractu sinum ingreditur, quem ab eo quo urebatur solis æstu appel-

appellavit *de los calores*. Secundum ab Hispanis eo loci venisse Cartier, tradunt aliqui. Certe recessus ille vocatus olim est *Bahia de los Españoles*. Lestâ denique bonam partem illius maris orâ atque adita inventarum regionum possessione, in Galliam reflexit navem.

1535.

Lima. Long. 295. Lat. mer. 12.

Bonus-aer. Long. 317. Lat. mer. 35.

California. Long. 240. Lat. bor. 40.

Canadá. Long. 300. Lat. bor. 50.

Limam condit Pizarrus, civitatem a regibus nominatam, quia primus ædificationi lapis Epiphaniæ festo rite suppositus est. Nominatur usque adhuc a Regibus in publicis actis. Lima proprie vocatur vallis in qua sita est.

Civitas a Bonis Auris, vulgo *Buenos Aires* in occidentali fluminis Argentine littore conditorem habet Petrum Mendoza, qui vocavit illam a SS. Trinitate. Bis solum mutavit, nec nisi anno 1582. ad hodiernum situm redacta.

Aditus patefit Cortesio in Californiam a S. Philippo nuncupatam. Insula vero habitata ea est usque ad decurrentis sæculi principium.

Macloviopoli solvit Cartier 19. Maji, inventis additurus. Decima Augusti in pelagus anno præcedente recognitum cum venisset, a S. Laurentio nominavit: quod nomen & in flumen, cujus recipit aquas, derivatum est. *Canadá*, quo prius vocabatur, toti regioni impositum fuit ab Indis. Contra fluminis ostium longe se porrigit insula *Natiscotec*, quam voluit Cartier ab Assumptione nominari: quo die venerat in conspectum. Frequentius audit *Anticosti*, quod ab Anglis factum nomen sonat. Post hæc adverso flumine superatis 90. leucis venit in Saguenaim multa aquarum vi a septentrione defluentem: quo transmissa pari leucarum spatio tenuit Hoche-lagam Indorum pagum ad radicem montis situm in insula, cui a Monte regali factum est nomen. Non aliud est flumen quod ita longo spatio tam late fluat, quodque magnarum navium ita sit patiens, quemadmodum id a S. Laurentio est. Quebecum, hoc est, ad viginti supra centum a mari leucas tormentis sexaginta bellicis obarmatæ naves ascendunt. Inde vero ad sexaginta leucas ubi Montem-regalem interluit, navigabilem magnis cymbis præbet fundum. \* Per longius certe spatium navigari se finit navigiis magnisque cymbis Paraguais, cujus periculum factum est anno 1753. ad Jaurum usque, quod sub gradu 16. m. 25. lat. austr., ac sub gr. 320. & m. 10. Long. ab Insula Ferrea in Paraguaïm devolvitur, subducta molis non contemnendæ cymba, & tentato bolidis, jactu fundo. Et sub initium expeditionum ad Novum orbem magnis navibus ventum est ad Candelariæ portum, qui latet inter Jaurum & urbem Assumptionis. \*

1536. ----- 1537.

Chile. Long. 300. Lat. mer. 35.

Nova-Granata. Long. 300. Lat. bor. 5.

Paraquaria. Long. 320. Lat. mer. 25.

In Chilem venit primus Didacus de Almagro, unus de Peruvii expugnatoribus.

In

In Popayanum penetrat Sebastianus de Belalcazar. Est autem Popayan urbs & provincia in Nova Granata, seu Novo Regno. Per idem tempore reperit fontem magni fluminis, quod a Magdalena vocant, cujus cursum totum investigavit deinceps, Fernandez de Lugo Canariensis ductor classis. Sebastiani expeditio, & Ferdinandi anno sequente 1537. perfectæ sunt. Præverat tamen quadantenus Nicolaus Federman, seu Uredeman Germanus, qui anno superiore per Corianam seu Cori provinciam, quæ Veneti olæ pars est, viam sibi aperuerat.

Pergit Joannes de Ayola Paraquariam & ejus fines explorare.

1539.

Cibola. Long. 266. Lat. bor. 35.

Florida. Long. 290. Lat. bor. 30.

California. Long. 240. Lat. bor. 40.

Marcus a Nizza Franciscanus ex Hispania, Culucano profectus venit in Cibolæ regnum. Pauci quidem habita est religiosi viri narratio, præbuit tamen occasionem novis expeditionibus.

In altum vela facit ex Habana Ferdinandus de Soto 12. Maji, ut Floridam indagaret & acquireret. Indagavit, sed tertio post ceptam expeditionem anno vivere desinens, nec ubi pedem poneret acquisivit.

In Hispaniam revertitur Cortesius commissa prius Francisco Tello lustrandæ Californiæ provincia. Is vero totam fere occidentalem oram oblineavit, regionibus aliis per viciniam peragrat.

1540.

Amazonides. Long. 320. Lat. mer. 1.

Quivira. Long. 245. Lat. bor. 40.

Gonzalus Pizarro Quitoensis provinciæ, quæ Peruvii terminus est ad septentrionem, Gubernator ad ignotos Quixorum tractus intravit; idemque deinde penetrat in provinciam a Canela dictam.

Franciscus Orellana Pizarri locum tenens perquirendo com meatui missus, casu venit in flumen, per quod abjecta de com meatu cura descendit usque ad mare; illudque de nomine suo vocavit quod modo Amazonidum, & Maragnon dicitur.

Auspiciis D. Antonii Mendozæ Novæ Hispaniæ proregis in Californiam missus Franciscus Vazquez Cornero aut Cornedo, Cibolæ & Quiviræ regna perscrutatur.

1541.

Chile. Long. 300. Lat. 35.

Canadá. Long. 300. Lat. 50.

Camboia. Long. 135. Lat. bor. 10.

Liampoi portæ. Long. 143. 23. Lat. bor.

Philippinæ. Long. 150. Lat. bor. 13.

Petrus de Valdivia in Chilensis regni indaginem intentus quædam ibi oppida excitat.

Joannes Franciscus de la Roque Robervallis dominus, nobili stirpe Picardus sedem constituit in insula Regali, vulgo *Isla Real*, olim *de Cabo Bre-*

*Breton*. Delegavitque Alphonsum quendam ad perscrutandas boreales Canadæ plagas; de successu tamen nihil memoriæ proditum est.

Antonius de Faria & Sousa Lusitanus, Cambodiam, Champæam, Poulo-Condorem, Lequias, Hainaniam, exiguasque alias insulas sibi aperit, nempe Liampoi, \* idest Sinarum Imperii \* portas, ut vocant.

Quod Magallanes incepit, perfecit hoc anno Rodericus Lopez de Villalobos, Hispanus, perlustratis insulis Luzoniis. Cunctas in memoriam Principis tunc, deinde Regis Hispaniæ Philippi Secundi vocat *Philippinas*.

1542.

Japonia. *Long.* 160.: *Lat. bor.* 35.

Sexta Maji Goam attingit S. Franciscus Xaverius, Japoniæ quæ tunc innotescere cœpit, futurus Apostolus. Ejusdem anni spatio patuit in eam aditus unus & alter. Hinc Ferdinandus Mendez Pinto cum Didaco Zeimoto & Christophoro Botello Macao in Tanuximam insulam profectus in Bungi-regnum penetravit; illinc Antonium Mota, Franciscum Zimoto, & Antonium Pexota, Lusitanos pariter atque primi, cum ex Mazacaria solvissent, procellæ vis inscios adegit, ut in Cangoximæ portum in Saxumæ regno se reciperent. Jam appulsus diem aut mensem notavit nemo; ex Pinti tamen itinerario conficitur, Majo vertente in Japoniam cum sociis venisse se. De his insulis mentio est apud Marcum Polum Venetum, quas ipse Zipangoas appellat, seu de Zipangri.

Sedium stabiliendarum res, & novarum regionum notio promoventur in Novo Regno Granatensi per Ferdinandum Perez de Quesada.

Alvar-Nugnius Capivacchius, vulgo *Cabeza-de-Vacca* urbem a Bonis-Auris reædificat. Idemque cum per Paranam & Paraguaim ascenderet, sedes aliquas in cognominibus provinciis constituit. \* Per Paranam quidem minime ascendit Alvarus, at descendit certe. Cum etenim in S. Catharinæ, aut prope, excensionem fecisset, terrestri itinere Paranam contendit, quem ingressus secundis aquis ad Paraguai usque confluvium ferendum se tradidit. \*

Joannes Ruicius Lusitanus, sed auspiciis Caroli V. excursiones promovet per Californiam usque ad Caput quod gradui 44. lat. bor. subjacet, vocavitque Mendocinum a Prorege Mexicano Mendoza.

Venit in Tucuman Didacus de Rojas Hispanus.

1543.

Mississipius. *Long.* 275.: *Lat. bor.* 30.

Ferdinando de Soto ad ostium Rubri fluminis occiso, dejectoque in Mississipium cadavere, Ludovicus Moscoso de Alvarado in mare usque decurrit. Garcia Laso de la Vega in Historia acquisitionis Floridæ hoc flumen nominat *Cucagua*; sed Hispanis, Floridensibus olim dicebatur *Palizada*.

1545.

Potosinus mons. *Long.* 310. *Lat. mer.* 20.

Vena Potosino monti aperitur per Villarroelem quendam, per quem & hoc anno cœpit exerceri.

1546.

1546.

Philippinæ. *Long.* 140. : *Lat. bor.* 10.

Michael Lopez de Lagaspi Cantaber cœpit in populos cogere Philippinarum incolas.

1548.

Sancta Crux. *Long.* 314. *Lat. mer.* 21.

Per Nustum de Chaves Hispanum innotescunt regiones ad occidentem fluminis Argentei & Paraguai, & conditur urbs a S. Cruce de Monte, vulgo *de la Sierra*, quæ postea in locum magis ad boream vergentem translata est. Est autem civitas hæc unius ex quatuor præfecturis, in quas partita est Paraquaria, princeps \* imo & unica \*. Tres reliquarum præfecturarum principes civitates sunt \* Corduba in \* Tucumania, ad meridiem S. Crucis, Assumptio ad orientem, & Bonus-aër ad Assumptionis meridiem.

1549.

Tucumania. *Long.* 313. : *Lat. mer.* 25.

Datur primum opera in Tucumania, & provinciis vicinis constituendis oppidis.

1552.

Nova-Segovia. *Long.* 320. *Lat. bor.* 5.

Joannes de Villegas Hispanus, Venetiolæ præfectus a Velferibus regionem lustrat, \* dictam de Bariquisumeto \*, in qua deinceps erigitur Nova-Segovia.

1553.

Willops, seu Villoughby.

Novum primus tentat ad Sinas iter per arctum mare Hugh Willoughbi Anglus ex ordine equestri; infelici tamen successu, coactus enim in Arzenæ portum in Laponia se recipere frigore periit cum suis. Ex Ephemeride rescitum est, usque ad gradum 72. lat. bor. pervenisse, ibique vidisse terram, quam Geographi quidam oblineatam vulgarunt nunc Willoughby, nunc Villops nominatam. Frustra deinceps quæsitæ est loco ephemeride indigitato, id est ad occidentem Novæ Zemblæ tunc temporis ignotæ.

1554.

Nova Cantabria. *Long.* 265. *Lat. bor.* 25.

Franciscus Ibarra Hispanus inventor est fodinarum S. Barbaræ, & S. Joannis in Nova Cantabria: & coloniarum in Tapia & Cinaloa regionibus, quæ sicut & Nova Cantabria, pars sunt Novæ Gallæciæ, institutor.

1555.

Galli in Brasilia.

Melitenfis Eques Nicolaus Durandus e Villegagnone natione Gallus solvit 14. Maji è Franciscopoli in Brasiliam novis colonis positurus oppidum; & vero posuit. Decima Novembris Januarii flumen (indigenis Gabanara) ingressus Coloniz fundamenta jecit ex solis Hugonotis conflandam; brevi tamen disparuit loci & religionis communionem repudiantem conditore.

D

1556.

1556.

Nova-Zembla. *Long. 75. Lat. bor. 73.*

Stephanus Barroug Anglus, dum si quod in arctico pelago pervium esse possit ad Sinas iter inquirat, fretum invenit Waeigatz, quod Novam Zemblam, inter & Samogetarum regionem coangustatur. Credidit esse mare apertum sinum qui ad freti orientem duntaxat apertus est, sed tentaminibus denuo susceptis patuit error.

1562.

Florida Gallorum. *Long. 295. Lat. bor. 35.*

Joannes de Ribaud natione Gallus, Altipræfedi Colinii iussu, proficiscitur Deppa coloniam deducturus in Floridam. Constitit sub gradu 30. lat. bor. non longe a promontorio, quod Francicum vocavit, vulgo *Cabo-Frances*, eodem scilicet loci quo Verazianus in secunda navigatione anchoram exscensurus jecerat. Prima deinde Maji flumen ingressus est, quod & Majum nuncupavit. Panditque ibi, fixitque lilia Galliæ insignia. Oram lustrare pergit per 60. leucas ad septentrionem. Obviis fluminibus gallicorum nomina fecit communia, postremo a Portu-Regali nominato. Ibi excitavit arcem *Carles-fort*, cui deinceps subiecta est civitas *Carles-town*.

1563.

Nova-Barcino. *Long. 310. Lat. bor. 7.*

Conditur per Petrum de Centellas in Nova Vandalitia Nova Barcino, ex qua tamen vix nomen reliquum est, & *raris habitata mapalia testis*. Coleti. V. *Barcelona*. \*

1565.

Cebu. *Long. 150.: Lat. bor. 3.*

Michael Lopez de Lagaspi in Cebu Philippinarum insularum prima per Magallanem patefacta urbem cognominem statuit.

1567.

Insulæ Salomoniz. *Long. 250.: Lat. mer. 10.*

Alvarus de Mendagna Peruviani gubernatoris Lic. Castro consobrinus, solvit Callas 10. Januarii primo navis gubernatore Ferdinando Gallego, emensisque ad occidentem octigentis supra mille leucis, in conspectum venit insulæ sub 7. gr. 30. m. lat. bor., constititque in portu quem S. *Isabelle de Stella* nominavit, diuque ibi moratus vicinas lustratum insulas certos ablegavit. Quædam magnitudinis inter reliquas eximie visa est, ora tantum boreali recognita. Quam primo iavenerat, ut portum, a S. *Isabella* nominavit; eandemque in leucas quinque supra nonaginta porrigi arbitratus est. Alteram vocavit Guadalcanariam; omnesque universim *Salomonis Insulas*. De quibus videbis Historiam Marchionis de Castete Peruviani Proregis.

1571.

Manila. *Long. 151. lat. bor. 14.*

Condita Manilæ urbis in insula Luzonis primus hic annus ponitur. Estque in præsentia Philippinarum caput.

1573.

\* 1573.

Corduba in Tucumania. *Long.* 313. *Lat. merid.* 33.

D. Hieronymus Ludovicus de Cabrera Cordubæ in Hispania natus condendæ in Tucumania Novæ Cordubæ spatium designat, erecto in area media, quod Hispani vocant *Roglio*, iustitiæ exercendæ monumento. \*

1574.

Insulæ Fernandinz. *Long.* 290. *Lat. merid.* 34.

Innotescunt hoc anno Joanni Fernandez insulæ, quas de suo nomine vocat, in mari Pacifico. Dux duntaxat connumerantur; sunt tamen qui totidem alias adiungunt arctico polo propinquiores, a S. Felice, & S. Ambrosio nominatas, quæque interdum etiam Insulæ Joannis Fernandez appellantur. Quas primò posuimus, sitæ sunt contra Chilem ad occidentem: ibique dicitur ea quæ longinquior est *Isla de afuera*, proximior verò *Isla de tierra*, ambæ *Desventuradas*. Solas has videtur novisse Laëtius.

1576.

Frobisheri fretum. *Long.* 340. *Lat. bor.* 65.

Eques Martinus Frobisher fretum invenit inter Groënlandiæ borealem non nisi australem \* partem, & magnam quandam insulam ad meridiem: atque ab ejus cognomine appellatur hætenus. \* Post hæc de Frobishero habet Auther Fastrorum Gallus: *Il en rapporta en Angleterre de la Mine*. Quo quid sibi velit nescio. Quid est quod Frobisher in Angliam retulit? An de fodinis repertis notitiam? An possessionis terrarum aditæ specimen & pignus. Ex Thoma Lediard Anglo (a) ajunt Trevultiāni (b): *C'est ce que les Anglois appellent prendre possession, se faire apporter une motte de terre, & une branche d'arbre*. \*

1577.

Freto sui nominis præternavigato plura in altera expeditione reperit loca Frobisher, omniaque quam ab ipso acceperunt in chartis obtinent appellationem.

1578.

Frifia occidentalis. Fridslandia.

Tertium iter aggreditur Frobisher, profectusque ex Anglia est ultima Maji luce quindecim navibus stipatus. Et a principio quidem, 20. nimirum Junii insequentis recognitam occidui Frifiæ terram pro Isabella Regina possessionis nomine occupavit, appellavitque Angliam occidentalem. Omnibus autem persuadere voluit, quam ipse recognoverat, eandem esse, quæ primo cognita fuerat ab Antonio & Nicolao Zeni germanis fratribus Venetis, quæque ab iisdem Fridslandia dicta est.

1579.

Nova Albionia. Fretum Aniani.

Franciscus Drak invenisse dicitur hoc anno Novam Albioniam, qua respicit septentrionem California. Contendunt Angli ab ea & Jessei freti littore eandem continentem confieri; at plerisque omnibus tota Nova

va

(a) Lediard. *Hist. Nav. de Ing'las*.(b) *Mem. de Trev.* 1752. art. 29.



va Albionia commentitia est. Affirmavit itidem Drak, inventum a se Aniani fretum eodem hoc anno, perque hujus alveum ad viginti leucas subiisse se. Situs, uti & ipsum fretum sub opinionibus est adhuc, si tamen revera illud sit, verosimile est ad orientem Jessi, nec longe ab ea regione excurrere.

1580.

Tentatum ad Sinas iter.

Arturus Patt, & Carolus Jackman Anglia a Regina sua expediti sunt, ut quem viginti ante annis Stephanus Borroug inceperat, cursum proveherent. Itaque Waeigatzensi freto transmissio, in mare ad illius orientem ingressi sunt, ita frigore adstrictum & impervium, ut cursum reflectere compulsi sint. Huic malo fœda accessit procella, qua in varia sic disjecti sunt, ut quis fuerit exitus, quisve successus Patti prorsus ignoretur.

1582.

Novum Mexicum. *Long.* 255. *Lat. bor.* 40.

Annis superioribus 1580. & 1581. novas regiones perlustraverat in Nova Hispania Fr. Augustinus Ruiz Minorita Hispanus. Pergit ultra Antonius Espejo Hispanus item, repertisque quindecim totas adjungit provincias quas Novum Mexicum appellavit.

1583.

Terra Nova. *Long.* 325. *Lat. bor.* 48.

Florida. *Long.* 290. *Lat. bor.* 30.

Connitente Walsingamo Isabellæ Anglorum Reginæ a secretis, proficiscitur in Terram Novam Gilbertus Humphrey, eaque sub dominio britanno posita, piscatorium opus instaurat, quod utilius Anglis quam si insula tota constaret aurifodinis. Quod de cætero nullo hominum damno fit; imo nullum est eo promovendæ rei nauticæ accommodatius.

Richardus Grainville Reginæ ejusdem auspiciis novam coloniam brevi duraturam deducit in Floridam paulo infra situm S. Joannis de Pinos.

1584. 1585.

Virginia. *Long.* 290. *Lat. bor.* 35.

Philippus Amidas & Arturus Barlow Angli ab Equite Gualtero Raleigh missi vertente Martio profecti sunt anno 1584., atque in Roënoques insulam descendunt. In Angliam vero reversi tanta de illa regione prædicatio ab ipsis facta est, ut a Regina appellata sit Virginia: quo videlicet cœlibatus sui memoriam perennaret. Insequenti anno oppidum in ea insula ædificatum est, quod non diu stetit, neque enim pramaturis laudationibus respondit regio. Ne Virginie quidem retinuit nomen, re enim vera Roënoque insula ad occidentalis Carolinæ præfecturam expectat.

Per idem tempus anno scilicet 1585. Joannes Davids Anglus a Regina jussus est cœpta Frobisheri nova indagine prosequi: id quod cum hoc tum posterioribus annis executus est.

1586.

Promontorium Desolationis.

Multis denno recognitis in eo quod tunc Stotilandix mare dicebatur, ad

ad promontorium progressus est, quod multis ibi procellis ac periculis perfunctus nominavit *Cabo de Desolacion*.

1587.

Davidsii fretum. *Long.* 325. *Lat. bor.* 70.

Venit Davidsius in angustias freti cognominis. Vid. ann. 1590.

1589.

Magallanis fretum. *Long.* 300. *Lat. mer.* 53.

Petrus de Sarmiento Hispanus a Peruviae Prorege D. Francisco Toletto contra Franciscum Drak mari illi infestum expeditus, oras speculatur a 49. gradu lat. austr. ad fretum magallanicum quod prætervectus est, easque ditioni castellanæ consignat.

1590.

Plerique omnes ex Anglis quidem scriptoribus ad hunc annum referunt primum Davidsii transitum per fretum sui nominis. Situm id est inter Groëlandiam, & insulam quæ ab ipso vocata est Cumberlandia.

1591.

Hudsonis sinus. *Long.* 310. *Lat. bor.* 60.

Federicus Anschildus Danus hiemasse dicitur hoc anno in Hudsonis sinu; atque quæstuosissimo usus commercio, pellibus commutatis, multis auctus divitiis rediisse in patriam, nulla sede constituta.

1593.

Terræ Australes.

Eques Anglus Richardus Haukins, cum mundum, quantus is est, circumire decrevisset, inter occidentem & meridiem Magallanici freti sub gradu 48. lat. merid. vidit novæ terræ spatium, idque contra promontorium a Bona spe longe protensum ultra Maireum fretum etiam procurabat. Animadvertit præterea, regiones quas ad austrum aspicit Magallanicum fretum insularum complexionem esse totas.

1594.

Fretum Nassavii.

Comes Mauricius de Nassau tentandi per septentrionem ad Sinas iter ab Anglis rejectum, ipse denuo suscipit consilium, destinatis navigiis tribus, designatoque horum præfeco Cornelisio Cornelisznay, qui de tribus sibi elegit vectando nominatum *el Cisnede Veere* in Zelandia; *Mercurio de Enchusa* secunæ navi præficitur Brant-Isbranz, seu Tergalesius; Tertiæ *Amstelodamensis Scaphæ* nomine Guillelmus Barenzsius de Terichellings Amstelodami natus. Joannes Huighen de Linscooten, cui in Mercurio rerum peculiaris ex officio cura commissa erat, vulgato nomine *Commissionado* appellatus, scriptam reliquit navigationis ephemeridem. Quinta Julii Texelio solvunt, & 24. ejusdem Kyldoiniam insulam sub gradu 69. m. 40. recognoscunt, ibique consistunt: ac designato portu hoc, ut omnes in recitu convenirent, dividuntur. Amstelodamensis Scapha proram dirigit in Novam Zemblam, jam antehac cognitam, cujus inventionem quidam falso adscribunt Barenzio Scaphæ Gubernatori. Duæ reliquæ naves terram 21. Julii longe prospiciunt, esse terram vel insulam Vaegatzii supputantes; & aperturam quam illius nominis fretum esse credunt: quod ingres-

ingressi Nassavi fretum vocavere. Tristitia hic a gelu subiere pericula. Hinc in mare Tartaricum egressi sunt, quod adeo illis tranquillum sese exhibuit, ut minime dubitaverint de felici appulsu in Sinas & Japones. Obiis fluminis ostium prætergressi retrocedunt, renavigatoque Nassavii freto, anchoras jaciunt 16. Augusti ad septentrionem insulæ quam a Mauricio appellavere. Dum ibi demorantur Barensius advenit a gradu 78. descendens, ac tota ferè Novæ Zemblæ orâ lustrata. Ultra pergere animus erat, at concreta hieme prohibitus meridiem nunc versus iter facilius perquirebat. Cui Cornelisius existimare se dixit inventum jam id a se esse per Nassavi scilicet fretum. Ad septentrionalem Mauricii plagam alia assurgit insula, quam *Arauscanam*, sive *de Orange* nuncuparunt: ambæque respondent 69. gradui, ac 30. minuto. Ea verò terra, quæ trans maris hujusce spatium posita est, quæque adeo est orienti propinquior, vocata ab ipsis est Nova Frisia occidentalis. Novum pariter sortita est nomen Waeigatzii insula, quam ab Enchusa appellarunt. Tota denique illa terræ plaga, quam ad orientem habet Nassavii fretum ad usque Obium flumen, *Nova-Hollandia* ab eisdem dicta est. Decima-quinata Septembris reduces ingrediuntur Texelium.

1595.

Marchionissæ de Mendoza. Long. 240. Latitud. merid. 10.

Aprilis undecima Alvarus de Mendoza quatuor navium adornata classe Callao proficiscitur in Salomonis insulas, Petro Fernandez de Quiros primo naviculatore; navigatisque ad occidentem centum supra mille leucis ad 10. lat. gr. insulas quasdam, exiguas illas quidem conspiciantur, & appellant. Inceptum iter persecuti alias parum item se attollentes insulas inveniunt; at 7. Septembris magna quadam se illis offert, quam dixerunt *Gratiosam*. Tercentum leucis visa est circumscribi posse. Novis aliis in hujus vicinia conspectis a *S. Cruce* fecere nomen.

Contigit hoc anno Gualteri Raileg in Guyanam iter & inventa.

Tres Hollandi, quorum anno superiore memini, Texelio rursus discedunt quatuor aucti navibus Sinas iterum cogitantes; sed mare gelu concretum spem abjicere, & in Hollandiam retrocedere coëgit.

1596.

Spitzbergium. Long. 33.: Lat. bor. 79.

Guilielmus Barensius experturus quid tandem per se posset, sinense iter denuo aggreditur, per mare videlicet quod ad Novæ Zemblæ septentrionem jacet. Sed successu infelici, novo namque Spitzbergio patefacto, quod Angli Groënlandiæ partem dicunt esse, ipse verò insulam existimavit, luctantem cum gelu perdidit tandem navem, hiemavitque in Nova Zembla. Voluit Colæ in Laponia amissa reparare, sed fato in itinere concessit. Persuaserat vero sibi, nec eam persuasionem jam moriturus ablegavit, fore scilicet ad viginti leucas e regione Novæ Zemblæ ad septentrionem iter ad Sinas a gelu expeditum. Re quidem vera, si fides narrationi fractæ cujusdam navis hollandicæ anno 1653. ad insulam Quelpaertensem, haud ex vano est Barenzii conjectura. Nempe visa in Coreæ maris cete eorum dorso affixis telis vasconicis, quibus ad piscandum utuntur Groën-

Groënlandi. \* Ex quo visa sint prope Coream cete a Groënlandis harpagata, non devenit verosimilior Barenzii conjectura de via gelu non impedita, cum cete possint transvadare sub gelu semitis sibi ac suo generi notis. \*.

1598.

Insulæ Sebaldi Wert. Long. 320. Lat. merid. 50.

Jacobus Mahu, Simon de Corde, Sebaldus de Wert, alique Hollandi Magallanis fretum præternavigare conati repulsi sunt, intercluso illis aditu in Mare Pacificum. Una duntaxat navis gubernatorem Guilielmum Adams sortita freto evasit, ut ad Japoniæ tandem littora frangeretur. Sebaldus Wert eodem freto pulsus obvias habuit 20. Februarii tres insulas, quæ nomen inventoris servant hætenus, cum se putaret esse sub grad. 50. m. 50. lat. merid. Sunt qui hujusmodi inventum differant ad annum 1600.

Arenaria. Long. 315.: Lat. bor. 43.

Marchio de Roche Britannus annuente Galliarum Rege Henrico IV. maritimas Cartieri expeditiones prosequitur: insulam *du Sable* seu Arenariam reperit, & Acadiciæ partem. Apud Arenariam dicitur tres anno 1581. fregisse naves Gilbertus Humphrey, quem supra memoravimus.

1599.

Novum Mexicium. Long. 260.: Lat. bor. 40.

Joannes de Ognate nova multa acquirit in Novo Mexico. Eundem habet conditorem oppidum a S. Joanne, & plures fodinæ repertorem.

1602.

Societas Hollandica.

Acadia. Long. 315.: Lat. bor. 45.

Generales, ut Hollandi vocat, Status disparatos mercatorum greges sociali fœdere conjungunt, unaque celebrem ab Indiis orientalibus nuncupatam Societatem instituunt.

Petrus de Guast, D. Monts, & Samuel de Champlain Galli totam Acadiam tandem patefaciunt, quæ videlicet manifestari cœperat per marchionem de la Roche. Patuit illis præterea ora meridionalis Canadæ, quam inter & Acadiam jacet Sinus Gallicus. Ab iisdem in insula S. Crucis ædificatus est quidam pagus, & Champlainus per hiemem excursionem promovit ultra Pentagoëtum.

1605.

Bostonia. Long. 305. Lat. bor. 43.

Iidem explorant Kinibequium seu Canibequium, Canibarum flumen, & gentem Abenauisam, Malebarense promontorium, quod prominet e regione promontorii quod vocant Galli *Cabo Blanco*, & Angli *Cabo Cood*. Non longe ab hoc ædificata deinceps est Bostonia, seu ut Galli pronunciant *Baffen*, quæ Novæ Angliæ in præsentia est urbs princeps. Champlainus crucem in Malebarensi promontorio erexit, terramque sui Regis nomine occupat.

1607.

1607.

Virginia. *Long.* 295. : *Latit. bor.* 37.

Joannes Smitz Anglus Chesapeak sinum & Povvatanum quod in eum se se egerit flumen ingreditur. Ad hujus ripam extruxit arcem, idque habuit initium *Jamestown* urbs princeps Virginiae; Jacobus I. regnabat tunc in Anglia, in cuius honorem & flumini *James* nomen impositum est.

Ex Amboino Moluccarum pelluntur hoc anno Lusitani a Batavis, qui primam eo Indiarum coloniam deducunt.

1608.

Quirosii Terra. *Long.* 233. *Lat. merid.* 19.

Petrus Fernandez de Quiros Hispanus centurio Portu Limano discedit 21. Decembris 1605. australes terras duabus navibus lustraturus. Et proram quidem direxit inter occidentem & austrum per quartam ad occidentem. Cum mille leucas a Peruvio distantem se existimat, prospicit 26. Jan. 1606. exiguae molis insulam, quam videlicet quatuor horarum spatio obire quis posset; per quadringentas vero leucas, quas subinde navigavit, plures terras, insulasque circumspexit, disjunctas tamen. Temerè itaque a quibusdam geographis in ea poli altitudine orae perpetuae ad 800. leucas describuntur. Sub hac proram detorquet Quiros ad occidentem, & 25. Aprilis magnam continentem invenit, quam *Terram australem Spiritus Sancti* appellavit. Constitit in multis ejus portubus, nomine singulis donato. Atque ea sane est, quae Terra de *Quir* & de *Quiros* passim appellatur. Pronum est animadvertere, hujusmodi terras ad meridiem orientalis capitis Novae Guineae esse positas, earundemque esse partem littora orientalia Carpentariae.

1608.

Quebecum. *Long.* 307. : *Lat. bor.* 46.

Quebeci primariae Novae Franciae urbis Samuel de Champlain fundamenta jecit 3. Julii ad oram septentrionalem fluminis S. Laurentii viginti supra centum leucis a mari, rivum inter a S. Carolo, & promontorium quod dicitur ab Adamantibus, quia reperti ibi sunt illis similes, quos Alenconium profert. Situm appellabant Indi *Quebejo* seu *Quelibee* lingua algonquina & abenaquia, quod Hispanis sonat *angostura*, angustatur enim ibi flumen usque adeo ut mille passibus trajiciatur, cum sub insulam Aurelianensem, quae secundo flumine unius diei iter ab eo tractu distat, quatuor aut quinque leucarum alveum impleat.

1609.

Nova Yorkia, *Long.* 290. *Latitud. bor.* 40.

Henricus Hudson Anglus, dum Virginiam & Novam Angliam radit, viginti leucarum errorem in calculo emendat, totidem enim leucas contra ac erat positum occidenti proximius promontorium Cood situm esse animadvertit. Amplius dein se illi aperit sinus, in quem copiosum flumen ingreditur, quod a nomine accolarum vocavit Manhate. Porro Hudsonius fervebat Batavis, iique propterea per aliquod temporis spatium in eo tractu dominati sunt, eundemque dixerunt Neo-Belgium. Manhate quoque civitas, ac arausicanum praesidium à Batavis condita fuerunt, nec longe quidem

quidem à flumine. Nunc autem tota illa regio *Nova Yorkia* dicitur, ejusque imperium obtinent Angli, qui Novam etiam Yorkiam, Eboracumve appellant Manhate urbem.

Ajunt certam navem Acapulco Mexici ad occidentem portu profectam anno 1609., instituto cursu per vim tempestatis abjecto, duobus post mensibus Dublinum in Hiberniam pervenisse, indeque cum se in Ulyssiponensi portu recepisset, in ignem jussu Regis Hispaniæ projecta fuisse cuncta naviculorum commentaria, nempe ut lateret exteros erroris ac cursus illius via, quæ quidem facta ponitur per septentrionales Canadæ fluctus.

Hudsonis sinus. *Long. 320. Lat. bor. 60.*

Eodem anno Hudsonius atque Guilielmus Baffings Anglus item, relicta pone Canada, longissimè progressi sunt adversus eam cæli plagam, quæ septentrioni ac occidenti ex æquo respondet. Contendunt planè Angli, per eos tractus se illis anno insequenti manifestasse regiones dictas de eorum nomine; id vero est in comperto, nullam per eos ibi sedem constitutam esse. Certum insuper est, Nelsonem navis qua Hudson vehabatur, gubernatorem non cepisse tunc possessionem recessus, quem modo Nelsonis Portum vocant, qui ad occidentalem oram sinus curvo jacet anfractu.

1611.

Iroquii. *Long. 290. : Lat. bor. 43.*

Lacus Camplani. *Long. 295. : lat. bor. 45.*

Flumen Boreale, in Novo Mexico.

Sinus Buttonis. *Long. 280. : Lat. bor. 57.*

Viam sibi ad regionem Iroquiorum aperit Camplanus: ac de via lacum, in quem offendit, de suo vocat cognomine.

Septentrionis flumen, quod aliqui appellant *Coloratum*, & Conibarum lacum ad boream Novi Mexici explorat Joannes de Oñate.

Thomas Buttonus Anglus ad Canadæ boream amplam detegit regionem, quam vocat *New-Wales*, hoc est *Nova Galleſia*. Totum dein sui nominis sinum lustravit, insulam pariter Diggsensem, cum regione alia vastissima quam *Carys Suvans Nest* nuncupavit.

1612.

Jacobus Hall Anglus Cockinenſe fretum invenit ad 65. gradum lat. quæ septentrionem Canada respicit.

1613.

Ad boream Groelandiæ certi Angli insulam primi prospiciunt, quam appellant à Spe. Est quidem qui existimet, sine teste tamen, primo fuisse cognitam a Willoughby anno 1553.

1615.

Canadensēs Hurones invisit Camplanus, totamque hyemem in percurrenda eorum regione insumit.

Batavi Manhate ripas populis frequentare incipiunt: toto eo tractu *Novo Belgio* denominato.

Guilielmus Schouten, & Jacobus le Maire Batavi Texelio solvunt 14. Junii de novo itinere ad mare Pacificum solliciti, ac 3. Novembris insulam

E

lam

iam ab Ascensione conspicantur. Hæc autem uti in Ephemeride adnotat Schouten ex Martini Vaz insulis una est: quæ quidem à quo, quove anno inventæ sint, ignotum mihi est. \* Quo ad inventorem attinet, ad magnum est Martinus Vaz seu Vaëz Lusitanus. De quo non dubitat Coleti in Dictionario. V. *Vas*. \*.

Maireum fretum. *Long.* 310. : *Lat. m.* 54.

Schouten & Le-Maire veniunt 25. Jan. in conspectum freti cujusdam ad meridiem Magallanici. Novi freti lateribus nova dant nomina; atque finistrum quidem quod medium inter orientem & austrum promicat *Statuum Terram*, dextrum vero quod ad occidentem vergit, vocant *Terram Mauricii de Nassau*. Penitus eodem die fretum introgressi, plures sed exiguas adspiciunt insulas quarto post die, quas à Barneveldo nominant honorandi causa Joannem Van Orden Barneveld Consiliarium Pensionarium Hollandiæ ac Frisiæ occidentalis. Die 29. visum primò promontorium, quod de patriæ suæ nomine ab Horno vocat Schouten. Fretum verò prætergressi sunt Febr. 12., idque *Maireum* appellatum, quod nempe Isaacus Le-Maire Jacobi pater majorem aliis omnibus contulerat symbolam ad eam classẽ adornandam. Denique dum iter in Europam remetiuntur per Moluccas, novas inveniunt insulas incolis non infrequentes, in his borealem totam Novæ Guineæ oram. In Hollandiam orbe circumdato appulsi, in rationario dierum & quidem ritè deducto animadvertunt unius diei discrepantiam à vulgari, erat enim dies Martis qui Lunæ putabatur.

Eodem hoc anno Thomas Edger Anglus ad Groënlandiæ septentrionem adspicit insulam, quam de suo nomine vocat.

1617.

Ad eandem Groënlandiæ plagam Anglus quidam nobilis nomine Wichesteriam insulam videt & cognominem facit.

1618.

Fons Nili. Nova Hollandia.

Petro Paëz, seu Paëz Jesuitæ Lusitano Goiani regnum adeunti in Abissinorum Imperatoris comitatu, innotescit primum fons Nili.

Ad eundem hunc annum refertur Novæ Hollandiæ juxta australes terras prima cognitio. Dubitatur vero an omnino disjunctæ, an perpetuum cum Nova Hollandia tractum conficiant: quod etiam de terris Janzii, Tasmani, Adamantis, Novæ Zelandiæ, Carpentariæ, & Novæ Guineæ dubium est. Ut ut tandem hæc sint, prima quæ in Nova Hollandia terra visa est, à *Concordia* nomen habet.

1619.

Nova Dania. Mare Christianum.

Joannes Munk Danus, dum toties tentatum iter ad Sinas inter septentrionalem ex æquo & occidentalem plagam supra Canadam experitur, institutum a Frobishero cursum prosecutus ad 64. gradum ascendit: nec ultra datum ei progredi à gelu. Hiemavit in sinu, in quem flumen influit quod de suo nomine vocat; mare verò *Christianum*, & *Novam Dania* regionem inventam.

Edelfii

Edelfii terra patescit hoc anno in Nova Hollandia; Edelfii autem nomen repertoris esse videtur.

1620.

Yesso. *Long.* 160. : *Lat. bor.* 46.

Hieronimus de Angelis Siculus è Soc. Jesu in Yessi regionem Europæorum primus penetrat. Mari vectus descendit in urbem Matsumai: creditque tunc terram esse continentem.

Condunt Hollandi in Java Bataviam, loco & situ antiquæ Jacatræ dirutæ.

Condita item hoc anno est per quosdam Anglos, qui vertente Septembri Plimuto solverant, nova in Nova Anglia Plimuti urbs.

1621.

Rediens de Angelis Matsumaiam eam credit insularem; non tamen id affirmare ausus est. In eadem sententia videntur esse Japonæ.

1622.

Bassingsii sinus. *Long.* 290. : *Lat. bor.* 75.

Levini terra. *Long.* 150. : *Lat. bor.* 30.

Guilielmus Bassings, ut omnibus ferè placet, novum hoc anno nullatenus vero 1617., ut quidam opinati sunt, ingressus est sinum, quem a se vocat: jacetque is ad boream \* potius ad occidentem \* freti Davidssii.

Patefacta etiam hoc anno est in Nova Hollandia Lewinsii terra.

1624.

Gangis fons. Thibetum.

Antonius Andrada Jesuita Lusitanus Gangis originem primò invenit, deinde Thibetum. Marcus Polus Venetus duplex Thibetum memorat, alterum alteri conterminum, situs tamen ignorabatur. In Thibetum magnum Andrada venit.

1625.

Caienna. *Long.* 320. : *Lat. bor.* 3.

A S. Christophoro. I. *Long.* 311. : *Lat. bor.* 18.

In Cajennam Insulam coloniam Galli deducunt. Sæpe cedere solo coacti sunt a Batavis usque ad annum 1677. quo eam Etreensis Comes non unquam deferendam recepit, accessione continentis Guyanæ propriæ augmentam.

Eodem anno, eodemque die Galli hinc, illinc Angli in insulam applicant a S. Christophoro. Et hi quidem atque illi pariter extructis domibus ibi commorari decreverunt: quod utrisque invicem nescientibus factum est. Pulsi non ita post ab Hispanis res suas instaurant, & Hispanos in suam vicem repellunt. Per idem tempus Galli sedes in S. Eustachii, & in vicinia constituunt.

1627.

Nuitsii Terra. *Long.* 160. : *Lat. mer.* 30.

Novam Hollandiam inter & Novam Guineam Petrus de Nuits Hollandus Terram ejus nomen retinentem reperit. Omnes hæ regiones parum notæ sunt.



1631.

-- Borealis Canadæ plaga. --

James naviculator Anglus multa patefacit ad septentrionem Hudsonis sinus, totumque terrarum spatium quod ad sinus ostium protenditur *New-Soutf-Walles* nuncupavit. Recognoscit deinde *Enricheta-Mariæ* promontorium, ac insulas pariter *Westonis*, *Comitis de Bristol*, atque *Carletoniam*. Postrema hæc ad duos supra 50. gr. lat. sept. sita est.

1633.

Marilandia. Long. 290. Lat. bor. 39.]

Cæcilius Calvert Anglus catholicus Lord, ut vocant, Baltemore, obtento a Carolo I. Magnæ Britanniæ dominio in vastam regionem, quæ inter Virginiam & Carolinam ad septentrionem Chesapeakensis sinus procurrit, huc misit filium, qui novæ hoc anno coloniæ initium posuit. Tota regio appellata est Marilandia, nempe a Maria de Francia Angliæ regina.

1637. ---- 1639.

Amazonidum flumen.

Duo Franciscani Dominicus de Brito & Andreas Toletus Quito profecti secundo qui non longe discurrit amne, in flumen Amazonidum delapsi feruntur in mare. Hujus itineris quacumque tandem narratione accepta, Petrus de Texeira 25. Decembris ejusdem anni e Para Brasiliæ provincia solvit, subit adverso flumine, loca studiosius explorat. Tanti fluminis cursum certius perscrutandi gratia, operam dat Gubernator Quitensis, ut redeunti Texeiræ socii adjungantur Christophorus de Acugna, & Andreas de Artieda, Jesuitæ ambo, qui ad Regem Catholicum, ut observata referant, ablegantur. Itinerarium ab Acugna descriptum gallice vertit D. Gombervillæus unus de quadraginta Gallicanæ Academiæ viris. Dixi vero jam, haud habendam Acugnæ fidem cum delineat flumen seu potius fluminis brachium nomine *Maragnon*, quod scilicet a flumine Magno exundans in sinum Maragnonium se tandem egerat.

Ad hæc nostra tempora creditum est, magnum hoc flumen oriri non longe a Quito, habito scilicet pro fonte rivo quodam in Amazonicum defluente. Enimvero P. Samuel Fritz Germanus S. J. eum in Peruvio invenit in Laureo lacu, vulgo *Lauri-cocha* Guanuco proximo sub 11. gr. lat. austr. \* Alii sub 9. vel 8. min. 56. Et Fritzii observationes vulgatæ quidem sunt anno 1707. factæ tamen anno 1689. primo, deinde anno 1691. \* Ex hujus missionarii sententia, qui pulcræ fluminis descriptionem exhibet contractam tom. XII. Litter. piar. atque erud. (Lett. ædif. & cur.) justum ejus nomen Maragnon est. \* jam primas deferri oportet descriptioni geographicæ per Cl. Condamine vulgatæ post observationes ab ipsomet factas anno 1743., & 1744. collatas cum observationibus Joannis Magnin S. J. Maynarum missionarii, & Academici honorarii Parisiensis. \* Ab origine ad septentrionem procedit Amazonidum flumen leucas fere centum, volvitur deinde se orientem versus, ac tandem per quatuor supra octoginta ora, leucam fere horum quodque patens, mari illabitur. Addit Fritzius, potabiles aquas, per triginta leucas intra mare devolvi.

No-

Nova Suecia. *Long.* 100. *Lat. bor.* 40.

Ab hoc anno ducuntur Novæ Sueciæ primordia, & Christinæ urbis inter Virginiam & Novam Jorchiam, quam ab Hollandis occupatam vocabant tunc temporis Novum Belgium. Et quidem Hollandi Suecorum appulsu coloniis expulsi non sunt. Dum hi colendis agris occupantur, illi commercia frequentant, nihil intercessit quod reciprocam animorum concordiam interturbaret. Intercessit autem postea. Sed cessit anno 1655. Joannes Risingius Suecorum Gubernator qualicumque suæ gentis jure translato in Petrum Stuyveland pro Hollandis Gubernatorem.

1642.

-- Terra ab Adamantibus & Tazmanni. --

Madagascaria. *Long.* 75. *Lat. mer.* 15.

Ab Abele Tazmanno Batavo detectæ sunt terræ, de suo nomine dictæ, & ab Adamantibus. Hujus tamen septentrionalis hora visa prius dicitur a Zechaen itidem Hollando.

In Madagascariam veniunt e Gallia coloni, novo *Delphina* nomine insulæ attributo; sed aliquot post annis eam deferunt.

1643.

Brouveri trajectus. *Long.* 314. *Lat. mer.* 57.

Ad orientem freti Mairæi inter terram dictam a Statibus alteramque regionem amplam jacet trajectus quidam a Brouvero inventore appellatus: trajectus, inquam, ignoratur enim num novum fretum sit, an vero tandem in Mairæum fretum occulta adhuc via revolvatur.

-- Terra Societatis. *Long.* 175. *Lat. bor.* 50. --

Eodem anno Hollandicæ Societatis Indicæ navi *Castricoon* dicta pervestigare aggressus est Martinus Hertszoon de Uriez Tessi terram. Itaque circa 45. gr. versus Japoniæ septentrionem navigans duo conspicit terræ spatia quatuordecim leucarum freto disiecta. Fretum dixit Uriez, boreale latus *Terram Societatis*, australe vero *Statuum Insulam*.

1656.

Bourdon Novæ Franciæ incola ad septentrionales regiones a Generali Gubernatore expeditus in Hudsonis sinum ingreditur, quo nemo, quem sciam, prior penetraverat: aditque possessionem pro Gallo Rege.

1660.

Carolina. *Long.* 297. *Lat. bor.* 35.

Georgio Monk Albemarenfi Duci, ac aliis quinque proceribus concedit Carolus II. Angliæ Rex eam Floridæ partem, quæ media est inter Virgineam, & Novam Georgiam hodiernam. Concessam terram partiti vocant Carolinam.

1667.

Zacharias Ghillam Anglus ad altitudinem 75. gr. in Baffingsensi sinu cum ascendisset, descendit postea in intimum Hudsonis recessum. Hic autem flumen ingressus est quod a Ruperto appellavit, decurrens ab ea terræ parte, in cujus tractu Canadâ est. Paucis ante annis tubierant ex Anglis ad lacum usque Nemiscavensem.

1668.

1668.

Dani quidam duabus navibus in Hudsonis sinum ingressi, dum de figenda sede ad septentrionem cogitant, flumen prospiciunt, quod *Danicum* appellant. Anno insequente solum mutarunt.

1671.

P. Carolus Albanel S. J. & D. Dionysius a S. Simone nobili gente Canadensis a Novæ Franciæ Gubernatore ad septentrionales plagas missi ad Hudsonis usque sinum viâ nemini ante notâ penetrant, adita possessione Regis Christianissimi nomine.

1673.

P. Petrus Marquette Gallus S. J. & D. Joliet Canadensis Mississipium explorant. Huc eos perduxit flumen *Ovisconsinig*, quod a Canadâ descendit. Descenderunt autem ipsi ad Akanfas usque.

1674.

-- Guyana. Long. 315.: Lat. bor. 5. --

PP. Grillettus & Bechamel Jesuitæ Galli in Guyanam ad occidentem Caiennæ insulæ, quo nulla Europæorum vestigia ducebant, penetrant loca explorantes.

1675.

Cyprianus Baraza Jesuita Hispanus in Moxorum terras inter 10. & 15. lat. austr. gradum sitas ingreditur e Peruvio: quo præverat ejusdem Societatis frater nomine *Castillo*. Barazæ pro certo affirmatum est, ad Moxorum orientem terras incolere bellicosas mulieres: ipse vero in Bahurum regionem venit, ubi a barbaris occisus est post multa in vastis illis regionibus constituta missionum præsidia.

1676.

Joannes Vood & Guilielmus Flavves Angli, ductor quisque suæ navis, experiri volunt indicatam a Barentzio viam ad Sinas; sed detenti sunt a gelu. Hæc super affirmat Vood in Ephemeride, inter Novam Zemblam & Groënlandiam trajectum esse nullum, nec eas terras duas, sed unam esse continentem. Enimvero si pervium, ait, illac esset iter, fluenta experiremur ubi solum est maris æstus ad octo fere pedes ascendentis ab austrâ quarta ad orientem.

1680.

Robertus Cavelier Sallensis dominus è Rhotómago Decanum Canadensem expedit cum P. Ludovico Henequin Franciscano Belga e Recollectione, ut Mississipium accuratius explorent. Et quidem volebat Sallensis, ut ad fontem usque ascenderent, cursum ab ostio Illinesii amnis repetentes. Conatui eventus non respondit, ad sex enim supra quadraginta gradus cum venissent, obstitit totius fluminis intransmeabilis cataracta, quam vident & retrocedunt, imposito cataractæ nomine *Saltus S. Antonii de Padua*.

Eodem anno ac in sequenti Sharp Hollandus naviculator, cum frustra tentasset transitum ad mare Pacificum per fretum Magallanis, ac Maireum, ac denique per Brouveri trajectum, aditum quærere decrevit per loca austro proximiora, ac illuc prora retorta insulas duntaxat invenit

gle-

glacie constrictas ac nive candidas, ingentemque cete copiam. In certa insula paululum immoratus eam nominat a Duce Eboracensi *Isla del Duque de York*. Hinc 800. leucas ad orientem navigat, totidem subinde ad occidentem, reperitque inter hæc insulam quam Barbadoës. \* Ex titulo vel nota marginali apud authorem, palam fit hoc nomine repertas insulas non unam esse tantum sed plures.

1681.

Pensilvania. *Long. 305. Lat. bor. 43.*

Carolus II. Magnæ Britanniae Rex cum anno 1680. ditionem quandam in Nova Suecia Guilielmo Penn concessisset, novam tremulorum vulgo *Quakers*, qui eum ducem sequebantur, coloniam deducit is: totamque regionem vocat *Pensylvaniam*. Hollandi ac Sueci bene multi, cum illuc advenit Penn, ibi degebant: illi in ora maritima, hi ad Lavarensis seu meridionalis fluminis ripas. Atque hos quidem in quadam epistola laudat quod non simulati, quod industrii, viribusque validi, quodque parce vivere didicerint, nec ut acquirant ultra quod satis est adlaborent. Porro Hollandos non se ei ita probasse ibidem significat.

— Insulæ Marianæ. —

In Guahanensi insula, quæ Marianarum princeps est, primus earum Gubernator D. Antonius de Saravia possessionem cepit pro Rege Catholico. Magallanes eas invenerat anno 1521., vocaveratque primum *Archipelagus S. Lazari*, deinde vero *Insulas latronum*, quod aliqui ex Insulanis, qui ante eum diem ferrum non viderant, pondo aliquot hujusce metalli surripuissent. Enim vero anno 1563. eas possidere cœperat pro Hispano Rege Michael Lopez Legaspi, sed nulla ibi domicilia posuerat, atque per hæc tempora vocabantur *Velorum insulæ*, nomine desumpto a plenis velis, quibus occurrebant indigenæ Hispanis advenientibus instructi commeatu. In has insulas ingressus est anno 1668. P. Didacus-Ludovicus de S. Victores Hispanus S. J. aliique religiosi viri. Tot vero incolas a superstitione ad catholicam fidem duxit P. Didacus, ut anno 1671. in Hispani clientelam eorum optimates se contulerint. Ab ingressu hujus Missionarii nominari cœperunt Insulæ Marianæ, in obsequium scilicet Marianæ Hispaniæ Regiæ. Jam receptis in fidem suam a Rege Catholico Marianis, fidelitatis juramentum 8. Sept. 1681. a decurionibus, cæterisque Guahanensis insulæ primoribus audivit regio nomine D. Antonius Saravia. Et hunc quidem fidei ritum reliqui paulo post præstiterunt; postquam P. San Victores Guahanum jam proprio irrigaverat sanguine apostolatui imposita martyrii corona.

1682.

Ludovisiana. *Long. 275. Lat. bor. 35.*

Dominus de la Sale secundo Mississipio in mare descendit, totumque eum tractum Regis sui possessionibus adjecit, appellatum *Luisiana*. Hanc provinciam, quæ deinceps seorsim a Nova Francia Præfectum habuit, claudit ad septentrionem Illinesium flumen qua in Mississipium influit.

Eodem anno duo Galli, Groseilliers, & Radison reperiunt flumina a *Berbone*, & a *S. Theresia*, quæ una tandem convolvunt se in certo recessu

su oræ occidentalis Hudsoniani sinûs sub 53. gr. lat. bor. Id vocant Angli Nelsonis portum, contendunt namque, sed temere, Nelsonem Henrici Hudsonis navicularium eum situm recognovisse anno 1611., eundemque obnoxium Angliæ fecisse prima sui possessione.

1684.

Japonica navis Jessi regionem perstratum ab Imperatore expedita canalem qui inter Jessi continentem at Mantmanskam seu Matsumaiam insulam esse creditur, hoc anno ingreditur. Cumque observasset navarchus Japon ad boream ferri se fluentorum, cum hæc in mari oram Jessi occidentalem alluente non nisi ad meridiem decurrant, uti P. de Angelis animadvertit, cum hoc missionario confici credidit, mare hoc cum alio communionem habere. Navis alia item Japonica in eandem expeditionem destinata est, incertum vero quo anno, magnaue ab illius navarco visa continente, illuc applicare contendit: & porro totam egit hiemem in certo illius portu. Redux denique narrabat, latissime inter septentrionem & orientem eam regionem protendi; & conjecturæ datum, esse Americæ continentem.

-- Kamtschatka. Long. 175. Lat. bor. 60. --

Post ultimas Russorum investigationes Jessi regionem esse credimus meridionalem Kamtschatkæ plagam, atque eandem cum Siberia continentem. Est tamen qui Kamtschatkam inter septentrionem & orientem Jessi constituat: quod minime congruit cum iis quæ Russi ponunt, incoli videlicet meridionalem hujus vastissimæ regionis partem a Kurilskisiis origine Japonibus, Japoniæque Imperatori vestigalibus.

1696.

-- Insulæ Palaorum. Long. 180. Lat. bor. 11. --

Decembris 28. certi barbari ignoti tempestate delati sunt ad quandam *Picturatum* insulam *Samal* nomine Philippinis obnoxiam: duasque ibi contribules fœminas invenerunt, quæ eodem actæ fuerant simili olim vi maris. Et quidem erat de novis advenis qui alias in Caraguenam insulam Mindanao proximam pulsus fuerat in pari discrimine. Jam vero ab his intellectum est, eorum insulas Palaos vocari, esseque omnino duas supra triginta, quarum reddidere nomina, magnitudinem, distantiam reciprocā. Sitæ vero sunt ad Philippinarum orientem, ac boream inter & orientem Moluccarum. Habitum pro comperto sub initium, sed error in fine deprehensus est, ex Palaorum insulis esse quam certa navis hispana viderat anno 1686., quamque navarchus a Carolo II. *Carolinam*, alii a S. Barnaba, in cujus festo conspecta fuit, appellari voluerunt. Insulanorum Palaorum idioma arabicam pronunciationem accentumque referens a Philippinico toto cælo discrepat, immo & a Marianarum sermone, quibus viciniore sunt. Semel iterumque, annis videlicet 1710. & 1711. Palaorum investigatio tentata est, sed frustra, nec tamen sine Jesuitarum sanguine aut vita, quibusdam in mari, aliis in ipso ad memoratas insulas appulsu occumbentibus.

1700.

1700.

-- Insulæ Novæ, sive de Anican. --

Maloinæ, seu Maclovianæ. *Long.* 321. *Lat. mer.* 52.

Novæ insulæ appellatæ sunt terræ, de quibus hoc anno primus acceptus est nuntius: eæque sitæ sunt ad 51. seu 52. gr. lat. mer., 50. aut 55. leucis a Maireo freto ab oriente quarta ad boream. Duo indicæ societatibus navigia *Maurepasium* & *S. Ludovicus* annis 1707. & 1708. a Statuum insula profecta illarum regionum meridionalem plagam descripserunt. *S. Ludovicus* ab oriente constitit, aquatumque misit in lacu mari proximo. Aquam subrubram foetidamque nautæ experti sunt mari commodam. Anno 1711. proximius eadem oræ lustratæ sunt a *S. Joanne Baptista* navi, navarco Doublet Gratiopolitano, qui cum perscrutari decrevisset amplum recessum quem medium viderat, in latentium sub aqua summa syrtium conspectum venit quo retrocedere coactus est. Has primus invenit insulas D. Fouquet Macloviopolienſis, easque ab Anicano celocis nomine qua vehabatur, vocavit. \* Vocantur etiam Maclovianæ, Maloinæ, & Malvinæ ab inventoris loco natali.

Jam pars borealis 16. Julii 1708. Peré cuidam e Macloviopoli navem *Assumptionem* gubernanti nota erat & ab Assumptione nominata. Biscam attentæ consideratione percurrit, arbitratusque est ad 50. leucas per varios littoris anfractus totam illam distendi. Hæc fortassis est regio, in quam anno 1593. venit Riccardus Haukins, cum ad orientem oræ *Desertæ*, quæ *Patagonum* etiam dicitur circa gradum 50. lat. austr. ventis ad ignotam terram actus est, ad cujus oram 60. leucas navigavit.

-- Sebaldinæ. *Long.* 320. *Lat. mer.* 50. --

Haud sane defuerunt, qui easdem hæc terras esse crediderint atque tres insulæ Sebaldi Wert: quæ cum ignotæ sint, temere describi dicuntur. Verum *Incarnatio* navis eas anno 1711. sereno cælo exploravit. Insulæ Sebaldi æxiguae sunt vix ultra leucæ dimidium in singulas extensæ, eoque situ ut triangulum efforment. Porro navis hæc cum a trium leucarum intervallo eas conspexisset, terram præterea serena omnino tempestate vidit nullam: quod profecto argumento est, a novis insulis distantas esse septem saltem aut octo leucas. Ad Sebaldi insulas anchoras demiserat jam anno 1701. D. Beauchene, nec tunc quidem ullus ei de novis insulis inoleverat rumor: quarum occidentalis plaga vel in præsentia ignota est.

1701.

-- California. *Long.* 240. *Lat. bor.* 35. --

P. Eusebius Franciscus Kino Germanus S. J. e missionibus Cinaloensi & Sonorenſi profectus anno 1698. ad Novum Mexicum, viam prope mare tenuit ad septentrionem ad montem usque *S. Claræ*. Hic vero cum animadvertisset ab oriente ad occidentem oram incurvari, novo consilio mediterraneum iter occæpit ad occasum inter & boream. Hac flumen *ceruleum* offendit anno 1699., quod receptis Hilæ aquis in *Colorado* defluit. Hoc trajecto in Californiam ingressus est, ibique intellexit ad triginta leucas

F

Colo-

*Coloratum* flumen in sinum se recipere quo Californiæ ora occidentalis aluitur; eam vero a novo Mexico solo eo flumine disternari.

Eodem anno D. le Moine Ibervillæus nobilis Canadensis, classiarius ductor, ostium Mississipii, quod D. de la Salle anno 1684. reperire non potuit, invenit tandem.

\* 1715.

-- Colonia SS. Sacramenti. *Long.* 315. *Lat. mer.* 35. --

Redit hoc anno ad Lusitanum Colonia a SS. Sacramento, uti quidem VI. art. Ultrajectensis pacis conventum erat. Lusitaniæ Interregis Principis Petri mandatis ad septentrionalem fluminis ab Argento ripam contra insulam a S. Gabriele deducta erat per Emmanuelem Lobo Januariensem Gubernatorem ineunte anno 1680. Post denuntiationes incassum iteratas a Josepho Garro Bonaërensi Prætoris captus est Lobo cum suo milite 6. Augusti, & per quorundam internecionem Colonia expugnata. Questus de huiusmodi vi Interrex a Catholico Rege per conventionem habitam Ulyssipone 7. Maii 1681. obtinet, ut damnis ab obsidione reparatis Colonia restitueretur, interea de jure ac de proprietate loci per arbitros sententia feratur, iisque non convenientibus summus Pontifex intra annum litem dirimat. Equidem conventus habitus est anno 1682. restituta prius Colonia, in Pace Julia, vulgo *Badajoz*; at quæstio ibi indecisa nihilo secius Romæ decisa est. Succedente bello anno 1705. rursus occupatur ab Hispanis: & huc res erat deducta cum Ultrajecti pactum hoc anno fit de restituenda Colonia cum suo territorio. Territorii nomine intellexit Bonaërensis Gubernator spatium quod globus per bellicum tormentum explosus circumquaque describeret. Lusitani contra amplius id porrigi cum velent, ad radices Montis Videi sedem figunt, dum tamen sciunt ex guaranitis missionibus Indos ad quatuor mille descendere, loco cedunt. In derelicto loco duo Indorum millia remanent, per quos arx ædificata est, quæ deinceps accepit incrementum. Quo cum Canarienses familiæ aliquot deductæ fuissent S. Philippi urbs a Montevideo dicta fundatur.

1716.

Thibetum. *Long.* 110. *Lat. bor.* 40.

Secundum ingreditur Thibetum P. Hippolytus Desiderii Florentinus S. J. Ladaco, sede Regis Magni Thibeti anno 1624. inventi 17. Aug. 1715. profectus, Lassam secundi Thibeti urbem principem 18. Martii 1716. pervenit. Re quidem vera unum duntaxat Thibetum extat, quod vocant etiam *Toubet*, *Tangout*, *Barantola*, & *Bouton*. Cum Thibetum ingressus est P. Andrada anno 1624. unius opulenti regis imperio cuncta parebant, iisque credebatur aut sanguis, aut certe successor celeberrimi Præstitis Joannis. Potestatem dein fere supremam obtinuit in Thibetum Magnus Lama, qui Lassæ seu Lasæ residebat. Quam urbem sacram habent indigenæ a magno fano seu pagodo, quem undique visum conveniunt religionis causa. In præsentia Sinarum Imperatori subest Thibetum, idque quandoque vocant *Elutbforum* Regnum.

\* 1717.

\* 1717.

Aurelia Nova. *Long.* 280. *Lat. bor.* 30.

D. Bienvillæus sub D. de l'Epinali Lusitanæ præfectus novæ Aureliæ fundamenta locat. Futurum haud diu post totius provinciæ caput nomen habuit a Duce Aurelianensi Galliæ eo tempore Interregis. \*

1718.

Levvisci insulæ inventio videtur esse commentitia. Fertur, fracta oneraria quæ Rupellâ Quebecum solverat, quaque D. Perrin, ejusque fortunæ focii vehebantur, quidam Joannes Baptista Loisel Rhedonensis cum salvus enatasset, in ignota insula humaniter acceptus fuisse ab insulanis, eademque humanitate fuisse habitus ad supremum diem qui ei contigit anno 1732. Ferunt præterea, Anglicam navem, quæ vertente Augusto 1733. ad Novam Georgiam proficiscebatur, tempestate actam in eandem ignotam insulam confugisse, navarchumque Levvis ductum in certam casam ubi insculptos cultello errores Loiselis legit, monstrataque ipsi est naufragi vestis & reliqua supellex. De insulæ situ nihil memoria proditum est. Testatum duntaxat in inscriptione reliquit Loisel ad viginti leucas ut ipse quidem existimabat, protendi, fore etiam ut fodinæ invenirentur, feracem ac pinguem esse agrum, in eoque varias ac pretiosas procreari plantas. Vera tandem seu commentitia insula sit, a *Levvis* nomen accepit.

1720.

Carolinæ. *Long.* 150. *Lat. bor.* 8.

Ignoti barbari a Sarreslopio ad Uleenam profecti portu potiti sunt in Guahano, disparatis navibus, duabus quippe vehebantur, nec uno in loco, aut eodem die; prima enim applicuit 19., secunda 21. Junii. Repetitis quæstionibus elicitum est, multis eorum regionem constare insulis, in quibus sunt Serreslops, & Ulée. Agnita etiam inter eas quæ Carolina atque a S. Barnaba anno 1686. vocata fuerat. Totum hoc archipelagus in quinque provincias partitum descripsit P. Cantova S. J. Hispanus, (\* Hispanus, an Allobrox? \*) ut habes in *Litteris adif. & curios.* T. 15. Ibi hæc omnes insulas collocat inter gr. 6. & 10. lat. bor., ita ut per 30. gradus longitudinis extendantur ad orientem promontorii *de Spiritu Sancto* nominati. Inter Insulanos degunt Æthiopes bene multi, illuc uti videtur ex nova Guinea profecti. Sunt alii coloris albi, alii mixti. Fama est, colore albos ortum ducere ab Hispanis, qui dum ex Nova Hispania anno 1566. navigarent in Philippinas, in quandam ex his insulis ejecti sunt, quod in Præfectum conjurassent. Equidem anno 1722. adornabatur in Marianis certior harum insularum, quas dixerunt Carolinas, investigatio; sed ignoratur quem processum habuerit apparatus. Id denique dicitur, argentum scilicet effodi in certa insula ex iisdem, & quidem non in uno duntaxat loco.

1732.

-- Nova Georgia. *Long.* 292. *Lat. bor.* 32. --

D. Oglethorge Novam Georgiam Regis Angliæ nomine Carolinam inter & Floridam Hispanam hoc anno condit. Tractus hic totus erat Florida Gallicæ: nempe protensæ ad septentrionem ad *Carlostown* usque in Carolina.

F 2



lina. Duobus fluminibus nova Colonia circumscribitur, *Sabanah* nimirum boreali, ac meridionali *Alatamaha*. Oram habet inter 31. gr. cum dimidio & 32. ac 45. min. lat., sexaginta summum septuaginta anglicana milliaria protensam. In medietate magis ac magis ampliatur.

\* 1737.

-- Flumen-grande. Long. 325. Lat. mer. 31. --

Coloniam a SS. Sacramento circumfidente Bonairensis Gubernatore Michaeli Saleedo, venit obsessis com meatu auxiliumque a Januario Flumine: quod cum post bellum accessisset, solutum enim erat obsidium, novo populo condendo non longe ab ostio Fluminis Magni a *S. Petro* in hujus meridionali ripa positum est. *Flumen* dicitur *Grande* ex communi propria denominatione, & a Lusitanis dici solet *Paraiba*, ad cujus ripas alia deinde praefidia aedificaverunt, a *S. Gonzalo*, *S. Amaro*, a *Jesu-Maria del Rio Pardo*, & ad flumen *Jaculm*. Per oram maritimam qua flumen ab Argento respicit duo alia excitarunt a *S. Michaeli* & a *S. Theresia* nuncupata: quod postremum & *Angostura*, & *Chui* nomen habet. \*

1738. -- 39.

-- Australes Terrae. --

Julio 1738. vertente duo Societatis Indicae navigia gallica *Terrae Australes* speculatum, praefecto D. Boubet, ab Orientis portu solverunt: atque 1. Jan. 1739. conspiciuntur sub 54. gr. lat. merid. & sub 27. aut 28. long. altissime se erigentem terram nive tectam ac nebula, quam vocaverunt Promontorium a Consolatione. Gela, densaque caligine delineari e propinquo non potuit, nec definiri num insula, an continens habenda esset. Id unum observatum est ab oriente septentrionem versus decem aut octo leucas extendi.

1739.

Sub anni 1740. initium Petropoli nuntiatum est quinque supra triginta insulas variae magnitudinis ostendisse se navicatori Spanbergio ad borealem Japoniae plagam; ad quarum conspectum commodum venerat cum ei procedunt obviam sex insularum lembi, ut nempe quis esset advena discerent. Exceptus est perhumaniter in ea in quam tandem excessionem fecit insula. De indigenis id ephemeride tradit, esse eos videlicet Japonibus simillimos, sibi ab iisdem magnum aeris aurique pondus esse monstratum. Diciturque certa eorum numismata Czarinae misisse. Quo vero gradu hae insulae sitae sint, nondum est vulgatum.

1742.

\* Academicis speculationibus institutis anno 1736. hoc anno finis impositus est in Quito. Destinati fuerant qui eas facerent e Laponia DD. Cleireaut, Camus, le Monnier, & Maupertuis, quibus additi sunt socii DD. Outhier, & Celsus Astronomiae professor Upsalae. Ab aequatore contra qui specularentur designati sunt DD. Godin, Bouger, ac la Condamine, quibus accesserunt Hispani Georgius Juan, & Antonius Ulloa. Id vero tandem de figura orbis confectum est, aequatoris scilicet diametrum ducentessimam partem esse axe majorem, D. Georgius Juan ait excedere castellanis ulnis 63518  $\frac{1}{2}$ . Quae super hae explorata sunt, incidi curavit explor-

exploratores in marmoris crusta affixa hoc anno 1742. parieti templi , quod sacris Jesuitarum usibus deserviebat olim in Quito.

1745.

Sparso per capellanum Almiralii Ansonis in vulgus, mare Pacificum Magallanico colligatum esse duorum fluminum quæ ab eodem lacu in diversa distrahebantur aquis, actum est pro Hispania de stabilienda colonia in S. Juliani sinu, in quem flumen alterum defluere fingeatur. Eo consilio adornata est celox ductore D. Joachimo Olivares, nonnullis militibus, ac tribus Jesuitis Paraguaris, qui profecti Bonis-Auris 5. Decem. 1745. magallanicam totam perlustrarunt oram, accuratiusque S. Juliani sinum. Quo ut pervenerunt pro explorato habent vanissimum fuisse commentum de maris utriusque communione vulgatum: nec nisi salugineas aquas, utcunque tamen aptas potui, invenerunt, nec prorsus alia statuendæ sedî necessaria. Ex Indis quibus christianis sacris imbuendis excolendisque duo de tribus Jesuitæ venerant, ne unus quidem vel penitus quærentibus visus est. Quo factum est, ut tota re cum naviculariis hinc inde librata reditus omnium sententia decerneretur, nec de constituenda colonia cogitandum donec aliunde apparatus ad id necessarius apportaretur.

1746.

-- Cuiaba. Long. 322. Lat. mer. 14. --

Januariensis Episcopatus dispersitus est 6. Dec. in quinque omnino partes, conditis denuo S. Pauli, & Marianæ Episcopatibus, unaque ecclesiasticis præfecturis de Goyasses seu Fodinarum Generalium, & Cuiabæ, cui appendices accesserunt partitionem secutæ acquisitiones Montis pinquis, vulgo *Matogroso*, & Propugnaculum S. Rosæ, vulgo *la Estacada*.

1762.

-- Maldonatum. Long. 321. Lat. mer. 35. --

Colonia Sacramenti 31. Octobris Bonaërensi Gubernatori D. Petro Cevallos dedit sese; atque dissipata classe anglo-lusitana ob incensæ prætoriz casum expugnat insequenti anno præsidia lusitanorum S. Theresiæ, & S. Michaelis cum Flumine-Magno. Dum vero propugnaculis conterminis oppugnandis se comparat, certum pacis accipit nuntium, quo ab ejusmodi præliis cessatum est. Sub reditum dat operam ut erigatur oppidum S. Caroli tres leucas a sinu Maldonato non longe ab ostio fluminis ab Argento: sinum autem novis aggeribus communivit. Novæ pacis conditionibus restituta est Colonia Lusitano, quemadmodum in America boreali Habana redditur Hispano atque in Philippinis Manila. Anglo denique cessit Florida Hispana, & Nova Francia.

1767.

P. Josephus Sanchez Labrador Hispanus S. J. Mbayarum ad septentrionem Paraguariz missionarius viam tandem ad Chiquitorum missiones persequitur. Tentatum fuit olim iter hujusmodi per Paraguariz boream anno videlicet 1715.; at cæsis per barbaros PP. Augustino de Arce, & Bartholomæo Blende, & neophitorum comitatu dissipato eo magis obstructum est. Anno dein 1763. eodem consilio, ut nempe facilius redderetur transitus a Chiquitis recta ad Paraguaia, profectus est P. Antonius Guasp, qui

qui oppidum a *Jesu Corde* curabat, pagum quam posset proxime Paraguaim positurus, trucidatus tamen est a Guaicuruis septem cum neöphitis. Anno denique 1766. frustra tentatis aliis, compactus est 50. leucis ad Bethleem Mbajarum missionis boream pagus a S. Joanne Nepomuceno, Indorum Chanarum missio. Ex colloquio cum his habito expetita via nota, aperta constrata est.

Eodem tempore P. Josephus Jolis Hispanus ejusdem provinciæ socius quatuor mensium itinere a Chiriguanaïs ad Tobas viam aperit ab hominum memoria interclusam.

1768. -- 1771.

In Sonora & Cinalóa Novæ Hispaniæ provinciis subjugantur barbari Serifi, Piati, Sihupapæ, Papagi, Nizoræ, Zopafi sponte se dedunt: soli Apaches indomiti perstant.

1769.

Septembris 27. D. Alexander Orel in ditionem recipit Regis Catholici cum Nova Aurelia Luisianam, cujus est caput.

1770.

E Portu Limano solvunt naves duæ 10. Sept., & 10. Octobris conficiantur sub gr. 27. 26. m. lat. austr., ac sub 257. 1. m. long. a meridiano Tenerifæ insulam David. In ditionem Regis Catholici erecta Cruce accipitur a S. Carolo dicta.

Eodem anno nova sub eodem nomine instituitur missio in California, non longe a Monte-regio. Ex observatis a Vincentio Doz ibidem conficitur, oppidi S. Josephi a S. Lucæ promontorio 8. leucis distantis latitudinem borealem esse grad. 23. min. 5. sec. 15.; long. a meridiano Parisiensi, horar. 7. 28. m.

1771.

DD. Solandri & Banchsij reditus in suam Angliam orbe circumdato, inventa Othaitea insula in Terris Australibus. Affirmare dicuntur N. Zelandiam esse insulam, non continentem: & N. Hollandiam ab australi continente disjungam, insulam esse quidem, sed totâ Europâ majorem.

Exactis Anglis Falklandiam occupant Hispani 10. Jun. 1770. Rex Catholicus causatus Bonaërensis Gubernatoris factum restitui jubet, illæso tamen Hispaniæ jure: qua cautione cessio a Principe Masseranio pro Rege Catholico subscribitur Londini 22. Januar. 1771.

ORDI.

# ORDINATIONUM

In sequens Breviarium contractarum Elenchus & Series.

ORD. I. *Indulgentia pro conquista.*

2. *Conquirendi N. Orbis permissio.*
3. *Missio Fab. de Bachia.*
4. *Permissio conquirendi & mancipandi.*
5. *Præcedentis ampliatio.*
6. *Jurisdictio in regiones quasitas.*
7. *Regum pacta firmantur.*
8. *Missio Alph. de Bolagnos.*
9. *Conquisitio ab occidente ad orientem.*
10. *Alexandri VI. donatio.*
11. *Gratiarum inter Reges communitio.*
12. *P. Boil missio.*
13. *Donationis Alexandr. ampliatio.*
14. *Navigatio Castellanorum definitur.*
15. *Emmanuelis R. investitura.*
16. *Decimarum largitio.*
17. *Concessorum confirmatio.*
18. *Trium episcopatum institutio.*
19. *Pax Regum confirmatur.*
20. *De filiis infidelium baptizandis.*
21. *Ordo Indicanorum.*
22. *De regio Indiarum patronatu.*
23. *Exemptio a decimis.*
24. *Episcop. suppressio, & nova erectio.*
25. *De habitu clericorum.*
26. *Ecclesia Jamaica abbatialis.*
27. *Episcopatus Darien.*
28. *Ill. Quevedo privilegia.*
29. *Patronatus Lusitani ampliatio.*
30. *Tertiarum concessio.*
31. *Concessorum recapitulatio.*
32. *C. Dum fidei declaratio.*
33. *Episcopi Inquisitores.*
34. *Ecclesia Yucatan.*
35. *Indulta Leonis X.*
36. *Translatio Sedis Darien.*
37. *Adriani VI. Omnimoda.*
38. *Alie Adriani litteræ.*
39. *Episcopatus in Insula Cuba.*
40. *In Caracas.*
41. *Missio Martini de Valencia.*
42. *Sedes episcopalis Mexicana.*
43. *Angelopolitana.*
44. *Unio Sedis Conceptionis.*
45. *De suscipiendis ordinibus privilegiis.*
46. *Sedes Episcopalis S. Marthe.*
47. *In Honduras.*
48. *De jure patronatus Cortesi.*
49. *Concessa confirmantur.*
50. *Sedes Episcop. Carthaginensis.*
51. *Nova erectio Sedis Mexicana.*
52. *In Nicaragua.*
53. *Lusitana ditionis Episcopatus.*
54. *Sedes Episcopalis in Antequera.*
55. *Omnimodæ Adriani confirmatio.*
56. *Sedes Episcopalis in Mechoacan.*
57. *Prohibet Indorum servitutem.*
58. *Indorum privilegia.*
59. *Libertas Indorum vindicatur.*
60. *Sedes Episcopalis Cuzquenensis.*
61. *Joannis Bermudæ patriarchatus.*
62. *Sedes Episcopalis Chiapensis.*
63. *Const. Romani Pontificis.*
64. *Missio S. Francisci Xavierii.*
65. *Paupertas religiosa commendatur.*
66. *Sedes Episcopalis Limana.*
67. *Usus adipis in diebus esurialibus.*
68. *De viva vocis oraculis.*
69. *De finibus Episcopatum movendis.*
70. *Mendicantium delegatio.*
71. *Indorum communio.*
72. *Sedes Episcopalis Quitoensis.*
73. *Provinciarum divisio.*
74. *Indorum vexatio impie manifestanda.*
75. *Se-*

75. *Sedes Episcopalis Paraguaria.*
76. *Popayanensis.*
77. *In Guadalaxara.*
78. *Societati J. concessa.*
79. *De S. Anæ Limensis jubileo.*
80. *Sancti Ignatii delegatio.*
81. *Jubilæi Compostellani communicatio.*
82. *Sedes Episcopalis Platenfis.*
83. *Præpositus G. S. J. gratias communicabat.*
84. *Facultates Poggiana.*
85. *Confirmat privilegia Paulus IV.*
86. *Novæ concessorum confirmatio.*
87. *Cuzquenses Indi non decimant.*
88. *Libera quoad Indos sacramentorum administratio.*
89. *Indorum matrimoniorum nullitas.*
90. *Sedes Archiepiscopalis Goana.*
91. *Provinciales Ord. Præd. irregularitate dispensant.*
92. *De religiosis numatis.*
93. *De Annatis.*
94. *Sedes Episcopalis Emeritenfis.*
95. *Sebastiano Regi concessa.*
96. *Sedes Episcopalis in Chile.*
97. *In Vera-pace.*
98. *In Sancta-fide.*
99. *De consecrandis episcopis.*
100. *Indulgentia ante confessionem.*
101. *De reformandis erectionibus.*
102. *De Indis tempore interdicti.*
103. *Indi quoad velationes.*
104. *De chrismatis balsamo.*
105. *Numerus ministrorum in consecrandis oleis.*
106. *Indulgentia in conversione infidelium.*
107. *Dispensatio ad matrimonia neophitorum.*
108. *Sedes Sancta fid. fit archiepiscopalis.*
109. *Dispensatio cum illegitimis.*
110. *Dispensatio in gradu simplice, & duplici.*
111. *Religiosorum munus parochiale.*
112. *Dispensatio in gradibus prohibitis.*
113. *Indorum defensio.*
114. *Neophiti commendantur Proregi.*
115. *Benigna tractatio ethnicorum.*
116. *Neophiti ad honores assumendi.*
117. *Domus catechumenorum.*
118. *Monasteriorum translatio.*
119. *Indulgentia pro domibus Soc. J.*
120. *Dispensatio ad neophitorum matrimonia.*
121. *S. Pii V. admonitiones.*
122. *De religiosorum paupertate.*
123. *Commercium cum infidelibus.*
124. *Exhortatio ad pugnam.*
125. *Dispensatio cum incestuosus.*
126. *Sedes Episcopalis Meliapur.*
127. *Sedes Episcop. Tucuman.*
128. *Concilia quando celebranda.*
129. *Officium S. Inquisitionis.*
130. *Indulgentiæ pro domibus Ord. Præd.*
131. *Universitas Limana.*
132. *De conversis poligamis.*
133. *De consecratione chrismatis.*
134. *Dispensatio in irregularitate.*
135. *De eodem.*
136. *De Indiarum Patriarcha.*
137. *Administratio Ecclesiæ Goanæ.*
138. *Synodus quando celebranda.*
139. *De Breviario & Missali pro Indiis.*
140. *Januariensis prælatura.*
141. *Religiosi medicinæ periti.*
142. *Contractuum celebratio delegatur.*
143. *Dispensatio ad matrimonia Indorum.*
144. *Commercium cum Afris.*
145. *Sedes Episcopalis Arequipæ.*
146. *Societ. privilegium quoad ordines.*
147. *Absolutio a reservatis in Bulla Cæne.*
148. *Missæ ante auroram.*
149. *De ordinis desertoribus.*
150. *Lites terminantur in Indiis.*
151. *Iter maturandum Ind. Episcopis.*
152. *Bulla Cruciatæ biennalis.*

153. *Dispensatio cum illegitimis.*
154. *Gratiarum communio.*
155. *Indulgentiæ pro Ecclesiis Brasiliæ.*
156. *Quid importet nomen India.*
157. *Missionarii qui censeantur.*
158. *Matutinum ante cœnam.*
159. *Conseruatores qui esse possint.*
160. *Transitus ad Carthusiam.*
161. *Compositio de male acquisitis.*
162. *Dispensatio ad matrimonia.*
163. *Dispensatio super voto castitatis.*
164. *Concilia quando celebranda.*
165. *Absolutio a reservatis.*
166. *A crimine hæresis.*
167. *De conjugio infidelium.*
168. *De Sacramento Confirmationis.*
169. *De transeundo in Japoniam.*
170. *Limina Apostolorum vistanda.*
171. *Responsio ad dubia S. Turibii.*
172. *Hospitale S. Hippolyti.*
173. *Possessa per decennium.*
174. *Commissarius Ord. S. Francisci.*
175. *Indulgentiæ pro missionariis.*
176. *Pro ecclesiis Philippinarum.*
177. *Regulares quoad munus parochiale.*
178. *Synodi Limanæ approbatio.*
179. *Approbatio Mexicanæ.*
180. *De Synodis S. Turibii.*
181. *Regulares extra claustra.*
182. *De eodem.*
183. *Piani Brevis confirmatio.*
184. *Facultates vicennales.*
185. *Piani Brevis nova confirmatio.*
186. *Regulares extra claustra.*
187. *Ecclesia Manilensis.*
188. *Universitas Mexicana.*
189. *Hospitalis S. Hippolyti privilegia.*
190. *Synodus diœcesana biennalis.*
191. *Indulgentiæ pro neophitis pauciores.*
192. *Ministri ab Ordinario approbandi.*
193. *De conferendo diaconatu.*
194. *De conversione Malabariorum.*
195. *Ecclesia Cranganor.*
196. *Magistratus in Ordine S. Francisci.*
197. *Regulares extra claustra.*
198. *Transitus liber in Japoniam.*
199. *Ecclesia de la Vega.*
200. *Servitus Indorum prohibita.*
201. *Causæ limanæ.*
202. *Confraternitates N. Jesu.*
203. *Carmelitarum defensio.*
204. *Contributio pro seminario.*
205. *Sepultura apud Franciscanos.*
206. *Privilegia Carmelitarum.*
207. *Mercatura regularibus interdicta.*
208. *De celebrando in mari.*
209. *Ecclesia Sanctæ Crucis.*
210. *Ecclesiæ Verapacis unio.*
211. *Archiepiscopatus Cranganor.*
212. *Sepultura apud Augustinianos.*
213. *Negotiatio prohibita.*
214. *Missionarii Carmelitani.*
215. *Transitus in Japoniam.*
216. *Sepultura apud Franciscanos.*
217. *Judex metropolitanus Chilenfis.*
218. *Gradus literarii.*
219. *Indulgentiæ sine confessione.*
220. *Missi ab itinere non diuertant.*
221. *Ecclesia Platenfis. Et Hora Matutini.*
222. *Facultates vicennales. Et Processiones.*
223. *Concilia provincialia.*
224. *Episcopi in Hispania assumpti.*
225. *Episcoporum consecratio.*
226. *Conuentuum suppressio.*
227. *Missæ post mediam noctem.*
228. *Dispensatio ad matrimonia.*
229. *Prælati de Pernambuco. Præcedentia.*
230. *De celebrando tecto capite.*
231. *Redditus episcopi translati.*
232. *Ecclesiæ Japonensis administratio.*
233. *Professio monialium Cordubensium.*
234. *De eligendis adjunctis.*
235. *Vistandæ confraternitates.*
236. *Confraternitatum erectio.*
237. *De potione guaxacana, v. Chocolate.*
238. *De cultu S. Xaverii.*

G

238. Ec-

239. *Ecclesia de Durango.*
240. *De ordinatione regularium.*
241. *De gradibus literariis.*
242. *Ornamentorum benedictio.*
243. *Ritus Madurenfes.*
244. *Alternativa officiorum.*
245. *Vicarii Generalis revocatio.*
246. *De sepultura apud regulares.*
247. *Matrimonia Japonensia.*
248. *Franciscanorum Ordines.*
249. *De redditibus mensuris.*
250. *De ejciendis incorrigibilibus.*
251. *Dubia D. Joannis de Cevicos.*
252. *De Vicario removendo.*
253. *Approbatio doctrinariorum.*
254. *Statuta quædam Ord. S. Francisci.*
255. *Concilium Mexicanum quoad Manilam.*
256. *Limina Apostolorum visitanda.*
257. *De Conservatore Regularium.*
258. *Missæ sine ministro.*
259. *De impedimento disparis cultus.*
260. *Matrimonii infidelium dissolutio.*
261. *Bulla de la mesada.*
262. *Gradus literarii.*
263. *Jurisdictio in regulares.*
264. *Approbatio doctrinariorum.*
265. *Suppressio unius præbendæ.*
266. *Martyres Japonenses.*
267. *De eodem.*
268. *Doctor Juris Canonici.*
269. *De alternativa.*
270. *Martyres Japonenses.*
271. *De suffragiis in Capitulo.*
272. *Ornamentorum benedictio.*
273. *De Bulla Pii V.*
274. *Capitulum sede vacante.*
275. *Aug. Discalearum gubernium.*
276. *Facultates vicennales.*
277. *Prorogatio facultatum.*
278. *De matrimoniis infidelium.*
279. *Martyres Japonenses.*
280. *Ornamentorum benedictio.*
281. *Regulares ad funus vocati.*
282. *Processio per parochiam.*
283. *Ordinarius loci. — Notoriè delinquens. — Missa in mari.*
284. *Japonenses missionarii.*
285. *Augustiniani quoad ordines.*
286. *Indulgentiæ sine communione.*
287. *De communione paschali.*
288. *Gradus literarii.*
289. *Dispensatio in voto castitatis.*
290. *Ornamentorum benedictio.*
291. *Regulares extra claustra.*
292. *De Jubilatis.*
293. *Sepultura apud regulares.*
294. *Confessio annua.*
295. *Servitus Indorum.*
296. *Ordo in capitulo.*
297. *Confraternitas Goana.*
298. *Conservatores.*
299. *Consecratio Episcopi Paraguai.*
300. *Capitulum Gen. Ord. Minorum.*
301. *De eodem.*
302. *De Patre Provinciæ.*
303. *De præcedentia.*
304. *Matutinum.*
305. *Matrimonia Guaranica.*
306. *De jure positivo prædicando.*
307. *Ritus Sinenses.*
308. *Gradus Manilenses.*
309. *Missionariorum mutatio.*
310. *Sepultura apud regulares.*
311. *Donationis approbatio.*
312. *Causa Angelopolitana.*
313. *Facultates vicennales.*
314. *Concordia Fratrum.*
315. *Declarationes S. Congr.*
316. *Ritus Sinenses.*
317. *Bina in die celebratio.*
318. *Episcopi Paraguai consecratio.*
319. *De eodem.*
320. *Abusus Goani.*
321. *Statuta Capituli Ord. Minor.*
322. *Sine idiotæ.*
323. *Monasterium Chilense.*
324. *Ex-Jesuite.*
325. *Quæstia quædam.*
326. *De initiandis in Ord. Præd.*
327. *Quæstia dilata.*

328. *De*

328. De Provincialibus Ord. Præd.  
 329. De præsentatura.  
 330. De Alternativa.  
 331. Parochi Dominicani.  
 332. De Sinis idiotis.  
 333. Privilegiorum ampliatio.  
 334. Missionarii Congenses.  
 335. Fragmenta post missam.  
 336. Decretum Card. Palloti.  
 337. De Bethleemitissis.  
 338. De B. Rosa.  
 339. Rosarii confratres.  
 340. De B. Rosa.  
 341. De eadem.  
 342. Negotiatio interdicta.  
 343. De Vicariis Apostolicis.  
 344. De parochis orientalibus.  
 345. De Vicariis Apostolicis.  
 346. De eodem.  
 347. Ritus Sinenses.  
 348. De B. Rosa.  
 349. Facultates vicennales.  
 350. Jura Coronæ Portugallie vindicantur. Sedes Episcopalis Quebecensis.  
 351. De B. Rosa.  
 352. De missa in altari in quo expositum est Ven. Sacramentum.  
 353. Sepultura apud regulares.  
 354. Controversiæ supprimuntur.  
 355. Scripta de Missionibus.  
 356. Informationes de statu libero.  
 357. Brevium trias.  
 358. De Synodo Tunkinensi.  
 359. De Vicariis Apostolicis.  
 360. De eodem.  
 361. De eodem.  
 362. Liberum iter ad orientem.  
 363. Ordines sine titulo.  
 364. Observanda decreta S. Congr.  
 365. De Vicariis Apostolicis.  
 366. De eodem.  
 367. De eodem.  
 368. De Bethleemitis. -- De ignorantie invincibilis prætextu.  
 369. De B. Francisco Solano.  
 370. Processus de non-cultu.  
 371. Dismembratio Custodiæ.  
 372. De Alternativa.  
 373. De eodem.  
 374. Ecclesia S. Salvatoris.  
 375. Ecclesia de Pernambuco.  
 376. Ecclesia Januariensis.  
 377. De Alternativa.  
 378. De eodem.  
 379. Ecclesia S. Ludovici.  
 380. Ritus Sinici.  
 381. Privilegia Ex-provincialium.  
 382. Alternativa.  
 383. Electio Provincialis.  
 384. De S. Josepho.  
 385. Juramentum præstandum a missionariis.  
 386. Emptio cellæ.  
 387. Decreta pro pace.  
 388. De S. Josepho.  
 389. Administratio Sedis vacantis ubi non est Capitulum.  
 390. Officium de S. Xaverio.  
 391. Electio superiorum.  
 392. De S. Josepho.  
 393. Instantia cujusdam missionarii.  
 394. Gradus Quitenses.  
 395. Gradus Manilenses.  
 396. P. Verbiest commendatio.  
 397. De Indis quoad ordines.  
 398. De Seminario missionariorum.  
 399. De Commissariis.  
 400. De sclavorum mercatu.  
 401. De Commissariis Franciscanis.  
 402. De Alternativa.  
 403. Nullitas professionis.  
 404. Monitorium.  
 405. Gradus Chilenses.  
 406. De præcedentia.  
 407. Privilegia universitatum.  
 408. Seminaria.  
 409. Salutatio concionantis.  
 410. Seminaria.  
 411. Bethleemita.  
 412. Visitator Mercedarius.  
 413. Universitas Guatemalæ.



414. Numerus magistrorum.
415. Fratres associandi.
416. Dotatio approbata.
417. S. Lodovicus Beltran.
418. Facultates vicennales.
419. Ecclesia de Nankin.
420. Ecclesia de Pekin.
421. Numerus magistrorum.
422. Collegium S. Ferdinandi.
423. Collegium Cuzquense.
424. Gradus literarii.
425. Numerus magistrorum.
426. Gradus literarii.
427. Ejiciendi incorrigibiles.
428. Gradus literarii.
429. Provinciae Sinarum.
430. De Vicariis Apostolicis.
431. Jurisdictio in Tunkinum.
432. Privilegia revocantur.
433. De Vicariis Apostolicis.
434. Lusitania sub nomine Hispaniae.
435. Seminaria Angelopolitana.
436. Probationes de statu libero.
437. Quarterones & Puchueles.
438. Hospitium pro Americanis.
439. Sedis Tucuman. translatio.
440. Subsidium contra Scotos.
441. De consanguineis.
442. Unus definitior.
443. Patrocinium S. Joseph.
444. De praecedentia.
445. Ordo S. Hippolyti.
446. Vicarius sede vacante.
447. Dispensatio in radice.
448. Procuratores Augustiniani.
449. Dubia quadam.
450. Dispensatio ad matrimonium.
451. Congregatio S. Hippolyti.
452. De eodem.
453. Bethlehemitae.
454. Patriarcha Antiochenus.
455. Praecedentia.
456. Episcopi de Quebec dubium.
457. Indulgentiae pro defunctis.
458. Missionarii Aethiopiae.
459. Vice-Provinciales Augustiniani.
460. Ritus sinici.
461. Sedes vacans in Philippinis.
462. Regulares curati.
463. De filiis infidelium baptizandis.
464. Missa votiva de B. V.
465. Manuale.
466. De jure praecedendi.
467. De illegitimis.
468. Causa Carthaginensis.
469. V. Provinciales Augustiniani.
470. Visitatores Apostolici.
471. De pallio Archiepiscopi.
472. Bethlehemitarum privilegia.
473. Alternativa revocata.
474. Facultates vicennales.
475. Bethlehemitarum ordo.
476. Numerus magistrorum.
477. Ritus Sinici.
478. Decretum Card. Tournon.
479. Visitatores Apostolici.
480. Bethlehemitae.
481. Conventus parvi.
482. Confraternitates Sinarum.
483. Conventus parvi.
484. Ritus Sinarum.
485. Alternativa revocatur.
486. Capitulum Bethlehemitarum.
487. Officium S. Josephi.
488. Indulgentia pro Indis.
489. Sepulti apud regulares.
490. Visitator Minorum.
491. De eodem.
492. Privilegia revocata.
493. Transitus ad Cartusiam.
494. Ecclesia de Belen.
495. Carmelita Brasilienses.
496. Numerus magistrorum.
497. Festum S. Antonii.
498. Numerus Magistrorum.
499. Ordo S. Hippolyti.
500. Universitas de Caracas.
501. Carmelita Brasilienses.
502. Visitator Franciscanus.
503. Facultates Episcoporum.
504. Facultates non suspensae.

505. Beth-

505. *Bethleemita.*  
 506. *Indulgentiæ pro Tunkino.*  
 507. *Presbyteri Hospitalarii.*  
 508. *Lauretana peregrinatio.*  
 509. *De S. Turibio.*  
 510. *De S. Francisco Solano.*  
 511. *Officium Translationis Domus Lauretanae.*  
 512. *Seminaria missionariorum.*  
 513. *Laurea Carmelitarum.*  
 514. *Augustiniani Excalceati.*  
 515. *Mons-pietatis.*  
 516. *Decretum Card. Tournon.*  
 517. *Augustiniani Manilenses.*  
 518. *Bethleemita.*  
 519. *Patres provinciae.*  
 520. *Bethleemita.*  
 521. *Presbyteri S. Hippolyti.*  
 522. *Facultates vicennales.*  
 523. *Vocales ad Capitulum.*  
 524. *Jus præcedendi.*  
 525. *Alternativa.*  
 526. *Sacerdotes Hospitalarii.*  
 527. *Officium Sanguinis D.*  
 528. *Commemoratio de S. Josepho.*  
 529. *Patres provinciae.*  
 530. *De cantu gregoriano.*  
 531. *Conventus parvi.*  
 532. *Officium S. Ignatii.*  
 533. *De Familiae Christi collegio.*  
 534. *Bethleemita.*  
 535. *Congregatio S. Petri.*  
 536. *Visitator Minorum.*  
 537. *Seminaria missionum.*  
 538. *Provincia S. Didaci.*  
 539. *Ordo Servitarum.*  
 540. *Conventus parvi.*  
 541. *Decretum Card. Tournon.*  
 542. *Dispensatio ad matrimonium.*  
 543. *Residentia Episcopi Sanctæ Crucis.*  
 544. *Ordo S. Hippolyti.*  
 545. *Officium de S. Ignacio.*  
 546. *Pastorales literæ.*  
 547. *Presbyteri S. Hippolyti.*  
 548. *Gradus Manilenses.*  
 549. *Bethleemita.*  
 550. *Congregatio Familiae Christi.*  
 551. *Officium de S. Plagis.*  
 552. *Confraternitates Carmelitanae.*  
 553. *Conventus 40. Martyrum.*  
 554. *Translatio festorum.*  
 555. *Congregatio Familiae Christi.*  
 556. *Doctrinarii Augustiniani.*  
 557. *Privilegia magistrorum.*  
 558. *Incorrigibiles.*  
 559. *De asylo.*  
 560. *Juramentum missionariorum.*  
 561. *De tertiariis.*  
 562. *Decretum Capituli Ord. Sancti Augustini.*  
 563. *Transitus ad aliam provinciam.*  
 564. *Servitus Indorum.*  
 565. *Missio in Thibet.*  
 566. *Ritus Sinici.*  
 567. *Juramentum.*  
 568. *Facultatum communitio.*  
 569. *Festum Præsentationis.*  
 570. *Ritus Malabarici.*  
 571. *Decretum V. Halicarnassæi.*  
 572. *Quæstio Arch. S. Dominici.*  
 573. *Ritus sinici.*  
 574. *Ecclesia Guatimalensis.*  
 575. *Sabbathi abstinencia.*  
 576. *Dispensatio ad matrimonium.*  
 577. *Liber P. Norberti.*  
 578. *Indulgentiæ Bonaërenses.*  
 579. *De eodem.*  
 580. *De eodem.*  
 581. *De eodem.*  
 582. *De eodem.*  
 583. *De eodem.*  
 584. *De eodem.*  
 585. *De eodem.*  
 586. *Festum titolare.*  
 587. *De eodem.*  
 588. *Jurisdicctio Episcoporum.*  
 589. *Decretum Inquisitorum.*  
 590. *Novi Episcopatus.*  
 591. *Universitas in Hispaniola.*  
 592. *De S. Francisco Xaverio.*  
 593. *Facultates vicennales.*  
 594. *De*

- |  |   |
|--|---|
| 594. <i>De Cruciata.</i>   | 601. <i>B. Virgo de Guadalupe.</i>                      |
| 595. <i>Festa reformantur.</i>                                     | 602. <i>Patronatus Immaculatae Conceptionis.</i>        |
| 596. <i>De Doctrinis.</i>  | 603. <i>Officium Immaculatae Conceptionis.</i>          |
| 597. <i>Facultas vicennalis. &amp; Postulata Episcopi Tucuman.</i> | 604. <i>Bullae promotionis.</i>                         |
| 598. <i>Beneficia Indiarum.</i>                                    | 605. <i>Postrema facultatum vicennalium prorogatio.</i> |
| 599. <i>Confirmationis Sacramentum.</i>                            |   |
| 600. <i>Dubia quaedam resolvuntur.</i>                             |   |





# B R E V I A R I U M

## ORDINATIONUM APOSTOLICARUM

*Ad Indias pertinentium cum Adnotationibus.*

### O R D I N A T I O I.



Artinus V., incertum quo anno concessit Henrico Infanti pro Corona Portugalliæ quidquid per oceanum conquereret a promontorio *Boxador* (1) usque ad Indiam, addita indulgentia plenaria (11) pro conquistoribus qui promovendis cæptis occumberent. Meminit Constitutionis hujus Emmanuel de Faria (a): estque prima, quod sciam, facta de Indiarum re, postquam indica hujus temporis navigatio per oceanum instituta fuit, nam alia ejusdem Pontificis edita anno 1421. apud Fariam in Ecclesiæ Ceptensis erectione versatur, quæ nulla ratione ad Indias spectat, prout modò accipiuntur. Fontenelle (b) Veneris planetæ incolas per noctem somnâvit Indis Granatensibus colore similes. Indos appellat Mauriscos Granatenses. Unde & oram Mauritanix barbaricam ceptamque ad Mare mediterraneum appellare pronum est Indiam. His concinunt plures Scripturæ interpretes in 1. Machab. 8. 8. nam & Cariam & Ioniam Minoris Asiæ regiones Indiis annumerat Berruierus (c) cum Harduino suo. Sed hæ sunt appellationes minus propriæ, certè alienæ à sensu instituti nostri proprio. Præsens verò concessio quatenus aliena bona conquistoribus attribuit, eo modo intelligenda quo Alexandrina donatio anni 1493. 4. Maji, de qua suo

(a) *Far. tom. 1. Af. Port. P. 1. c. 2. n. 7.*

(c) *Berrui. Stor. del Pop. di D. 1. 7. c. 7.*

(b) *Fonten. Entr. sur la plur. des Mond. IV. Soir pag. 277. Ed. Amst. 1742.*

*N. T. — Vid. infra Ord. 256.*

suo loco : fuitque data ab anno 1429. ad 1431. quo vivere desit Martinus, nam data est dum Henricus Infans de conquiendo cogitabat, & Nicolaus V. infra anno 1454. testatur, Henricum a viginti quinque ante annis conquestam cogitasse.

## ADNOTATIONES.

(1) *Boxador*. Extat hoc promontorium ultra Mauritaniam & Canarias sub gradu 25. aut 26. lat. bor. In quo proinde statui licet Indiarum, ut nunc accipiuntur, metam ex Declaratione Gregorii XIII. facta 11. Oct. 1579. Imo potest institui dimensio a promontorio *Nor*, quod infra Ord. 6. nominatur, & propius boream & Canarias jacet è regione insulæ *Gomeræ*.

(11) *Indulgentia plenaria*. Ex quo fit palam, belli & navigationis pro Indiarum conquestione susceptæ causam non esse imperii amplificationem, sed pietatem christianæ religionis promovendæ, nam indulgentiarum concessio ex causa profana non fit. Similis concessio facta est sæculo IX. a Joanne Papa VIII., ut habes in ejus Epistola 66. ad Episcopos in regno Ludovici Francorum Regis constitutos ibi (a): *Il*i qui cum pietate veræ religionis in belli certamine cadunt, requies eos æternæ quietis excipiet contra paganos atque infideles strenuè dimicantes.... Intercessione B. Petri Apostoli..... quantum fas est absolvimus, precibusque illos commendamus.

## ORDINATIO II.

**E**ugenius IV. Regi Portugalliæ novi orbis conquestionem, seu conquestam permisit; ut habet Mariana lib. 26. Histor. Hisp. cap. 3. Vide infra anno 1494. 7. Jun.

## ORDINATIO III.

**U**T Fabianus de Bacchia Ordinis Minorum ad Indias proficiscens posset non solum chrismate ab Episcopo benedicto signare fideles, sed etiam ipsum chrisma conficere (1), concessit Eugenius IV. apud Wadingum ad annum 1400., ut refert Benedictus XIV. dicens (b): *Si qua* fides Wadingo.... Eugenius IV. veniam dedit chrisma conficiendi.

## ADNOTATIONES.

(1) *Chrisma conficere*. Certum est, ait Castropalao (c), materiam hujus sacramenti (confirmationis) necessariam esse chrisma ab Episcopo benedictum. Sic docent ferè omnes Doctores teste Suarez.... præsertim ex Floren-

(a) Apud Hard. 1. VI. Concil. P. 1. col. 46.

(b) Lib. 7. De Syn. Diœc. cap. 8. n. 1.

(c) Castrop. De Sacram. Confirm. P. 1. 2. num. 7.

rentino sub Eugenio IV. in Decreto fidei, ubi definiens materiam confirmationis inquit: *Est chrisma . . . per Episcopum benedictum*. Ergo materia hujus sacramenti episcopali benedictione præparari necessario debet. Hinc meo judicio evidenter infertur, non posse simplici sacerdoti committi a Pontifice chrismatis benedictionem, quia Pontifex non potest materiam ullius sacramenti mutare. Deinde episcopalis benedictio pro conficiendo chrismate ex institutione Christi habetur; Christus enim, teste Fabiano Papa in Epistola ad Episcopos orientales, docuit Apostolos modum conficiendi chrisma, quem Ecclesia semper servavit. At Ecclesia simplici sacerdoti nunquam confessionem commisit.

E regione Diana (a), & apud illum Scotus, Sotus, Cajetanus, Victoria, Escobar, Baunius putant, non esse usque adeo certum, chrisma esse benedicendum ab Episcopo quin possit Pontifex dispensare. 1. Quia si Pontifex potest committere simplici sacerdoti administrationem sacramenti confirmationis; quidni etiam possit committere chrismatis benedictionem, quod est minus? 2. Quia ratio potissima sententiæ contrariæ est Patrum & Conciliorum autoritas Episcopum requirens ad benedicendum & consecrandum chrisma. At eâdem autoritate requiritur Episcopus ad confirmandum. Ergo si in hoc casu licet interpretatio de ministro ordinario, quidni liceat in primo?

Neque obstat quod Pontifex rarius dispensaverit facultatem benedicendi quam confirmandi, si vel semel est dispensatum. Nam causa non dispensandi, vel dispensandi rarius, esse potest minor necessitas, cum facilius haberi possit chrisma ab Episcopo benedictum, quam Episcopus ad confirmandum. Favor autem in sententiam contrariam derivatus ex dubio, quod Benedictus insinuat per verba, *si qua fides Wadingo*, satis rependitur favore sententiæ nostræ accrescente ex eo quod non impugnat dum refert. De Concilio Florentino, & de Fabiani epistola vide infra. annuq 1571. 2. Aug. Ord. 133. Object. 1. & 2.

Et quod ad Concilium attinet, sive Decretum fidei in Concilio promulgatum, idem Pontifex Eugenius IV. qui author est decreti, fuit quinque post annis relatæ dispensationis seu privilegii author. Id verò argumento est, non fieri impossibilem ex decreto dispensationem facultatis, ut possit sacerdos simplex chrisma cum Fabiano de Bacchia conficere.

## ORDINATIO IV.

**U**T Alphonsus V. Portugalliæ Rex possit quoscumque Saracenos, Paganos, ac regna, ducatus, & dominia, possessiones, ac mobilia, & immobilia bona, per eos detenta atque possessa conquirere, illorumque personas in perpetuam servitutem redigere, ac bona sibi & successoribus applicare. Concessit Nicolaus V., ut refert ipse Ord. seq., intelligendaque con-

(a) Diana P. 2. tr. 1. R. 12. Coordinatus tom. 3. tr. 1. R. 20.

concessio ut Alexandrina citata Ord. I. De servitute aut mancipatione Afrorum vide infra anno 1683.

## ORDINATIO V.

Anno 1454. 25. Jan.

**P**Ræcedentem confirmat Ordinationem Nicolaus V., declaratque extendi ad quæcunque alia de infidelium seu paganorum manibus acquiri possint. Conquistæ jus prorogat à capitibus Boxador & Non usque per totam Guineam & ultra versus illam meridionalem plagam. Præterea decernit, cum ad perficiendum opus sit opportunum, ut Portugalliæ Reges cum infidelibus & saracenis de quibuscunque pacisci valeant: merces quascunque, dummodo armaturarum genera non sint, deferre & ea vendere: ecclesias & alia pia opera fundare: quascunque voluntarias personas, ecclesiasticas & sæculares, quorumvis etiam mendicantium Ordinum regulares, de superiorum tamen suorum licentia transmittere: ipsæque personæ possint quorumcunque in dictis partibus existentium, vel eò accedentium confessiones audire, in omnibusque præter Sedi Apostolicæ reservatos casibus debitam absolutionem impendere, & ecclesiastica sacramenta ministrare: quod in gratiam eorundem Regum concedi declarat. Christi fideles omnes inhibet, ne saracenis a jure prohibita deferre, aut per ejusmodi maria navigare præsumant. Qui verò contrarium fecerit, ultra poenas contra deferentes arma & alia prohibita saracenis à jure promulgatas, quas incurri vult ipso facto (a) si persona sit singularis, excommunicationis sententiam incurrat, si communitas interdicto subiaceat eo ipso: nec contra facientes ab excommunicationis sententia absolvi, nec interdicti relaxationem apostolica, vel alia quavis autoritate obtinere possint, nisi satisfecerint. Extat apud Antunez lib. 3. De Donat. Reg. cap. 8. post num. 89., incipitque *Romanus Pontifex*.

## ORDINATIO VI.

Anno 1456. 7. Mart.

**C**alistus III. confirmat præcedentem Bullam Nicolai V., conceditque ut spiritualitas & omnimoda jurisdictio ordinaria, dominium, & potestas in spiritualibus à capitibus Boxador & Non usque per totam Guineam & ultra illam meridionalem plagam usque ad Indos, ad Militiam & Ordinem Christi spectet; ita ut Prior Major (1) omnia beneficia ecclesiastica cum cura & sine cura, sæcularia & regularia conferre, necnon censuras & poenas proterre, omniaque alia quæ locorum Ordinarii absque differentia facere possit ac debeat. Decerniturque loca esse nullius diocesis. Extat apud eundem Autunez loc. cit. Incipit *Inter cetera*.

AD-

(a) Vid. Ord. 223. Adnot. 3. anno 1607. 7. Maii.

## ADNOTATIONES.

(1) Author *Geographiæ Portugallicæ* (a) inquit: *A principio habuit ordo Christi Vicarium seu Priorem Status clericalis cum jurisdictione ecclesiastica in omnibus terris Ordinis comprehensis conquistis. Tenuit dignitas hæc usque ad Joannem III., quo rege erecta ecclesia S. Mariæ de Funchal in insula Madera in episcopalem, deinde in metropolitanam, Vicariatus suppressus est.*

## ORDINATIO VII.

Anno 1481. 22. Jun.

Sixtus IV. confirmat litteras Nicolai & Calixti, & conventionem (1) Regum Catholici & Lusitani, qua huic asseritur possessio & quasi possessio in omnibus commerciis, terris, & permutationibus, sive resignatis Guineæ cum suis mineris, seu aurifodinis, insulis de *la Madera*, de *Porto-sancto*, *Deserta*, de *los Azores*, *Florez*, & quibuscumque aliis ab insulis de *Canarias* ultra & in conspectu Guineæ, exceptis duntaxat insulis de *Lanxarote*, *la Palma*, *Fuerte-ventura*, *la Gomera*, *del Fierro*, *la Graciosa*, *la Gran Canaria*, *Tenerife*, & omnibus aliis insulis de *Canarias*. Extat apud eundem Autenez ibid. Incipit *Aeterni Regis*.

## ADNOTATIONES.

(1) *Conventionem*. Pacti erant ante biennium in oppido Alcantara Reges Catholici Ferdinandus & Isabella (b) cum Lusitano, ne is oras Africae ad oceanum lustrare, conquirere, & possidere prohiberetur in posterum. Sed parum firmam oportuit esse pacem, & pontificiam pacis confirmationem, si verum habet Faria dum refert hoc eodem anno 1481. triginta non minus Castellanorum naves mercium causa ad Guineæ portus applicuisse, non cessuras nisi majore Portugallicæ classis vi commisso prælio abigerentur. At est qui de hujus facti veritate dubitet (c).

## ORDINATIO VIII.

Alphonsum de Bolaños Minoritam apostolica instruxit auctoritate Sixtus IV. ad religionem in Canariis insulis, & Africae, Asiaeque oris maritimis propagandam. Quod cum incredibili fructu præstaret, Pontifex concessit ut sexdecim socios ejusdem Ordinis è quatuor Hispaniæ provinciis in laboris societatem assumeret, quamvis petita à præsulibus facultas negaretur. Refert Natalis Alexander Sæc. XV. cap. 1. a. 9.

ORDI-

(a) *Geogr. Portug. tom. 1. pag. 534.*

(b) *Mariana. Hist. de Esp. lib. 24. cap. 20.*

(c) *Histior. des Voi. tom. 4. lib. 9. cap. 2.*

*pag. 52.*



## ORDINATIO IX.

Anno 1484.

**J**oanni II. Portugalliae Regi concessit Pontifex, ne quis alius Princeps posset ab occidente ad orientem conquestionem facere: utque bello parta ab alia Natione Portugalliae cederent. Sic habetur apud Trevulianos (a).

## ADNOTATIONES.

Dum hæc à Sede Apostolica impetravit Joannes, non animadvertit, inquit Author Historiæ Generalis Navigationum (b), orientis conquestionem fieri posse per occidentem, ut deinceps per Magallanem aperta & pene constrata via factum est: quo salvâ Ordinatione præsentis jus integrum Castellanis præ Lusitanis esse potest in orientem ultra & citra Philippinas & Moluccas. Vide infra Ord. 13. anno 1493. 25. Sept., & Ord. seq. Adnot. 3.

## ORDINATIO X.

Anno 1493. 4. Maii.

**A**lexander VI. accepto nuntio Christophorum Colon certas insulas & terras firmas invenisse (1), quas Reges Catholici Ferdinandus & Isabella subicere & ad fidem catholicam reducere proposuerant, ut tantæ negotii provinciam alacrius susciperent, motu proprio omnes insulas & terras firmas inventas & inveniendas versus occidentem & meridiem, ducta linea a polo arctico ad antarcticum, sive sint versus Indiam, sive versus quamlibet aliam partem, quæ linea distet a qualibet insularum (II); quæ vulgariter nuncupantur *de los Azores y Caboverde*, centum leucis versus occidentem, ita quod omnes insulæ & terræ firmæ repertæ & repertiendæ a præfata linea versus occidentem & meridiem (III), quæ per alium Principem christianum non fuerint possessæ usque ad diem Nativitatis Domini proximè præteritum, à quo incipit annus præsens (IV) millesimus-quadragesimus-nonagesimus-tertius; quando aliquæ prædictarum insularum fuerunt inventæ, cum omnibus illarum dominiis, juribusque, nominatis Regibus eorumque successoribus in perpetuum donat (V). Illisque mandat, (VI) ut ad prædicta loca viros probos doctosque ad instruendum incolas in fide & bonis moribus destinare debeant. Ac quibuscunque personis etiam regalis imperialisque dignitatis sub excommunicationis lætæ sententiæ pena (VII) ipso facto incurrenda inhibet, ne ad ea loca pro mercibus habendis, vel quavis alia de causa accedere præsumant absque

(a) *Mem. de Trev. ann. 1746. artic. XXVI.*

(b) *Histo. des Voiag. tom. 1. lib. 1. cap. 2. pag. 15.*

que Regum Catholicorum licentia speciali. Non obstantibus Constitutionibus & Ordinationibus apostolicis, cæterisque contrariis quibuscumque. Romæ. Anno 1493. 4. Nonas Maii. Extat in Bullar. Cherub. Incipit *Inter cætera.*

## ADNOTATIONES.

(1) *Invenisse.* An Colonus in Novum Orbem venerit primus Europæorum, dubium est quod Pontifex decidere non vult, sed sub verbo *accepimus* inventi fidem relinquit penes exponentes factum, qui etiam possunt intelligi de inventione præmonstrata maximè cum etiam præjactis operæ rudimentis tanta manet eum gloria qui perfecit.

Sunt qui inventum ante Colonom prædicant ab Antonio Zeni Veneto anno 1381. Scriptores Angli inventionem tribuunt (a) Madoc cui-dam Guineti Walliæ Principis filio, qui anno 1109. ad Floridam appulsus struâ turri totius regionis adierit possessionem. Est qui ante Salomonem fuisse notum scribat, statuens Ophir in Peruvio, eo maximè quia Ophir regio eadem est cum Sepharvain, Phervain, Peroilain ut inflectere amat Joannes Mill apud Trevultianos (b). Quæ opinio minus esset contemnenda, si *Peru* nomen esset moderna Novi Orbis inventione prius. Colonus ipse terræ cavitates in Hispaniola ut-ut repertas Salomonis auri-fodinas esse credere habuit.

Sunt qui Colonom alienas tabulas sortitum Novum Orbem cogitasse credant, sive confectæ atque amica manu suppeditatæ illæ sint a Martino Andalouza Cantabro, ab ignoti nominis Lusitano, sive ab Alphonso Sanchez de Huelba in Bætica nato. Cunctis felicior extitit à Regio Hispaniæ Senatu judicata 'fraus Americi Vespucii, quem cum male haberet quod Ligur Colonus etiam continentis audiret inventor, eam laudem tribuere induxit animum ipse sibi, eo successu ut Novo Orbi suo nomine imposito, Veteri imponere lucratus sit (c). Causam vicit in Regio Senatu contra Vespucium Colonus, vel Coloni posteritas; sed cum Alphonso litem habet apud scriptores etiam nunc P. Maurillo (d) ex plurium quos laudat sententia pro certo habet, inventoris primam laudem Alphonso tribuendam. Eiusdem sententiæ est Gomara (e). Nec abludit Ill. Huetius (f), qui & Acoſtam (g) & Garcilasum laudat. Et quidem non apparet qua ratione Colonus, dum tot Principum curias circumcurſat, si quis vellet classis adornandæ suppeditare sumptus, potuerit esse tam securus de navigationis successu & fructu, nisi prælucente aliqua unde unde habita notitia.

Congerit Herrera (h) plurium rationum capita, quibus in eam cogitatio-

(a) *Mem. de Trev. anno 1711. Art. CXXII.*

(b) *Ann. 1706. A. VI. Vide Calmer in Genes. Dis. in Reg. Ophir.*

(c) *Solorz. l. 1. De Jur. Ind. cap. 4. a n. 5.*

(d) *Murillo lib. 9. Geogr. Histor.*

(e) *Gomara, Hist. de las Ind. cap. 13.*

(f) *Huet tom. 1. De Dem. Ev. prop. IV. n. 6. pag. 109. Edit. Neap. 1730.*

(g) *Acoſt. l. 1. Hist. Nat. de las Ind. c. 19. Garcil. Hist. Ingar. cap. 3.*

(h) *Herr. Decad. 1. lib. 1. ep. 2. & 3. & cap. 16.*

tationem venire potuit; illis tamen si fidem faciunt de globi terraquei figura, minimè conficitur ad occidentem esse insulas vel regiones opum indicarum, auri & argenti, prodigas. Et tamen Colonus de regionum opulentia, nec tantum de existentia promissa fecit, ut ipsemet Herrera testatur, dum ait: *Holgó mucho Colon de las hojuelas de oro, porque deseaba que los Reies viesse que lo havia, y que no eran vanas sus promessas*. Id quod etiam à sociis exprobratum esse Colono, dum successus itineris desperari cœpit, cecinit Carrara (a): *Cum tamen inter nos an sint dubitetur & Indi. = Sint esto, qualesque sibi per somnia visos = Luxuriare auro gemmisque effulgere Ductor = Jactitat*.

Si tamen quæras, quomodo Sanchez, vel quicumque fuerit inventor primus de regionum opulentia certior sit factus, ut eam notam Colono faceret moriturus; difficultate caret, casu vel tempestatibus accedentem vidisse laminas collo indigenarum appensas, quales in accessu primo vidit Colonus ipse. Trevultiani (b) fabulis annumerant quod de nauta Coloni præcurfore proditum est. Estque apud eosdem (c) qui putet hanc fabulam turpem esse calumniam ab Hispanis excogitatam ad obscurandam inventoris exteri hominis famam. Nihil tamen suggerunt quo calumnia vel fabula reputari debeat, nisi quod alibi scribunt de sententia lata in Regio Indiarum Senatu. Ea verò lis pro Colono contra Vespucium, non contra præcurforem navicularium, de quo non agebatur, dirempta fuit; nec de Novi Orbis, sed de continentis inventionem sermo erat.

P. Charlevoix, qui & ipse de Trevultianis aliquandiu fuit, ait (d) lineam æquinoctialem nunquam esse transmissam à Colono: eam tamen transmittere oportebat vestigia aliena sequentem, nam præcurfor vulgo dicitur ad Brasiliam appulisse. At præterquam quod Brasilia potest facile confundi cum regione propinqua, maximè dum limites nondum erant constituti, primum est ut homo nauticæ gnarus se duci faventibus auribus boream versus permiserit, ut postea proram retorqueret ad austrum lineam transmissurus, ni antea quod quærebat reperisset.

P. Antonius Maria de Lugo (e) eo maximè coniecisse Colonom ait terrarum occidentalium existentiam, quia in Madera frequentissimos expertus erat ventos occidentales. Quasi non possent ventorum fluentia, sicut aquarum, in ipso mari consurgere procul à terra, vel quin sit ibi terra, unde flant.

(II) *A qualibet insularum*. Eligendi copia quæ hîc à donante fit, fit utique donatario. Unde liberum esset Regi Catholico, quantum est ex præsentē Constitutione, lineam dimensionis ducere centum leucis à quavis Azorum insula: & postquam punctum dimensionis inchoativum ex conventionē facta in Turre Syllana anno sequente 1494. 7. Jun., ad insulas Capitis Viridis determinatum est, potuit linea duci pactâ distantia ab insula

(a) Carrar. l. 6. Columbi, seu De Invent. N. Orb.

(b) Mem. de Trev. 1736. A. 38.

(c) 1752. A. 29.

(d) In Fastis N. O. anno 1500.

(e) In Addit. ad Diction. Hist. Postat. Ed. Neap. 1754. Verbo Colombo.

fula Salis, quæ propius orientem jacet inter Hesperides; pro pace tamen in congressu anno 1682. in Pace-Julia celebrato propositum est à Castellanis, quod punctum figeretur, non in Salis insula, quam olim dum lis erat de Moluccis prætulerant Lusitani, modò averfantur, nec in insula S. Antonii, quæ cæteris occidentalior est, & hac ratione in præsen- quando lis est de Brasilia, Lusitanis commodior; sed in insula S. Nicolai inter utramque media. Displicuit medium hoc Lusitanis; & primum est ut & terminus quilibet displiceat, cum constet ductâ lineâ post centum leucas Alexandrinæ concessionis, additis etiam bis centum & septuaginta ex conventionem Turris-Syllanæ, quamvis punctum figatur in insula Hesperidum Americæ propinquissima, parum de Brasilia restare Lusitanis, minus certè quam quod occupant, quibuscumque tabulis fides habeatur, si- ve castellanis, si-ve hollandis impartialibus, si-ve etiam Lusitanis factis à suo Joanne Texeira exhibitis in congressu. Vide infra anno 1746. 6. Dec. Ord. 590.

(III) *Versus occidentem & meridiem*. Vulgo creditur totum orbem ab Alexandro per hanc Constitutionem esse divisum; ita ut hemispherium orientale, qua parte christiano Principi non subesset, Lusitanis; Castellanis occidentale cederet. Falsò tamen & temerè, nam conceduntur Lusitanis bello parva navigantibus à stata linea ad orientem & meridiem, & Castellanis ad occidentem & meridiem pariter navigantibus. Id quod in citato Pacis Juliæ congressu à Castellano Judice Commissario D. Ludovico Cerdeño & Monzon scitè observatum est. Nempe regiones etiam orientales ab alio christiano Principe actualiter non possessæ, si à Castellanis reperiantur per occidentem, ut de Moluccis & Philippinis factum est, debent Regi Catholico cedere salva præsen- te Constitutione. Idem verò jus in suam vicem favet Lusitanis in insulas & terras occidentales, si Castellanos eò per orientem navigando prævenissent. Idque magis elucet in Constitutione data hoc anno 25. Sept. de qua infra Ord. 13. Nec est abs re quod ad vitandas catholicorum Principum discordias providerit Pontifex, ut adversis prorsus hîc per orientem, ille per occidentem trans- fretaret, licet terminus solum primo accedentis & occupantis possessione discernere- tur.

(IV) *A quo incipit annus*. Incipit annus à die Nativitatis Domini ad diem Nativitatis octavam ritu ecclesiastico prorogata.

(V) *Donat*. Quanvis hæc donatio verbo sit absoluta, re tamen esse conditionatam censent (a) Suarez, Cardinalis de Lugo, Salmaticenses, Conink, Bañez, Platel. Quia, inquirunt, concessio quantumvis ampla & absoluta sit verbo, restricta debet intelligi ad terminos juris & æqui, ut in *tract. De Legibus, de Justitia & Jure* docent: quod maximè verum est quando per indefinitam donationem læderetur jus quod tertius aliquis habet in re donata, ut in præsen- ti fit, nam Indi etiam infideles veri sunt domi-

(a) *Suar. D. 18. De Fid. f. 1. n. 7... Lugo 160... Dom. Eanex Q. 10. De Fid. art. 10. go D. 13. De Fid. n. 102... Salm. tr. 21. De- dub. 4. Concl. 5. ad 3... Platel. P. 3. cap. 1. cal. P. 1. n. 9... Conink D. 18. De Fid. n. Synopf. 9. 7. n. 294. pag. 187...*

domini rerum suarum, nec dominio aut jurisdictione privandi sunt, ut declaravit Paulus III. anno 1537. 23. Maij, & 2. Jun. Ord. 57. & 59. infra suo loco videndis.

Solorzanus (a), Avendaño, Diana putant nihilominus donationem esse re sicut & verbo absolutam, neque eam excedere potestatem Pontificibus a Domino factam, & adversantes culpant Avendaño quod Constitutionem quam interpretantur, non legerint. Legentibus tamen id liquido constat quod nemo negat, donationi nullam verbo conditionem esse appositam. Sed neque inficias ibit tetricus Avendaño, donationi quibus quibus vocibus conceptæ subesse conditiones plures; id quod contractibus aliis, votis, legibus, obligationibus tum activis, tum passivis, dispensationibusque commune est.

Verum quidquid de potestate donantis sit, de qua non disputo, voluntatem non fuisse infidelium terras & bona absolute donare Catholicis Regibus suadet 1. ex citata Pauli III. Constitutione, qua diu post Alexandri donationem declaratur, Indos etiam infideles non esse rebus suis privandos. Privari tamen possent si dominium rerum indicarum esset per antecedentem donationem absolute translatum. 2. Quia id ab Alexandro concessum est, quod Regi Catholico licebat omnino. Saltem ea fuit Hispanorum mens, ut refert Herrera (b), dum sub felicem Coloni reditum recursus ad Pontificem parabatur. At Regi non licebat regionum indicarum acquisitio, nisi certis conditionibus & tituli accessione honestaretur. 3. Ex ipsorum Regum Catholicorum mente, qui diu etiam post Alexandri donationem putarunt, res Indorum etiam infidelium ad Indos pertinere: idque sæpe manifestarunt legibus pro Indiarum regimine latis.

Nominatim leg. 2. tit. 1. lib. 4. Recopilationis Indiarum dicitur: *Haia entera satisfaccion de que ( los Descubridores ) no les haran ( à los Indios ) perjuicio en sus personas y bienes : y que por su virtud y verdad satisfaran à la obligacion que tenemos de que assi se haga*. Et leg. 6. ibid.: *Se escuse esta palabra Conquista*, porque no ocasiona ò dê color, paraque se pueda hacer fuerza ò agravio à los Indios. Et leg. 10.: *Los descubridores no tomen sus bienes, sino fuere por rescate, ò dandose los ellos por su libre voluntad*. Quodsi in lege ejusdem tituli finali indicitur conquistatoribus, ut terrarum possessionem pro Rege adeant, intelligendum juxta legem 1. t. 7. l. 4. de terris vacantibus, quales in America plures erant, & modò sunt: *En estas y en las demas poblaciones tierra adentro elijan el sitio de los que estuvieren vacantes, y por disposicion nuestra se puedan ocupar sin perjuicio de los Indios y de los naturales, ò con su libre consentimiento*. Quod ipsum de pascuis præscribitur leg. 26. ibid.

Ex harum legum æquitate nosce quam injurius hispano regimini sit scriptor ille (c), qui postquam retulit Puritanos barbarorum terrulas quoddam

(a) Solorz. l. 1. Polit. cap. 11... Diana P. 6. tr. 4. R. 18... Avend. tit. 1. Thesaur. Ind. c. 1.

(b) Herr. Decad. 1. lib. 2. cap. 4.

(c) Histoir. & Commerce des Colon. Angl. dans l'Amer. 1755. pag. 130. & seq.

dam pretio comparasse, subdit: *Longe* abest ut ab Hispanis jus naturale sic observatum sit. Cum possent Americæ possessa modico pretio, maluerunt cædibus, & multo barbarorum sanguine comparare. Rationem sic agendi quæres in machiavelismo, cui gens servit, & quo tota illius vertitur *gubernatio*. Si regiminis habenda ratio, nullum hispano prudentius & æquius. Si privatorum observantiæ, non usque adeo puri ab injuriis sunt Anglicani coloni: nec tantus est Hispanorum reatus, si facta non tam supra verum exaggerentur.

Donatio igitur eatenus à Pontifice facta est Regi Catholico quatenus si bello alioquin justo sive ad propulsandam injuriam propriam vel alienam, sive ad amovenda impedimenta evangelicæ prædicationis, ad quam jus indefinitum habet Pontifex, Indi essent debellandi, bellum susciperet Rex Catholicus, cui potius quam a catholico regiones debellatæ concederent. In idem recidit quod de concessa solum fidei & evangelii protectione passim tradunt Authores, è quibus Platellius hæc habet (a): *Alexander VI.* aliique Pontifices Indos non subjecerunt regibus Castellæ & Lusitanæ; sed his solum concesserunt potestatem prædicatores ad Indiæ regna mittendi, illosque ab injuriis infidelium vindicandi, & consequenter eos (si ab injusta fidelium vexatione desistere nollent) sibi subjugandi in quantum justè id possent facere. Ecclesia quidem habet jus evangelium ubique prædicandi, & resistentes per se vel per suos ad officium compellendi. Sed inde solum sequitur, infideles posse cogi indirectè & per accidens ratione injuriarum evangelii præconibus & cultoribus ab ipsis inique *illatarum*.

Porro causas justas bellum Indis infidelibus inferendi, eos debellandi, & consequenter debellata possidendi, sex enumerat acerrimus bellatorum impugnator Bartholomæus Casas seu Casaus Episcopus Chiapensis (b). 1. Si christianorum terras occupant. 2. Si fidem Christi, templa, sacramenta, vel sacras imagines peccando temerant. 3. Si Christi nomen, Sanctorum, vel Ecclesiæ scienter blasphemant. 4. Si scienter impediunt prædicationem. 5. Si ipsi nos aggrediantur. 6. Ad innocentes liberandos; quorum scilicet lege divina demandatum est tutamen. Ait tamen ibid. & iterum *ad object.* 10. *Sepulveda*, majora nasci mala ex bello quam ex innocentium oppressione: ideoque abstinendum à bello, si pro causa sit sola innocentium liberatio.

De cætero putat Episcopus (c), donationem Alexandri esse absolutam, qua Regibus Castellæ & Legionis confertur jus imperiale supra Reges Indiarum. Cum quo, inquit, stat quod hi maneant & sint suarum rerum & regnorum domini, pendentes Imperatori tributum aliquod ad fidei protectionem & rectam gubernationem conveniens. Et *ad 12. Sepulveda object.* reposuit, mentem Alexandri fuisse, ut Indis primo prædicaretur evangelium, deinde subjicerentur.

In

(a) *Plat. P. 3. Syn. c. 1. §. 7. n. 294.* (b) *Chiap. Apol. contra Sepulvedam.*  
(c) *Ibid. & prop. XVII.*

In quibus non videtur Episcopus bene sibi constare. Si enim Pontifex caret autoritate adversus infideles paganos, ut *ad 2. object.* habet, & quia caret autoritate, neminem potest Indiarum Regem constituere, quomodo potest constituere Imperatorem? Si nequit alteri conferre jus exigendi tributum regale; quomodo potest conferre jus exigendi tributum imperiale? Et quare non posset hoc tributum vi & bello extorqueri ultro non solventibus?

Præterea inter bona regum paganorum primum est independentia aut suprematia. At huic per imperialem illam dignitatem præjudicium paratur. Igitur si hoc bonum licet fidei gratia tollere vel usurpare, licebit & tollere alia. Tandem dum facultas conceditur, ut Indi subjiciantur post evangelium prædicatum, est sermo de subjectione voluntaria, an de subjectione per arma? Si primum, id ipsum licet ante evangelium prædicatum, quin sit opus concessione pontificia. Si secundum rursus quæritur, an evangelium prædicatum supponatur simul admissum, an rejectum? Primum nemo dixerit, quod per fidem admissam fiat potestas subjugandi paganos, qui si fidei reluctarentur, subjugari non poterant. Si secundum, cur potius rejicientes evangelium prædicatum, quam impediens prædicari, subjugari possunt? Et quo jure in rejicientes evangelium non subditos Pontifex potestatem erexit?

Dicendum ergo, concessionem seu donationem Alexandri, & similes, fuisse re conditionatam, ut Rex Catholicus fidei protector accedente titulo debellaret, & debellata possideret. Contigit verò in decursu, ut ex injuriis evangelio, innocentibus indigenis præsertim parvulis, & Castellanae genti irrogatis, tituli ad bellandum & debellandum abundaverint passim. Quodsi iustitiæ fines transgressus est aliquando Castellanos aliquis error fuit & facti & privatus, nec à Pontifice nec à Rege probatus, ut patet ex compensatione seu reparatione damnorum Atabalibæ seu Atahualpæ nepti nomine *Coya*, dum erat Marchionissa de *Oropesa* à Philippo III. facta in judicio, quæ tunc visa est sufficiens, ut refert Hurtado (a). Quod si quis æqualitatem desideret in facta compensatione, animadvertat oportet Atabalibam merito potuisse debellari, cum contra jus gentium deliquit missos idolo sacrificando, & de reliquis sacrificium parando, ut refert Sandoval (b), & quia contra fratrem & primogenitum & hæredem regni rebellaverat (c).

Dixerit quis, concessionem eo sensu factam esse inutilem, quia quando fit injuria vindicanda, quivis vindicare potest. Utilis tamen est concessio, tum quia novus titulus accedit aliunde existentibus; tum quia licet cuilibet fas sit injuriam dum sibi aut alteri fit auxilio indigenti, dum fit inquam actu loco & tempore, propulsare; cum tamen actu non fit, sed periculum est ne fiat, vel fit in loco distante quò plures ad vindicandum convenire possunt, potest Ecclesia alteri præ altero provinciam dare, vel quia fide sanior est, vel ad vitandas catholicorum discordias.

VI. II-

(a) Hurtado D. 75. De Fide. §. 22.  
(c) Herr. Dec. 5. l. 3. cap. 17.

(b) Sandoval, lib. 13. Hist. Car. V. §. 30.

(VI) *Illisque mandat*. Regem Catholicum per hæc verba constituit Papæ legatum in spiritualibus etiam, censent Ludovicus Miranda, Fr. Joannes Baptista, Freitas, Rodriguez, Veracruz, Focher, & alii apud Frasso (a). D. Garcia Perez de Araciel in *Memoriali super vacantibus Indiarum* qualitatem Legati fundat non tantum in Bullis Pontificum, sed in consuetudine, dum ait: *V. M. consideratur* in Indiis, non tantum ut patronus, sed etiam ut delegatus Apostolicæ Sedis, cui Suz Sanctitatis in omnibus causis ecclesiasticis, tum bullis, tum consuetudine commissæ sunt *vices*. Idque probat ex eo quod S. Pius V. ad Regem Catholicum scripserit, ut pro-regibus Toledo & Henriquez quædam injungeret ad evangelii prædicationem spectantia: quod non scriberet, nisi Rex haberetur pro Legato.

Et P. Avendaño scandalum sine causa eo Delegati aut Legati nomine Principi laïco attributo (b) est passus. Quid verò & quantum ex delegatione illa Regi Catholico conveniat de potestate in ecclesiasticam rem, ex aliis constitutionibus & ex legitima consuetudine definiendum est: maximè cum Legati, qui non emanant, sed constituuntur à Pontifice, definitas non habeant à jure facultates, ut tradit Barbosa (c). Illud videtur certum, ex eo quod S. Pius V. ad Regem Catholicum scripserit, ut quædam ad evangelii prædicationem spectantia admonitos vellet pro-reges, non benè inferri ab Araciele qualitatem Legati. Idem ferè quod ad Regem Catholicum à S. Pio V. infra Ord. 121., & ad Sebastianum Portugalliæ Regem Ord. 115. scriptum pariter est ad pro-reges Goanum & Mexicanum, ad Archiepiscopum & ad Regium Consilium seu Senatum, ut videre erit Ord. 113. & seq., quin ex eo cunctis sit tribuenda Legati qualitas. Quod vero ex jure scripto non habetur, haberi potest ex consuetudine, quæ consulenda est.

(VII) *Sub excommunicationis lata sententiæ pœna*. Pœnam hanc esse per desuetudinem tacitè abrogatam, communis est sententia apud Regii Fiscii Patronum Frasso (d). Idque favet, non tantum Hispanis eò convenientibus absque Regis Catholici licentia, quidquid dicat Solorzanus (e), sed cujuscumque nationis sint; diu enim est à quo nemo se putat hac censura ligatum, nemo qui ligatos censeat advenas, aut id genus pœnam exigat. Pro ecclesiasticis censuris alia media navigantes arcendi à portibus Indiarum adhibere coacti sunt Reges, utinam efficaciora.

Et de Gallis quidem sub Carolo V. Imperatore, quo tempore à re hispânica magis erant alienati, in cameracensibus induciis conventum est anno 1556., ne absque consensu Imperatoris aut Regis ejus filii possent ad Indias navigare mercium commutandarum causa, vel Indiarum terras armis conquirere & occupare. Ita referunt Freitas & Sandoval, quos Petrus Bergeron apud Trevultianos (f) accusat, quod factam conventionem græca fide retulerint, qua solum habetur ne Gallis sit liberum ad Indiarum

(a) Frasso, *De Reg. Ind. Patron. cap. 25.*

(b) Avend. *Austar. P. VIII. num. 454.*

(c) Barb. *Lib. 1. Jur. Eccl. cap. 1. nu. 24.*

(d) Frasso, *De Reg. Ind. Patr. c. 66. n. 85.*

(e) Solorz. *tom. 1. De Ind. Gub. l. 2. c. 25. n. 74.*

(f) *Mem. de Trev. 1736. Art. 39.*



rum Hispaniensium portus applicare, aut in illis negotiari clam Rege Catholico, dummodo ne quod damnum paretur aliò quò libitum sit vel commodum navigantibus.

Nempe conventio prout à Bergerone refertur, exprimit Indias Hispanenses, quas historici accusati, licet non exprimant, supponunt, cum constet Reges Hispaniarum de Hispaniensibus tantum Indiis esse sollicitos, cum de claudendis Indiarum portibus paciscuntur. Extat in Jure Hispano-Indico titulus integer *De los Passageros*, cujus, & conventionis cameracensis, & ordinationis hujus pontificæ, idem est argumentum: in quo dum nulla excommunicationis, & constitutionis apostolicæ, ut fit aliàs occurrit mentio planè significatur, abrogatam usu reputari quatenus sententiam continet excommunicationis adversus eò locorum navigantes.

(VIII) *Incarnationis anno 1493.* Hinc elucet quod a P. Henrico Florez (a) observatum est, in ratione temporum Incarnationem sæpe accipi pro Nativitate, quæ Incarnationis consecrarium & manifestatio quædam est. Constat enim tum ex præcedenti constitutionis hujus contextu, tum ex rerum gestarum ordine & historia, datam esse constitutionem mense Mayo anno à Nativitate 1493. Si tamen annorum ratio ineatur ab Incarnatione, quæ contigit 25. Martii, Majus ille mensis ad annum sequentem 1494. spectat. Passim tamen in Constitutionibus Apostolicis accipitur Incarnatio prout à Nativitate distat. De quo vide Papebrochium (b) qui ait: *Bullæ* strictè dictæ saltem nunc inchoant annos à 25. Martii. Sed hæc Incarnationis epocha, prout in Bullis adhibetur, non ab Incarnatione novem mensibus Nativitatem præcedente, sed à die Incarnationis anniversario tribus mensibus Nativitatem consequente: ut palam fit Bullarum exemplis ibidem à Papebrochio relatis. Id quod etiam constat novissima Constitutione Clementis XIII. *Apostolicum pascendi*; cum sit enim certò data mense Januario anni 1765., scilicet anno Clementini Pontificatus septimo, ut in textu Constitutionis ejusdem habetur, dicitur nihilominus data anno ab Incarnatione 1764., nempe secundum stilum numerandi Incarnationis annos à die Incarnationis anniversario tribus mensibus Nativitatem consequente; si enim computentur ab Incarnationis die novem mensibus præcedente, vertebatur utique Januarius, non anni 1764., sed sequentis 1765.

## ORDINATIO XI.

Anno 1493. 4. Maii.

**U**T Rex Catholicus omnibus (I) & singulis gratiis, privilegiis, exemptionibus, facultatibus, libertatibus, immunitatibus, litteris, & indultis, Regi Portugalliæ concessis (II) gaudere possit; non obstantibus contrariis quibuscumque. Incipit *Eximia*, & habetur apud Solorzanum tom.

(a) Florez, *Tom. 1. Hisp. Sacr. in Prol.* (b) Papebroch. in *Enchiridion* p. 314.

tom. 1. de Ind. jure, & Gubern. lib. 2. cap. 24. num. 24., & meminit Herrera Dec. 1. lib. 2. cap. 6.

## ADNOTATIONES.

(1) *Omnibus & singulis gratiis*. Hinc infert D. Abreu (a), Regi Catholico jus competere patronatûs in cunctis Hispaniensium Indiarum Ecclesiis, quia Regi Portugalliæ in regionibus suæ demarcationis jus patronatûs concessum est a Calixto III. 15. Mart. 1456. Hanc Calixti constitutionem de patronatu alias non vidi citatam: nec memini quod continetur in *Formula Juramenti à missionariis ex præscripto Seren. Portugalliæ præstandi*, ubi citantur aliæ ejusdem argumenti. Fortè respicit Abreu ad Constitutionem Calixti supra Ord. VI. relatam, cujus integer tenor est apud ibi citatum Antunez. In illa tamen nihil de jure patronatus habetur; sed jurisdictio & spiritualitas conceditur, non Regi, sed Militiæ & Ordini Christi, non in regionibus indefinitè portugallicæ demarcationis, sed à capitibus *Boxador & de Non*, usque per totam Guineam & ultra illam meridionalem plagam usque ad Indos. Quodsi potestatem in spiritualibus comprehendere velis jus patronatus, & competere Regi ex quo devenit Militiæ & Ordinis Christi Magister, non solum patronatus, sed omni-modi potestas & jurisdictio in spiritualibus, quarum sit capax, ex communicatione præfata Regi Catholico esset præstanda.

Aliam esse concessionem factam Magistro Ordinis Christi ad jus patronatus propius accedentem, suadetur ex eo quod Philippus III. Hispaniæ & Portugalliæ Rex circa annum 1620., jam constitutis episcopatibus aiebat, ut refert P. Cordara (b), sibi ut Magistro Ordinis de Christo jus esse ab Apostolica Sede constituendi legitimos neophitorum parochos. Quidquid de hoc sit, jus patronatus in indicatione certum habet Rex Catholicus ex constitutione Julii II., de qua suo loco. Estque novissime recognitum à Benedicto XIV. in Concordato anni 1753. 20. Febr. ubi declaratur, in regnis Granatensi & Indiarum ad Regem Catholicum pertinere jus nominandi ad beneficia. Et in litteris Apostolicis, quæ ad Episcopos recens promotos in dies expediuntur, dum mentio incidit de regio patronatu, semper additur: *Cui non est hæcenus derogatum*. Vide infra anno 1508. 28. Jul., 1753. 20. Febr., & 1763. 18. Jul.

(II) *Concessis*. Non additur *Et concedendis*, ut fit aliàs. Unde quæ deinceps Regi Portugalliæ concessa sint, quantum est ex præsentē Constitutione, communia non sunt. An verò fundamentum habeat aliunde ejusmodi communicatio, ut quæ Indiæ orientali concessa sunt privilegia, ea sibi occidentalis vendicari possit, dubium est de quo infra anno 1579-10. Febr.

OR-

(a) Abreu, *De las Vacantes de Ind. Artic. 2. P. 2.* (b) Cordara, *Hist. Soc. J. Part. VI. p. 265.*

## ORDINATIO XII.

**P** Boil instituitur Papæ Vicarius in Novo Orbe: quò cum duodecim sociis datus est. Colono comes in secunda navigatione, ut rem christianam inter indigenas promoveret. Ita D. Franciscus Lopez de Gomara, qui ait (a). Vicarii socios fuisse clericos, quos Herrera (b) appellat religiosos, regulares intelligens. Hic est Bernardus ille Buil, seu Boil, ex Benedictino monacho Montis-Serrati factus de Ordine Minimorum, qui apud Trevultianos (c) nominatur Indiarum Patriarcha. Certè facultatem habuit censuras fulminandi, contra Colonom exertam, sive propter nimiam severitatem in Castellanos milites, sive ut alii malunt apud Hereram (d); quia sibi ac suis parcè de annona providebatur.

Petrus Martyr de Angleria, sive de Anghiera, Jamaicae Abbas, & Regum Catholicorum Chronographus discordiarum causam refert in Legati zelum, ne insulani crudeliter ab Hispanis tractarentur (e). Fr. Joannes de Torquemada (f) inquit: *Eservo el dicho Fr. Buil dos años en la Española, y lo mas de este tiempo se le pasó en pendencias con el Almirante, y no (segun parece) por volver por los Indios, y procurar su libertad y buen tratamiento, sino porque castigaba con rigor à los Españoles por males que hacian à los naturales, y por otras culpas que cometian.* Et admonitiones factæ Colono de suavitate cum militibus servanda, ad Torquemadæ suspicionem propius accedere videntur. Quidquid sit, Legatus in Hispaniam exacto biennio clàm regressus est. Et hic fuit exitus primi hujus in Novo Orbe apostolatus.

De Bernardo Boil plura vide sis in Vita S. Francisci de Paula, auctore Fr. Isidoro Toscano (g), ubi dicitur propter sanctitatem & doctrinam electum esse Novi Orbis Apostolum, Archiepiscopum, Patriarcham, & Summi Pontificis Alexandri VI. in illis regionibus ubi prima jecit fidei semina, Vicarium, ac demum post reditum in Hispaniam Episcopum Gerundensem. Illud est certum, dum Oceanum trajecit, jam mutasse cucullum.

## ORDINATIO XIII.

Anno 1493. 25. Sept.

**D**Onatio Alexandri VI. de qua supra Ord. X. ad omnes & singulas insulas & terras firmas, quæ navigando vel itinerando occidentem versùs vel meridiem, sint vel fuerint, sive in partibus occidentalibus, vel meridionalibus, & orientalibus, & Indiæ (1) existant, extenditur. Inhibetur.

(a) Gomara, *Hist. de las Ind.* cap. 20.

(b) Herr. Dec. 2. lib. 2. cap. 5.

(c) Mem. de Trev. 1708. Art. 122.

(d) Herr. loc. cit. cap. 12.

(e) Petr. Martyr apud Salern. tom. 1. De

Indiar. jur. lib. 3. cap. 6. num. 59.

(f) Torquem. lib. 18. Monarch. Ind. cap. 6.

(g) Vita di S. Fr. di Paola, l. 3. cap. 10.

p. 252. & seq.

beturque quibuscumque personis sub excommunicationis latæ sententiæ pœna, ne ad partes prædictas ad navigandum, vel piscandum, vel inquirendum ire vel mittere præsumant (II) absque licentia Hispaniarum Regis. Incipit *Dudum*, & habetur apud Solorzanum tom. 1. De Ind. Jur. & Gub. l. 2. c. 6.

## A D N O T A T I O N E S.

(I) *Orientalibus & Indiæ*. Hinc amplius elucet, quod supra Ord. X. observatum est, mentem Alexandri non fuisse orbem bifariam dividere, ut pars orientalis Portugalliæ, occidentalis Castellæ cederet, cum Castellanis concedantur in orientalibus etiam & in Indiâ per occidentem & meridiem reperta. Cujus vulgaritatis inexcusabilior cunctis est Solorzanus (a), penes quem solum, quod sciam, est textus præsentis Constitutionis. Neque animum eo magis induxit Alexander ut impositum est Brietio (b), figere punctum ad lineam primi meridiani ducendam, de quo nulla tunc erat cogitatio, sed figere punctum ad lineam ex qua liberum esset Castellanis navigare & conquirere. Fixumque fuit, non post tercentum leucas, ut vult Brietius: non post tercentum & quadraginta, ut habet Solorzanus, sed post centum, nam additio leucarum biscentum & septuaginta post primas centum, non ab Alexandro facta, sed ex partium conventionne, ut supra dictum est, & constabit anno sequente.

(II) *Præsumant absque licentia*. An mare sit liberum, an jure domini clausum, ut sine licentia transfretari nequeat, lis est famosa inter Grotium Batavum & Seldenum Anglum de qua mentio fit apud Trevultianos (c). Si textus amas, vide Solorzanum (d). Sed lis est non textuum congerie finitura. Armis discussa est aliquando Batavis prælio navali decertantibus & Anglis, quibus in causa succumbentibus & submersis, victor quasi pro funere ludicro cecinit = Summa tenent Batavi, teneant ima æquoris Angli. = Divisum imperium sic juvat esse maris. =

## O R D I N A T I O XIV.

Anno 1494. 7. Junii.

**D**Enuò decernitur, unde liceat Castellanis & Lusitanis navigatio. Auctor est Fr. Dominicus Texeira Augustinianus in Vita D. Gomezii Freirè de Andrade Senioris (e) scribens: *Ducta* linea ab insula S. Antonii una ex iis quæ nominantur *de los Azores*, ut ab Alexandro VI. decretum erat duabus Bullis, alia data Majo 1493., alia 7. Jul. 1494., per secundam additis Portugalliæ tercentum leucis ad occasum præter centum illas quæ conceduntur in *prima*. Texeira sequitur à longe Marianam (f) in Historia hispanicè scripta dicentem: *Resulto de las navegacio-*

(a) Solorz. lib. 1. cap. 6. n. 69.

(b) Briet. ann. 1493.

(c) Mem. de Trev. 1746. A. 35.

(d) Solorz. l. 3. de Ind. jur. c. 3. a n. 27.

(e) Texeira, P. 2. lib. 3. n. 122. p. 474.

(f) Mar. lib. 26. cap. 3.

ciones de Colon y de Americo cierta diferencia entre Castilla y Portugal à causa que el Portugues pretendia pertenecelle por concession de los Pontifices, y en particular de Eugenio IV. todo el descubrimiento del nuevo mundo. El Rei de Castilla alegaba en contra una Bulla de Alexandro VI., en que en el año de 1493. le concedio que tirada con la imaginacion una linea de polo à polo cien leguas mas adelante de las islas Hesperides, que hoi sellaman de Cabo-Verde, todo lo que de aquella linea se descubriessse al poniente, fuesse suio, y que al Portugues quedasse todo lo demas. La qual concession modificó despues con otra Bula, en que mandó que la dicha linea de la demarcacion se señalasse otras trescientas-y setenta leguas mas adelante hazia el poniente, y esto para que el Brasil de nuevo descubierto se comprendiessse dentro de la conquista de Portugal.

Multis à vero deviant historici laudati: quod malum satis commune est Europæis scriptoribus alioquin eruditis, dum rebus indicanis operantur. Insula S. Antonii non est una Tertiæ vulgo de los Azores, sed earum quæ à Viridi Promontorio nomen habent. Nec Alexander illam determinavit, sed determinandam reliquit unam earum, quæ in maris tractu quem insulæ de los Azores & de Caboverde occupant sitæ sunt. Quo non significatur easdem esse insulas de los Azores cum insulis de Caboverde juxta Pontificis Alexandri mentem, ut nonnullus autumavit, sed aliqua indeterminatè insula designatur earum omnium quæ sub utroque nomine continentur, non aliter ac si quis indeterminatè loqueretur de aliqua Balearium aut Echinadum insula.

Ad centum leucas Alexandrinæ primæ concessionis additæ non sunt tercentum & septuaginta, ut scribit Mariana, neque tercentum ut Texeira. Neque in Brasiliam ventum erat, quando limites primæ concessionis ad occidentem promoti sunt; nam Brasilia primum est inventa à Vincentino Yañex Pinzon pro Castella 26. Jan. 1500.: deinde à Petro Cabral pro Lusitania 24. Aprilis ejusdem anni, ut vide apud Trevultianos (a), & prius animadverterat D. Ludovicus Cerdeño (b). Non ergo mota est demarcationis linea anno 1494., ut recens nota Brasilia restaret Lusitano. Nec dissensio illa orta est ex Americi Vespucii navigationibus, quem Novus Orbis non vidit usque ad annum 1497. vel seriùs, ut notatur in Bibliotheca Pinelli (c). Ac tunc quidem visus est ut vector sub Alphonso de Ojeda Castellano, nam exploratorem non egit nisi sequente sæculo. Brasiliam non lustravit Americus ante Cabralem pro Portugallia, ut impositum est Bergeroni (d) confundenti cum posterioribus navigationes Americi auspiciis Regis Castellæ institutas.

De Constitutione Eugenii IV. per Marianam allegata dubito an sit per errorem posita pro Constitutione Martini V. data in favorem acquisitionis, non Novi Orbis diu post reperti, & nondum noti, sed India-

(a) Mem. de Trev. Ann. 1739. Art. ....

(b) Cerdeño, Manifiesto Legal, &c.

(c) Epitome de la Bibl. Or. &c. tom. 2. col. 574.

(d) Bergeron apud Trevult. 1736. Art. 38.

Vide Museum, lib. 2. Rer. Ind.

diarum. Cujuscunque sit illa Constitutio, ad asserendam Americæ ditionem importuniùs ratione temporis adducitur quam ficta inventio Vesputii. Illud non est dubitandum, quin præsens Alexandri constitutio supposita sit, nisi error sit in data; & quæ Bulla dicitur à Texeira, fuit tantum conventio Regum, quæ ab oppido *de Tordeyllas* famam habet, in qua præter dicta illud cavetur ac disponitur apud Herreram (a), ut Castellanis integrum sit navigare rectà per maria demarcationis Lusitanicæ & vice versa; utque regiones usque ad diem vigesimum ejusdem mensis Junii intra primas bis-centum & quinquaginta de 370. leucas inventæ, in Lusitanicæ, & inventæ forte intra centum-& viginti reliquas, in Castellæ ditionem concederent. Hoc tamen non tollit quominus conventio hoc die 7. Jun. 1494. facta inter partes, & pro Bullâ habita, deinceps fuerit apostolica auctoritate munita, ut alibi significat Gómara.

## O R D I N A T I O XV.

Anno 1497. 1. Jun.

**A**lexander VI. Portugalliæ Regem Emmanuelem infidelium expugnationem cogitantem & ejus hæredes de civitatibus dominiisque, quæ illi se subicere velle contingeret, investit (1). Illaque prædicto Regi Vicariatus Christi auctoritate donat. Inhibetque quibuscunque Regibus, quibus jus quæsitum non foret, jubetque ne se opponere præsumant. Extat apud citatum Antunez lib. 3. De Donat. Reg. cap. 8. post num. 89. Incipit *Ineffabilis*.

## A D N O T A T I O.

(1) *Se subicere velle contingeret*. Explicat Pontifex sensum donationis verbo tenus absolutæ, de qua supra Ord. X. Adnot. V., & unam de conditionibus in ea implicitis. Nempe donat infidelium terras & regna, si subijci velint se, vel potius regnorum se spontè dedentium investituram confert. Donat, idest, donationem vel acquisitionem alio titulo justificatam sancit, & sanctam auctoritate apostolica quasi canonizat: quod propriissimum est opus Vicarii Christi. Ex quo similiter infertur, non frustra a Pontifice donari rem alio titulo, v. g. justî belli, competentem donatario, sicut non donatur frustra regnum, quod subicere se vult.

## O R D I N A T I O XVI.

Anno 1501. 15. Nov.

**U**T Reges Catholici ab Indiarum incolis, assignata priùs & cum effectu juxta ordinationem Diocesfanorum ecclesiis dote sufficiente ex regalibus bonis, decimas percipere valeant. Incipit *Eximia*.

AD-

(a) Herr. Dec. 1. lib. 2. cap. 20.

## ADNOTATIO.

Negat hujus Constitutionis veritatem Doctor Corrasco (a) Panamenſis Senator, & Principis Schillacenſis Peruani Proregis Aſſeſſor, qui reprehenditur à Solorzano quod ſupinè ignoraverit extare in regiis archivis originalem. Extiterit quidem; quandoquidem id totus affirmat Solorzano; ſed jam non extat, nam in lite ſuper Indiarum decimis à tempore Solorzani orta inter Eccleſias & Religiones, quæ Regio Senatui per ſæculum & ultra negotium faceſſivit, ſæpe requiſita nunquam in lucem prodire viſa eſt.

Sed nec eſt novum, aut præſenti Conſtitutioni ſingulare, quod è tabulariis diſparuerit, nam & diſparuerunt alia non minoris momenti documenta, nominatim Conſtitutio Leonis X. de Patronatu, & alia de quibus Hontalba (b). Ac de noſtra quidem in memoratæ litris compoſitione facta per Ferdinandum VI. 24. Febr. 1750. mentio fieri dicitur in omnibus Eccleſiarum erectionibus. Et fit quidem in aliis expreſſa, ut in Erectione Mexicanenſi (c), ubi dicitur: *Secundum* tenorem Bullæ Alexandri, per quam Regibus Hiſpaniæ fuit facta conceſſio *decimarum*. Meminit etiam expreſſè Synodus Guamangana (d) ſub Ill. Caſtilla, ubi dicitur per Alexandri conſtitutionem, factas eſſe decimas de Regis patrimonio, & bona regalia deveniſſe. In aliis Erectionibus, ut in Tucumanenſi, non fit expreſſa Alexandrinæ Conſtitutionis mentio, fit tamen implicita & virtualis, quatenus in illa decimis non ſufficientibus assignata eſt vel integrata à Rege dos Eccleſiæ, conſignari juiſſis ex ærario quingentis millibus aureorum marupetinorum, ſcilicet in vim Alexandrinæ Conſtitutionis, qua id præſcribitur.

## DUBIUM EMERGENS.

*Utrum decime Indiarum in hodierno ſtatu bona ſint eccleſiaſtica, an regalia? Sive ſpiritualia, an temporalia?*

**S**uppono, anno 1512. 8. Martii inter Ferdinandum V. & Joannam ejus filiam ex una parte, & D. Fr. Garciam de Padilla Episcopum S. Dominici in Hiſpaniola, D. Petrum Suarez Episcopum Conceptionis, & D. Alphonſum Manſo Episcopum S. Joannis ex alia tranſactam eſſe capitulationem, qua præter alia habetur (e): *Que ſus Altezas les hacen donacion para ſiempre jamàs de los diezmos, que à ſus Altezas pertenecen, è los dichos obispos por ſi, y por ſus ſucceſſores, y en nombre de ſus Igleſias y Cleroſta prometen deſde ahora que guardaran lo fuſo dicho (rogar à Dios por los Reies y ſus Reinos) y lo adelante contenido.* Hanc

(a) Corrasco, ad leges Recopil. Cap. 5.0.2. num. 14. V. Pro contraria.

(b) Hontalba, Diſſeminis 9. V. Vide Ord. 28.

(c) Ereſt. Eccl. Mex. apud Hard. tom. X. Concilior. col. 1747.

(d) Synod. de Guamanga, Cap. 28.

(e) Apud Fraſſò, t. 1. De Patr. c. 15. a n. 2.

Hanc concordiam inquit Abreu (a), nullam esse, & apocrypham & falso supponentem. *Apocrypham* quidem, licet enim concordiam quandam hujus argumenti se vidisse testetur Solorzanus, oportet esse aliam ab eâ quæ vulgo circumfertur, in hac enim non extat pactum cantandi divina officia juxta ritum Hispalensis Ecclesiæ quod illi attribuit Solorzanus. *Nullam*, defectu solemnitatis & causæ, & legitimitatis in contrahentibus & quia improprie nominatur in contextu *transactio* & *concordia*. *Falso supponentem* quia supponit, ecclesiarum erectiones factas jam esse anno 1512. Eandem concordiam refutari à Frasso cap. 19. à num. 1. testatur D. Ramirus Valenzuela in Additionibus ad Solorzanum (b). Hoc tamen est falsum, nam ibi Frasso latè refert, transcribit & explicat concordiam; de refutanda verò, neque verbum.

Impugnationes Abreüanæ testimonium Solorzani occulatum non elidunt. Non prima, nam Solorzanus non testatur, pactum illud extare in concordia verbis totidem, sed potest intelligi quod extet quoad substantiam. Sic autem extat, quatenus in Concordia dicitur: *Que el Arzobispo de Sevilla.... pueda exercer las cosas que como à Metropolitano le pertenecen*. Ex eo verò quod Hispalensis Ecclesia facta sit indicarum metropolitana, imitanda erat in cantu; in Ecclesiis enim denuq̃ fundatis, quandiu aliud non præscribitur, constat servandos esse ritus Metropolitanæ, & hoc esse de juribus metropolitanis unum, ut multis exornat ibidem Solorzanus (c).

Neque obstat, quod disparuerit è tabulariis Concordia, tum propter dicta supra de Bulla Alexandri circa decimas, tum propter ea quæ habentur in Processu memoratæ litis, seu in *Memoriali*, ut ajunt, *Astibus aptato*, in quo sæpè fit mentio memoratæ modò Concordiæ, ut ibid. fol. mihi 97. dicitur à Causidico Francisco Fernandez Madrigal: *Aunque se ha buscado en los libros de la dicha secretaría (del Perú) la capitulación y assiento ortogado por los Señores Reies D. Fernando y Doña Juana y los tres primeros obispos.... no se halla que esté asentada en los dichos libros, y el Lic. Antonio Leon Pinelo dice que no lo está en ninguno de las dos secretarias del Consejo, y que el original pára en su poder*. De eadem Concordia extat mentio & compendium apud Herrera (d).

Secunda impugnatio ex capite validitatis desumpta validior non est, nam contrahentes erant ex una parte Reges, pater & filia, penes quos erat jus omnimodum regni, jus administrationis penes patrem, proprietatis penes filiam. Ex altera erant episcopi quotquot numerabat ea tempestate Novus Orbis. Neque requiras Capitulum Ecclesiarum, quæ tunc primò instituebantur. Causa potuit esse ut Ecclesiis & Ecclesiasticis promptius & securius suppeditaretur dos & congrua sustentatio. Neque alienum est *Concordia*, aut-etiam *transactionis* nomen à conventionione facta inter

par-

(a) Abreu, *De las Vac.* art. 2. a n. 533.

(b) Valenz. *Addit. ad Solorz.* l. 1. Pol. c. 1. n. 11.

(c) Solorz. *lib. 4. Pol. cap. 5. fine*.

(d) Herr. *D. 1. lib. 8. cap. 10.*



partes, sin minus discordes & litigantes, potentes saltem discordare & litigare super attinentia decimarum. Præterquam quod voces illæ non adhibentur in Instrumento, sed hæ: *Capitulacion, ordinacion, assiento*.

In eodem Instrumento supponitur, tres Ecclesias erectas jam tunc esse, quarum scilicet Pastores ibi nominantur. Distinguenda tamen est duplex Ecclesiarum erectio. Alia, quando in titulum eriguntur, & hoc jam tunc esse factum, constat ex Episcoporum facta jam institutione. Alia quando scriptura conficitur, quia officia & redditus Ecclesiæ ordinantur & distribuuntur: quod etiam vocari solet erectio, maxime in jure Indico. Ejusmodi erectiones nondum erant perfectæ, sed eodem die & anno facta est prima pro Ecclesia S. Dominici, reliquæ deinceps.

Contra legitimitatem & fidem ejusdem scripturæ, ut est apud Frasso, objicit (a) anonymus quidam, quod videtur facta Palentia, cum revera facta sit Burgis; quod juxta illius tenorem Reges videntur comparuisse coram Notario, quod absolum est; quod a nullo secretario legalizata est, nec contrahentium Episcoporum sigillis munita: quod tres Episcopi successoribus suis, multoque minus Episcopis de *Tierra firme* deinceps creatis præjudicium aut legem ferre non potuerunt.

Re tamen vera nullibi significatur, scripturam factam esse Palentia, sed Burgis coram Notario Apostolico, qui à secretis erat Episcopo Palentino, Regio cum exercitio consiliario, negotiis Novi Orbis præposito, & hac ratione libero à residendo Palentia. In toto Concordiæ textu species nulla est, Reges comparuisse coram Notario, quasi ad ejus domum vel officium diverterint, sed Notarium fuisse præsentem cum Episcopo Palentino, in cujus manibus ut ibi dicitur contractum est coram Reginae Secretario pro teste cum aliis Senatoribus: quos omnes & quales malè caperet privati hominis vel officialis publici diversorium: & commodè intelligitur quod tota res in Regia transacta sit. In eodem Instrumento dicitur esse subscriptum ab Episcopis, à testibus, & à Notario ipso sigillatum: quo quid aliud requiritur ad legalitatem & fidem?

Verum est, quod in Concordia ad litteram nulla fit mentio nisi de Episcopis trium Ecclesiarum, nulla de Episcopis continentis, nisi quatenus Episcopus S. Joannis de *Puerto Rico* jurisdictionem ad continentem habet extentam. Illam tamen ratam habuerunt juxta Cap. *Cum nos pridem De iis quæ sunt à Prelato*, quotquot capitula & Ecclesiæ Hispano-Americanæ & in Philippinis sunt, quoad decimarum redonationem certis conditionibus modificatam, ut satis extendit erectionum tenor. Certè in Mexicana loc. cit. postquam asseritur, decimas per Alexandri Bullam ad Regem pertinere, additur: *licet* ad præsens per eandem Regiam Majestatem ad alimenta nobis sint, cum his tamen qualitatibus *donata*. Et inferius dicitur, quod dispositio erectionis quoad decimarum divisionem *fundamentalis* & quasi primaria lex esse debet, qua omnes & singulæ Archiepisco-

(a) *Resp. iurid. por el Conv. de S. Aug y Rel. Carm. de Mex. cap. 2. art. 2. n. 205. Vide Herreram Decad. 1. lib. 8. cap. 12.*

piscopatus & Provinciæ Ecclesiæ Cathedralæ regantur. Quod erectionis statutum cum reliquis approbatum à Sede Apostolica fuit per Ordinationem, de qua infra anno 1589. 27. Oct. Quod notandum est pro iis qui beneplacitum apostolicum requirunt ad similes concordias & transactiones; quanquam si beneplacitum aliunde non constaret, supponendum esset tot annis postquam transacta res est ex doctrina tradita à Castropalao (a). Et erectio quidem Mexicanensis Ecclesiæ multo ante Solorzanum cum suis statutis ordinata est. Per quod occurritur dicto Anonymo asserenti, in erectionibus sex Ecclesiarum Metropolitanarum & 32. Cathedralium nullam fieri mentionem de Alexandri Bulla, nec per 138 annos factam esse ante Solorzani editionem.

Supposito ergo decimas Indiarum esse Regi ab Ecclesia donatas, & redonatas Ecclesiis à Rege, quæritur an sint in hoc statu bona laicalia, an spiritualia? Esse laicalia tenet Abreu Opere *De Vacantibus*, lic. Cueva Senatus Indici olim Fiscalis, & lic. Cuellar Ecclesiarum partis in memorata super Decimas causa patronus, alique multi apud Frasso (b). Esse spiritualia tenent pariter multi etiam Regalistsæ apud eundem Frasso ibid. Quorum sententiam præfert Solorzanus & Quitenfis Auditor Lagunex (c). Eandem fusè tenet & mordicus Anonymus supra citatus multa miscens causæ, cujus patrocinium suscipit, minus necessaria, & merito Regalistsis displicitura. Rationes utrimque productas discutiendo referam.

## §. I.

*Rationes pro Decimarum temporalitate.*

Prima. Decimæ Indiarum ex quo Regi per Pontificem donatæ sunt, factæ sunt regales, temporales, & laicales. Sed eam qualitatem retinent Ecclesiæ redonatæ. Ergo in hoc statu temporales sunt. In majoris probationem citat Frasso multos è jure civili textus, quorum pauci sunt è re. Citat P. Molina (d) non de cumulo decimarum, sed de *tertiis* quas Hispani vocant, docentem 1. Regi donatas à Pontifice præcisas esse à sacerdotiis & à bonis ecclesiasticis. 2. Jus illas accipiendi non esse spirituale & ecclesiasticum, sed laicum & sæculare, Regiæ Coronæ proprium, sive appropriatum. 3. Cum concessa sint jus illud & bona Regi sine restrictione, aut prohibitione alienationis, facta concessione, non minus competere Regi de præfato jure disponere, quam de aliis Coronæ juribus aut rebus. 4. Quidquid per errorem praxis obtinuerit, eos qui quocunque titulo à Rege partem jurium earum decimarum obtinuerint, non teneri ad contributionem subsidii quod Regibus de bonis ecclesiarum solvitur. Citat Salgadum (e) dicentem: Jus percipiendi decimas vel alios fructus ac proven-

(a) Castrop. *Traët. 12. Disp. un. Punt. 15.*  
§. 2. num. 13.

(b) Frasso, *Tom. 1. cap. 18.*

(c) Lagunex, *Part. 2. De Frustr. cap. 7.*

(d) Molina, *Tom. 3. De Just. D. 663. n. 9.*

(e) Salgado, *Par. 1. De Supplic. c. 1. n. 148.*

ventus ecclesiæ concessum Regibus efficitur regalia ipsorum. Ac propterea cognoscit Rex de his juribus, sive tractetur de jure sive de *facto*.

Minor propositio non tot allegationibus probatur à Frasso, probari tamen potest, quia licet verum sit aut esset, jura regalia Ecclesiæ redonata ex mutatione personæ denudari à temporalium qualitate, & devenire ecclesiastica, quando donatio est absoluta, ut tenet cum aliis Salgado (a); manent tamen sæcularia, quando donantur in feudum, vel administrationem, vel in usum, ita ut directum dominium restet apud donantem. Quod verò sic Ecclesiis redonatæ sint decimæ suadetur 1. quia Senatus Regius cognoscit de hujusmodi decimis, utcumque causa tractetur, sive in petitorio, sive in possessorio, ut ex Covarrubia testatur Abreu, & nemo nescit. Cum verò non satis constet de speciali Pontificis ad cognoscendum delegatione aut privilegio, dicendum videtur, jurisdictionem fundari in bonorum decimalium qualitate: & consequenter animum Regis decimas redonantis non fuisse donationem absolutam.

Suadetur 2., quia post factam a Regibus redonationem, à successoribus sibi persuasum est decimas ad se tanquam bona regalia pertinere; sic enim loquuntur Carolus I., Philippus II. & IV. in Jure Indico (b): *Por quanto pertenecen à nos los diezmos ecclesiasticos de las Indias por concessiones apostolicas, mandamos, &c.* Et novissimè sic loquitur Ferdinandus VI. (c): *Como dueño que soi de los diezmos de las Indias.....atendiendo à que estan incorporados en mi Real Corona con pleno dominio è independentia de las Iglesias, las que solo tienen derecho por la Bulla de Alexandro VI. citada en la ereccion de ellas à que de mi real erario se les assigne dote suficiente, y subministre la congrua sustentacion de sus ministros.* Et infra: *Perteneciendo à mi real patrimonio el dominio pleno, absoluto, è irrevocable de los diezmos de mis reinos de las Indias, como efectos incorporados en la Regalia de la Corona por concession apostolica.* Et licet Ferdinandi decretum quo prædicta continentur, a Carolo III. successore anno 1766. cassatum fuerit, nihil tamen declaratum præfato in decimas juri & dominio contrarium. Neque hæc procedunt ex suppositione quod Burgenfis Concordia sit nulla aut apocrypha; nam in litis processu, quæ Ferdinandi authoritate per eam Cudulam transigebatur, sæpè fit illius mentio sine aliqua nullitatis nota: imo per omnia tanquam vera supponitur.

Secunda ratio. Jus percipiendi decimas Indiarum sæcularizatum est, & factum de regio patrimonio. Ergo etiam modò retinet eandem qualitatem. Ergo etiam modo est sæculare. Antecedens constat ex tenore donationis apostolicæ, cujus similitudo per omnia cum facta de decimis Granatensium Ecclesiarum nota est in jure & historia Novi Orbis. De Granatensi verò donatione facta per Innocentium VIII. sic loquitur Rex Catholicus litteris datis Murciæ 31. Maji 1488., quas refert Rodericus Suarez (d):

Su

(a) Salgado, P. 3. De Pros. c. 10. n. 289.  
(b) Lei 1. tit. 26. lib. 1. Recopil. de Ind.

(c) Cedula de 24. de Febr. 1750.  
(d) Rod. Suarez, Alleg. 28. initio.

*Su Santidad* nos hizo gracia de todos los diezmos, que los moros que viven y moraren.... ovieren de dar para que sea nuestro o de quien nos *quis ieremos*. Ubi sermonem esse oportet, non de decima laicali mauro-rum, cujus dispositio nihil ad Pontificem pertinebat; sed de decima ecclesiastica à mauris debita jam baptizatis.

Primam consequentiam probat Frasso (a); quia Reges Catholici Ferdinandas & Joanna bona regio patrimonio incorporata non potuerunt alienare in præjudicium successorum, quia sunt dos Reipublicæ, & quia Reges in auguratione jurant non alienare (b). Sed quamvis hoc verum sit de alienatione, quæ per gratuitas donationes exorbitantes fit, non tamen de ea quæ fit per contractum onerosum, maxime si boni publici causa interveniat, alioquin illusorii essent tractatus omnes celebrati à Principibus ad terminandum lites & bella, per quos provinciæ & oppida de gente in gentem transferuntur & alienantur. Imo & per donationem gratuitam alienare possunt Reges, si non lædatur notabiliter regnum attentata illius amplitudine, alioquin Reges vassallis essent conditione peiores. Et ita docent plurimi (c), & supponitur lege 3. tit. 10. lib. 5. Recop. Castell., ubi præscribitur modus prædictæ alienationis peragendæ. Redonatio verò Ecclesiis absolutè facta & esset onerosa, per quam privarentur jure, quod nunc habent, ut suppleatur dos ex ærario, & est talis per quam regnum non nimis læderetur, præsertim cum de regalibus donis in Ecclesiarum dotem erogandis tantum accrescat ærario, quantum de decimis redonetur. Unde non benè probatur consequentia illa ex defectu potestatis.

Ex defectu voluntatis probari potest, nam cum regalia bona sint usque adeo qualificata, non censentur alienari per donationem, nisi quatenus opus est ad justitiam, veritatem, & utilitatem donationis. Ad hoc autem non requiritur alienatio quoad jus dominiumque, sed sat est quoad usum, administrationem, & fructum. Nam quoad veritatem sat est donari fructus, qui nomine decimarum propriè intelliguntur. Ad utilitatem sat est quod per donationem avertatur periculum ne dos desit Ecclesiis, & Ecclesiasticis congrua sustentatio: & quo dotis traditio promptius, & perceptio facilius fiat. Ad justitiam, quod per præfatam donationis modificationem nihil depereat Ecclesiæ de jure quod habet in propriis functionibus & officiis spiritualibus radicatum, quodque omnes fatentur esse pariter spirituale, ad alimenta ministrorum hinc illinc suppeditanda. Imò verò sic potius consulitur prædicti juris indemnitati; quandoquidem cætera bona regalia undecumque provenientia obligata manent pro Ecclesiarum dote, & Ecclesiasticorum alimentis. Accedit, eam fuisse mentem Ecclesiarum manifestatam in Erektione Mexicanensi, cujus normam sequuntur omnes, saltem quotquot in Nova Hispania sunt, ibi: licet ad præsens per eandem Regiam Majestatem ad alimenta sint (decimæ) donatæ.

## §. II.

(a) Frasso, Cap. 18. num. 35.

(b) Leg. 5. tit. 15. Partit. 2.

(c) Apud Antunex, lib. 2. De Don. Reg. cap. 4. à n. 3. Et Malin. De Primog. c. 3. n. 18.

## §. II.

*Rationes pro spiritualitate decimarum in Indiis.*

Prima. Quod decimæ redonatæ sunt pro dote vel dotatione ecclesiarum; at dotis dominium per illius donationem transit in donatarium, ut cum à patre datur filiæ causa nuptiarum. Hæc tamen ratio non persuadet, nam quod de decimis donatur sunt fructus distributi, qui ex quo distribuuntur, habent rationem dotis donatæ, & quorum dominium sine dubio transfertur ad Ecclesiam per donationem aut distributionem. Transfertur, inquam, jus disponendi de fructibus donatis ea ratione qua penes ecclesiam est jus disponendi de fructibus beneficiorum. Hoc autem jus aliud est à jure decimas in specie exigendi.

Secunda. Quod decimæ debentur ecclesiæ jure divino. Ergo non possunt sæcularizari. Sed nec valet hæc ratio; nam decimæ debentur jure divino & naturali in specie vel in æquivalente, quatenus pro sustentatione sint ministrorum altaris. Quodsi de sustentatione ministrorum altaris per legitimam auctoritatem aliunde provideatur, decimæ non per Ecclesiæ dispositionem, sed mutatione materiæ de jure divino esse desinunt. Et alioquin neminem posset Ecclesia a decimis solvendis eximere, etiam præstita cautione de sustentatione ministrorum.

Tertia. Quod Bulla Cœnæ anathematizat eos qui decimales causas advocant ad tribunalia laïcorum: quod secus fieret, si bona essent sæcularia, aut temporalia. Sed Bulla Cœnæ rectè intelligitur de decimis non rite alienatis ac sæcularizatis.

Quarta. Quod decimarum in Hispania temporalizatio fundatur in sententia Covarrubiæ, & hic in Molinæo authore impio. Sed quidquid de Molinæo sit, quamvis Covarrubias illum adhibeat testem gallicanæ praxis (a), propriam tamen sententiam & decimarum temporalizationem fundat in donatione Pontificis, ut videre ibi est. Nec is est vir Cl. Covarrubias, ut in verba Molinæi juret, aut impiorum sententias sequi amet.

Quinta. Jus decimale spirituale non esse, fuit error hæreticorum apud Suarez (b). Sed error hæreticorum fuit qui in his Viclefi propositionibus continetur, quæ sunt 16. & 18. ex damnatis: *Domini* temporales possunt ad arbitrium suum auferre bona temporalia ab Ecclesia: Decimæ sunt puræ eleemosinæ, & possunt parochiani ad arbitrium suum propter peccata suorum prælatorum eas *auferre*. Quod nihil habet commune cum casu nostro. Error etiam est nullum jus ecclesiæ novisse præter quam in gratiæ & verbi ministerio. Sed neque hoc dicitur, nam præter alia jus ad congruam sustentationem ex decimis vel aliunde percipiendam habet, radicum in altaris & clavium ministerio, & hac ratione inalienabile: à quo distinguendum est jus decimas exigendi in specie, & jus disponendi de fructibus vel bonis unde-

(a) Covarrub. Cap. 3. Pract. §. Tertio quoties. (b) Suar. Tom. 1. De Relig. lib. 1. cap. 9.

decumque in sustentationem datis, quorum illud est alienabile in favorem ejus qui ecclesiam de suo sustentandi suscipiat onus: hoc verò integrum cedit ministrorum sustentationi.

Sexta. Quod liber Joannis Castillo de *Tertiis* in quo regalizatio defenditur jussu Alexandri VII. in Indice Romano proscriptus est. Sed ex Thoma Hurtado refert Fr. Dominicus Loflada (a), & Episcopus Accitanus relatus à Lic. Quiros (b), *Que* haviendose publicado en Madrid en 1656. ( tempore scilicet Alexandri VII. ) por el Nuncio el Indice de los libros prohibidos por la Congregacion de Roma con consentimiento del Supremo Tribunal de la Inquisicion, en cuio Indice se contienen los libros de los Juristas, que tratan del tribunal de las fuerzas, y de *Reten-tione Bullarum*, ut sunt Allegationes Larreae, Solorzano, Salgado, & alii (in his aliis est Castillo), el Fiscal del Consejo de Castilla supplicò al Santissimo suspendiessè la proscription: *Et Sua Sanctitas annuit*. Mitto quod non constat, librum Castilli proscriptum esse propter ea, quæ de Terriarum conditione, seu qualitate continet, & quod de Indiarum decimis specialis est ratio, quia specialis est concessio pontificia.

Septima. Quod concessio juris decimandi & decimarum declarata est inutilis quoad jus, quia scilicet hoc est laicis incommunicabile, ut decidit Rota (c). Sed loquitur Rota de concessione facta à Capitulo Ravennateni, non de Pontificia. Et ratio, qua decisio nititur, potest intelligi de jure independente & absoluto, non de dependente & cum onere dotandi Ecclesiam.

Majus negotium facessere videtur Ordinatio, de qua infra anno 1511. 8. Aug., in qua Pontifex asserit, Episcopis Indiarum competere decimas cum omni jure Episcopis in Castellæ regnis competente. Sed de hoc ibi Ord. 24. Adnot. 2., & Ord. 18. Adnot. 1.

## O R D I N A T I O XVII.

Anno 1503. 2. Nov.

**C**oncessa Regibus Castellæ confirmat Pontifex. Mentio fit in Tabulis chronologicis Indiarum P. Claudii Clementis S. J. Estque facta ordinatio, si verum habet, à Julio II. postridie quam electus est Pontifex. Et primum est ut salutatus de more Regum Catholicorum nomine ab Oratore Hispano voluntatem adversus eos ostenderet officiosam, quæ pro concessorum confirmatione sumatur.

OR-

(a) Loflada, *Chronol. Priv. Ind. in Animadu. contra Vanezpen*.

(b) Episc. de Guad. Fr. Mig. de S. Joseph. V. Franc. Salgado. -- Quiros in *Novo Promot.*

*Prol. contra Atagon.* --

(c) Rota apud C. Petra, Tom. 4. *Com-mens. ad CC. Ap. pag. 293.*

## ORDINATIO XVIII.

Anno 1504. 16. Nov.

**T**res episcopatus (1) in insula Hispaniola instituti sunt, scilicet in Hyuguata (11), Magua, & Bayuna. Mentio fit in eisdem tabulis, & in Compendio Historiali P. Emmanuelis Rodriguez S. J. ad finem Operis inscripti *Relacion del Marañon y Amazonas*.

## ADNOTATIONES.

(1) *Tres episcopatus* : Sive unus Archiepiscopatus & Episcopatus duo. Tot enim censuit Julius II. instituendos precibus annuens Isabellæ Reginæ Catholicæ ad Sedem Apostolicam delatis, ut refert Herrera (a). Sed quia litteræ de institutione post obitum Reginæ, qui contigit 26. Nov. 1504, acceptæ sunt in Hispania, neque ulla in eis fiebat mentio de ecclesiarum patronatu, dilata est executio primum, ac deinde mutata dispositio committente Rege per suum in Romana Curia oratorem Roxas, ut Regibus Castellæ assereretur Indiarum patronatus instar Granatensis, utque à regis ministris lites dirimerentur de diœceseon limitibus, de quibus inter prælatos non conveniret, utque aurum, metallaque, brasile, & margaritæ decimarentur Regi in solidum cum tertiis decimarum de reliquis fructibus. Hæc habet Herrera.

Sed quid sibi vult ista tertiarum & decimarum nova postulatio postquam Alexander Julii prædecessor cumulum totum regalizaverat? Fortè meditabatur Rex Catholicus Concordatum, quod deinceps cum primis episcopis sub alia forma perfecit, ut supra relatum est, idque agebat apud Pontificem quod postea per alias ordinationes & usum firmatum est cum aliqua varietate, non enim tertia decimarum pars Regi penditur, sed de tertia, alibi de quarta duæ novenæ in signum & recognitionem regis protectionis & suprematiæ reservantur.

(11) *Hyuguata*, *Magua*, & *Bayuna*. Est cui visa sunt hæc nomina episcopatum *in partibus*. Falsò tamen, sunt enim provinciarum nomina in Hispaniola, de quibus vide infra Ord. 22. anno 1508. 28. Jul.

## ORDINATIO XIX.

Anno 1506. 23. Jan.

**U**T Archiepiscopus Braccharensis, & Episcopus Viseensis autoritate apostolica confirment pacem (1) inter Regem Catholicum Ferdinandum & Emmanuelem Regem Portugalliæ, quam ipsi Reges expetebant, ut à certis locis ad alia cuique navigare liceret. Lis exorta erat super cer-

---

(a) *Herr. Dec. 1. lib. 6. cap. 19.*

certis insulis Lasamillis (11) postquam utrique parti positi erant limites ad navigandum per oceanum. Extat apud Autunez lib. 3. de Donat. Reg. cap. 8. post num. 89. Incipit *la que*.

## ADNOTATIONES.

(1) *Conferment pacem*. Pacem scilicet seu concordiam initam in Turre Syllana, quæ per recentes in America acquisitiones & progressus vacillabat, connitente Lusitano eas suis finibus contineri. Et sic verum habet quod inquit Gomara (a) *los Reies Catholicos con acuerdo del Papa les dieron otras 270. leguas*. Non enim apparet Pontificem antehac approbationem apostolicam adiecisse conventioni cum supposita sit Bulla, quam Texeira putavit datam 7. Jun. 1494.: de quo supra Ord. XIV.

(11) *Lasamillas*. Quæ sint hujus nominis insulæ, prorsus ignoro. Sed videtur apud Antunez, à quo textum præsentis ordinationis accepi, per typorum errorem positum *Lasmillas* pro *las Antillas*, ad cujus nominis insulas mens lrigantium erat arrecta per id tempus, nam circa Hesperides jam diu cessaverat lis, ac de Moluccis nondum erat mota. Quid circa Antillas amore pacis hic confirmatæ, aut confirmari jussæ, statutum sit, non novi. Cum tamen ab eo tempore Lusitani jus ad illas inclamare desierint, cognovisse videntur, non eo usque protendi posse suæ demarcationis fines.

## ORDINATIO XX.

Anno 1506.

AD hoc tempus refert Herrera (b) inter mandata quædam Regis Catholici de recta Indiarum gubernatione spiritali illud: *Que se cumpliesse el Breve del Pontefice acerca que se bautizassen todos los hijos de los infieles*. Quid vero de hoc difficili argumento decreverit Pontifex, numquid deciderit de exquirendo vel de non expectando parentum infidelium consensu, nec ex Herreræ laconismo, nec aliunde rescire potui. Vide infra Ord. 456. anno 1703. 3. Maji. Circa hoc tempus, aut non multo post annum 1506. Card. Ximenius in Hispania Mauros infideles quodammodo adegit, ut se & filios baptizari sinnerent, ut habet Benedictus XIV. lib. 3. De Beatif. & Canoniz. SS. cap. 17. num. 11.

## ORDINATIO XXI.

Anno 1506.

INstitutus est Ordo Indicanorum. Meminit D. Heliot, vel quisquis est author Operis Gallici *Histoire des Ordres monastiques* (c) ubi dicitur:

(a) Gomara, *Histor. de las Ind.* cap. 102.(b) *Herr. D. x. lib. 6. cap. 20.*(c) *Histoire des Ordres*, &c. tom. i. cb.

46. p. 340.



tur: *Indicanorum* ordinem Franciscus Modius, alique nonnulli Authores ajunt esse Carmelitani Ordinis germen, institutumque anno 1506. Julio II. Pontifice Maximo. Putat Alexander Ross, inditum Indicanorum nomen, quia missionibus in Indias recens inventas obeundis erat Ordo consecratus, & idololatrarum Novi Orbis conversioni. Vestibus utebantur pullis & tunicis albis loco manicarum apertis ad extrahenda brachia.

## ORDINATIO XXII.

Anno 1508. 28. Jul.

Cum Catholici Reges, inquit Julius II. ignotis etiam terris crucis vexillum intulissent, subjugassentque insulas & loca plurima, & inter cæteras maximi pretii & populatissimam unam, illique Novam-Hispaniam (1) nomen imposuissent, Nos unam Metropolitanam Ayguacensem, & duas Cathedrales Maguensem, & Bayunensem (II) Ecclesias ereximus. In eadem Constitutione concedit, quod nullus Ecclesias (III) magnas absque expresso Regis consensu construi facere possit. Concedit item Regi jus patronatus (IV), & præsentandi personas idoneas ad Ayguacensem, Maguensem, & Bayunensem, & alias quascumque metropolitanas & cathedrales ecclesias, & monasteria, & ad dignitates in eisdem ecclesiis post pontificales majores, & in collegiatis principales, & ad quæcumque alia beneficia vacantia, videlicet Summo Pontifici ad consistorialia intra annum propter longam maris distantiam, & Ordinariis ad inferiora beneficia, ita ut si Ordinarii personam præsentatam intra decem dies (V) instituere neglexerint, illam instituere valeat quilibet Episcopus ad requisitionem Regis. Extat apud Frasso (a) & apud Solorzanum (b). Incipit *Universalis*.

## ADNOTATIONES.

(1) *Novam-Hispaniam*. Intellige Hispaniolam, nam Mexicum quod Novam Hispaniam appellamus, nonnisi diu post, anno 1520. per Cortesium innotuit; nec si jam innotuisset, insulis erat annumerandum, etiam si aliquando Insulæ appellentur regiones continentis longè sitæ ad occidentem, ut vide apud Menochium in illud Isaïæ 11., *Ab insulis maris*, ubi ait: *Sic vocatur Græcia, Italia, Hispania, & tota occidentalis plaga*. Et in cap. 41. 2. ait: *Insulas vocat Insulanos*, hoc est, gentes remoras trans mare sitas, quales respectu Judæorum erant Græci, Itali, & Hispani. Et primæ post inventum Novum Orbem relationes Insulanorum nomen incolis attribuunt indiscriminatim. Et in erectione Ecclesiæ Tucumanensis Tucumania à S. Pio V. insulis annumeratur, ut vide infra anno 1570. 14. Maj. Provinciis de Yucatan antequam Mexico fuit Novæ Hispaniæ nomen; sed in præsentè Ordinatione accipi pro Hispaniola, suadet tum

infu-

(a) *Frasso, cap. 1. De Reg. Ind. Patr.* (b) *Solbrx. tom. 2. De Ind. Fur. l. 2. c. 2. n. 19.*

insulæ qualitas, tum quod in ea tres ecclesiæ primitivæ, quæ per eandem erectionem eriguntur constitutæ sunt.

(II) *Metropolitanam Ayguacensem*. Ayguacensem Ecclesiam, aut Hyugacensem ut alias ab aliis nominatur, & cui ex utroque nomen verius & proprius fit, Hyguacensem, collocat Herrera (a), quem sequitur Charlevoix (b) in Xaragua ad plagam Hispaniolæ occidentalem: Bayunensem in Bainoa, quæ est Guahava ad occidentem *de la Vega*, nec longe a Xaragua. Addit Herrera, metropolim in Xaragua fuisse constitutam, quia in ejus insulæ prosperitate caput erat. Sed hac ratione constituenda potius videtur in Hyguei provincia, quæ ad orientem & meridiem protenditur, in qua vel juxta quam urbs princeps Sancti Dominici sita est, & erat jam anno 1504. quo de erigendis ecclesiis preces ad Pontificem delatæ sunt. Nec est verisimile, metropolitanam ecclesiam fuisse constitutam in provincia, quæ maximè distat à capitali in ditione christianorum primaria. Quodsi tempore infidelitatis major fuit Xaraguæ prosperitas, jam hæc loco cesserat anno 1503., quo Princeps Anacaona cum regno periit, & ad principum ecclesiarum erectionem minima ratio haberetur de infidelium prosperitate sub christianis non permanente, vel aliò à christianis translata, ut videre fuit in erectione metropolis in Peruvio, non Cuzqui, ubi Regia erat Ingarum, sed in Civitate Regum Lima à christianis fundata. Minus etiam verisimile est, civitati vel provincie, S. Dominici esse negatum vel Episcopum, Bainoæ verò, ubi minus erat necessarius propter sedis metropolitanæ vicinitatem, concessum.

Crediderim ergo, Maguensem ecclesiam in Magua, quæ est *la Vega*, Bayunensem in Bainoa, seu Guahava, & Ayguacensem sive Hyguacensem in Hyguei, ad quam prope spectat provinciam urbs S. Dominici esse constitutas; præsertim cum ratio nominis minus faveat Xaraguæ. Sed hæc etiam erectio, ut & ea quæ facta est quatuor ante annis, executione dilata primum, deinde ob Indorum diminutionem, siquæ quibus Indiarum provincie nihili sunt, in aliam mutata est.

(III) *Ecclesias magnas*. Et parvas addit Jus Indicum (c) ibi: *Que no se erija Iglesia Cathedral, ni Parroquial, Monasterio, Hospital, Iglesia votiva, ni otro lugar pio ni religioso sin licencia expresa nuestra*. Idque etiam exprimitur in præsentis Julii II. constitutione in expositione precum ibi: *Quod nulla Ecclesia, Monasterium, aut Locus pius, tam in prædictis jam acquisitis, quam aliis acquirendis insulis & locis absque eorundem Ferdinandi Regis & Joannæ Reginae, ac Regum Castellæ & Legionis pro tempore existentium consensu, erigi aut fundari possint*. Et licet aliquando fuerit permittum erigi religiosas domos cum consensu Proregum, aliorumve ministrorum, ut anno 1591. quo 11. Martii ad Gubernatorem Tucumanie data est Matrivi Scedula, ut potestatem faceret erigendi domos Societatis; hæc tamen permissiones revocatæ sunt per citatam

(a) Herr. D. 1. l. 8. c. 10. (b) Charlev. *Histoire de S. Domingo*. P. 1. lib. 5. pag. 309.  
(c) lib. 2. tit. 6. leg. 2. *Recop. Indiar.*

tam legem ibi: *Sin embargo* de qualquiera permission que se huviere da-  
do à nùestros Virrejes, ò otros ministros, que en quanto à esto la revo-  
camos, y damos por ninguna, y de ningun valor *ni efecto*.

Per hæc tamen non videtur prohiberi ospitium in privata domo et-  
iam cum oratorio privato & interiore ubi religiosi unus & alter vivant,  
non ordine & more cõmmunitatis, sed ut incolæ privati, dum regiam  
permanendi facultatem expectant, si nulla extruatur monasterium redo-  
lens fabrica, donec à Rege probetur, juxta legem 1. tit. 3. lib. 1. Re-  
cop. Indiar. Illud certè permissum est ab Episcopo & Gubernatore Bo-  
naërensi in suburbio Sancti Petri, ut constat eorum litteris ad Regem  
Catholicum datis 16. & 20. Febr. 1736. & à Gubernatore & Episcopo  
Tucumanensibus in urbe S. Salvatoris de Jujui, nec improbatum ab Au-  
ditorio Platenfi, ut fides sit in quadam Provisione Regia data 3. Jun.  
1758. Sed & est certum id esse recens improbatum novo Regii Senatus  
consulto, eo quod regia facultas præcedere debet etiam ad hospitium &  
residentiam privatam. Et quidem in causa foundationis Collegii Societatis  
in Hispania in oppido Vitoria, etiam ut unus vel alter religiosus ibi re-  
sideret privatim, donec collegialis residentia permetteretur, ad Regem fuit  
recurrendum, qui residentiam privatam concessit decreto dato 30. Nov.  
1737. confirmato per aliud anni sequentis 1738.

(IV) *Jus patronatus*. Nihil est in regalibus Indiarum tam sanctum,  
quam ut jus hoc in solidum saluum sit Regi. Et quia Pontifex circa an-  
num 1533. Ferdinando Cortesio jus patronatus concessit (a) in Eccle-  
siis, marchionatus *del Valle*, Rex Catholicus usum prohibuit, jussitque  
litteras apostolicas ad Senatum Indicum remitti, quippe subreptitiè ob-  
tentas, nec à Summo Pontifice concedendas, si de præjudicio regalibus  
illato certior esset factus à supplicante.

(V) *Intra decem dies*. Et ita observari è Vicepatronis mandatum est  
in Jure Indico (b): *Si los prelados ne quisieren instituirlos dentro de  
diez dias, recurran al prelado mas cercano.*

## ORDINATIO XXIII.

Anno 1510. 8. April.

UT Reges Castellæ exempti sint à solutione decimarum auri, argen-  
ti, & cujuscumque metalli. Mentio fit in Tabulis P. Cl. Clementis  
D. 3. Quoad decimas aliorum fructuum Regem non esse exemptum de-  
clarat Jus Indicum (c): *Es nuestra voluntad y mandamos, que todas las  
haciendas y grangerias, que en las Indias tenemos y por tiempo tuvie-  
remos, los oficiales de ellas hagan pagar y paguen el diezmo segun y  
de la forma que lo pagan los demas vecinos.* Quanquam & hæc solutio  
libera est & supererogatoria stante prima concessione decimarum Regibus  
ab Alexandro VI. facta; ex suppositione tamen redonationis jam hoc  
rem-

(a) Refert Herr. D. 5. lib. 2. c. 8. (b) Lib. 1. tit. 6. l. 36. (c) Lib. 1. t. 16. l. 16. Rec. Ind.

tempore intentæ, & biennio post firmatæ, opus fuit exemptione, vel exemptionis declaratione, tum ne Rex de metallis decimaret, tum ut dum ab aliis decimaretur, metallorum decimæ Regi reservarentur secundum ordinationem sequentem.

## ORDINATIO XXIV.

Anno 1511. 8. Aug.

**S**upprimitur erectio Ecclesiarum Ayguacensis, Maguenfis, & Bayunen-  
sis, & ex integro eriguntur tres episcopales (1) sub Metropolitana  
Hispalensi, prima in civitate S. Dominici, secunda in civitate Con-  
ceptionis ejusdem insulæ, tertia in loco principe insulæ de Boriquen, seu  
S. Joannis de Puerto Rico, cui postmodum annexæ sunt Margarita, &  
Provinciæ Cumana & Guayana in continente, ut habetur in Synodo hu-  
jus Diocesis (a). Eadem Ordinatione, vel alia ejusdem datæ, conce-  
duntur Episcopis (II) decimæ & primitiæ omnium fructuum cum omni-  
moda jurisdictione spiritali & temporalis, cunctisque juribus & præmi-  
nentiis, quæ Castellæ episcopis competuat jure & consuetudine, exceptis  
auro, argento, & fossilibus, gemmis, & lapidibus pretiosis, de quibus  
nullam partem Episcopis competere declarat Pontifex. Ita habet Herre-  
ra (b), & Compendium Histor. P. Emm. Rodriguez S. J.

## ADNOTATIONES.

(1) *Tres episcopales.* Vincentius Petra postea S. R. E. Cardinalis (c) in *Commentariis ad Constitutiones Apostolicas* habet sequentia: *Tali potestate usi sunt pluries Romani Pontifices neddum erigendo Ecclesias Metropolitanas in civitatibus, ubi non aderant Episcopi, dum ad fidem conversæ fuerunt, ut in Indiis orientalibus actum fuit in Archiepiscopatu Goënsi, in occidentalibus in Archiepiscopatu S. Dominici Limani (corrigere S. Dominici, Limano, &c.) seu urbis Regum, & in Mexicano, provinciisque Novi Orbis; sed etiam in locis ubi aderant episcopi, elevando aliquam Ecclesiam Episcopalem in Archiepiscopalem.*

In omnibus exemplis productis à vero deficit Cl. Author, nam Ecclesia Goënsis, & Ecclesia S. Dominici, & Limana, & Mexicana, & quotquot Metropolitanæ sunt in provinciis Novi Orbis, factæ sunt archiepiscopales ex episcopalibus, ut infra suis locis constabit: ut appareat quantum faveant viri etiam doctrina & eruditione præstantes rerum indicarum studio. Sola S. Dominici Ecclesia, si nobiscum sentias esse eandem cum Ayguacensi, facta est in Novo Orbe Archiepiscopalis primum; sed facta est per erectionem modò suppressam, & nunquam executioni mandatam.

(II) *Con-*

(a) *Const. Synod. de Puerto Rico sub III.* |  
*Lopez de Hayo. anno 1647. cap. 65.*

(b) *Herr. D. 1. lib. 8. cap. 10.*

(c) *C. Petra, tom. 5. ad Const. 3. Pii II. n. 14.*

(11) *Conceduntur decimæ.* Quid de decimis à Julio Pontifice conceditur Episcopis, si ab Alexandro prædecessore jam erant in solidum concessæ Regi? Potest intelligi de concessione confirmatoria, seu de confirmatione redonationis fructuum decimalium, quam ab anno 1506., ut ex Herrera colligere licet, meditabatur Rex Catholicus, quamque perfecit anno sequente 1512. per Concordiam Burgis celebratam, ubi dicitur: *Primera-mente* que lus Altezas, porque los dichos obispos tengan à cargo rogar à Dios por sus vidas y Reales Estados, è por sus ánimas quando de este mundo partieren, è de los Reies que en sus Reinos succedieren, è de los fieles christianos, que descubriendo y ad quiriendo las dichas insulas murieron, les hacen merced, gracia, y donacion desde ahora para siempre jamas de los diezmos à sus Altezas perteneciente en las dichas Islas, y han por bien que los lleven segun y en la forma que à SS. Altezas pertenecen, y los han llevado por concession è donacion que de ellos les hizo el Papa Alexandro VI... Item, que los dichos obispos han de llevar los diezmos conforme à la Bula concedida por N. M. S. Padre (Julio II.), y no han de llevar diezmos, ni otra cosa alguna de oro, ni plata, ni otro algun minero, ni de perlas, ni de piedras preciosas: y que lo que les perteneciere conforme à la Bula, lo lleven en frutos como en Castilla, y no en dinero como se ha llevado alcun tiempo.

Potest etiam intelligi Pontifex decimas concedere per præsentem ordinationem episcopis, idque ea ratione, jure, & modo quo Castellæ episcopis competunt, si nolle Rex aliunde dotem ecclesiis, & congruam sustentationem ministris consignare, nec concordiam quam meditabatur perficere: quod tunc erat integrum. Aut certè tandem facta est erectio Ecclesiarum Novi Orbis cum clausulis, quæ sunt de stilo communi, per quas non derogatur jus speciale quod fortè in particularibus ecclesiis obtineat.

## ORDINATIO XXV.

**J**ULIUS II. declaravit qualitatem aut formam habitus externi coronatorum seu clericorum. Mentio fit in sæpius citato Burgensi concordato, ubi dicitur: *Per virtut* (1) de la Bula de N. S. P. Julio II. concedida para la declaracion del habito, que han de tener los coronados, los dichos obispos hagan luego la declaracion de esta manera: Que traigan corona abierta tan grande como un real castellano al menos, y el cabello de dos dedos bajo de la oreja, que se algo mas largo siguiendo muy poco hazia atrás, y la ropa de encima sea tabardo ò capuz cerrado, ò loba cerrada ò abierta qual quisiere, con tanto que sea la ropatan larga, que al menos con un palmo llegue al empeine del pie, y que assi la ropa de encima como las otras apparentes no sean coloradas, ni verdes claras, ni amarillas, ni de otra color (11) *debonesta*.

## ADNOTATIONES.

(1) *En virtut.* Hinc patet, unde vim habeant Regum Catholicorum leges quæ plurimæ sunt de rebus ecclesiasticis Indiarum, ut hæc materia integros Recopilationis titulos absorbeat, & totum ferè librum primum, præter ea quæ potestatis œconomicæ propria sunt. Scilicet feruntur hæc leges in virtute juris ecclesiastici alicujus in decretis pontificiis, aut conciliaribus emicantis, scripti, aut usu & consuetudine præscripti, in ceremonialibus, aut etiam obligationibus justitiæ, vel juris divini & naturalis, quorum executionem urget nihilominus Princeps ut plurimum rogando & hortando, interdum etiam mandando & ordinando.

Et hinc dirimitur dubium quod pluribus alii tractant, an regię schedulæ, ut appellant, de *Ruego y Encargo* de rebus ecclesiasticis & spiritualibus ad ecclesiasticos & religiosos directæ vim habeant obligantem in conscientia? Habent planè, quatenus obligationem inculcant ecclesiasticis aliunde imminentem. De quo vide Solorzanum (a). Nempe Rex nomine & re Catholicus est Advocatus & Protector Ecclesiæ, cujus causam agit, dum ecclesiasticorum canonum executionem indicit. Vide M. Henricum Florez (b) qui in eandem rationem habet sequentia: *Potest occurrere casus quo episcopi ad celebrandam synodum adstringantur a Principe, putà si publicis ecclesiasticorum vitis mederi negligerent*..... Non quod spiritualis sit regia jurisdictio, sed quia juri supremo addicta est ecclesiæ protectio: & in illo casu ut legum à SS. Patribus constitutarum executores operantur. Citatque Isidorum (c) & Augustinum contra Creconium.

Porro aliena non esse a Principe Christiano hujusmodi officia, constat ex provincia data per Nicolaum II. S. Eduardo Anglorum Regi, ut refert Ealredus in ejus Vita apud Natalem Alexandrum (d) per hæc verba: *Vobis verò & posteris vestris Regibus committimus advocationem & tuitionem ejusdem loci, & omnium Angliæ Ecclesiarum, ut vice nostra cum consilio Episcoporum & Abbatum constituatis ubique quæ justa sunt.* Et quoad causas & lites ad præsentationes & jura regii patronatus extat specialius privilegium Philippo II. à Gregorio XIII. concessum, quod refert Hontalba (e) *Para que los de su Consejo y Camara conozcan, como antes lo hacian y les pertenecia à los ordinarios de todas las causas y litigios, que pudiesen ocurrir cerca de las presentaciones y derechos del Real Patronazgo.*

(11) *Color deshonesta.* In eundem sensum clericorum cultum moderatur Concilium Limentense III. ut sequitur (f): *Habitus externus clericorum decens sit, nihil profanum, nihil ambitiosum præferat Vestes neque ver-*  
fico.

(a) Solorz. T. 2. De Ind. Jur. l. 4. c. 2. n. 36.

(b) Flor Espana Sag. tom. 6. tr. 6. c. 2. n. 19. & 20.

(c) Isidor. l. 3. sent. cap. 51.

(d) N. Alex. Hist. Eccl. sæc. XI. c. 1. art. 9.

(e) Hontalba, 9. V. Distam.

(f) C. Lim. ann. 1583. Añ. 3. cap. 16.

ficulares neque sericæ sint, neque aut breviores aut strictiores, neque contra prolixiores, aut splendidiores quam decet, sed pro ecclesiastica gravitate tales. Removeantur ergo à clericorum usu nova quædam inventa indumentorum & ornatus, quæ milites non clericos decent, qualia sunt quæ patrio more vocare solent *lechuguillas*, *polainas*, *puñetes*; *guarniciones de seda*, *fajas en los manteos*, *alamares*, *monteras*, *pantuflos o zapatos de seda*, *folleges en las calzas ò muslos*, aunque sean de paño.

## ORDINATIO XXVI.

Anno 1514.

**F**Acta est Abbatialis Ecclesia Jamaicæ. Ita P. Cl. Clemens in Tabulis Chronol. Ind. Decad. 3. Et est unica, quod sciam, in Novo Orbe Ecclesia eo titulo decorata, brevî duraturo. Primus Abbas fuit Petrus Martyr de Anghiera sive de Angleria Italus, qui tamen non videtur Ecclesiam suam, neque Novum Orbem nisi scriptis salutasse. Nec Abbas est renunciatus, nisi aliquot post Abbatîæ erectionem annis, nempe post Caroli V. in Hispaniam adventum, ut refert Nicolaus Antonius (a). An verò jure aliquo, an sola dignitate, vel nomine hæc Abbatia sit instituta, ignotum mihi est.

## ORDINATIO XXVII.

Anno 1514.

**E**Rigitur prima in Novi Orbis continente Sedes episcopalis Dariensis in Sanctæ Mariæ de la Antigua. Etsi continentis pars ad ora fluminis Orinoci jam erat obnoxia Episcopo Sancti Joannis de Puerto Rico, si extensio jurisdictionis illius ad Cumanam & Guayanam, de qua supra Ord. XXIV., non fuit episcopatus erectione posterior. Meminit Herrera, Decade 1. lib. 10. cap. 7.

## ORDINATIO XXVIII.

**L**eo X. privilegia quædam concessit primo Dariensis Episcopo Ill. Joanni Quevedo aliàs Cavedo. Sed illa quæcumque sint, fuerunt personalia, ut sine dispendio disparuerint. Refert Fr. Franciscus Diaz in *Relatione Missionum Indiarum occidentalium* apud Fr. Dominicum Lofada (b). Etiam Prælato, cui personaliter concessa sunt, defuisse tempus utendi, testis est ipse in disceptatione habita coram Cæsare cum lic. Casas nondum Episcopo Chiapensi super Indorum conditione, quam refert Herrera (c). In illa sic agebat Episcopus: *El Rei Catbolico vuestro avuelo mando hacer una armada, para ir à poblar la tierra firme de las Indias,*

(a) Nic. Ant. Append. ad Biblioth. Nov. | tom. 2. pag. 327.

(b) Lofada Chronol. Privil. Ind.

(c) Herr. D. 2. l. 4. cap. 4. anno 1519.

días, y suplicó à N. M. S. Padre, me criasse obispo de aquella primera poblacion, y dexados los días que he gastado en la ida y en la venida, cinco años he estado alla, y como fuimos mucha gente, y no llevamos que comer mas de lo que huvimos menester para el camino, toda la demás gente se nos murio de hambre, y los que quedamos, por no morir como aquellos, en todo este tiempo ninguna otra cosa hemos hecho que ranchar y comer.... y en lo que toca à los Indios, segun la noticia que de los de la tierra en que estado tengo, y de los de las otras tierras, que viniendo camino vî, a quellas gentes son siervos à natura.

Horum primum de negotio gesto apud Indos, pro modestia loquentis dictum accipe. Secundum de Indorum servili natura cum moderatione intelligendum. Quoad primum constat, Episcopi missionem & aliorum sacerdotum, non fuisse inutilem ex numero baptizatorum tum infantium, tum adultarum fœminarum, quem refert Herrera. Quoad secundum, ex licentiati Casas responsione colligitur, Episcopum Indos fecisse à natura servos secundum sententiam Aristotelis initio Politicorum. At Aristoteles cum D. Thoma ibi potest intelligi, & sic interpretatur Acoſta (a), de servitute quadam, non herili, sed politica aut œconomica, quatenus congruum est & naturæ conforme, ut rudiores à sapientioribus regantur, dirigantur, corriganturque: quod servitutis genus cadit etiam in filium, cum sit dominus omnium (Ad Galat. 4)..

Hic corrigendus venit Solorzani error pluries repetitus, tum in Politica, tum in Opere latino. Ibi (b) ait: *El Obispo del Darien Fr. Thomas Ortiz en aquellas porfiadas y repetidas disputas, que sobre este punto tuvo con el Obispo de Chiapa, en presencia del Señor Emperador Carlos V. y de sus Consejos, se atrevio à decir y afirmar que (los Indios) eran siervos à natura, contando de ellos y de su incapacidad tantos vicios y torpezas, que parece persuadian se les hacia beneficio en quererlos domar, tomar, y tener por esclavos. Citatque Herreram (c) pluribus in locis, ex quibus error innotescit.*

Nempe confundit Solorzanus Thomam Ortiz Dominicanum cum Joanne Quedo Franciscano, Episcopum Sanctæ Marthæ cum Episcopo Darienis, disputationem habitam anno 1519., quo mortuus est Episcopus Darienis, cum habitis diu post inter Ill. Casas, & Joannem Genesum de Sepulveda. Episcopi Dariensis disputatio cum Lic. Casas necdum Episcopo, necdum Ordinem Prædicatorum ingresso, finem habuit hora brevi (d). Neque usque a Deo sententiæ de Indorum servitute adhæsit Dariensis, quîn illam aliquando reprehenderit, ut cum Franciscus Becerra plures manu captos in Darienem asportavit anno 1515., *contradiciendo el Obispo la faca de ellos, porque decia que no tenia por licito este aprovechamiento*.

(a) Acoſta, *De Nat. N. O., seu De Pro-  
cur. Indor. salute*, lib. 3. cap. 16.

(b) Solorz. tum alibi, tum lib. 1. Pol. c.  
2. & l. 1. c. 1.

(c) Herr. D. 2. l. 4. c. 4. & 5. Et D. 3.  
l. 8. c. 10.

(d) Herr. D. 2. l. 4. c. 5.



*vechamiento*. Ex quo etiam inferitur, per conditionem à natura servilem; quam Dariensis Episcopus Indis attribuit coram Imperatore, aliud significare voluisse quam servitutem herilem & emptitiam quam antea improbaverat ipse.

Fr. Thomas Ortiz multa Indorum vitia (a) ad Regium Senatum retulit ex America redux juxta Herreram & Gomaram (b), anno 1525., ut censet Ægidius Gonzalez Davila, vel anno 1527. ut corrigitur a P. Echard Dominicano (c). Sed quocumque ex his anno factum sit, P. Casas Hispaniam non cogitavit ab anno 1522. ad 1530., quo jam Ortizius Americam repetierat nunquam rediturus in Hispaniam. Nunquam igitur Chiapensis cum Ortizio de Indorum conditione congressus est.

### ORDINATIO XXIX.

Anno 1514. 6. Jun.

**C**onfirmat & extendit Leo X. in favorem Regis Portugalliæ conquestarum patronatum ad quascumque ecclesias Africæ, & aliarum provinciarum ultra mare in terris acquisitis & acquirendis. Mentio fit in *Formula Juramenti* à missionariis præstandi juxta decretum Seren. Portugalliæ Regis. Incipit Constitutio *Dum fidei*.

### ORDINATIO XXX.

**P**er id tempus ad instantiam Regis Lusitaniæ per suum in Romana Curia oratorem Tristanum de Acuña factam, concessit Leo ad promovendam in Africa & Asia religionis causam, tertias decimarum ad ecclesiarum fabricam designatas, ac de reliquis ecclesiarum redditibus decimam partem. Sed post triennium ab exactione cessatum est, erogatis à Clero centum- & quinquaginta mille cruciatis. Refert Mariana, *Hist. Rer. Hisp. lib. 30. cap. 23.*

### ORDINATIO XXXI.

Anno 1514. 2. Nov.

**C**ontinet donationes, concessiones, privilegia, patronatus, & concordata cum Regibus Castellæ circa conquistas à Nicolao V. Calixto III. Sixto IV. & aliis. Ita habetur in cit. *Formula Juramenti*. Incipitque *Præcelsæ*. Et Constitutio Sixt. IV. hic insinuata ea est fortè quam supra retuli anno 1484.

OR-

---

(a) *Vide infra Ord. 59.* (b) *Herr. D. 3. l. 8. c. 10. Gomara, c. 227.* (c) *Echard, Tom. 2. Scriptur. O. P. pag. 83.*

## ORDINATIO XXXII.

Anno 1516. 31. Mart.

**C**onstitutio *Dum fidei*, de qua nuper Ord. XXIX. declaratur. Mentio fit in cit. *Formula* qua tamen non exprimitur, nec aliunde scire datum est, quid contineat declaratio. Incipit *Dudum pro parte*.

## ORDINATIO XXXIII.

Anno 1517.

**P**ontifex Inquisitores fecit Episcopos Indiarum, delata in posterum erectione Tribunalis Inquisitionis. Ita P. Emmanuel Rodriguez S. J. in *Compendio Historiali*. Licet Herrera infra citandus dubium ingerat, an hæc fuerit ordinatio pontificia, an Generalis in Hispania Inquisitoris. Eâ cujuscumque sit, non novum Episcopis munus est impositum, sed integratum quod habent jure communi. Id ipsum Rex Catholicus ab anno 1506. ordinaverat, ut refert Herrera (a). Hinc possunt Episcopi etiam post erectum S. Inquisitionis Tribunal causas Indorum judicare; quamvis Inquisitores in America jus dicant, ut revera dicunt, sicut & in Hispania, privativum respectu Episcoporum. Ratio est, quia jus Episcoporum adversus Indos, quod habent lege communi, non fuit imminutum institutione Inquisitionis, pro solis Hispanis seu Europæis facta, non pro Indis, ut notavit Herrera (b), & Jure Indico decernitur (c) ibi: *Por estar prohibido à los Inquisitores Apostolicos proceder contra los Indios, compete à los Ordinarios eclesiasticos su castigo*. Et sic observatur: ut appareat Exteri nescio cujus, quem Gumilla (d) carminat, morositas, qui fidem Indorum concepto ex Inquisitionis severitate metu & terrore niti causatur, cum verum sit Indorum plerisque neque si Inquisitionis tribunal est audivisse. Author est Herrera (e), Cardinalem Toletanum Inquisitorem Generalem hoc anno destinatis in Novum Orbem Episcopis provinciam dedisse in hæreticos & apostatas inquirendi. Ex quo relinquitur in medio, an Episcopi hanc provinciam susceperint jure ordinario, an delegato. Et proximum vero est, ut utroque. Vide Ord. 129.

## ORDINATIO XXXIV.

Anno 1518. 24. Januar.

**E**Rigitur in Episcopalem Ecclesia Yucatanensis, aliàs *de Cozumel*, aliàs *de Santa Maria de los Remedios*. Ita D. Gonzalvus de Paz in *Tabula undecim Ecclesiarum Cathedralium Novæ Hispaniæ*. Primus Episcopus

(a) Herr. D. 1. lib. 6. cap. 20.

(b) Herr. c. 19. *Descript. ind. Occ.*(c) Lib. 6. t. 1. l. 35. *Recop. Indiar.*(d) Gumilla, *Orinoco Illustr.* P. 1. cap. 16. pag. 252.

(e) Herr. D. 2. l. 2. c. 16.

pus designatus est Fr. Julianus Garcés, non Joannes Garcés, ut habent Herrera (a), & Solorzanus (b), cujus nominis fuit religiosus ejusdem Ordinis cum Juliano, & coævus in America, sed Conversus, & à barbaris de Cumana anno 1513. occisus. Verùm erectio præsens evanuit, cui occasionem fecerat error putantium, Yucatanum jam hoc tempore esse locum aut regionem idoneam constituendæ Sedi.

## ORDINATIO XXXV.

Anno 1521. 25. April.

**R**elatis concessionibus à Nicolao IV., Joanne XXII., Urbano V., Eugenio IV., & aliis Romanis Pontificibus factis nonnullis tunc expressis Fratribus (1), qui ad terras infidelium destinati erant, verbum Dei proponendi, absolvendi ab excommunicatione, baptizandi, pœnitentiam, eucharistiam, extremam unctionem ministrandi, & Episcopis non existentibus confirmationis sacramentum, & minores ordines conferendi; capellas, & altaria, necnon calices & paramenta benedicendi, ecclesias vel cimiteria reconciliandi, eisdem de ministris providendi; indulgentias, quas Episcopi impertiendi, & alia quæcumque faciendi, quæ ad augmentum divini cultus, ad conversionemque infidelium ipsis viderentur expedire; necnon utendi chrismate sacro & oleo antiquis usque ad tres annos cum novum haberi non posset; dispensandi ut noviter conversi uxores lege divina non prohibitas retinerent; ac de causis matrimonialibus cognoscendi, quæ alias ad Summum Pontificem essent deferendæ; omnium fidelium in terris prædictis existentium confessiones audiendi; vota commutandi, excommunicatos à canone vel alio modo absolvendi, non jejunandi si jejuniorum tempore vitæ necessaria haberi non possent, & participandi indulgentiam in terram sanctam proficiscentium. Relata etiam extensione ab iisdem Pontificibus facta ut Seraphici Ordinis professores omnes ad dicta loca transire volentes præmissis omnibus gratiis gaudere possent, prout ipsis Fratribus pro Fratrum prædictorum vita indultum erat, Joanni Clapion, & Francisco de Angelis Minoritis ad Indianas insulas, aliasque Caroli V. provincias se conferentibus, & ad eorum vitam quatuor aliis deputandis prædictis gratiis uti posse, motu proprio concessit Leo X. Voluit autem ne ea quæ ad ordinem & episcopalem dignitatem pertinent, ullus eorum exercere posset, nisi in provinciis ubi episcopus non fuerit. Non obstantibus quibuscunque. Incipit *Alias felicitis*. Extat in Bullar. Roderici (c).

## ADNOTATIONES.

(1) *Tunc expressis fratribus*. Est ergo privilegium personale quod jam diu cessavit, maximè cum hæc limitatio in expositione facti seu in constituto-

(a) Herr. D. I. 3. c. 11.

(b) Solorz. lib. 2. Pol. c. 1.

(c) Roder. Bulla 3. Leonis X. Et Veracruz in fine Speculi Conjug.

stitutionis exordio & relatione contenta, replicetur à Leone in sua concessione ad personas nominatas & ad quatuor alias deputandas contractâ, quarum obitu expiravit facultas. Id observari olim fecit D. Joannes Cevicos Vicarius Generalis Archiepiscopi Maniliensis apud Fr. Dominicum Loffada Ordinis S. Francisci Indiarum commissarium, qui contendit tamen, privilegium hoc personale esse realizatum, & donatum perpetuitate ab Adriano VI., non quod Adrianus privilegium prædecessoris expressè recuderit, sed quatenus omnimodam auctoritatem, de qua suo loco, indefinitè concessit, quam Leo ad tunc expressos Fratres contraxerat.

Sed licèt hoc verum sit de privilegiis in prima parte præsentis ordinationis relatis, & de propria Leonis concessione, in quibus expressa fit personarum determinatio, falsum tamen est de privilegiis eisdem prout contentis in extensione relata, ibi: *Ut Seraphici Ordinis professores omnes* &c. ubi dicitur, omnibus Franciscanis concedi quod quibusdam, & prout quibusdam ad eorum vitam erat indultum. Videndum ergo est in relatis Constitutionibus quæ privilegia sint indefinita, nam hæc nisi posteriore aliquo jure interciderint, quantum est ex præsentì ordinatione, spirant adhuc.

Certè ex Pontificibus à Leone nominatis Joannes XXII. constitutionem fecit, sive eadem sit ad quam alluditur in præsentì ordinatione, sive alia ejusdem argumenti & virtutis, qua *Fratribus Minoribus* in quacumque mundi partes proficiscentibus pro exercitio missionum concessus fuit usus jurisdictionis quasi episcopalis in illis locis, ubi catholici non erant *Episcopi*, ut sunt verba Benedicti XIV. (a). Quam constitutionem adhuc usu vigere constat ex decreto S. Congregationis ibidem à Summo Authore relato, edito 3. April. 1704. in causa Marochitana Ven. Servi Dei Joannis de Prado, quo approbata fuit validitas processus conditi à quodam Fr. Mathia missionario, quanquam ab Ordinario solo conficiendus erat, scilicet quia per dictam Joannis XXII. constitutionem Franciscani in dictis locis sunt quasi Ordinarii, quibus ea licent quæ Episcopis, exceptis quæ ad potestatem ordinis spectant.

In Historia Concilii Tridentini (b), ubi sermo fit de opinione judicantium facultatem administrandi Sacramentum confirmationis, non posse delegari presbyteris eam de suo non habentibus, sic habet Card. Palavicinus: *Fu altresì d' Adriano in cio che scrisse ayanti il pontificato, ma pervenuto à quel grado seguì le vestigia del antecessore, & ad istanza di Fra Giovan Clapion è di Frate Francesco degli Ange'i ( amendue confessori di Carlo V., è l'ultimo dipoi Cardinale ) concedette à Frati Minori facolta di ministrare un tal sacramento nelle Indie ove mancano i Vescovi: il qual privilegio autentico si conserva nel monastero di S. Francesco di Siviglia: & è, piu veramente confirmazione de' privilegi conceduti da vari Pontefici antecedenti. Et recentior quidam professor Tirnavien-*

(a) B. XIV. lib. 2. De Beatif. &c. cap. 2. (b) Palavic. lib. 8. num. 47.

viensis. P. Joannes Baptista Prileszki S. J. sic habet (a): *De Adriano VI.* scribit Lucas Wadingus in *Annalibus Minorum*, quod anno 1521. 25. April. ad petitionem FF. Clapionis & Francisci de Angelis indulserit, ut in Indiis ubi non sunt episcopi, sacerdotes ex ordine S. Francisci confirmare possent chrismate ab Episcopo consecrato, hujusque concessionis exemplar authenticum in cœnobio Hispalensi ejusdem Ordinis asservari addit. In quibus animadvertit 1. Constitutionem Adriano per errorem attributam esse præsentem Leonis X., qui anno 1521. 25. Aprilis vivus adhuc sedebat Pontifex moriturus eodem anno Kalendis Decembris. 2. Confirmationis conferendæ facultatem non esse Fratribus quibuscumque ad instantiam duorum, qui nominantur in Constitutione, sed motu proprio concessam duobus illis & quatuor aliis, quantum est ex præsentis ordinationis transumpto, quod ad manum est. An revera Clapion & de Angelis Caroli V. Confessarii, quorum secundus biennio post renunciatus Ordinis Minister Generalis, deinde (b) Cardinalis cognomento *de Quinones*, Americam, quo se conferebant, ut in textu ordinationis habetur, reipsa transmiserint, mihi valde dubium est.

## ORDINATIO XXXVI.

Anno 1521.

**S**edes episcopalis Darienis translata est Panamam. Meminit Herrera (c) ad marginem scribens: *Fr. Vincentius Peraza renunciatur Episcopus Panamensis*. Et Frasso inquit: *En la (ereccion) de Nuestra Señora de la Antigua del Darien, que hoi está en Panamá por D. Fr. Vicente Peraza en Burgos a 1. de Diciembre 1521.* Neque multum distat Charlevoix (d). Verum Herrera (e) ad annum 1526. refert, Sedem Episcopalem adhuc præstare in Sanctæ Mariæ de la Antigua, nec à Rege probari mutationem. In *Descriptione Indiarum occidentalium* dixerat, paulo post annum 1519., scilicet post primi Episcopi obitum translatum esse. Certè ante annum 1531. jam Panamæ fixa erat sedes (f).

## ORDINATIO XXXVII.

Anno 1522. 9. Maii.

**E**xpositio per Carolum V. desiderio promovendi religionem præsertim in partibus Indiarum, petitioneque facta ut ex omnibus Ordinibus FF. Mendicantium (1), præsertim Minorum regularis observantiæ eò aliqui transmitterentur, decernit Adrianus VI., ut omnes Mendicantes præsertim Minores à suis prælatis nominati, qui voluerint sponte ad Indias Indos convertendi & instruendi causa, possint se transferre, dum talis suffi-

(a) Prileszki, *Traff. de Sacram. n.* 389.

(b) Vide Marc. de Lisb. P. 3. Chron. lib. 8. cap. 42.

(c) Herr. D. 3. lib. 1. cap. 16.

(d) Charlev. *Histoire de S. Dom. lib. 6.*

pag. 438.

(e) Herr. D. 3. l. 10. cap. 9.

(f) Herr. D. 4. l. 10. cap. 5.

sufficienciæ sint, ut Regi & Regio Senatui sint grati (II). Vult ut Rex numerum assignet. Conceditque ut prælati Fratrum, & alii quibus ipsi commiserint, in partibus ubi Episcopi non fuerint creati, vel si fuerint, intra duas dietas (III) ipsi vel ipsorum officiales (IV) inveniri non possint, tum quoad Fratres & Religiosos ad hoc opus deputatos, tum quoad Indos ad fidem conversos, tum quoad alios christicolos ad id opus eos mittentes, omnimodam (V) Pontificis Summi auctoritatem in utroque foro habeant, tantam quantam ipsi judicaverint opportunam pro conversione & manutentione Indorum (VI). Et quod prædicta auctoritas extendatur ad omnes actus Episcopales (VII), qui non requirunt ordinem episcopalem, donec per Sedem Apostolicam aliter fuerit ordinatum (VIII). Datum Cæsaraugustæ (IX). Extat apud Alphonsum de Veracruz (a), Incipit *Exponi nobis*.

## ADNOTATIONES.

(I) *Ex omnibus Ordinibus Fratrum Mendicantium*. Dubitatum fuit, an hic comprehenderentur Clerici Regulares Societatis Jesu, quia licet verè religiosi essent, & mendicantes, ut declaravit S. Pius V. Const. *Dum in defesse*. 7. Jul. 1571., Fratres audire volebant opinione vulgi. Sed quid quid de hac opinione sit, in eadem Constitutione Piana Fratribus, nec tantum Mendicantibus annumerantur. Et in Jure Hispano-Indico (b) extat lex ut sequitur: *Por que se ha dudado, si los religiosos de la Compañia de Jesus podian salir a las doctrinas de los Indios segun su regla, y parecio que por la Bula de Adriano VI. lo podian hacer como los demas religiosos ordenamos que assi se haga y cumpla*.

(II) *Ut Regi & Regio Senatui sint grati*. Etiam hinc auctoritatem habent leges iuricæ, quibus tam multa præscribuntur circa religiosos, & eorum missiones, transitum, numerum, qualitates, & ministeria, nominatim ea (c): *Encargamos y mandamos, que los Commissarios... hajan dedar razon en el Consejo de las Indias de las personas, nombres, edad, naturaleza, y calidades de los religiosos, paraque entienda si son los que conviene para el efecto a que van, y si pueden alli ser utiles*.

(III) *Intra duas dietas*. Dieta est diei unius iter. Estque duplex, vulgaris & legalis. Legalis continet viginti-mille passus, seu septem ferè leucas trium milliarium in singulas. Constat ex leg. 1. ff. *Si quis cautionibus*, ibi: *Viginti millia passuum in singulos dies dinumerare jubet Prætor*. Vulgaris dieta est iter, quod uno die vulgo fit: quod variè computatur, nunc pro decem leucis, nunc pro duodecim. Vulgaris dicitur dieta contrapositivè ad legalem quamvis in legibus aliquis sit dietarum vulgarium usus, ut in Jure Castellano (d): *y que estas dietas sean de diez leguas y no mas, esto es, camino de diez horas*, ut Hispani terra itinerantes communius computant, nam speciale est in nonnullis provinciis, ut in Tucu-

(a) Veracruz, ad finem Speculi conjug.

(b) Lib. 1. tit. 15. leg. 27.

(c) Lib. 1. tit. 14. leg. 4.

(d) Leg. 16. §. 2. tit. 7. lib. 1. Recop. Castell.

Tucumaniz præfectura ad aliquos effectus sex-mille ulnas in singulas di-  
metiri leucas: idque servatur in terræ dimensionibus, cum merces, ut  
ajunt, à Gubernatore Regis nomine fit.

Quando verò aliud verbo, aut consuetudine non exprimitur, com-  
munior est sententia, dietam accipi pro vulgari, ex *cap. Præsenti, De Præ-  
bendis in 6.* sic habente: *loca* verò intelliguntur vicina eidem curiæ in  
præmissis, quæ remota ultra duas dietas legales (quas hoc casu sic spe-  
cialiter volumus computari) à loco ubi moratur ipsa curia, non *existunt*.  
Ubi Glossa V. *Specialiter* addit: *Si hoc est speciale, ergo ipsius contra-*  
*rium est generale.* Nihil tamen obstat quominus dieta accipiatur pro le-  
gali cum intersit, ut in favoribus canonicè ampliandis. Et ita sentiunt  
aliqui apud P. Marquez (a). Quibus adde tu si favores ii sint, per quos  
jus alterius non lædatur, nec aliquid illorum interveniat, quibus etiam  
in favoribus præscribitur restrictio, de quo vide Suarez lib. 8. De Legi-  
bus, cap. 28.

(IV) *Ipsorum officiales.* Cum plures esse possint Episcopi officiales, seu  
vicarii, nempe generales, & foranei, in spiritualibus, & in contentiosis,  
quibus nunc majores, nunc minores facultates propriæ sunt, vel concedi  
possunt, ii officiales in præsentī ordinatione sunt intelligendi, qui facul-  
tates necessarias communicare possunt pro tempore vel casu Fratribus,  
vel qui facultatem habeant per se agendi in præsentia, quod Fratribus in  
eorum absentia conceditur; quamvis vicarii foranei sint. Quod si officia-  
les ii sint qui nec possunt per se operari, nec facultatem ad operandum  
pro re nata conferre, illorum præsentia aut propinquitas quoad præsens  
attinet, impertinens est.

(V) *Omnimodam auctoritatem.* Quantumvis generalis & indefinita sit  
concessio hæc, non comprehendit ea quæ raro & difficilè conceduntur, si  
talita sint ut credantur in specie neganda fore, nam regula juris est *Cap.*  
*81., De Regulis juris, quod in generali concessione non veniunt ea, quæ*  
*quis non esset in specie concessurus.* Et ita censet Fr. Joannes Baptista  
Minorita (b), cujus verba sunt: *Per illa verba Omnimodam auctoritatem*  
*non venit intelligendum quidquid Papa potest...* Sed illa intelligit quæ  
communiter Papa suis legatis commendat, & ea quæ non semper sed ali-  
quando committit, quæ viri cordati judicabunt in particulari, ut absolve-  
re ab excommunicatione Bullæ Cœnæ Domini, dispensare in voto casti-  
tatis, & in impedimentis matrimonii de jure humano. Hæc & similia  
absque dubio conceduntur, quia hæc committi solent legatis, & sæpè in-  
diget hæc Ecclesia hujusmodi facultatem ad manum habere.

(VI) *Opportunam pro conversione & manutentione indorum.* Ut quando  
(prosequitur idem author) esset utile alicui ad vitandum peccatum, ut  
plus diligat ministros evangelii, & ut quietius vitam agat cum conjuge,  
quæ causæ non sufficerent ad utendum hac facultate cum fratribus, vel  
cum

(a) Simon Marquez S. J. lib. 2. *Brasiliæ* | (b) Fr. Juan B. in *Adver. pro Confes. In-*  
*Pontif. D. 4. f. 7. Vide Azaved. in leg. 20. r. 7. l. 2.* | *dor. fol. 139.*  
*Recop. & Greg. Lop. in leg. 4. tit. 16. Part. 2.*

cum aliis, quia ultra causam rationabilem requiritur quod cedat in bonum Indorum directè vel indirectè. Quod est maxime notandum propter Hispanos, quibuscum nullo modo dispensandum est nisi in ordine ad bonum Indorum. Cum autem presentis concessionis causa sit finalis, non tantum conversio Indorum, sed manutentio, quantum est ex hac parte perstabit concessio, etiam post exactam infidelitatem: si ut conserventur & perseverent in fide; opportuna sit, quia ut tradit J. C. Pignatelli (a), Dum non cessat adæquata ratio privilegit, sed remanent aliquæ reliquæ ipsius, neque etiam cessat privilegium.

(VII) *Ad omnes actus episcopales.* Hinc patet quod supra inferebat Fr. Joannes Baptista, per omnimodam auctoritatem hac constitutione collatam non concedi quidquid Papa potest, nam ab omnimoda Papæ auctoritate non fit extensio ad actus episcopales, cum ii potissimum in illa comprehendantur. An verò concedatur facultas administrandi sacramentum confirmationis, tonsuram conferendi & minores ordines, dubitaverit quis. Et quidem quo ad loca extra limites parochiarum & episcopatum sita solum ob stare videtur quod ejusmodi actus raro conceduntur non episcopis, excipiendi propterea in generali concessione juxta regulam juris supra positam. Quam exceptionem firmat non usus etiam inter Franciscanos, ad quos principaliter dirigitur concessio, quamvis de praxi confirmationem administrandi à nonnullo adhibita memoria est, ut vide infra anno 1753. 2. Martii.

Sed licet nullus fuisset hujus facultatis usus, est qui reponat (b), privilegia quæ in damnum tertii non cedunt, non cassari per non usum, de quo vide Castropalaum (c). Ac de raritate dici potest, non esse tantam, cum Leo X. supra Ord. 35. à pluribus Pontificibus affirmet non uni concessum, & infra sæpè occurrant ejusmodi facultates: Sed obstat responsio Congregationis Concilii anno 1574. 18. Martii apud Card. Petra (d), qua proposito dubio an Abbas Casinensis habens ex privilegio apostolico ut possit ea omnia quæ spectant ad Episcopum, exercere, præterquam chrisma conficere & sacros ordines conferre, possit sacramentum confirmationis administrare; censuit non posse, cum ea quæ sunt ordinis, requirant specialem mentionem, ut intelligantur inferioribus prælatis concessa.

(VIII) *Donac per sedem Apostolicam aliud non fuerit ordinatum.* Nondum quidquam, quod sciam, est aliter ordinatum quo ad loca extra limites episcopatuum constituta, pro quibus concessionem non esse revocatam, testis dum favet regularium privilegiis idoneus est C. Petra (e), ac supponere videtur Benedictus XIV. (f), qui postquam statuit adhuc vigere Constitutionem Joannis XXII., ut supra dictum est Ord. 35. Leonis X., subdit: *Similis potestas data fuit ab Hadriano VI. Fratribus Ordinum*  
Men-

(a) Pignat. tom. 4. C. 152. num. 9.

(b) P. Eug. Lopez. Studii Neo-Cordub. in S. 2. n. 85.

Tucum Cancellar. in M. S.

(c) Castrop. D. 4. P. 18. De Privil.

(d) C. Petra tom. 5. ad Const. 4. Calixti III.

(e) Petra, tom. 4. ad c. 2. Greg. XI. n. 27.

(f) B. XIV. De Serv. Dei Beatif. & lib. 2. c. 2.



Mendicantium, præsertim verò Ordinis Minorum Regularis Observantiæ, ut in locis videlicet Indiarum, in quibus nondum fuerant fundati episcopatus, vel si fundati fuerant, intra spatium duarum dietarum, nec episcopi, nec eorum officiales in locis ipsis poterant reperiri, ut inquam possent jurisdictionem episcopalem exercere, exceptis iis quæ ordinem requirunt episcopalem, Fratrum præfules vel alii Fratres, quibus à suis præfultibus esset *commissum*. Ubi vides, potestatem ab Adriano factam per præsentem ordinationem factæ à Joanne XXII. adhuc vigenti comparari sine revocationis nota.

Intra limites episcopatum multa sunt aliter ordinata circa ea ad quæ præsens extenditur constitutio. Ac primo Paulus III. Adriani omnimodam confirmavit (a) quidem ablata dietarum restrictione, sed imperat conditionem de consensu episcoporum. Præterea in decisione litis anglo-politanæ, & pluries alibi supponuntur, vel decernuntur plurima in omnimoda contenta, quæ jam non licent. Ex quibus liquidum est, ut minimum valde imminutam esse facultatem Adriani ordinatione collatam, quamvis de expressâ totius revocatione non constet.

Affirmari videtur revocatio hæc in Scheda Regis Catholici data 4. Sept. 1701. (b) paulo post publicationem Recopilationis legum indicarum, cujus tenor est: *En. 24. de Sept. de 1698.* à instantia de Fr. Francisco Ayeta de S. Francisco Procurador General de las Provincias de Indias declaró el Rei por Cedula, que se enten diessé con los Obispos de Nueva España lo que se havia resuelto por Cedula de 16. de Octubre de 1695. dirigida al Arzobispo de Lima, en que se le encargó, que quando por su persona no pudiesse visitar las doctrinas de los religiosos, embiasse a la visita religiosos de las mismas ordenes, y no sacerdotes seculares; y por otra de 25. de Octubre de 1694. se encargó à los Prelados delas Provincias del Perú y de Nueva España, que en observancia de lo que en ella se inferta se abstuviesse de poner vicarios foraneos en los partidos de sus diocesis, respecto de que las informationes para los matrimonios les pertenecian à los religiosos doctrineros en virtud de los Breves de Adriano VI., y Paulo III., no solo para fuera de las dos dietas, sino para dentro de ellas, usando de la omnimoda que para ellas se las havia concedido. y ahora Fr. Bernardo Ronuros Franciscano Procurador de la proviucia de Lima ha representado, que aunque obedecieron las Cédulas citadas algunos Ordinarios, otros no las han puesto en execucion, y me suplicó que las mandasse executar en el Perú. y haviendose visto en mi Consejo de Las Indias attentamente las dichas Cédulas, y oido al Fiscal de el, teniendo presente en quanto al primer punto, que trata de las visitas de los religiosos, la disposicion del Derecho Canonico y del Concilio Tridentino con las concordantes y declaraciones de las Congregaciones de Cardenales, y el Cap. I. del Concilio II. Limense, que dan la forma de las visitas generales, assi de seculares, como

(a) Vide infra Ord. 55.

(b) Exstat in Adversariis M. S. Peugenii

Lopez, ex authentico, ut ait, Tabulari Nro Cordub. Collegii S. J. in Tucum.

mo de regulares, y que de bajo de esta misma regla está prevenido por la lei 28. tit. 15. l. 1. de la Recopilacion de Indias, sin que en unas ni en otras se limite la jurisdiccion de los Ordinarios en subdelegar las visitas de religiosos en los casos que previene el derecho. y por lo que mira al segundo punto sobre la eleccion de vicarios foraneos, se ha reconocido que la omnimoda que se cita en la Cedula por los Breves de Adriano VI. y Paulo III., esta revocada por Gregorio XIII. y Paulo V., y otros Pontifices. y considerado todo en el Consejo se ha acordado, que no ha lugar la pretension de Fr. Bernardo Ronuros, y revocar como por la presente revocò lo dispuesto en ambos puntos por las dichas cédulas, y mando se recojan, y ruego á los prelados del Perú y de Nueva España, cuiden de la observancia de esta, y hagan se observe lo dispuesto por los Concilios, Lejes de la Recopilacion, y estilo que han practicado en quanto á nombrar visitadores, y poner vicarios Foraneos, avisando del recibo de este despacho. Fecha en Madrid, &c.

Ubi exprimitur, præsentem Adriani ordinationem esse revocatam á Gregorio XIII. Paulo V. & aliis Pontificibus. Hoc tamen non est accipiendum de revocatione absoluta & indefinita, qua cassentur omnia puncta in omnimoda contenta, sed circa subjectam materiam, ut ibi dicitur: *Por lo que mira al segundo punto*. Sed nec Constitutiones citatas Gregorii & Pauli, quibus in hoc puncto revocatur omnimoda, reperire licuit. Satis tamen est novisse ex præsentem schedula revocatam esse; præsertim cum in Const. *Cum nuper*. Benedicti XIV. data anno 1751. 8. Nov. declaratur, regulares parochos ut tales non tantum episcopis, sed eorum visitatoribus esse subiectos, ut vide infra suo loco. Vide etiam Ord. Pii IV. infra anno 1556. Adnot. IV.

De cetero non esse revocatam absolutè Adriani Constitutionem, præter dicta initio hujus Adnotationis, constat ex lege 27. t. 15. l. 1. Recop. Ind. uno amplius sæculo post Gregorium XIII. qui revocasse dicitur, recopilata, & ex Monitorio Dominici Maria Cursi, de quo infra anno 1683. 2. Dec., in quo illius constitutionis & aliarum indicitur executio. Sed & alicubi concessum est deinceps privilegium quod hic dicitur revocatum, ut fides sit in Regis Catholici Scheda quadam data 1757. 17. Sept., ubi de Provinciæ Mexicanæ S. J. missionibus dicitur: *Por el claro derecho que tenia su provincia en virtud de una real cedula, bula pontificia, y dos reales resoluciones para no ser visitados sino es por los mismos Obispos*.

(IX) *Cesar Augusta*. Nempe data est constitutio præsens ante Adriani in Hispania adhuc agentis coronationem. Per hoc tamen nihil ei de validitate deperit; nam *Papam ritè electum* prius quam coronetur, non debere se intromittere in *provincialibus*, & aliis gratiis faciendis error est excommunicatione damnatus in *Extrav. ult. De sent. excom.*, de quo vide P. Suarez d. 23. De Censur. s. 6. p. 1.

OR-

## ORDINATIO XXXVIII.

**A**B eodem Adriano datæ sunt litteræ, quarum meminit Bernaldus Diaz del Castillo per hæc verba (a): Embió à la Nueva España bulas con muchas indulgencias para los hospitales è iglesias, y escribio una carta encomendando a Cortés y à todos nosotros los conquistadores, que estabamos en su compañía, que siempre tuviésemos mucha diligencia con la santa conversion de los naturales, è fuesse de manera que no hoviesse muertes ni robos, sino con paz y quanto mejor se pudiesse hacer, è que les vedásemos è quitásemos los sacrificios y sodomías, y otras torpedades ..... y nos embió otras santas bulas para nuestras *absoluciones*.

## ORDINATIO XXXIX.

Anno 1523. 28. April.

**S**upprimitur Sedes episcopalis in insula Fernandina seu Cuba, & erigitur in oppido S. Jacobi in eadem insula. Sic habetur in Tabulis Chronologicis P. Cl. Clementis, ut refert Herrera (b). Jam ab anno 1516. renunciatus erat Episcopus de Cuba Fr. Bernardinus Mesa, qui tamen nunquam Hispaniam reliquit, ut habet idem Herrera (c). Et erectio præfens in S. Jacobi videtur etiam effectu caruisse usque ad annum 1533., quo autoritate apostolica 8. Martii ordinata est ab Ill. Joanne de Orive, ut est apud Frasso cap. 19. num. 31.

## ORDINATIO XL.

Anno 1523. 4. Jun.

**E**Rigitur Sedes episcopalis in Venezuela, aliàs Coro, hodieque dicitur de Caracas. Meminit Frasso cap. 19. n. 31. Meminit etiam hujus Sedis P. Josephus Gumilla (d), ubi plures Nobloti errores geographicos earminat. In his: Dice (Noblot) de Venezuela: Esta es una villa è ciudad capital que da su nombre à este reino. No hai tal villa, ni tal ciudad. Son dos è tres pueblos de Indios formados de casas pagizas, fundados sobre duras estacas sobre la laguna de Maracaibo, y toda via permanecen. Dice mas: la Villa è ciudad de Maracaibo está fabricada à la moderna al modo que lo esta Venecia en el mar Adriatico. Si quiere decir que está è estuvo fabricada en el mar è laguna, es falso porque está fundada en tierra firme. Si quiere decir, que en la fabrica se parece a Venecia, no hallará con que probarlo. Prosigue y dice de Maracaibo: Ella es ciudad episcopal. No hai tal, porque pertenece al Obispado de Carácas, donde reside el Obispo de toda la provincia de Venezuela.

OR-

(a) Bernal Diaz, *Hist. verd. de la Conquista de la N. España*, cap. 167.

(b) Herr. D. 3. l. 4. c. ult.

(c) Herr. D. 2. lib. 2. cap. 7.

(d) Gumilla, *Or. Illustr.* l. 1. cap. 16. pag. 255.

# ORDINATIO XLI.

Anno 1524

Mittitur ad Novam Hispaniam cum potestate legati pontificii pluribus privilegiis apostolicis & imperialibus ornati, Fr. Martinus de Valencia de Alcantara cum sociis. Factus etiam per speciale pontificium breve Commissarius Generalis Inquisitionis in illis partibus. Refert Fr. Antonius Daza Franciscanus (a). Quoad munus tamen legati non videtur specialiter commissum, nisi quatenus in omnimoda autoritate per Adrianum in constitutione, de qua nuper collatum continetur, ex iis quæ idem scriptor habet cap. 10., ubi transcriptis ad verbum Adriani litteris subdit: *En virtud de estas letras apostolicas, y patente del Ministro General, el Emperador nombro por Legado Apostolico y Nuncio del Papa en el Nuevo Mundo a Fr. Martin de Valencia*. Nihilominus consultationem quandam habitam hoc anno Mexici, Mexicanum Concilium, & Mexicanam Synodum est qui appellet, etsi nullus intererat Episcopus, nec pro Episcopo sedens, sed solus Legatus Missionariorum præses. Appellat Concilium Author *Compendii Chronologici Historia Ecclesiastica* (b) ad annum 1524 ibi: *Concile de Mexique assemble par Martin de Valence Legat & Chef des Missionnaires. On y fait plusieurs reglemens sur l'instruction des fideles, pour les disposer au batême, & pour les entretenir dans la foi*. Synodum appellat D. Franciscus Lopez de Gomara infra anno 1537. citandus Ord. 58. Adnot. 9. Ex Conciliis annumeratur in Bibliotheca Mexicana Verbo *Concilium*.

# ORDINATIO XLII.

Anno 1525. 13. Octobr.

Erigitur Mexici Sedes episcopalis. Ita D. Gonzalvus de Paz (c), quæ foundationem actu perfectam collocat anno sequente. Bullæ tamen institutionis primi Mexicanensis Episcopi Fr. Joannis de Zumarraga desiderabantur adhuc anno 1530., quo ait Herrera (d): *Escribia el electo de Mexico pidiendo sus bulas, porque decian los Oidores, que sin ellas no era canonica ninguna provision suia, y que le podian echar de la tierra, y le amenazaban a cada passo con ello*. In Collectione Conciliorum Harduini extat Bulla erectionis data 9. Sept. 1534. (e). Vide infra Ord. 51.

Nihilominus antequam acciperet bullas electus, jurisdictionem episcopalem habebat minimè otiosam; etiam antequam esset capitulum, cuius nomine, ut modo fit, ab Electis ante consecrationem, jus diceret. Sed Electus Mexicanensis erat de privilegiatis per Adriani constitutionem, in

(a) Daza, P. 4. Chron. Ord. Seraph. J.2.  
(b) *Abregé Chronol. de l'Hist. Eccl.*  
(c) *Tabul. Ecclesiæ. N. Hisp.*  
(d) *Herr. D. 4. l. 7. cap. 2.*  
(e) *Hard. T. X. Col. 2736.*

in cuius virtute fortè operabatur: nam etiam quando res erat cum Hispanis, finis erat Indorum conversio & in fide manutentio, quorum regio nomine & titulo protectorem agebat (a). Finis, inquam, saltem remotus & mediat; nam proximus aliquando fuit defensio ecclesiasticæ immunitatis. Quod nisi dicatur Electus in virtute relatæ constitutionis operatus esse, Auditorum querelæ & minæ temerè jactatæ dici nequeunt; cum constet bullis non expeditis acta præsentati esse nulla. Vide infra anno 1562. 11. Aug., & anno 1557. 1. Septembris.

## ORDINATIO XLIII.

Anno 1526.

**S**edes episcopalis erigitur Tlascalæ, anno 1550. transferenda, vel figenda Angelopoli. Ita laudatus Gonzalvus de Paz. Nempe quia colonia Yucatanensis, pro qua creatus erat episcopus Fr. Julianus Garcés, rebellantibus Indis, deserta erat ab Hispanis, decrevit Pontifex ut figendæ Sedi locum substitueret Rex Catholicus (b), qui Garcesium sedere fecit Tlascalæ, unde jus diceret in totam provinciam cognominem, in Sancti Joannis de Ulúa, in Veram-Crucem, & in Tabasco ulque ad Chiapam: jure sibi reservato fines hos movendi, cum è re foret, ut factum est anno 1535.

P. Echard Dominicanus (c), postquam retulit, consecratum Julianum possessionem procuratorio nomine adiisse Regii Consilii jussu litterisque 9. Nov. 1527., biennioque post accepisse præsentem ipsum possessionem realem, subdit: *Quanta* porro lætitiâ fuerit Julianus omnium omnino Novi hujus Orbis & Mexicani regni primus episcopus à suis clericis laicisque receptus, vix dici *queat*. Equidem Julianum primum episcopum consecratum viderunt Tlascalenses & Mexicani; Novus tamen Orbis jam diu ante viderat Ill. Joannem Quevedo Franciscanum; de quo vide supra Ord. 28.

## ORDINATIO XLIV.

Anno 1527.

**S**edes episcopalis Conceptionis in Hispaniola unitur Sedi S. Dominici. Refert Herrera Dec. 4. l. 2. cap. 5. & Charlevoix Hist. S. Dominici, lib. 6. pag. 444. Simul fuit unita Abbatia Jamaicæ, ut ibidem habet Herrera.

OR-

(a) Vide Herr. D. 4. lib. 2. cap. 2.

(b) Herr. D. 3. l. 10. c. 7. Et D. 2. l. 3.

c. 11. Vide supra Ord. 34. (c) Echard, Scrip-  
tor. Ord. P. t. 2. pag. 132.

## ORDINATIO XLV.

Anno 1530. 30. Aug.

UT Dominicani Hispaniolæ possent ordinari (1) per quolibet episcopum quem ipsi eligerent tribus (II) feriis continuatis (III) concessit Clemens VII., ut refert Fr. Dominicus de Loffada in Chronologia Privil. Indicor. Neque notat, an per bullam, an vivæ vocis oraculo facta sit concessio.

## ADNOTATIONES.

(1) *Ordinari per quolibet*. Decretum est ab Innocentio XIII. & confirmatum à successore Benedicto XIII. 23. Sept. 1724. (a), ut in Hispaniis *servetur* decretum S. Congregationis à Clemente VIII. confirmatum 15. Mart. 1596., quo sancitur ne litteræ dimissoriæ ad alium episcopum quam diocesenum dirigantur..., exceptis regularibus quibus post Tridentinum fuerit concessum, ut à quolibet ordinari possint. Et decretum Sixti V., quo *ex sententia* S. Congregationis respondit, posse regulares concedere dimissorias ad episcopum diocesenum, eoque absente, vel præsentem quidem, sed ordinationes non habente, ad quemcumque, dummodo ab episcopo qui ordines contulerit examinentur quoad *doctrinam*. Quæ decreta Clementis & Sixti confirmavit Benedictus XIV. Const. *Impositi*, 3. Kal. Mart. 1746. decernens, ut dimissoriæ regularium nullius sint roboris sine attestazione Vicarii Generalis, qua constet Episcopum abesse, vel ordinationes non habiturum tempore per ecclesiasticas leges constituto. Aliter Episcopus incurrit pœnas ordinantium sine legitimis dimissoriis. Additque: *Quemadmodum* privilegia firma esse volumus, dummodo post Tridentinum & non per communicationem, concessa fuerint; ita alia vacua esse volumus, decernentes huiusmodi privilegia non censi indulta post Tridentinum, nisi vel post confirmationem (factam anno 1563.) concessa fuerint, vel confirmata posterius in forma specifica cum litterali veteris indulti insertionem, ac declarantes confirmationes in forma communi nemini quoad prædictum effectum *suffragari*.

De Innocentii XIII. citatis litteris ita refert Loffada (b): *el Consejo exceptuó para su execucion las regalías, y loables costumbres. Las Iglesias presentaron memorial al Rei. Su causa esta pendiente. Las Religiones lo presentaron tambien, pero el clamor se calificó de resistencia, y salio la Bula de Benedicto XIII.... Es notorio que no esta pasada por el Consejo de Indias. Hæc scripsit Loffada anno 1737. Post quod tempus in facultatibus, quæ ad audiendas confessiones per Episcopos conceduntur, enuntiari solet Constitutio Innocentii inter alias, ut confessariis sit pro regula. Unde per Hispaniam obtinere liquidum est.*

Quoad

(a) Const. Apostolici Ministerii, n. XV. (b) Fr. Dom. Loffada Chronol. Privil. Ind. Ed. 1737.

Quoad Indias nihil occurrit nisi quod in Constitutionibus Synodalibus anni 1752. (nunquam tamen publicatis neque usui permixtis) habet Ill. Michael Argandoña, Episcopus Tucumanensis in proëmio: *Sobre la sugesion à lo que determinó el Concilio de Trento, se han expedido nuevamente dos Breves por Innocencio XIII. y Benedicto XIII. à instancia de Nuestro Monarca Philippe V., Arzobispos y Obispos de España, cuius Bulas empiezan Apostolici Ministerii*. Su data à 29. de Maio 1724. Y mandamos *sub præcepto* se observe todo lo contenido *en ellas*. Et quod Benedictus XIV. in Const. *Pastoralis*. data Nonis Augusti 1748. declaravit decrevitque, Innocentii Bullam quoad confessarii extraordinarii promonialibus designationem esse legem universalem.

(II) *Feriis*. Has intellige quales in iure requiruntur pro conferendis minoribus ordinibus. An verò esse debeant eiusmodi feriæ vel festa quæ de præcepto celebrentur in foro, an sufficiant quæ in choro celebrantur ritu duplici, disputant. Et secundæ parti favet aliquorum praxis (a), non modo quando ritus est de præcepto duplex, sed etiam quando ad libitum. Sed obstat decretum Urbani VIII. de quo Card. de Lugo apud Busenbaum (b). Et Card. Petra (c) ex Fagnano ait: *Præsupposito* quod minores ordines possunt conferri diebus dominicis aut aliis festivis, dubitatur an appellatione festi comprehendatur festum, in quo ab Ecclesia fit officium, an verò debeat esse festum quod à populo colatur. 2. Idem est dubium quoad promovendos vigore dispensationum de promovendo extra tempora diebus festis. Ad 1. S. Congregatio Concilii censuit comprehendere dies festos qui à populo servantur... Ad 2. idem *respondit*.

(III) *Continuatis*. Decretum est in Tridentino (d), Ne promoti ad sacrum subdiaconatus ordinem, si per annum saltem in eo non sint versati, ad alterum gradum, nisi aliud episcopo videatur, ascendere *permittantur*. Idemque indicitur de diaconatu cap. seq. Unde præsentis privilegio derogatum hac etiam ex parte est, quippe Concilium præcedenti: maximè cum primo loco apponatur clausula *Non obstantibus* &c. In partibus tamen Novi Orbis vulgaris est dispensatio, tum propter locorum distantiam & difficultatem iterandi ad remotissima loca reditum, tum propter speciales facultates Episcopis Indiarum ad decennium concedi solitas, quarum prima est, *Conferendi* ordines extra tempora & non servatis interstitiis usque ad presbyteratum inclusive, si sit necessitas *sacerdotum*. Ubi necessitas potest accipi, ut in Tridentino pro notabili utilitate. Post Tridentinum verò huiusmodi privilegium sæpè concessum est; aliquando ad terminos juris post concessionem redactum, de quo in sequentibus. Vide Ord. 146. 240. 248. 245.

OR-

(a) Apud Murillo, lib. 1. Curs. Can. num. 220.

(b) Busemb. Dub. 2. De Sac. Ord. Resp. 7.

(c) Petra, tom. 5. ad c. 7. Pii II. n. 42. Ex Fagn. in c. 3. de Temp. Ord. n. 42.

(d) Trid. Sess. 23. De Reform. c. 13. & 14.

## ORDINATIO XLVI.

Anno 1531.

**F**acta est episcopalis ecclesia Sanctæ Marthæ. Ita habet Compendium Historiale P. Em. Rodriguez S. J. Et Herrera refert (a), hoc anno missum esse primum illius Ecclesiæ prælatum. Utroque verius est quod ex Remetal scribit P. Echard O. P. (b), P. Thomam Ortiz constitutum esse episcopum Sanctæ Marthæ anno 1529., mortuum 1531. Ante Ortizium numerat Ægidius Gonzalez apud Echard tres alios S. Marthæ Episcopos, & Ortizii vitam producit usque ad annum 1538. In suam vicem errat P. Echard, dum oppidum S. Marthæ identificat cum Venezuela; sed error est in tanta nominum varietate, quibus eadem ex Americanis civitas donari solet, excusabilis. Ecclesia S. Marthæ facta est deinde abbatialis, ac tandem ex abbatali episcopalis iterum, ut modo est, sub Archiepiscopo Novi Regni, seu Sancta fidenfi.

## ORDINATIO XLVII.

Anno 1531.

**F**it episcopalis Ecclesia Vallisoletana. Ita habetur in Geographia Sacra apud Chiquet. Et si Vallisoletum intelligas, non de *Mechoacan*, nec de *Yucatan*, sed de *Comayagua* seu *Honduras*, fundamentum habet in Herrera (c), quatenus ait, hoc anno fuisse missum Episcopum Truxillensem de *Honduras*, qui postea sedem mutavit in Vallisoletum. Fortè hoc anno designatus est Episcopus Fondurensis sine sede fixa usque ad annum 1539. quo sedit in oppido Truxillo, unde anno 1558. aut 1559 Comayaguam, ac tandem Vallisoletum transiit anno 1571. Vide Gonzalum de Paz in Tabula Ecclesiarum Novæ Hispaniæ. Author Geographiæ Sacræ Chiquetianæ errat, dum Ecclesiam Vallisoletanam constituit in provincia S. Dominici, cum fuerit in Mexicana, & modo in Guatemalensi sit.

## ORDINATIO XLVIII.

Anno 1532.

**C**oncessit Pontifex Ferdinando Cortés jus patronatus ecclesiarum in terris ad eum donatione regia pertinentibus. Caruit tamen usu concessio, ne læderetur jus regium, ut refert Herrera D. 5. l. 2. c. 8. Alia plura concessisse Clementem Cortesio & commilitonibus refert horum unus Bernaldus Diaz del Castillo (d): *Embió* (Cortés), dice, à besar el pie a N. M. S. P. el Papa Clemente... Y su Santidad lo tuvo en mucho, y dijo que daba gracias à Dios, que en su tiempo tan grandes tierras se

(a) Herr. D. 4. l. 10. c. 5.

(b) Scriptor. O. P. tom. 2. pag. 83.

(c) Herr. D. 4. l. 10. c. 5.

(d) Bernal. Diaz, Cap. 195.



se huviessen descubierto, y tanto numero de gentes se huviessen vuelto à nuestra santa fè, y mandó hacer processiones, y que todos diessen gracias à Dios por ello, y dixo que Cortes y todos su Soldados haviamos hecho grandes servicios à Dios, y al Emperador, y a toda la cristiandad, y que eramos dignos de grandes mercedes, y entonces nos embio bulas para nos absolver à culpa y pena de todos nuestros peccados, è otras indulgencias para los hospitales è iglesias con grandes perdones, y dio por mui bueno todo lo que Cortes havia hecho en la Nueva España, segun y como su antecesor el Papa Adriano.

## ORDINATIO XLIX.

Anno 1533.

**C**LEMENS VII. denuò concessit Novi Orbis Dominicanis & Franciscanis (1) gratias omnes & favores ab antecessoribus concessa. Extare dicitur in conventu Prædicatorum Mexicano. Sed extat verbalis concessionis testimonium, an bulla? Meminit hujus ordinationis Fr. Joannes Baptista in Compendio privilegiorum oblato à Regularibus Mexicanis synodo illius provinciæ anno 1585. celebratæ. Meminit etiam P. Ayeta in Opere inscripto *Chrisol y Defensa de la verdad*, Contreras in Libello supplici Philippinarum apud Lossadam in cit. Chronologia. Eodem anno 1533. 11. Jul. data est Constitutio de qua infra anno 1712. 2. Jul. Ordin. 481. Adnot. 2.

## ADNOTATIONES.

(1) *Denuò concessit*. Dupliciter fit privilegiorum confirmatio seu nova concessio: in forma communi, & in formâ speciali. Primo modo fit, quando per communes clausulas denuò dicitur concedi, innovari, vel renovari privilegium, non expressa privilegii qualitate. Fit in forma speciali, quando confirmati privilegii tenor litteris confirmationis inseritur, vel alio quocumque modo testatur confirmans, vel significat se plenam habere notitiam de privilegii qualitate, tenore, & statu, quod confirmare aggreditur.

Quodvero usitatæ clausulæ *Ex certa scientia, Motu proprio, De plenitudine potestatis*, non illico in forma speciali, qua infirma revalidantur, constituent confirmationem, probat factum; cum enim Franciscani, proposuissent Julio II. explicandam bullam, in qua Sixtus IV. *Ex certa scientia, ex mera voluntate, motu proprio, pro potiori cautela* innovare se dicit, ac denuò concedere Ordini omnia privilegia, quæsiissentque, an per illa verba restituerentur revocata, negavit Julius in *Const. Militantis*, quam vide apud Rodericium tom. 1. Bullarii. Ergo per clausulas illas & similes non confirmantur privilegia in forma speciali, nam dum hac forma fit confirmatio, communior sententia est, etiam invalida convalidari.

Et

Et hac ratione in concordiam redigi possunt oppositæ sententiæ P. Suarez & P. Arriaga in Tractatu de Legibus disputantium, an per confirmationem prædictis clausulis munitam amissa privilegia reviviscant. Scilicet non per eas nudas clausulas res est determinanda, sed per qualitatem & modum confirmationis plura requirentis adminicula, ut in forma speciali esse dicatur. Idque significasse videtur Benedictus XIV. in Const. *Impositi* supra relata, ubi loquens de confirmatione in forma speciali seu specifica addit: *Cum litterali veteris indulti insertione*, significans per hanc insertionem formaliter aut æquivalenter litteralem constitui confirmationem in forma speciali, quæ ad revalidandum invalida sufficiat, & necessaria sit.

Dixerit quis: quid ergo utilitatis important concessiones & confirmationes qualis est præsens? Respondeo, effectum esse affectus manifestationem, qua privilegiatus securus esse potest, animum confirmantis non esse quidquam statuere contra privilegia quæ vigent. Qui affectus magis exprimitur quo plures clausulæ idem significantes agglomerantur, ut fit. Neque opus est cuique concessionis verbo alterius generis effectum assignare, ne inutilis dicatur, ut omnes dicere tenentur de formula illa sat frequente, qua conceditur ut quis certo privilegio possit *licite & libere uti, frui, potiri, gaudere*.

## O R D I N A T I O L.

Anno 1534. 24. Apr.

**I**N Episcopalem erigitur ecclesia Carthaginensis in America, futura deinceps sub Archiepiscopo Novi Regni. Refert P. Emm. Rodriguez J. in Compendio Histor. cit.

## O R D I N A T I O LI.

Anno 1534. 9. Sept.

**O**ppidum Mexicanense in Indiis Maris (I) Tyrrheni Indici per dilectum filium nobilem virum Petrum Arias (II) militem Segoviensem, repertis, è manibus infidelium ereptis, & ad ditionem Regum Catholicorum redactis, ac sub eorum obedientia eodem Petro Gubernatore permanentibus consistens, in civitatem erigit Clemens VII., & parochialem ecclesiam in cathedralem pro uno Episcopo, qui inibi & in illius civitate & diœcesi verbum Dei prædicet, & infideles ad fidem convertat (III): ac tam illos ad fidem conversos, quam alios in eadem fide instruat, & confirmet, & sacramenta ecclesiastica eis ministret, ac ministrari, ac prædictam ecclesiam & illius ædificia ad formam cathedralis ecclesiæ redigi faciat; ac in civitate & diœcesi prædictis collegiatis & parochiales ecclesias, monasteria, capellas, & hospitalia, oratoria, & alia loca pia, & in illis dignitates, & alia officia & beneficia erigat & instituat: ac alia temporalia, & spiritualia, juris dictionalia, & pontificalia officia, omniaque & singula alia, quæ alii episcopi regnorum (Castellæ) facere, & exer-

exercere confueverunt, faciat, & exerceat. In eadem ecclesia erigit capitulum canonicorum & personatum. Ecclesie erectæ pro illius civitate civitatem erectam, & pro dicecesi terras, insulas, loca, & oppida, quæ Carolus Imperator, vel ejus Consilium, Indiarum nuncupatum, positis limitibus & confinibus necessariis, statui & assignari jusserit (iv), statuit & assignat. Ac pro dote & dignitatis sustentatione decimas & primitias, & alia jura episcopalia de bonis, rebus, & fructibus, de quibus Carolus vel Consilium ejus specificaverit & ordinaverit. Jus patronatus, & infra annum propter loci distantiam per se vel alios ad id etiam ante vacationem designandos, præsentandi personas idoneas, tam prima vice, quam quoties vacaverint, ad Ecclesiam videlicet Mexicanensem summo Pontifici, ad omnes vero dignitates Episcopo, Regi reservat. Non obstantibus contrariis quibuscumque. Extat in Collectione Conciliorum Harduini tom. X. Col. 1736. Incipit *Sacri Apostolatus*.

## ADNOTATIONES.

(1) *Maris Tyrreni Indici* Sinum intellige Mexicanum propter similitudinem, quam cum vero Mari Tyrreno refert.

(II) *Petrum Arias*. Miraberis, quid tantum fecerit Petrus Arias, vulgo *Pedrarias Davila*, ut in erectione primariæ civitatis & ecclesiæ tam honorifica fiat illius mentio, dum nulla sit de Cortesio Mexici domitore, quem alias idem Pontifex probenorum laudaverat, nulla de Cortesii commilitonibus, nec de primis Maris Tyrreni Indici lustratoribus ante Petrum Arias. Fecit is multa in Dariene provincia quæ de Mexico non est, multa passus est, multa etiam aliis patiendi causa fuit. Mexicum tamen an viderit unquam, totus dubito. De illo scribit Episcopus Chiapensis (a): *El dicho Pedrarias entró como lobo hambriento, y como el impetu del furor de la ira de Dios ... Despobló tantos pueblos y habitaciones, que hervian de gente en quatrocientas leguas desde el Darien à Nicaragua*. Sed qui Chiapensi documenta ministrarunt, multa in hoc & in aliis mentiti sunt supra nubes exaggerata. Bernaldus Diaz del Castillo (b) *Petrariæ comes* ait: *Acordamos ciertos hidalgos y soldados, personas de calidad de las que haviamos venido con Pedrarias Davila de demandalle licencia para nos ir à la isla de Cuba, y el nos la dio de buena voluntad, porque no tenia necesidad de tantos soldados como los que trujo de Castilla para hacer guerra, porque no havia que conquistar, que todo estaba de paz .... y la tierra de suio es muy corta y de poca gente. Et alibi sæpè idem Author facit Chiapensem exaggerandi reum. Facile dictum est, eò respicere Bernaldum, ut suam & sociorum immanitatem à culpa liberet: quod de scriptore alio causatur. Episcopus (c). Sed author est Bernaldus, qui bona & mala ex æquo referre novit, ut legenti liquidum est. Et plures sunt & religiosi & episcopi testes oculares ut Ortizius & Que-*

(a) *Chiap. Sobre el 8. Remedio, Raz. II.* (b) *Bernal. Hist. de la Cong. Cap. 1.* (c) *Chiap. Repl. ad 8. obiect. Sepulveda.*

Quevedo supra laudati à relationibus Chiapensis discordantes. Et nisi fallor, ex ejusdem scriptis patet, nimio zelo abreptum supra modum, cujus exemplum dabo infra Ord. 59. Modò sufficiat quod quivis animadvertere potest locorum peritus, à Dariene ad Nicaraguam impossibilem esse depopulationem quatuorcentum leucarum, quia non tot leucae sunt, nisi in chartas omnes geographicas irreplevit error.

(III) *Infideles ad fidem convertat*. P. Franciscus Dias-Taño S. J. antiquum Paraguai decus in *M. S. De Infideli converso* ait, Episcopos teneri evangelium prædicare infidelibus etiam extra fines episcopatus consistentibus quos inter & Fideles diocesanos est communicatio: idque non tantum ex charitate, sed ex officio; eamque communicationem esse signum quod ad episcopi diocesim pertineant. Placitum hoc firmat in can. *Placuit*. 16. q. 3. Sed ibi tantum habetur: *Placuit*, ut quicumque Episcopi negligunt loca sua ad suam sedem pertinentia in catholicam unitatem lucrari, conveniantur à diligentibus vicinis episcopis, ut id agere non morerentur. Quodsi intra sex menses à die conventionis non effecerint, qui potuerit ea lucrari, ad ipsum *pertineant*. Ubi non definitur, infideles cum Diocesi conversantes ad eam pertinere, neque directè obligari Episcopum ex officio ipsis evangelizare, sed sermo est de infidelibus intra diocesanos fines commorantibus. Hoc tamen non tollit quin obligentur indirectè etiam foraneis evangelizare, quatenus nisi convertantur ad fidem, potest ex illorum communicatione damnum in fideles subditos derivari.

(IV) *Assignari jufferit*. Assignari jam quidem jussit & statui; sed reservata facultate, de qua loquitur Ill. Zumarraga in Ereptione, hoc anno ordinata Toleti (a), quando ex America in Hispaniam rediit consecrandus. *Literarum*, inquit, prædictarum virtute, nobis & successoribus nostris quæ oportuerit statuendi potestatem reservamus, ut possimus id facere de consensu, petitione, & instantia Regiæ Majestatis. Et hæc quidem Erectio ab Ill. Zumarraga facta approbata est diu post à S. Congregatione per decretum, de quo infra 27. Oct. 1589. Unde etiam constat vis Cedula- rum petitionis & instantiæ, sive de *Ruego y Encargo*, quibus Rex Catholicus de Ereptionum materia dijudicat (b). Constat item quod supra insinuatum est, Episcopatum Mexicanensem oblineatum quidem superioribus annis, modò tamen perfectum; & Episcopum non antehac consecratum, neque bullas sortitum, jurisdictionalia administrasse ex privilegio, sive quod Adrianus mendicantibus concessit (c), sive quod per concursum regiæ & pontificiæ potestatis præsentatis à Rege concessum sit, quando quidem nondum erat capitulum quod sedevacante jurisdictionem conferret Eleto, quam habet suam: quod deinceps in praxim inductum est (d). Simile quid contingit in nonnullis ecclesiis canonicorum capitulo carentibus, ut sunt Philippinenses tres, & Malabaricæ (e). De præsentatis ad ecclesias  
Phi-

(a) *Erect. Mex. Part. I. Statutor. apud Hard.*  
c. (b) *Vide supra Ord. XXV.*

(c) *Vide Marcum de Lisb. lib. 9. Chron. cap. 10.*  
(d) *Vide Recop. Ind. lib. 2. post tit. 6.*

(e) *Vide P. Murillo in Tit. de el. & el. por.*  
n. 161. Et Card. Petra, tom. 5. ad C. *Trium-*  
*phans. Pii II. sess. unic.*

Philippinenſes extat Scheda Regia ad Archiepiſcopum Manilenſem, quam vide infra anno 1679. 24. Apr. Ord. 389.

## ORDINATIO LII.

Anno 1534. 3. Nov.

**E**cclēſia Nicaraguæ erigitur in Episcopalem primū sub Archiepiſcopo Hiſpalenſi, futura deinceps sub Mexicanenſi, ac tandem sub Guatimalenſi. Sed Episcopuſ D. Didacuſ Alvarez Oſorio jam miſuſ erat anno 1531., quod exemplo Mexicanenſiſ & aliorum difficultate caret. Meminit P. Emm. Rodriguez J., & D. Gonzalvuſ de Paz II. cc. Vide Herreſſam D. 4. l. 10. cap. 5.

## ORDINATIO LIII.

Anno 1534. 3. Nov.

**C**onſtitute Joanne III. Portugalliæ Rege erectæ ſunt a Paulo III. in cathedrales Eccleſia Goanna, Angrenſiſ, Jacobæa ad Promontorium Viride, & Sancti Thomæ ad inferiorem Africæ oram: Episcopales ſub Archiepiſcopo Funchalenſi juſ metropoliticuſ & primatialē dicente in orientem totum. Quæ tamen dignitas cum primo Archiepiſcopo D. Martino de Portugal intercidiſ. Ita P. Franciſcuſ de Sancta Maria Canonicuſ Sæculariſ (a). Sed Fr. Antoniuſ Daza (b) ſcribit, Fr. Hernanduſ Baqueiro episcopuſ totiuſ Indiæ primuſ renuntiatuſ eſſe anno 1531. Et D. Ludovicuſ Cajetanuſ de Lima (c) ait, Eccleſiam Jacobæam ad Caput Viride jam eſſe erectam ab anno 1532. per Clementem VII. De Baqueiro veriuſ eſt, cum tantū auxiliari nomine Indiam luſtraſſe. Elevatio Eccleſiæ Goanæ in Archiepiſcopalem contigſſe videtur anno 1559.

## ORDINATIO LIV.

Anno 1535. 2. Jun.

**S**edeſ episcopaliſ erigitur in oppido Anteguera. Hæc eſt Oaxaca, aliāſ Guaxaca, ut modo nominatur, inter Chiapam & Angelopolim. Meminit laudatuſ D. Gonzalvuſ de Paz.

## ORDINATIO LV.

Anno 1535.

**A**d instantiam Fr. Vincentii Lunel Commiſſarii Generaliſ Ordiniſ S. Franciſci confirmavit (1) Pauluſ III. omnimodaſ Adriani VI. ablata reſtriſtione qua uſuſ prohibetur intra duaſ dietas à reſidentia episcoporum, ampliataſque ad propinquiora loca, dummodo tamen episcopii conſen-

(a) *Franciſcuſ de S. M. Anno Hiſtor. num. 1.* (b) *Daza, 4. Parte Chron.* (c) *Lima, Geog. Portug. tom. 2.*

sentiant, (II) Ita P. Cl. Clemens, & Fr. Joannes Baptista cum Losada loc. cit. testantur, extare Constitutionem authenticam in conventu Mexicano S. Francisci. Incipit *Dilecto Filio*.

## A D N O T A T I O N E S.

(I) *Confirmavit*. Confirmatio eisdem subest exceptionibus atque prima concessio. Unde de iis quæ non esset quis in specie concessurus, *si donatio non valet, neque confirmatio*, ut habet Glossa in Cap. Dudum, De decimis.

(II) *Episcopi consentiant*. Consensum istum per omnia intelligi vult D. Joannes Pineda Operis Fr. Dominici Losadæ de privilegiis indicis pro Regio Indiarum Senatus censor, dum ait de Constitutionibus & litteris apostolicis per Losadam collectis: *En ellas se anotará*, que nunca ha sido el animo de la Silla Apostolica perjudicar à las autoridades de los Obispos ya creados, ò que en adelante se erigeren en aquellas provincias. Aliquando sine dubio Pontifex potestatem fecit per constitutionem aut litteras, non requisita ordinariorum licentia, nec attentata autoritate, ut cum Pius V. munus parochiale permisit regularibus, de quo infra anno 1567. 24. Mart. Sed & sunt ordinationes plures pianam illam reducetes ad terminos juris, ubi sunt episcopatus erecti.

In relato compendio privilegiorum à regularibus oblato Synodo Mexicanensi dicitur de hac Pauli constitutione: *Confirmó* le concedido por Adriano, y quitó la restricion de las dos dietas, estendiendo la omnimoda autoridad al *intra duas dietas* con tal que dentro de las dos dietas fuese con consentimiento del Obispo, quedando como queda en su fuerza la dicha omnimoda *extra duas dietas*. Donde está mui declarado lo que al proposito se ha dicho de la omnimoda, que en el *intra* para cosas arduas sera necessario el consentimiento del Obispo por el honor que se le debe. y esto lo concede Paulo III. con tan notables non-obstancias, que por solas ellas los letrados y juristas vinieron á determinar, que si algunos privilegios estaban antes restringidos, anulados, ò revocados, es visto ser restituidos *in pristinam auctoritatem* todos ellos.

Ubi supponitur in locis sitis in ditione episcoporum *extra duas dietas* à residentia episcopali, vel officialium, non requiri illorum consensum ad omnimodæ auctoritatis usum. Quinimo significatur, non requiri consensum intra duas etiam dietas nisi ad casus arduos: ad hosque requiri non quia potestas desit in regularibus, sed propter honorem Episcopis habendum. Ad textum præsentis paulinæ constitutionis mihi non notum appello, ut appareat an consensus episcoporum requiratur tantum intra duas dietas, an in tota diœcesi: in tota namque jus habent Episcopi certum, cui non est præjudicandum in dubio. Illud est certum intra duas dietas non tantum requiri episcoporum consensum ad casus arduos, sed ad omnes etiam ordinariorum qui sint juris diœcesani: idque non tantum ut suus episcopis habeatur honos, sed ne potestatis fines transiliantur. Et quanvis constitutio præsens favor sit, ideoque ampliandus: ampliatio ta-

P

men

men esse tanta non debet, ut lædatur jus alterius cui expressè derogatum non sit. Certius est illud, neque ut credo ab ullo litterato seu jurista negandum, per non-obstantias præcisè, seu per clausulam *Non obstantibus* &c. neque restricta ampliari privilegia, nec revocata aut abrogata denuò concedi, sed tantum removentur obices concessionis, cui similis apponitur clausula.

## ORDINATIO LVI.

Anno 1536. 3. Aug.

**E**Rigitur in episcopalem ecclesia de *Mechoacan*, cujus sedes translata est anno 1544. ab oppido Cinzonza ad Pascuarum, & hinc Vallis-foletum anno 1571. 19. Nov. Refert Herrera in Descript. Ind. Occ., & Gonzalvus de Paz.

## ORDINATIO LVII.

Anno 1537. 23. Maii.

**R**elata prohibitione Regis Catholici (1), ne quisquam occidentales & meridionales Indos (II) in servitutem redigere, aut bonis suis spoliare præsumeret, attendensque Indos ipsos, licet extra ecclesiam existant, suis rebus aut libertate privatos seu privandos non esse, & cum homines sint, esse fidei & salutis capaces, neque servitute delendos, sed prædicatione & exemplo ad fidem invitandos, mandat Paulus Tertius Cardinali Tabera Archiepiscopo Toletano, ut per se vel alios præfatis indis assistens sub excommunicatione summo Pontifici reservata ipso facto incurrenda inhibeat, nequis præfatos Indos in servitutem redigere, aut eos bonis suis spoliare præsumat, ac circa ea necessaria statuatur. Extat apud Solorzanum (a). Incipitque *Pastorale officium*. Alias ejusdem argumenti litteras dedit Paulus decem post hebdomadas, nempe 2. Junii, quas vide infra.

## ADNOTATIONES.

(1) *Prohibitione Regis*. Cunctæ Indos mancipandi prohibitiones recopilatæ sunt in juris Indici lib. 6. tit. 2., ubi lege 1. dicitur: *En Conformidad de lo que esta dispuesto sobre la libertad de los Indios, mandamos que ninguno en tiempo de paz ò de guerra aunque justa, sea osado de cautivar Indios .... ni tenerlos por esclavos*. Et quanvis permissa fuerit aliquando, deinde negata, iterum permissa Canibalium mancipatio, permissio caret usu, ut testatur D. Ramirus Valenzuela (b).

Par legum & sententiarum de Indorum libertate vicissitudo contigit, antequam præfens prodiret constitutio, de qua D. Franciscus Lopez de Goma-

(a) *Solorz. T. I. De Ind. Jur. l. 3. c. 7. n. 54.**Ant. Leon Pinell. Confirm. Real. P. 1. c. 8. n. 9.*(b) *Valenz. Addit. ad Pol. Solorz. l. 2. c. 1.**Recop. Ind. lib. 6. t. 2. l. 13.*n. 36. *Vide Herrev. D. I. lib. 6. cap. 10. ann. 1504.*

Gomara ita loquitur (a): *Thomas Ortiz* Dominicano, y otros de su Orden aconsejaron la servidumbre de los Indios, y otros de S. Francisco. Hizo un razonamiento en que por los delitos dice que merecen ser esclavos (b) .... Fr. Geronimo de Loaísa Presidente del Consejo de Indias, y Confessor de Carlos V. dio grandísimo crédito. El Emperador en 1525. estando en Madrid mandó que fuesen esclavos. Mundaron de parecer los Dominicos, reprendian mucho la servidumbre en pulpitos, y escuelas, por donde se tomó otra información en 1531., y Fr. Rodrigo Minaya sacó la Bula de Paulo III.

(11) *Occidentales & meridionales Indos*. Nulla hic mentio de Africanis, qui de orientali demarcatione sunt, & de regionibus apud Herreram vocatis *Indias de Guinea* (c), quos vulgus communi mancipiis atricoloribus nomine appellat *Angolas*. De quibus an jure, an injuria mancipentur, latè disputant. Vide infra anno 1683. Ord. 400.

## O R D I N A T I O LVIII.

Anno 1537. 1. Jun.

**D**Ecernit ac declarat Paulus Tertius, illos qui Indos occidentales & meridionales ad fidem Christi venientes non adhibitis ceremoniis & solemnitatibus ab ecclesia observatis, in nomine tamen SS. Trinitatis baptizaverunt, non peccasse, cum consideratis tunc occurrentibus, sic illis bona ex causa visum fuisse expedire putetur. Ut qui in posterum extrá urgentem necessitatem baptismi ministrabunt, saltem hæc quatuor observent. 1. Aqua sacris actionibus sanctificetur. 2. Catechismus (1), & exorcismus fiat singulis. 3. Sal, saliva, capillum, candela ponatur duobus, vel tribus pro omnibus utriusque sexus tunc baptizandis. 4. Chrisma ponatur in vertice capitis, & oleum catechumenorum super cor viri adulti, puellorum & puellarum; adultis verò mulieribus in illa parte quam ratio pudicitie demonstrabit. = Super eorum matrimoniis hoc observandum decernit, ut qui ante conversionem plures juxta illorum mores habebant uxores, & non recordantur quam primò acceperint, illam retineant (II) quam voluerint, & cum illa matrimonium contrahant per verba de præsentí, ut moris est. Qui verò recordantur quam primò acceperint, illam retineant (III), aliis dimissis. Ac illis concedit ut conjuncti etiam in tertio gradu tam consanguinitatis, quam affinitatis (IV), non excludantur à matrimoniis contrahendis, donec Sanctæ Sedi aliud super hoc visum fuerit statuendum. = Decernit, item quod jejunium repugnans sanitati, vel non bene quadrans officio aut exercitio alicujus, non censeatur illis ab ecclesia præceptum. Et circa abstinentiam ab illis suscipiendam statuit, quod in vigilia Nativitatis & Resurrectionis Domini, & omnibus sextis feriis quadragesimæ jejunare teneantur; cæteros verò dies (V) eorum beneplacito prop-

(a) Gomara, *Hist. de las Ind. cap. 217*. (b) Vide infra Ord. 59. Adnot. 3. (c) Herr. D. 1. l. 2. cap. 2. Vide supra in Prologo.



propter eorum novam ad fidem conversionem, & ipsius gentis infirmitatem (VI) permittit. Eisque concedit, quod quadragesimalibus & aliis prohibitis anni temporibus, lactiniis (VII), ovis & carnibus tunc temporis duntaxat vesci possint, cum cæteris christianis ob aliquod sanctum opus obeundum similibus cibis vesci posse à Sede Apostolica fuerit concessum. = Dies autem quibus eos vult ab operibus servilibus cessare, declarat esse dies dominicos, ac Nativitatis, Circumcisionis, Epiphaniæ, Resurrectionis, & Ascensionis, ac Corporis Domini, & Pentecostes; nec non Nativitatis, Annuntiationis, Purificationis, & Assumptionis B. M. V. (VIII), ac BB. Petri ac Pauli. Cæteros dies festos (IX) ex causis prædictis illis condonat. = Et considerans maximam ipsius Indiæ occidentalis & meridionalis distantiam, tam Archiepiscopis (X) & Episcopis, quam iis quibus ipsi vices suas duxerint committendas, omnes noviter conversos supra dictos in quibuscunque casibus Sedi Apostolicæ reservatis, etiam in litteris in die Cœnæ Domini legi consuetis (nihil sibi de illorum absolutionibus reservans) autoritate apostolica, iuncta eis pœnitentia salutari, absolvendi ad dictæ sedis (XI) beneplacitum facultatem concedit. = Et postremo ne isti in Christo parvuli malis exemplis corrumpantur, decernit sub excommunicatione latæ sententiæ, donec recedant reservata, ne ullus apostata in illas partes se conferre præsumat. Indiciturque Episcopis, ut apostatas ex suis diœcesibus expellant. Extat apud Fr. Joannem de Torquemada (a), & ex parte apud Murillo (b) Incipit *Altitudo*. Et quod attinet ad primam partem de contrahendis baptismi ritibus, consonat rubrica Ritualis Romani, ibi (c): *Si ob baptizandorum multitudinem (ut in India & Novo Orbe quandoque contingit) in singulorum baptismo præscripti ritus observari non possunt, tunc vel pluribus simul adhibeantur, vel si urgeat necessitas, omittantur.*

## ADNOTATIONES.

(1) *Catechismus fiat singulis*. Quid doceri pro catechismo debeant rudes Indi & Æthiopes de rebus divinis ante baptismum, colligi potest ex iis quæ tradidit P. Jacobus Alvarez libris editis *De Vita Spirituali* notus. in M. S. Resolutionibus casuum habitis de more in Collegio Limano S. J. anno 1593. cap. 4. q. 3. de Secundo Ecclesiæ Præcepto, ubi loquens de eorum necessaria præparatione ad sacramentum pœnitentiæ, ait (d): *Que es necessario que sepan los Indios y Negros de las cosas de Dios, para confesarse sin escrupulo? R. Lo siguiente, y basta que lo sepan como aqui lo explicamos sin otras sutilezas, 1. Que hai un solo Dios, Padre, Hijo, y Espiritu Santo. Basta que crean lo que significan estas palabras, aunque no acierten à hacer concepto de como son tres personas distintas y un solo Dios, porque verdaderamente puede haver aqto de fe,*

(a) *Torg. lib. 16. Mon. Ind. cap. 9.*

(b) *Murillo, lib. 1. Curs. t. 33. fin.*

(c) *Rit. Tit. Ordo bapt. adult. p. 35. Ed. Ven.*

1715. (d) *Vide etiam P. Sandoval S. J. De insaur. Æthiopum salute, lib. 3. per tot.*

de fe, aunque no se entienda el objeto creído, como el idiota tiene. acto de fe quando cree que es verdad lo que está en la Biblia. 2. Que Dios hizo todo el mundo. No es necesario que perciban como lo hizo de nada, pues al todo no se supone nada de que sea hecho. 3. Que Jesu-Christo es Dios y hombre verdadero que nació de una virgen, y murió por los hombres en una cruz, y resucitó, y está ahora en el cielo. y en esto entienden bastantemente la concepcion por el Espíritu Santo, porque nacer de virgen dice ser la concepcion sobrenatural, y creen la session *ad dexteram Patris*. 4. Preguntalles: Quando se mueren, adonde vá el alma. y enseñalles, que las de los buenos christianos van al cielo, y las de los infieles y malos al infierno. y en esto creen, que hai juez de vivos y muertos, castigos y premios: donde se incluye el articulo de la glorificacion, y que hai una congregacion de gente que se salva, si vive bien, que es creer la Iglesia, y en su manera creen la resurreccion: y si son capaces, se les puede enseñar mas. S. Como vienen à confessar sus peccados para que se les perdonen. y esso es creer el articulo de la remission de los peccados. Preguntalles: Aquien adoran en la hostia, quando alza el sacerdote? y decirles que à Jesu Christo: y esto basta que sepan del misterio de la eucaristia. El misterio de la comunion de los santos no tienen obligacion à saberlo, por su dificultad y no ser de los que celebra la *Ingleſia*.

Hæc Author laudatus, in quibus desidero, non quidem notitiam scholæ propriam de fidei supernaturalitate, sed majorem expressionem motivî ad credendum fidei supernaturali, ne tantum barbari mysteria credant, ut hominum dicta: quanquam dici potest, id non pertinere ad materiam sciendorum, sed ad sciendi modum. Pertinet certè ad catechismum tum baptizandorum, tum pœnitentium. Desidero etiam majorem expressionem æternitatis præmiorum & pœnarum, præter notitiam præceptorum, sacramentorum, & necessitatis orandi opportunam. Et quoad fidem mysterii SS. Trinitatis non satis est illud credere, ut ab idiota creditur quod continetur in Bibliis, sed opus est fide explicita quoad ejus fieri possit.

Quidam Societatis missionarius Gallus, quem appellat Charlevoix (a) censebat, Æthiopes adultos recens advectos ex Africa in Hispaniolam vix esse baptismi capaces post duos instructionis annos: ac tunc quidem oportere cum illis opinari qui fidem explicitam mysterii Trinitatis non esse necessariam necessitate medii arbitrantur. Nulla in his regula generalis statui potest, sed post ea quæ necessaria sunt necessitate medii, pro cujusque capacitate instruendi sunt: docendique quæ cap. 4. act. 2. Concilii Limani præscribuntur, ubi habetur: *Cum* ex divino præcepto omnes christiani adulti teneantur scire pro suo captu quæ ad religionis christianæ, quam profitentur, substantiam pertinent, qualia sunt mysteria fidei præcipua, quæ continentur in symbolo, mandata decalogi omnibus ser-

van-

(a) Charl. Hist. de S. D. t. 2. l. 2. p. 504. Rep. au livr. int. Extrait des Affertions, 9c. tom. 5. 3. P. pag. 65. Ed. in 12.

vanda, sacramenta quoque ea quæ necessario cuique suscipienda sunt, tum demum quæ à Deo petere & expectare debemus juxta dominicæ orationis institutionem sedulo in his erudiendi sunt à pastoribus & ministris omnes, maximè rudiores Indi, Æthiopes, pueri pro cujusque ingenio & opportunitate, ne gravissimo ignorantiae morbo (ut fit passim) periclitentur. Omnino autem curandum est, ut quicumque neque ætate neque valetudine impediuntur, memoriter ediscant elementa christiana, maximè symbolum fidei, orationem dominicam, præcepta decalogi, sacramenta ecclesiæ. Id ut fiat, antiquorum canonum statuta sequens S. Synodus præcipit, ut nullus ad baptismi sacramentum admittatur, qui non prius symbolum & orationem dominicam saltem memoriter reddiderit. Idemque in sacramentis pœnitentiæ & confirmationis conferendis omnino servetur, excepto vel necessitatis articulo, vel nimis senectutis, aut ægritudinis, sive etiam profundæ alicujus hebetudinis impedimento, quod parochorum & confessoriorum judicio & conscientiæ relinquatur. Qui verò iis tantum impedimentis gravati fuerint, ut copiosorem catechesim non admittant, doceantur pro suo modo præcipua fidei capita, scilicet unum esse Deum rerum omnium autorem, qui accedentes ad se vita æterna remunerat, impios & rebelles in aliò sæculo punit. Deinde hunc ipsum Deum esse Patrem & Filium, & Spiritum Sanctum: tres quidem personas, sed unum verum Deum, præter quem nullus sit alius verus Deus. Præterea Filium Dei propter reparandam salutem hominis factum hominem ex Virgine, pro nobis passum & mortuum, ac tandem resurrexisse, & regnare in æternum. Hunc esse Jesum Christum Salvatorem nostrum. Postremò, neminem posse esse salvum, quin credat in Jesum Christum, & pœnitens de peccatis commissis sacramenta ejus suscipiat: baptismatis quidem si infidelis sit; confessionis, si lapsus post baptismum; ac denique statuatur ea servare quæ Deus & Ecclesia Sancta præcipiunt: quorum summa est ut Deum diligat super omnia, & proximum sicut se ipsum. Intelligant igitur sacerdotes, nisi in fide instructos baptizent, vel à peccatis absolvant, se & grandi sacrilegio commaculare, & animarum reos apud severum judicem reddere.

De eliciendis actibus fidei, spei, & charitatis, & contritionis, quorum tanta est necessitas ad salutem, præstat modus à Benedicto XIV. præscriptus in Const. *Et si minimè* data 7. Febr. 1742. ut nempe animorum rector aut catechista intelligibili voce hosce actus eliciat auditore repeteute verbatim. In necessitate verò est qui sibi satisfactum putet, si rudis æthiops vel indus tantum affirmet ad singulas interrogationes sequentes vel similes: *Crees* que hai un solo Dios verdadero, infinitamente grande, poderoso, sabio, y bueno, criador, salvador, y juez de nuestras almas? R. Si creo, *Crees* &c.? R. Si.

Modum sic in necessitate catechizandi interrogando, ut fidei candidatus respondeat, probat S. Augustinus (a), qui cum tradidisset catechu-

---

(a) Aug. Cap. 9. De fid. & operib.

chumenos docendos non tantum quid credere debeant, sed etiam quemadmodum ab hoc pravo sæculo se eripiant: neque Eunuchum tantum fuisse à Philippo baptizatum, ut diceret: *Credo Filium Dei esse Jesum Christum*, neque hoc ulli satis esse, sed aliquid esse dicendum à catechizante, & à credente profitendum de Spiritu Sancto, de Sancta Ecclesia, de remissione peccatorum, de resurrectione mortuorum, de Jesu Christi incarnatione ex Virgine, de passione, de morte crucis, de sepultura, de tertii diei resurrectione, de ascensione ad dexteram Patris, subdit: *Si enim* spado, cum respondisset *Credo Filium Dei esse Jesum Christum*, hoc ei sufficere visum est, ut continuo baptizatus abscederet, cur non imitatur, atque auferimus cætera quæ necesse habemus, etiam cum ad baptizandum temporis urget angustia, exprimere interrogando, ut baptizandus ad cuncta respondeat, etiamsi ea memoriæ mandare non *vacavit*?

Neque alius modus expeditior occurrit, ut memoria tenendi rudes mente & ore credant, sperent, ament, & corde compungantur: quo nihil melius perficient, etiam si remittantur ad annum; nam quanvis non deesset, quod sæpè fit, catechistæ copia, catechista ut plurimum totus est, ut memoriter, in quo non est salus, addiscat incapax addiscendi: & dum stupidum ac rude caput inclamando concutit, non doctrinam salutarem, sed salutaris doctrinæ tedium & horrorem instillat. Excolatur quidem pro opportunitate memoria, sed primum omnium confessio mentis & oris fiat ad salutem.

Fateor, per simplices eas affirmationes ad interrogata non confici, quod à respondentibus mente & ore credatur; solemne quippe est æthiopibus & indis, non latinis quidquid interrogaveris, cæcè affirmare. Quid tamen facias ligneis & saxeis hominibus? Quæcumque ad instruendos instituat via, idem est periculum, precibus ad Deum superandum, qui per Chrysostomum (a) ait: *Mea est causa. Deus humano auxilio non indiget. Ideo vos tantummodo mihi personam præstate, & ego vobis sensum. Nec putandum, solertiores esse gratiâ naturam, quæ puerulos vix santes artem docet loquendi, modoque nobis explicatu difficili facit nomen à verbo, substantivum ab adjectivo discernere, ut contra Claudium agebat olim Ill. Bossuet.*

In gratiam catechistarum, & confessoriorum, qui rudibus indis & æthiopibus aures præstant, juvat subdere quæ laudatus Alvarez latius persequitur in M. S., quibus similia contraxit in summam P. Joannes Alloza (b), = Q. 5. Si à los bozales se les puede confessar, quando no han procurado dolor; y que dolor les basta: y como seran ayudados? R. 1. No hai que reparar en que vangan à confessarse sin haver prevenido contrición, porque la incapacidad les excusa: y entre los auxilios, que Dios les da, entra la diligencia del confessor, y porque muchas veces los amos no les dan tiempo. 2. El dolor necessario es el mismo que para los blancos. 3. Con palabras proferas nuevas à conocer la dignidad de su alma,

(a) Chrysost. Tom. 2. Hom. 2. in Math. (b) Alloza, Alpha 6, Mor. 7. Confess. f. 24.

ma, y la grandeza de Dios. Regúnteles : Dñ, no fuera bueno servir à tal Señor? Que responda que sí : ò hagale decir con la boca las palabras, que significan contricion, y sino diere señas en contrario absuelvalo. = Q. 6. Si los pueden confesar, quando no han hecho diligencia para examinarse? R. Gente tan bozal no importa que no se haia examinado. En preguntandole lo que buenamente le ocurra, aunque probablemente crea que se le quedan muchos peccados por confesar, porque casi nunca dicen el numero ni poco mas ò menos, puede absolverle, porque no es possible mas : y aunque le embíe, y vuelva des pues de un año, no lo hara mejor. = Q. 7. Que se hara con estos Indios y Negros, quando no se puede averiguar el numero de pecados, ni mucho mas ò menos? R. Absolverlos como en el caso que por necesidad se dimidia la confession. = Q. 8. Que se hara quando no se sabe que penitencia les dieron? R. No se les pregúnte que penitencia les dieron, sino te mandó que te azotasses, ò que rezasses? = Q. 9. Si los que no entienden su lengua pueden confesarlos. R. Sino hai otro que los entienda, sí : y à los Angolas puede qualquiera, porque ninguno los entiende. = Q. 10. Si es bueno preguntarles el confessor antes que ellos digan? R. Si dicen algo aunque desconcertadamente no ; pero sino dicen nada, ò dicen historias que no pertenecen, sí : y preguntando sacará mas que oiendo. = Q. 11. Si se les puede absolver estando en ocasion proxima? R. No, aunque lo ofrezcan, porque de valde *lo dicen*. = De catechizandis Indis præter laudatos vide P. Acosta De promulgando Evangelio sive De Procuranda Indorum salute lib. 4. à cap. 21. ad lib. 5. usque ad cap. 15.

Ex dictis de Indorum, & Æthiopum stupiditate colligitur, quanta fuerit olim & sit modo ratio dubitandi, an ii qui ex Africa exportantur, verè & ritè baptizati sint, quanvis ipsi affirmant vel alii. Si enim post diurnam instructionem, consuetudinem, & idiomatis nostri qualem-qualem usum dubitant ministri; quid cum recens ab extrema barbarie ablactati sunt, dum ignorant quid secum agatur, neque loquentes percipiunt, neque ab audientibus percipiuntur? Adolescente sæculo proximè elapso, dubium invaluit in Paraguai regionibus de Angolanis, & senescente de Guaraniis Piratininga postliminio regressis. Quid verò senserint Prælati & Theologi, dabo ex documentis tabularii Neo-Cordubensis, quod fuit olim Soc. Jesu in Tucumania.

*Pregúntase* quando y con que circunstancias havra grave obligacion sò pena de pecado mortal de bautizar à los Negros que vienen de la costa de Africa? = Es cosa cierta, que todos aquellos, à cuyo cargo estan las almas de los Negros, tienen gravissima obligacion de examinarlos à todos, ò hacerlos examinar luego y con diligencia para ver si estan bautizados, porque nos consta con cierta ciencia confirmada con la experiencia, que muchos de los dichos Negros no lo estan, ni son christianos, y otros hai grande duda si lo son, ò por lo menos varias opiniones entre los hombres letrados : y assi deben todos ser bautizados unos *sub conditione*, otros sin ella, quando y como demostraremos con la divina gracia. = El Ill. de Sevilla habiendo recibido informacion autentica,

tica, y habiendo acuerdo y junta de muchos varones doctos, en 28. de Nov. 1613., fue de parecer se debian examinar todos los morenos, y asfi lo mando, y cometio la execucion al Collegio de S. Hermenegildo de la Compania de Jesus de Sevilla, donde se hizo la instruccion. Lo que se refiere en este tratado quanto al hecho acerca del modo que se tiene de bautizar los morenos en sus tierras, nos consta que está fielmente sacado de la informacion original comprobada con muchos testigos, que se guarda en los archivos del Señor Arzobispo D. Pedro de Castro y Quiñones .... Sevilla 21. de Marzo de 1623. = Diego Granado. = Christoval Ruiz. = Diego Ruiz. = Matheo Rodriguez.

Instruccion del modo que se debe guardar en el examen, catecismo, y bautismo de los Negros, y tambien de los Indios viejos de este Obispado dada por el Ill. Señor D. Julian de Cortazar Obispo de Tucuman, conforme à otra que el Ill. Señor Arzobispo de Sevilla hizo (a) con parecer de todos los hombres doctos de aquella Ciudad para los Negros, de la qual usan los PP. de la Compania de Jesus en todas las Indias con licencia y aprobacion de los Prelados de ellas. = Suponese lo 1. de los doctores en la materia del *Bautismo*, que para ser valido en los adultos que tienen uso de razon, fuera de la intencion del ministro, materia, y forma, tenga tambien el quelo recibe intencion y voluntad de recibirlo. Lo 2. Que le echen agua. Lo 3. que tenga algun conocimiento de aquella santa ceremonia, que no es cosa natural ( como para lavar la cabeza, ò señal de que es esclavo ò criado de los Españoles ) sino ceremonia de los christianos, ò cosa ordenada al culto de Dios N. S. Lo 4. Si se lo dixeran en lengua ò con interprete que entendieron. = De lo dicho se infiere lo 1., que habiendo certidumbre moral de que faltó qualquiera de estas cosas, el Negro ò Indio se debe bautizar absolutamente sin condicion alguna. Lo 2. se infiere, que habiendo certidumbre moral de que concurrieron todas estas cosas; no se debe bautizar, ni absolutamente, ni *sub conditione*, sino catechizarle segun su capacidad, y confesarle por sí, si sabe la lengua, ò por interprete si el tal quisiere encargando mucho el secreto al interprete. Lo 3. se infiere, que si alguna de las cosas dichas en el supuesto fuese dudosa, ò *moraliter* incierta, el tal debe ser bautizado *sub conditione*, haviendole catechizado primero segun su capacidad, y de manera que no solo reciba el sacramento, sino tambien en el la gracia del sacramento. y la forma es: N. Si es baptizatus non te baptizo. Si non es baptizatus, ego te baptizo in nomine Patris, & Filii, & Spiritus Sancti. Haviendole primero preguntado si quiere ser bautizado, y exortandole al dolor de sus pecados, y que haga el acto de contricion: lo qual se debe tambien guardar en el bautismo sin condicion. = Debe advertirse lo 1., que si el tal dixesse que no se le echó agua, ni se hicieron con el las demas ceremonias, se han de cum-

(a) Hanc vide apud cit. Sandoval, lib. 3. De Instaur. Æthiop. sal. cap. 22. cum Edicto Archiepiscopi Hispalensis.

cumplir y hacer como en el Manual se pone para el bautismo de los adultos . 2. Que si en los unos u otros se hallare que no les pusieron el oleo y chrisma , se les debe dar . Advirtiendole tambien , que algunas veces suelen estar confirmados , y se equivocan y engañan teniendo la confirmacion por bautismo , y la chrisma de la confirmacion por otros santos oleos . 3. Que quando el adulto tiene capacidad , se le deben enseñar los principales misterios de nuestra santa fe ... Lo 4. se advierta , que algunas veces la noticia que dan en el examen del bautismo , no es la que en el tuvieron sino la que despues adquirieron , particularmente los que son algo ladinos : y assi es muy necessario examinarles con gran cuidado una y otra vez , y à cada uno de por si sin que le oiga el otro , porque la noticia adquirida despues no basta . Lo 5. que haviendo iglesia o capilla se debe hacer en ella con sobre pelliz , estola , aqua-benedita , y candela , quando buenamente se pueda , y con padrino , y sino lo hai , no es necesario . Lo 6. , quando el que se bautiza absolutamente y sin condicion , es casado , y la muger esta alli , es bien que ratifiquen el matrimonio pero sin amonestaciones , ni missa , ni otras ceremonias . Quando el bautismo es *sub conditione* no es necesario que se ratifique el matrimonio . Lo 7. quando el bautismo es *sub conditione* , es necesario confesarle desde la ultima vez que lo hizo por si el primer bautismo fue valido , pero con intencion de no absolver sino fue valido , porque por este segundo se le perdonarán los pecados . Lo 8. , que si acaso el Negro es venido de Congo o criollo del Brasil , puede ser que los bautizaran niños , lo qual no es en Loanda puerto de Angóla , de donde son casi todos , y que en Buénosaires les ponen el oleo y chrisma casi siempre . Lo 9. se advierta por una cosa muy importante , que es menester mucho mayor cuidado en el examen para haver de dexar à uno por bautizar , que para bautizarlo , porque el ierro en dexarlo de hacer es mucho mayor , por depender de ello la salvacion del adulto , porque en el bautismo *bona fide* hecho *sub conditione* no hai culpa ni pena . y no solamente corre riesgo la salvacion , sino que los sacerdotes cometen sacrilegio en administrar los otros sacramentos à quien no está bautizado . Lo 10. , que de todos los Indios o Negros que se fueren bautizando , se ha de ir haciendo padron ... poniendo à parte y de por si los adultos que se bautizan , por sus nombres , y de sus encomenderos o amos . Lo 11. En los bautismos en que algunas veces ocurre duda , si quando lo recibieron , tenian uso de razon , o no , haviendo la dicha duda , se han de bautizar *sub conditione* . Lo 12. se advierta , que quando se pudieren juntar dos personas à los exámenes de los adultos , será conveniente : y en este caso , si discordaren , diciendo el uno que debe ser bautizado , y el otro que no ; se debe seguir el parecer del que dixo que debe ser bautizado , aunque el parecer de otro parezca mas probable . Finalmente adviertan los ministros , que como Dios N. S. fera el premio de los servicios que en esto le hicieren , tambien castigará el descuido que tuvieren en cosa tan importante . y Su Señoria , y sus visitadores tambien agradecerán el cuidado , que en esto pusieren , y castigarán qualquier descuido .

Para-

*Parecer* del P. Diego Altamirano de la C. de J. sobre si se han de bautizar los Indios, que vuelven à las misiones del Paraguay huidos de S. Pablo. = 1. Conclusion. = Pueden rebautizarse *sub conditione* los Indios adultos que vienen de S. Pablo, fino consta que los bautizassen en estas Reducciones antes que los llevassen los Mamelucos ò maloqueros.... La razon es, porque dichos Indios no es tan cierto que esten bautizados, que no haia probabilidad fundada en prudentes congeturas de lo contrario. Estas son 1., porque no consta si los bautizó ministro los pechofo por la mezcla de gente, que la voz comun dice que hai, ó por lo menos hubo los años passados en S. Pablo.... La 2. congetura es, por que sado que el Cura fuesse del todo qual se requiere para la seguridad del bautismo, no consta si lo bautizó el cura, ò persona seglar, pues sabemos, que aun en estas tierras donde nos consta que son bastante aptos los curas, nacen muchos Indios en las estancias y campos, donde los bautizan personas *purè laicas*, y à veces mugeres, y aun Indios ò Indias por hallarse ausentes los curas. Pues quien assegurará, que al Indio infante, que nacio en el Brasil, lo bautizó su cura, o persona bastante entendida? Pues si es de los bautizados adultos, quien assegurará sin que haia probabilidad en contrario, que lo bautizó persona que fuo bien la forma, y despues de instruido lo bastante, *saltem* para que en el suscipiente sea voluntario el bautismo, pues aun en Congo, Angóla, y otras partes, de donde se traen los Negros, nos consta, que haciendo los bautismos curas y clerigos de aquellas tierras, ó los que van en los navlos à vista de Españoles entendidos, como suelen ser los capitanes y cabos de dichos navlos, salen con todo dudosos los bautismos de muchos? Quien assegurará, que a dichos Indios no los bautizaron con *asperges* al canzandoles una ò otra gota de agua: lo que sienten graves authores que no hace valido el bautismo? =

2. Conclusion. = Aunque el Indio testifique estar validamente bautizado, dando las señas de las ceremonias que se hicieron con el, y que esta bien instruido, &c.; con todo esto so ha de bautizar *sub conditione*. Esta conclusion se funda en la poca fé que hace el dicho del Indio. Por lo qual en las Ordenanzas, que el Virrei D. Francisco de Toledo hizo para estos reinos segun Solorzano (a), à quien alega el P. Avendaño (b), se dispone que seis Indios hagan un testigo. Y siendo por lo menos necessario un testigo ocular de todo credito, para que cesse la obligacion y facultad de bautizar *sub conditione*. (c), síguese que por lo menos seran necesarios seis Indios contestes, y no de menos credito que suelen ser los Indios dignos de credito en las cosas ordinarias, que haian visto bautizar al de cuyo bautismo se inquiera. Ni faltarán motivos para que el Indio mienta (aunque pocos ha menester) en la causa de su proprio bautismo: v. g. para que le tengan por christiano antiguo, y no

(a) Solor. tom. 2. De Ind. Jur. l. 1. c. 27. tom. 67.

(b) Avend. tom. 2. T. de saur. Ind. tit. 25. c. 4. n. 29. (c) Laiman, lib. 5. tr. 2. cap. 5.



no le traten los otros como à recién bautizado; porque no se les niegue assistir à la missa, y otros que juntos con la poca aprehension que hacen de la importancia del bautismo, inducen prudente motivo de persuadirnos que mienten, ò á lo menos dudemos de su verdad. Ni nos asegura el que dê señas, pues aunque no esté bautizado, puede decir lo que ha visto en otros: y quanto mas ladino fuere, corre mas riesgo de esta doblez. Bien saben todos los Padres de estas doctrinas, que suele le un Indio levantar testimonios, y facilitar testigos que apoyen su dicho, y pintar las cosas de manera que parezcan verisimiles, y muy ordinariamente hallarse despues haver sido todo un puro enredo....

3. Conclusion. = Para bautizar *sub conditione* à los dichos Indios, se debe primero inquirir si estan bautizados ò no. Porque es possible, que los bautizassen en el Brasil, y no es impossible que se hallen tales motivos, aunque sean raros, que nos lo persuadan por la atestiguacion de los Indios, ò por reconocerse que fue, antes que le apresassen, bautizado en estas doctrinas; ò que haia por acá algun Español que testifique su bautismo.... Pero añado que esta averiguacion no es necesario que sea toda la possible, ni que se tarde muchos dias en ella sino con una moral diligencia; en que tanto menos tiempo se requiere, quanto es menor la esperanza de apurar en todo la verdad, y sacarla à luz por la distancia de las tierras, por la falta de recurso à ellas, y por la incapacidad de los testigos.... y siempre la resolucion ha de ser en favor del bautismo. Y si se mira el peligro de una alma en la omision, y los pequeños inconvenientes à que está expuesto el echar el agua *sub conditione*, aunque tal vez acierte à estar bautizado *ritè*, se juzgará evidente, que con qual quiera prudente rezelo se debe *rebautizar*. = In 2. postremi hujus dictaminis conclusione animadvertendum, Indum, de quo ibi sermo est, *ritè instructum de necessariis ad baptismi valorem*, qui ne baptizetur totus sciens & volens affirmat falsò se baptizatum esse, revera baptizari non velle: baptismus illi est involuntarius: & consequenter baptizandus non est, nec baptizari potest, quandiu in tali testimonio ferendo perseveret; credendumque, vel revera baptizatum esse, vel baptizari nolle: quo utroque casu ab iterando baptismo supersedendum.

(II) *Illam retineant quam voluerint*. Id ipsum erat provisionaliter definitum in prima Indiarum Synodo, ut appellat Gómara (a), author stili liberioris, prohibitus olim Regii Senatûs decreto, sed permissus ab anno 1729., ut ait D. Andreas Barcia in Additionibus ad Bibliothecam Pinnelli. En 1524. (inquit Gomara) junto Cortés una synodo, que fue la primera de las Indias, à tratar de aquel y otros casos. Huvo en ella treinta hombres, los seis letrados y entre ellos Cortés, los cinco clérigos, y diez y nueve frailes. Presidio Fr. Martin de Valencia como Vicario del Papa. Declararon, que por entonces casassen los Indios con la que quisiessen, pues no sabian los ritos de sus *matrimonios*.

Non

(a) Gomara, *Hisp. de las Ind.* c. 167. Vide Ord. 41.

Non multum abest Herrera (a) dum ait: *Y como los Indios tenian conforme à su gentilidad muchas mugeres, huvo gran duda entre los religiosos con qual de ellas cada uno se havia de velar, porque ante todas cosas eran persuadidos à hacer vida con una sola conforme à la piedad catholica. Y en esto si los religiosos tuvieran entera noticia de los ritos de sus matrimonios, no huviera duda, pues una sola mugier era entre ellas la legitima, y las demas eran mancebas. Fortè judicant religiosi viri, in barbaris mexicanis non esse vera matrimonia, quod de Guaraniis Paragueriæ à pluribus judicatum est, ut vide infra Ord. 305. Facitque quod à Torquemada (b) traditur per hæc verba: *Verdad es que dice el P. Fr. Toribio de Motolinca, que algunos años despues de haverse plantado la fè, se hallaron muchos casados apartados, y que de aqui tomaron algunos motivos de afirmar que entre los Indios no havia matrimonio, pero consta ser falso por lo que de sus ceremonias dejamos dicho. Quoad præsentem ordinationem, patet ex contextu permissionem contrahendi cum qua libéret, non in rituum ignorance fundari, sed fieri tantum pro casu quo sciri non posset quænam esset ex pluribus prima conjux.**

(III) *Primam retineant aliis dimissis.* Arg. Cap. *Gaudemus*, de Divort. ibi: *Si paganus prius plures uxores habebat, post fidem susceptam adhærebit primæ. Et ratio est, quia conjugium cum prima supponitur fuisse contractus, non quidem sacramentalis, validus tamen & legitimus, cujus obligatio imminet etiam post baptismum, quo non tolluntur conjugia, sed crimina, ut in cit. cap. habetur. Addit P. Acosta (c): Quod si prima uxor abest, & baptizari differt, licebit ex aliis quam velit sumere, ita concedente Pio V. Pontifice Maximo, qui nullo modo Innocentio Tertio contrarius est. Vide infra Ord. 132. 167., & 78. Adnot. 4. ad object. 13.*

(IV) *Non excludantur.* Ad usum hujus privilegii non requiritur causa alia quam quæ Pontificem movit ut concederet, sicut ad usum concessionis cunctis fidelibus factæ, ut in quinto gradu, quod aliquando fuit vetitum, possint contrahere, nulla requiritur causa specialis in contrahentibus. Ita ex Veracruccii, & communi sententia Fr. Joannes Baptista, quanvis aliter practicaverint nonnulli parochi, quorum ignorantiam carminat Avendaño (d). Vide infra anno 1561. 28. Jan. Adnot. 3.

(V) *Cæteros dies.* Deobligantur à jejuniis Indi in cæteris præter nominatos diebus, non ut edere possint carnes & lactinia, de quibus postea fit concessio limitata, sed quoad unitatem comestionis. Unde Synodus diocesana Limensis anni 1585. à S. Toribio celebrata statuit (e): *Indus, qui tempore quadragesimæ, quatuor temporibus aut diebus Veneris, & Vigiliarum, quibus Indi obstricti sunt, carnem comedisse deprehenditur ... punietur.* Et Synodus Pazensis sub Ill. D. Feliciano de la Ve-

ga

(a) *Herr. Dec. 3. l. 4. cap. 8.*(b) *Torquem. Tom. 2. Mon. Ind. l. 13. cap. 15.*(c) *Acosta, D. Prom. Ev. lib. 6. cap. 21. fine.*(d) *Avend. Tit. 12. num. 375.*(e) *Synod. Lim. cap. 88.*

ga (a): y en estos dias aunque sean de ayuno para los Indios, pueden usar de qualesquiera comidas que no sean de carne, y de todos los manjares que concede la Santa Bula de la Cruzada à los demas fieles, y assi se lo han de dar à entender los Curas.

Et P. Murillo (b): *Omnibus*, inquit, feriis sextis totius anni debent fideles, etiam Indi, sub gravi culpa à carne *abstinere*. Quavis num. seq. putet in Indiis, & præcipue in suis Philippinis facilius indulgeri posse, & ex levioribus, quam aliis, causis dispensari, tum ob alimentorum debilitatem, tum ob corporum languorem. Et quo ad alimentorum qualitatem fungosam convenit Torquemada, cum ait (c): Como cada dia lo dicen los que de Europa vienen à estas Indias, diciendo que los manjares no son de tanta sustancia como por *alla*. At corporum languor, si verum habet, videtur exigere languidiores cibos, quam corpora robustorum: quæ fuit sententia Joannis de Cardenas medici Mexicani (d) dicentis: Si la *flaqueza* es falta de calor como de ordinario lo es en las Indias, à estos tales mas sano es el ayuno pues con el se consumen *flemas* y malos *humores*.

(VI) *Propter gentis infirmitatem*. Hinc patet, privilegia hæc valitura donec aliud à Sede Apostolica ordinetur, dum gentis infirmitas perseveret, quanvis neophitorum cessaverit qualitas, ut ex doctrina J. C. Pignatelli supra observatum est Ord. 37. Adnot. VI. Et hanc Pauli Tertii concessionem qua de causa usque in præsens perdurare, saltem nondum anno 1646. intercidisse, supponi videtur in Constitutione pro Sinis data, quam vide ibi; præter praxim & usum, qui hodie etiam conformis perseverat.

(VII) *Lacticiniis, ovis*. Alluditur hæc ad Cruciatæ Bullæ concessionem, ut expressit nuper citata Synodus Pazensis, & exprimit etiam Synodus diocesana de Puerto Rico sub Ill. Lopez de Haro (e) ubi dicitur: Por Bulla de Paulo Tercero pueden los Indios comer huevos y lacticinios en los dias de quaresma sin bulla, como los demas con ella. In summario privilegiorum, quæ Indis à Sede Apostolica concessa sunt, autoritate Synodi Limensis confecto extat illud (f): Permittit etiam ipsis in quadagesima & aliis diebus jejunii comedere omnis generis cibos concessos illis, qui habent bullam cruciatæ. Et ex Secundo Concilio Limano ait P. Alloza (g), Quod possunt Indi per hoc privilegium vesci ovis & lacticiniis absque bulla cruciatæ. Estque indubitatum, nisi præsens privilegium sit revocatum, vel cum aliis suspendatur in Cruciatæ promulgationibus, de quo infra Ord. 67. anno 1542. 20. Dec.

De carnibus dubium emergit ex constitutionis verbis *Lacticiniis, ovis, & carnibus*, an Indiis liceat iis vesci, nec tantum ovis & lacticiniis extra ferias sextas quadagesimæ, vigiliæque Nativitatis & Resurrectionis, quibus jejunare tenentur. Et ratio dubitandi est, quia possunt vesci carnibus

(a) Synodo de la Paz, tit. De Obs. Jej. sine.

(b) Murillo, in tit. de Obs. Jej. n. 436.

(c) Torqu. tom. 2. lib. 14. cap. 19. Monarch. Ind. (d) Cardenas, Probl. y Secr. de las Ind.

apud Pinelum Quæst. del Choc. p. 105.

(e) Syn. de P. Rico, Const. 32. (f) Apud

Harold. in Lima limata, 111. (g) Alloza, V. Indi Peruan. f. 2. n. 1.

nibus, cum cæteris christianis ob aliquod sanctum opus carnibus vesci à Sede Apostolica datum est; hæc enim sunt privilegii verba. Sed ob aliquod sanctum opus, nempe bellandi pro religione, aut sumptus belli supeditandi, concessum est aliis carne vesci, ut patet ex his cruciatæ verbis: *Concede à todas las personas, que tomaren esta bulla que puedan de consejo de ambos medicos espiritual y corporal comer carne en quaresma, y otros tiempos de ajunos, y dias prohibidos*. Et superius: *y los soldados*, que en esta guerra estuvieren, se declara no estar obligado à los ajunos, que por voto ò por precepto de la Iglesia lo estuvieran, no estando en la guerra. Quidni igitur & Indis ex præsentè privilegio id ipsum concessum esse dicatur.

Sed negandum est, abstinentiâ carniû Indos præsentì privilegio deobligari: estque sententia communis & certa ex dictis Adnot. V. Neque obstat objecta ratio dubitandi, nam milites, & sacri belli sumptus supeditantes non eximuntur hac obligatione propter illud sanctum opus præcisè, sed ex necessitate quæ in actu bellantibus præsumitur, & in malè habentibus declaratur per consilium utriusque medici. Unde solum inferatur, posse & Indos vesci carnibus in pari necessitate constitutos, etiam sine bulla.

Dices, quid ergo concedit Pontifex, si necessitas ingruit. Concedit, ut sine scrupulo fiat quod recta conscientia liceret. De quo vide Ill. Chilensem Episcopum Villarroel (a). Hoc tamen non tollit quin inter Indos plura occurrere possint, & occurrant in aliquot præsertim regionibus mediterraneis nec piscosis, quæ necessitatem faciant, ex qua deobligari possunt vel facillè dispensari; ita ut Ill. Quitenfis Episcopus Montenegro in simile argumentum dixerit (b): *Solo con decir, que es Indio, tiene de su parte mucho alegado para la dispensacion*. Ex quo, & ex iis quæ habet sect. 3., praxis, quæ inter sclavos & serviles operas obtinet alicubi, justificari potest: maximè cum Pontifex in præsentì constitutione nolit intelligi ab Ecclesia Indis jejunium præcipi, quod illorum officio, aut exercitio, aut sanitati non congruit.

(VIII) *Gloriosæ Dei genitricis*. Festis quatuor Deiparæ in Constitutione expressis additur dies Immaculatæ Conceptionis ad finem Grammaticæ P. Figueredo Limæ typis editæ anno 1754. (c). Sed cum nulla de festo Conceptionis, ut ab Indis observando communiter, in conciliis & synodis americanis fiat mentio, dum Indorum festa numerantur, credi par est, vel esse peculiare pro Diocesi Limana, vel ibi esse pro devotione positum.

Non est tamen agnoscenda obligatio, à qua Sedes Apostolica liberos esse voluit neophitos, vel de qua non satis constet. Neque obstat, quod præceptum observandi festum Immaculatæ Conceptionis sit generale & posterius, nam generi seu generali præcepto derogatur per speciem seu per spe-

(a) Villar. Gob. Eccl. P. 1. q. 3. art. 2. (b) Monten. Itinerar. Paroch. l. 4. sect. 6. tr. 4. (c) Figueredo, Arte de Lengua Guicboa, pag. 249.

speciale jus etiam præcedens, quod non censetur Pontifex abrogare velle nisi exprimat.

Sed cum præsentī constitutione non adimatur episcopis, vel iis quibus de jure competit, facultas indicendi ferias, potuit in aliqua diocesi commune præceptum statuto speciali ad Indos etiam extendi: quo non restringitur ab inferiore privilegium à superiore concessum, sed jus proprium exeritur à superiore non coarctatum: nec Pontifex per præsens privilegium eximit Indos à jure potentium indicare festa, sed illos tantum eximit à communi fidelium obligatione & præcepto generali.

Sic quanvis Indi non obligentur ad observantiam festi titularis, in citatis synodalibus *de Puerto Rico* (a) obligantur. Sic etiam obligantur ad observandum festum Immaculatæ Conceptionis diem in Synodo Paraguai sub Ill. Christophoro de Aresti anno 1631. celebrata (b). Sed hoc fieri præcepto peculiari, non quo generalis declaretur obligatio, constat ex eo quod simul obligantur ad festa Transfigurationis, Sancti Joannis Baptistæ, Sancti Thomæ Apostoli, quæ certò excipiuntur in præsentī constitutione paulina.

Dicta procedunt de festo Immaculatæ Conceptionis ante constitutionem de illius patronatu datam 10. Nov. 1768. An Indi obligentur ex quo SS. Virgo facta est patrona etiam Indiarum principalis, vide infra anno 1670. 11. Aug.; ubi de patronatu Sanctæ Rosæ, qui quoad ritum ejusdem rationis est.

(IX) *Ceteros dies festos*. Possunt igitur Indi in his diebus manoperibus vacare: neque ad sacrum otium tenentur, nec ad audiendum sacrum, quia indultum non est hîc, ut supra circa jejunium, restrictum, sed indefinitum & absolutum. Possunt igitur in hujusmodi festis laborare, sed non ad laborandum compelli. Quod præter naturam privilegii, quod non est vertendum in damnum & odium privilegiati, cautum est jure indico, tum ecclesiastico, tum civili. Concilium quidem Limense Tertium à Sede Apostolica approbatum, quod Mexicanum itidem approbatum laudat & sequitur, sic habet (c): *Neque ullo modo in his (festis à Paulo Tertio in hoc privilegio concessis) laborare Indi compellantur*. Id ipsum prohibetur in Concilio Provinciali S. Dominici sive Hispaniolæ, ut habetur in Synodalibus *de Puerto Rico* ibi (d): *Declaramos, que por el Concilio Provincial de Sto Domingo está prohibido con pena de veinte pesos, que ninguno pueda obligar à los Indios, esclavos, o siervos à trabajar en dias de fiesta*. Et Synodus Tucumanensis anni 1597. habita sub Ill. Trexo: *y quède à su voluntad guardar las fiestas de los Españoles, à cuja observancia ellos no estan obligados*. Idemque totidem verbis habetur in Synodo Paraguai sub Ill. Loiola celebrata anno 1603., septendecim scilicet ante annis quam diocesis illa dismembraretur pro erigenda Sede Bonaërensi.

In

(a) *Synodo de P. Rico, Const. 28.*

(b) *Synodo del Paraguai, Tit. 9. 9. 1.*

(c) *Concil. Lim. ann. 1582. Ad. 4. cap. 9.*

(d) *Syn. de P. R. Const. 28,*

In quibus duo distinguuntur, & quod Indi exempti sunt in designatis diebus, & quod liberum illis est Hispanorum festa servare. Consonat jus Regium (a): *y en los dias de fiesta que no son para ellos (los Indios) de guardar, les ha de ser libre alquilarse o no*. Idque. certum est de Indis, qui ad rei publicæ labores statò tempore destinantur, vulgò *mitaios*, ò *de mita*, de iis enim sermo fit in citata lege. Certum etiam est de Yanaconis, qui pro semiclavis habentur, sed revera sunt jure liberi, ac de omnibus Indis qui quomodo serviunt commendatariis. Ratio est, quia omnis Indorum servitus si quidem licita sit & jure permessa, ea est solum quam pro tributo Regi aut rei publicæ pendendo serviunt, sicut mitaii, quorum libertas in observandis nominatis festis ab hispanorum coactione jure citato declaretur. Vide infra anno 1750. 15. Dec.

(x) *Archiepiscopis & Episcopis*. In citato summario privilegiorum in Concilio Limensi præsentato & approbato, habito respectu ad hanc apostolicam constitutionem (b) dicitur: *Quod Indi per ipsorum parochos, vel eos qui illorum curam gerunt, possint absolvi ab omnibus casibus etiam Summo Pontifici reservatis, etiam in Bulla Cænæ contentis, imposita eis poenitentia Salutari*. Citaturque Manuale Mexicanum. Sed Emmanuel Rodriguez Minorita (c) hunc vocat errorem periculosum in Manuale injectum, nam Paulus Tertius concessit tantum episcopis & eorum deputatis, quod in Manuali dicitur concessum parochis & Indorum curam gerentibus. Qui si est error periculosus, communis etiam est Summario Limensi & approbatoribus.

Sed cum Manuale Mexicanum prodierit in lucem & usum, ut suppono, autoritate Episcopi aut Archiepiscopi Mexicanensis, & summarium Limense constet prodiisse autoritate conciliari Episcoporum Peruensium, eo ipso omnes parochi & Indorum curam gerentes sunt Episcoporum deputati, ut autoritate apostolica per præsentem ordinationem collata possint illos absolvere etiam à contentis in Bulla Cænæ. Nec apparet, unde requiratur specialis deputatio ad specialem casum, nec specialis aut singularis deputatio personæ determinatè factæ. Hoc privilegium confirmavit, & ad forum externum extendit, aut extensum declaravit Gregorius XIII. apud Ill. Montenegro (d), ut vide infra anno 1582. Ord. 166.

Dices. Si de mente Concilii esset facta tam ampla facultas, frustra concederetur in proxime sequente ejusdem summarii privilegio omnibus Indorum parochis & confessariis, ut possint eos absolvere à casibus omnibus Episcopis reservatis. Sed frustra non est major facultatis expressio, maxime cum aliàs ut intelligatur facultas concessa ad casus episcopales, debeat exprimi, ut est notum agentibus de privilegiis regularium. Accedit quod in secundo privilegio facultas etiam conceditur confessariis Indorum, & si curati non sint, in primo verò conceditur tantum parochis & Indorum curam gerentibus.

(XI) *Ad*

(a) *Recop. Ind. l. 6. t. 16. lei 22.*

(b) *Apud Harold Lima lim. pag. 111.*

(c) *Roderic. Tom. 2. 22. Reg. q. 99. art. 1.*

(d) *Monten. Lib. 5. Itiner. Par. tr. 4. f. 14.*

(XI) *Ad dicta Sedis beneplacitum*. Per hanc clausulam asseritur revocabilitas concessorum. Censuit enim S. Congregatio (a) 19. Mart. 1619. in una Papiensi, quod *Concessio* ad beneplacitum facta, quandocumque revocari *poteſt*.

## ORDINATIO LIX.

Anno 1537. 2. Jun.

**F**Acta relatione quorſdam *orci satellites* (1) occidentales & meridionales Indos sub prætextu quod fidei catholicæ expertes exiſtant, uti bruta animalia (II) illis ſervientia urgere Paulus Tertius attendens, Indos ipſos ut pote veros homines, non ſolum fidei catholicæ capaces eſſe, ſed ad fidem ipſam promptiſſime currere (III), decernit ac declarat ſua libertate & rerum ſuarum dominio (IV) privatos ſeu privandos non eſſe, licet extra fidem exiſtant: imo libertate & dominio uti poſſe, nec in ſervitutem redigi debere, ac quidquid ſecus fieri contigerit, irritum eſſe & inane. Non obſtantibus quibuſcumque. Extat apud Haroldum (b). Incipit *Veritas ipſa*.

## ADNOTATIONES.

(1) *Orci Satellites*. Per exceſſum ab Epifcopo Chiapenſi (c) ſcriptum eſt: *Aquellas gentes las encomendaron à los Eſpañoles, como ſi las encomendáran à todos los diablos*. Doct̃or Joannes Genefius de Sepulveda (d) in Diſceptatione cum Chiapenſi dixerat: *La Bulla de Paulo Tercero no fue dada ſino contra ſoldados, que ſin autoridad del Principe hacian eſclavos*. Quodſi Principis intercedat authoritas, putat Indos licitè debellari, & conſequenter in ſervitutem redigi quatuor de cauſis, propter delicta, maximè contra naturam: propter ſtupiditatem: ut deinceps facilius converterentur ad fidem: & propter injurias innocentibus ipſorum illatas. Quarum rationum neque æquitatem defendo, neque cenſuram probo, qualem profert Epifcopus (e) dum ait: *Son tan enormes los errores, y propoſiciones eſcandalofas contra toda verdad evangelica, y contra toda chriſtiantad envueltas y pintadas con falſo zelo del ſervicio real, digniſſimas de ſeñalado caſtigo, y durifſima reprehension, que acumúla el Doct̃or, &c.*

Verùm Doct̃oris rationes, in quas tam acriter invehitur, ex parte probat Epifcopus ipſe, dum cauſis juſti belli Eccleſiæ nomine inferendi annumerat peccata contra chriſtianam fidem & religionem (f): ſi fidei prædicatoribus ſcienter obſiſtant: & injurias innocentibus illatas. Illud eſt certum, Regis Catholici nomine nunquam adverſus Indos bellum aut captivitatem eſſe decreta ea de cauſa, quæ in præſenti conſtitutione repro-

(a) S. C. apud Barboſ l. 1. jur. Eccl. c. 43. n. 208.

(b) Lima limat. pag. 338.

(c) Chiap. Prop. 28. De las 30.

(d) Sepulv. apud Chiap. ad 12. Objeſt.

(e) Chiapenſi ad objeſtionis finem.

(f) Vide ſupra Ord. X. Adnot. 5.

reprobatur, idest, sub prætextu quod fidei catholicæ expertes existerent, neque militibus privatis eam causam sive prætextum fuisse usque adeo vulgarem, ut ab Episcopo Chiapensi diffamatum est.

Exemplum dat Bernal Diaz del Castillo in hæc verba (a): *Para descubrir nuevas tierras, y en ellas emplear nuestras personas, compramos dos navios y un barco, que huvimos del Gobernador fiado con condicion de que primero que nos lo dieffe nos haviamos de obligar todos los soldados, que con aquellos tres navios haviamos de ir à unas isletas, que estan entre la isla de Cuba y Honduras, que ahora sellaman delos Guanajos, y que haviamos de ir de guerra, y cargar los navios de Indios de aquellas Islas, para pagar con ellos el barco, para servirse de ellos por esclavos. Y desque vimos los soldados, que aquello que pedia no era justo, le respondimos que lo que queria no lo mandaba Dios ni el Rei, que hiciesemos à los libres esclavos. Y desque vio nuestro intento, dijo que era bueno y mejor que no el suyo. Hæc Bernaldus unus de militibus. Hoc tamen non tollit, multos fuisse tunc orci in captivandis Indis satellites.*

(11) *Uti bruta animalia.* Quid mirum si cum commendatariis res erat peior quam cum diabolorum alluvione? Horribilia, si vera sunt quæ de Hispanorum, adde tu, & Germanorum in Venezuela, crudelitate vulgus accepit ex Bartholomæo Causus seu *de las Casas* Episcopo tandem Chiapensi. Specimen vide apud Dazam (b), nam Chiapensis Operum, quæ fida sint raritatem exterorum cupiditate & invidia jamdiu factam causatur Pinellus (c). Circa annum 1552. ait Chiapensis apud Dazam, iam esse trucidatos per primos novi orbis expugnatores plus quindecim millionibus Indorum sine baptismo. Primis duodecim annis ab expugnatione intra spatium 450. leucarum circum Mexicum ferro, flammis, vivi-comburiisque cecidisse plus quattuor millionibus. Mexicanensis Cancellariæ præsidem quendam pro singulis equabus dare solitum octoginta Indos, & & Indi unius caput pro caseo. Mactari solitos Indos, ut carnibus pascerentur molossi. Et Episcopus, ex quo hæc & similia narrantur, juramento confirmare dicitur, unam tantum à se prodi ex decem mille factorum partem.

Credat Apella. Nam sive in orbe terrarum toto sint mille milliones hominum, ut ex prudente conjectura putat Ricciolus (d), sive 729. milliones, ut ex collatione tabularum Vossii & Riccioli volunt alii (e), si quindecim millionum summa fuit decies millesima jugulatorum pars, plures decies millies patratæ sunt per Hispanos Indorum cædes, quam sint in toto orbe capita. Nonne satis exaggeratum est? Nondum satis; nam quindecim millionibus non contentus exaggerator progressionem facit ad viginti (f) dicens: *Como no le lastima ... sobre veinte cuentos de animas que han perecido en el tiempo recitado sin fe y sin sacramentos...*  
y por

(a) Bernal, Cap. 1. *De la Conquista.*

(b) Fr. Ant. Daza Chron. P. 4. l. 2. c. 46. (c) D. Ant. Leon Pin. Confirm. Real P. 1. cap. 18. num. 8.

(d) Ricciol. l. 12. *Geogr. Ref. in Append.* (e) In *Novis Amstelod. ann. 1754. 11. Jan. Stokolm.*

(f) Chiap. in Repl. ad 11. obj. *Sepulveda.*



y por quitalles el tiempo de la conversion se *condenaron*? De quo numero subtrahit alibi octo milliones (a) Regem alloquens: *Daremos à V. M.* por cuenta y pëndola sacado en limpio, que os han muerto los Españoles en treinta y ocho ò quarenta annos mas de doce cuentos injustamente, haciendo récuas, *alguilando*, &c.: ut appareat, etiam cum de millionibus agitur, pro eodem duci duodecim, quindecim, & viginti.

Quantum extollit Hispanorum crudelitatem, tantum detrahit de nota Indorum barbarie, & aliquorum inhumanitate. Causis Indos debellandi annumeraverat Sepulveda innocentium salutem seu libertatem, de quibus intra Mexicum litari solitos per singulos annos idólis ad viginti millia, memoria proditum est. Respondet Episcopus (b): *Esto* es voz de tyranos por escusasse ... Mas han sacrificado los Españoles a su diosa (la codicia) en cada un año que estaba en cada provincia, que en cien años los Indios en todas las Indias. Esto los cielos y la tierra, la tierra y los elementos lo *testifican*. Et in *Apologia* multis à toto vel à tanto excusare nititur idololatricam humani sanguinis effusionem Indis consuetam. Sed quod ait de voce tyrannorum inconsideratè pronuntiavit. Ill. Zumarraga morum sanctitate clarus, zelantissimus salutis Indorum & libertatis protector, qui primis ab expugnatione annis Mexicum lustravit, & cujus scriptis documentis profecit ipse Casas, in Litteris ad Capitulum Generale Ordinis Seraphici datis 12. Jun. 1531. à Fr. Antonio Daza (c) transcriptis id affirmat, ibi *Como* antiquamente acostumbrassen en esta ciudad de Mexico offrecer en sacrificio à sus dioses cada año mas de veinte-mil corazones de mancebos y *doncellas*, &c. Et Fr. Joannes de Torquemada (d) eximius etiam vineæ mexicanæ cultor: *En Mexico* sacrificaban cada año por cuenta veinte-mil niños. A Acosta diciendo lo contrario engañó una relacion *que vi*. Numquid tyrannorum voces sunt hæ, ut à se culpam amoveant?

Constet ergo quod Bernal Diaz del Castillo, qui propè rebus interfuit, non semel affirmat Episcopum multa exaggerasse. Est apud P. Echard O. P. (e) qui crediderit, aliquem hispani nominis osorem sub velo Chiapensis jugiter mentitum esse. Quod fortè verum habet de uno vel altero scripto illius nomen præferente. Plura tamen sunt ejusdem argumenti opuscula, quorum author est indubitatus, de quibus D. Nicolaus Antonius (f) solidissimi criterii vir, modestè & verè sententiam fert: *Excusari* multa posse rei necessitate, atque jure belli ab Hispanis gesta, quibus crudelitatis reatum, atque enormitatis Bartholomæus tribuit, aut exaggerata alia in malum, quibus non ipse interfuit, simile *vero est*. Quantus fuerit in exaggerando supra verum & supra verosimile Chiapensis, palam fit præter hîc & alibi dicta, exemplo quod refert, & temerè Hispanorum communi vitio tribuit Charlevoix in *Historia Insulæ S. Do-*  
mini-

(a) *Chiap. Traët. super 8. Remedio. Rat. 5.*

(b) *Chiap. in cit. Repl. ad 11. obj. Sepulv.*

(c) *Daza, P. 4. Chron. l. 2. cap. 45.*

(d) *Torg. lib. 7. Mon. Ind. cap. 21.* (e) *Scriptor O. P. Verbo Earib. de las Calas.*

(f) *Bibl. Nov. Hisp. Verbo eodem.*

minici, ubi tot & tam grandia sine vado Chiapensi autore congeruntur flumina, ut tota regione majora longè sint.

Per hæc tamen animus non est omnia Hispanorum in orbe novo facta culpâ liberare. Revera multa initio commissa sunt, unde præsentis constitutionis orta est occasio, quibus tamen per Catholici Regis schedulas & leges, adhibito etiam Æthiopum emptitiorum servitio, moderamen inductum est, & levior Indorum tractatio; neque jam oneribus aliis gravati sunt quam tributis vasallorum propriis vel pro tributis servitio aliquo personali, quod vel fisco immediatè cedat, vel commendatariis, quorum meritis Regem gratificari justum est. Neque si ordinationes regiæ observentur, quidquam est quod in hujusmodi servitio reprehendas, ut latè probat Pinellus (a), & Acoſta (b).

(III) *Promptissimè currere*. Ab anno 1524. ad 1540. baptizatos jam esse per Franciscanos plus sex millionibus Indorum, refert Torquemada (c). Et anno 1539. sacerdotem unum die uno baptizasse ad ter-mille-sexcentos, imposito singulis oleo & chrismate juxta Pauli Tertii ordinationem, quæ jam ad Indias pervenerat. Ill. Zumarraga in litteris Adnot. præced. relatis ait: *Estan bautizadas mas de diez-veces cien-mil almas por las manos de los Frailes de N. P. S. Francisco*, scilicet anno 1531. quo litteræ datæ sunt.

Egidius Gonzalez apud Murillo (d) refert, ab anno 1524. ad 1539. per Franciscanos & Dominicanos in Mexico & confinibus ad decem milliones & quingentos mille Indos baptizatos esse: quod ipse Murillo jure vel injuria putat esse dictum per errorem aut exaggerationem. Ad hæc Gomara (e): *Los Frailes Franciscos, à lo que dicen ellos mismos, han bautizado mas que nadie. Tambien acontecio en muchas ciudades velarse mil novios en un dia. Priesa grandissima*. Sed quod Franciscani plus Indorum quam alii baptizassent, pronum est ad fidem, cum tempore prius, & plures ipsi numero ad Novam Hispaniam accesserint permansuri. Revera promptissimè ad aquas currebant.

Verùm quidquid de Mexicanorum promptitudine & facilitate ad amplectendam fidem sit, vel fuerit; Americani aliarum regionum plerique ejus naturæ sunt, ut si saturos & ebrios otiari permittas, si veterum christianorum sit procul malus odor, si constantiam in rectè factis non requiras, nullo negotio ad fidem saltem specie tenuis convertentur, & si vitrum ostenderis aquæ-vitæ, facile baptizari se sinent, semel, & si lubet iterum, aquè faciliè ad silvas, ad genium, ad infidelitatem remeanturi.

Sunt è regione quibus Indi tam alienati à fide visi sunt, ut de conversione sincera prope desperaverint. Ac de primo repertis in Novi Orbis continente, quorum indolem summè commendaverat Chiapensis, sic regulit ad Regium Senatum Fr. Thomas Ortiz, postea Episcopus Sanctæ Mar-

(a) *Pinel. Conf. Real. 1. P.*

(b) *Acoſta, lib. 3. De Procur. Ind. sal.*

(c) *Torq. lib. 16. cap. 8. Monarch. Ind.*

(d) *Murillo, lib. 9. Geogr. Hist.*

(e) *Gomara, Cap. 227. Hist. de las Ind.*

Marthæ cum aliis ejusdem Prædicatorum Ordinis & Seraphici (a): *Los hombres* de Tierra-firme comen carne humana; son sodomíticos mas que generacion alguna: ninguna justicia hai entre ellos: andan desnudos, no tienen honor ni verguenza: son como asnos abobados, alocados, insensatos: no tienen en nada matarse, ni matar: no guardan verdad fino es en su provecho. Son inconstantes, no saben que cosa sea consejo: son ingratos, y amigos de novedades. Precianse de borrachos, cà tienen vinos de diversas hierbas, frutas, raizes, y grano. Emborrachanse tambien con humo, y con ciertas hierbas que los saca de seso. Son bestiales en los vicios: ninguna obediencia ni cortesía tienen mozos à viejos, hijos à padres. No son capaces de doctrina ni castigo. Son traidores, crueles, y vengativos que nunca perdonan: inimicissimos de religion, haraganes, ladrones, mentirofos, y de juicios apocados y bajos. No guardan fe, ni orden: no se guardan lealtad marido à muger, ni muger à marido. Son agoreros, hechiceros, nigromanticos. Son cobardes como liebres, sucios como puercos. Comen piojos, arañas, y gusanos crudos dò quiera que los hallan. No tienen arte ni maña de hombres. Quando se olvidan de las cosas de la fe que aprendieron, dicen que aquellas cosas son para Castilla, y no para ellos, y que no quieren mudar de costumbres y de dioses. Son sin barbas, y si algunas les nacen, se las arrancan. Con los enfermos no usan piedad alguna, y aunque sean vecinos ò parientes, los desamparan al tiempo de la muerte, y los llevan à los montes con sendos pocos de pan y agua. Quanto mas crecen se hacen peores. Hasta diez ò doze años parece que han de salir con alguna crianza y virtud. De allí adelante se tornan como brutos animales. En fin digo que nunca crio Dios tan cocida gente en vicios y bestialidades, sin mezcla de bondad y policia. Juzguen ahora las gentes, paraque puede ser cepa de tan malas mañas y artes. Los que los havemos tratado, esto havemos conocido de ellos por experiencia; majormente el P. Fr. Pedro de Cordoba, de cuja mano yo tengo escrito todo esto, y lo platicamos en uno con otras cosas que callo.

Alii non tam cordis vitia quam mentis ruditatem causati sunt esse tantam, ut quantum ad baptismum tanquam infantes haberi voluerint, & quoad confessionis sacramentum, cum baptizati sunt, omnino deobligandos, quippe hujus & sacramentorum reliquorum incapaces. Sed nihil desperandum Christo duce, ac de ruditate hæc habet laudatus Alvarez in M.S.: *La experiencia* muestra, que toda aquella rudeza se vence con el zelo y caridad de los ministros. Sin duda tienen la capacidad que basta, quando se trabaja con ellos. A ninguno se le ha de pedir mas de lo que se puede esperar de un natural tan basto è infeliz ajudado de una gracia mui ordinaria y comun. Vide Ordinat. 71.

(IV) *Privatos seu privandos non esse*. Consequenter neque naturâ sunt servi, ut nonnulli cavillati sunt, neque per donationem ullam præcedentem volue-

(a) Ortiz apud Gomaram, c. 217. Vide Ord. 28.

luerat Pontifex, esse rebus suis privatos. Utrum verò Indi hostiliter agentes possint rebus suis & libertate privari, & in servitutem redigi, dubitatum olim fuit de Chilenis, quorum multi pagani, conspirante mixtindorum & hybridum sæce, Hispanos & indigenas Hispanorum ditioni subditos & cicures bello adorti sunt, non sæminis, non pueris parcentes: alii jam baptizati priorum vi aut suasionibus, combustis templis & Hispanorum plurimis crudeliter mactatis, rebellarunt semel & iterum. Rex Catholicus legem tulit Juri Indico (a) insertam, ne fierent sclavi, & jam facti manu-mitterentur, ut nimirum armis victos clementia sanaret. Dubium tamen fuit, an jure posset eos in servos tradere.

Patres Societatis de Collegio Limano, quos inter fuit doctus P. Menacho, ut refert Alloza (b), & P. Stephanus Avila libris editis notus apud Avendaño (c), consulti affirmativè responderunt de paganis & apostatis, negative de aliis. Dici tamen potest omnes jure merito potuisse libertate privari Principis accedente autoritate. Idque primò probatur ex regia sanctione (d), qua Philippus Tertius concessit ut mancipari posset quilibet decenni major: & licet connitente P. Ludovico Valdivia S. J., suspensa fuerit executio ad decennium, cum tamen genus hominum infidum & refractarium in pejus rueret, decreta est mancipatio, à qua tamen per citatam legem supersedere fecit non merita benignitas.

2. Quia inter mancipandi titulos primas obtinet justitia belli, maxime contra christiani nominis hostes: & universim delictum quo quis est reus mortis, justam dat mancipandi causam, præcisa lege aut consuetudine, nam cum libertatis jactura minor sit quam vitæ, justè imò benignè fit reo, si nex cum servitute mutetur. At omnes, de quibus agitur, Indi fuerunt rei rebellionis, vel apostasiæ, vel injustæ contra publicam & christianam rem aggressionis, vel horum simul delictorum, quorum singula capitalia sunt. Et non alio titulo mauri sine scrupulo mancipantur, & inter mauros baptizati, qui *renegati* dicuntur apostatæ.

Imo possent innocentes illi, quorum libertas est sub delinquentium potestate sclavi fieri, non in pœnam quæ sit respectu illorum propriè talis, sed quatenus pœna est respectu delinquentium. Id quod in principiis Juris Canonici est certum, nam Can. *Cum multe* 15. q. 8. nati ex sacrilego connubio clericorum in sacris libertate privantur, sive in pœnam paterni delicti sive in exemplum. Non præcisè nati ex clerico, ut habet M. Florez Augustinianus (e); non ex clericis incontinentibus, ut habet Natalis Alexander (f); sed nati ex clericis majoribus nefario matrimonio, seu connubio conjugatis, ut habet textus Concilii Tolertani IX. c. 10. unde sumptus est Juris Canonici locus citatus. Et in utroque jure sunt delicta, quæ natorum infamia puniuntur. Quomodo verò conveniat hoc æqui-

(a) *Recop. Ind. lib. 6. tit. 2. l. 16.*

(b) *Alloza, V. Bellum.*

(c) *Av. P. X. Auf. à n. 636.*

(d) *Apud Solorz. lib. 3. De Ind. Jur. &*

*Gub. c. 4. num. 9., Et lib. 2. Polit. cap. 1. a num. 28.*

(e) *Flor. Esp. Sagr. tom. 6. tr. 6. cap. 11.*

(f) *N. Alex. Sac. VIII. cap. 3. art. X.*

æquitati, vide apud Theologos in *Traët. De Fide* de pœnis hæreticorum agentes, res enim communis est.

Neque obstat 1. constitutio præsens, qua declaratur, Indos non esse privatos, nec privandos libertate. Non obstat 2. regia schedula citata ab Avendaño (a), ubi de Indis mancipatis eo quod post datam Regi fidem rebellaverant, dicitur: *Porque estos no se pudieron hacer esclavos aunque fuesse por ocasion de rebellion*. Cui consonant aliæ plures apud Solorzanum, & in Jure Indico præsertim lib. 6. tit. *De la libertad de los Indios*, ubi lege 7. prohibentur emptores, ne Indorum utantur servitio, quanvis ipsi Indi servire velint. Non obstat generalis consuetudo, quæ vim legis habet, qua christiani etiam justo bello capti mancipari non possunt, quanvis infideles & hæretici sint. Cui conformis est in Jure Hispanico lex 1. tit. 29. Part. 2. & communis sententia apud Sanchez lib. 1. Confil. c. 1. dub. 3. n. 6.

Non, inquam, obstat primum, nam mens Pontificis tam in hac constitutione, quam in litteris datis ad Card. Taberam (b), patet ex Epistola Ill. Garcesii Episcopi Tlaskalensis ad Paulum Tertium anno 1536. scripta (c), quæ præsentis ordinationis expeditionem maturavit. Nempe damnat Pontifex errorem, seu *satanicam vocem*, ut appellat Tlaskalensis, qua Indi brutis animalibus comparabantur, ut libertatis expertes & dominii incapaces. Nam quod aliquando possint christiani pro merito in servitutem redigi, constat ex Const. Nicolai V. de qua supra Ord. 5.

Damnat Pontifex Indorum servitutem in eorum natura & conditione fundatam, non quæ in jure belli aut justo alio titulo fundetur. Imo Paulus relinquit in medio controversiam paucis post annis disceptatam inter Episcopum Chiapensem & Doctorem Sepulvedam, qui contendebat, Indos occidentales posse natura sua & indole in servitutem non quidem herilem, sed regiam & civilem, ut Nicolao Antonio (d) persuasum est, redigi per arma.

Non obstat Secundum; hæc enim loquimur de jure quo Rex ipse, vel ejus nomine quis alius uti posset, sive de jure autoritate publica competente, non de autoritate privatorum hominum, quam constat in re hac esse nullam præter vel contra Principis decretum, quandoquidem non agitur de defensione inculpatae tutelæ, sed de irroganda delinquentibus pœna, vel de indicendo bello rebellantibus.

Sic quanvis juxta sententiam probabiliorē, quam defendit P. Molina (e), Rex Hispaniæ potuerit Mauriscos Granatenſes etiam baptizatos rebellium filios & quatuordecim annorum ætate minores in servitutem tradere, jure suo cessit, & ex tunc verè dici potuit, neque rebellionis occasione potuisse mancipari, quanvis absolute possent. In nostro verò casu, quod in donandis libertate Chilenis Rex processerit, non de rigore juris,

(a) *Avend. Tit. 1. Theſaur. num. 100.*

(b) *Vid. Ord. 57.*

(c) *Apud Solorx. De Ind. Gub. lib. 2. tom. 1. cap. 8. n. 56.*

(d) *Biblioth. Nov. Hisp. V. Joannes Geneſius de Sepulveda.*

(e) *Molina, tom. 1. De Juſt. tr. 2. D. 33.*

juris, sed ex clementia, patet ex lege 14. tit. 2. lib. 6. Recopil. Ind. ibi: *Porque merecieron ser dados por esclavos como gente perseguidora de la Iglesia y de la Religion Christiana.*

Non obstat Tertium; nam eam consuetudinem par est obtinere inter christianos, qui licet hæretici sint, baptismum reverentur, ut sunt Europæi, qui in civilibus præsumuntur errare tantum materialiter. Proccedit etiam de christianis, quos inter viget juris gentium observantia, & quos non tantum servilis timor, sed honor etiam in officio continet. Constat hoc, nullus enim damnavit servitutem indictam Mauriscis Granatensibus adultis, qui omnes baptizati jam erant. Et mirum esset si privilegium & favor christianorum prodesset æquè christianismi persecutoribus, quorum culpa ex quo baptizati sunt, est major. Certè baptismus non profuit Judæis, qui ex Can. 8. Concilii Toletani XVII. quod nationale fuit, serviendo sunt addicti, qui non solum judaizaverant, sed & conspiraverant, in regni perniciem, ut Chileni. Et cap. *Ita quorundam, De Jud. & Sarac.* decernitur, ut christiani deferentes arma & prohibita ad Saracenos possint ab aliis christianis manu capi.

Minus urget consuetudo alia, de qua testatur D. Ramirus Valenzuela (a), juxta quam Indi del Chaco in Paraguaría, qui Sanctasidenses Hispanos, & Fluentinos passim infestant & captivant, non mancipantur, licet retineantur in commutationem eorum quos captivant ipsi. Est enim consuetudo facti, si vera est, non juris antecedentis. Possent sclavi fieri, quanvis non expediat, cum ut ipsi benignius agant cum fidelibus à se captis, tum ne barbarorum feritas, contra quos minus aliquando potentes sumus, irritetur. Sed & putant aliqui Chacoenses hos, sicut de Chiriguanis conterminis docuit S. C. Matienzo, capite minuendos omnes, de quibus ad meliorem frugem recipiendis desperatum est.

Ex dictis corrigendus venit Ill. Caramuel (b), qui dubium aperit in hæc verba: *Cum videas, tot fervorum millia ex Indiis in Hispaniam abduci, subdubitas, &c.* Hæc visio Caramuelis est, nisi Indias accipiat latè, prout Africæ majorem partem comprehendunt: qua certè ratione multa sclavorum millia ex Indiis in Hispaniam veterem aut Novam, ex Indiis videlicet in Indias abducuntur. De cætero nullus in Indiis saltem Hispaniensibus servus fit nisi per injuriam, quanvis multi, si Regis adderetur autoritas, fieri possent. Nullus in Hispaniam abducitur nolens, & volentes abduci vetat lex 16. tit. 1. lib. 6. Recop. Indiar.: *Prohibimos traer o embiar a estos reinos, ni a otras partes de aquellas provincias Indios, ni Indias, aunque sea cum licencia nuestra..... y aunque los Indios o Indias digan que quieren venir de su voluntad.* Et sic observatur.

Quod si Colon tercentum abduxit ex Hispaniola, quos inter amicos distribuit, notum est quam ægrè id latum sit à Regibus, & quod illius sum-

(a) Valenz. *Add. ad Polit. Solor. lib. 2.* cap. 1. n. 37. & 38.

(b) Caram. *Tom. 3. Theol. Mor. lib. 2.* num. 439.

sumptibus restituti sunt. Imo neque intra Americam permittuntur abduci extra natale solum, nisi quando id videtur specialibus de causis expedire. Vide infra anno 1639. 22. April.; & lib. 6. t. 2. leg. 16. Recop. Ind. Soli præter Joiloenses & Mindanaos, qui de America non sunt, Caribes seu Canibales antropophagi lege permittuntur mancipari, ut habetur in Jure Indico (a) *Tienen licencia los vecinos de las Islas de Barlovento, para hacer guerra à los Indios Caribes, que les van à infestar con mano armada, y comen carne humana: y pueden hacer esclavos à los que cautivaren, con que no sean menores de catorce años, ni mugeres de qualquiera edad. Sed neque hujus permissionis est usus, ut testatur citatus Valenzuela (b). Et de Mindanais tantum habet locum, quando mauri seu mahumetani sunt, alioquin observanda lex 12. ejusdem tituli, & libri: Mas à los que fueren Indios, y huvieren recibido la secta (de Mahoma) no los haran esclavos.*

Data lege, de qua supra, ut Indi quocumque titulo vel prætextu mancipati in libertatem restituerentur, cautum etiam est ne restitutio retardaretur actione dominorum naturaliter possidentium, ad quos jam plures venundati transierant, sed nulla mora libertate donarentur, salvo possessorum jure, si quod haberent contra venditores ut pretium evinceretur.

Dubitatur modò, num quod haberent jus emptores. Et quidem Limani Auditores sententia lata judicarunt, restituendum esse pretium. P. Avendaño (c) absolute negat. Sed videtur distinguendum, nam plures mancipati erant causa legitima, & autoritate Philippi Tertii id permittentis schedula data 26. Maji 1608., & Philippi IV. per aliam datam 13. Apr. 1625., de quibus Solorzano supra citatus. Alii mancipati erant contra jus, vel defectu causæ, ut qui mancipabantur ad tempus ex titulis, vulgò *de la feravidumbre y de la usanza*, de quibus in Jure Indico (d); vel defectu autoritatis, vel quod ante permissionem erant capti, vel post indictam emancipationem. De illegitimè mancipatis pretium restitui debet emptoribus. Et in hoc sensu rectè habet sententia Limana. De mancipatis jure legitimo non debetur restitutio.

Utraque pars constat ex leg. 37. tit. 5. P. 5. Juris Hispani, sic habente: *Alcavia à otro heredamiento vendiendo un hombre à otro, si despues que el comprador fuere entregado en ella, ge lo tomare el Rei, ò otro por su mandado, non es tenuto el vendedor de tornar el precio que recibio por el, ni de facergelo sano. E esto se entiende quando el vendedor ovo carta plomada del Rei, en que otorga que lo pueda vender ò enagenar, cà si tal carta non tovielle, tenuto seria de ge lo sanear. Quæ lex quoad primam partem est conformis Juri Cæsareo leg. Lucius. 11. ff. De evictione ibi: Futuros casus evictionis post contractam emptionem ad venditorem non pertinere.*

Et utraque pars tum legis, tum resolutionis ratione constat, nam ven-

(a) Leg. 19. t. 2. l. 5. Rec. de Ind.

(b) Valenz. loc. cit. n. 36.

(c) Avenda. P. 8. Auctor. sect. 30.

(d) Lib. 6. t. 2. l. 16. R. de Ind.

venditio mancipii legitime acquisiti verus contractus est, quo dominium in utroque foro transfertur ad emptorem, ad quem deinceps pertinent casus, ut est doctrina communis. Si verò mancipium acquiratur illegitime, venditio est contractus fictus, vel factus de re aliena, per quem dominium quod venditor non habet, transferre nequit. At per contractum, per quem rei dominium non transfertur in emptorem, neque pretium transfertur in dominium venditoris, nam hæc correlativa sunt: proindeque sive per sententiam latam, sive quo alio modo vitium contractus innotescat, pretium restitui debet. Neque quidquam obstat ex his, quæ pro sua resolutione congerit Avendaño, sive ab autoritate sive à ratione, omnia quippe vi carent, dum venditio illegitima à legitima distinguatur.

## ORDINATIO LX.

Anno 1537.

**E**rigitur in episcopalem Ecclesia Cuzquensis in Peruvia erectione ordinata anno sequente 5. Sept. per Ill. Valverde, ut refert Villarroel (a). Sed primo institutum episcopatum anno 1537. refert P. Emmanuel Rodriguez in sæpe cit. Compendio.

## ORDINATIO LXI.

Anno 1538.

**D** Joannes Bermudez instituitur Æthiopiz Patriarcha (1). Cui circa annum 1555. destinatus est successor P. Joannes Nunnus Barreto S. J., & pro casu mortis P. Melchior Carnerus, & Andreas Oviedo. Ita P. Josephus Casani (b). Spondanus (c) meminit trium de Societate patriarchatus. De Bermude filer, de quo P. Orlandinus (d) hæc habet: Dum hæc apparantur, inventus est Goæ senex quidam Joannes Bermudez; qui Patriarcham factum se à Paulo III. prædicaret; & quanquam præter cultum corporis nullum diplomatis pontificii testimonium proferebat, non deerant tamen Goæ qui fidem facerent, eum in Lusitania pro Patriarcha vulgò habitum, & ut talem ipsimet Archiepiscopo in regio sacello confectis dignitate prælatum. Duobus de Societate primis successit anno 1562. in patriarchatu tertius Oviedo in Episcopum Hierapolitatum antea ordinatus, qui agrum in evangelii sementem exploraturus præiverat in Æthiopiam. Fructu desperato S. Pius V. Oviedo Æthiopiam cum Japone commutare permisit, non præcipit; sed noluit vir apostolicus Æthiopiæ sponsam vivus dimittere.

AD

(a) Villarr. Gob. Eccl. 2. 18. art. 4.

(c) Spond. Ann. 1555. n. XIV.

(b) Casani, Var. 11.3.2. p. 323, 329, 331.

(d) Orland. s. P. Hist. Sac. lib. 6. n. 69.



## ADNOTATIONES.

(1) *Æthiopia Patriarcha Armeni*, inquit P. Joannes-Baptista Solerius (a) Metropolitam suum insignire solent titulo *Catholici*, pro quo Coptiæ & Habesini usurpare malunt titulum *Patriarcha*, ... Sed in vastissimo regno (Habesiniæ, Abyssiniæ, sive Æthiopiæ) solus Metropolitæ Episcopus est. Ex quo fit, Patriarcham Æthiopiæ nominari pro more gentis, non significatione stricta quasi Episcopis & Archiepiscopis superior sit. Mos autem erat, ut Spondanus (b) refert, ut vacante sede pro novo Patriarcha sive Abuma eligendo mitteretur nuntius ad monachos Æthiopes Hierosolymis ad Sepulcrum Domini habitantes, quorum suffragiis renuntiabatur. Sed nominandus erat monachus S. Antonii, & consecrandus à Patriarcha Alexandrino Cairi residente.

Probè noscens Abyssinorum Imperator, à schismatico Patriarcha non nisi adulterinam prolem existere posse, institit apud Pontificem Romanum, ut catholicus mitteretur antistes, qui Patriarchæ nomen retinuit, sed cui jus tantum episcopale subest. Quod Ulyssiponensem Archiepiscopum Æthiopiæ Patriarcha Bermudez consensu dignitate præcesserit, si verum sonat, urbanissima facti singularitas est, cum constet Episcopum in sua diocesi præcedere omnes etiam majores in dignitate, etiam Patriarchas, Archiepiscopos, &c., ut vide apud Hieronymum Andreuccium (c). Nisi forte locus ubi cum Bermude convenit Archiepiscopus intra Ulyssiponem abiecit sit, vel tunc fuerit exemptus jurisdictione. Prælatione hac non est prohibitus Ill. Menesses Archiepiscopus Goanus, quin aliquando contenderet jus sibi ut Indiæ Primate competere in dictum Æthiopiæ Patriarchatum, ut refert Moreri (d). Illud est mirandum, quod dum trium Jesuitarum consecratio petita, impetrata, & executioni mandata est Ulyssipone, nulla facta sit mentio de superstite Patriarcha Bermude, ibidem, ad eundem titulum, haud ita pridem consecrato, ut ex his quæ loco citato refert Orlandinus conjicere est.

## ORDINATIO LXII.

Anno 1538. 19. Maji.

**F**uit episcopalis Ecclesia Chiapensis. Refert D. Gonzalvus de Paz in Tabula Ecclesiar. N. Hispaniæ.

OR-

(a) Soler, *Hist. Chron. Patr. Alex.* tom. 3. *Ath. SS. Fun.* n. 526. 1539.

(b) Spond. *Ann.* 1524. n. 246 1537. n. 24.

(c) Andreuc. *Hier. Eccl. Part. 2. c. 140.* Ed. 1766.

(d) Moreri, *V. Abyssinie*.

## ORDINATIO LXIII.

Anno 1539. 8. Jul.

**C**ujusdam hujus datæ ordinationis apostolicæ fit mentio in Formula Juramenti à missionariis olim præstandi juxta decretum Seren. Portugalliæ Regis inter alias constitutiones ad Indias pertinentes. Quid verò contineat illa; nec ibi habetur, neque aliunde rescire potui. Incipit *Romani Pontificis*.

## ORDINATIO LXIV.

Anno 1540. 27. Jul.

**P**roficiscentem in Indiam S. Xaverium anno 1541. 7. Aprilis Joannes Tertius Lusitanæ Rex quadruplici instruxit diplomate pontificio, quo Nuntius Apostolicus constituebatur, & contra adversantes muniebatur, concessa amplissima facultate ad conservandam in India fidem catholicam. Omnia data erant anno præcedente 1540., aliud alio die, sed primum omnium 27. Jul., scilicet quatuor amplius mensibus postquam Roma egressus est Xaverius 16. Martii. Ita ex P. Bartoli in Vita S. Xaverii P. Joannes Dreus (a).

Et ipse Bartoli sic habet: *Quattro Brevi truovo io ne' Registri di Paolo III., tutti spettanti alla Nunziatura di Francesco Saverio, e di Simone Rodriguez ( che per amendue insieme tutti si fecero ). Il primo spedito a' 27. di Luglio del 1540. e diretto a Giovanni III. Re di Portogallo, in cui mano stava ad amendue, o ad un solo d'essi, o a niuno, siccome più gli fosse stato in grado, di ritenerne in Portogallo, uno, amendue, o niuno. In questo si dichiarano Nunzi, e si dà loro autorità di predicar l' evangelio, di spiegar le scritture, &c. Il secondo fu spedito a' 2. d' Agosto del medesimo anno, ed ha l'aggiunta d'alcune nuove facoltà, di riconciliare eretici con la Chiesa, di dispensare in irregolarità, e in certi gradi d'affinità o consanguinità, e simili. Gli ultimi due sono di 4. d' Ottobre del medesimo anno, e altro non contengono che una calda raccomandazione che de' due Nunzi fa il Pontefice all' Imperatore dell' Eriopia, ed a' Re delle Indie.*

## ORDINATIO LXV.

Anno 1541. 5. Mart.

**P**aulus Tertius benedictionem per litteras apostolicas impertitus est Fratribus S. Francisci Novi Orbis quædam circa paupertatem observantibus. Hæc tantum habet, reliqua desiderare nos finit Torquemada lib. 75. Monarchiæ Indicanæ, cap. 39.

OR-

(a) Dreus, Fast. Sec. 27. Jul. ex Bartoli Vita S. Saver. lib. 1. num. 13.

## ORDINATIO LXVI.

Anno 1541. 14. Maii.

**P**aulus III. Cathedralem fecit Ecclesiam Limanam sub Metropoli Hispalensi. Hoc anno ponitur à D. Francisco Echave (a), qui computum annorum ab Egydio Gonzalez queritur esse deformatum. P. Coleti (b) ait novissime de Lima civitate: *Le si diede Vescovo dal Papa Paolo III. ai 19. di Marzo del 1539.*, ma non vi si portò che nel 1543. e tre anni dopo fu inalzato ad Arcivescovo, e poi Metropolitanò nel 1571., essendo stato avanti suffraganeo dell' Arcivescovo di Siviglia.

Quamvis esse possit Archiepiscopus sine suffraganeis, ut sunt plures; qua tamen ratione quis est Archiepiscopus, est etiam Metropolitanus. Anno 1567. Limæ coactum est Concilium Provinciale: & injuria carpiunt Martinier id affirmans cum constet ex Act. 2. cap. 1. primi ex Toribianis. Porro Concilium Provinciale cogere est de jure Metropolitanì, qui proinde jam erat Limanus ante 1571.

## ORDINATIO LXVII.

Anno 1542. 20. Dec.

**C**oncessit Paulus in diebus esurialibus usum sagiminis, arvina, seu adipis. Hoc privilegium, inquit P. Joannes Perez Menacho (c), concessum esse tantum Mexicanis, non Peruanis. Sed quod illud idem, vel simile concessum sit pro Peruvia, supponere videtur Ill. Villarroel (d). Utrumque verò fuit temporale ad triginta annos. Favet tamen, nec tantum Indis, sed etiam Hispanis Americanis, nec tantum laicis, sed etiam clericis, & religiosis, quibus ad effectum bulla cruciatæ non suffragatur, diuturna consuetudo, de qua circa annum 1593. ita loquitur citatus Menacho: *Pera en esta tierra (del Perú) es licito el uso (de la manteca) de qualquiera cosa que sea, y es costumbre legitimamente prescrita por mas de sesenta años, y en virtud tambien de la costumbre general se come en Mexico, y en toda la provincia y obispados de el, como lo sé de personas fidedignas.* Loquitur de sagimine sub nomine *manteca*, quod absolutè prolatum de suina pinguedine intelligitur, quanvis pinguedo lactea dicatur etiam *manteca* & *mantequilla* (e).

Ill. Villarroel loc. cit. ait: *En las provincias todas referidas (del Perú, Tierra firme, y sus partidos) y en esta de Chile ... se comian hevos, leche, y manteca casi desde que se descubrieron las Indias y ha muchas años que leyendo y theologia en la ciudad de los Reyes (Lima) se levantaron grandes dificultades en algunas religiones sobre saber, con que*

(a) Echave in Opere inscripta: Estrella de Lima convertida en sol.

(b) Joannes-Dominicus Coleti, *Dixionar. Geog. Hist. dell' Amer. Mer. V. Lima.*

(c) Menacho, *M. S. De Jejun. Quæst. 6.*

(d) Villarr. *Geog. Eccl. 1. P. 9. 3. art. 2. n. 1.*

(e) Vide *Dictionar. Acad. Hisp. V. Manteca.*

que privilegio se rompía una lei tan general ... Pareció, que la costumbre introducida en tan largo tiempo disculpaba à los que nacimos tanto despues: y apagóse por entonces el *escrupolo*. Et num. 50. concludit: Los religiosos, los clerigos seculares, los obispos de Indias, que han comido en la quaresima huevos, leche, ò manteca, sin embargo de no ser de los privilegiados en la bula de la cruzada, no han pecado mortalmente. De esto les ha relevado la *costumbre*. Et num. 51.: *Losque* han comido y comen los manjares recibidos, aun despues del nuevo privilegio, sin tomar la bula enque se les concede, no pecan mortalmente.

Tandem num. 79.: *En este* mi Obispado de Santiago de Chile hai costumbre entablada de mas de cien años de comer grassa de vacca en los guisados, y freir con ella sin distincion de tiempos. Hice grande *escrupulo* quando vine à servir aquesta Iglesia, y sacóme de el ver patente la imposibilidad ... Esta misma costumbre vi en la provincia de Tucuman, donde concurre para justificarla la misma razon ... Podria dudarse, si abrogando el Papa, como puede, à vuelta de los huevos y lacticiños, también la manteca, cessará en Chile y Tucuman el uso de la grassa? y respondesse *que no*.

Fr. Antonius de Hinojosa O. P. circa annum 1620. (a) inquit: *Que* consuetudo (vescendi ovis, lacte, & manteca) jam per centum annos invaluit videntibus & tacentibus praelatis, non ob aliquod privilegium quo prædicta liceant, sed vi *consuetudinis*. Post Hinojosam P. Alloza (b) *Ufus*, inquit, laridi, & sagiminis, casei, lactis, & ovorum in Peruano regno in quadragesima dicitur est etiam sine bulla ob *consuetudinem*.

P. Murillo (c): In Indiis ex generali consuetudine ob penuriam piscium & olei, ova, butyrum (manteca de leche), & cetera lacticia in quadragesima permittuntur etiam sine bulla; non tamen ex eo permittitur usus sanguinis, adipis, sagiminis & pinguedinis, vel laridi (lardo, ò manteca de puerco), ut contra Fagundez & Dianam tenent Laiman, & alii & praxis Indiarum, quæ ad hoc non *extenditur*. Scripsit author in Philipinis, & verum habet quantum ad sanguinem, nam quantum ad sagimen & laridum, si non pro obsonio, ut in petasone, sed pro condimento sumatur, constat quid consuetum sit, ex allatis testimoniis, quibus etiam subscribit Avendaño (d), & P. Simon Marquez (e) agens de consuetudine parandi fercula quadragesimalia sagimine & larido per Brasiliam vigente, & quæ ibidem in expositione dicitur etiam vigere in finitimis provinciis Regi Catholico subjectis, & quoad Brasiliam plurimum Theologorum, & Nuntii Ulyssiponenfis sententia, & Innocentii XI. Brevis esse comprobata De sagiminis & laridi usu in Sicilia, vide Dianam (f).

Obiicies 1., quod consuetudo, ut legitima sit, debet esse saltem per

(a) Hinoj. Direct. V. Consuetudo.

(b) Alloza, Summ. V. Jejunium. Sect. 3. n. 17.

(c) Murillo, lib. 3. Curf. Can. 1. 46. num. 423.

(d) Av. Tom. 1. Thef. Ind. tit. 5. c. 28. a n. 226.

(e) Marquez, Brasl. Pontif. l. 4. d. 6.

f. 3. n. 112.

(f) Diana, P. 1. tr. 9. R. 21.: Coordin.

tom. 4. tr. 6. R. 166.

per duas judiciales sententias confirmata. Sed hujus confirmationis nullum est vestigium pro consuetudine in quaestione, ut fatetur Ill. Villarroel (a) Major probatur 1. ex leg. 5. tit. 2. P. 1. Juris Hispani: *E tal pueblo como este, ò la major partida de el, si usaren diez ò veinte años à facer alguna cosa como en manera de costumbre, sabiendolo el señor de la tierra, è non lo contradiciendo, è teniendolo por bien, pueden la facer, è debe ser tenida e guardada por costumbre, si en este tiempo fueren dadoz congegeramente dos juicios por ella de homes sabidores y entendidos de judgar, è no haviendo quien gelas contralle. Eßo mismo sería quando contra tal costumbre en tiempo sobredicho alguno pusiessè demanda ò querella, ò digessè que non era costumbre que debiessè valer è el judgador ante quien acaeciessè tal contienda, oidas las razones de ambas partes judgase que era costumbre de todo en todo, no cabiendo las razones de aquellos que contradijessen.*

Eadem major probatur ex l. *Cum de Consuetudine ff. De legib. ubi dicitur. Cum de consuetudine provinciæ vel civitatis confidere quis videtur, primum quidem illud explorandum arbitror, an etiam contradictorio aliquando judicio consuetudo firmata sit. Tertio ex Const. Apostolici Ministerii Innocentii XIII. data 13. Maii 1723. ibi: Decernimus & declaramus, nullum pro impedienda vel suspendenda executione suffragari posse privilegium contrarium ... neque longævum non-usum, aut contrariam consuetudinem aut præscriptionem, etiam centennariam vel immemorabilem, nisi præfatæ consuetudinis aut præscriptionis capax sit materia, & immemorabilis probata & admissa à competente iudice per tres sententias conformes, vel per unicam, quæ in iudicatum transferit.*

Ad object. neg. maj. ex communi doctorum sententia apud Gregorium Lopez (b), qui ad 1. prob. respondet, Eam legem procedere, quando quis vult isto modo probare consuetudinem, ita ut requiratur sententia duplex, non ad legitimitatem consuetudinis, & præscriptionem complendam, sed ad legitimitatis probationem. P. Suarez ait (c), duas pro consuetudine sententias requiri, non ut plenè sit introducta, & suum juris effectum sortiatur, sed ne sit revocabilis ex ordinatione & virtute illius legis: ita ut, dum sententiæ duæ non sunt consuetudini faventes, consuetudo sit revocabilis ex citata lege, nondum tamen revocata. Facitque quod in eadem lege exprimitur, scilicet, quod si faveat sententia duplex, consuetudo non tantum est valida, sed quod pro tali debet manteneri, & custodiri.

Sed alia responsio continetur in ipsa lege ibi: *Si en este tiempo, & iterum En tiempo sobredicho.* Nempe ut legitima censeatur consuetudo antequam decennii vel vicennii spatium expleatur, requiritur duplex sententia. Ut tamen eo tempore exacto legitima sit, id non requiritur, sed actus extrajudiciales numero competentes juxta varios arbitrandi modos, supposita materiæ capacitate, & reliquis conditionibus. Et ad hanc legis explicatio-

(a) Villarroel, loc. cit. n. 28. (b) Gr. Lop. in dict. leg. Gl. in verb. Fuereudados. (c) Suar. Lib. 7. De Leg. cap. 11. n. 7.

cationem accedere videtur Burgos de Paz apud Suarez (a) dicens, requiri duplicem sententiam ut consuetudo minori tempore convalescat: addens tamen etiam esse necessariam ut convalescat decennio vel vicennio. Accedit etiam Panormitanus apud eundem num. 9.

Et ad replicam ibi ab Eximio Doctore factam dic, duplicem sententiam ante decennium vel vicennium latam esse posse justam, non præsuppositivè, sed completivè; quatenus ad sententiam ferendam præcedunt, aut præcedere possunt adminicula quædam se solis insufficientia ad abrogandam legem, quibus tamen accedente duplicis sententiæ solemnitate abrogatam esse persuadetur. Inter adminicula verò illud est potissimum, si Princeps nondum expleto decennio ad primos consuetudinis actus signa dederit voluntatis legem revocandi, aut legitimandi consuetudinem, nam quanvis hæc signa non tam solemnia sint quam ad novam legem vel legis expressam revocationem requiruntur, satis esse possunt ut per epikeiam iudices non obligent: quod iudicium quodammodo solemnizatur per duplicem sententiam.

Ad 2. prob. ex jure Cæsareo petitam, ibi tantum dicitur, explorandum esse, dum agitur de consuetudinis firmitate, quid obtineat in foro, nam profecto id multum valet ad probationem. Ad 3.: ibi non est sermo de quavis consuetudine, sed de contrariante decretis Concilii Tridentini, vel etiam aliis in ea constitutione definitis: neque ibi requiritur tanta solemnitas, ut legitima & præscripta sit consuetudo, sed ut illius virtute impediatur aut suspendatur decretorum executio. Unde quanvis detur, extendi dispositionem illam Innocentii ad consuetudinem nostram de abstinentia, tantum infertur dictas probationes requiri quando prælati decernerent illius abrogationem, vel juris communis executionem urgerent, non ut valere desinat quandiu nullus urget.

Objic. 2. Edicta cruciatæ prædictæ consuetudini contraria. Ad manum est publicatum à subdelegato Plateni 9. April. 1721. *Encargamos gravemente las conciencias à todo el estado ecclesiastico, paraque se saque bula de lacticinios à parte. Y advertimos, que no les aprovecha en quanto à esto la bula comun, por estar assi declarado por su santidad corrigiendo y reprobando qualquiera opinion que se hallare fundada en costumbre, y que incurran culpa mortal los que sin haver tomado Bula comieren en los tiempos prohibidos tales mantenimientos vedados.*

Confirmatur 1. ex bulla ipsa vulgari, ubi dicitur: *Por autoridad apostolica suspendemos todas y qualesquiera gracias, indulgencias facultades semejantes y diferentes, concedidas por su santidad, ó consu autoridad en todos los reinos y señorios de su Magestad, à todas y qualesquiera iglesias, monasterios, hospitales, y otros lugares pios, universidades, cofradias, y singulares personas.*

Confirm. 2. ex litteris Commissarii Generalis cruciatæ apud Ill. Villarreal loc. cit., ubi relata concessione facta omnibus Indiarum incolis, ut

(a) *Suar. Ibid. n. 3.*

ut diebus quadragesimæ, & aliis in anno prohibitis possint per triginta annos vesci ovis, lacticiiniisque, inquit: *Suspendimus* & suspendemus facultates omnes vescendi carnibus, butiro suis . . . quomodolibet *concessas*.

Confirm. 3., quia licentia quæ per bullam cruciatæ communem etiam indicam conceditur laïcis, restricta est ad ova & lacticia: & quæ conceditur clericis restricta ad dies quadragesimales præter hebdomadam majorem per Bullam specialem, quanvis id non exprimat, videtur limitare licentiam alioquin generalem ad usum etiam sagiminis.

Ad object. Tria in edicto continentur, quorum tamen nullum obstat consuetudini in quæstione. Non primum; nam verbum illud *Encargamos gravemente la conciencia*, non inducit per se obligationem, sed est tantum admonitio ponderosa ut consideres, an in conscientia obligatus sis. Non secundum, & *advertimos*; ibi enim tantum advertitur seu declaratur quod verissimum est, bullam cruciatæ communem non prodesse clericis ad lacticiinorum esum vel usum, cum excipiantur expresse in illius textu aut tenore: meritoque reprobatur quævis consuetudo in opinione, aut opinio in consuetudine fundata, qua illud affirmetur, videlicet, bullam communem prodesse clericis ad lacticia. Hoc tamen minimè intendimus in præsentī. Non tertium, & *que incurran en culpa mortal*; hoc enim ab omnibus intelligendum, nisi alio quam communis bullæ titulo excusentur, ut fit in casu nostro.

P. Avendaño loc. cit. Edictum quoddam affert relato Platensi simile, quo subdelegatus Limensis declaravit, transgressionem abstinentiæ à sagina esse peccatum læthale, sub excommunicatione injungens confessariis, ut id penitentibus denuntiarent. Addit tamen, in Peruvio prædictum usum pro licito habitum nihilominus esse sine bulla apud viros doctos & conscientiosos etiam post declarationem.

Primæ confirmationis verba sunt, ut ex eorum tenore patet, non Pontificis, sed Commissarii Generalis Cruciatæ: & quod illis non revocentur nec suspendantur facultates jure consuetudinario munitæ, tenet cum communi sententia Mendo (a), & quod ejusmodi facultates revocari debent per illa aut similia verba *Non obstante consuetudine, ex cap. 2. De const. in 6.*, ubi dicitur: *Licet* Romanus Pontifex (qui jura omnia in scrinio pectoris sui censetur habere) constitutionem edendo posteriorem, priorem quamvis de ipsa mentionem non faciat, revocare noscatur; quia tamen locorum specialium, & personarum singularum consuetudines & statuta (cum sint facti, & in facto consistent) possit probabiliter ignorare, ipsis, dum tamen sint rationabilia per constitutionem à se noviter editam (nisi expresse caveatur ipsa), non intelligitur in aliquo *derogare*. Si verò pontificia constitutio non derogat consuetudini speciali, nec decretum Commissarii, quod illius virtute fertur: maximè cum hoc feratur generaliter pro Regis Catholici ditionibus, non attentis consuetudine & necessitate locorum specialibus.

Ad 2.

---

(a) *Mendo, Disp. 29. De Bull. Cruc. c. 2.*

Ad 2. confirm. Suspendio illa non afficit consuetudines ritè præscriptas quas non exprimit. Nec propterea caret effectu, cum afficere possit concessiones & facultates alias. Et licet paulina concessio de lacticiis jam expirasset, potuit à suspendente respici, si forte esset prorogata, vel alia similis concessa denuò. Ad 3. confirm. Licentia restricta posterior limitat priorem, quando ex verbis, vel ex adjunctis, aut signis, ostendit Princeps revocandi voluntatem, non quando præsumitur ignorata licentiæ præcedentis amplitudo, & necessitas, ciborum inopia, vel gracilitas, quæ in provinciis Indiarum fuisse videtur occasio introducendæ consuetudinis, & passim est causa ut prælati dispensent in carniū etiam abstinentia.

Objic. 3. Si licet uti larido pro condimento, etiam pro obsonio liceret. Negatur tamen sequela, quia laridum pro accessorio condimento & pro obsonio substantialiter differunt, sinminus physicè, moraliter saltem: ut de vino & musto, de massa & de pane cocto, de aqua & gelu dici solet à Theologis in tractatu De Sacramentis. Nec consuetudo vescentibus pro obsonio suffragatur. Hinc in litteris Nuntii Lisbonensis, de quibus P. Marquez ubi supra, sagiminis usus dum approbatur, cavetur ne sumatur pro obsonio.

Objic. 4. Quod ecclesiastici docti & timorati, quos inter est Ill. Villarroel (a), sibi provident de bulla lacticiniorum. Hoc autem non fieret, si aliàs liceret usus. Respondet ipse, qui solus quem sciam, bullam ad taleū usum adhibuit, Ill. Villarroel: *Aunque algunos Obispos (como yo lo he hecho) tomaren esta nueva bulla, y sería bien que todos la tomasen, pues salen de opiniones à tan poca costa: no por esso queda la costumbre abrogada, pues tan, pocos no pueden prevalecer contra tantos; y costumbre honesta y bastantemente prescrita no la pueden abrogar tan pocos. Consiguientemente digo, que el que usa de ella en una predicacion puede no usarla en otra, pues usamos de los privilegios, quando gustamos. Y siendo personales, como lo es este, los renunciamos quando queremos. Præterea bulla prædicta à quocumque sumitur non inutiliter propter meritum concurrendi ad sacri belli sumptus per eleemosinam quæ erogatur, & propter indulgentiarum bullæ addictarum lucrum. Tandem nota, huiusmodi bullæ expeditionem non nocere licentiæ aliàs habitæ; ex illius quippe tenore quem habes apud cit. Mendo, constat expediri pro patriarchis, &c., à quien está prohibido comer buevos: non pro iis quibus aliqua præcedente causa vel titulo concessum est, vel permissum.*

## O R D I N A T I O LXVIII.

Anno 1542.

**V**læ vocis oraculo (I) communicavit (II) Paulus Tertius Dominicanis & Franciscanis Novi Orbis omnes gratias, facultates, & indulgentias eo usque concessas & ex tunc concedendas in genere vel in specie.  
Testa-

(a) Villarr. loc. cit. num. fin.



Testatus est D. Fr. Joannes de Toledo Cardinalis Burgenfis. Et Fr. Joannes Baptista ait, Mexici asservari (Cardinalis utique testimonium) in Conventu Ordinis Prædicatorum.

## ADNOTATIONES.

(1) *Vivæ vocis oraculo*. Sed extant-ne privilegia viva voce concessa, saltem pro Indiis? Sunt qui affirmant. 1. Quia Pontifex, qui ea revocavit, mandat Generalibus Ordinum ut per provincias, Provincialibus ut per conventus publicari faciant, revocationem. Ergo saltem sicubi publicata non sit, effectu caret. 2. Quia revocatio non comprehendit Cappuccinos, ut declaravit Urbanus VIII. qui revocationem à prædecessore Gregorio XV. factam confirmavit, ampliavitque. Ergo nec alios comprehendit regulares, quibus Cappuccinorum privilegia sint communia. 3. Quia Pius V. omnia Mendicantium privilegia confirmavit, ita ut possent Generales Ordinum ea in pristinum statum restituere si aliquando revocarentur, ac si concessa essent post revocationem. Quod idem concessit Gregorius XIII. & Paulus V. 4. Quia privilegia Mendicantium sunt remuneratoria, quæ sine compensatione aut saltem speciali expressione non revocantur. 5. Quia Casinenses monachi annum censum pendunt Cameræ Apostolicæ pro maintenance privilegiorum. Ergo respectu illorum vigent & respectu communicantium. 6. Quia plures Pontifices privilegia viva voce concessa per bullam confirmarunt, aut declaraverunt perinde valere ac si essent bullata. Nominatim Clemens VIII. Const. *Ratio Pastoralis*. 1. in Bullario Rodericii pro Franciscanis, quibuscum ferè omnes communicant, *Omnia* & singula privilegia & gratias etiam vivæ vocis oraculo concessa, vel sub quacumque forma, ac si de verbo ad verbum *infererentur* (Bullæ), confirmavit.

Sed constitutio revocatoria clarior est quam ut iis eludi possit. *Omnia*, ait Urbanus VIII. in Const. *Aliàs felix*, data 10. Dec. 1631., & singula privilegia, facultates, licentias, & gratias quascumque per Summos Pontifices prædecessores nostros, ac per nos vivæ vocis oraculo, ac S. E. R. Cardinalium manu firmata (non firmata jam revocaverat Gregorius prædecessor).... quibuscumque personis cujuscumque Ordinis, Congregationis, & Instituti.... regularibus etiam ad instantiam regum, seu quomolibet concessa.... *revocamus*.

Ubi nota, in exemplar hujus bullæ, quod habet Peirinis (a), irrepsisse vocem *secularibus*, quasi privilegia etiam hominibus sæcularis statûs concessa revocarentur. Hoc tamen est falsum, ut notavit Gobat (b), Lacroix (c), Sporer (d), vel ejus additor in Supplemento, & Benedictus XIV. (e) dicens: *Urbanus* Octavus Gregorianam constitutionem ampliavit revocando omnia vivæ vocis oracula, exceptis quæ comprobarentur

(a) *Peirin. tom. 2. cap. 8. Const. 18.*

(b) *Gob. Exper. tr. 9. n. 728.*

(c) *Lacr. lib. 1. n. 851.*

(d) *Spor. Supplem. Theol. Decal. c. 1. f. 4. num. 441.*

(e) *B. XIV. De SS. B. & C. f. 2. p. 193. Ed. 2.*

tur dictis officialium seu ministrorum in rebus ad ipsorum officium pertinentibus, ut colligi potest ex ejus Constit. 157. & 195. Bullar. tom. 4. Verum cum omnes hæ Constitutiones loquantur de concessionibus vivæ vocis oraculo factis institutis & ordinibus regularibus, per eas sublata dici nequeunt illæ, quæ directe respiciunt cultum servorum Dei, ideoque tantum oblique instituta, sive ordines regulares, quibus ut plurimum datur facultas recitandi ex. gr. officium, aut Missam in eorundem Dei Servorum honorem celebrandi. Quibus Benedicti verbis de numero authorum modo vigere vivæ vocis oracula affirmantium, detrahendi sunt qui apud Avendaño (a) excipiunt: *Dummodo aliter non habeat stilus Curia Romanæ*; nam stilus Curia illius probè notus erat Benedicto XIV.

Nota etiam, quamvis nomine gratiarum venire possint indulgentiæ, mentem Pontificis non fuisse eas revocare, ut per illud tempus fama fuit Romæ, de qua testatus est Præpositus Generalis, qui tunc erat Societatis Jesu ad Provinciam Poloniæ 11. Febr. 1634. (b). Et hujus sententiæ sunt plures quos citat Avendaño (c): De cætero concessionibus vivæ vocis oraculo factas concidisse per Urbani VIII. revocationem, nec per confirmationes generales revaluissè, supponitur in præfatione utriusque Compendii Privilegiorum Societatis, Communis, & Indici, etiam de privilegiis & gratiis missionariis Indiarum specialiter concessis. Idque magis exprimitur in postrema Editione Instituti anni 1757. tom. 1. pag. 262. & 323. Unde Jesuitis saltem fixum erat, privilegia indica non esse exempta à revocatione defectu expressionis.

De communibus verò privilegiis certius hoc est, & suadetur insuper, quia alioquin nihil aut ferè egisset Urbanus tam operosa Constitutione, dum omnia jam oracula erant posita per generales confirmationes bullatas extra revocationis aleam. Tum etiam quia ratio, quæ ad revocandum movit scilicet timor *ne concessionibus & gratiæ ab iis, in quorum favorem emanarunt, minus canonica interpretatione extenderentur*, tenet æquè dum confessionis in confuso per bullam confirmatæ termini ignoti sunt, vel noti quidem per Ordinum chartophylacia, minus tamen authentica notione.

Neque valent objecta. Non primum; quia Pontifex non indicit publicationem revocationis per provincias & conventus, ut obliget, vel effectum habeat constitutio, sed ut obligatio *quantocius innotescat*. Addit Lacroix, jam quoquo modo esse publicè notam revocationem, & consequenter publicatam.

Non obstat secundum, nam Cappuccinos excepit Urbanus, ut ipse declaravit ex affectu speciali ad eum Ordinem; at communicatio non intrat in privilegia speciali titulo uni Ordini concessa. *Monasterium* enim vel religio, cui aliena privilegia sunt communicata, illis non gaudet, nisi habeat qualitates, quæ subjecto communicato *inbærebant*, ut est Ro-  
tæ

(a) *Avend. P. 3. Auctar. f. 7. num. 157. Et Montenegro lib. 5. tr. 1. f. 10. n. 32.* | indulgentia. (c) *Avend. tom. 2. Tresaur. tit. 12. n. 484., & 493.*  
(b) *Apud Avancini, Collect. MS. V. In-*

tæ decisio apud J. B. Pittoni sub die 27. Jann. 1677. (a). Tum etiam, quia Urbanus id declarans aliud egit quam revocationem paulo ante factam revocare: revocasset autem, si privilegia revocata omnibus cum Capuccinis communicantibus restituisset, cum omnes ferè communicent.

Non obstat tertium, quia facultas quassata revalidandi, si non est de revocatis a Gregorio XIII. dum plures Pii V. constitutiones reduxit ad terminos juris, derogata certè est ab Urbano VIII., dum voluit ut nihil præcedentium obstaret decretæ revocationi. Idemque dictum est de concessionibus Gregorii ipsius, & Pauli V. prædecessorum Urbani.

Non obstat quartum; quia privilegia regularium non sunt remuneratoria ex iustitia; ad quod non sufficit quod in fronte vel exordio Constitutionum merita ordinum recenseantur: sic enim vix erit privilegium & gratia non debita ex iustitia. Sunt ergo ad summum remuneratoria ex gratitudine, quæ sine compensatione revocari possunt cum vel sine causa. Causa verò fuit in casu nostro avertendi ecclesiasticæ disciplinæ detrimenta necessitas. Et pro compensatione tum meritorum, tum gratiarum revocatarum computari possunt alia privilegia quæ cum revocari possent, in vi sua relinquuntur, & quæ denuò conceduntur in dies.

Non obstat quintum; nam census ille fortè penditur pro jure aliquo temporali, de quo non est sermo. Si quid verò erogatur pro spiritualium confirmatione, fiet pro confirmatione bullata, seu pro scriptura confirmationis, vel pro confirmatione, aut prorogatione ad revocationem posteriore. Qualitas verò compensationis hujusmodi, si vera est, cum sit specialis pro Casinensibus, aliis prodesse nequit juxta dicta ad object. 2.

Non obstat sextum, nam constitutioni Clementis & aliis ejusmodi quoad privilegia in quæstione derogavit Urbanus VIII. per illa verba, *Non obstantibus* constitutionibus & ordinationibus apostolicis... privilegiis quoque sub quibuscumque verborum formis in contrarium præmissorum concessis, confirmatis, & innovatis.

Ad extremum observa, Urbanum eundem Constitutione data anno 1635. restituisse vivæ vocis oracula, de quibus Officialis aliquis Apostolicus prohibuisset testimonium. Si vero testimonium hoc debet esse *officialium seu ministrorum in rebus ad ipsorum officium pertinentibus*, ut ex Urbani Constitutionibus colligit Benedictus XIV. supra laudatus, non sufficit ad oraculorum valorem testimonium Cardinalium quamlibet apud Apostolicum officialitatem habentium. Unde ad apocrypha relegandum, quidquid dicat Loffada (b), privilegium quo Pius IV. concessit facultatem absolvendi a reservatis etiam in Bulla Cœnæ, dispensandi in foro conscientie in irregularitate, & dispensandi pariter in tertio & quarto gradu pro matrimonio contrahendo, quamvis Cardinales Alexandrinus & Sanctæ Crucis de concessione testati sint, si firmitas aliunde non accrescat quam ex eo quod prædictos Cardinales adhibere ad testimonium ferendum de concessione, perinde fuit atque si officiales instituerentur.

Nec

(a) J. B. Pittoni, CC. ad Regular. n. 3696.

(b) Loffada, Chronol. Privil. Ind.

Nec magis fidendum, quidquid velit Torrecilla (a), facultati concessæ Minoribus à Leone X., ut uti possent in foro conscientie vivæ vocis oraculis, ut in libris Ordinis continentur, licet ejus concessionis testis sit Cardinalis Laurentius Tituli SS. Quatuor Coronatorum, qui officium in sacro palatio habuisse dicitur, si non constet Officiales hos fuisse ministros in materia concessionum factarum. Imo testimonium Cardinalis Laurentii parum aliunde prodest, quandoquidem de nullo privilegio in particulari testatur, sed de facultate iis utendi, quæ aliunde supponuntur vim habere.

Minus prodest, quod Cardinalis Alexandrinus in testimonium adhibitus piani oraculi fuerit deinceps Papa: quo nomine est qui putet ejusmodi oraculum vigere, quia si nollet privilegium se teste concessum, sua jam Papæ confirmatione solidari, revocasset. Quidquid enim sit de fuxili hac præsumptione voluntatis in Alexandrino Cardinale, seu Pio V., illa nequit posteriorem Urbani revocationem invalidare. Illud solidius affirmatur, oraculorum revocatione non revocari oracula, quæ nec privilegia nec gratiæ sunt, sed gratiarum declarationes: quæ est sententia Bordoni (b) Leranzæ (c), & aliorum.

(II) *Communicavit*. Circa privilegiorum communicationem ait Card. Petra (d), quod contraria Tridentino, & quæ difficile conceduntur, non communicantur. Et Rota apud Pittonium (e) decidit, quod communicatio non intrat in privilegium quod difficile conceditur, neque in id quod non est in usu. Et quod non suffragatur in tertii præjudicium. Quorum fundamentum est regula juris in 6. 81.: *In generali concessione non veniunt ea, quæ quis non esset verosimiliter concessurus in specie.*

## ORDINATIO LXIX.

Anno 1543.

**U**T Rex Catholicus possit dividere, aut contrahere fines dioceseon indicarum. Ponitur hoc anno constitutio, quo prodiit, vel certè quo ad Indias missa est. Nempe postulaverat Rex, ait Solorzanus (f), ut quemadmodum erectionis episcopatum cura, ita & divisionis aut restrictionis, ubi oporteret, sibi suisque consiliariis delegaretur: ita tamen ut eandem divisionem vel restrictionem, ejusque causas Sedi Apostolicæ succensendas & approbandas notas faceret. Quod pontificio diplomate concessum esse, testatur Herrera (g) referens, dictum diploma traditum esse D. Tello de Sandoval, cum ad visitandas Novæ Hispaniæ provincias mitteretur anno 1543., addito in mandatis, *Que en la junta de prelados presentasse el Breve que llevaba, que de Su Santidad havia impetrado*  
Juan

(a) Torrecilla, Tr. 3. Prop. 36. ex damn. ab Alexandro VII.

(b) Bord. tr. 2. Var. c. 21. R. 31.

(c) Leranzæ, t. 3. V. Oracula.

(d) Petra, tom. 4. ad C. Urb. P. n. 24.

(e) Pittoni, CC. ad Regul. n. 3726. 4008. 4218.

(f) Solorz. Tem. 2. De Ind. Jur. l. 3. c. 5. n. 12.

(g) Herrera, D. 7. lib. 6. cap. 7.

Juan de Vega Señor de Grajal Embajador del Rei en Roma , paraque todas las veces que al Rei y à su Consejo pareciesse , que se deben esender ò acortar los limites de los Obispados de las Indias , se pueda hacer de la manera que pareciere convenir para el buen gobierno y administracion de ellos , y para escusar diferencias entre los *prelados* . Vide infra anno 1753. 2. Mart. Adn. 7.

## ORDINATIO LXX.

Anno 1544. 9. Januar.

**P**Aulus Tertius cunctos Ordinum Mendicantium Prælatos (I) suos commissarios ac delegatos constituit , eisque denuò concedit omnes gratias & facultates (II) euntibus in terras infidelium concessas per suos prædecessores in genere vel in specie . Regulares Mexicani apud Fr. Joannem Baptistam ajunt , extare Breve concessionis hujus in tabulario Conventus Prædicatorum Mexicanensis , datumque esse in favorem regularium intuitu meritorum ac zeli , quo rem christianam in Novo Orbe sustinere & promovere non cessabant .

Ejusdem vel similis concessionis meminit Veracruz apud Rodericum (a) , qua Paulus concessit non tantum prælatiis , sed omnibus Mendicantibus , qui de licentia suorum prælatorum proficiuntur ad terras infidelium , ut eant tanquam legati Sedis Apostolicæ , & eis pariter concedit omnes gratias à suis prædecessoribus concessas illis (III) qui ad terras infidelium mittuntur . Ac forte eadem sunt hæc brevía cum eo , quod in nominato Conventu Prædicatorum assevari , inquit Lofsada , cujus initium est *Dilectis filiis* , in favorem Prædicatorum specialiter concessum , quod ad cunctos Ordinum Mendicantium (IV) , seu professores , seu prælatos , pertinere dicitur ob communicationem .

## ADNOTATIONES.

(I) *Prælatos* . Quamvis prælati nominentur ; poterunt illi subditos delegare juxta cap. *Si quo* , *De off. & pot. Jud. deleg.* , ubi dicitur : *Si pro debilitate* , vel pro qualibet alia causa vel necessitate tractandis causis interesse non poteris , liberum tibi sit personis discretis & idoneis vices tuas committere . Ita tamen ut si res tanti est , consulere te debeant , nisi fortè causæ ita graves sint , quod sine præsentia tua non possint commodè terminari . Et cap. *Super questionem* , eod. dicitur : *Delegatus* à nobis licitè possit & principium , & finem , & medium causæ sibi commissæ , non solum conjunctim , sed etiam divisim , alii delegare .

(II) *Gratias & facultates* . Constat ejusmodi concessionem , quatenus gratiam continent , non expirare morte concedentis , nisi expressè fiant ad illius vitam , ex Cap. *Si super* , *De off. jud. del. in 6. Si super gratia* cui-

(a) Roderic. Tam. 2. 22. Regul. 2. 97. art. 2.

cuiquam à Sede Apostolica facta executores fuerint deputati, æquum esse censuimus, ut sicut ipsa gratia ( licet nondum sit in ejus executione processum ) morte non perimitur concedentis, sic nec re integra perimatur executoribus data potestas, quam veluti gratiæ prædictæ accessoriam, naturam congruit sequi *principalis*.

(III.) *A suis prædecessoribus.* Secundum hæc, inquit Rodericius loc. cit., sunt confirmata quæ per Nicolaum V., Gregorium IX., Leonem X. Adrianum VI. Clementem VII., & alios Pontifices sunt concessa illis, qui ad infidelium partes ad dictam conversionem *proficiscuntur*. Sed postea notare jubet ea, quæ prædecessores concesserunt cum clausula, *Ubi non sint episcopi*: ne religiosi putent ea sibi licere, ubi jam sunt.

(IV.) *Ad cunctos pertinere.* Aunque los privilegios sean concedidos à los religiosos de las Ordenes Mendicantes (verba sunt III. Montenegro Quintens Episcopi lib. 5. Itiner. Parochor. tr. I. sect. 10. num. 3.), pueden usar de ellos los religiosos monachales, porque por la comunicacion de privilegios que tienen todos: se estienden tambien à los que no son Mendicantes, como dice Manuel Rodriguez tratando de los privilegios, que tienen en las Indias: *Quibus omnibus gaudent religiosi in Novo Orbe ob communicationem gratiarum factam à Paulo Tertio, ut testatur Cardinalis Burgenfis in expressa concessione.* Hucusque Montenegro.

Sed Rodericius non habet quod privilegia Mendicantibus concessa extendantur ad Monachos, neque ad non Mendicantes, sed ad religiosos in Novo Orbe, in quo tunc non erant, nec modo stabiliti sunt ordines monachales, saltem in Regis Catholici ditione, excepta una vel altera sede ad Benedictinos pertinente, quæ diu post, anno videlicet 1590. ut habet Murillo (a), fundata est. Et communicatio de qua Rodericus loquitur ex concessione Pauli Tertii, & Cardinalis Burgenfis testimonio, vertitur solum inter Dominicanos & Franciscanos, qui in Novo Orbe per id tempus fere erant soli, ut videre est supra Ord. 68.

Si quando tamen contingat, religiosos monachales mitti ad eandem cum mendicantibus messem & opus, ita ut ejusdem cum subiecto communicato qualitatibus sint participes, sine dubio locum habebit communicatio, quandoquidem communicandi gratiam in genere habeant.

## ORDINATIO LXXI.

**N**E Indis negaretur sacra communio, decrevit Paulus Tertius apud Fr. Joannem de Torquemada (b). Nihilominus negandi consuetudo toto ferè eo sæculo XVI. usque ad tempus Concilii Tertii Limensis obtinuit, saltem in Peruvio. *Magna mihi quæstio* ( inquit Acoſta ) (c) *visa est, quid de observato hucusque more in hac nova occidentali ecclesia sentiendum sit, ubi Indi adulti jam baptizati, iidemque peccata legi-*

(a) Murillo, lib. 9. Geogr. Hist.

(b) Torq. lib. 16. Monarch. Ind. cap. 20. ] 2. & seq.

(c) Acoſta, lib. 6. De Proc. Ind. sal. cap.

legitimè confessi, neque semel singulis annis, neque vero mortis urgente discrimine communicantur. Adeoque id ulu receptum est, ut si contraheretur contingat, non leve scandalum homines *putent*. Et pro virili excusata hac consuetudine, concludit jam omnino esse tollendam.

De quo subjicit sententiam Concilii Limensis II. Provincialis anno 1567. celebrati (a): *Quoniam* omnes christiani adulti utriusque sexus teneantur Sanctissimum Eucharistiæ Sacramentum accipere singulis annis saltem in paschate, tamen hujus Provinciæ Antistites, cum adverterent, gentem hanc Indorum & recentem esse, & infantilem in fide, atque ita illorum saluti expedire judicarent, statuerunt ut usque dum fidem perfectè tenerent, hoc divino sacramento, quod est perfectorum cibus, non communicarentur, excepto si quis ei percipiendi satis idoneus videretur. Quoniam verò complures jam Indorum fidei christianæ doctrinam melius percipiunt, atque hoc divinum sacramentum non solum devotè cupiunt suscipere, verum etiam petunt, & ut fiat sibi copia importunè flagitant, placuit huic Sanctæ Synodo monere, prout seriò monet omnes Indorum parochos, ut quos audita jam confessione perspexerint, hunc cælestem cibum à reliquo corporali discernere, atque eundem devotè cupere & posse, quoniam sine causa neminem divino alimento privare possumus, quo tempore cæteris christianis solent, Indis etiam omnibus *ministrarent*.

Hujus constitutionis inobservantiam dolet Acosta novem postquam edita est annis scribens. Unde in sequente Concilio anno 1583. celebrato opus fuit contra parochos negligentes severius agere. Ac de viatico quidem Indis præbendo sic habet (b): *Cæleste* viaticum, quod nulli mortali ex hac vita migranti negat mater Ecclesia, multis abhinc annis Indis atque Æthiopibus, cæterisque personis miserabilibus præberi debere Concilium Limense constituit. Sed tamen sacerdotum plurium vel negligentia, vel zelo quodam præpostero, atque intempestivo, illis nihilo magis hodie præbatur. Quo fit, ut imbecilles animæ tanto bono, tamque necessario fraudentur. Volens igitur Sancta Synodus ad executionem perducere quæ Christo duce ad salutem Indorum ordinata sunt, severè præcipit omnibus parochis, ut extremè laborantibus Indis atque Æthiopibus viaticum ministrare non prætermittant, dummodo in eis debitam dispositionem agnoscant, nempe fidem in Christum & pœnitentiam in Deum suo modo . . . . Porro parochi, qui à prima hujus decreti promulgatione negligentes fuerint, noverint se præter divinæ ultionis judicium, etiam pœnas arbitrio Ordinariorum, in quo conscientia onerantur, daturus: atque in visitationibus in illos de hujus statuti observatione specialiter *inquirendum*.

De Indorum communione in paschate sermo fit in cap. seq. *In paschate* saltem eucharistiam ministrare parochus non prætermittat iis, quos & satis instructos & correctione vitæ idoneos judicaverit: ne & ipse aliqui ecclesiastici præcepti violati reus sit. In quibus autem certam scientiam

(a) Concil. Lim. c. 58.

(b) Concil. Lim. III. Añ. 2. cap. 19.

tiam tenere non poterit, consulat Episcopum. Nemo verò Indorum aut Æthiopum ad communionem recipiatur, nisi proprii parochi, aut confessoris licentiam scripto sibi datam ostenderit.

His tamen non est factum, ut reprobata consuetudo cessaret, ut patet ex posterioribus decretis Synodorum Limanæ, Platenfis, Arequipensis, Pazensis, & Paraguariæ, quæ sequente sæculo XVII. celebratæ sunt. Ex quibus Pazensis habita anno 1638. sub Ill. Feliciano de la Vega inquit (a): *No solo hai obligacion de dar el SS. Sacramento de la Eucharistia por la pascua à los Españoles, para que cumplan con el precepto de la Iglesia, sino tambien à los Indios, y otros qualesquier christianos como hijos de la Iglesia. Y porque en quanto à los Indios se ha entendido, que ha auido descuido en esto socolor de decir, que no tienen capacidad para esto, y que viven licenciosamente en sus costumbres, y que lo mas del tiempo lo ocupan en borracheras, y otras cosas indecentes, y este daño se puede juzgar que procede de la falta de enseñanza, y de no doctrinarles sus curas con la puntualidad que deben paraque se aparten de las ocasiones que les divierten de tanto bien como hai en esto; exhortamos y mandamos à los dichos Curas, que procuren con toda diligencia que haia la enmienda que conviene en cosa tan importante, y de tan grande servicio de Dios N. S., y que se esmeren en enseñar à estos pobres como gente tan miserable la obligacion que tienen de disponerse à la sagrada communion, y los frutos grandes que pueden conseguir de recibirla para bien de sus almas, sin poner la excusa sobredicha de tener incapacidad, porque por este medio y con su sollicitud y cuidado permitira N. S. que tengan la luz y conocimiento que de ben para tanto bien. Vide lib. 6. tit. 1. leg. 19. Recop. Ind.*

Cavendum est tamen ex adverso ne nimia communionis frequentia contemptum pariat, maxime in Indis, quorum mentis inopiam juvare potest raritas, & facilitas lædere, quando beneficii collati pretium & magnitudo latet oculos & mentem sensibus carnis immerfam. Audivimus observatum esse aliquando in uno, vel altero Indorum pago, ubi magis inoleverat eucharistici panis usus, esse mores minus correctos quam ubi rarius communicabatur: cujus mali, si verum habet, causa alia esse non potest, quam mentis indispositæ vitium, & quod parochi debitam non dant operam, ut per fidem suppleatur sensuum defectus; per fidem inquam vivacem, & propriis actibus exertam. Id autem commune etiam est Hispanis, & pro omnibus satis provisum ab Innocentio XI. Const. 12. Febr. data anni 1679. Vide Ord. 286. anno 1634. 13. Mart.

## ORDINATIO LXXII.

Anno 1545. 8. Jan.

**F**It Episcopalis Ecclesia Quitoensis. Mentio fit in Compend. Hist. P. Emman. Rodriguez, & in Tabulis Chronol. P. Cl. Clementis.

O R.

(a) Syn. de la Paz, lib. 1. t. 5. cap. 2.



## ORDINATIO LXXIII.

Anno 1545. 31. Jan.

UT Ecclesia Hispano-Americana in tres provincias divideretur, erectis in Archiepiscopales sedibus (1) S. Dominici in Hispaniola, Mexicana, & Limana: cum jure metropolitico primæ in Antillas & partem continentis; Mexicanæ in Novam Hispaniam, & Limanæ in Peruvium (II) exacto; jure Hispalensis ecclesiæ (III); quod in totam Hispaniensem Americam imminerebat. Mentio fit in cit. Compendio & Tabulis.

## ADNOTATIONES.

(1) D. Diaz de la Calle (a) Ecclesiam S. Dominici appellat Indiarum primatem. Et Trevultiani pro comperto scribunt (b), sedem S. Dominici in Archiepiscopalem erectam cum jure primatiali in totam Americam Hispaniensem. Sed fundamento caret. Prima quidem fuit in idea, vel intentione, si Ecclesia Hispalensis est Ecclesia S. Dominici, de quo supra Ord. XXII., non quod ea ratione sit antiquior cæteris, nec quia cum jure primatiali erigenda fuit; sed quia in tribus primitivis sedibus titulum habuit Archiepiscopalis. In executione tamen etiam hoc Archiepiscopalis titulo caruit primum: ac tandem dum primò intento honori restituta est, pares habuit Limensem & Mexicanam. Imo si verum est quod in Historia S. Dominici scribit unus de Trevultianis P. Charlevoix (c), anno 1547. institutum esse S. Dominici Archiepiscopatum, primum est ut sub jure metropolis alterius Americanæ fuerit aliquandiu, cum à duobus ante annis alii duo Archiepiscopatus essent erecti. Excepto jure nomen primatis retinere potest Ecclesia S. Dominici, sicut & quælibet Metropolitana, in sensu quo dicitur in Concilio Braccharense Primo (d): *Placuit*, ut conservato Metropolitanis primatu, cæteri Episcoporum secundum suæ ordinationis tempus alius alii deferat locum. Strictè verò non quilibet Archiepiscopus appellandus est primas, ut ab Hadriano I. decretum est (e).

(II) *Limana in Peruvium*. Sunt etiam apud Haroldum (f) qui & Limanum Archiepiscopum appellant primatem. Et P. Josephus-Paulus Arriaga (g) eandem adhibet nomenclaturam. Quodsi primatia hæc intelligatur de jure totius Americæ Archiepiscopis imminente, fundamento etiam caret; si de jure in provincias Americæ Meridionalis, minus abest à vero; abest tamen, neque enim sufficiens fundamentum est, quod jus Limani Concilii obtineat in Provinciis Plateni & Sancta-fidensi, quibus cum Limana tota Meridionalis America Hispaniensis continetur. Vide infra anno 1588. 26. Oct.

(III) *Hisp-*(a) Calle, *Notic. Eccl. de las Ind.* fol. 1.(b) *Mem. de Trev. Ann.* 1733. art. 10.(c) Charlev. *Hist. de S. Dom.* l. 7. p. 477.

(d) C. Bracch. I. apud Hard. l. 3. Conc. col. 351.

(e) Hadr. I. apud eund. t. eod. col. 2063.

(f) Harold. *Lima lim.*(g) Arriaga, *Extirp. de la Idol. del Peru*,

cap. 19.

(III) *Hispalensis Ecclesiæ*. P. Charlevoix nuper laudatus scribit alibi (a) usque ad annum 1605. omnes Ecclesias Indiarum occidentalium obnoxias fuisse Metropolitano Hispalensi. Sed est error typographiæ, vel chronologiæ; nam jus primatiale nunquam fuit, & metropoliticum esse cessavit hoc anno.

## ORDINATIO LXXIV.

Anno 1546.

**A**D hoc tempus refert Herrera (b), nomine Regis Catholici petittum esse breve, quod an impetratum & expeditum sit ignoro, ut quilibet sacerdos vel religiosus (1) absque peccato & absque periculo irregularitatis quæcumque delicta in Indorum vexamen commissa manifestare posset: protestans, ne ex tali testimonio procederetur ad effusionem sanguinis, aut membrorum mutilationem. Quod si breve perpetuo valiturum negaretur, concederetur saltem quandiu ad Indorum conversionem & instructionem esset necessarium.

Petittum etiam esse, refert ibidem Herrera, breve ut Episcopi Indiarum à visitandis (II) liminibus Apostolorum deobligarentur, tam præsentes, quam futuri: & concessum esse suadet praxis, nisi hæc fundata sit in necessitate vel impossibilitate, quam facit distantia, propter quam nulus quem sciam, ex America Episcopus Italiam unquam cogitavit, nec Apostolorum limina visitaturus, nec quod pluris est Concilio Generali, quod jam erat apertum hoc tempore interfuturus.

Simile certe breve concessum est deinceps Indiæ orientalis prælato nescio cui per litteras, quarum fragmentum est: *Postremo* eidem Episcopo ad quindecim annos à die receptionis præsentium litterarum computandos, ut limina Apostolorum visitare, ac Concilio Provinciali Archiepiscopi Goani, illius tamen arbitrio interesse minime teneatur: ita tamen ut quoad visitationem liminum ejusmodi vices suas procuratoribus qui à Regularibus Romam mittuntur, committere; & ad Concilium Provinciale aliquem Theologum mittere debeat, apostolica auctoritate tenore præsentium concedimus & indulgemus. Similis concessio quoad visitanda Apostolorum limina fit subinde iis qui ad episcopale munus assumuntur: estque una bullarum quæ pro singulis expediti solent. Est etiam ordinatio generalis ejusdem argumenti facta à Sixto V., quam vide suo loco, anno 1585. 20. Dec., & 1763. 18. Jul.

## ADNOTATIONES.

(1) *Sacerdos vel religiosus*. An, quando, & quomodo possit quis præciso privilegio irrogatas Indis injurias manifestare, quin irregularitatem incurrat denunciando, accusando, aut testificando, colligi potest ex ob-

viis

---

(a) Charlev. *Hist. del Parag.* lib. 6. p. 220. Ed. in 4. (b) Herr. *D. 8. l. 1. cap. 8.*

viis moralistarum & canonistarum doctrinis. P. Sanchez (a) docet, clericos posse, imo teneri denuntiare crimina, quæ sunt in grave rei publicæ, vel alicujus privati damnum, etiamsi probabiliter credatur, denuntiatum fore damnum, dummodo protestationem promittant se nolle mortem vel mutilationem sequi, sed damna vitare; quia hæc est obligatio juris naturalis, à qua nullus per jus positivum (quo prohibetur clericus immiscere se in causa sanguinis), nec per statûs dignitatem potest excusari.

Et ad argumentum quod sibi fecerat ex detrimento incurrendi irregularitatem, etiam præmissa protestatione, dum causa non propria sed aliena vertitur, respondet, talem clericum non incurere irregularitatem, nam quanvis Jus dicat in causa propria, extenditur jure naturali facultas ad causas proximorum, in quibus agitur de vitando illorum damno. Citatisque hujus doctrinæ patronis Cajetano, Navarro, Navarra, Armilla, Soto, & Covarrubia, advertit hoc intelligi, quando aliter quam per denuntiationem illi malo obviari nequit. Si enim ad arcendum periculum satis sit præparationem detegere, tacitâ personâ, non potest clericus personam manifestare, licet eam Judex extorquere velit; cessat enim tunc ratio obligans ad detegendum.

Etiam protestatione non præmissa putat hanc doctrinam probabilissimam P. Castropalao (b), qui postquam ex probabili sententia causam propriam reputaverat causam famulorum, domesticorum, & subditorum, addit: *Quodsi* accusatio vel denuntiatio instituitur ad præcavendum reipublicæ damnum vel alterius privatæ personæ, quod alia via averti nequit, probabilissimum censeo te ab irregularitate excusari nulla protestatione facta, quia eo casu non te immisces liberè causæ sanguinis, sed lege charitatis coactus. Credibile autem non est, ecclesiam afficere velle irregularitate actionem jure naturali debitam, esset enim impedimentum apponere operibus charitatis & pietatis. Pro quo citat plures præter nominatos.

Quodsi aliquando contingat, ut reipublicæ vel privati alicujus damna charitas avertere non possit, nisi testificando in judicio, id etiam eadem ratione licebit clericis & religiosis absque periculo irregularitatis. Quia scilicet non est credibile, Ecclesiam velle impedimentum apponere charitati. Et hujc sententiæ favet Diana cum aliis, quos citat, ex quorum mente ait (c): *Probabile* est, non fieri irregularem qui in favorem alterius, & maxime reipublicæ accusat, testificatur, patrocinatur in causa sanguinis cum *protestatione*. Quam doctrinam ex sententia pariter aliorum rursus alibi firmat (d).

Ex dictis inferes nulla religione teneri sacerdotes & religiosos mala Indis præsertim iis qui illorum curæ commissi sunt, celare, cum ad avertenda opus est manifestato; tum quia plerumque puniendi non sunt san-

(a) *Sanch. lib. 6. Consil. cap. 2. n. 2. dub. 10.* | P. 4. tr. 2. *Resol.* 32. (d) *Diana Resol.*  
 (b) *Castrop. tom. 6. tr. 29. p. 14. n. 8. disp. 6.* | 29. tom. 9. *tract. cod. Ex P. II. tract. 3.*  
 (c) *Diana coord. tom. 5. tr. 5. R. 87. Ex.* | *Miscell. Resol.* 6.

guine; tum quia sunt mala reipublicæ pernicioſa, ut Jure Indico paſſim declaratur, nominatim leg. fin. tit. 10. lib. 6. ibi: *Por ſer* contra Dios y contra mi, y en total ruina y deſtruccion de eſſos reinos, cuios naturales eſtímo, y quiero que ſean tratados como vaſallos, que tanto ſirven à la monarquia, y tanto la han engran decido è *ilustrado*.

Poſiori titulo poſſunt ſine ſcrupulo religioſi & ſacerdotes vexatos Indos dirigere & inſtruere, ut ipſi per ſe vel per protectores, qui à Rege conſtituti ſunt, cauſam dicant pro ſe, & pro ſuis populis, ac rebus. Id quod à Carolo V. per litteras 7. Jul. 1550. apud Torquemada tranſcriptas mandatum eſt Franciſcanis (a), & reſpondere Regiis Miniſtris pro officio inquirentibus in delicta, juxta leg. 4. t. 10. l. 6. Recop. Ind.: vel dum non inquiritur à Rege remedium poſtulare; quod etiam religioſis demandatum eſt à Rege per litteras apud eundem Torquemada, ubi dicitur: *Si vieredas*, que en la execucion y cumplimiento (de las ordenanzas hechas para el buen tratamiento de los Indios) hai negligencia, avifarnos heis con toda brevedad.

(ii) *A viſtandis liminibus*. Viſitando ſaltem per procuratorem ſatiſſit, ut vide infra C. Sixti V. data 20. Dec. 1585. De S. Thauribio Archiepiſcopo Limano dicitur in proceſſu ad canonizationem factò Limæ (b): *Que tambien uſo de la facultad*, que le Dio Sixto V. de viſitar por procuradores los umbrales de los BB. Apoſtoles S. Pedro y S. Pablo, embiando para eſto, y teniendo en Roma varios procuradores. V aunque por la Sede Apoſtolica eſta concedido, que los Arzobispos de Lima viſiten los umbrales cada diez años, con todo eſſo lo hacian ſus procuradores mas à menudo. Sed facultas de qua hîc, non eſt particulariter conceſſa Archiepiſcopis Limanis, ſed eſt communis Prælatiſ Americanis, ut vide in citat. Conſt. Sixtina.

## O R D I N A T I O LXXV.

Anno 1546.

**E**Rigitur in Epiſcopalem Eccleſia Paraguajenſis in Provincia Limana. Illius vero erectionem & ſervitium in ordinem reduxit Ill. Barrios, ut refert Raphael de Velasco, vel qui hoc nomine latet in Nova Argentina M. S. tom. 1. Tabula 4.

## O R D I N A T I O LXXVI.

Anno 1547.

**E**Rigitur in eadem provincia, futurus deinceps in Santaſidenſi, Epiſcopatus de Popayan. Meminit P. Emm. Rodriguez in Compend. Hiſt.

OR.

(a) Torquem. lib. 17. Mon. Ind. c. 19. (b) Proc. Lim. Canoniz. S. Torib. f. 930.

## ORDINATIO LXXVII.

Anno 1548. 13. Jul.

Fit episcopalis Ecclesia Compostellana in Nova Gallæcia sub Archiepiscopo Mexicano. Inde Guadalaxaram translata est Sedes anno 1560. ut habet D. Gonzalvus de Paz, vel 1570., ut habet Herrera in Descriptione Indiar. Occid.

## ORDINATIO LXXVIII.

Anno 1549. 18. Oct.

UT possent missionarii de Societate Jesu (I) in terris infidelium libere commorari, & cum eisdem (II) conversari, de licentia tamen Præpositi Generalis, & ab ipsis tunc, & quando per ipsas illos transire contingeret, necessaria vitæ deposcere & recipere. Ut Præpositus Generalis cum aliquos ex fratribus seu sociis in Saracenorum, Paganorum, aliorumque infidelium terras remotissimas, à quibus non potest adiri Sedes Apostolica, mitteret, posset eis facultatem concedere, ut christianos ibi commorantes, confessione peccatorum suorum audita, & pœnitentia salutari injuncta, eos & eorum quemlibet ab omnibus & singulis eorum peccatis, etiam in Bulla Cœnæ reservatis (III), & à consequentibus censuris & pœnis absolvere, & cum iis qui ab infidelitate convertuntur tantum, & in locis remotissimis, qui prius in gradibus non licitis, tamen lege divina non prohibitis (IV) matrimonia contraxerant, ut in eisdem manere possent, dispensare: ac in locis prædictis remotissimis quæcumque (V), ecclesias, hospitalia, & alia pia loca, ut expediens foret erigere, ac erecta reformare, sine alicujus præjudicio (VI); & vestes sacerdotales, pallas, corporalia, calices, altaria, cœmeteria (si episcopus catholicus qui ea faceret, ibi non adesset) benedicere (VII), & profanatas ecclesias reconciliare possent. Et quæcumque statuta & ordinationes desuper necessaria facere (VIII), illaque postquam facta essent, mutare, alterare, ac illis addere. Ac Præposito provinciali in illis longinquis partibus residente decedente, interim dum alius per Præpositum Generalem mitteretur, loco Præpositi decedentis alium eligere libere & licite valerent. Et quia in numerosis populis illarum regionum tanta est sacerdotum raritas, ut unus plurimum populorum curam suscipere debeat, ut bis eadem die diversis locis celebrare valerent. Extat concessio in Const. *Licet debitum*, cujus est pars, in Bullar. Soc.

## ADNOTATIONES.

(I) Hæc Pauli Tertii cum reliquis tum suis, tum successorum usque ad primam inclusive Pauli Quinti incipientem *Quantum religio* in Editione Instituti Prægensis contentis usui permessa fuit ex Senatûs Indici consulto per regiam schedulam Philippi Tertii datam in Sancti Laurentii 5. Sept.

5. Sept. 1620., quæ in authentica forma servabatur in archivio Collegii Neo-Cordubensis in Tucumania. Nam licet ibi non expresse nominetur, ut expresse nominantur cum suis datis, reliquæ, Constitutio secunda Sixti V., quæ incipit *Romanum decet*, hæc potius est præcedentium confirmatio, quam nova concessio. Permissus est verò illarum omnium usus, *En quanto no fuere contra el Real Patronato, leies, cédulas, y ordenanzas hechas para la buena governacion de las Indias*, ut in cit. Scheda Philippi Tertii cavetur. In ea dum exprimitur præsens Pauli constitutio, est quædam levis numeri mutatio, anni videlicet 1548. pro 1549., quo data est; non enim data est anno quem habet scheda 1548. 18. Octobris ulla constitutio ad quam prædictus numerus referri possit. Et quæ Pio IV. tribuantur ex annis 1568. & 1571. Pii V. successoris sunt.

(H) *Conversari*. Non est dubium quin hoc privilegium posset habere locum & usum respectu infidelium qui hæretici, judæi, aut saraceni sint: imò etiam respectu paganorum: quo nomine *christiani scriptores* vocant idolorum cultores qui nunquam fidem catholicam agnoverunt, ut habet Glossa marginalis in cap. *Quam sit, De Judeis*. Ratio est, quia respectu omnium ejusmodi infidelium sunt in cit. cap. & tit. *De Judeis* prohibitiones ecclesiasticæ, à quibus per privilegia quis eximatur. Verum respectu barbarorum, è quibus multi sunt in Indiarum regionibus nec baptizati, nec hæretici, nec judæi, nec saraceni, nec idolorum cultores, dubitaverit quis, an hæc concessio esset ex usu; nam præter communionem seu communicationem in actu pravo, illius approbativam, ac periculo subversionis obnoxiam quæ lege naturali & divina damnatur, & nullius privilegii materia esse potest, non apparet jus quo cum hominibus id genus communionem aquæ vel ignis interdiciamur: & consequenter non apparet necessitas præsentis privilegii ad conversandum cum ejusmodi barbaris. Quidquid de hoc sit, illud non est dubium, si conversatio ad eos convertendos, reducendos, vel cicurandos proximè vel remotè ordinetur, omni jure esse licitam & laudabilem.

Quoad communicationem in sacrificio, seu coassistentiâ, P. Castropalao, Conink, Cardinalis de Lugo volunt, infideles universim arceari, etiam purè gentiles, ab intereſſentia ad offertorium & deinceps. Fundamentum ipsis authoribus est 1. C. *Episcopus 67, De Conſacr. D. 1.* Illud tamen sic habet: *Episcopus* nullum prohibeat ingredi ecclesiam, & audire verbum Dei, sive gentilem, sive hæreticum, sive judæum usque ad missam catechumenorum. In quibus non præcipitur ut quis arceatur post missam catechumenorum, sed ne quis antea arceatur.

2. Autoritas Dionisii cap. 7. *De Eccl. Hierarch.*, ubi citatur à D. Thoma, & à P. Suarez. Sed eo loco nihil invenio quod præsentis argumenti sit. Cap. verò 3. §. 6. inquit: *Qui horum sacramentorum penitus ignari sunt, illi ne imagines quidem cernunt, quod nimirum salutarem divinæ generationis disciplinam imprudenter repudiant; eloquiisque sacris exitiose profus obstrepunt: Vias tuas scire nolo.* In quibus si per penitus ignaros etiam gentiles significantur, intelligendum de gentilibus qui per imprudentiam repudiant Ecclesiæ disciplinam, intelligendum de iis qui

exitiose obstreperant divinis mysteriis. Et hoc est certum quod repellendi sint, ne obstreperant; sicut ii qui subsannandi causa, aut irridendi convenirent. Sed de his non est dubium.

Paulo inferius inquit Dionisius, quod *Catechumenos*, energumenos, eosque qui poenitentia ducuntur, sacrosanctæ hierarchiæ mos patitur audire psalmodiam, divinamque sacrarum scripturarum recitationem; verum ad ea quæ mox sequuntur sacrificia spectaculaque nequaquam hos convocat, sed perfectos perfectorum oculos. Ubi nemo ex terminis à sacrificio arectur, sed aliqui non convocantur.

Inferius inquit: *Sacrorum* celebratio etiam poenitentes..... repellit, nonnisi sanctissimo quoque *admisso*. Cujus disciplinæ severitas antiquata esse videtur; non enim credo modò esse qui non permittat energumenos, nisi obstaculo sint. Sed hac ratione non solum à sacrificio, sed à missa etiam catechumenorum eos oportet arceri. Neque modò esse credo qui non tolerat poenitentes, imo & peccatores, nisi excommunicati & denunciati sint, aut qui de repellendis hominibus id genus sit sollicitus.

Fundamentum 3. desumunt ex constitutionibus apostolicis, seu clementinis (a), ubi diacono indicitur, ut exitum denuntiet illuminandis, catechumenis, infidelibus, & hæreticis. Sed non præcipitur ibi, ut quis exeat, sed diacono ut exitum denuntiet, obediendumque dum clamet. Jam tamen non clamat, ut olim, exacta catechumenorum missa, sed post communionem: neque tunc fit imperando, sed permittendo. Quæ ritus mutatione palam fit Ecclesiæ piæ matris conniventia.

Fundamentum 4. indigitat Conink Ecclesiæ praxim, quæ allata testimonio, quamvis ex terminis essent dubia, interpretatur, dum inter ostiarii munera ponit infideles arcere. Sed ostiarii munus est tunc arcere, quando à diacono, prælato, vel lege injungatur: quo deficiente cessat munus. In Indiis certè contraria praxis quoad barbaros invaluit, frequenter enim audimus & legimus de missionariis & expugnatoribus primis, coram fecisse missam celebrari; & quod assistentes barbari cum adorantibus adorabant, & plerumque ex hac admissione ad sacrificium baptismi reportabant votum. Id apud Mexicanos, Yucatanos, & Caribes factum esse cum laude, & optimo ad propagandam fidem successu celebratur: nec scio quemquam id reprehendisse.

Etiam Castropalao & Conink qui admittendos negant, excipiunt nisi specialis fructus speretur. Sed quia communiter speratur fructus, credo, inquit Card. de Lugo, Ecclesiæ ministros sæpè connivere. Adde tu, conniventiam istiusmodi honestabiliorem esse respectu Indorum, qui quo mente sunt magis inopes, sensibilibus potius moventur: ideo sacra ceremoniarum majestas aptior est ad fidem eos afficere, & ad fidei professionem.

Nihilominus praxis Indos infideles atcendi à sacrificio non caret exemplo. Arcebat P. Antonius Ruiz de Montoya S. J. qui Guaraniarum in Paraguaría Apostolus audit. Et arceri jussit Chacoenses Ill. Illana  
Tu-

(a) CC. *Apost. l. 1. c. 1. & 2.*

Tucumaniz Episcopus, cujus Ediſti verba sunt: *Nos D. Manuel Abad de Illana*.... Haviendo visitado personalmente las Reducciones..... Solo tenemos por preciso hacer dos advertencias... La segunda es sacada no solo de la doctrina de la Iglesia, sino tambien de los dichos y hechos de aquel apostolico Jesuita el P. Antonio Ruiz de Montoya, que en la *Conquista Espiritual del Paraguay* escribe lo siguiente: En amaneciendo visitabamos los enfermos: despues se decia missa y sermon, cantado, ò rezado el evangelio. Sacabamos de la Iglesia los Infieles, lo que ellos sentian mucho envidiando à los christianos la dicha le quedar. De aqui nacia la diligencia de aprender presto la doctrina para *bautizarse*. Esto mismo consideramos celebrando en una de dichas reducciones, y teniendo por cosa de mucha importancia, se lo diximos entonces à los Padres, y a hora se lo repetimos para su gobierno, dando à cada uno de dichos Padres afectuosas gracias.... Asi lo proveio y mandó S. S. I. en esta ciudad de Salta. 10 de Dic. 1765.

Et in dictamine seu resolutione P. Didaci Altamirano, de qua supra Ord. 58. Adnot. 1., Guaraniorum timor exponitur ne baptizatos se esse negantes interdicantur sacris, & missæ assistere prohibeantur. De Japonibus quidem memoria proditum est, facilius admitti ad sacra, etiam idololatrias, sed erat facultas specialis à Summis Pontificibus concessa, ut habet P. Bartoli (a) *Celebraronsi* l' ufficio funerale ( di D. Gracia Reina di Tango ) e la messa presente il Re, e una tanta comitiva.... che passavano mille tutti idolatri. E di poterli ammettere ne avevano con certe ragionevoli condizioni espressa facoltà del Sommo Pontefice.

De hæreticis per Germaniam ait Gobat (b): *Non damno peccati hæreticos, qui dum tractant de conversione, ad quam propendent, ingrediuntur templa ut observent ceremonias sacras. Unde nec peccat suadens. Est in Germania communissimum, ut nondum catholici intersint sacris, præsertim paulo ante professionem. Nec dubito quin multi etiam prudentes & docti riderent aut indignarentur, si quis vellet illis movere scrupulum.*

Aliqui cum Tabiena apud Castropalao volunt, prohibitionem communicationis cum judæis & saracenis, quæ specialis est, ad omnes infideles extendi. Sed temerè, prohibitiones quippè odiosæ extendendæ non sunt ab uno ad aliud, maxime quando in judæis & saracenis specialis est ratio, ut notavit Glossa in *Can. 10. XXVIII. q. 1. ibi Pagani* citius trahuntur ad fidem quam *Judæi*. Quam promptissime ad fidem currere Indos, dixit supra Paulus Tertius. Et Glossa marginalis ante *can. 1. D. ead.* habet: *Judæi* facilius fallunt animas quam *pagani*. Quod etiam notandum est de Saracenis, de quibus illi textus loquuntur, & de hæreticis, quorum aversio à fide & pertinacia major est quam in gentibus, præsertim Indis, quorum plures multum habent de infidelitate negativa.

P. San-

(a) Bartoli, *Storia del Giap. lib. 2. pag. 314. circa annum 1600.* (b) Gobat, *Experi-*  
*tr. 5 num. 396.*



P. Sanchez apud Card. de Lugo docet communicationem cum infidelibus nunquam esse peccatum læthale, nisi quando adest periculum subversionis, aut nimium deprimitur dignitas christiani nominis. Sed neque veniale erit, si non solum hoc periculum absit, sed spes excommunicatione infidelium conversionis affulgeat, quæ te ad communicandum moveat. Et Benedictus XIV. (a) etiam à peccato veniali censet immunem communicationem cum hæreticis non denunciatis in civilibus, quatenus ait: *Quamvis juxta præsentem disciplinam inductam à Martino V. in Extrav. Ad evitanda*, liceat catholicis cum hæreticis, modò non sint expressè & nominatim denunciati, liberè conversari, & cum eisdem communicare in rebus merè profanis & civilibus. Quod potiori titulo licere dicendum est respectu paganorum & barbarorum, ad quos excommunicationes & censuræ non extenduntur.

(IH) In Bulla Cænæ. Declaravit Clemens VIII. in Const. *Dominici gregis* data 14. Jul. 1604., per annuam Bullæ Cænæ promulgationem non censi revocatum simile privilegium Carmelitis Discalceatis concessum ad absolvendum in partibus infidelium à casibus in ea reservatis. Cumque hæc Clementis voluntas non sit novum privilegium sed mera declaratio, revocatione aut derogatione per sequentes facta promulgationes non comprehenditur.

Facultas verò à casibus absolvendi in Bulla Cænæ reservatis non extenditur ad hæresim, nisi exprimatur, *eo quod crimen hæresis præ cæteris gravissimum speciali nota dignum sit*, ut declaravit Alexander VII., & refert J. B. Pittoni (b). Quam Alexandri declarationem cum aliis intimavit Inquisitio Limana in suæ jurisdictionis districtu, in quo hæc scribebantur, per edictum occasione jubilæi datum 9. Octobris 1751.

Ad Societatem Jesu quod attinet, jam diu Congregatio Generalis V. Decr. 21. solemniter renuntiaverat omni privilegio, quod habere posset absolvendi hæreticos in ditione Hispanæ Inquisitionis. Quæ renuntiatio etiam habetur notificata in compendio Communi, & confirmata erat pontificio decreto. Eadem facultas absolvendi à reservatis in Bulla Cænæ concedi solet per decennia Episcopis, per vicennia Indiarum missionariis, de quibus infra anno 1725. 22. Febr., & 1729. 12. Dec.

(IV) *Lege divina non prohibitis*. Dubium est, an in gradibus lege divina non prohibitis comprehendatur primus consanguinitatis lineæ transversæ; ita ut frater & soror in infidelitate conjugati separandi sint dum convertuntur, & privandi hujus privilegii favore.

### §. I.

*Supponuntur aliqua.*

Suppono 1., in Vetere Testamento ( Lev. 18. ) esse lege divina vetitum contrahere matrimonium parentibus cum filiis, filiis cum uxore patris

(a) B. XIV. lib. 6. De Syn. D. c. 5. n. 2. (b) Pitt. CG. ad Confes. 23. Mai. 1656.

patris, fratribus cum sorore sive ex patre sive ex matre solum, sive ex utroque; avis cum nepotè, sobrino cum amita vel cum uxore patruï, socero cum nuru, fratri cum uxore fratris, marito cum filia uxoris vel nepte. De lege tamen vetere nihil obligat modo, nisi quod simul est de lege naturali & ad mores pertinet. Et quod non omnes contractus matrimoniales in lege vetere prohibiti ita etiam modò prohibiti sint, ut nulla dispensatione sint honestabiles, usu ecclesiæ constat, quæ aliquando dispensavit, ut frater uxorem duceret fratris, nempe demortui. In lege nova nihil est de divina lege, ut à civili & ecclesiastica differt, nisi quod Christus Dominus Deus-Homo præcepit: in quo nihil extat, unde matrimonium contractum à fratre & sorore infidelibus debeat post baptismum dissolvi. Restat ergo dubium an sit vetitum lege divina naturali.

Suppono 2., ex iis, quæ lege naturali prohibentur, aliqua etiam irritari. Quanam verò sint hæc difficilè explicatur. P. Martinon (a) inquit, tunc irritari hac lege aliquem actum, quando ex natura rei ad illum deficit potestas vel potestatis usus. Unde donatio rei alienæ & prohibita, & irrita, & ex natura rei nulla est, quia deficit in donante potestas moralis donandi, nempe dominium. Venditio fraudulenta pariter est prohibita & nulla, quia licet non desit in contrahentibus potestas, deficit voluntas quæ est potestatis ad usum applicatio. Similiter irritatur & prohibetur matrimonium secundum vivente conjugem primo, quia per illum res jam aliena traderetur: & matrimonium cum errore substantiali, quia deficeret voluntas, seu voluntarii ratio. P. Suarez (b) irritari etiam docet actum, quando indecentia, propter quam lege naturali prohibetur, durat in jam factò. Sed displicet aliis, nam indecentia propter quam voto castitatis obligatus lege naturali prohibetur à contrahendo matrimonio, eadem videtur perseverare in jam contracto, quin contractus sit à natura irritus.

Suppono 3., quod aliqua jure naturæ prohibentur fundamentaliter, alia etiam formaliter; vel ut inquit P. Sanchez (c), alia primariò, alia secundariò. Formaliter prohibentur quæ omni casu redduntur illicita: fundamentaliter aut radicaliter quæ tunc solum quando ratione aliqua non cohonestantur. Aliter: ea formaliter aut primario prohibentur, quæ absque prohibitione alia vel requisito sunt jure naturali illicita; fundamentaliter quæ per jus aliquod positivum prohibentur ob causam aliquam vel indecentiam ex natura rei desumptam, quæ tamen ob concursum rationis alterius vel causæ cohonestari possunt vel permitti. Ex. gr. Matrimonium inter consanguineos in quinto gradu lege naturali seu ratione desumpta ex natura rei, scilicet ex unitate morali consanguineorum, sive ex unionem sanguinis, prohibetur fundamentaliter, nam ea ratione quæ modò etiam permanet, fuit olim prohibitum jure positivo. Sed modò à natura sic prohibetur, ut non sit simpliciter illicitum.

Di-

(a) Martinon, D. 25. De Leg. f. 2. n. 22. (b) Suar. lib. 2. De Leg. cap. 22. n. 5.

(c) Sanch. lib. 7. de Matrim. D. 52. n. 7.

Dices: ergo modò non est licitum matrimonium in quinto gradu; nisi dum adsit in oppositum ratio qua cohonestetur. Concedo consequentiam; sed hæc ratio non debet esse peculiaris contrahentium, sed ea communis sufficit, quæ movit Ecclesiam, ut quintum gradum à prohibitione secluderet. Aliud exemplum sit matrimonium patruum cum sobrina seu nepte filia fratris, quod juxta D. Ambrosium Epist. 66. ad Paternum, ut refert Sanchez loc. cit., est jure naturæ prohibitum, ita tamen ut aliqua ratione possit honestari, permitti, & dispensari, ut recens dispensatum est, ab Ecclesia ut contraheretur à Seren. Principe Portugaliæ D. Petro.

Suppono 4., matrimonium fratris cum sorore esse fundamentaliter saltem vetitum naturæ lege, sicut juxta D. Ambrosium matrimonium patruum cum sobrina, eoque strictius quo major est sanguinis conjunctio. An verò sit etiam formaliter prohibitum & irritum, ita ut quacumque ratione interveniente separandum sit, dubium est in quo multi negant, plures affirmant, quos vide apud Authores passim, nominatim apud Sanchez, loc. cit., apud Dianam (a), & Avendaño (b), qui sententiæ negativæ majorem, ut opinor, probabilitatem vindicat à censura Ill. Araujo (c).

Ill. Villarroel Chilensis Episcopus ait (d): *Si se convirtiesse à la fe un pagano segun sus leyes casado con hermana, se lo havia de permitir la Iglesia*. Pro quo citat Abulensem, qui eam sententiam succinctè probat (e). Thomas Sanchez, quamvis ex sententia quam probabiliorē putat, judicet esse separandum, ex negativæ probabilitate subdit, sanum esse consilium, ut in eo matrimonio relinquuntur ægrefeferentes separationem. Ut sic facilius & suavius adducantur ad Fidem. Ex rationibus & fundamentis utrinque collatis vide tu, utra sententia probabilior sit.

## §. II.

### *Sententiæ negativæ probationes.*

**P**ROBATUR autoritate D. Thomæ (f) dicentis. *In commixtione* conjugarum personarum aliquid est quod est secundum se indecens & repugnans naturali rationi, sicut quod commixtio fiat inter parentes & filios, quorum est per se & immediata cognatio. . . Aliæ verò personæ, quæ non conjunguntur secundum se ipsas, sed per ordinem ad parentes non habent ex se ipsis indecentiam, sed variatur secundum hoc decencia vel indecentia secundum consuetudinem, vel legem humanam vel divinam. Id ipsum confirmat dum ait (g): *De lege naturali est quod pater*

(a) Diana *Cord.* tom. 3. tr. 1. R. 84. Ex P. 8. tr. 1. R. 70.

(b) *Avend. Tit. 12. Thes. Ind. n. 379.*  
Et P. 1. *Authar. Sect. 4.*

(c) Araujo, D. 11. *De Stat. civ. q. 2.*

(d) Villarr. *Gob. Eccl. tom. 2. q. 16. art. 2. n. 34.*

(e) Abulens. *Quæst. 176. in 1. Reg. 8.*

(f) D. *Tb. 2. 2. q. 154. art. 9. ad 3.*

(g) D. *Tb. in 4. d. 40. q. un. art. 3. C.*

ter & mater à matrimonio repellantur . . . Secundum leges humanas & statuta Ecclesiæ plures consanguinitatis gradus à matrimonio sunt *separati*.

Doctor Seraphicus (a): *In lege*, inquit, naturæ duæ personæ excipiebantur, scilicet pater & mater . . . Processu temporis in lege fuerunt proles *exceptæ*. Nec te moveat quod in conclusione ibidem inquit, lege naturæ dirimere cognationem in primo gradu; nam loquitur secundum morem aliquorum, de quibus Magister Sententiarum in littera ibi: *Alii patrem in primo gradu, filios in secundo ponunt*. Igitur naturæ lex tantum irritat matrimonium proles, & tantum prohibet, cum patre vel matre.

Accedit primo, quod in mundi exordio fratres sorores ducebant, nec de dispensatione, vel dispensationis necessitate satis constat. Et alienum videtur à divina providentia, ut notavit loc. cit. Abulensis, sic rerum naturam disponere, ut statim à principio esset necessaria dispensatio, & statuti ordinis vulneratio, cum posset plura hominum paria creare.

Accedit secundo autoritas Concilii Aurelianensis III. anni 1538. (b): *His qui denuò ad baptismum veniunt . . . ita pro novitate conversionis ac fidei suæ credimus consulendum, ut contracta hucusque conjugia non solvantur; sed in futurum, quod de incestis conjunctionibus in anterioribus canonibus statutum est observetur*. Ubi respectus fit ad can. 61. Concilii Agathensis anni 506. sic habentem: *Incestis conjunctionibus nihil prorsus veniæ reservamus, nisi cum adulterium separatione sanaverint*. Incestos verò nullo conjugii nomine deputandos, quos etiam designare funestum est, hos esse censemus: Si quis relictam fratris, quæ penè prius soror extiterat, carnali conjunctione violaverit; si quis frater germanam uxorem accipiat; si quis novercam duxerit; si quis consobrinæ se sociaverit, aut qui ex propria consanguinitate aliquam, aut quam consanguineus habuit, concubitu polluerit, aut duxerit uxorem. Quod ita in præsentì tempore prohibemus, ut ea quæ sunt hætenus instituta, non dissolvamus. Sanè quibus conjunctio illicita interdicitur, habebunt ineundi melioris conjugii *libertatem*. Quibus conformia sunt decreta Concilii Epaonensis anni 517., & referuntur *Can. De incestis* 35. q. 2. & 3.

Accedit 3. ius Hispanicum (c) sine distinctione graduum edicens: *Si algunos seiendo moros ò judios casando segun su lei seiendo parientes ò cuñados è despues de esto se tornassen christianos, non deber desfecho el casamiento por esta razon, maguer que sean parientes ò cuñados fasta el quarto grado*. Esto otorgo Santa Eglefia por honrà & acrecentamiento *de la fè*. Accedit tandem, quod nulla ratione probabilitatis terminos excedente persuadetur oppositum. Quæ ratio etsi negativa sua vi constat, dum agitur de inducenda obligatione, gravamine, & initi contractus irritatione.

### §. III.

(a) D. Bonav. in 4. d. 40. art. 1. q. 3. (b) G. Aurelian. Can. 10. (c) Partit. 4. tit. 6. leg. 6.

## §. III.

*Objectiones.*

Objicies 1. ex P. Sanchez Cap. *Gaudemus, De divortis*, ubi Innocentius Tertius decernit separandos non esse fideles qui baptizantur, si contraxerint in secundo, & in ulterioribus consanguinitatis gradibus. Et Cap. *Litteras, De rest. spol.* dicitur, Papam non posse dispensare in gradibus divina lege prohibitis Lev. 18. Hoc verò supponit, eam legem obligare modò, non quà divinam positivam, sed quà naturalem. Et Zacharias C. *Pitacium* 30. q. 3. probat, non licere modò cognatam spiritualem ducere ex eo quod à Deo prohibitum sit cognatam ducere carnalem. Quod si hæc prohibitio cessavit quatenus divina, nullum est argumentum Zachariæ. D. Gregorius *Can. Quædam lex*. 35. q. 3. inquit: *Experimento* didicimus ex tali conjugio (inter fratres & sorores) prolem non posse succrescere.

Objicies 2., quod S. Thomas & Bonaventura (a) docent infideles conjunctos in gradibus Lev. 18. prohibitis esse separandos. Objic. 3., quod Aristoteles (b) solo ductus naturæ lumine turpissimam putat conjunctionem parentum cum filiis, vel horum inter se. Et D. Augustinus (c) ait, solum in mundi exordio licuisse ex necessitate. Et Tertullianus quarundam nationum morem impugnat (d) hoc permittentem, ut legi naturæ repugnantem. Objicies 4., quod Abraham ad occultandam uxorem Saram, obtexuit esse sororem, connotans hæc etiam apud barbaros esse incompatibilia. 5. Quod si licet matrimonium inter fratrem & sororem, finis secundarius a natura præfixus matrimonio scilicet concupiscentiæ lenimentum, frustraretur; nam potius inflammaretur, cum notum sit facilius reprimi concupiscentiam quando impossibile censetur matrimonium. 6. Quod conjugium inter fratres pugnat cum reverentia & pudore consanguineis lege naturæ debit. 7. Quod nunquam in hoc impedimento & gradu dispensavit Ecclesia.

Objicies 8., quod Lev. 18., ubi hoc matrimonium prohibetur, significatur fuisse abominabile in universis gentibus. Ergo non tantum lege divina tunc ad Judæos data, sed naturali, quæ sola fuit universalis. 9. Quia ratio ob quam ibi prohibetur, est turpitudine & indecentia, quæ contra naturam est. 10. Quod præceptum illud non est cæremoniale, ut patet, neque judiciale, quod ad pacem populi ordinatur, & ut sua cuius salva sint. Est ergo morale, & consequenter obligans in lege nova. Quæ videtur esse S. Augustini sententia reducentis (e) præcepta id genus ad decalogum.

Objicies 11. ex Card. de Lugo: minor est conjunctio forerum cum muro, quam fratris cum sorore. Sed illa est tanta, ut matrimonium red-

(a) Bonav. in 4. d. 30. art. 2. q. 4. C. Et D. lib. 12. contra Faust. cap. 35. (d) Tertul. Tb. ibid q. un. a. 3. ad 3. (b) Aristot. 2. Pol. 2. cap. 9. Apolog. (c) Aug. 99. in Lev. l. 1. (e) Aug. lib. 15. de Civ. Dei cap. 12. Et q. 53., alias 65.

reddat vel irritum à natura, vel tam indecens, ut dispensari ad contrahendum non expediat, ut viri doctissimi occurrente casu judicarunt. Ergo.... 12. Quod ut refert P. Acoſta (a), Concilium Limanum declaravit ex ſententia Pauli IV. irrita matrimonia ab Indis ante baptiſmum contracta cum conſanguineis. 13. Quodſi tale matrimonium eſſet à natura validum, neque poſſet conſilium dari ut diſſolveretur, neque ſeparatio fieri, etiamſi uterque vellet conjux. 14. Quod aliàs liceret etiam patri ducere filiam. 15. Quod Can. 15. Concilii Arvernensis declaratur, hujusmodi conjunctiones eſſe contra legem divinam & naturalem.

## §. IV.

*Solutiones.*

Ad 1. Object. reſp., Pontificem definiviſſe quod erat certum in ſe quamvis interroganti dubium: reliqua diſputationi tacendo permiſit. Imo ex eo quod ſeparationem in primo gradu conjugatorum non imperavit, dum rogabatur, nec expreſſit, inferre licet quod comprehendere noluit in decreto, nam ſi voluiſſet, expreſſiſſet, ex cap. *Ad audientiam*, de *Decimis*, & ex cap. *Inter. 2. De Transl. Ep.* Similiter decrevit Pontifex cap. *De infidelibus*, *De Conſanguin.*, non eſſe ſeparandos contrahentes juxta inſtituta veteris legis, quin propterea intelligatur decreta ſeparatio contrahentium contra eam legem.

Replicat Ill. Araujo apud cit. Avendaño Pontificis ſilentium cap. *Gaudemus* eſſe prohibitionis naturalis declarationem quoad primum gradum, quia juxta Regulam Juris interrogatus de duobus, & unum affirmans atque alterum tacens, quod tacet, negare videtur. Sed reſpondet Avendaño, Pontificem non fuiſſe interrogatum de duobus, ſeu de primo gradu, & de reliquis poſt primum, ſed de iis tantum, nam interrogatio fuit: *Utrum* pagani uxores accipientes in ſecundo, tertio, vel ulteriore gradu ſibi conjunctas, ſic conjuncti debeant poſt converſionem ſuam inſimul remanere vel adinvicem ſeparari.

Textus in cap. *Litteras*, quidquid Gloſſa velit, poteſt intelligi de divina lege naturali, prout à poſitiva diſtinguitur. Nec dicas hoſce gradus, ſi primum excipias tranſverſæ lineæ, non eſſe plures. Plures enim ſunt numero diſtincti: plures etiam ſunt gradus patris ad filiam, & filii ad matrem, in quibus aliqua differentia pluſquam numerica ſolet agnoſci, ut minor ſit indecentia, patrem cum filia, quam cum matre filium contrahere. Diſtingui etiam poteſt conſanguinitas cum illegitimè natis, quæ etiam dirimit naturæ lege divina. Gloſſatoris ſententiam, cujus eſt Levitici citationis additum, non curo Concilio Tridentino contradicente (b): *Si quis* dixerit.... nec poſſe Eccleſiam in nonnullis (gradibus, qui in Levitico exprimuntur) diſpensare; *- anathema ſit*. Zacharias Papa recte

(a) Acoſta, *De Nat. N. O.*, & *de Proc. Ind. ſal. lib. 6. c. 22.* (b) *Trid. ſeſſ. 24. can. 3.*

recte adhibuit exemplum prohibitionis in Levitico factæ, quatinus jam expirasset, respiciens tempus quo vigeat, & inde petens paritatem & normam prohibitionis ecclesiasticæ.

Divi Gregorii experimentum esse oportuit de aliquibus christianis, quos Deus punire voluit ob contemptum legis ecclesiasticæ. Non enim ait, sobolem tempore romanæ legis succrescere non potuisse, sed non posse; quod ad tempus ipsius Gregorii referri debet. Certe præter Romanos, Assyrios, Parthos, Medos, & Indos Asiaticos, teste Hieronymo (a); Nomades teste Chrysostomo; Mexicanos & Peruanos teste Avendaño loc. cit.; Scotos, & Hibernos apud Reding (b), constat contrahere solitos ejusmodi matrimonia, vel illis incestuosiora, utpotè parentum cum filiis. De Atheniensibus hæc habet Cornelius Nepos: *Neque enim Cimoni fuit turpe Atheniensium summo viro sororem germanam habere in matrimonio, quippe cum cives ejus eodem uterentur instituto; at id quidem nostris moribus nefas habetur* (c). Constat etiam Guaranos in Paraguaría contrahere solitos cum sororibus, ut habet Casnadi (d).

Et inter Peruanos de Inguis scribit Herrera (e): *Era lei entre estos poderosos reies, que el Inga tuviesse por muger à su hermana, porque caso que fuesse adultera, no faltasse la sangre real por ninguna via*. De Mexicanis scribit Torquemada (f): *Padre con hija..... Hermano con hermana*. Todos estos grados eran ilícitos y dirimian el *matrimonio*. Quod non opponitur testimonio P. Avendaño, de quo nuper, juxta quod Mexicanorum mos erat incestuosè contrahere, erant enim intra Imperii fines gentes plures moribus dispares, nominatim ea, quæ regionem post ea de Vera-pace nuncupatam incolebat, de qua idem Torquemada loquitur: *Los de Vera paz era fuerza que casassen hermanos con hermanas*. Nec tamen in tot gentibus incestuosus non succrescebat soboles.

Mitto quod D. Gregorius eodem modo loquitur de conjugatis in primo & in secundo gradu, quem etiam expressè nominat ibi. *Quodam* lex... permittit ut sive frater & soror, sive duorum germanorum filius & filia, &c.; cum omnium sententia conslet, secundum gradum esse tantum juris ecclesiastici, dispensabilis ab Ecclesia, & in quo experientia est sobolem succrescere. Mitto etiam quod Gregorius loquitur de conjugio jam fidelium, ut patet ex tenore interrogationis ad ipsum factæ. Nempe quæsierat Augustinus Angliæ Episcopus & Apostolus apud Joannem Diaconum in *Vita Gregorii* (g), unde lex illa ecclesiastica deducta est: *Ufque ad quotam generationem fideles debeant copulari*. Ad quod dispensativè respondit: *Neceffe est ut in tertiâ, vel quarta... nam in secunda omnino se debent abstinere*.

Ad 2. Object. In locis citatis nihil simile habent D. Thomas & Bonaventura: & quæ vera sit eorum mens, constat ex probationibus.

Ad

(a) Hieron. apud Sanchez l. 7. d. 52.

(b) Reding. Tr. de Matrim.

(c) C. Nepos Præf. in Vitis Excell. Imper.

(d) Casnadi tom. 2. D. 22. num. 226.

(e) Herr. D. 5. l. 4. c. 1.

(f) Torquem. lib. 13. Monarch. cap. 7.

(g) Joannes Diacon. lib. 2. cap. 37.

Ad 3. In conjugio fratrum aliqua est indecentia naturalis, similis etsi inæqualis illi, quæ in conjugio & commixtione consobrinorum est; donec tamen de prohibitione constet, honestabilis est per rationem, per se tamen non inducit prohibitionem legis naturæ, multoque minus nullitatem contractus, licet fundamentum & causa sit sufficiens, ut prohibitio legis positivæ indicatur à potente, ut innuebat D. Thomas in probatione laudatus. Et sicut in exordio mundi ob necessitatem propagandi genus humanum, ita in fine sæculorum ob necessitatem vel causam propagandæ facilius religionis & fidei cohonestari potest.

Sic in conjugio consanguineorum in tertio & quarto gradu aliqua est naturalis indecentia, scilicet revelatio turpitudinis, ut Scriptura loquitur, sanguine junctorum: propter quam indecentiam merito fidelibus interdicitur. Sed per eas rationes honestari potest, propter quas Indis specialiter concessum est, & passim cum non-Indis dispensatur, ut in illis gradibus licitè contrahant. Unde patet ad objectas auctoritates: nam barbarorum est sine causa, sine necessitate, sine ratione & modo, consanguineis immisceri.

Ad 4. Non fuisse Abrahami tempore, hoc est, ante legem scriptam incompatible esse uxorem & sororem, patet ex eod. Genes. cap. V. 12.: *Verè soror mea est, filia patris mei, & non filia matris meæ, & duxi eam in uxorem.* Unde deceptio Abimelec, & Pharaonis cap. 12. non ex naturali incompatibilitate, sed quia regulariter illa duo non conveniunt, nec sine causa convenire debent, ortum habuit.

Ad 5.: finis matrimonii secundarius sit lenimentum, non impeditivum, sed satiativum concupiscentiæ: ad quod non conducit matrimonii impossibilitas cogitata. Sed quamvis conducet, conducentia hæc est respectus valde extrinsecus, ut ex eo dicatur conjugium aliquod legi naturali repugnans. Ad 6. Pugna illa seu repugnantia honestabilis est per rationem seu dispensationem, ut omnes dicere tenentur in matrimonio consobrinorum, in quo verecundi honoris debitum ejusdem generis est cum debito fratrum, quamvis non ejusdem gradus.

Ad 7. Quod Ecclesia nondum dispensaverit, non probat dispensare non posse, ut bene tradit Card. de Lugo (a). Ratio non dispensandi esse potest, quam Augustinus docet per hæc verba (b): *Factum* licitum propter vicinitatem horret *illiciti*. Quod explicat D. Thomas (c), quia si inter eos quos in eadem domo habitare oportet, licitè carnalis copula esse posset, magnum incentivum libidini præstaretur. Et ideo lex divina (Veteris Testamenti) non solum patrem & matrem exclusit à matrimonio, sed etiam alias conjunctas personas. Alia ratio esse potest, quam pulcrè prosequitur Augustinus, ut reipublicæ christianæ membra seu familiæ pluribus inter se nectantur consanguinitatis & affinitatis vinculis: quod minus succederet si eadem esset & mater & socrus. Et retorquetur

obje-

(a) C. de Lugo. Resp. Mor. (b) Aug. l. 15. De Civ. Dei cap. 16. (c) D. Th. in 4. d. 40. qu. un. art. 1.



objectio contra P. Sanchez ejus authorem: Ecclesia nondum dispensavit ut socer ducat nurum. Sed hoc non probat potestatis defectum. Ergo... Majorem admittit P. Sanchez (a), & Minorem, dum pro causa perpetuò negatæ dispensationis assignat magnam talis conjugii indecentiam, quando non præponderat alia ratio. Quod etiam in nostro casu locum habere potest.

Ad 8. Tale conjugium abominabile est apud gentes, tum occasionaliter juxta nuper dicta ex D. Thoma, tum etiam dum nulla ratione contrahitur, vel dum contrahitur contra prohibitionem aut consuetudinem, si quam habent in suis gentiles legibus. Universalitas in Sacris litteris sæpè accipitur respectivè ad gentes Judæis circumvicinas, eas præsertim quibus cum populo Dei res erat, ut expositoribus notum est, & patet Luc. 2. 1., ubi orbis universitas simili restrictione intelligenda est. Ad 9. Constat ex dictis.

Ad 10. Præceptum erat judiciale ad pacem & unionem populi faciens, & nuper agebat Augustinus. Præcepta verò ejusmodi commodè referuntur, quandiu vigent, ad Decalogum, sicut præcepta ceremonialia reduci possunt ad tertium, vel etiam ad primum Decalogi.

Ad 11. De majore dubitare quis posset propter auctoritatem Augustini (b): *Si vir & uxor*, sicut Dominus dicit, non jam duo, sed una caro est, non aliter nurus est deputanda quam *filia*. Hoc autem potest intelligi quoad effectum dirimendi matrimonium, quandiu vixerit uxor soceri, aut maritus nurus. De cætero nexus affinitatis, qualis est hic, minor est quam consanguinitatis. Et de infidelibus sunt plures Americani; quibus nulla de nexu affinitatis habetur ratio, ut de Abiponibus in Paraquaria testatur P. Josephus Brignel antiquus illorum missionarius.

Unde concessa maj. nego min. quoad 1. p. Quoad 2. concedo, non expedire, ut dispensetur propter rationes videndas apud Card. de Lugo ibid. Sed nihil obstat ut negativè dispensetur cum infidelibus, qui baptizantur, seu permitti, ut in eo matrimonio prius inito perseverent, dum est incommoda, difficilis, & neophitis ægre ferenda separatio.

De positiva dispensatione inter fideles fuit per Hispaniam fama, Benedictum XIII. aliquando dispensasse. De qua fama testis est Episcopus pro tempore Paraquariensis litteris datis 15. Sept. 1763. ubi inquit: *En quanto à los escandalos major escandalo es sollicitar tales dispensas... y pudieramos con esto dispensar entre hermanos emancebados en la opinion de ser dispensable este grado, como lo practicó Benedicto XIII. segun se refirió en España.* Quo loquendi modo de rumoris veritate per Hispaniam vulgati parum fidere videtur Prælatus hic: neque ego fido magis.

Ad 12. In multis venit rectificandus Cardinalis de Lugo objectionis author. Verba P. Acoftæ sunt: *Quapropter* in Concilio Provinciali ex sen-

(a) *Sancti. lib. 2. De Matrim. d. 66. n. 9.* (b) *Aug. lib. 22. contra Faustum, tit. 4. Can. 15. 35. q. 2. C. 3.*

sententia Pauli IV. Pontificis omnia isthæc matrimonia (cum sorore, noverca, matre, filia, nepte, aut avia) infidelium cum christiani sunt, irrita fieri decretum est. Ubi nota I., Paulum IV. non dici declarasse irrita, sed irrita fieri decrevisse, aut ex ejus sententia decretum esse: quod potius supponit, ante decretum fuisse rata. Saltem dat locum, ut aliqua ante decretum & sententiam rata fuisse dicantur, vel an fuerint ex aliquo antecedente jure examinetur.

2. Acoſtam citare ad marginem Const. 38. Concilii Provincialis. Unde Concilium, de quo loquitur, nequit esse Tertium Limanum, quod est Primum Sancti Thuriibii à Sede Apostolica approbatum, cui Acoſta ipse consultor interfuit, quod ipse digessit & latinitate donavit, quod Romam portavit approbandum, quodque redux in Hispaniam originale reliquit. in Collegio Regali Salmaticensi Soc. Jesu. Hoc inquam nequit esse Concilium, de quo loquitur Acoſta: distinguitur enim in Actiones & capita, non in Constitutiones, quarum 38. citatur ab Acoſta. Præterquam quod opus *De Procuranda Indorum salute*, ubi hæc habentur, scripsit ante hujus Concilii celebrationem. Nec videtur Concilium fuisse Secundum, quod in sessiones & capita dividitur, sic enim citatur in Tertio. Fuit ergo Primum. At hoc, quamvis Conciliis Provincialibus Limæ primo loco annumeretur, caret autoritate, ut declaratum est in Tertio, ubi dicitur (a): *Quæcumque in Prima Limensi Congregatione anni 1552 acta decretaque sunt, quia in his & legitima autoritas desideratur, & pleraque melius postea disposita sunt, nullam de cætero sive in tota provincia, sive in hac diœcesi obligandi vim habeant. Celebratum est porro quale-quale Concilium hoc tribus ante annis quam Paulus IV. sederet Pontifex; nec potuit quidquam ex illius in eo sententiâ definiri.*

3. In Concilio Limensi II. cap. 38. (pro quo omiſſa sessione posita est forte Const. 38., capite in Constitutionem levi errore mutato) nihil habetur de sententia Pauli IV., sed dicitur: *Que el que siendo infiel estaba casado con su propia madrastra, ò con hermana, ò con alguna en linea recta de parentesco, primero sea apartado que reciba el bautismo, pues por lei natural estan reprobados tales casamientos.*

Dices, hæc esse verba non Concilii, sed Summarii, in quo potuit omitti Pauli IV. asserta declaratio. Respondeo de hac declaratione solum constare, mihi saltem ex Acoſtæ testimonio, de quo jam dictum, cum Secundi Concilii exemplar integrum neque Romæ à Card. de Lugo, neque in Regni Peruani regione, in qua hæc scribebantur, à quærentibus haberi potuerit. Sed & timeo, ne de Concilio Limensi II. ante celebrato quam Acoſtam videret America, sit ejus testimonium infirmum, maxime cum declaratio comprehendere dicatur, non solum matrimonium inter fratres, sed inter affines, ut sunt noverca & privignus. Episcopus quidem Chilensis Villarroel supra cit. qui limano jure tenebatur, pontificiam declarationem ab Acoſta memoratam non noverat. Nec Quitenſis

(a) C. Lim. Act. 2. cap. 3.

tensis ejusdem provinciae praesul Montenegro (a), neque alius quem sciam.

Benedictus XIV. (b) nihilo magis talem apostolicam declarationem novisse videtur, dum ait: *In Synodo Limana decretum est, ut Indi Peruviani qui matrimonium contraxere cum noverca vel nuru, non admittantur ad baptismum, nisi prius conjugium praefatum veluti jure naturae irritum solvant, uti refert Acoſta De Procur. Indor. salute lib. 16. cap. 21. Synodus hæc certum ponit, affinitatem, quæ ex matrimonio causatur, jure naturali dirimere matrimonium in primo gradu lineæ rectæ. Id autem certum non est, cum probatissimi authores doceant, nullam affinitatem, ne eam quidem quæ est in primo gradu lineæ rectæ, dirimere matrimonium jure naturæ, sed jure ecclesiastico tantum: & consequenter super eo impedimento gravissimis urgentibus causis, posse à Summo Pontifice dispensari.*

Ubi nota 1., quod à Paulo IV. declaratum esse testatur Acoſta, carere fundamento; neque enim Pontifex Benedictus haberet pro incerto quod à Sede Apostolica esset declaratum in materia juris naturalis. 2. Incertitudinem à Benedicto attributam limano decreto afficere etiam indispensabilitatem conjugii inter fratres, quantum est ex limana definitione, nam hæc definitio, quæ incertum ponere dicitur, eadem est qua conjugium inter fratres dicitur esse contra naturale jus.

In Concilio Mexicano anni 1585. In quo Limense II. magni habitum est, ut patet ex iteratis ejus allegationibus, idem ferè decretum est (c), quin de pontificia declaratione ulla fiat mentio, quam certè non omisisset, cum ibi citetur *cap. fin. de Divoritiis* minus ad rem faciens. Verba Concilii Mexicani sunt: *Nefaria inter fratres & sorores matrimonia omnì jure prohibentur. Quare præcipitur, ut infideles hujus provinciae, qui tempore infidelitatis in hoc gradu erant conjuncti matrimonio, cum primùm baptismum receperint, separentur, matrimoniumque ejusmodi nullum & irritum decernatur.* Quod decretum, quatenus præceptivum est, non obligat extra provinciam juxta dicenda infra anno 1589. 27. Octobris, Ord. 158. & 159.

Dices iterum: Saltem obligat in reliquis Americæ provinciis Concilium Limense II., cujus sunt similia decreta. Respondeo, obligare quidem juxta decretum Concilii Limensis Tertii dicentis (d): *Quæ verò per Concilium Provinciale (11) constituta sunt, cum omni veneratione suscipiantur, dummodo Concilium ipsum canonicum sit, & canonica statuta contineat, præterquam si quid rerum ac temporis ratione exigente ab hac synodo aliter dispositum revocatumve sit.* Dispositum verò aliter fuit & confirmatum quod in prima parte cap. cit. 38. habetur, & quod effertur per modum consilii sine formula præceptiva. Dum tamen supprimitur quod in 2. p. cap. habetur de reprobatione juris naturalis, tacite

(a) *Monten. lib. 3. tr. 9. sect. 12.* (b) *B. XIV. Lib. 7. De Synodo D. cap. 39. pag. mibi 419.* (c) *C. Mexic. lib. 4. tit. 2. §. 5.* (d) *C. Lim. Ad. 2. cap. 1.*

tè significatur id minus esse verum, vel non tam verum ut pro canone synodali accipiendum sit; vel statuendum, quamvis etiam possit intelligi, ut dictum esto de Concilii Mexicanensis declaratione, conjugium fratrum esse jure naturali reprobatur reprobatione consequente, vel etiam fundamentali explicata supposit. 3. §. 1. Verba concilii Limensis Tertii sunt (a): *Conjugia inter fratres, cum ad baptismi gratiam pervenerint, rata non habeantur, sed quicumque ita reperti fuerint, separentur*. In quibus nulla præcepti, aut impositi obligationis, nulla prætensæ declarationis pontificiæ mentio, nihil de matrimonio cum affinibus, sed meri consilii nota, observandi quidem indicta separatione, dum hæc non sit incommoda fidei candidatis.

Ad 3. object. negatur assumptum, nam matrimonium ante baptismum, cum sacramentum non sit, sed merus justitiæ contractus cum mutuo contrahentium onere & obligatione, licet hac ratione sit sine causa indissolubile, non habet tamen omnimodam indissolubilitatem, nam pro dominio excellentiæ dissolvi potest cum causa, sicut alii contractus onerosi. Sic Princeps tenetur stare pacto cum vassalli inito, quod tamen cum causa rescindere potest pro dominio excellentiæ, facta quidem compensatione si contractus sit illius capax, vel non facta si sit incapax. Sic bona vassallorum propria sunt jure naturali inaufertibilia; cum causa tamen justè possunt à Principe retineri, dum è re publica sit.

Neque hoc tantum admittitur quando infidelium conjugum alter ad fidem convertitur, altero in infidelitate remanente, sed etiam quando uterque convertitur juxta sententiam Navarri, & P. Sanchez (b). Vide infra anno 1571. 2. Aug., & 1585. 25. Jan. privilegia, quibus supponitur & asseritur contractus matrimonialis infidelium dissolubilitas. Et cap. *Quanto, de Divor.* dicitur: *Et si matrimonium verum inter infideles existat, non tamen est ratum*. Et causam dat Glossa ibi: *Quia potest dissolvi*. Si ergo matrimonium infidelium est absolute dissolubile, potest cum causa præcipi, & consuli ut dissolvatur. Sed potest etiam cum causa manuteneri, & ut manuteneatur, dari consilium.

Ad 14. Est clara disparitas à D. Thoma tradita (c): *De lege naturali est, quod pater & mater à matrimonio repellantur, quia inordinatum est, quod filia patri per matrimonium adjungatur in sociam, quam oportet patri per omnia esse subiectam*. Quæ ratio apud aliquos tantopere valet, ut putent quamlibet consanguinitatem in linea recta matrimonium dirimere jure naturali, ita ut Adam resurgens nulli posset in mundo matrimonio conjungi; quamvis alii sentiant tantum eo jure dirimere in primo gradu, eo quod avus respectu neptis tantum habeat majoritatem per accidens. Et huic sententiæ tanquam probabiliori adhæret Sanchez (d).

Ad 15. Concilium Arvernense loquitur, non de conjugio, sed de copula

(a) Lim. MS. 2. cap. 8. (b) Sanchez. l. 2. De Matrim. d. 17. n. 2. (c) D. Tb. in 4. d. 40. q. un. arr. 3. C. (d) Sanchez. lib. 7. d. 51. n. 29.

copula per vim illata, ut patet ex tenore (a): *Si quis* relictam fratris... carnalis conjugii crediderit consortio violandam, & ausu sacrilego auctoritatem divinæ legis, ac jura naturæ perruperit, & cui charitatis & pii affectus solatia exhibere debuerat, suorum hostis ac pudicitie expugnator vim inferre tentaverit, apostolicæ auctoritatis sententia *feriatur*. Loquitur etiam ad fideles, qui à tali conjugio prohibentur jure divino & naturali; sed prohibitionem positivam ecclesiasticam consequente juxta supra dicta.

Tandem nota, inter Pignatelli J. C. consultationes ac decisiones (b) extare illam: *Jure naturali* prohibetur primus gradus *consanguinitatis*. Hæc tamen decisio caret nota altioris scribe auctoritatis: de qua dum non constat, probabilitatis sphaeram non transcendit decisio.

(v.) *Ecclesias erigere*. Supra Ord. 22. Adnot. 3. dictum est, quatenus usus hujusmodi concessionum limitatus sit jure indico hispano. Per aliud privilegium Carthusianis in Cisterciensibus concessum possunt superiores ordinum communicantium in grangiis & locis, in quibus non sunt capellæ vel ecclesiæ, aliquas capellas seu oratoria constituere, in quibus missæ & alia divina officia celebrari possint absque alicujus præjudicio, nullius licentia requisita, ex bullis Urbani V. & Alexandri VI. citatis in Compendio Communi Privil. Soc. V. *Oratorium*. Neque privilegiis ejusmodi derogatum esse per Concilium Tridentinum (c), ubi dicitur, *Ne Episcopi* patiantur in privatis domibus celebrari, putat cum aliis Quarti (d). Sed & post Concilium Tridentinum concessum erat a Gregorio XIII. in Const. *Decet*. 3. Maji 1575.; ut in oratoriis & capellis, quæ Societatis Provinciales per se in domibus, & collegiis, aliisque locis, ubi aliqui de Societate residerent, approbassent, & ad divinum cultum deputassent, missæ & alia divina officia, alterius licentia minime requisita, celebrari possent. De visitatione verò ejusmodi capellarum, vide infra anno 1737. 31. Januar.

(vi) *Sine alterius præjudicio*. Sixtus IV. declaravit, per alterius præjudicium significari præjudicium parochiæ, & per hoc non aliud nisi exemptionem decimarum & primitiarum, ut refert Joannes de la Cruz apud P. Forti (e).

(vii) *Benedicere*. Quandoquidem hæc concessio facta erat pro locis ubi Episcopi non sint, esse poterat tantum ex usu extra limites Episcopatum, vel intra, dum diu vacaret sedes. Neque ad ejusmodi concessionum usum sufficit quævis absentia physica vel personalis. Sic dum requiritur defectus parochorum, ut Regulares Indici munus obeant parochiale ex Constitutione Pii V., nemo sanæ mentis putat sufficere absentiam localem, aut quemlibet parochi defectum, sed omnes requirunt, ne sit parochia; vel ut sit destituta sacerdote parcho, vel qui pro parcho ex Episcopi commissione parochiam administret. Hinc tempore quo Insulæ Philippinæ Episcopis erant destitu-

(a) C. Arvexa, apud Hard. t. 2. Concil. col. 1182. (b) Pignat. apud Abbrev. Pasquici, De Dispensatione pag. 138.

(c) Trid. sess. 22. Decr. De cel. Miss.

(d) Quarti, Rubr. P. 3. tit. 10. num. 1. sect. 2.

(e) Forti, Art. 21. De Jud. Conserv. n. 400. pag. 140. Ref. 22.

tæ, rectè censuit Joannes de Paz Dominicanus (a), potuisse Provinciales calices, aras, reliquamque suppellectilem sacram benedicere & consecrare. Idemque docet Murillo (b). In Peruvio tamen toto, & in Nova Hispania (idem. dic. de aliis regionibus, in quibus Episcopi sunt), certissimum est, inquit Paz post Villaroel (c), ejusmodi privilegia jam expirasse, defectu scilicet conditionis requisitæ, ut Episcopi non sint.

Num verò existat aliunde absoluta concessio, videndum est. Et quidem Urbanus IV. 17. Sept. 1263. per bullam concessit Abbati de Monte Virginis Ordinis S. Benedicti facultatem benedicendi calices & omnia alia ornamenta sacra, ut refert Pittoni (d) sub eo die & anno. Priori Generali S. Salvatoris Congregationis potestas sacrandi & benedicendi corporalia, vestes & ea, quæ sacris usibus sunt necessaria, concessa est 2. Apr. 1512. Item 3. Febr. 1514. concessa est à Leone X. Generalibus, Provincialibus, & Fratribus Minoritis, ut paramenta, & ornamenta, & alia quæcumque ad divinum cultum & proprium usum necessaria benedicere possent, cum limitatione tamen ad ea in quibus unctio non intervenit. Clemens VII. 22. 1534. Abbati Montis de Becco Ordinis S. Benedicti concessit, ut corporalia, calices, & alia ornamenta in monasterio, prioratibus, ecclesiis, & locis ab eodem monasterio dependentibus necessaria benediceret. Hæc ante Concilium Tridentinum.

Pius V. 5. Jan. 1567. Præpositis Congregationis de Somasca concessit, ut corporalia, paramenta, & omnia alia per Episcopos benedici solita pro usu ejusdem Congregationis benedicere possent, exceptis iis, in quibus unctio adhibetur. Et cum eadem exceptione Gregorius XIII. 7. Oct. 1575. concessit Generalibus, Provincialibus, Ministris Ordinis SS. Trinitatis licentiam benedicendi quæcumque ornamenta & vasa ecclesiastica. Et Paulus V. concessit 8. Febr. 1605., ut Fratres ejusdem Ordinis pro usu locorum & ministrorum existentium in partibus infidelium benedicant paramenta & ornamenta ecclesiastica, eo tempore dumtaxat quo apud eosdem infideles commorabuntur, nisi ibi quisquam alius reperitur, qui ex officio illa benedicere valeat.

Sed benè advertitur in Compendio Communi Privil. Soc. (e), videndum esse quatenus obstant decreta posteriora S. C. Rituum, quibus prædictæ facultates imminutæ sunt. Nam 24. Aug. 1609. ea Congregatio declaravit (f), quod Abbates, & alii Prælati Regulares non possunt benedicere paramenta pro usu ecclesiarum sibi non subiectarum. Et 18. Aug. 1626. idem est declaratum abrogata contraria consuetudine, nisi super hoc obrineatur à Sede Apostolica privilegium, tunc enim etiam calices, & aras, & campanas possunt benedicere, & alia consecrare in quibus sacra intervenit unctio. Hujusmodi autem privilegia non censentur communicata superioribus aliarum Religionum, ubi non militat eadem ratio, ut ex Diana notare placuit Pittonio.

Anno

(a) Paz, Consult. Class. 2. cas. 1.

(b) Murillo Curs. Can. l. 3. n. 385.

(c) Villarr. Geb. Ecol. P. 11. q. 6. a. 11. n. 4.

(d) Pitt. CC. ad Regul.

(e) Compend. Ed. 1705. V. Benedicere.

(f) Apud cit. Pittoni eo die &amp; anno.

Anno 1632. 13. Mart. prodit declaratio, quod Abbates, Priores, & Guardiani, & alii Prælati Regulares etiam Soc. Jesu, habentes privilegia benedicendi vestes sacras, & cœmeteria, & similia, dicto privilegio uti non possunt, nisi in rebus, in quibus sacra unctio non adhibetur, & pro servitio duntaxat ecclesiarum suorum monasteriorum. Cujus declarationis meminit etiam (a) Barbosa, estque una de relatis in citato Compendii loco. Præterea 27. Sept. 1659. in Decreto Generali apud Card. Petram (b) statuit eadem Congregatio, quod *reliqua* pontificalia.. etiam de licentia ordinariorum exercere non valeant Abbates Episcopo inferiores, putà campanarum benedictiones, calicum, & similium, in quibus sacra adhibetur *unctio*.

Tandem eadem Congregatio 22. Sept. 1703. respondit: Abbatis Fuldenfis Vicario Generali non potuit, nec potest delegari, tam benedictio paramentorum, quam consecratio campanarum, & aliarum rerum in quibus unctio sancti chrismatis intervenit, & benedictiones aut consecrationes hætenus à dicto Vicario Generali factæ reiterandæ sunt, quatenus hoc potest fieri sine scandalo, præterquam quoad vasa sacra jam adhibita, ut refert laudatus Card. Petra (c).

Et quod non aliud jus obtineat in Indiis, ubi Episcopi sunt, suadent pontificiæ decisiones in judicio contradictorio factæ, tum in causa angelopolitana, tum in alia Sanctæ Fidei de Bogota, de quibus infra anno 1622., & 1648., quibus iteratò decretum est, non posse à regularibus vasa sacra consecrari per sacram unctionem etiam pro ecclesiis propriis, nec ornamenta citra unctionem benedici pro alienis. Quod intelligit Reiffenstuel (d), dum facultas datur absolute ad benedicendum, secus si detur specialiter etiam ad benedicendum pro alienis ecclesiis: quale privilegium concessum esse ait *Prioribus* Ordinis S. Hieronymi, & Vicariis in absentia Prioris, & cuilibet habenti principale regimen cujuscumque monasterii ab Innocentio VIII., ut possint benedicere corporalia, vestimenta, ceteraque ornamenta ecclesiastica ad divinum cultum pertinentia, tam sui monasterii, quam etiam *undecumque sint*. Quod privilegium apud eundem referunt Rodriguez, Miranda, & Pellizzarius, nec videtur incommunicabile, saltem respectu Ordinum, quibus eadem ratio quæ Hieronymitis favet. Et eo fortè nititur illorum praxis, qui pro extraneis benedicere non recusant, de qua testatur Sporer apud Lacroix, & ipse Lacroix (e).

Verius est, benedicere posse regulares ornamenta pro ecclesiis earum reductionum, quæ sunt administratione Ordinum propriæ, quanvis etiam sint de Episcoporum jurisdictione, præsertim si reductiones sint ut sunt plures, appendices conventuum in quibus collegialiter vivitur. In Compendio Privil. Soc. (f) post relata privilegia quædam benedicendi ornamenta-

(a) *Barbos.* Summ. Decis. Ap. V. Abas.

(b) *Petra*, tom. 3. ad C. 6. Urb. IV. n.

23. pag. 330.

(c) *Petra*, t. 3. ad C. 2. Bened. XI. n. 18.

(d) *Reiff.* in tit. De Consecr. Eccl. R. 3.

(e) *Lacroix*, lib. 3. P. 2. n. 353.

(f) *Comp.* V. Benedicere n. 3. Ed. 1757.

menta pro alienis, indicitur Provincialibus, & Superioribus ut abstineant ob repetitas S. Congregationis in particularibus factis decisiones, ob decretum generale de quo supra, & quia facto à Casinensibus recurso, & allegato privilegio, respondit: *Donec exhibeant indultum authenticum ex archivo apostolico desumptum, interim abstineant.*

(VIII) *Quaecumque statuta, & ordinationes facere.* Ex hac concessione, & regio placito Adnot. i. relato, potuit Societas, dum stetit, ordinare & statuere conducentia quævis ad regulandos mores, etiam æconomicos & civiles neophitorum in ecclesiis Indiarum illius operâ fundatis, accedente maxime eorundem neophitorum consensu. Id quod Philippus V. gl. mem. Rex Hispaniæ & Indiarum lata in iudicio contradictorio lege ratum habuit per hæc verba (a): *No es mi real animo se haga novedad en el expressado manejo de bienes, sino antes bien que se continue lo practicado hasta ahora desde la primera reduccion de estos Indios, con cuio consentimiento, y con tanto beneficio de ellos se han manejado los bienes de comunidad, sirviendo solo los curas doctrineros de directores, mediante cuja direccion se embaraza la mala distribucion y mal-versacion que se experimenta en casi todos los pueblos de Indios de uno y otro reino.* Y aunque por cedula de 1661. se mandó, que los Padres no exercitassen el cargo de protectores de los Indios, como quiera que esta providencia resultó de haverles sindicado à los Padres haverse introducido en la jurisdiccion ecclesiastica y secular, y que impedian con el titulo de protectores la cobranza de los tributos, lo que resultó ser incierto, y justificándose lo contrario por tantos medios, y que solo la proteccion y amparo es para dirigirlos y governarlos en quanto conduce à sus conveniencias espirituales y temporales; Hæ tenido por conveniente declararlo assi, y mandar como lo hago, no se altère en cosa alguna el methodo conque se gobiernan los pueblos en este particular. Ut appareat recentis scribellatoris (b) morositas dum missionarios in affectati regni invidiam hoc nomine trahere nititur, quasi homo hominem in bonum dirigere non posset, nisi leges supremorum ritu principum ambitiose ferendo. Et ille, inquit D. Thomas (c), qui gubernat aliquam familiam, potest facere aliqua præcepta vel statuta, non tamen quæ propriè habeant *rationem legis*. At neque præceptis aut statutis propriè talibus res agebatur cum Indis, sed consilio & directione regebantur à missionariis. = Consilio, non jure senes dominantur: ab annis = Una potestatem facit experientia rerum: = Unaque lex est juris amans sua cuique voluntas. = Consiliis hominum parent, hanc vivere vitam, = Qui docuere (d).

OR-

(a) *Cedula Real de 28. de Dec. 1713. Ar-  
tic. 4.*

(b) Bern. 16. *Reino Jes.*

(c) *D. Tb. 12. q. 90. art. 3. ad 3.*

(d) *Vanier, Prædii Russ. lib. 14. Apes  
in fin.*



## ORDINATIO LXXIX.

**P**Aulus Tertius vivæ vocis oraculo concessit iis, qui confessi & sacra communione refecti ecclesiam S. Annæ limensem visitarent, & aliquid per modum eleemosynæ erogarent, jubilæum: & quod absolvi possent ab omnibus peccatis præter ea quæ in Bulla Cœnæ reservantur. Meminit Ill. Montenegro (a). Eodem oraculo conceditur, ut possit pœnitens eligere confessarium, qui die festo S. Annæ & tribus præcedentibus præter dictæ absolutionis beneficium possit illum in omnibus irregularitatibus dispensare, & omnia vota commutare præter ultra marina, castitatis, & religionis. Circa quod inquit loc. cit. Montenegro: *Es grave privilegio en quanto à la dispensacion de las irregularidades, porque en la generalidad con que habla de todas sin restriccion alguna, se comprenden todas, Lex quæ generaliter loquitur, generaliter est intelligenda, ex lege De pretio. 8. ff. De Publician. in rem act.* Pero esta grande potestad es para el fuero de la conciencia, y no para el exterior. En quanto à este indulto se puede dudar si vale hasta estos tiempos. El fundamento de la duda es, que esta fue gracia que hizo el Papa *vivæ vocis oraculo*, y estan ya revocados todos los *vivæ vocis* oraculos por dos Pontifices..... Pero sin embargo tengo por probable que se puede usar deel mientras no se intimare à la parte la revocacion. La razon es, porque no es de menor efficacia el *vivæ vocis* oraculo que el privilegio. Y paraque pierda su fuerza el privilegio, no basta la noticia particular de la revocacion, sino que ha de ser por publicacion ò intimacion judicial hecha à la parte. Hucusque Ill. Montenegro, *cujus ratio hæc ultima minus vera est, præsertim quando privilegium non est collatum ex oneroso contractu, ut vide apud Castropalao (b).* Sed ea doctrina non est opus ut privilegium parochiæ & hospitalis limani sit firmum adhuc, si non alia quam proposita sit dubitandi ratio. Ex dictis enim supra Ord. 68. constat, revocationem vivæ vocis oraculorum non afficere ea, quæ sunt concessa sæcularibus, multo minus ea quæ sæcularium ecclesiis & hospitalibus.

## ORDINATIO LXXX.

Anno 1550.

**U**T S. Ignacius communicare posset jubilæum Anni Sancti per se vel per alios de Societate fidelibus in transmarinis regionibus. Constat ex litteris Sancti propria manu subscriptis extantibus ad venerationem in relicto Tyrociniio Neocordubensi S. J., quibus similes proculdubio datæ sunt ad Xaverium Indiæ Præpositum. Illarum tenor est. = IHS. = Ignacius de Loyola Præpositus Societatis Jesu Generalis. = Dilectis in Christo

(a) Montenegro, lib. 5. *Kiner. Parach. tr. 1. sect. 19.* (b) Castrop. P. 22. *De Privilegiis. IV. & V.*

sto fratribus Magistro Simoni Rodriguez Præposito ejusdem Societatis in Portugalliæ regno & transmarinis regionibus citra Indiam Serenissimo Portugalliæ Regi subiectis, & aliis Præpositis particularibus, vel aliorum curam gerentibus in regno Cōgi & India Brasilia nuncupata, & in Africa ab eodem Simone constitutis, salutem in Domino sempiternam. = Cum hoc anno MDL. de ditissimis Domini Nostri Jesu Christi, & Sponsæ ejus Ecclesiæ, ac Sedis Apostolicæ thesauris quattuor Ecclesias Romæ invisentibus jubilæi gratia, idest, omnium peccatorum plenissima remissio condonetur, cum eos de nostris, ac reliquos christianos, quibus ad hanc almam urbem tot terræ ac maris tractibus disjunctam venire non permittitur, ab ejusmodi gratia non excludi æquum censeremus, SS. D. N. D. Julio P. III., ut illis absentibus quidem corpore, præsentibus tamen animi devotione eandem gratiam impartiri dignaretur, supplicavimus, & obtinuimus: eam tamen proprio motu conditionem adjecit, ut qui de nostra Societate in prædictis regionibus in vinea Domini laborant, cum omni in ea parte Sedis Apostolicæ autoritate gratiam hanc quibus in Domino videretur, & ea imponendo quæ viderentur dispensarent. Nos igitur te (cujus prudentiæ quæ est in Christo Jesu plurimum confidimus) ad aliorum electionem & eos quos elegeris, & aliis in dictis locis (non sine delectu virtutis) præposueris, ad ejusmodi gratiæ ministrationem designamus, & potestatem è Sede Apostolica habere conferendi jubilæum omnibus sub obedientia nostræ Societatis degentibus, & christianis incolis dictarum regionum ad fidem catholicam conversis, seu advenis, seu quocumque modo ibi agentibus, qui verè confessi ea fecerint, quæ vos eis imponetis, declaramus: Et ut non tantum fideles, sed & prudentes tanti thesauri dispensatores ad Dei gloriam, & animarum salutem vos exhibeatis, hortamur. Dat. Romæ in Ædibus Societatis Jesu Nonis Julii 1550. = Ignatius. =

## ORDINATIO LXXXI.

Anno 1551.

**C**oncessit Julius Tertius Guatemalensi Ecclesiæ S. Jacobi omnes gratias, indulgentias, & jubilæos Ecclesiæ S. Jacobi in Compostella. Author est Ægydius Gonzalez Davila apud P. Murillo (a). Quid tamen de hac communicatione usus habeat, pete ab indigenis, audivi enim à viro religioso aliquandiu Guatemalæ commorato, gratiam Anni Sancti Compostellani ibi habere quidem usum, sed periodicis supplicationibus impetrandam per septennia, idest per singulas ferè vices. Et fortè conceditur cum limitationibus, præsertim quia visitandæ ecclesiæ labor & opus minoris ibi est, ubi insueta est peregrinatio.

Anni verò Compostellani gratias, si Guatemalensi Ecclesiæ communes sint, explicatas vide à Castropalao (b), qui moralem theologiam diu

(a) Murillo, lib. 9. Geogr. Hist. (b) Castropal. tom. 4. tr. 24. D. unic. P. 12. §. 2.

diu Compostellæ professus, usum & documenta propè examinare potuit, de quo dicitur illud mirabile, citationes omnes, quas adhibet in Summa, bibisse de fonte. Nempe Alexander Tertius relata in *Const. Regis Aeterni* 7. Kal. Jul. 1170. Calixti Secundi concessione, ut omnes verè pœnitentes & confessi ecclesiam S. Jacobi in Compostella visitantes in anno, in quo festum Sancti Apostoli in Dominica venerit, à vigilia Circumcisionis & per integrum illum annum usque ad diem Circumcisionis & per totum diem in fine illius anni, in diebus in quibus magis placuerit visitare, ut omnes indulgentias etiam plenarias, quas visitantes ecclesias Urbis & extra Urbem Romæ anno Jubilæi consequerentur, cum facultate deputandi confessores, qui ad dictam ecclesiam pro consequenda indulgentia ejusmodi confluentes etiam in casibus Sedi Apostolicæ reservatis absolverent: ac in festo S. Jacobi, Translationis Corporis sui, ac Dedicationis ejusdem Ecclesiæ, Ecclesiam prædictam à primis vespèris ad secundas, & per totum diem devotè visitantibus annuatim, ut plenariam indulgentiam perpetuò duraturam consequerentur: Relata, inquam, hac concessione, ad devotionis augmentum prædicta confirmat in perpetuum.

Post quæ Castropalaus plura resolvit. 1. Jubilæum prodesse non tantum peregrinis, sed incolis Apostolicæ Civitatis. 2. Gratiam constare visitatione unica, quin per quindecim aut triginta dies repetenda sit: præsertim cum repetitio in romano jubilæo requisita post compostellani institutionem præscripta sit. Unde nec in compostellano suspenduntur gratiæ aliis concessæ, ut in romano. 3. Posse fideles repetita visitatione sæpius intra annum absolutionem à reservatis, & indulgentiam consequi. 4. Absolvi posse à reservatis episcopo. 5. Etiam à reservatis in Bulla Cœnæ; non tamen ab hæresi. 6. Non posse vota commutari virtute hujus concessionis.

Alia sunt privilegia, Ecclesiæ Compostellanae propria, & Guatemalensi non communicata, quantum ex præsentè ordinatione, quia non sunt illa à Summo Pontifice derivata, sed à Regibus, vel à pietate regnicolarum; & Pontifex non communicat nisi quod suum est. Nominatim privilegium vel concessio trium mille passuum in giro tumbæ facta æra DCCCLXXIII. (a), tribus aliis milliaribus aucta æra DCCCXCII. Privilegium votorum quo de uno quoque jugo boum singulæ mensuræ ad modum primitiarum ad victum canonicorum in ecclesia D. Jacobi commorantium per Hispaniam persolvuntur. Et privilegium quo in singulis expeditionibus de eo quod ex faracenis acquiritur ad mensuram portionis unius militis D. Jacobo attribuitur (b).

Reservatio voti peregrinationis compostellanae etiam est privilegium factum Ecclesiæ Apostolicæ; sed Guatemalensi non convenit, tum quia est privilegium cum alicujus gravamine, præsertim si tale votum commutans incurrat excommunicationem, de quo vide Sanchez (c). At privilegia cum alicujus gravamine non censentur communicata nisi exprimat. Tum quia

(a) Huerta, *Annal. de Gall.* tom. 2. Ap-  
d. *Esprit.* 22. pag. 412.

(b) *Acta SS. in Vita S. Jac. 25. Jul. s. XI.*

(c) *Sancti lib. 4. Decal. cap. 40. n. 28.*

quia non est in Ecclesia Guatimalensi qualitas subiecti communicati, sive sepulcrum cuius intuitu privilegium speciale conceditur. Tum etiam quia non est privilegium inductum ex concessione Pontificis, sed ex consuetudine universali Ecclesiæ; ut videre est apud cit. Sanchez. Qua ratione opus erat specialiter exprimī, ut in communicatione concessorum comprehenderetur.

## O R D I N A T I O LXXXII.

Anno 1551. 27. Jun.

**F**uit episcopalis in Provincia Limana Ecclesia Platenfis, aliās *de los Charcas*, aliās *de Chuquisaca*, futura Archiepiscopalis ab anno 1609. Refert P. Emmanuel Rodriguez S. J. in Compend. Hist.

## O R D I N A T I O LXXXIII.

Anno 1552. 22. Oct.

**U**T Præpositi S. J. inferiores præsertim in locis Indiarum, & aliis remotis partibus à Præposito Generali, vel Provincialibus deputati quascunque gratias, concessionem, facultates, & indulta eis communicata & concessa, quibuslibet aliis de Societate professis de Præpositi Generalis licentia communicare & concedere possent, concessum fuit à Julio Tertio per Constit. *Sacra Religionis*.

## A D N O T A T I O N E S.

Liquidum est, usum facultatum sine superioris licentia, dum hæc requiritur ut hîc, esse illicitum. An verò sit validus, dubitaverit quis. Negat Card. de Lugo (a). Idem sentit P. Suarez (b) de facultate audiendi confessiones: *Intelligendam* esse cum dependentia subditorum à suis prælatis, non solum quo ad hoc ut propter subordinationem obedientiæ non liceat uti hoc munere contra superioris voluntatem, sed etiam quia substantialis facultas, ut sic dicam, & jurisdictio necessaria per superiorem conferenda sit. Ita generaliter declaratum est a Gregorio XIII. P. Pelizarius (c) non solum putat invalidum usum privilegiorum contra voluntatem superiorum, sed eum etiam qui præter voluntatem sit, quatenus ait, usum privilegiorum non concessorum esse illicitum & invalidum. Et merito, quando quidem communicatio vel licentia superiorum ita requiratur, ut non aliter subditi facultatibus uti possint. Negatio quippe potestatis actum invalidat. P. Castropalao (d) de clausulis *non possit, non potest* ait, aliquando solam inducere actus illicitudinem, non valoris defectum, quia verè dicor non posse facere, quod non possum licite. Regulariter

(a) Lugo, *Resp. Mor.* l. 4. c. 39. n. 10.(c) Pellizz. *tr. 6. Mem. Reg.* c. 1. n. 64.(b) Suar. *tom. 4. De Rel. tr. 30. lib. 9. c. 2. n. 3.*(d) Castrop. *D. 2. De Leg. P.* 17. n. 4.

lariter autem semper censenda sunt hæc verba nullitatem inducere. Imò si materia legis pendet ab eo qui talem apponit conditionem vel clausulam, omnes, inquit, conveniunt, tolli potentiam per illa verba, ac proinde potestatis defectu devenire actum nullum.

## ORDINATIO LXXXIV.

Anno 1553.

**C**ardinalis Poggius, aliàs Bossius autoritate apostolica, quippe Sedis Apostolicæ Nuntius (1), concessit Prædicatoribus, Minoribus, & Augustinianis (II) facultatem absolvendi Ordinis candidatos à censuris (III), si quas incurrissent in bello indico, vel in alio militantes. Refert Loffada (a). Incipit *Ex injuncto*. Ad eundem annum referunt regulares Mexicani apud Fr. Joannem Baptistam privilegium aliud ejusdem Nuntii fortè in eisdem litteris contentum, quod ajunt extare Mexici originale apud Franciscanos, ut nempe iidem religiosi in Nova Hispania (IV); possint suos respectivè Fratres dispensare in irregularitate (V) etiam contracta ex homicidio voluntario, & ut possint vota commutare (VI) quæ ordinarius (VII), ac dispensare & absolvere in omni casu quo potest ordinarius & similia. Item quod possit cum definitorio Provincialis duos aut tres in quolibet conventu designare, quos ipse nominat pœnitentiarios, qui possint ab omnibus peccatis Diocesano reservatis (VIII) absolvere. Forte in eisdem litteris continentur concessionem aliæ ejusdem Legati, quas ad eundem annum refert Emmanuel Rodriguez Minorita (b), ut in India lucrifiat indulgentia plenaria (IX) in diebus S. Dominici, S. Francisci, & S. Augustini, recitando ter *pater* & *ave* in respectivis ecclesiis pro fidei exaltatione, omnes etiam indulgentiæ visitantibus in die 2. Augusti ecclesiam Portiunculæ concessæ (X). Concessit item omnibus hospitalibus in Nova Hispania indulgentias omnes concessas Mexicano, vulgò *del Marques*. Et ministris Indorum semel in vita, & in articulo mortis indulgentiam plenariam, & quoties quis ministrat sacramenta Indis, vel prædicat gratis septem annos & septem quadragenas remissionis. Ad eundem annum refert Ill. Montenegr. (c), quod supra retulit Fr. Joannes Baptista, nulla facta mentione Card. Poggii, sed quasi à Julio Tertio concessum.

## ADNOTATIONES.

(1) *Nuntius*. Solorzanus circa medium sæculi proximè elapsi ajebat (d): *Hasta ahora no se ha permitido que su jurisdiccion (la del Nuncio, que reside en la Corte de Madrid) se estienda, ni exerza en las Indias, como lo dice una cedula dada en Valladolid à 3. de Mayo de 1605., y otra dada en Madrid à 10. de Diciembre de 1607. Verum accedente Senatus*

(a) Loffada, *Chronol. Privil. Ind.*

(b) Rodrig. 99. Reg. 10m. 2. 9. 97. art. 1.

(c) Monten. lib. 5. Itin. Par. tr. 1. f. 11. u. 1.

(d) Solorz. lib. 4. Polit. cap. 23.

natus Indici permissione, litteras Nuntiorum per Indias obtinere, supponi videtur in Jure Indico (a) ubi dicitur: *Que los Arzobispos y obispos hagan que se recojan los breves ... de los Nuncios Apostolicos ... no habiendo pasado por nuestro Consejo de las Indias.* Ill. Villarroel (b) inquit: *Aunque es verdad que los mandatos de los Señores Nuncios no corren en las Indias por especial concordia entre el Summo Pontifice y Su Magestad, recibi su bula (para tomar compañero de la Orden), porque no se executo en las Indias, sino en España.* Et non alia fortè ratione nititur indulgentiarum concessio per Nuntium aliquando facta recitantibus coram sacris iconibus ad Americam advectis ex Hispania.

(II) *Prædicatoribus, Minoritis, & Augustinianis.* Cunctis videlicet ordinibus, qui sedem per id tempus habebant in Nova Hispania, nempe Minorum ingresso 1524. Prædicatorum anno 1526., & S. Augustini 1533., nam reliqui diu post ingressi ut sedem figerent. De ingressis post præteritis concessionis epocham dubitaverit quis, an participant privilegia prioribus concessa. Sed dubium est idem, atque resolvendum mox Adaot. IV., Utrum privilegia Novæ Hispaniæ regularibus concessa faveant Peruanis: nam perinde est extendi à tempore ad tempus atque de loco ad locum.

(III) *A censuris.* Quas incurrat censuras ab irregularitate distinctas, vel incurrere potuerit in bello indico miles, ut opus fuerit autoritate Legati ad absolvendum non capio; nisi fortè excommunicationem ex clerici, vel monachi percussione, de qua docet Castropalaus, quod à quacunque percussione absolvere potest, tam in foro conscientiæ, quam externo, præter Summum Pontificem Legatus à latere juxta *Cap. Ad eminentiam, De Sent. excomm.*, tam eos qui sunt de provincia ad quam destinatur Legatus, quam quosvis alios ad ipsum concurrentes à die quo Curia Romana egreditur usque ad diem quo ipsam regrediens ingreditur, uti ex communi docet Glossa, & Panormitanus in *Cap. Excommunicati, De off. Legati.* Verum Legatus Nuntius qui à latere non est, absolvere potest eos qui sunt de suæ provincie legationis, & dum in ea provincia existit, & non alios.

In bello Peruano, quod paucis ante annis gesserant Hispani contra Hispanos, refert Franciscus Lopez de Gomara ejus temporis author (c), militasse cum Lic. Gasca Episcopos, clericos, & monachos. Quodsi verum est, potuit à militibus, quorum multi deinceps ad Novam Hispaniam transferunt, dictæ Excommunicationis incurri pœna, vel illius timor autoritate Legati sanandus, vel absolutione ejus nomine impenfa. De cætero excommunicatio lata ab Alexandro VI. adversus navigantes in Americam, mercium aut belli causa, sine licentia Regis, quamvis tunc esset in viridi, non erat reservata, & excommunicatio lata à Nicolao V. adversus navigantes per mare lusitanicæ demarcationis, si deinceps fuerit extensa

(a) *Lib. 1. tit. 7. l. 55. Recop. Ind.* (b) *Villarroel, q. 2. art. 5. num. 14.* (c) *Gomara, Hist. de las Ind. c. 185.*

tenſa adverſus navigantes per mare Hiſpanicum , ſatiſfacta parte nec erat reſervata ; non ſatiſfactâ , voluit Pontifex , ut nec apoſtolica authoritate ſolveretur .

(IV) *In Novo Hiſpania* . III. Montenegro (a), poſt quam hoc privilegium retulit verbis totidem , ut à Julio P. III. conceſſum , addit : *La mayor dificultad eſtá en ſaber , ſi eſte privilegio concedido à los religiosos de Nueva Eſpaña ſe comunica tambien à los del Peru y otras partes , paraque en virtud deel puedan los prelados de las religiones , y los que tuvieren ſuſveces , abſolver de irregularidades ; aunque ſean ex homicidio voluntario* . La duda ſe funda en que los privilegios concedidos à un lugar , ò perſonas deel nomas , no ſe comunican , ni paſſan à otras ciudades ni religiosos de ellas , como declaró Leon X. , ſino ſolos los privilegios generales , que ſe conceden à toda la religion . . . . Dificultad eſtá que toco , y reſolvio Miranda . Y deſpues de haver poſto por la parte negativa la declaracion de Leon X. , dice que por la comunicacion de privilegios ſe entienden todos los que ſe han comunicado , no ſolo à la religion en comun , ſino tambien los que ſe han comunicado à qualquier convento *en particular* . Mirandæ reſolutioni ſubſcribit Rodericius (b) ex conceſſione Pii IV. Hieronymitis facta , qua privilegia unius ad omnia Ordinis monaſteria extenduntur . Viderit quiſque quid ſibi communicatum ſit ; alia eſt enim communicatio fundata in conceſſionibus cuique Ordini factis ; alia quæ per extensionem privilegii de loco ad locum , de tempore ad tempus ſit , & ſine ullo fundamento aſſeritur . Vide Ord. 154.

(V) *In irregularitate contracta ex homicidio voluntario* . Refert Vera Cruz in Compendio M. S. (c), quod hac facultate uſi ſunt in Indiis occidentalibus Fratres Ord. Præd. in primo Capitulo Provinciali celebrato Guatimalæ anno 1553. , ſive id factum ſit ex præſenti privilegio , ſive ex alio ſimili à Martino V. conceſſo Benediſtinis Valliſoletanis , ut ſignificare videtur Rodericius loc. cit. , cujus tenor eſt : *Quod Prior monaſterii S. Benediſti Valliſoleti in foro conſcientiæ poſſit abſolvere monachos ab omni excommunicationis ſententia , etiamſi talis eſſet quam Summus Pontifex ſibi reſervare conſuevit* . Et cum eis ſuper omni irregularitate etiam in illis caſibus , in quibus Papa ſibi vicem reſervat (in morte videlicet , & in membrorum truncatione , & enormi ſanguinis effuſione) valeat diſpenſare . Dum tamen aliquid horum trium non ſit notorium . Et hoc propter ſcandalum .

Neque obſtat huic privilegio , inquit Rodericius , quod Sixtus IV. & Concilium Tridentinum (d), dum plura concedunt circa irregularitatem , excipiant contractam ex homicidio voluntario ; intelligenda eſt namque exceptio reſpectu ad conceſſiones , quæ ibi ſunt , non de factis per privilegia aliàs habita , quæ Concilium non abrogat .

Ejuſdem privilegii mentio ſit in Compendio Privil. Soc. Edit. anni

(a) *Monten. lib. 5. tit. 1. Sect. 11.*

(b) *Roderic. 99. Reg. 9. 55. a. 18.*

(c) *Veracr. apud Roder. tom. 1. 99. R. 9. 24. art.*

12. (d) *Trid. ſeſſ. 24. cap. 6. De Ref.*

ni 1705. (a), ubi dicitur esse oraculum authenticatum; sed non dicitur an sit authenticatum subscriptione officialis Apostolici ad illius incolumitatem requisita ex Decreto Urbani VIII., de quo supra Ord. 68. Usus citata Compendii Editione anni 1705. Sed in postrema anni 1757. plura de privilegiis mutata sunt, *expunctis oraculis revocatis*, ut in Præfatione habetur. Et interea expunctum est quod in præcedente editione ex Martini V. concessione relatum erat.

(vi) *Vota commutare quæ Ordinarius*. Ordinarius autem potest commutare omnia præter quinque reservata Pontifici à Jure: quibus addæ vota etsi simplicia in aliqua religione fieri solita, & quæ ad religionis votum reducuntur (b). Idem erat à Paulo Tertio Societati concessum in Const. *Cum inter*. 3. Jun. 1545. Quod ad vota jurata sine tertii præjudicio extenderat Gregorius XIII. in Const. *Decet*. 3. Maii 1575.

(vii) *Ac dispensare & absolvere in omni casu quo Ordinarius*. Episcopus dispensare potest ex Tridentina in omni irregularitate & suspensione ex delicto occulto proveniente (c), excepta quæ oritur ex homicidio voluntario, & aliis deductis ad forum contentiosum, & absolvere in diæcesi sua sibi subditos in quibuscumque casibus occultis, etiam Sedi Apostolicæ reservatis. Quam facultatem negat præter alios P. Suarez (d) prodesse prælatis episcopo inferioribus ex quadam Cardinalium declaratione his verbis concepta: *In hoc decreto* (Trid. cap. 6. s. 24.) non comprehenduntur inferiores habentes jurisdictionem ordinariam, & quasi episcopalem, sed tantum episcopi privativè ad omnes *alios*. Quæ declaratio, inquit Suarez, non potest fundari in aliqua speciali ratione, aut locutione illius textus, sed in generali doctrina, & ideo ad omnes casus similes extenditur. Probabilius putat Sanchez (e) esse, eam facultatem competere etiam prælatis inferioribus; causaturque non constare authenticè de allegata declaratione.

Quidquid de hac opinione sit, pro certo habet Diana (f), prædictam Tridentini facultatem competere prælatis regularibus etiam conventualibus ex Bulla Pii V., cujus tenor apud Emmanuelem Rodriguez est (g): *Exponi* Nobis nuper fecit Prior Provincialis Provinciæ Hispaniæ FF. Prædicatorum . . . Et insuper quia S. Concilium Tridentinum concessit episcopis, ut absolvere possint in foro animæ seu conscientiæ ab omnibus peccatis, & dispensare in irregularitatibus, prout sess. 24. cap. 6. habetur; ne Prior Provincialis & superiores prælati dicti Ordinis, tam in dicta provincia, quam extra eam ubilibet in hac parte deterioris conditionis, quam clerici aut sæculares existant, eisdem Priori & superioribus prælatis, ut idem omnino possint in fratres sibi subditos quoad absolvendi & dispensandi hujusmodi, quam alias quascumque facultates, perpetuò concedimus

(a) *Tom. 1. Inst. V. Dispensatio*, §. 4.

(e) *Sanchez lib. 8. de Matr. d. 2. n. 12.*

(b) *Vide Pellizz. tr. X. Man. Reg. cap. 3. n.*

(f) *Diana, coord. tom. 7. tr. 1. R. 91,*

165, (c) *Trid. s. 24. cap. 6.*

*ex P. 7. tr. 2. R. 5.*

(d) *Suær. 10. 4. De Relig. lib. 2. tr. 8. cap. 12, n. 8.*

(g) *Rodrig. tom. 1. qq. Reg. q. 61. a. 9.*



*mus*. Ubi noto, independenter ab hoc piano privilegio deteriores fore conditionis fratres quam clericos, quippe carentes facultate, quam habent hi ex Tridentino. Igitur facultas Tridentini secundum se non extenditur ad fratres. Sed potest dici deterioris fore conditionis independenter à privilegio, quia facultatem habent ex Tridentino opinionibus involutam, cum ex privilegio certa reddatur. Sed videndum quatenus obstat privilegio huic Constitutio Gregorii XIII. plures Pii V. Constitutiones reducentis ad terminos juris. Vide Ord. 185. Adnot. 2.

Facultas episcopis à Tridentino concessa respiciebat sine dubio primum casus Bullæ Cœnæ, cum in eodem decreto nominetur etiam hæresis. Sed quantum ad hos casus inhibiti sunt per posteriorem Bullæ Cœnæ promulgationem, ut S. Congregatio apud Card. Petra (a) respondit: & non extenditur ad casus post Tridentinum à Summo Pontifice per novam legem reservatos, ut approbante Gregorio XIII. eadem Congregatio respondit apud Gallemart in cit. Tridentini loc. Consequenter si qua facultas regularibus competit ratione ejus decreti, pariter revocata, vel reformata censeri debet, quamvis facultates missionariis Indiarum concessæ ea revocatione immunes sint, ex Declaratione Clementis VIII. de qua suo loco.

Sed notandum è regione, multa posse episcopos Indiarum jure communi negata propter difficultatem adeundi Pontificem. Quæ est sententia communis apud Sanchez (b). Et Ludovicus Lopez apud ipsum negans, fatetur, Episcopum in remotissimis Indiæ partibus posse in voto castitatis dispensare ex gravi incontinentiæ periculo.

Eadem ratione & doctorum autoritate P. Acosta, ut ipse narrat (c), persuasit Archiepiscopo Limano, ut dispensaret in secundo gradu ex occulta fornicatione. Sed hoc aliis persuaderi non potuit, saltem ad dispensandum pro foro externo. De quorum numero fuit Paraguajensis olim Episcopus, ut ipse testatur litteris datis 15. Sept. 1763., in quibus ait: *Aquí me han pedido pro foro externo dispensa en segundo grado, porque el Señor Palos las concedia. Hélo negado. El Señor Palos tenía especial privilegio, que obtuvo mediante aviso que le dio el Rei Phelipe V. para su sollicitud, ofreciendole su real mediacion, como la havia interpuesto para los Obispos de Caracas, Puerto Rico, y Puebla de los Angeles, à quienes se les concedio esta facultad por veinte años; como yo lo he sollicitado: convenciendo esto mismo que sin ella no podemos dispensar en Indias.*

(VIII) *Dioecesano reservatis*. Intellige de iis, quæ Dioecesano à Jure, à Pontifice, aut consuetudine reserventur; nam de iis quæ Dioecesanis sibi reservat obstat 1. declaratio Gregorii XIII. in Epistola Card. S. Sixti, de qua fit mentio in Compendio Communi Privil. Soc. (d): *Hæc de re ubi Congregatio accuratè egisset, deinde ad SS. D. N. retulisset, illius*

(a) *Petra*, tom. 3. ad C. 18. Innoc. IV. | Et lib. 2. d. 40. n. 3. (c) *Acosta*, l. 6. De num. 19. | Proc. Ind. sal. c. 22. (d) *Comp. Ed.* 1705.

(b) *Sancti*. l. 8. De Matrim. d. 9. nu. 22. | V. Absolutio.

lius Sanctitas... censuit ex facultatibus per mare-magnum aliave privilegia regularibus concessa, factam eis non esse potestatem absolvendi in casibus sibi ab Episcopo *reservatis*.

Obstat 2. Constitutio Urbani VIII. 17. Nov. 1628. declarantis (a), quod *per confirmationes* privilegiorum, quas regulares à Sede Apostolica post S. C. Tridentinum obtinuerunt, nequaquam revixerunt privilegia prius ab eodem Concilio, deinde S. Congregationis decretis sublata atque extincta, si qua habebant absolvendi à casibus ordinario loci reservatis. Ac proinde regulares nec intra nec extra Italiam in vim privilegiorum aut confirmationum huiusmodi, quas hactenus obtinuerunt, vel deinceps obtinebunt, possunt quemquam absolvere a prædictis casibus... Ordinario loci reservatis: ac si secus egerint, absolutiones nullæ sint & *irrite*. Obstat 3. decretum Alexandri VII. damnantis inter alias hanc propositionem num. 3.: *Mendicantes* possunt absolvere à casibus Episcopo reservatis, non obtenta ad id Episcoporum *facultate*.

Fuit qui damnationis istum vitatum crederet dicens Mendicantes, non posse absolvere jure communi in casibus Episcopo reservatis, bene tamen jure speciali. Sed potestas quaecumque imagineris, fundabitur in privilegio, quod jus est, non commune, sed speciale, seu lex privata, ut definiri solet. Dum ergo potestatem negat Pontifex, negat potestatem jure speciali competentem. Hoc tamen non tollit, quominus possit Pontifex jus speciale conferre absolvendi ab iis quæ sibi Episcopus reservat, valiturum dum sufficienter exprimatur, nec tantum constet clausulis generalibus. Accedit, quod declaratio Gregorii XIII., de qua nuper, quam verbis totidem authenticam reddidit Clemens X. in Const. *Superna*, omnia privilegia excludit etiam non contenta in corpore juris, neque enim mare-magnum ibi continetur. Ergo excludit omnia jura specialia præcedentia. Effugia alia præoccupata vide apud P. Viva (b).

De Bulla Clementis X. Matrini publicata anno 1672. inquit Torrecilla (c), supplicatum fuisse à Regina Gubernatrice, & ad supplicationem tacuisse Pontificem. Sed in modernis Facultatibus, quæ ad audiendas confessiones scriptæ in dies expediuntur per Episcopos, illius inculcatur vigor & observantia. Et per supplicationem non suspendi executionem litterarum, quæ rescripta particularia non sunt, sed doctrinam generalem continent, est doctrina Rodericii, quem vide (d).

(ix) *Indulgentia plenaria*. Notare jubet Rodericius, Legatum Papæ concedere posse indulgentias etiam perpetuas in terminis suæ legationis, sicut statuta facere potest ex *cap. fin. De off. leg.* Neque numerum dierum illis esse præfixum sicut aliis ecclesiarum prælatis. Quidquid de hoc sit attento jure communi; si Legatus aliquis indulgentiam ut hîc plenariam & jubilæum concedat, credi par est id facere ex concessione speciali, si ordinaria illi jurisdictio non suppetat. Ex facultatibus Nuntiaturæ Colonien-

sis

(a) Apud J. B. Pittoni. CC. ad Confess. | sub die 17. Nov. 1628.

(c) Torrecilla, tom. 2. Consult. tr. 1. p. 6. n. 97. pag. 32.

(b) Viva, ad prop. 12. Al. VII. a n. 7. |

(d) Roder. tom. 2. 22. Reg. q. 6. art. 7.

sis ab Innocentio XI. 1. Octobr. 1680. concessis sequentem refert P. Lacroix (a) minus latam, quam quæ modò versatur collata Cardinali Poggio: *Nuntius* Apostolicus subditis Nuntiaturæ suæ potest pro quocumque opere pio. centum aut plurium dierum indulgentias concedere, attamen minus semper quam annum. Pro templo vel capella potest dare septem annorum & septem quadragenarum, idest, septies quadraginta dierum pro illis, qui confessi communicaverint, & in ea oraverint de more ad intentionem ecclesiæ. Quodsi concedat pro eodem loco in duobus festis anni, durabunt tantum ad triennium: si in uno festo, ad septennium tantum: sicque expirabunt, nisi prorogentur.

(x) *Portiuncula*. Illud habet in Indiis, hujus jubilæi gratia, quod refert P. Fuente Franciscanus (b): *En 1577. á 17. de Mayo*, expiditio bula Gregorio XIII. paraque se pueda ganar el jubiléo de la Portiuncula desde la hora de prima del primer día de Agosto, y releva de la obligacion de confesar y comulgar para ganarlo en las Indias occidentales. Citatque Ledesmam (c).

Facultatum hac ordinatione contentarum, quatenus ab. autoritate Nuntii dimanasse dicuntur, quo ampliores illæ sunt, eo magis desidero firmitatem. Si enim ex concordato Summi Pontificis & Regis. Catholici Nuntius, Apostolicus jus non dicit in Indiis, ut supra ajebat Villarroel cum Solorzano, unde vim sortiri possunt? Conjectura nuper circa indulgentias ex facto desumpta, corroborari posset usu. Sed de usu mihi non constat. Nam quod supra retulit Veracruz, actus est unicus, & potuit aliis niti privilegiis.

## O. R. D. I. N. A. T. I. O. LXXXV.

Anno. 1555. 1. Jul.

**P**Aulus IV. supplicante Fr. Clemente Monelia, Ordinis S. Francisci Ministri Generali, omnia antecessorum privilegia confirmavit, ac omnia revocata restauravit, ac denuò concessit ex certa scientia & de plenitudine potestatis. Ac præcepit, ut omnia privilegia, & omnia in eis contenta essent in partem favorabiliorem interpretanda. Religiosos eximit à solutione (I) quartæ funeralium. Expressè derogat Clementinæ *Religiosi* (II), *De Privilegiis*, & Regulis (III) Cancellariæ. Adimit in non-obstantiis omnem, si qua sit, cujuscumque privilegii restrictionem. Ajunt sæpè citati regulares Mexicani, extare originalem Mexici in conventu S. Francisci. Unde suspicor, quanquam ex data epitome non constat, expeditam esse ordinationem pro Indiis.

AD-

(a) Lacroix, *Quæst.* 181. *De Indulg.* n. 1322. (b) Fuente, *Success. Pontif. Greg. XIII.* n. 15. p. 343. (c) Ledesma, *De Tertiæ Ord.* fol. 244.

## ADNOTATIONES.

(I) *A solutione quarta.* Cum hoc privilegium novem omnino annis ante confirmationem Tridentini concessum sit, parum se solo prodesset, cum decretum sit ibi, *Ut quibuscumque* (a) in locis jam ante annos quadraginta quarta, quæ funeralium dicitur, Cathedrali, aut Parochiali Ecclesiæ solita esset persolvi, ac postea fuerit ex quocumque privilegio concessa, eadem Cathedrali, aut Parochiali Ecclesiæ *persolvatur*. Non obstantibus, &c.

Sed post Concilium Tridentinum idem privilegium renovatum est, nominatim pro Societate à Gregorio XIII. per Const. *Pastoralis*, anno 1578. Et judice Solorzano (b) *Excedent* Indiarum prælati, si ab ecclesiis religiosorum etiam doctrinariorum suæ diocesis eandem quartam exigere velint. Quia omnes, inquit, religiones privilegium exemptionis habent in in Indiis observari jussum. Privilegio favet Jus Indicum (c), ubi Archiepiscopi, & Episcopi admonentur, *Que no cobren de los curas doctrineros la quarta funeral y de oblacones que en algunas partes han acostumbra-do llevar fuera de los casos en que dispone el derecho, y hai costumbre legitimamente prescrita*. Idque dubio caret, si lex 10. tit. 18. lib. 1. ejusdem Juris servetur, quæ dicitur: *Se deben conformar* (los curas y doctrineros) con la costumbre.... no llevando derechos à los Indios por los casamientos, entierros, &c. Si enim doctrinarii nihil jurium funeralium percipiant, quartam, quæ jurium horum pars est, solvere non debent.

Solorzanus loc. cit. nullam præsentis argumenti privilegium refert præter concessum à Pio V. Constit. *Et si mendicantium*, quam affirmat esse revalidatam à Gregorio XIII. De revocatione constat ab hoc Pontifice facta per Const. *In tanta*. 3. Kal. Maii 1573. De revalidatione fides sit penes Solorzanum, nisi typorum fortè sit error. Fortassè loquitur de revalidatione, non totius planæ Constitutionis *Et si mendicantium*, qua plura alià continentur privilegia Mendicantium, sed de revalidatione illius quoad eam partem qua continetur præsens circa quartam funeralem privilegium renovatum à Gregorio XIII. in Const. *Pastoralis*, & usu munitum.

(II) *Clementinæ Religiosi.* Nempe derogatur penes ea, quæ juris ecclesiastici sunt, nam plura continet ea Clementina de jure naturali, ut est inhibitio ne religiosi prælati in sermonibus detrahant, ne retrahant laicos ab ecclesiarum suarum seu parochiarum frequentatione & accessu, ne indulgentias pronuntient indiscretas, ne cum conficiendis testamentis intersint, ne a restitutionibus debitis, aut a legatis ecclesiis matricibus faciendis quemquam retrahant, ne legata vel debita sibi, aut singularis Ordinis fratribus aut conventibus fieri procurent in præjudicium aliorum, ne

---

(a) *Trid. sess. 25. cap. 13. De Reform.* (b) *Solorz. t. 2. De Ind. Jur. lib. 3. cap. 25. num. 25.* (c) *Lib. 1. t. 13. l. 13. Rec. Ind.*

ne ecclesiasticas personas suam contra eos iustitiam prosequentes vexare præsumant.

Quæ verò in eadem Clementina sunt derogabilia quippe de jure ecclesiastico, sunt illa, ut religiosi qui clericis aut laicis sacramenta unctionis extremæ, vel eucharistiæ ministrare, matrimoniave solemnizare, non habita paræcialis presbyteri licentia speciali, aut qui excommunicatos à canone vel sententia per statuta provincialia aut synodalia promulgatis absolvere præsumpserint, excommunicationis incurrant sententiam ipso facto per Sedem Apostolicam duntaxat absolvendi. Ejusmodi verò Clementinæ derogatur, quatenus necessarium sit ad usum privilegiorum canonicè concessorum, & vigentium.

(III) *Regulis Cancellariæ*. Hac expressa derogatione opus erat, ut Regulis Cancellariæ derogatum esset, cum illarum Regula 71. sit in publicatis per Clementem XII. (a): *Quod Regulis Cancellariæ nunquam censetur derogatum in quibuscumque constitutionibus, litteris, brevibus, indultis, & aliis ordinationibus apostolicis, etiã motu proprio, & ex certa scientia emanatis, per quæcumque verba & decreta derogatoria, irritantia, universalis, & amplissima, & clausulas quantumvis efficacissimas, nisi facta fuerit de illis expressa mentio.*

## ORDINATIO LXXXVI.

Anno 1556.

**I**dem Paulus IV. ad instantiam Magistri Generalis Ordinis Prædicatorum omnia prædecessorum privilegia denuò concessit, verbisque amplissimis communicavit omnia aliis ordinibus concessa, & confirmavit, non tantum pontificia, sed regalia. Ita laudati Regulares Mexicani testantès extare breve typis editum inter privilegia Prædicatorum. Unde inferunt, privilegia quædam à Regibus Catholicis pro Novo Orbe in favorem regularium concessa, per præsentem confirmationem devenisse ex regalibus (i) regalia simul & pontificia. Nominatim, ajunt, quod Princeps Joanna pro Rege Gubernatrix Vallisoleti concessit anno 1557. (ii), ne quid innovaretur clericos in doctrinis pro religiosis instituendo, & ne prohiberentur religiosi sacramentorum administratione: & ut monasteria fierent (iii) cum proregis venia, nullo episcoporum requisito consensu: & ne clerici visitatores (iv) adirent Indorum oppida: & quod à Rege anno 1559. decretum est, ne de religiosis sæculares (v) magistratus publicis aut secretis informationibus darent operam, & quod à Regia Mexici cancellaria ordinatum est anno 1570., ut clerici & regulares in suo quisque districtu essent sacramentorum ministri. Hæc, inquirunt, omnia per præsentem ordinationem jam sunt privilegia pontificia & apostolica. Quodsi de hujusmodi privilegiis dubium aliquod emergat, vult Pontifex in eodem brevi, ut in partem favorabiliorem dirimatur, omnibus ablata aliter inter-

(a) *Bullar. Rom. tom. 13. C. 1.*

terpretandi facultate. Derogatque expressè, ut in præcedente, Clementinæ Religiosæ, & Cancellariæ Regulis publicatis & publicandis. Ac tandem religiosos eximit à solutione decimarum (vi) & exactionum. Hucusque nominati Regulares apud Fr. Joannem Baptistam in *Advertentiis pro Confessariis Indorum*.

## ADNOTATIONES.

(1) *Devenisse apostolica*. Quidni etiam devenerit ex regali regalis simul & apostolica revocatio horum privilegiorum à Rege decreta? Præsertim cum juxta doctores alibi (a) citatos, & quos præterea citat Ill. Villarrol (b), Rex Catholicus in Indiis Legati Apostolici titulo investitus sit. Sed & dubito, an qualiscumque confirmatio Pontificis satis sit, ut privilegia regalia deveniant pontificia. Et Diana quidem (c) notare jubet, *Statuta Religionis Hierosolymitanæ fuisse confirmata à Papa, & ideo dici statuta papalia, prout à pluribus Rotæ decisionibus confirmat Beltraminus...* Unde dixit Hunius, quod statum à Principe confirmatum dicitur *lex Principis*.

Similiter Pascucci J. C. Pignatelli abbreviator (d) ait: *Constitutiones Societatis sunt ita confirmatæ à Sede Apostolica, ut Sacra Rota expressè deciderit in Romana. Legati coram Burato decis. 245., & in 4. P. Recent. per Farinacium, par. 2. decis. 477. num. 2., constitutiones Societatis esse constitutiones papales, & tales censendas esse. Potest sine dubio Pontifex apostolica auctoritate munire & qualificare leges Principum, & statuta quævis, præsertim ea quæ de re ecclesiastica sunt; sicut potest sæcularis Princeps aliquam apostolicam constitutionem tanquam regni legem admittere, & de facto admittitur; sed specialis illa qualitas seu qualificatio expressius erat significanda: maxime cum possit vera esse approbatio & confirmatio, quia à sibi ingenita & propria qualitate statutum extrahatur, hoc solum quod ratum habeatur à Pontifice.*

Statuta Synodi Provincialis à Pontifice confirmata ligare christianos omnes, docuit Thomas Hurtado. Sed hoc, inquit Haroldus (e), facile negaverit quis, quia Pontifex confirmat statutum pro determinata provincia: quod est confirmare qualitatem & vim statuti provincialis, non illud reddere universale. Ex quo videtur, non quamvis confirmationem Pontificis reddere pontificium statutum quod confirmatur. *Confirmatio*, inquit Fagnan (f), nisi aliud in litteris sit expressum, dat robur, sed non extendit actum *confirmatum*. Quod ibi multo textu solidare pergit. Vide Ord. 178. Adnot. 2.

(II) *Nequid innovetur*. Id ipsum Juri Indico insertum est (g): *Mandamos, que por ahora, y mientras Nos no mandáremos otra cosa, queden las*

(a) *Supra* Ord. X. Adnot. 6.

(b) Villarr. P. 1. Gob. Eccl. q. 1. art. 8.

(c) Diana coord. tom. 7. tr. 2. R. un. nu. 38.

(d) Pascucc. ex Pignat. tom. 7. C. 82.

(e) Harold. In Notis ad Concil. Lim. V. Ne

tabacum. Aff. 3. c. 24. (f) Fagn. in C. Canonum statuta, *De Constit. n. 13. & seq.*

(g) Lib. 2. tit. 25. l. 22. *Recop. Ind.*

las doctrinas y se continúen en los religiosos como hasta ahora, y por ninguna via se innóve *en esta parte*. Sed prodiit jam post pontificiam ordinationem, de qua infra anno 1751. 8. Nov. regia schedula data 1. Febr. 1753., per quam clerici religiosi in doctrinarum administratione succedere jubentur, per aliam 23. Jun. 1757. explicata. In hac postrema quinque modificationes adhibentur. 1. Ne ulla parochia, sive Indorum doctrina, ut appellant, à regularibus administrata sæculari clerico tradatur, quandiu reipsa non vacaverit. Ac tunc dispiciat Prorex cum Prælato Diocesano, an utilis futura sit provisio sæculari facta, attenta majori idoneitate, locorum asperitate, & parochiarum distantia, ac præcipuè idiomatum peritia. 2. Ut singulis Ordinibus in quaque provincia una vel altera parochia ex pinguioribus reservetur, & illæ insuper quibus annexi sunt conventus pro congregandis fratribus, & præparandis qui ad missiones vivas destinantur. Cavetur tamen nequa ex his modificationibus locum habeat in parochiis jam à sæcularibus possessis. 3. Ut suis regularibus servetur conventus cum suis redditibus, bonis, & utensilibus in parochia in qua formatus sit, & cum religiosi permanentis incolatus non minus octo: quanquam a parochiæ cura, cum vacaverit, removendi sunt, traditis rebus & ornamentis ad parochiam judicio concorde Proregis & Prælati pertinentibus attenta benefactorum voluntate. Quæ omnia non stricto rigore contra religiosos interpretanda sunt, sed habita ratione fundorum, vel eleemosynarum, quibus conventus sustentatur. 4. Ne ordines allegare possint præsentis resolutiones ad affirmandum jus aliquod sibi suppetere ad parochias: & eisdem cura detur non plures admittendi candidatos; quam qui necessarii sunt pro conservanda disciplina regulari, & sufficiendis missionibus receptui signo dato fratribus à doctrinarum cura dimotis. 5. Ut possit Indiarum Senatus cognoscere de causis occurrentibus, & quæ deinceps possint occurrere, ita ut nullam admittat interpellationem eo tendentem, ut hæ declarationes effectu careant.

(III) *Cum Proregis venia, nullo Episcoporum requisito consensu*. Hoc etiam regale decretum reformatum mox est, & ex causis videndis apud Solorzanum (a) redactum ad terminos legis 1. tit. 3. lib. 1. Recop. Ind.: *Mandamos*, que se edifiquen y funden monasterios de religiosos... con calidad de que antes de edificar se nos dê cuenta y pida licencia... con el parecer y licencia del Prelado Diocesano conforme al S. Concilio de Trento. Et quod in Concilio Tridentino præscribitur, est (b): *Ne de cetero* similia loca erigantur sine Episcopi in cujus diocesi erigenda sunt licentia prius *obtentâ*. Neque Proregis venia jam sufficit, sed à Rege in Indiarum Senatu petenda, ut in eadem lege decernitur, & notatum est supra Ord. 22.

Refert Solorzanus, Novæ Hispaniæ prælatos interpellasse de schedulæ regię executione, qua continetur facultas erigendi monasteria non requi-

(a) Solorz. tom. 2. De Ind. Jur. lib. 3. c. 23. num. 26. (b) Sess. 25. cap. 3. De Regular.

quisito Episcoporum consensu, sed prodiisse in iudicio contradictorio confirmationem 9. Aug. 1561., & non obstantibus posterioribus decretis Clementis VIII., Gregorii XV., & Urbani VIII. relatis à Barbosa (a), Regiis Ministris esse privativè delatum fundationes id genus permittendi & approbandi negotium, Regio Senatui deinceps reservatum. Quod difficultate caret stantibus privilegiis à Pontifice, sive regularibus, sive Regi Catholico concessis, nam Episcoporum consensum supplet licentia Pontificis, qui Episcopus Episcoporum est, ut tradit Barbosa (b), Torrecilla (c), & Pignatelli (d).

(iv) *Ne clerici visitatores*. Jam etiam clerici possunt esse visitatores regularium regentium doctrinas juxta legem 28. tit. 15. lib. 1. Recop. Ind. *Estando assentado por derecho, y declarado por la Congregacion de EE. Cardenales del Concilio de Trento, que los curas religiosos deben ser visitados en todas las cosas que son en officio officiendo* ..... es nuestra voluntad que los Arzobispos y Obispos de las Indias puedan visitar à los dichos doctrineros en lo tocante al officio de curas.... iendo à las visitas por sus personas, ò las que para ello à su satisfaccion y eleccion *embiasen*. Post hanc legem latam & recopilatam intercessum est à regularibus, sed rejecta est intercessio per schedulam, de qua supra Ord. 37. Adnot. 8.

(v) *Ne seculares magistratus*. De hoc argumento extat lex 73. tit. 14. lib. 1. Recop. Ind., ubi dicitur: *Mandamos* à los Presidentes, Audiencias, Governadores, y otras Justicias de nuestras Indias, que no hagan informaciones publicas contra ningun religioso de los que en aquellas partes estuvieren, salvo quando el caso fuesse publico y escandaloso y solo para effecto de informarnos, que entonces permitimos que las puedan hacer secretamente, y requerir al Provincial ò Prelado, en cuius provincia estuviere el religioso paraque le castigue, y no lo haciendo de manera que satisfaga, embien à nuestro Consejo de las Indias la informacion que huvieren hecho, paraque provea lo que convenga y sea *justicia*.

Non solum ad informandum Regem, sed ut prælato regulari factam informationem præsentet, illam posse conficere Judicem sæcularem, docet Sousa apud Dianam (e), quando non est aditus ad prælatum ecclesiasticum, qui iuridicè possit se informare de facto criminali, & in eo continuatur, & est periculum in mora. Quibus conditionibus eandem sententiam tenet Riccius apud laudatum Dianam (f). Quod si casus talis sit, ut ad propriam vel alterius innocentis intersit rem, non solum informatio, sed captura licet, non solum laïco magistratui, sed homini privato, dummodo defensio necessaria non sit prætextus, sed vera causa. Neque casus ut putat Diana est metaphysicus.

OR-

(a) *Barbos. Remis. ad Trid. c. 3. f. 25. n. 36.*(b) *Barbos. P. 2. De Pot. Ep. Alleg. 36. n. 1.*(c) *Torrecilla, tom. 2. Consult. tr. 8. c. 2. num. 16.*(d) *Pignatelli, tom. 1. C. 179.*(e) *Diana coord. tom. 9. tr. 2. R. 62.*(f) *Diana, l. c. Resol. 63.*



## ORDINATIO LXXXVII.

**U**T Indi *del Cuzco* liberi sint à solutione decimarum. Refert P. Alloza, (a), cujus verba sunt: Indi Cuzquenses & omnes qui ad Cuzquensem Episcopatum spectant, ut Guamangenses & alii privilegium habent apostolicum, per quod liberi sunt à solutione decimarum & primitiarum. Hispani verò, qui inter eos habitant, non gaudent hoc privilegio, etiamsi illorum seminant *terras*. Eandem exemptionem favere Arequipensibus Indis in locis ab Episcopatu Cuzquensi dismembratis, tradit Solorzano (b): qui tamen id non ad privilegium apostolicum ut Alloza, sed ad consuetudinem refert. Consuetudo verò omnibus fere Indis favet, nec tantum Cuzquensibus, ut idem Solorzano scribit (c): *Esto es quanto se puede considerar en orden à que deben diezmar y diezmen los Indios. Pero sin embargo la contraria opinion, es nasciorta, y está por ahora recibida en práctica en casi todas las provincias de Indias, teniendo por mas acertado gobierno relevarles en todo de esta carga, ó por lo menos que se haia de cobrar y se cobre de ellos con mucha moderacion. Consuetudinis seu praxis hñc assertæ observatio præscribitur leg. 13. tit. 16. lib. 1. Juris Ind.*

Re tamen vera Indi, qui sive apostolico privilegio, sive consuetudine dicuntur exempti à decimando, nonnihil erogant omnes ad ministrorum altaris sustentationem; quod summa decimarum est. Philippini certam taxam nomine decimarum & tributi simul pendunt, ut testatur Murillo (d). Id quod etiam pro Peruanis à Prorege Toletano statutum est. Et in Tucumania, quæ Peruvii pars est, ubi Indi commendati pro regio tributo vel taxa commendatariis pendunt quinque octiregalia, ex his commendatarii parochi rependunt pro singulis Indis regalia duodecim pro synodo ut appellant. Sed difficultas exigendi argentum seu pecuniam fecit, ut & taxa & synodus ad servitium quoddam personale passim redacta sint.

Guaranii præter tributum ex quo deducitur congrua parochorum sustentatio, centum octiregalia nomine decimarum ex Regis Ferdinandi Sexti præscripto erogare jussi sunt pro singulis oppidis: Quæ Rex piissimus novis reductionibus promovendis pro tempore consignari fecit. Universum taxæ Indorum commendatariis consignandæ is est finis primarius, ut doctrinarius & doctrina detur, ut tradit Acosta (e) & Pinelus (f), & in Jure Indico notum est, ut rectè differit loc. cit. Solorzano: *Lo que se, y tengo por muy digno de advertencia es, que todo aquello que en esta Iglesia (de Lima), y en otras se cobrar de los Indios por via de diezmo, se les ha de rebajar de lo que para el mismo efecto se les cargó en las rassas, aunque á titulo de tributo.*

OR-

(a) *Alloza, V. Indi Peruviani. S. 2. n. 15.*(b) *Solorz. lib. 2. Pol. c. 23.*(c) *Solorz. ib. cap. 22.*(d) *Murillo, Curs. Can. lib. 1. n. 182.*(e) *Acosta, lib. 3. cap. 12.*(f) *Pinel. Confirm. Real. P. 1. cap. 18.*

## ORDINATIO LXXXVIII.

**P**Aulus IV. concessit Franciscanis, ut possent omnia sacramenta ministrare omnibus Indis. Refert Fr. Joannes Baptista apud Avendaño (a). Et quia non excipit diem Resurrectionis, sequitur (ait) id etiam eo die posse etiam Indis in Hispanorum oppidis commorantibus. Norat Avendaño, esse concessum vivæ vocis oraculo, sed Card. Alexandrini, qui deinceps fuit Summus Pontifex Pius V. attestazione firmato. Quo adjuncto est qui credat, vivæ vocis oraculum à revocatione sequentium Pontificum præservari. Quia dum aliquis Pontifex attestacionem à se Cardinale factam potens non retractat, eo ipso præsumitur eam cum privilegio ratificare, & autoritate necessaria solidare, ne in posterum generali revocatione comprehendatur. Ratio verè frivola. Ex quo enim Pontifex aliquis in minoribus agens concessionem aliquam attestatus sit, non conficitur quod ratam habere velit. Et quanvis aliquando voluisset non revocari, ea voluntate non constringitur idem, nedum successores, ne unquam revocare velint prius concessa. Certè Urbanus VIII. revocavit privilegia à semet non tantum attestacione firmata, sed prius in suo concessa pontificatu, ut ex Constitutione ipsa oraculorum revocatoria patet ibi: *Per prædecessores nostros ac per nos vivæ vocis oraculo, & S. R. E. Cardinalium manu firmata . . . revocamus*. Concidit igitur præfens Pauli IV. privilegium, nisi aliter fulciatur. Sed nec dies Resurrectionis comprehendì potest in concessione indefinita, nempe parochialitatis causâ.

## ORDINATIO LXXXIX.

**E**X Pauli IV. sententia in Concilio Limano omnia matrimonia cum sorore, noverca, matre, filia, nepte, aut avia, nempe Indorum ante baptismum contracta, irrita fieri decretum esse, refert P. Acosta (b). Sed vide supra Ord. 78. Adnot. 4. ad object. 12. §. IV.

## ORDINATIO XC.

Anno 1558.

**H**Oc anno collocat author Geographiæ Sacræ apud Chiquetium erectionem Archiepiscopatus Goani exacto jure Funicaleus seu Funchalensis Metropolitani: erectionem etiam comprovincialium Episcopatum Cocinensis, & Malacensis, nam Meliapurentem differt ad annum 1570., Macaonensem ad annum 1576., Cranganorensem ad annum 1600., quem sub Goano relinquit, cum anno 1607. sit elevatus in Archiepiscopatum, sine suffraganeis quidem. Barbosa vult (c), Archiepiscopum Goano India-

(a) *Avend. Tresaur. Ind. tit. 12. cap. 10.* (b) *Acosta, lib. 6. cap. 21.* (c) *Barbof. tom. 1. De Pot. Ep. cap. 7. pag. 53.*

diarum Primatem antehac institutum esse à Paulo Tertio, datis in Suffraganeos Coccinensi, Malacensi, Macaontensi, Nangasachensi, Malahanensi in regno de *Malaos*, & Meliapurensi, ex quibus Nangasachensis seu Japonicus fit Manilæ suffraganeus in cit. *Geographia*.

P. Orlandinus (a) ait, à Paulo Tertio constitutam Goæ Sedem, sed Episcopalem: in qua primus federit Ill. Alburquerque ex Familia Seraphica, in cujus manibus Apostolus Indiarum anno 1542. apostolicum missionis & nuntiaturæ suæ diploma deposuit; nam Ill. Baqueiro ex eadem familia, quem Fr. Antonius Daza (b) primum Goæ sedere fecit, ab Orlandino dicitur. Episcopus annularis ab Archiepiscopo Funicalensi in Indiam delegatus. Hoc tamen non tollit, quin ab eodem Pontifice Sedes, quam ipse constituerat, elevaretur.

Idem Orlandinus (c) refert, anno 1559. destinatum esse Goæ Archiepiscopum; Coccino, & Malacæ Episcopos, qui ad Æthiopiarum Patriarcham pontificium detulere diploma, quo Goana ei commendabatur Ecclesia, dum perveniret Archiepiscopus. Sed fortè missi sunt Episcopi & Archiepiscopus aliquandiu postquam erigerentur ecclesiæ; nam & erecta per Pium V. Ecclesia Tucumanensi anno 1570., nondum excesserat ex Hispania Episcopus, qui erectionem opere perfecit; ut vide infra Ord. 127.

Circa Goani Antistitis primatum præter Barbosa dictum, de quo nuper, refert Moreri Ill. Alexium Menesses (d), qui ad finem hujus sæculi Goæ sedit, contendisse per Æthiopiam, Africæ mediterraneam jus dicere, nempe titulo Indicanensis Primatiæ. Concurrentia verò Jurisdictionis Goanæ & Manilensis in Japoniam & Sinas, cujus in earum partium historia nonnulla monumenta stant, referri æquo jure potest in jus metropoliticum, & in primatiale.

## ORDINATIO XCI.

**A**D Pauli IV. tempus referendum videtur privilegium, quod Ill. Quitenensis Episcopus sic exponit (e) *Los Provinciales de la Orden de S. Domingo en las provincias de S. Juan Bautista de Lima, S. Vicente de Chiapa, Santiago de Nueva España, S. Antonino en el Nuevo Reino, de Santacruz en la Isla de S. Domingo, y Santa Catalina en Quito, tienen privilegio para absolver y dispensar en los dias de Santo Domingo, Santo Thomas de Aquino, S. Vicente Ferrer, y Santa Catalina de Sena, todas las irregularidades, excepto la del homicidio voluntario y la de illegitimidad. Es amplissima concession, cujas palabras son estas. Quod in diebus præfatis Priores Provinciales, in eisdem partibus pro tempore existentes quoscunque irregulares (non tamen illegitimè natos & voluntarios homicidas) ab hujusmodi irregularitate absolvere, secumque possint & valeant desuper dispensare, plenam & liberam concedimus facultatem. Esta bula*

(a) Orland. P. 1. Hist. Soc. l. 3. n. 89.

(b) Daza, Chron. Francisc. P. 4. lib. 2. cap. 53.

(c) Orland. loc. cit. n. 142.

(d) Moreri, Verbo Abisinie.

(e) Meneses, lib. 5. rr. 1. sect. 12.

bula se mandó recoger por el Tribunal supremo de la Inquisicion, y de hecho embio un traslado de ella à España, siendo Commissario de la Cruzada en el Perú el Ill. D. Feliciano de Vega año de 1610. Finalmente el año de 1624. se volvió otra vez à tratar de esta bula en el Tribunal de la Cruzada, y en contradictorio Juicio salió, que los dichos Provinciales, y sucesores usen de esta bula libremente sin perjuicio de la expedicion de las bulas. Adviértase, que acerca de este privilegio se dudó en el Perú, si en virtud de el se podra dispensar en la bigamia, y consultados los doctores y maestros de las religiones, respondieron que sí podian. Y de este parecer es el Doctor Feliciano de Vega, el qual dice: *In plaribus casibus sæpius practicum est in his provinciis*, y lo prueba con aquel principio general, *Exceptio firmat regula in contrarium*. . . . En quanto à la simonia digo, que no se puede habilitar al simoniaco en virtud de este privilegio, para que pueda obtener el beneficio adquirido con precio. La razon es, porque en esta bula se dà potestad para absolver y dispensar irregularidad, y esta inhabilidad para obtener el beneficio mal adquirido no es irregularidad, sino pena que pone el derecho en castigo del peccado, como dice Suarez (a) Fuera de que hai declaraciones de Cardenales, que trae Suarez, en que dicen, que aun los Obispos no pueden hacer esta habilitacion con la potestad general que tienen por el Concilio de Trento (b) para todas las irregularidades y casos occultos, que el quitar esta pena está reservado à la *Sila Apostolica*.

In his cum loquatur author Montenegro de beneficio male acquisito, & de beneficiato inhabili reddito vel declarato, minus est dubium. Dubium tamen est, an ad beneficia alla simoniacè non acquisita possit simoniacus per Episcopum habilitari, vel debeat ita inhabilis reputari, quin possint illa per Episcopum conferri. P. Suarez loc. cit. ait, hoc excedere potestatem Episcopi, si supponatur Motus-proprios Pii V. inducentis hanc pœnam usu vigere. Loquitur de Motu-proprio *Cum primum*. edito 1. Apr. 1566. ubi dicitur (c): *Qui beneficium aut officium ecclesiasticum simoniacè adeptus fuerit, illis sit ipso jure privatus*. . . Et perpetuo sit inhabilis ad ea & quæcumque alia beneficia ecclesiastica *obtinenta*. Sed Suarez ipse cum Navarro, tum alibi, tum loc. cit. dixerat, hanc Constitutionem quantum ad hanc pœnam inhabilitatis ad alia beneficia ipso facto contractæ non esse usu receptam, sed opus esse sententia criminis declaratoria. Idemque sentit Lessius apud Castropalaum (d). Facitque declaratio S. Congregationis, cujus verba dat hic author (e): *Congregatio censuit, potuisse (Episcopum) absolvere, & ad ordines rehabilitare & beneficia tam obtenta quam obtinenda, sed non ad beneficia quibus per simoniam privatus fuisset, vel ad obtinenda*.

OR.

(a) *Suar. tom. 1. De Rel. lib. 4. c. 61. n. 11.*(b) *Trid. s. 24. cap. 6.*(c) *Bullar. Cherub. tom. 2. c. 5. pag. 180.*(d) *Castrop. tom. 3. tr. 27. D. 3. P. 25. n. 7.*(e) *Punct. ult. num. 3.*(e) *Castrop. loc. cit.*

## ORDINATIO XCII.

**A**D instantiam Philippi II. Regis Catholici ordinavit Pius IV., ne alius religiosus ex Indiis ad Hispaniam transmitteret pecunia instructus præter necessariam ad iter, eamque superiori manifestatam. Mentio fit in lege 91. t. 14. l. 1. Recop. Indiar., ubi dicitur: *Es nuestra voluntad*, que los dichos religiosos haian de manifestar y manifesten el dinero que traxeren. Y si alguna persona lo recibiere de ellos en confianza, sea condeñado en la cantidad con el quatro tanto. . . . En los puertos se tenga gran cuenta y advertencia de no dejar venir ò ningun religioso de otra forma. Y si alguno viniere y traxere oro ò plata, nuestros Governadores de los puertos, Alcaldes mayores, y oficiales de la Real Hacienda secresten y hagan secrestar lo que assi traxeren, y en los primeros navios embien ante Nos al Consejo de Indias razon de lo que huvieren secrestado, y de que religion era, paraque vista se provea lo que convenga, y hagan volver al religioso à la parte de donde huviere salido. Y porque la Santidad de Pio IV. de b. m. por sus letras apostolicas dedas à instancia del Señor Rei Phelippe II. nuestro avvelo provejo, que ninguno de los religiosos que viniessè de las Indias, pudiesse traer mas dinero del que tuviesse necesidad para su viage, y este manifestandolo à su superior, y son muchos los inconvenientes que se siguen de que los religiosos se embarazen en adquirir, ni tener dineros, respecto de que es ocasion de distrahimiento, y relaxacion en el cumplimiento de sus institutos, y por otras causas especificadas en el breve de su Santidad, à que no conviene dar lugar; mandamos à los Virreies, Audiencias, y Governadores, y demas Justicias de nuestras Indias que procuren la publicacion, guarda, y execucion de dichas letras apostolicas en todas las ciudades villas, y lugares de sus *distritos*. Vide infra anno 1568. 28. Dec. Ord. 122.

## ORDINATIO XCIII.

Anno 1560.

**P**ius IV. singulis episcopatibus imposuit pro media annata triginta ducatos & mediam unius partem. Ita Claudius Clemens in Tabulis Chronologicis Indiarum Decade 8. De reliquis Indiarum beneficiis id juris non exigitur, tum quia nullius collator est pontifex, tum quia canonicatum omnium redditus in distributionibus consistunt, ut patet ex erectionibus, quarum exemplar vide in Tucumanensi infra Ord. 127., & annata non solvitur in provisione canonicatum, quorum redditus toti sunt distributiones, etiamsi magni sint valoris, ut docet Card. Petra (a).

Et Gonzalez (b) inquit: *Quamvis* in Cancellaria Apostolica sit solvenda

(a) Petra, tom. 5. ad Const. 6. Pauli II. n. 23. pag. 423. (b) Hieron. Gonzalez in Reg. 8. Cancell. 9. 7. Prom. num. 166. pag. 52.

venda dimidia annata beneficii a sede Apostolica collati, cujus valor excedit 24. ducatos de camera; tamen ad hunc effectum, ut passim videmus, non taxantur distributiones, cum longe à fructibus distent, nec de distributionibus annata solvitur. Et propterea nulla annata solvitur de canonicatibus Ecclesiæ Toletanæ, Hispalensis, & *aliarum*. Idem habet Castropalaus (a) addens Ecclesiis Toletanæ & Hispalensi Compostellanam.

Sed licet non omnes redditus essent in distributiones redacti, & beneficiorum episcopatu inferiorum collator esset Summus Pontifex, non Episcopus; essent nihilominus ab annatæ pensione libera, si verum est quod nulla beneficia per Hispaniam, Galliam, & Germaniam taxantur in Camera ultra 24. ducatos, ut habet Lacroix (b), & de Hispania atque Germania, suppressa Gallia Leurenus (c). Et P. Hunoldus Plettemberg (d) ait: *Canonicatus* autem Germaniæ & Hispaniæ ex generali consuetudine & stilo Curiæ, atque etiam secundum concordata Germaniæ, rescribuntur omnes ad 24. ducatos, ut nimirum vitentur annatæ. Ideoque ne gratia fiat nulla, addi solet in litteris expeditionis: *Verus* valor & vacationis modus . . . habeantur pro *expressis*. Consequenter Indiarum canonicatus etiam si de reliquo essent annatis obnoxii, ex hoc capite liberarentur, nam quoad qualitates non expressas in propriis erectionibus sequuntur normam hispanicorum, præsertim quæ vigeat in Ecclesia Hispalensi.

At de hispanicis ante novissimum concordatum Benedicti XIV. & Ferdinandi VI. anni 1753., dubium movet Articulus VIII. ubi dicitur: *Su Magestad* se obliga à hacer consignar en Roma à titulo de compensacion (por los derechos de las expediciones y annatas) tres-cientos-y-diez-mil escudos *romanos*. Quò enim respicit compensatio pro annatis, si nihil annatarum nomine pensabatur? Verius est de beneficiis aliquibus per Hispaniam solvi annatam, de aliis non item. Idque significare videntur hispanici scriptores supra laudati, qui exemptionem attribuunt, non omnibus canonicatibus, sed aliquibus, nempe Ecclesiarum, quas nominant. Et fortè Ecclesiæ sunt, in quibus alii obligati sunt, alii exempti, ut modò post concordatum, per quod ex omnibus, qui in Hispania sunt beneficiis, quinquaginta-duo Pontificis collationi reservantur.

## ORDINATIO XCIV.

Anno 1561.

**C**hristiana re apud Yucatanos refflorescente, Sedes Episcopalis erigitur Emeritæ. Meminit author Geographiæ Sacræ apud Chiquet. Vide supra anno 1518. & 1526.

OR.

(a) *Castrop.* tom. 2. sr. 7. D. 3. P. 7. n. 2.(b) *Lacroix, Quæst.* 89. *De Benef.*(c) *Leuren. P.* 2. *De foro benef.* q. 601.(d) *Plettemberg, Not. Cur. Rom. cap.* 12. *ad Regul.* 55. *Cancell. num.* 3.

Cc

## ORDINATIO -XCV.

Anno 1561. 28. Jan.

**A**D Instantiam Sebastiani Portugalliae Regis Pius IV. Episcopis, aliisque (I) locorum ordinariis, in partibus & insulis Brasiliae & Indiae orientalis illius dominio subiectis, praesentibus & futuris concessit, quod ipsi per se vel alios, quascumque personas, tam ecclesiasticas cujusvis ordinis regulares, quam etiam saeculares partium praefatarum, quae in quacumque excommunicationis, suspensionis, aliasque censuras, sententias & poenas ecclesiasticas, super quibus eadem Sedes veniret consulenda, quavis de causa pro tempore inciderent, ab ejusmodi censuris, sententiis, & poenis, & a quibusvis earum peccatis & criminibus Sedi Apostolicae reservatis, etiam in Bulla Coenae Domini contentis (praeterquam conspirationis in personam vel statum Romani Pontificis, aut alicujus Cardinalis, injectionis manuum violentarum in episcopos vel alios praelatos, presbytericidii, delationis armorum aliorumque prohibitorum ad infideles, ac falsificationis litterarum apostolicarum), in foro conscientiae duntaxat, in contentis videlicet in dicta Bulla semel in vita cujuslibet personae, & in mortis articulo; in aliis vero reservatis casibus quoties eis videbitur, absolvere: ac super irregularitate per eos quavis de causa, non tamen homicidii voluntarii alias quam in bello contra infideles perpetrati, aut bigamiae (II) occasione contracta. Quodque praemissis non obstantibus ad omnes etiam sacros ordines promoveri, seu eisdem ordinibus jam susceptis uti; nec non quaecumque & qualiacumque beneficia cum & sine cura recipere & retinere possent, etiam si dignitates ipsae post majores pontificales forent. Necnon quibuscumque earum partium personis, quarto simplicis, aut tertio (III) & quarto mixtim, sive etiam multiplici (IV), consanguinitatis aut affinitatis gradibus invicem conjunctis, aut (V) publicae honestatis iustitia impeditis, seu qui antea per adulterium se polluisent, sine machinatione tamen (VI) in mortem defuncti, vel in contractis per eos matrimoniis, si carnali copula exinde secuta consummata fuissent, remanere, seu illa de novo contrahere, & in facie Ecclesiae solemnizare possent gratis dispensare prolem legitimam declarando, ac omnem inhabilitatem & infamiae maculam ab ecclesiasticis personis contractam abolere valerent. Non obstantibus quibuscumque contrariis. Extat apud P. Simonem Marquez S. J. (a) in *Brasilia Pontificia*. Incipitque *Insuper eminentis*. Et in indice operis affirmat idem author, usu hodierno vigere. Et alibi (b) plurium Theologorum & Canonistarum suffragia coacervat, judicantium facultates constitutionis hujus transire in Capitulum sede vacante. Quod extra dubium videtur esse, cum concedantur ex aequo Episcopis & aliis locorum ordinariis: quo nomine Capitulum sede vacante venire, nemo dubitat.

AD-

(a) *Marq. lib. 2. D. 3. f. 1.* (b) *16. sect. 2.*

## ADNOTATIONES.

(1) *Ordinariis*. Quis hoc nomine sit intelligendus, docet Diana (a). Quoties in aliquo, inquit, decreto mentio fit ordinarii, nisi subjecta materia aliud poscat, intelligi non tantum Episcopos, sed omnes habentes jurisdictionem ordinariam, quia omnes illi ordinarii sunt: atque adeo nomine ordinarii comprehendi Vicarium Episcopi, cum verè ordinarius sit. Idem dic de Vicario Capituli sede vacante, & aliorum habentium jurisdictionem episcopalem. Hæc tamen non sunt extendenda ad Vicarium foraneum (qui à Lusitanis dicitur *da Vara*); hic enim ordinarius non est, ut ex communi sententia docet Sanchez (b), & Gutierrez (c). ¶

De Prælatiis Brasilianis à Sede Apostolica constitutis in partibus longinquis à diocesi aliqua dismembratis, ut olim in Provincia Januariensi, & modò in Cujabaënsi, & Gojafensi, de quibus infra anno 1575. 16. Jul., & anno 1746. 6. Decembr., dubitaverit quis an nomine ordinarii intelligantur. Sed affirmandum est, nam *Judex ordinarius est*, inquit Laiman (d), qui tanquam ex officio universitati causarum præest, sive proprio jure suo, si supremus judex sit, sive ex Principis beneficio, si *subordinatus*.

Et P. Mendo quinque colligit (e) judicis ordinarii proprietates, quæ omnes conveniunt ejusmodi prælatiis. 1. Quòd judex ordinarius jurisdictionem habet à lege, non ab homine; delegatus verò, ab homine, nempe à judice ordinario. 2. Jurisdictio ordinaria sequitur, non personam sed officium, & ideo agit nomine proprio, non alieno; at delegatio sequitur personam, & agit illa nomine alieno, ejus scilicet qui delegavit. 3. Judex ordinarius habet territorium designatum, & circa illius personas universitatem causarum. 4. Judex ordinarius potest delegare causas aliquas, aut partem jurisdictionis; delegatus autem nequit subdelegare nisi sit delegatus Pontificis in ecclesiasticis, aut Principis supremi in sæcularibus. 5. Jurisdictio ordinarii non expirat morte concedentis, quia datur officio non personæ, verum jurisdictio delegata expirat morte concedentis, nisi jam causa fuerit cæpta.

Ex his infert Mendus Scholasticum Salmantinum esse judicem ordinarium, quia jus habet à Principe, seu à lege Principis sanctionibus stabilita; quia jus, quo gaudet, sequitur officium; agit judicem nomine proprio; quia habet territorium assignatum, & universitatem causarum; quia potest delegare; neque morte concedentis expirat jurisdictio. Eandem ordinarii qualitatem respectu Scholarium, qui in matricula descripti sunt tribuit cum aliis Sanchez (f) Scholastico, si *privilegium habeat*.

Ex

(a) Diana coord. tom. 2. tr. 6. R. 90. ex P. 11. tr. 6. R. 35.

(b) Sanchez lib. 3. de Matr. 629.

(c) Gutierr. cap. 67. & 69. de Matr.

(d) Laiman, lib. 3. Summ. tr. 6. cap. 2.

(e) Mendo, lib. 1. De jur. Acad. q. 24. n.

492. (f) Sanchez lib. 3. De Matr. D. 7. n. 4.



Ex quo patet, non ob stare quominus jurisdictio dicatur ordinaria, quod per privilegium præter jus commune, seu per specialem sanctionem Principis conferatur. Quod solum ob stare poterat, quominus jurisdictio Prælatorum Brasiliensium & similium dicatur & sit ordinaria. De cætero quod nomine ordinarii quasi substantivè accepti non semper veniat potestatem habens ordinariam, non quilibet iudex ordinarius quasi adiectivè sumptus, sed aliquando contrahatur, vel ex subiecta materia, ut agebat Diana, vel ex declaratione aliqua, patet ex resolutione S. Rituum Congregationis, quam refert Cavalieri (a): *Regularium superiores non veniunt nomine ordinariorum: & consequenter non possunt assignare aliquam ex dominicis Novembris pro recitatione officii de Patrocinio B. M. V.*

(II) *Bigamiæ occasione.* Privilegia dispensandi in irregularitate excepta bigamia, *sunt intelligenda solum*, inquit Rodericius (b), de bigamia vera & interpretativa respectu ordinum sacrorum, idest, quando quis habuit, & cognovit duas uxores, vel in uxorem duxit viduam, vel ab alio corruptam. Cum bigamo similitudinario, cum clericus in sacris constitutus, vel religiosus professus contrahit matrimonium, & cognoscit uxorem, inquit Hieronimus Rodriguez (c), etiam ad sacros ordines, & cum veris & interpretativis bigamis ad ordines minores, optimè posse per ejusmodi privilegia dispensari.

Loquens de Episcopo eidem sententiæ tanquam probabiliori adhæret Sanchez (d), nempe dispensare posse cum omni bigamo ad ordines minores, cum similitudinario etiam ad sacros, præsertim si delictum sit occultum. Ad subdiaconatum absolute negat posse potestate ordinaria dispensare cum vero & cum interpretativo bigamo. Addit tamen: At posse dispensare Episcopum ex tacita concessione Pontificis, dum ingens est penuria ministrorum; nec esset aditus ad Pontificem ob magnam loci distantiam, ut apud Indos, placet utique propter rationem generalem, ob quam in simili necessitate probabimus (lib. 2. d. 40.), posse Episcopum in lege Concilii Generalis vel Pontificis dispensare. Sed non video cur hæc facultas sit ad subdiaconatum restringenda; sed poterit in omnibus sacris ordinibus dispensare, quia eadem necessitatis ratio militat. Imo necessitati fidelium ob ministrorum penuriam nullatenus consulitur, nisi Episcopus ad sacerdotium dispense, quia soli sacerdotes possunt sacramenta conficere, quibus fideles indigent, eucharistiam, poenitentiam, extremam unctionem,

(III) *Tertio & quarto mixtim.* Is cui conceditur, verba sunt P. Sanchez lib. 8. De Matrim. d. 24., potestas dispensandi in aliquo gradu, potest in eo dispensare, quamvis sit mixtus ex alio propinquiore, quia is gradus verè non est mixtus sed simplex, nisi alter contrahentium distaret à stipite in primo gradu. Et hæc exceptio fit propter verba motus-proprii Pii V. editi 26. Aug. 1566. incipientis *Sanctissimus*, ubi revocans constitutionem

(a) Cavalieri, Oper. Liturg. tom. 2. cap. 1.  
3. Decr. 3. (b) Emman. Roderic. tom. 1.  
99. Regul. q. 24. art. 2.

(c) Hieronim. Rodr. Resol. 15.

(d) Sanchez, lib. 7. De Matrim. d. 85.

nem Pii IV. contrariam, decidit non esse necessariam mentionem gradus propinquiore in petenda dispensatione, *Dummodo primum quoquomodo non attingat, cum in eo Sanctitas Sua nunquam dispensare intendat, nisi exprimat*. Sed quamvis alter contrahentium attingat in primo gradu Stipitem, si alter sit in quinto vel ultra gradu, contractus licet etiam sine dispensatione, ut alibi docet ex communissima sententia, v. g. si quis amet ducere filiam sui quarti avi hunc attingentem in primo gradu, cum ille distet in quinto.

Hinc infert, Indos Novi Orbis posse ex privilegio Pauli Tertii, de quo supra Ord. 58. contrahere sine alia dispensatione, cum alter est in tertio vel ultra, alter in gradu primo distans à trunco, quia licet dispensatio sit stricti juris, debet recipere interpretationem à jure communi, quando versatur circa juris communis materiam; & attento jure communi distantia graduum computatur secundum remotiorem. Neque obstat motus proprius Pii V. nuper relatus; loquitur enim quando uterque contrahentium est in gradu prohibito. Sed prohibitus non est respectu Indorum gradus tertius, sicut nec quintus respectu aliorum.

Dices: quid ergo in præsentè privilegio & similibus ad gradum quartum simplicem additur tertius cum quarto mixtim, si solum gradus remotior computatur. Sed tempora distingue, nam Pius IV. præsentis ordinationis author decretum edidit de exprimendo propinquiore gradu, quod Pius V. revocavit. Et independentè à decreto opinio fuit olim; computandam esse graduum ex utraque parte distantiam. Ex ea opinione poterat oriri dubium, ad quod tollendum utile est, ut in privilegiis etiam posterioribus fiat similis additio.

Si tamen quæras, quis dicatur esse in tertio cum quarto gradum mixtim, collige ex iis quæ habet laudatus Sanchez (a) dum ait: *Si quis ducere velit filiam fratris sui, aut filiam filii, aut nepotis fratris; hic contracturus distat à primo stipite in primo gradu, & à filia fratris in primo cum secundo, à nepte fratris in primo cum tertio, à pronepte fratris in primo cum quarto*. Quia scilicet proneptis fratris quæ cum fratre est in tertio gradu, est in quarto cum fratripatre, qui fratrum communis est stipex, quem attingit in primogradu contracturus in casu posito. Igitur in tertio cum quarto gradu, ut ex præsentè privilegio dispensari posset, sunt nepos Petri v. g. cum pronepte ex fratre vel ex sorore Petri. Nam stipes est Petri pater, à quo Petrus distat in primo, filius Petri in secundo, Petri nepos in tertio, & pronepos vel proneptis ex fratre vel sorore Petri distat eadem ratione à communi stipite in quarto.

(IV) *Multipli*. Sunt qui putent apud Sanchez (b), & Dianam (c), dispensatum in uno gradu censerì dispensatum, quamvis in eo gradu sit duplici titulo, ut si quis ducere velit consobrinam, quæ talis sit *por parte de padre y de madre*. Alii negant, & dubium quod ex affirmantium & negan-

---

(a) *Sanct. lib. 8. De Matr. d. 24. n. 32.* (b) *Sanchez, ibid. n. 4.* (c) *Diana, coord. tom. 3. rr. 2. R. 92.*

negantium opinionibus emergit, commodè tollitur expressa in privilegio multiplicitate gradus. Neque par est difficultas in præcedente Adnotatione tractata de gradu mixto. De hac enim extat textus in cap. *Vir qui De Consanguin.*, ubi dicitur: *Vir qui à stipite quarto gradu, & mulier quæ ex alio latere distat quinto, secundum regulam approbatam qua dicitur, Quoto gradu remotior distat à stipite, & à quolibet per aliam viam descendendum ex eodem, licitè possunt matrimonialiter copulari.*

Et licet cap. *Quo dilecto*, eod. tit. negetur posse contrahi attento gradu remotiore, dum propinquior est mixtus, hoc tamen decretum est factum peculiariter pro regione, de qua ibi dicitur, incolas consuevisse sic conjunctos separare, & conjunctionem impedire. Cui consuetudini deferendum putavit Pontifex, ne novitate generaretur scandalum.

Extat etiam motus proprius Pii V., de quo supra dictum est, qui licet dispensato gradu remotiore requirat litteras declaratorias de non-obstantia propinquioris, hoc tamen fit, inquit Sanchez, pro foro externo, & ut vitetur scandalum si quod timeatur ex hominum opinione. Hæc tamen fundamenta non militant ad excusandam expressionem multipliciter impediendorum.

(v) *Publicæ honestatis*. Sive impedimentum procedat ex sponsalibus sive ex matrimonio rato in primo aut ulteriore gradu. Quod si publica honestas afficiat infideles postea baptizatos, putant plures cum Sanchez (a) non esse opus dispensatione, ad contrahendum videlicet cum sorore desponsatæ.

(vi) *Sine machinatione tamen*. Per machinationem intelligitur conatus occidendi, sed effectu secuto, quia verba cum effectu sunt accipienda, quando aliud non exprimitur, ex cap. *Relatum. De cler. non resid.*

## ORDINATIO XCVI.

Anno 1561. 27. Jun.

**P**ius IV. sedem episcopalem constituit in oppido Sancti Jacobi, & in Civitate Imperiali Regni Chilensis, utramque sub Limensi Metropolitano. Sed Imperiali barbarorum incursionibus destructa, translata est sedes ad oppidum Conceptionis in eodem regno anno 1620. Refert P. Petrus Lozano S. J. (b). Et Ill. Villarroel S. Jacobi Episcopus ait, hujus Ecclesiæ erectionem esse factam instar Cuzquensis.

## ORDINATIO XCVII.

Anno 1561. 1. Jul.

**V**eræpaci Ecclesia fit episcopalis unienda Guatemalæ tempore Pauli V. Refert P. Claudius Clemens in Tabulis Chronol. Ind.

OR-

---

(a) *Sancti. lib. 7. De Matr. d. 65. n. 7.* (b) *Lex. Hist. del Parag. tom. 1. lib. 2. cap. 5. num. 12.*

## ORDINATIO XCVIII.

**F**It Episcopalis Ecclesia Sanctæ Fidei de Bogota in Novo Regno Granatensi, Archiepiscopalis futura ab anno 1564. Mentio fit partim in cit. Tabulis, partim in Geographia Sacra apud Chiquet.

## ORDINATIO XCIX.

Anno 1562. 11. Aug.

**A**D instantiam Regis Catholici, Episcopos Indiarum trium numero non adhibito, alias tamen rite consecratos, ab ejusmodi excessu (1), ac suspensionis, aliisque ecclesiasticis sententiis, censuris, & pœnis per eos propterea incursis absolvit Pius IV. Et super irregularitate, siquam inde contraxissent, dispensavit. Et quod munere præfato sic suscepto, suis & presbyteratus ordinibus ac officio pontificali uti (II), & in illis, etiam in altaris ministerio ministrare, ac suis ecclesiis præesse, liberè & dicite valerent. Et specialis dono gratiæ dispensavit, ut deinceps (III) à quocumque catholico antistite, accitis & in hoc sibi assistentibus duobus vel tribus in ecclesiastica dignitate constitutis, seu Cathedralis, aut cathedralium canonicis, consecrationis munus recipere valerent. Non obstantibus quibuscumque. Extat apud III. Villarroel (a) Incipit *Ex superna*.

## ADNOTATIONES.

(1) *Excessu ac suspensionis*. De excessu constat ex decretis Adnot. seq. referendis, siquidem factum dispensationem præcessit. Suspendio verò aliarumque censuræ, & pœnæ, quæ dicuntur incurse, quænam sint, difficilius est enucleare. In genere sunt illæ, quæ feruntur in indebitè promotos, si & quatenus episcopos comprehendant, nam sub generali dispositione pœnali non comprehenduntur, & fieri debet illorum expressa mentio ex cap. *Quia periculosum*, De sent. exc. in 6. Sunt etiam illæ, quæ feruntur in Jure in indebitè utentes pontificali, quas vide apud Castropalaum (b). Supponitur enim Episcopos non adhibito trium prælatorum numero consecratos non abstinuisse pontificalis usu. Sunt illæ, quæ feruntur in intrusos, quas vide apud III. Urrutigoiti Episcopum Balbastrensem (c). Vel quæ feruntur in Extrav. 1. De Elect. inter Commun., in qua licet sermo sit de iis, qui ecclesiasticorum bonorum administrationem accipiunt, litteris promotionis non præsentatis, supponitur Episcopos in quæstione administrationem accepisse, & est certum ante dispensationem litteras non potuisse præsentare.

Termini citatæ Extrav. sunt: *Sancimus*, ut Episcopi . . . qui apud dictam

(a) Villarr. 1. P. q. 1. art. 9. n. 30. (b) Castrop. D. 4. De Censur. Puncto 10. §. 5. (c) Urrutiig. De Intrus. quæst. 115.

dictam Sedem promoventur, aut confirmationis munus recipiunt, ad commissas sibi ecclesias absque dictæ Sedis (Apostolicæ) litteris hujusmodi eorum promotionem aut confirmationem continentibus accedere vel bonorum ecclesiasticorum administrationem accipere non præsumant. Nullique eos absque dictarum litterarum ostensione recipiant, aut eis pareant. Quodsi forsan contrà præsumptum fuerit, quod per episcopos actum fuerit irritum habeatur, nec quidquam interim iidem episcopi de ecclesiarum proventibus percipiant. Capitula verò aut alii eos recipientes vel obediētes tandiu sint à beneficiorum suorum perceptione suspensi, donec super hoc ejusdem Sedis gratiam meruerint *obtinerē*. Qua constitutione Episcopis, nec tantum Capitulis recipientibus, irrogatur pœna suspensionis, ut benè advertit P. Suarez (a) dicens: *Quamvis* ibi non utatur Pontifex verbis suspensionis, tamen reipsa suspensionem imponit per effectus ejus, dum irritat omnia gesta in hujusmodi regimine per tales prælatos, eosque proventibus privat.

(11) *Pontificali uti*. Ad hæc non advertit P. Avendaño (b), qui cum probè fateatur, similes dispositiones pontificias certitudinem rei, de qua agitur, inducere; valde dubium esse ait, an consecratio sine beneplacito Pontificis facta, non concurrentibus ad eam episcopis tribus, valida sit. En Pontifex, qui non solum dispensat in futurum, nec tantum absolvit ab excessu commisso, sed episcopis sine tribus aliis ante dispensationem consecratis indulget, quod invalide consecratis indulgere non posset, ut ordinibus, non tantum presbyteratus, sed suis, hoc est, episcopalibus & officio pontificali licitè uti valeant. Opposita ergo sententia qualemquam probabilitatem habuerit olim, jam est improbabilis.

P. Lacroix (c), ut immunem reddat à damnatione 1. proposit. ex innocentianis sententiam hanc de valore consecrationis sine trium episcoporum concursu, inquit: *Certa* videtur sententia, quod valet consecratio episcopi facta ab uno episcopo ex dispensatione apostolica, assistentibus duobus sacerdotibus, ut constat ex praxi S. Gregorii Magni, S. Gregorii (III), S. Pii V., quam confirmarunt Innocentius X. & Alexander VII. . . nam de tali consecratione ita resolvit S. Congregatio 15. Dec. 1657.: *Quantum* spectat ad sacramentum & impressionem characteris, fuisse validam; quantum verò spectat ad licitam ordinis executionem, fuisse irritam & inanem, & episcopum ita consecrantem & consecratum respectivè indigere absolutione & *dispensatione* . . . Quodsi Episcopus ab uno tantum Episcopo, etiam assistentibus duobus sacerdotibus, consecratur sine dispensatione apostolica, Henao dicit talem consecrationem fore probabiliter invalidam, ideoque sub conditione *repetendam*. Hucusque Lacroix.

Praxis, quæ dicitur S. Gregorii Magni, dubia videtur; nam locus, in quo fundatur, aliter legitur apud J. C. Pignatelli (d), aliter apud Castropalaum (e) Gregorius III. pro Gregorio XIII. positus videtur, qui cum

(a) Suarez, *Disp.* 30. *De censur. sect.* 5. num. 23. pag. 518.

(b) Avendaño, *Tit.* 13. *Thesaur. Ind.* à n. 27.

(c) Lacroix, *De Sacram. Ord.* à num. 2147.

(d) Pignatelli, *tom.* 1. C. 182.

(e) Castropal. *Punct.* 4. *De Sac. Ord.* n. 14.

cum Patriarcha Æthiopiæ dicitur dispensasse, & Pius V. pro Pio IV. præsentis ordinationis authore; sic enim legitur apud laudatum Pignatelli, qui punctum hoc omnium exactissimè discussit. Sed S. Congregationis resolutio à Lacroix producta, & quæ infra suo loco latius exponetur, minus ad rem præsentem de numero Episcoporum pertinet, nam illa consecratio facta est ab uno quidem Episcopo, sed litteris promotionis aut confirmationis non exhibitis. At S. Congregatio, quamquam resolvit, fuisse illegitimam, in medio reliquit illegitimitatis causam, quænam fuerit è duabus, an Episcopi unitas, an defectus litterarum: quamvis quoad valorem bene probetur ex ea intentæ certitudo.

Praxis de cætero Episcopum consecrandi sine tribus est indubitata, non solum de Indiis, pro quibus nulla fit promotio in qua non dispensetur, saltem in America; sed & de Europa refert Anastasius Bibliothecarius, & Baronius (a), Pelagium I. ordinatum esse a duobus Episcopis & uno Presbytero. Et Barbosa (b) testatur, decreto S. Rituum Congregationis 2. Octobr. 1601., factam esse potestatem Episcopo Usseleni in Sardinia, ut à duobus Episcopis & uno Abbate consecraretur.

Sed præsentæ ordinatione plana, quatenus indulget episcopis ab uno ordinatis, ut suis ordinibus utantur, certus fit consecrationis valor etiam ante dispensationem quoad sacramenti valorem & characteris impressionem. Nec de diplomatis, quod adversarii non negant, existentia dubitare jam licet, ut notavit loco cit. Pignatelli. Etsi aliquando minus fuit notum; ut patet ex actis Ill. Cardenas Episcopi Paraguai, in cujus consecratione maximè desideratum est. Præter quam quod pro singulis qui hoc tempore ad ecclesias Novi Orbis promoventur, singula ejusdem argumenti diplomata expediuntur in dies: quale vide infra anno 1763. 18. Jul.

Assertæ certitudini non obstat Epistola S. Damasi ad omnes Episcopos 4., & habetur C. *Cœpiscopi*, D. 69., ubi ait: *Quod* Episcopi non sint qui minus quam à tribus ordinati sunt Episcopis, omnibus patet; prohibitum est enim à SS. Patribus, ut qui ab uno vel à duobus sunt ordinati Episcopis, non nominentur Episcopi. Si enim nomen non habent, qualiter officium habebunt? Non obstat 2. C. *Siquis*, D. 65., ubi dicitur: *Ille*, quia solus est, ordinare non potest Episcopum 3. C. *Si forte*, D. ead. *Si fortè* in provincia contigerit, unum tantum remanere Episcopum, superstes convocet Episcopos vicinæ provincie. Quod esset frustra, si ab uno tantum fieri posset consecratio. Est autem illa decisio Concilii Sardicenis, can. 6.

Non obstat 4. Can. 1. D. 64. ex Concilio Nicæno cap. 4. desumptus: *Tres* Episcopi debent in unum congregari. 5. Can. *Comprovinciales*, ead. Dist., qui habetur etiam cap. *Si Archiepiscopus*, De tempor. Ord. *Comprovinciales* Episcopi . . . à tribus ordinari possunt, consentientibus aliis. 6. Cap.

(a) Apud Pax-Jordanum, tom. 1. lib. 5. tit. 2. num. 18. (b) Barbof. Decis. Apost. V. Consecratio.

Cap. *Nec Episcopi*, eod. tit. *Nec Episcopi sine Metropolitani permisso*, neque Metropolitanus sine duobus vel tribus Episcopis comprovincialibus præsumat Episcopum *ordinare*.

Non obstat 7. Can. *Porro*, D. 66. *Jacobus . . . à Petro, Jacobo, & Joanne Apostolis est ordinatus*, successoribus dantibus formam, ut non minus quam à tribus episcopis ullatenus episcopus *ordinetur*. Et Glossa ibi: *Quod dicitur à tribus*, est de substantia consecrationis, aliàs non esset consecratus, si essent *pauciores*. Et hæc Glossæ sententia à cæteris Juris Canonici Doctoribus est eo capite approbata & recepta, ut inquit Azor (a).

Non inquam obstat primum, nam S. Damasi verbis tantum significatur suspensio suscepti ordinis quoad exercitium, non characteris defectus. Patet hoc ex Can. *Illud*, D. 64., qui ex Concilio Nicæno c. 6. desumptus est, ubi habetur: *Illud generaliter est clarum*, quod si quis præter sententiam Metropolitanæ factus fuerit Episcopus, hunc magna synodus definivit, Episcopum esse non oportere. Ubi Episcopum esse pro Episcopi munus obire sumitur. Neque enim visa est aliquando necessaria Metropolitanæ sententia ad validam ordinationem, sed ad ordinis functiones obeundas: quod est Episcopum esse in exercitio, & quasi in actu secundo.

In hoc sensu locutum esse Epistolæ objectæ authorem, constat exsequentibus, ubi ait: *Tria* obstant, quibus eorum cassatur actio vel institutio: unum quod ab uno Episcopo ordinari solent, in quo eorum ordinatio à canonibus discordat. Aliud, si à pluribus Episcopis ordinati sunt in modica civitate. Tertio, si absolutè sunt *instituti*. In quibus eadem ratione episcopos non esse significatur per unitatem ordinantis, ac per ascriptionem modicæ vel nullius plebis: quod est quidem contra canones, non tamen contra validitatem ordinationis. In eundem sensum convenit Pignatelli supra laudatus, dum ait: *Juxta* modum loquendi canonum irrita dicuntur, quia à jure sunt prohibita, & non valent ad producendos legitimos effectus.

Mitto quod iudice Petavio & aliis (b), falsò tribuitur S. Damaso epistola in quæstione. Imo in codice, quem Damasus Papa de Episcopis Romanæ Ecclesiæ petente Hieronymo conscripsit, legit Rabanus (c), quod Linus & Cletus ex præcepto B. Petri ordinationes presbyterorum fecerunt: quam credit idem authorem esse primam corepiscoporum originem, de quibus Nicolaus I. in Epistola ad Rodolphum scribit (d) *Ad formam* septuaginta (discipulorum) corepiscopi facti sunt, quos quis dubitet episcoporum habuisse officia.

Communiùs exploditur, & primum à Baronio (e) tanquam adulterina epistola Joannis Tertii, qua dicitur; *Omnia* maxima concilia affirmant, eum non esse episcopum, qui minus quam a tribus episcopis factus fuerit episcopus. Ideoque illos, quos corepiscopos nominatis, quia ab uno

funt

(a) Azor, tom. 2. Inq. lib. 3. cap. 30.

(b) Petav. apud Hard. tom. 2. Concilior. col. 768. (c) Raban. apud eund. t. 5. c. 1418.

(d) Nicol. I. apud eund. t. 5. col. 349.

(e) Baron. apud eund. tom. 1. c. 768.

fiunt episcopo, episcopos non esse *perspicuum est*. Unitas igitur ordinantis non obstat ordinationis valori, si de cætero canonica sit.

At postquam à Sede Apostolica, & à Conciliis pluribus prohibitum est, ne episcopi ordinarentur in villis vel absque plebe, & ne nisi tribus concurrentibus consecrarentur, credere est in presbyteros tantum ordinatos vicarios quosdam foraneos, qui episcoporum vice super horum gregis portione speculatores in certis villis excubias agerent, ideo *Corepiscopos* appellatos, ac deinceps *Archipresbyteros*: de quibus si quando suarum facultatum modum excederent, ut sit, intelligi possunt mediæ ætatis *invektivæ*, ut illa quam ex Leone III. refert Carolus Magnus in Capitularibus.

Reliqua objecta non obstant; fatemur enim, per sacros canones esse prohibitas ordinationes episcoporum factas minus quam à tribus: hoc tamen non pertinet ad ordinationis valorem, & Ecclesia potest canones immutare, quorum æquitas à nullo ultra quam præstare possit, exigit, ut inquit Pius IV. in textu præsentis ordinationis. Exemplum Jacobi à tribus Apostolis ordinati, si admittatur, ab omnibus explicandum est, nam Jacobus jam erat cum aliis Apostolis à Christo Domino ordinatus in Episcopum, neque poterat rursus à tribus aliis ordinari. Forte cum Jacobus in sede hierosolimitana constitutus est, adhibitus est ritus aliquis à tribus qui nominantur Apostolis, ut ex P. Suarez animadvertit Pignatelli.

Quidquid de hoc sit, forma illa adhibendi in consecratione trium prælatorum numerum à juris canonici doctoribus non ita censetur esse de substantia, ut inquit Azor. Neque sententia Glossæ est vera, si substantia accipiatur pro essentia sacramenti. Potest verò dici ritus & forma substantialis, quatenus consecratio aliter sine dispensatione facta est irrita secundum modum loquendi canonum supra à Pignatelli explicatum.

Dixi de Jacobi exemplo, *Si admittatur*. Continetur enim in quadam epistola decretali Anacleti Papæ, unde canon ille est desumptus, & in alia Aniceti, ut refert loc. cit. Castropalaus. At decretalibus horum Pontificum, & aliorum usque ad Siricium, non est indubitata autoritas, ut vide infra Ord. 133. §. 2. ad object. 3.

(III) *Dispensavit, ut deinceps*. Quamvis hæc dispensatio extendatur ad omnes in posterum eligendos; ad quemlibet, dum promovetur, mittitur Romæ cum aliis bulla peculiaris dispensationis, ut notavit Ill. Villarroel, & est notum. Id quod Capitulo Paraguaiensi olim judicandi causa fuit, Breve Pianum vel esse revocatum, vel caruisse usu, ut habetur in quadam ejusdem Capituli responsione ad provisionem seu decretum Judicis Metropolitanæ expeditum anno 1646. 14. Martii. Sed Bulla ad quemlibet in particulari electum mitti potest ad abundantiam, vel ex Curie stilo, aut melius quia Breve Pianum haberi non potest à singulis electis authenticum, ut in forma exhibeatur à consecrando. Aliud simile datum est à Paulo V. 7. Dec. 1610., quod refert Franciscus Ortiz Salcedo apud Fr. Hyacinthum Jorquera O. P., in quadam resolutione, ubi affirmat Bre-



ve Pianum, de quo in præsentī, extare in archivio Ecclesiæ Metropolitanæ Limensis. Sic licet à Sixto V. ordinatum sit pro omnibus Episcopis transmarinis, quoto tempore debeant Apostolorum visitare limina, eadem ordinatio in promotione singulorum per peculiare diploma reiteratur.

## ORDINATIO C.

Anno 1562. 11. Aug.

**I**dem Pontifex concessit omnibus fidelibus Indis Indiarum occidentalium ad supplicationem Philippi II., ut cum indulgentiæ plenariæ aut non plenariæ à Sede Apostolica publicantur, pro quibus jejunium, confessio & communio debent præcedere, si ante tempus ad indulgentiarum consecutionem statutum peccata sua commodè (I) confiteri nequiverint, dummodo corde contriti sint, & confiteantur cum primum confitendi opportunitatem nanciscuntur, vel saltem intra mensem, facta quoad jejunium (II) debita diligentia, prædictas indulgentias etiam plenarias [(III)] consequantur, perinde ac si confessionis & communionis sacramenta suscepissent, non obstantibus conditionibus præmissis in concessionibus indulgentiarum ejusmodi per prædecessores apposis, ac, per successores apponendis. Ita P. Avendaño (a) ex Rodericio (b). Idem privilegium refertur in Summario autoritate Concilii Limensis publicato, apud Haroldum (c): & esse privilegium bullatum supponit Rodericius, cujus sunt sequentes.

## ADNOTATIONES.

(I) *Si commodè confiteri nequiverint.* Ergo si commodè possint, tenentur statuto pro aliis tempore confiteri, nec sufficit contritio cum proposito confitendi deinceps. Causa hujus concessionis fuit sacerdotum penuria aliquando tanta ut uni parochio instaret cura Texdecim nationum totidem linguis differentium, ut post Rodericium refert Montenegro (d). Et in Tucumaniz diocesi, ubi hæc scribebantur, non una sit parochia centum & ultra milliaria lata. Penuria tamen sacerdotum est causa remota, vel occasio concessionis. Unde si nequeant Indi commodè confiteri, etiamsi copia sacerdotum sit, non ideo præsentē gratia privandi sunt.

(II) *Quoad jejunium.* Sermo est de indulgentia vel jubilæo requirente præter confessionem & communionem jejunium tantum. Si tamen ultra jejunium requirat orationem, vel eleemosynam erogari, Indi non eximuntur.

(III) *Consequantur.* Quidsi Indus excommunicatus sit? Consequetur-ne jubilæum non confessus, non absolutus? Videtur quod quandiu quis excommunicatus existit, non potest communicare in divinis, & per consequens

(a) *Avend. t. 12. n. 223.* (b) *Roderic. tom. 99. Regular. quæst. 99. art. 6.*

(c) *Harold. Lima limata, pag. 111.*

(d) *Monten. lib. 1. tr. 1. sect. 16. num. 2.*

quens neque indulgentia neque jubilæo frui, dum non absolvitur, licet jejundet, oret, & eleemosynam largiatur. Ita cit. Rodriguez. Sed oppositum videtur esse probabilius. Si enim excommunicatus adhuc vivens & contritus, per quem non stat quominus ecclesiæ communioni restituatur, probabiliter juxta Navarrum & Sâ lucrari potest indulgentias operibus, quæ licitè exercet, annexas, eo quòd sic prudenter præsumitur de benigna ecclesiæ voluntate, ut habet Lacroix (a); quanto magis in casu nostro quando ecclesia declarat, indulgentiæ favorem perinde prodesse Indis ac si confessionis & communionis sacramenta suscepissent.

III. Montenegro relato hoc Indorum privilegio (b) subdit: *Por lo qual no es necesario, que los Indios tomen la bula de la Cruzada.* Non tamen explicat rationem quare Indi ad hujus gratiæ fructum percipiendum bulla Cruciatæ non indigeant. Sed neque Solorzanus in loco ad quem Montenegro nos remittit. Quod solo jejunio satisfacere dicantur, non sufficit, requiritur enim jejunium solum ad excludendam confessionem, quam commodè facere nequeunt, quando non aliud indulgentia requirit, quam confessionem, communionem, & jejunium, quo non excluduntur opera aliàs requisita, ut de eleemosyna agebat nuper Rodericius. Illud est certum, quod si Indi habeant Cruciatæ bullam, quando jejunant & corde conteruntur, quamvis dum confessionis & communionis sacramenta jam commodè potentes suscipiunt, tempus bullæ promulgationis annuum vel biennale fortè expiraverit, & bullâ novâ careant, non sunt indulgentiâ privandi.

## ORDINATIO CI.

Anno 1562. 12. Aug.

**U**T Regius Indiarum Senatus possit ecclesiarum erectiones immutare, & emendare, prout sibi visum fuerit. Ita Claudius Clemens in Tabulis Chronol. Indiar. Nec meminit restrictionis, de qua supra Ord. 69., qua requiritur ut recursus ad Pontificem fiat pro approbatione. Sed argumentum illius Ord. aliud est, nempe de contrahendis vel dividendis Episcopatuum limitibus, cum præsens sit de mutandis vel corrigendis statutis, quæ dum ecclesia primùm erigitur, fieri solent ab Episcopo cum vel sine Capitulo circa distributionem fructuum decimalium, & officiorum, beneficiorumque, quæ sunt de regio patronatu. Ex qua differentia procedit, ut cum agitur de dividendo episcopatu, res ad Pontificem deferatur, ut factum est cum Arequipensis & Guamangensis, dismembrato Cuzquensi, erecti sunt; in Truxillensi ex Limano Archiepiscopatu partim, partim ex Episcopatu Quitensi fundato; & in divisione Episcopatum Pacis, & Sanctæ Crucis de la Sierra, de quibus ait Solorzanus (c): *el modo, que se ha tenido en estas divisiones, y desmembraciones, ha sido reci-*

(a) Lacr. *Quæst.* 185. de Indulg. (b) Montenegro, lib. 5. sr. 1. sect. 23. (c) Solorz. lib. 4. Polit. cap. 5.

recibir informes de su utilidad. Y necesidad precisa, y ganar el beneplacito de los Azobispos, ò Obispos, que en ellas podian ser intereseados ò perjudicados, y embiar relacion de todo al Summo Pontifice, el qual se sirvio de aprobar y admitir la nueva ereccion de Cathedrales y Obispos para ellas, y sus divisiones, cometiendo à los mismos Reyes y à las personas que ellos non brassen la forma particular de cada division, ò señalamiento de los terminos de cada *diocesis*.

Dum res erat de mutandis, corrigendisve erectionum statutis, recursus ad Summum Pontificem non est factus, quia facultas vel quæ præsentis ordinatione conceditur, vel quæ in regio jure patronatus Indiarum continetur, est absoluta. Juxta quod Ill. Villaroel (a) refert; per regiam schedulam 8. Januarii 1620. decretum esse, ut ab erectione Metropolitana Ecclesiæ Platenfis deleteretur clausula, qua prælato reservabatur facultas dubia interpretandi circa erectionem: declaratumque id solum competere Cancellariæ Præsidi ibi agenti Vice-Patronum. Et in Jure Indico dicitur (b): *Ordenamos* y mandamos, que en las erecciones, que estuvieren hechas, y se hicieren de aqui adelante, se ponga clausula de que quando se ofreciere que emendar, ampliar, corregir, establecer de nuevo, ò declarar, los prelados nos lo avisen en nuestro Consejo de las Indias. Y si la materia fuere tal que pueda tener peligro en la tardanza, la resuelvan por ahora nuestros Virreyes, Presidentes, y Audiencias: y esto se execute con calidad de que en la primera ocasion den cuenta al Consejo.

## ORDINATIO CII.

Eodem anno & die.

**N**E Indi teneantur ullum interdictum servare, nisi illi dederint causam vel specialiter interdicti sint. Valuit usque ad annos triginta, hoc est, usque ad annum 1592. Ita Summarium privilegiorum à Concilio Limensi approbatum. Fr. Joannes Baptista apud Avendaño ait (c), Indis à Pio V. esse concessum, ut possint tempore interdicti audire sacram. Sed videtur esse concessio præsens, quæ jam diu expiravit, cujus caducitas supprimitur, & quæ Pio V. tribuitur, cum à Pio IV. facta sit.

## ORDINATIO CIII.

Eodem anno & die.

**U**T Indi quocumque anni tempore velari possint, & nuptialem benedictionem accipere, dummodo nuptialis pompæ apparatus illis temporibus non exhibeant, in quibus prohibitz sunt ejusmodi velationes.

Sed

---

(a) Villarr. apud Frasso cap. 34, n. 41. (b) Lib. 1. tit. 2. §. 24. Recop. Ind. (c) Avendaño, tit. 12. Thesaur. Ind. num. 225.

Sed valuit tantum ad annos viginti quinque, idest usque ad annum 1587. Ita cit. Summarium ex Manuali Mexicano.

## ORDINATIO CIV.

Eodem anno & die.

**U**T Episcopi Indiarum ad conficiendum sacrum chrisma uti possint liquore, quem balsamum ibi vocant, quamvis non sit verum balsamum. Ita habetur in cit. Summario, in Tabulis Claudii Clementis, & apud Loffadam addentem, quod parum refert, esse factam concessionem ad instantiam Fr. Francisci Armellones, non ad instantiam Regis Catholici, ut alias habetur. Sed uterque suas potuit interponere preces, maxime cum concessio eadem facta sit semel & iterum, ut in eodem Summario exponitur. Vide infra anno 1571. 2. Aug. Ord. 133.

## ORDINATIO CV.

**U**T sacrum chrisma possit confici cum numero ministrorum qui reperitur, quamvis non tot sint quot requirunt jura. Sic habetur in citato Summario ex litteris apostolicis apud Bartholomæum Ledesma in fine Summæ Sacramentalis: & fortè sunt eadem, in quibus præcedens concessio fit. Quot verò ministrorum assistentia requiratur ad chrismatis renovationem, habes in pontificali. Concilii Rhotomagensis anni 1072. canon est (a): *Secundum statuta Patrum chrismatis, & olei baptismatis & unctionis consecratio fiat hora competente, scilicet post Nonam . . .* Debet Episcopus ut duodecim sacerdotes sacerdotalibus vestibus indutos secum habeat curare, vel quam *plures*. Et Concilium Mediolanense I. (b) præcipit, ut cum oleum chrismatis consecratur, omnino intersint, qui dignitates & personatus obtinent, & canonici, & reliqui Ecclesiæ Cathedralis clerici, & quos Episcopus vocandos duxerit de ecclesiis civitatis, vel *diæcesis*.

## ORDINATIO CVI.

Anno 1563. 2. Febr.

**U**T quoties ii qui verè pœnitentes & confessi sunt, sive firmum constitutis temporibus conhtendi propositum habentes aliquem ex infidelitate sive ab idololatria ad veri Dei cultum reduxerint, toties plenariam indulgentiam, plenariumque jubilæum consequantur, adjuncta aliqua per confessores pœnitentia salutari arbitraria: pro quo illorum conscientie onerantur. Ita refert Avendaño (c): & quamvis jam expiraverit quippe ad vicennium tantum valitura concessio; sed a successoribus Pontificibus proro-

(a) *C. Rhotom. C. 1. apud Hard. t. 6. c. 2188.* (b) *C. Mediol. apud eund. t. 10. c. 646.* (c) *Avendaño. 12. Tbes. In n. 481.*

prorogata est in Constit. *Animarum salutis*, ut vide infra ann. 1729. 112. Decembr. In prorogatione tamen requiritur etiam communio, & ablata est disjunctiva *sive firmum*, &c. & conceditur omnibus Christi fidelibus in quibuscumque oceani Indiis, aut Sinarum regione, vel Brasilia constitutis. Neque in prorogatione continetur additum illud *Plenariumque jubilæum*.

## ORDINATIO CVII.

Anno 1563. 15. Jun.

**U**T Societatis Jesu Provinciales, & ab eis deputati (I) presbyteri cum (II) neophytis provinciarum utriusque Indiæ, aliarumque regionum, ut in quocumque vel quibuscumvis à jure divino non prohibitis confanguinitatis & affinitatis gradibus vel alias conjunctis, matrimonium inter se contrahere, seu in jam etiam scienter contractis remanere valerent; in partibus ubi ordinarii facile adiri possent, in foro conscientie tantum (III) perpetuò: Et insuper ibidem infra tamen viginti annos, quod ipsi locorum ordinarii de presbyterorum eorundem tanquam assessorum & adjutorum suorum in locis ubi eorum posset haberi copia, consilio & cum illis etiam in judiciali foro: In reliquis autem provinciis ordinariorum presentia destitutis, vel ab eis non minus bis-centum miliaribus remotis, quod Provinciales & deputati presbyteri cum eisdem neophytis etiam in utroque foro, gratis tamen dispensare possent. Et eos, qui in gradibus hujusmodi prohibitis etiam scienter contraxissent, ab excessibus, & excommunicationibus aliisque censuris, & pœnis ecclesiasticis in utroque foro absolvere, prolemque inde susceptam legitimam decernere. Ita habetur in litteris ejusdem indulti prorogatoriis à Gregorio XIV. datis 21. Sept. 1591. Incipit *Alias quidem*. Supra quam concessionem multa deinceps orta sunt dubia, de quibus infra anno 1701. 29 April. & 1757. 27. Januar.

## ADNOTATIONES.

(I) *Deputati presbyteri*. Non ergo erat opus ad dispensationes hæc deputari doctrinarios, seu parochos neophytorum, sed presbyter quilibet poterat deputari. Quod & de aliis privilegiis notaverat Avendaño (a).

(II) *Cum neophytis*. Neophytus, si etymon spectes, est novum germen, novum satum, nova planta. Apud Du-Fresne (b) sonat *Rudis*, *Novellus*. Apud Isidorum *Novellus*, *Rudis fidelis*. Apud Papiam *Nuper renatus*, vel noviter ad fidem veniens. Suidæ *Neostiphyteutis* sonat qui nondum sacramentum confirmationis suscepit: & in eundem sensum loqui videtur Concilium Rhegense (c), & Arelatense III. Eoque ipso nondum confirmati

non

(a) *Avendaño*, tit. 12. n. 444. (b) *Du-Fresne*, *Glossar. Latinit. V.* Neophytus. (c) *G. Rheg.* apud cit. *Du-Fresne*, & apud *Hard.* tom. 1. Concil. col. 1750.

non poterant ad diaconatum vel sacerdotium promoveti. Neöphyti etiam nunc in Comitatu Provinciæ vocantur christiani ex Judæis facti, quos Hispani & Lusitani appellant *Christianos nuevos*. Neöphyti appellantur novi clerici & novi religiosi. Et universim novitas quædam eo nomine significatur.

At quantum temporis elabi oportet ut novitas hæc adolescat, & neöphytus esse desinas? Synodus Arvernensis (a) Aurelianensem imitata unius anni spatium, neöphytis præfixerat can. 9. his verbis: *Ut nullus ex laicis absque anni conversatione Episcopus ordinetur*. Aliqui apud Solorzanum (b) requirunt bis centum ut minimum annos, ut possit quis christianus vetus appellari: & verum habet ad eos effectus ad quos adhibentur probationes de quatuor avorum christianitate.

Communis sententia est, neöphytum non esse qui baptizatur infans, neque qui ante decem annos baptizatus est (c). Et communis sententiæ ratio videtur esse, quia decennale tempus in jure dicitur longævum ex tit. 33. c. lib. 7. sic habente: *De præscriptione longævi temporis decem vel viginti annorum*. Et ex nota marginali ibid. explicante longum tempus per decem annos. Et ex arg. ejusd. tit. circa medium, ibi: *Longi temporis, idest, decennii inter præsentis, vicennii inter absentes*. Quibus alludit Jus Hispanicum Partitarum (d) requirens ad consuetudinem præscribendam, dum tempus longum requiritur, decennium vel vicennium. Tempus verò ita longum ut sufficiat rebus antiquandis, sufficit utique ut illarum cesset novitas.

Certum igitur sit, neöphytos non veterascere breviori quam decem annorum tempore. An verò exacto decennio novitatem deponant, ita ut nequeant uti neophytorum privilegiis, quæstio est difficilis praxim per Novum Orbem observantibus. Dubium tamen hoc non cadit in privilegia concessa Indis qua talibus, vel Indorum genti, neque cadit in privilegium præsens quandiu vigeat quoad dispensationes matrimoniales; declaratum quippe est pro neöphytis habendos ad hunc effectum oriundos omnes Indiarum orientalium & occidentalium, etiam si christianorum filii, & in infantia baptizati sint. Vide infra anno 1729. 12. Dec. Ord. 522.

(III) *Perpetuo*. Cum vicennales prorogationes usque ad Alexandrum VIII. factæ sint suppressa hac perpetuitatis nota, sed non expressè revocata, dubitatum est an hoc privilegium hac parte valeret, vel factum esset per illiusmodi reticentiam ex perpetuo temporale. Dubium exemit S. Congregatio, cujus resolutionem vide anno 1701. 29. April. Sed perpetuitatem concessionis quoad conscientie forum rursus agnovit Sanctæ Romanæ Inquisitionis Congregatio approbante Benedicto XIV. infra anno 1757. 27. Jan. Adn. IV.

OR-

(a) C. Arvern, apud Sirmond. tom. 3. in C. 1. lib. 1. Gofridi Vind. V. Neöphytus. (b) Solorz. tom. 2. De Ind. Jur. lib. 2. cap. 28. num. 82. (c) Vide Bonacinam, tom. 1. De Censur. d. 7. q. 2. P. 1. num. 5. (d) Partit. 1. tit. 2. l. 9.

## ORDINATIO CVIII.

Anno 1564.

**F**IT Archiepiscopalis Sedes Sanctæ Fidei de *Bogota*, ut refert Cl. Clemens in Tabulis Chronol. Ind. Vide supra anno 1561. Ord. 98. Et novissime ait P. Coleti (a): *Le fu dato Vescovo dal Pontefice Pio IV. con bolla degli 11. di Settembre del 1562., e due anni dopo nel 1564. fu fatta metropolitana con Arcivescovo, che ha per suffraganei i Vescovi di Popayan, Cartagena, e Santa Marta.*

## ORDINATIO CIX.

**U**T Episcopi Indiarum possint ad omnes ordines dispensare cum illegitimis. Meminit circa hoc tempus P. Cl. Clemens in cit. Tab. Vide infra anno 1571. 4. Aug.

## ORDINATIO CX.

Anno 1566. 20. Jun.

**U**T prælati Indiarum dispensare possent in gradu simplice aut duplice, in tertio & quarto duplice, in quarto duplice & simplice. Parum obstat P. Claudii Clementis hoc referentis privilegium laconismus, & ex laconismo confusio; nam gratia concessionis decennio expiravit.

## ORDINATIO CXI.

Anno 1567. 24. Mart.

**P**ius V. ad instantiam Regis Catholici concessit omnibus religiosis quorumcumque Ordinum (1) etiam Mendicantium in Indiarum maris Oceani partibus in eorundem Ordinum monasteriis, vel de illorum superiorum licentia extra illa commorantibus, ut in locis ipsarum partium ipsis de simili licentia assignatis & assignandis officium parochi matrimonia celebrando, ecclesiastica sacramenta ministrando, prout usque ad illud tempus consueverant (dummodo in reliquis formam Concilii Tridentini observarent) exercere & verbum Dei prædicare de suorum superiorum licentia in capitulis provincialibus obtenta, ac confessiones audire, ordinariorum locorum, & aliorum quorumcumque licentia minime requisita (2) libere & licite valeant. Et ne in locis illarum partium, in quibus sunt monasteria religiosorum, qui animarum curam exercent, aliquid per episcopos innovetur. Non obstantibus contrariis quibuscumque. Ita habetur in Bullario Communi, & apud Frasso (b). Incipit *Exponi Nobis*.

Anno sequente 1568. 15. Januarii lata est a Philippo II. Rege Catholi-

(a) Joann. Dom. Coleti *Dixian. V. Saurase*. (b) Frasso, cap. 53. *De Reg. Ind. Patr. n. 2.*

tholico lex juri Indico (a) deinceps inserta, cujus argumentum est: *Que se publike*, el breve para que los religiosos mendicantes puedan administrar los santos sacramentos à los *Indios*. Et tenor ejusdem legis est: *Los Virreies*, Presidentes, y Oidores, y otros qualesquier Justicias de las Indias hagan publicar el breve concedido por N. S. P. Pio V. en 24. de Marzo de 1567., para que los religiosos de las Ordenes mendicantes puedan administrar los santos sacramentos en todos los pueblos de Indios segun y de la forma que lo hacian antes del Concilio de *Trento*.

## A D N O T A T I O N E S.

(1) *Quorumcumque Ordinum*. De Societate Jesu dubium fuit, eo quod in brevi requiratur ad obeundum parochi munus, quod fiat designatio vel obtineatur licentia in Capitulo Provinciali: quod non erat ex Societatis usu. P. Pellizzarius (b) inquit: *Moneo* hic unum, quod diximus in principall responsione, non posse uti præsentì privilegio religiosos, qui in his locis non habent capitulum provinciale, habere locum in societate Jesu, ideoque non posse illius religiosos uti tali privilegio, nisi ad id designentur in congregationibus provincialibus, quæ in unoquoque triennio (non nisi sexennio fiebat in Indiis) haberi solent, quamvis aliàs in illa non extet usus capitulorum ut in aliis religionibus. Ducor quòd ex una parte in concessione præsentis privilegii petitur, ut fiat illa designatio in capitulis provincialibus, congregationes autem provinciales in Societate æquivalent capitulis provincialibus. Ergo in iis facienda est illa designatio, cum sic impleri possit tenor privilegii. Ita docti Recentiores à me consulti, & probabiliter. Hæc Pellizzarius.

P. Joannes Perez Menacho, quem refert P. Eugenius Lopez Studii Neo-Cordubensis in Tucumania Cancellarius in M. S. ait, in Societate non requiri doctrinariorum assignationem capitularem, quia privilegium hoc receptum est in Societate, & quidquid recipitur, ut est in proverbio, ad modum recipientis recipitur. Quod nimis universaliter, nimis etiam crudè dictum est. Nullo teste, nulla ratione firmatur, privilegium hoc fuisse receptum in Societate, prout à Pio V. concessum; usus tenim si fuit conformis, fundari potuit in concessione Adriani VI. & in alia Pauli III., de qua supra anno 1549., quæ non requirunt assignationem Capituli. Facitque lex 27. tit. 15. lib. 1. Recop. Ind., sex annis post hanc Pii V. constitutionem lata, ubi declaratur, religiosos Societatis posse doctrinas Indorum suscipere & administrare per omnimodam Adriani, ut vide supra Ord. 37. anno 1522. 9. Maii. Adnot. I.

Nihilominus videtur certum potuisse Societatem, dum stetit, independentem à Capitulo vel Congregatione Provinciali parochiale munus obire, si & quatenus possunt alii regulares ex privilegio Pii V. juncto alio Gregorii XIII. Pii successoris in Const. *Decet Romanum*, data 3. Maii 1575.,

(a) *Leg. 47. tit. 14. lib. 1. Recop. Ind.* (b) *Pellizzar. tr. 8. Man. Reg. cap. 3. f. 5. n. 337. q. 2.*



1575., in qua exposito per Præpositum Generalem, propter instituti Societatis diversitatem aliquando dubitari circa modum utendi privilegiis aliorum ordinum à Summis Pontificibus præsertim à Pio V. communicatis, ad submovendam dubietatem concedit Gregorius, ut Præpositus & Societas privilegiis utcumque concessis aliarum religionum ordinibus, congregationibus, capitulis, juxta Societatis instituti rationem, ritus, mores, usus, consuetudines, & procedendi modum uti possint: quodque talia privilegia Præposito Societatis concessa intelligantur cum potestate illa communicandi. At ritus, mos, & usus Societatis erat, ut officiis & ministeriis addicerentur socii a superioribus, non a capitulis, nec à congregatione provinciali.

Quodsi capituli concursus, vel consensus necessarius sit, ut vult Pellizzarius cum doctis ab eo consultis; satis fiet si congregatio provincialis pro assignatis & nominatis se habere declaret, quos Provincialis Superior nominaverit, ut docent Rodericius (a), Sanchez (b), & Pellizzarius ipse (c). Quia hoc perinde est ac si in capitulo vel congregatione fieret assignatio, & daretur licentia, & reipsa ibi confertur. Id probat Rodericius *argumento* eorum, quæ quotidie versantur in praxi, scilicet quando delegato conceditur, ut quos ipse in prælatos aut in procuratores nominaverit, ipse delegans Episcopus vel ordinarius ex nunc pro tunc habet pro nominatis, & ipse eos *nominat*.

Dubium etiam videtur fuisse de Franciscanis, non ratione assignationis nec ratione muneris parochialis, quod nihil habet alienum ab Ordine Seraphico salutis animarum cum primis intento, sed ratione synodi, ut vocant, quæ species quædam est redditus Minorum de Observantia paupertati repugnans. Sed Jure Indico (d) declaratur, synodum præstari ejus Ordinis doctrinariis, non per modum redditus, sed per modum elemosynæ.

Sed quo nomine præstabatur doctrinariis Societatis, quibus prohibitum erat (e) admittere stipendium vel elemosynam in ministeriorum compensationem? Respondet P. Sanchez (f), *non interdicti* in Societate elemosynas accipere erogatas liberaliter & ex gratitudine, quamvis eas non erogarent fideles spiritualia non recipientes, quia cum tales elemosynæ ex nullo inito pacto, nullaque obligatione, sed ex mera gratitudine & liberalitate conferantur, nullam habent rationem compensationis vel stipendii pro spiritualibus receptis. Et sic habetur 6. P. Constitutio-  
num, cap. 2., & cap. 1. Exam. T. 3., ubi solæ elemosynæ interdicuntur, quæ in compensationem & stipendium dantur.

Respondet ibid. num. 3., *non interdicti* recipere aliquid ex pacto pro emendis necessariis ad eundem aliquò causa exercendi ministeria, vel pro sustentatione ministrorum, quia tales expensæ non petuntur pro rebus ipsis spiritualibus, sed pro requisitis ad *spiritualia*. Sed hæc secunda responsio

(a) Roderic. *Q. RR.* q. 35. art. 3.

(b) Sanchez. l. 3. De Matrim. d. 26. num. 4.

(c) Pellizz. loc. cit.

(d) Leg. 25. tit. 15. lib. 1. Reg. Ind.

(e) P. 6. Const. Cap. 2.

(f) Sanchez, lib. 7. Summa, cap. 26. num. 2.

ponſio non caret difficultate, ut inquit Caſtropalaus (a); neque enim pecunia data clerico ſæculari pro miſſa celebranda dicitur ſtipendium, niſi quia datur ad illius ſuſtentationem ſub obligatione faciendi ſacrum, & ſic ab eo acceptatur, nam ſacri pretium eſſe non poteſt, nec compenſatio. At in Societate, ſive ex prohibitione, ſive ex voto paupertatis, aliquid in hac materia erat illicitum, quod aliis licet, & quod in aliis eſt ſimoniæ labe purum, ut habetur cit. Examinis loco, ibi: *Quantumvis aliis ſit licitum*. Propter hæc addit Caſtropalaus: *Cenſerem* dicendum, non poſſe Societatem obligari obligatione juſtitie ad ſpiritualia miniſtranda ex fundatione collegiorum, miſſionum, & ſimilium; bene tamen ex gratitudine & fidelitate.

Sed quomodo hoc conſtat cum lege 30. tit. 15. lib. 1. Juris Indici, ubi dicitur. *Todos los que ſervieren las doctrinas, han de entender en el officio de Curas, non ex voto charitatis*, como dicen, ſino de juſticia, y obligacion. Reſp., doctrinarios de Societate obiiſſe munus parochiale ex juſticia & obligatione, ut lex habet; ſed hanc obligationem ſubibant ex officio, non ex ſtipendio, quod ſynodum vocant. Ita ut officio ritè collato, & acceptato, vel injuncto, non ſolum ex charitate & fidelitate obligati eſſent, ſed ex juſticia, quandiu duraret officium, licet ſynodus non ſolveretur. Modo tamen non agitur de obligatione aliunde imminente quàm ex ſtipendii vel eleemoſynæ erogatione.

P. Pellizzarius (b) aliter ſuſtinet cum Card. de Lugo quem citat, reſponſionem Sanctii dicens: *Hominibus* de ſocietate interdictum eſſe accipere pro miniſteriis ſpiritualibus, non omnino, ſed illud quo miniſteria videntur compenſari. Unde fit ut quamvis ratione eorum non poſſimus recipere neceſſaria ad competentem ſuſtentationem (ſicut poſſunt alii religioſi); licitè tamen poſſimus nos ſervare indemnes, recipiendo v. g. pro viatico vel victu ſubminiſtrando in alio loco, in quo alias non eſſemus alendi, aliisque ſimilibus; hoc enim non aufert lucrum, ſed aufert novos ſumptus, & expenſas extraordinarias, facitque non ut accipiamus, ſed ne expendamus ex noſtro id quod alioquin non eſſet expendendum: quod certè non eſt recipere ſtipendium vel eleemoſynam, ſed *non dare*.

Notandum verò eſt hoc titulo à Pellizzario explicato, ſolum poſſe recipi de eleemoſyna, quantum in ſuſtentationis, vel viatici, vel aliàs de tuo faciendos ſumptus expendendum foret, de reliquo abſtinendum. Id quod in Congr. Gen. XII. D. 40. ſtatutum erat, ibi: *Nihil præter id quod ad concionatoris ſuſtentationem (dum peregre abeſt) & viaticum fuerit expenſum vel neceſſarium, accipi à nobis poſſe tanquam ſtipendium aut eleemoſynam in compenſationem pro miniſterio, adeoque quidquid ultra reliquum fuerit, reddat*. Si tamen urgeat ille, velitque ultro & ſponte aut titulo puræ & liberalis eleemoſynæ dare, poterit in eo caſu ſuperior in utilitatem domûs, cui præeſt, accipere.

Idemque de ſynodo, quod de eleemoſyna in miſſionibus vivis oblata, dicen-

(a) Caſtrop. traſt. 16. D. 3. Functio XI. num. 6. (b) Pellizz. cit. tr. 5. cap. 9. ſ. 3. n. 24.

dicendum. Quod tamen de synodo post ministrorum alimenta superaret, sine nova declaratione vel licentia, poterat in donaria expendi ad cicutandos sylvicolas, barbaros, infidelesque ad christianismum afficiendos; nam hæc fuit voluntas à donante Rege sæpè declarata, nominatim in scheda ad Paraguay Episcopum data 31. Martii 1707., cui similes aliæ ad prælatos alios, regioque ministros eodem tempore datæ sunt. In illa dicitur: *Con lo que el synodo produce, se adelantan mucho las conversiones, dando à los Indios algunos doncellitos . . . y sustentandose los religiosos, &c.*

(II) *Ordinariorum licentiæ minimè requisita.* Requiritur illa quidem in Tridentino (a) non diu antequam, ederetur præsens constitutio conclusa, confirmata, & promulgata, quodque procul dubio edendæ occasionem fecit. In eo decretum est, ut *Tam regulares* quam sæculares personarum sæcularium præter eas, quæ sunt de monasteriorum seu locorum familia, curam exercentes subsint immediatè in iis quæ ad dictam curam & administrationem sacramentorum pertinent, jurisdictioni, visitationi, & correctioni Episcoporum, in quorum diocesi sunt sita. Neque ibi aliqui etiam ad nutum amobiles deputentur nisi de eorundem consensu & prævio examine. Et cap. 22. ejusd. sess. derogatur omnibus contrariis privilegiis, quibuscumque verborum formulis concepta sint. Quæ derogatio non tantum refertur ad contenta in eo capite, sed ad contenta in tota sessione, ut scilicet salva sint non obstantibus quibuscumque. Sic enim declaratum est ab Innocentio XIII. in Const. *Apostolici Ministerii*, & confirmatum à successore Benedicto XIII. 23. sept. 1724. (b).

Sunt qui velint, ejusmodi derogationes non afficere privilegia indica, quantumvis universales sint, nisi illa exprimant, eoquod concessa sint in favorem religionis, & fidei propagandæ causa, in favorem etiam Indorum, qui Jure reputantur personæ miserabiles, ideoque specialiter exprimendæ, & quia ad instantiam Regum ut plurimum concessa sunt (c). Quæ si vera sunt, cur Concilio promulgato tam instanter supplicatum est pro confirmatione concessorum facta in præsentè Constitutione, cum certum sit nec in illius derogationibus Indias exprimi? Cur in hac eadem Constitutione declaratur, in reliquis præter ea, quæ demum conceduntur, observandam esse formam Tridentini? Sed etiam expressione facta hujus privilegii piani, quamquam confirmatum fuit à Gregorio XIV., multa deinceps ordinata sunt, per quæ redactum est ad terminos juris saltem quoad necessitatem licentiæ episcopalis ad obeundum munus parochiale. Vide infra anno 1627. 6. Febr., & 1751. 8. Nov. Ord. 177. 263. 273. & 312.

OR-

(a) *Trid. sess. 25. cap. 11. De Regul.* (b) *Const. Apostolici Ministerii* §. 23. (c) *Vide Avendano, tit. 12. Tbes. num. 485.*

## ORDINATIO CXII.

**U**T Indiarum orientalium episcopi dispensare possint cum iis, qui matrimonium inter se in gradibus à jure prohibitis contraxerant, vel quos in posterum contrahere contigerit. Ita habet P. Quintanadueñas (a) ex Epistola quadam S. Pii V. ad Archiepiscopum Goanum, ubi *Considerantes*, ait, quam difficile sit ex tam remotis orbis partibus ab Apostolica Sede hujusmodi absolutiones & dispensationes petere, facultatem eam duximus concedendam, sicut ex aliis litteris nostris intelliges. Potestatem etiam tibi & Episcopis tuis, ac successoribus vestris elargiendi Christi fidelibus diebus festis quibusdam maxime solemnibus indulgentias quas dedimus. Cujus concessionis litteras ad te unà cum his *mittimus*. Hoc omnino de præsente concessione acquirere potui. Vide La derchi. a. 1567.

## ORDINATIO CXIII.

Anno 1567. 7. Octobr.

**P**ius V. Alphonsum Archiepiscopum Mexicanum obtestatur, ut gentiles conversos à militum injuriis defendat. Extat apud cit. La derchi.

## ORDINATIO CXIV.

Anno 1567. 8. Oct.

**M**exicano Proregi D. Gastono Peralta Marchioni *de Falces* idem quod Archiepiscopo circa neophytos officium committitur. Extat apud eundem.

## ORDINATIO CXV.

Anno 1567. 9. Oct.

**U**T Sebastianus Portugalliae Rex Indiae Proregi mandet, ut gentiles ad fidem conversos benignè tractet, à militum injuriis tueatur, scandala removeat, evangelique ministris auxilium impertiat. Extat apud eundem.

## ORDINATIO CXVI.

Anno 1567. 11. Octobr.

**I**dem officium Proregi Goano & Consilio Indiae recommendat, datis ad eos litteris, apud eundem. Rursus inculcat id ipsum novo Indiae Proregi D. Ludovico de Ataide; ac præterea ut neophytos assumat ad honores & munera reipublicae, anno eodem, 25. Decembris, ut refert idem author.

OR-

(a) Quintanad. 17. 6. fmg. 12. n. 19.

## ORDINATIO CXVII.

Anno 1567. 14. Octobr.

**C**Hristi fidelibus in partibus Indiæ constitutis ad ædificandas catechumenorum domos adjuvantibus, vel ad alendos, contritis & confessis decem annos. Servientibus verò in ejusmodi domibus, qui contriti vel confessi sacram communionem receperint, septem annos indulgentiæ concedit in perpetuum. Extat apud eundem. Incipit *Sancta Romana*.

## ORDINATIO CXVIII.

Anno 1567. 27. Oct.

**U**T monasteria quædam ad fratres ordinum mendicantium, veluti Sancti Dominici, & aliorum, ac Societatis Jesu transferrentur, ea conditione ut deberent quotannis subministrare aliquas idoneas personas de suo cujusque conventu mittendas in Indias, & in alias regiones, quæ à gentilibus incoherentur. Extat pars apud eundem.

## ORDINATIO CXIX.

Anno 1567. 15. Dec.

**C**Hristi fidelibus in Æthiopia, India, Molucis, Japonia, & quibuscumque oceani insulis, & Sinarum regione & Brasilia constitutis, qui contriti & confessi ecclesiam, capellam, xenodochium opera presbyterorum & ministrorum Societatis erectum visitaverint, & pro conversione infidelium & ecclesiæ pace oraverint, toties quoties quadraginta dies, & semel quolibet anno, festo die quem Provinciæ minister constituerit, septem annos & totidem quadragenas concedit de vera indulgentia. Extat apud eundem: incipitque *Cupientes*. Vide infra Ord. 130. Adnot. I.

## ORDINATIO CXX.

Anno 1567. 20. Dec.

**U**T Societatis Jesu Provinciales. & presbyteri à Præposito Generali, vel Provinciali deputati in Æthiopiæ, Arabiæ, Persidis, Indiæ, & Sinarum regione, in Japonia, Brasilia, & aliis orientis regionibus, aut oceani insulis quibuscumque à gentilibus habitatis, cum neophytis in quocumque, non tamen à jure divino prohibito, consanguinitatis, aut affinitatis gradu, ut matrimonia inter se contrahere, vel in contractis permanere valerent, dispensare possent, & eos absolvere in utroque foro à sententiis, censuris, & pœnis propterea incurfis, prolem legitimam declarare susceptam & suscipiendam, si aut proprium episcopum non haberent, vel quod non minus bis-centum milliaribus distaret, cum adire non possent. Admonebantur, ut hac facultate non uterentur, nisi ubi expedire viderent: in quo illorum conscientiæ onerabantur. Utque neophytos mo-

moverent, ut à matrimoniis abstinerent divina lege prohibitis. Extat apud cit. Laderchium, extracta, ut inquit, ex Archivo Vaticano. Incipit *Cum gratiarum*. Vide supra anno 1549. 18. Octobr., & Ord. 107.

## O R D I N A T I O CXXI.

**M**Utato consilio mittendi ad Novum Orbem Internuntium, per quem melius omnia cognosceret & curaret, Regem Catholicum de rei indicanz necessitatibus, & quid facto esset opus, edocere prætulit S. Pius V. In his, collectis piorum eleemosynis more nascentis ecclesiæ, tum ex regiis tributis alimenta neophytis præberi oportere, ne fame compulsi ad pristinos mores & vitia relaberentur ad socialem vitam instituendos per sacros & eruditos magistros, licet hoc quemque pro viribus agere deceat. Si christianis ethnicisque unum esset hospitium, iis idololatriæ dicata loca non permittenda, sed solo æquanda, ne baptizatis ad impietatem relabendi præberetur occasio. Non tolerandum ut christiani in exercendo religionis cultu prohiberentur ab ethnicis. Crapulam & scelera abolenda. Infideles ad custodiam legis naturæ (1) adigendos. Ne regii ministri (II) mancipiorum loco uterentur Indis, sed eorum tantum operâ qui servire sponte voluissent, iisque pactam mercedemtribuendam esse, neque eos onerandos immoderatis vestigalibus, sed qua par esset æquitate omnes habendos. Ecclesiasticos à vestigalibus immunes conservandos. Episcopis relinquendam sui muneris potestatem. Integros visitatores & magistratus illarum partium decernendos. Armis contra ethnicos sumendis, illisque bello subigendis nihil inique nihil crudeliter ageretur; neque ad christianam religionem compellendos esse, sed benignè suscipiendos. Refert Antonius Gabut in Vita S. Pii V. apud Bolandianos (a) Omniaque monumenta hæc jam per regias schedulas postea in corpus juris iudici redactas præscripta erant, ut videre est in Recopilationis titulis respectivis, nominatim tit. 1. lib. 1. *De la Fé Catholique*, tit. 1. lib. 6. *de los Indios*, tit. 3. ejusd. libri, *de las Reducciones y Pueblos de Indios*.

## A D N O T A T I O N E S.

(1) *Ad custodiendam naturæ legem adigendos*. Solorzano (b) relatis pluribus Indorum contra naturæ legem peccatis, ait: *Todos los quales vicios habiendo venido à noticia de los nuestros luego que los descubrieron, y habiendo en muchas partes pedido su favor unos contra otros, para que de tales oppressiones los sacassen y libertassen, no tiene duda que les pudieron dar y dieron justa causa para estorvarlos, y para hacerles justa guerra, si apercibidos y amonestados como lo fueron suficiente y repetidamente no los quisieron dejar, segun el sentir de casi toda la escuela de Theologos y Juristas, que tienen esto por mas seguro, quando para*  
ello

(a) *Acta SS. tom. 1. Maii, Die 5. pag. 654.* (b) *Solorz. lib. 2. Polit. cap. 9.*

ello precede licencia del Romano Pontifice; como en este caso la hubo, de cuya Jurisdiccion se hacen todos los infieles, que cometen semejantes peccados. Y assi lo decidio Pio V. declarando y mandando, que pudiesen ser compellidos a guàrdarla lei *natural*.

Duo inferendí belli titulos confundit hic author: peccata contra naturæ legem, & innocentum oppressionem qui auxilia petunt ut liberentur. Qui tituli, si seorsim accipiuntur; non est usque adeo communis sententia Theologorum & Juristarum, bellum & infidelium debellationem justificari ex primo sine secundo, ut videre est apud Dianam (a) quem se citantem citat in suam vicem Solorzanus, ac expresse de Indis agentem apud Acostam (b), qui de authoribus id tituli reprobantibus ait: *Quorum* sententia jam dudum apud omnes obtinuit, Salmantino & Complutensi illustribus gymnasiis damnantibus, ut audio, atque explodentibus scriptum cujusdam librum contra causam Indorum; atque ipso Catholici Regis Senatu aliam rationem in expeditionibus *præcipiente*.

Loquitur, credo, Acosta de libro in forma dialogi scripto à Joanne Genesio de Sepulveda, cujus censura refertur in Disputatione habita cum Episcopo Chiapensi edita Hispali anno 1552. ubi in Operis argumento dicitur: *El Consejo de Indias* negó licencia para imprimirlo. Alcanzo cedula, paraque se remitiesse al Consejo de Castilla el año de 47. que vino de las Indias el Obispo de Chiapa, y se opuso . . . El Consejo de Castilla lo embio à las Universidades de Salamanca y Alcala, las quales determinaron que no se debia imprimir como doctrina *no sana*.

Verum est, quod in Sepulvedæ libro non solum petitur inferendi ratio belli à peccatis Indorum contra naturam, sed etiam à stupiditate, ab utilitate illis proveniente, ut nempe bello domiti fidei recipiendæ propius aptarentur, & ab injuriis sibi invicem illatis. Nec constat utrum censura Salmantina & Complutensis ad omnes hos titulos, an ad aliquem in particulari referatur. Huic etiam judicio opposuit libri author propitiam editioni cesuram Romanam. *Mi libro* (ait ille) fue impresso en Roma examinado y aprobado del Vicario del Papa, del Maestro del Sacro Palacio, y de un Auditor de Rota (c).

Quidquid de hoc sit, ex eo constat peccata Indorum contra naturam non præstare bello, five ut debellentur titulum se solo communi Scholæ calculo sufficientem. Et falsum etiam est, quod aiebat Solorzanus Pium Quintum hujus tituli sufficientiam declarasse, nisi alia sit declaratio à præsentí ordinatione diversa. Nam verbum *adigere*, etiam si pro eodem ac compellere accipiatur, indeclaratum relinquit compulsionis genus. Et potest intelligi de compulsionē spiritali, ut Genes. 19. & Luc. 14. Quodsi de compulsionē corporali intelligatur, non constat an Pontifex loquatur de infidelibus jam subditis. Præsertim cum paulo ante in eadem constitutione sermo sit de ethnicis, quibus cum christianis unum sit hospitium.

(II) Ne

---

(a) *Diana coord. tom. 7. tit. 7. R. 18.* (b) *Acosta, l. 2. De Proc. Ind. sal. cap. 3. & 4.* (c) *Sepulveda, pag. 11. object.*

(H) *Ne mancipiorum loco.* Quattuor mancipandi tituli numerari solent; nativitas, venditio, bellum, & pœna. Unde Indi natura & voluntate liberi, qui nulla injuria laceſſant, mancipiorum loco haberi nequeunt. Et ita legibus, & conſuetudine jam antiqua ſtatutum eſt. Sed quoniam Rex, vel qui à Rege authoritatem habent, Regii Miniſtri certum Indorum numerum conſignant benemeritis ad aliquod negotium, ut ad paſcenda pecora, ad ſementem faciendam, & ſimilia, quod *commendare* dicitur, cum onere providendi de doctrina, & tuendi commendatos, quæritur an id ex æquo procedat, cum videatur hoc perſonalem ſervitium intrudi contra libertatem. Verum id, inquit Acoſta (a), iniquum non eſt per ſe, cum tributi loco accipitur; nam quantum eſſent penſuri, tantum remittitur pro operæ mercede. Ubi cavendum eſt, ne onus premat Indos inæqualiter, & ne ad eas ſerviendi vices rebus ſuis in neceſſariis deſint. Eadem ratione licet Indos cogere ad tales operas ſalva libertate, quatenus liberi cogi poſſunt ad tributa ſolvenda.

Sed propter incommoda in hoc exigendo jure probata lata eſt lex 25. t. 5. *De los tributos y taſſas lib. 6. Recop. Ind.: Ordenamos* que ſe junten los que tuvieren el gobierno ſecular con el Obiſpo, y Prelados de las Religiones, Oficiales Reales, y otras perſonas noticioſas y deſintereſſadas de la provincia, traten, y conſieran en que frutos, eſpecies, y coſas ſe pueden comodamente taſſar y eſtimar los tributos que correfpondan y equivalgan al intereſ, que juxta y licitamente pudiera importar el ſervicio perſonal: y hecha eſta comutacion haran que ſe reparta à cada Indio lo que aſſi ha de dar en dineros, frutos, o eſpecies: y los Encomenderos no puedan llevar mas de lo que eſto *montare*. At quia aliquarum regionum Indis non ſuppetit unde tributa hæc re alia commode pendant, alicubi etiam uſus obtinere videtur relatæ legi contrarius.

Obtinebat olim certe in provinciis *de Venezuela*; ut conſtat ex declaratione Diœceſani facta anno 1609., de qua in Synodalibus *de Puerto Rico* (b) fit mentio: *Nos D. Fr. Antonio Alzega Obiſpo de Venezuela, y Sancho de Alquiza Gobernador . . .* Por quanto Su Mageſtad en ſu Cedula fecha en Madrid en 18. de Diciembre de 1591. nos cometio taſſar los Indios . . . teniendo conſideracion a que los Indios de todas eſtas provincias no tienen oro, ni plata, ni otra coſa de que puedan dar tributo ſino el ſervicio de ſus perſonas, como es notorio, . . . declaramos que la dicha doctrina y ſu eſtipendio ſe pagaffe de por mitad en reſpecto de haver mandado . . . tres dias de ſemana à cada encomendero, y reſervamos otros tres a los dichos *Indios*, &c.

Hæc in ditione Regis Catholici; in Luſitana, poſt quam Caſtellani Reges dominio ceſſerunt, non tantum crevit miſeros captivandi libertas contra jus, quod malum in utraque ditione, piſſimis Regibus invitis, ſatis vulgare fuit, ſed id honeſtare & velamine pietatis operire auſus non nemo eſt. Refert Fr. Dominicus de Texeira Auguſtinianus (a) de

(a) *Acoſta lib. 3. cap. 17.* (b) *Synodo de P. Rico de 1647. c. 18.*



(a) de Gomezio Freire de Andrade (seniore), dum circa annum 1685. Maragnonis Governatorem ageret, Seren. Portugalliæ Regem informasse ut sequitur. = *Discurrio* sobre el cautiverio de los Tapuyas, diciendo que aquellos sertones eran habitados de muchos pueblos barbaros divididos en naciones distintas en las lenguas, no en la crueldad. Como todas eran por antiguos odios enemigas, conservaban entre sí como herencia la guerra: que en tre aquellos gentiles alcanzaba à los muertos y à los vencidos en igual suerte una misma condicion, porque unos y otros guisados à su modo venian à ser sustento de los vencedores: que solo hallando quien les comprasse los prisioneros, se deshacian de ellos à trueque de algun instrumento de cortar leña, u otras drogas de poca consideracion: que sería accion de piedad catholica, suspendida en parte la lei que prohibia aquellos esclavos, rescatar con tan leve costo aquellos miserables, con que venian à panar en el cautiverio la vida, en la conversacion el alma, y el estado del Marañon se utilizaba en obreros para la agricultura, la Iglesia en subditos, y el Reino en vasallos: que no eran mas justificadas las causas porque los recibian comprados en Cabo Verde, Costa de la Mina, Santo Thome, Angóla, Mozambique, Mombaza, Rios de Sena, y otras partes. Que los gentiles de aquellos sertones americanos no tenian mejor Dios que los de Guinéa, paraque no se practicassen en America las mismas leyes que en Africa. Que las demasias de los nuestros se evitaban con tomar el Rei por su cuenta este negocio, siendo los mismos misioneros los administradores comprandose de la hacienda real, sin permitir que ningun particular, ni aun el Gobernador, Cabo de guerra, o Ministro de Justicia los rescataste. Que en las batallas que daban nuestras tropas à algunos de aquellos gentiles enemigos nuestros, padecian los miserables estragos mayores, porque como no se tomaban prisioneros, cortaba la espada con un mismo golpe contrarios y rendidos. Inhumanidad horrorosa à los ojos de la compassion, à los de la indignacion grata. =

Juxta Gomezii sic discurrentis dictamen reformatas esse antiquas Lusitanix leges, & hodiernam praxim regulatam colligitur ex iis, quæ D. Condamine refert in itinerario (b) dum ait: Tienen en sus riberas (del Rio Negro los Portugueses) un campo volante . . . para favorecer el comercio de los esclavos legitimo y conforme à las leyes de Portugal, esto es de los Indios presos en guerra por sus contrarios, quando estos son comedores de carne humana.

Tota discursus gomeziani summa vertitur in hoc dubio, quod Theologi tractant: *Utrum* ab hostibus occidendi possint oblato pretio in servitutem redigi? Ad quod respondet P. Molina (c), posse justò interficiendum quovis pretio redimi, & in perpetuam redigi servitutem, neque enim tunc vita hominis vili pretio emitur, sed certa mors cum perpetua servitute

(a) Texeira, Vida de Gomez Freire de | impresso en Amsterdam, año de 1745. pag. 62.  
Andrade. P. 2. lib. 2. num. 229.

(c) Molina, D. 33. De just. & Castropalae, |  
(b) Extracto del Diario de Condamine | 11. 32. P. 2.

servitute commutatur: quod piæ humanitatis officium est per se loquendo. Si interficiendus injustè sit, & vi vel arte posset quis sine proprio suo notabili incommodo nullo pretio liberare, debet. Si non potest, cavendum est ut cum minimo damno vel præjudicio interficiendi liberetur. Unde si temporali servitute satisfaciatur pro pretio, liberandus est à perpetua, nisi forte perpetua illi expediret ad animæ salutem. Et in hoc, inquit Castropalao, omnes conveniunt. Eadem ratione si malum interficiendorum vitari potest servitute regia, qua fiant vasalli, non licet herilis qua sclavi fiant seu mancipia, nisi hoc servitutis genus alio nomine cohonestetur. Non inquam licet, nec in Africa, nec in America. Commoda verò in statum redundantia, sive ex agricultura, sive aliunde quæri non debent per injuriâ ulli irrogatam.

Sed & constat minimè commodam esse Statui Maragnonis seu Brasiliæ Indorum captivitatem. Idque à Fidelissimo Portugalliæ Rege Josepho I. recens notum factum est lege lata 6. Jun. 1755., ubi inter alia dicitur post extractos è silvis multos Indorum miliones, sic esse extinctos ut rarissimi sint illorum pagi, & pagorum incolæ, & paucorum, qui reliqui sunt miseriam esse talem, ut infidelibus scandalo sit & horrori, qui in conversionem & fidem derivatur: quo fit, ut magis in dies à via salutis recedant, & Brasiliæ Coloni necessario careant famulatu. Causam malorum post iteratas consultationes inde peti, quod libertate priventur. Vide P. Antonium Vieiram sermone, quem de *Epiphania* habuit Ulyssipone exul in patria ex Maragnone cum sociis expulsus ob præstitum Indorum libertati patrocinium.

## O R D I N A T I O CXXII.

Anno 1568. 28. Dec.

QUA disponitur quid in Indiis liceat vel non circa religiosorum paupertatem. Fit mentio in Jure Indico Hispano (a) ibi *Mandamos* à los Virreyes y Audiencias, que tengan mucho cuidado de que por medio de los Provinciales y Superiores se atienda à prohibir la propiedad en particular de los religiosos, y castiguen à los legos que de esto participaren de manera que cesse el inconveniente y escandalo que se sigue de que los religiosos tengan dineros, y passen con ellos à estas partes, y sobre todo se guarde y execute lo dispuesto por derecho y breves de Su Santidad especiales para la *Indias*. Hæc de memoratis brevibus acquirere potui, quorum datæ mihi ignotæ diem substitui; quo lex indica prodiiit. De quodam ejusdem argumenti brevi vide supra Ord. XCII.

OR-

(a) Leg. 50. tit. 19. lib. 1.

## ORDINATIO CXXIII.

Anno 1569. 4. Januar.

**P**RO Foro conscientiae ad decennium concessit Pius V., ne christiani in India incurrerent excommunicationem Bullae Coenae propter commercium cum infidelibus, tam de aliis mercibus, quam de armis, quando non esset in praedudicium christianitatis, ut si hostem non notabiliter arment. Quam concessionem ad aliud decennium extendit Gregorius XIII. facta declaratione, ut ii qui mercatorum more exposita habent huiusmodi prohibita, ut illa infidelibus vendant, excommunicationem incurrant, etiam si eos quibus illa vendunt, non notabiliter arment; non tamen illam incurrant qui privatim & sine probabili periculo aliquid parvi momenti venderent, ut pugionem vel gladium. Sunt haec viva vocis oracula. Ita P. Avendaño (a), qui addit in Auctario, videri concessa haec ad eximendos scrupulos; & quod unum pugionem vel gladium vendere sine probabili periculo materia sufficiens non est excommunicationis. Mirum tamen sit, quod concessio facta praecise ad eximendos scrupulos, tam accurate & in prima concessione & in prorogatione limitetur ad decennium.

## ORDINATIO CXXIV.

Anno 1569. 4. Jan.

**P**ius V., & Gregorius XIII. concesserunt Patribus Societatis in India commorantibus, ut absque ulla irregularitatis poena aut nota possent animare milites lusitanos ad fortiter cum hostibus confligendum, dummodo ipsi Patres arma non ferrent. Et quamvis hoc privilegium, ut potest temporarium & viva vocis oraculo concessum extinctum jam diu sit, potuisse nihilominus Societatis religiosos, & modo posse quemvis religiosum & clericum, tam antequam in ipso praelio & conflictu, christianos milites monere de officio, & exhortari ad fortiter pugnandum contra infideles, mahumetanos, haereticos, & schismaticos, ad fidem tuendam, & rem publicam, & arces servandas, docet cum communi Lezana in Summa V. *Bellum ex cap. Ex multa, De Voto §. De clericis, & ex Cap. Petitio tua, De homicidio, & Glossa in dictum cap. Petitio tua.* Ita habet Compendium Privil. Indic. Soc. J. edit. anno 1737. V. *Bellum.* P. Avendaño (b) ait, concessionem Pii V. esse limitatam, sed Gregorii XIII. illimitatam. Boverius, quem laudat Cardinalis Lambertinus postea Benedictus XIV. (c), refert, Pium V. biennio post nempe anno 1571. declarasse, Fr. Anselmum de Petra Mellara, qui septem Turcas navem qua vehebatur ingressos occiderat, non incurrisse irregularitatem.

OR-

(a) *Avend. tit. 12. n. 477. & Auctar. P. 3. sect. 7. n. 163.* (b) *Avend. loc. cit. Auctar. n. 166.* (c) *Bover. Annal. Capucc. 1571. n. 6. Apud Lambertin. Notif. XIII. Col. 5. 9. Dec. 1739. p. 122.*

## ORDINATIO CXXV.

Anno 1569. 27. Sept.

**U**T Provinciales Ordinum Mendicantium in Indiis existentium possint viris doctis & juxta Concilium Tridentinum approbatis auctoritatem committere dispensandi cum incestuosis, qui cum consanguineis alterius conjugis peccaverunt, ut possint debitum petere, in foro conscientie tantum. Habetur apud Fr. Joannem Baptistam in *Advertentiis pro confessorii Indorum*. Similia refert Avendaño loc. cit. Thesauri, sine nota tamen quod pro Indiis emanaverint. P. Quintanadueñas (a) meminit privilegii ejusdem synchroni, quod ait esse vivæ vocis oraculum, & fortè est præsens. Sed in Compendio Communi Privil. Soc. anni 1757. (b) habes sequentia: Cum ex concessione Eugenii IV. Bulla II. *Et si qualibet*. §. 11. & 12. in Bullar. Regular., superioribus & confessorii Congregationis Sanctæ Justini indultum fuisset, ut dispensare possent pro foro conscientie cum secularibus poenitentibus in omnibus poenis, in quibus possunt Episcopi: Cumque præterea iis relaxatis poenitentes eosdem habilitare possent, atque in pristinum reintegrare ex facultate Sixti IV. Bulla 34. in cit. Bullar. Julius Secundus declaravit per Majorem Poenitentiarium, & quatenus opus esset, de novo concessit Benedictinis Vallisoletanis, ut tam vigore concessionis apostolicæ prædictæ, quam verborum *Eosdem habilitare*, Prælati & confessarii ab illis deputandi cum conjugatis, qui post contractum matrimonium consanguineas uxorum suarum, vel consanguineos virorum suorum carnaliter cognoverunt, non obstante affinitate superveniente dispensare ad petendum debitum liberè & licitè possent. Est authenticum documentum in cit. Bullar. Regular. sub bulla 23. Julii II. Neque hæc facultas revocata est à Clemente XII. Bulla 52. *Romanus Pontifex* tom. XIII. Bullar. Rom., nam expressè excipit facultates per rescripta Poenitentiariæ *Apostolicæ*.

## ORDINATIO CXXVI.

Anno 1570.

**F**It episcopalis ecclesia Meliapurensis in India orientali. Mentio fit in Geographia Sacra apud Chiquet.

## ORDINATIO CXXVII.

Anno 1570. 14. Maii.

**F**It episcopalis ecclesia Tucumanensis, cujus erectionem fusius exponam in reliquarum Novi Orbis erectionum, quæ secundum eandem ferè regulam ordinatæ sunt, specimen. = Pius Episcopus servus servorum Dei.

(a) *Quintanad. tom. 1. tr. 9. f. 3. n. 1. 9. 2.* (b) *Tom. 1. Inst. pag. 292.*

Dei. = Ad perpetuam rei memoriam. = Super specula militantis ecclesie meritis licet imparibus divina dispositione locati ad universas orbis provincias & loca, præsertim Omnipotentis Dei misericordia per catholicos reges & principes ab infidelibus, ac barbaris acquisita, aciem nostræ meditationis passim reflectimus, & ut in locis ipsis dignioribus titulis decoratis planteretur christiana religio, & ut eorum incolæ venerabilium præfulum autoritate & doctrina suffulti proficiant in fide, & quod in temporalibus sunt adepti, non careant in spiritualibus incremento, opem & operam libenter impendimus efficaces. Sanè, cum inter cæteras provincias (I) in insulis Indiarum maris oceani auspiciis clar. mem. Caroli V. Romanorum Imperatoris tunc in humanis agentis una (sit) Tucuman nuncupata (II) in provincia *del Perú*, cujus incolæ divinæ legis expertes existunt, & in qua licet plures christiani habitent, nulla tamen ecclesia cathedralis erecta esset, & Charissimus in Christo filius noster Philippus Rex Catholicus Hispaniarum pio affectu desideret in dicta provincia ejus temporali ditioni ratione Castellæ (III) & legionis regnorum subiecta illius gloriosissimi nominis cultum, cujus est orbis terrarum & plenitudo ejus, ac universi qui habitant in eo, ampliari, & incolas prædictos ad lucem veritatis perducere, animarumque saluti consuli, ac propterea oppidum *Tucuman* nuncupatum (IV) in eadem provincia in civitatem, & in ea cathedralem ecclesiam erigi & institui; Nos habita super his cum Fratribus nostris deliberatione matura, de illorum consilio, prædicto Philippo Rege super hoc humiliter supplicante, ad Omnipotentis Dei laudem & gloriam, & gloriosissimæ Dei genitricis Mariæ, totiusque curiæ cælestis honorem, & ipsius fidei catholicæ exaltationem, oppidum prædictum in civitatem, quæ civitas *Tucuman* nuncupetur, & in ea cathedralem ecclesiam sub invocatione SS. Petri & Pauli pro uno episcopo Tucuman nuncupando, qui dictam ecclesiam construere faciat, ac in illa illiusque civitate, & diœcesi verbum Dei prædicari procuret, ac illius incolas infideles ad orthodoxæ fidei cultum convertat, & conversos in eadem fide instruat, & confirmet, eisque baptismi gratiam impendat, ac tam illis sic conversis quam aliis omnibus fidelibus in civitate & diœcesi ejusmodi degentibus, ac ad eas declinantibus sacramenta ecclesiastica & alia spiritualia ministraret, ac ministrari etiam faciat & procuret: nec non in ecclesia, civitate, & diœcesi prædictis alias episcopalem jurisdictionem, & potestatem, & autoritatem liberè exercere valeat. Ac dignitates, canonicatus, præbendas, aliaque beneficia ecclesiastica cum & sine cura erigat & instituat, & alia spiritualia conferat & seminet prout divini cultus augmento, & ipsorum incolarum animarum saluti expedire cognoverit, & qui Archiepiscopo viciniore Civitatis Regum pro tempore existenti jure metropolitico subsit, ac ex omnibus ibi pro tempore provenientibus, præterquam ex auro, argento, & aliis metallis, gemmis, & lapidibus pretiosis, quæ pro tempore existentibus Castellæ & legionis Regibus quoad hoc libera esse decernimus, decimas & primitias de jure debitas, cæteraque episcopalia jura, prout alii in Hispaniis episcopi de jure vel consuetudine percipiunt, exigere & percipere liberè & licitè valeat, cum sede & mensa ac aliis insignibus, ac jurisdictionibus episcopali-

copalibus, nec non immunitatibus, privilegiis, & gratiis, quibus aliæ cathedrales ecclesiæ & earum præfules in eisdem Hispaniis de jure vel consuetudine utuntur, potiuntur, & gaudent, uti, potiri, & gaudere poterunt quomodolibet in futurum, auctoritate apostolica tenore præsentium erigimus, & instituimus. Ac eidem ecclesiæ oppidum prædictum sic in civitatem erectum pro civitate, & partem dictæ provinciæ, quam ipse Philippus Rex (v) positis limitibus, (quorum mutationem dum, quando, & quoties expedire videbitur Nobis & successoribus nostris Romanis Pontificibus reservamus) statuerit & statui mandaverit, pro diœcesi; ipsarum civitatis & diœcesis incolas & habitatores pro clero & populo concedimus, & assignamus. Nec non illius mensæ episcopali prædictæ pro ejus dote redditus annuos ducentorum (vi) ducatorum auri de camera per ipsum Philippum Regem/ex redditibus annuis ad ipsum in dicta provincia spectantibus assignandos, donec fructus ejusdem mensæ ad valorem ducentorum ducatorum similium ascendant annuatim & nunc prout ex tunc & è contra postquam assignati fuerint applicamus & appropriamus. Et insuper jus patronatus præsentandi intra annum propter loci distantiam personas idoneas: ad erectam ecclesiam prædictam, quoties illius vacatio hac prima vice excepta pro tempore occurrerit, Romano Pontifici pro tempore existenti per eum in ejusdem ecclesiæ episcopum & pastorem ad præsentationem ejusmodi præficiendam: nec non ad dignitates, canonicatus, & præbendas, ac beneficia erigenda, tam à primæva eorum erectione postquam erecta fuerint, quam ex tunc deinceps pro tempore vacantia, Episcopo Tucuman pro tempore existenti similiter per eum ad præsentationem ejusmodi in ipsis dignitatibus, canonicatibus, & præbendis, ac beneficiis instituendas, prædicto Philippo & pro tempore existenti Castellæ & Legionis Regi ex simili consilio, auctoritate, & tenore prædictis etiam perpetuò reservamus, concedimus, & assignamus. Nulli ergo hominum liceat hanc paginam &c. Datis Romæ anno 1570. pridie Idus Maii. =

Nos igitur Franciscus de Vitoria Episcopus Tucuman... auctoritate apostolica nobis commissa, Regia Majestate instante & petente, in prædicta ecclesia nostra decanatum, quæ dignitas prima post pontificalem existat, pro uno decano qui curet & provideat, quod officium divinum & omnia alia quæ ad Dei cultum pertinent, tam in choro & in altari, quam etiam in processionibus & in capitulo, & ubicumque conventus ecclesiæ seu capituli ad illud observandum & exolvendum congregabuntur, cum silentio, honestate & modestia ritè & rectè perficiantur. Ad quem etiam pertinebit iis, quibus à choro ex causa discedere oportebit, expressa causa & non alias facultatem concedere. = Archidiaconatum pro uno Archidiacono, qui de jure communi oculus Episcopi reputatur, & ad quem clericorum ordinandorum (Prælato solemniter celebrante) examinatio, & administratio, civitatis & diœcesis, si sibi à prælato injungatur visitatio, & alia quæ de jure ei competunt, exercere pertinebit. = Cantoriam etiam pro uno cantore, ad quam nullus etiam pro tempore præsentari possit, nisi in musica, saltem in cantu plano, edoctus & peritus existat, cujus in facitorio cantare, & servitores ecclesiæ cantare docere, & cære-

ra quæ ad cantum spectant, ordinare, corrigere & emendare in choro, & ubicumque, per se & non per alium, officium erit. = Scholastriam, ad quam nullus nisi in altero Jurium, aut in Artibus saltem baccalaureus in aliqua Hispaniæ universitate graduatus existat, præsentetur: cui grammaticam clericos & ecclesiæ servitores, ac omnes diocesanos audire volentes per se, & non per alium docere incumbat. = Thesaurariam pro uno thesaurario ad quem ecclesiæ claudere & aperire, campanas pulsare facere, omnia utensilia ecclesiæ custodire, lampades & luminaria curare, luminibus, pane, & vino, ac reliquis ad celebrandum necessariis de redditibus fabricæ ecclesiæ exponendis ad votum capituli providere pertinebit. = Dignitatem etiam seu officium archipresbyteratus seu rectoriæ, pro uno archipresbytero seu rectore, qui curam exerceat animarum in nostra cathedrali ecclesia, aliisque rectoribus civitatis & diocesis præsit. = Nec non decem canonicatus & præbendas à dictis dignitatibus omnino separatas esse decernimus, nec aliquando una cum dignitate aliqua canonicatum, & præbendam hujusmodi obtineri posse ordinamus. Ad quos quidem canonicos quotidie (præterquam in primæ & secundæ dignitatis festivitatibus, in quibus prælatus vel eo impedito aliquis de dignitatibus celebrabit) missam celebrare præstabit. = Sex etiam, integras cum sex aliis dimidiis portionibus pro sex integris & sex dimidiis respectivè nuncupatis portionariis pro majore parte presbyteris, cæteris verò in diaconatus saltem ordine constitutis. = Præterea octo capellanas pro octo capellanis presbyteris, qui tam in nocturnis quam in diurnis, & etiam missarum solemnitatibus ad facistorium in choro personaliter interesse, & in unoquoque mense missas viginti, nisi iusta infirmitate vel impedimento fuerint impediti, celebrare teneantur. = Item acolythatus sex pro sex acolythis, qui pro ministerio altaris & chori, cæterorumque officiorum semper insistent. = Officium verò sacristiæ pro uno sacrista, cui ea quæ ad officium thesaurarii spectant, ad votum capituli exercere incumbat. = Officium etiam organistæ qui organa in festivis diebus pulsabit. = Nec non officium perticarii, cujus in processionibus ordinare, prælato, presbytero, diacono, & cæteris altari ministrantibus de choro ad sacristiam, vel altare, vel de altari ad sacristiam, vel in chorum euntibus vel redeuntibus anteire officium erit. = Oeconomi vel procuratoris fabricæ, & hospitalis, qui architectis, mercatoribus, nec non carpentariis & aliis officialibus ædificiis ecclesiasticis operam dantibus præerit, quique per se vel per alios redditus & proventus ad dictam fabricam quoquomodo pertinentes colligere & expendere habebit, redditurus annuatim rationem de receptis & consumptis Episcopo & Capitulo, vel officialibus ab eisdem ad hoc specialiter deputatis, nec non ad eorum nutum eligendus vel removendus. = Officium cancellarii seu notarii ecclesiæ & capituli, qui quoscumque contraactus ecclesiæ inter ecclesiam, episcopum, & capitulum, & quoscumque alios in protocollo, & notis suis recipere debeat, & actus capitulares scribere, donationes, possessiones, census, feuda pecuniaria per eosdem episcopum, capitulum, ecclesiam, vel eisdem facta vel in posterum facienda adnotet & scribat, & instrumenta custodiat, partes reddituum beneficiis distribuat, necnon rationes reddat & ac-

& accipiat. = Postremo officium canicularii, qui canes ab ecclesia eiiciat, & in omnibus sabbathis & quorumcumque festorum vigilias habentium vigiliis, & alijs ubi per thesaurarium vel sacristam sibi erit injunctum, ecclesiam purgabit; tenore præsentium erigimus, instituimus, creamus, deputamus, & solemniter ordinamus . . . Archidiaconatum, & thesaurariam & dignitatibus, quinque de canonicatibus, tres de integris, tres etiam de dimidiis portionibus, necnon acolythatus duo, & quatuor capellanas ad præsens suspendimus (VII). =

Decano 250. libras, *pesos* vulgariter in illis partibus nuncupatas, quarum quælibet, unum castellanum aureum 485. marapetinorum monetæ usitatæ Hispaniæ (a) valeat, constituimus. = Cantori autem, scholastico, archipresbytero similes unicuique libras 220. respectivè. = Cuiuslibet de canonicis quinque prædictis 200. = Dimidiis portionariis 75. : portionariis integris 150. = Sacristæ 100. = Cuiuslibet capellano 100. Cuiuslibet acolytho 50. Pro organista 100. Pro perticario 100. Oeconomo 100. Pro notario 50. Pro caniculario 40. assignamus. = Visum est Catholicæ Majestati 500. millia marapetinorum aurea ex proprio regio ærario nobis gratiose indulgere, quousque redditus decimales pro congrua nostra & successorum nostrorum sustentatione sufficiant. =

In virtute sanctæ obedientiæ præcipiendo mandamus quod prædicta stipendia sint quotidianæ distributiones assignandæ quotidie interessentibus singulis horis nocturnis pariter & diurnis, exercitiisque dictorum officiorum, ita quod a decano usque ad acolythum inclusivè, is qui alicui horæ in choro non interfuerit, legitimo impedimento cessante, privetur & careat stipendio sive salario illius horæ; & officiales qui sui officii exercitio sive executioni horis opportunis defuerint, mulcentur, similiter singulis vicibus pro rata salarii. = Item volumus & eadem autoritate mandamus, ut omnes dignitates, canonici, & portionarii, teneantur residere & servire per decem menses continuos aut interpolatos; alioquin nos vel successores nostri, qui pro tempore fuerint, aut capitulum sede vacante, teneantur eis primo vocatis & auditis, si justam & rationabilem causam non habuerint & allegaverint, non residentes & inservientes pro rata salarii sive proventus decimarum mulctare. Quas quidem mulctas ecclesiæ fabricæ applicamus (VIII) ex nunc prout ex tunc: & crescente contumacia ac juxta decretum Concilii Tridentini, personatum, vel canonicatum, sive portionem vacantem pronuntiare. Justam autem absentiæ causam definimus ægritudinem, dum tamen beneficiatus maneat infirmus in civitate, aut in suburbiis ejusdem, aut si eam incurrerit existens extra civitatem, aut redire pararet ad eam: dum tamen hoc legitimis probationibus constet, vel cum de mandato episcopi & capituli simul, & pro causa & utilitate ecclesiæ absens fuerit, ita quod ista tria concurrant in licen-

(a) Mariana tr. De Pond. & Mens, hæc habet: Recenti memoria ex auro cudebantur monete, quæ castellani vulgo dicuntur, æstimo uncii auri 50., singuli pondere drac-

ma atque oboi præcipua bonitate. Sed his hoc tempore consumptis, nomen retinetur, æstimatio maravedinorum in singulos 480.



licentia sive absentia. = Volumus etiam & de consensu Seren. Majestatis, & eadem auctoritate apostolica statuimus, quod omnium decimarum, tam prædialium, quam personalium, tam cathedralis, quam aliarum ecclesiarum civitatis & diœcesis fructus in tres æquales partes dividantur (ix), quarum unam nos & successores nostri episcopi habeamus. Decanus & capitulum aliam inter eos dividendam: à quibus partibus licet ex concessione apostolica, & longævi temporis usu Catholica Majestas tertiam partem, *tercias* in Hispania vulgariter nuncupatam habere & recipere consueverit . . . in nostra tertia & ecclesiæ nostræ & capituli tertiis partibus liberos nos in perpetuum esse voluit. Reliquam verò tertiam in novem iterum partes dividendam decernimus, quarum quatuor pro rectoribus & beneficiatis ecclesiarum parochialium assignamus, scilicet pro duobus clericis sæcularibus, quorum rector seu habens beneficium cum cura habeat de istis quatuor partibus unam integram, & reliquæ inter rectorem & alium beneficiatum habentem beneficium simplex dividantur æqualiter. Habeat insuper rector primitias omnium decimarum totius parochiæ: ex quibus primitiis sacrista habeat octavam partem. Similiter ex quinque partibus restantibus de novem supradictis tres partes in duas dividantur, quarum unam cuilibet oppidi ecclesiæ fabricæ applicamus, aliam cujuslibet oppidi hospitalibus: de qua parte hospitalibus applicata dicta hospitalia teneantur solvere decimam hospitali principali civitatis, in qua ecclesia cathedralis pro tempore fuerit. Reliquas verò partes de quinque restantes eidem Seren. Majestati in signum superioritatis & juris patronatus, & ratione acquisitionis provinciæ Tucuman applicamus. = Applicamus etiam eadem auctoritate fabricæ ecclesiæ SS. Petri & Pauli Tucuman. omnes & singulas decimas unius parochiani (x) ejusdem ecclesiæ & ecclesiarum totius diœcesis per œconomum fabricæ, dum tamen parochianus non sit ditior, sed secundus post eum. = Applicamus etiam in perpetuum eidem fabricæ ecclesiarum omnes & singulas decimas calcis, laterum, & regularum, tam civitatis, quam omnium locorum nostræ diœcesis, eadem auctoritate, & eadem regia jussione sub anathemate successoribus nostris, ac reverendis fratribus nostris decano & capitulo, ac rectoribus, & alijs beneficiatis totius diœcesis inhiabentes (ne) quovis prætextu, colere, in petendis, extorquendis (xi), & levandis decimis homines per se vel per alios intromittant, aut intromittere procurent. =

Ordinamus etiam quod officium diurnum & nocturnum, tam in missa quam in horis, fiat semper & dicatur secundum consuetudinem Ecclesiæ Hispalensis, & semper in cantu more Ecclesiæ dictæ. = Volumus etiam & de ejusdem Catholicæ Majestatis instantia & petitione ordinamus, quod portionarii habeant vocem in capitulo in spiritualibus & temporalibus, præterquam in electionibus & alijs à jure prohibitis portionariis ac canonicis specialiter reservatis casibus. = Volumus etiam, & de ejusdem Catholicæ Majestatis instantia & petitione ordinamus, quod in prædicta nostra Tucumanensi Ecclesia, præterquam in festivis diebus, in quibus una tantum missa solemniter celebrabitur hora tertiarum (xii), duæ quotidie missæ celebrentur, quarum una hora prima primis diebus Veneris cujuslibet mensis de anniver-

sario

fario fiat pro gl. mem. Carolo V. ac Philippo Rege nostro, cæterisque in Castellæ & Legionis regnis defunctis Regibus, & pro tempore successoribus. Diebus vero sabbathis missa prædicta in honorem Virginis gloriosæ pro Catholicæ Majestatis salute & incolumitate celebretur. Cujuslibet autem mensis prima die Lunæ eadem missa pro animabus purgatorii solemniter celebretur. Reliquis verò diebus præfata missa possit celebrari ad voluntatem, cujuslibet personæ volentis illam dotare. Secunda verò missa de festo vel feria occurrente secundum stylum Hispalensis Ecclesiæ hora tertiæ celebrabitur, & quicumque missam majorem celebraverit, lucretur ultra communem distributionem, omnibus beneficiatis dictæ ecclesiæ illi missæ interessentibus respectivè assignatam vel assignandam, triplum stipendium quoad quamcumque diei horam; diaconus verò duplum; & subdiaconus simplum. Et quicumque missæ majori non adfuerit, tertiam & sextam illius diei non lucretur, nisi justa & rationabili causa, & de licentia decani vel alterius in choro pro tempore præsentis absens fuerit: supra quod conscientiam petentis & concedentis licentiam oneramus. Et quicumque matutinis & laudibus interfuerit, lucretur triplum quam ad quamcumque diei horam lucratur, & insuper stipendium primæ, quamvis illi non intersit. = Volumus etiam & de ejusdem Cath. Majestatis instantia & petitione ordinamus, quod bis in hebdomada capitulum congregetur. Feria videlicet tertia tractetur ibi de negotiis occurrentibus; feria autem sexta de nulla alia re nisi de morum correctione & emendatione, & de modo prædicandi evangelium neophytis, ac de eorum conversione: tractetur etiam de iis, quæ ad cultum divinum debite celebrandum, & ad honestatem clericorum spectant. Et nulla alia die capitulum congregetur. = Item statuimus & declaramus, quod quilibet ecclesiæ & diocesis clericus primæ tonsuræ ad hoc ut possit privilegio gaudere clericali, deferat tonsuram magnitudinis unius regalis argentæ monetæ usualis Hispaniæ, & tondeat capillos per duos digitos tantum infra aures à tergo procedente scissura, induaturque vestibus honestis, velut chlamyde seu pallio, quod vulgariter nuncupatur *loba ò manteo*, clauso vel aperto ad terram usque unum palmum protenso, non rubei sed alterius honesti coloris, tam in vestibus superioribus, quam in inferioribus apparentibus. = Omnia beneficia & singula tam cum cura quam sine cura per totam diocesim existentia decernimus, ut post hanc nominationem primam, quotiescumque de eis providere contingat, filiis duntaxat patrimonialibus ab incolis, qui ex Hispania in dictam provinciam hucusque devenerint, & ab eis descendentes, non tamen à filiis oriundorum à dictis insulis antequam christiani eandem provinciam inhabitarent, donec & quousque per præfatum Regem nostrum Philippum, vel ejus pro tempore successoris super hoc aliud fuerit decretum, præmissis examine & approbatione juxta formam in episcopatu & ecclesia Palentina inter filios patrimoniales hætenus observatam, provideantur: dum tamen filii patrimoniales sic provisi infra annum & dimidium post provisionem seu collationem eorundem beneficiorum collatorum ratihabitionem coram nobis, vel pro tempore existentibus episcopis Tucumanensibus, & approbationem

præ

præsentaverint, & præsentare teneantur. Præfatusque Rex Catholicus ad beneficia sic vacantia alias quascumque personas ad formam prædictam qualificatas præsentare possit & valeat. = Quæ omnia & singula Catholica Majestate consentiente, & viva voce à nobis petente, autoritate apostolica statuimus. Contrariis quibuscumque non obstantibus . . . Hispali intra Cœnobium Virginis Angelorum, anno 1578. 18. Octobris. = Ita demptis nonnullis vocibus ad rei summam non facientibus, quo didio esset brevior & sensus planior, extat Erektionis Tucumanensis exemplar in adversariis P. Petri Lozano S. J. ad verbum transcriptum ex authentico.

## ADNOTATIONES.

(B) *In insulis maris oceani. . . Tucuman.* Tucumania regio mediterranea Americæ meridionalis dicitur in insulis reperta quia Novo Orbi primum Insularum maris oceani nomen fuit, & Indi occidentales Insulani nominabantur, sive hæreditato nomine ab Atlantide insula, vel Atlantidis. Insulis cum America secundum opinionem non neminis confusis, de quo vide Acoftam (a), sive à regionibus primum in Novo Orbe per Hispanos acquisitis. Et hac ratione in privilegio, de quo supra 1567. 15. Dec. sub quibuscumque Oceani insulis etiam continens Americæ Hispaniensis comprehendi videtur. Vide Ord. 22. Adnot. I.

(H) *In provincia del Perú.* Tucumania nunc extra, nunc intra Peruvium extare dicitur; quia Peruvii limites alii ab aliis, imò ab eodem scriptore varii constituuntur. Herrera ait (b): Las provincias del Piru, cuyo nombre se ha ido estendiendo mas de lo que fue al principio, incluyen todo el imperio de los Ingas. ò mas, que quando se ganó, se dividio en dos Gobernaciones, la de D. Francisco. Pizarro dicha la Nueva Castilla desde el Quito hasta el Cuzco sesenta leguas. mas abajo de Chinchá, y la de D. Diego de Almagro llamada la Nueva Toledo doscientas leguas hacia el Estrecho desde Chinchá. Las quales Governaciones estuvieron distintas hasta que se fundo el Audiencia de los Rejes, y se proveió Visorrei del Pirú, en cuyo gobierno se incluye el Audiencia de Quito, la de Lima, la de los Charcas, la Governacion de Chile, y tierras del Estrecho, Islas de Salomon al Poniente, y por cercania las provincias del Rio de la Plata, y lo que determinadamente se comprende bajo del gobierno del Visorrei.

D. Antonius Leon Pinelo (c) ait: El gobierno de Pizarro comprendio propriamente todo lo que sellama Perú, que es desde Quito à los Charcas. D. Franciscus Antonius de Montalbo (d) Perú se termina por el septentrion en Castilla del Oro; por occidente en el mar del Sur; por medio dia con Chile; por oriente con las Cordilleras. Después se dilató este nombre desde Tierra firme, Cartagena, Santa Marta, Rio della Ha-

(a) Acofta, De Proc. Ind. sal. in Proam. Et Solorzan. lib. 1. Pol. cap. 2.

(b) Herr. Defcr. de las Ind. Occ. cap. 19.

(c) Pinel. Confir. Real. P. 1. cap. 7. n. 1.

(d) Montalbo, Sol del N. M. lib. 1. pag. 4.

Hacha hasta Tucuman, Santa Cruz, y todo lo que comprehenden las Audiencias de Quito, Nuevo-Reino, Popayan, Panama, Lima, Chile, y los *Charcas*. Sed & hi limites postea moti sunt anno 1718., prorege novo in Novo Regno Granatenſi, quod est *Castilla del Oro*, constituto à finibus provinciæ Quitensis usque ad mare, ut vide apud Ulloam (a), & novissime apud Coleti (b). In præſenti ordinatione tantum haberi videtur ratio de divisione ecclesiastica, juxta quam Tucumania erat sine dubio tempore præſentis erectionis, & fuit diu post usque ad dismembrationem Provinciæ Platenſis, Limæ conprovincialis.

(HI) *Ratione Castellæ*. *Las Indias occidentales*, inquit laudatus Pinellus (c), islas y tierras adjacentes desde su descubrimiento quedaron, y estan incorporadas à la Corona Real de Castilla: cujo gobierno à servido à sus Catholicos Reyes de exemplar, y para dar forma, y establecer la republica universal de a quel Nuevo Mundo. Con este intento dieron por orden al Supremo y Real Consejo, que para sus negocios criaron, que todo lo que dispusiese para aquellos estados, fuesse con attencion à reducirlos al estilo y forma, con que los de Castilla y Leon son regidos y gobernados en quanto diessse lugar la diferencia de tierras y naciones, Para este fin se han criado y proveido para las Indias casi los mismos officios y tribunales que tiene Castilla, Virreynatos, Chancillerias, y Gobiernos, Corregimientos, Alcaldias Mayores, y los demas que han parecido convenientes; los quales en su exercicio y uso guardan el derecho real y comun, mientras por cédulas y ordenanzas no esta revocado, mudado, y alterado. Quod Pinellus hic tradit, abiit deinceps in legem 13. tit. 2. lib. 2. Juris Ind.

Hæc Indiarum unio & incorporatio ad Coronam Castellæ & Legionis potius quam ad aliam de tot quot Hispania redimitur, inde orta est quia sumptibus & auspiciis Isabellæ Catholicæ Reginæ Castellæ & Legionis instructa fuit classis ad inquirendum & conquiendum Novum Orbem, dum maritus Catholicus Aragoniæ Rex fidem negabat Columbo, de quo vide Herreram (d). Unde & donatio apostolica Alexandri VI. Regibus Castellæ & Legionis, est facta nominatim, & inventoris stemmati gentilitio inscribi datum. = Por Castilla y su Leon = Nuevo Mundo hallo Colon = Quod abs re transdidit Vasconcellos: = Por Castilla y Aragon = Nuevo Mundo hallo Colon.

Hinc dubitatum est, utrum Aragones Hispani sint habendi pro extraneis in Indiis? De quo Solorzanus (e) hæc habet: *Trattando de los Aragoneses los tiene por estrangeros para todo lo tocante à las Indias, passar, estar, y comerciar en ellas, Juan de Hevia Bolaños; aunque yo nunca ví que esto se executasse, ni que sobre ello se le moviesse pleito à ningun Aragonés, ò le obligassen à componerse por estrangero. Antes como el Señor Rei D. Fernando era Aragonés, muchos de aquel Reino*

(a) Ulloa, *Resum. de los Emp. del Perú*, pag. 146. (b) Coleti, *Dist. Geogr. Hist. de Amer. Mer. V. Perú*.

(c) Pinel. loc. cit. P. 2. cap. 1.

(d) Herr. *Decad. 1. lib. 2. cap. 9.*

(e) Solorz. *lib. 4. Pol. c. 19.*

no passaron desde su tiempo, y pasan cada dia con cargos y officios mui honrosos sin licencia ni dispensacion de estrangeria: y esta costumbre parece que passo ya en fuerza de lei.

Schedula regia, quam eo loco citat Solorzanus est jam lex recopilata (a), cui & antiquæ consuetudini virtus accessit ex quo Aragoniæ & Valentia jura propria anno 1707. abrogata sunt, & castellanæ leges in usum totius monarchiæ deductæ, ut est Senatus Regio-Castellani Consultum (b). D. Vincentius Ximeno (c) testatur per abrogationem dictam nihil esse quoad res ecclesiasticas innovatum, dum ait: *Fueron* abrogados (los fueros de Valencia) por D. Phelippe Quinto, no en quanto à lo ecclesiastico, sino quanto à lo secular en lo politico y civil. Si bien estando S. M. de transito en Valencia desde 5. de Mayo à 18. de 1719., volvio à conceder à la ciudad y reino sus fueros en orden à lo civil: y es lastima ver el olvido en que ha quedado una gracia tan importante.

Sed aliquid esse jam hoc tempore innovatum etiam quoad res ecclesiasticas saltem quoad favores, constat ex sequente Regii Senatus consulto (d): *Los Aragoneses, Valencianos, y Catalanos sean iguales à los Castellanos en la obcion de las plazas y piezas ecclesiasticas, dejando à los Mallorquines en la possession de sus fueros y rentas ecclesiasticas de que gozan por cédulas reales y bullas pontificias.* Et de Gotholania in quadam informatione de non creanda Theologiæ dogmaticæ cathedra, in Cervariensi Universitate, sic agebat circa annum 1746. pro schola Scoti Doctor D. Emmanuel Joven: *Los estatutos castellanos, que nos dan la lei, solamente vinculan, &c.* Vide Ord. 139. Quidquid fuerit olim de Indiis, & usque ad tempus Heviæ Bolaños; certum est in præsentia nullam attendi diversitatem nationum, quæ ex Hispania sint, nullam in ditione Regis Catholici pro extranea reputari, nec reputari debere.

(iv) *Oppidum Tucuman nuncupatum*. Hoc nomine quod est toti Gubernationi & Diœcesi commune, specialiter nuncupatur oppidum S. Michaëlis ad radices montium, quibus tota Australis America dividitur; Solum erat olim in loco ab Indis vocato *Ibotin* à primis Hispaniæ colonis *Tierra de promission* propter amœnitatem apparentem & fertilitatem, ut refert Lozano (e). Usu tamen innotuit cœli & naturæ vitium, nam incolæ ut plurimum adolescebant stolidi & gutture deformes; quo ad locum in quo modò est sub 30. ferè lat. austr. gradu, 312. long. à gallico meridiano transferendum fuit. Ad Ibotim primam hujus provinciæ coloniam deduxerant Hispani, quam nominare placuit *el Barco*; sed paulo post Indorum penuria, sine quibus Indiarum amœnitas & fertilitas minimi est, aut fortè vicinorum Calchaquiensium feritate, plures solum mutarunt, ut S. Jacobi del Estero fundamenta jacerent. Propterea in S. Jacobi effectum habuit præsens ordinatio & cathedralis erectio, donec anno 1699. Cordubam est

(a) Leg. 28. tit. 27. lib. 9. Recop.

(b) Tom. 3. Recop. Cast. Autos acord. lib. 1. tit. 10. A 4. Vide etiam Comments. Belli Hisp. lib. 8. prope fin.

(c) Ximeno, Addic. à los Escriitor. Valenc. V. Mossen Jaime Fabrer. (d) Autos acord. lib. 1. tit. 3. Nor. 1. (e) Lozano, Histor. del Parag. lib. 5. cap. 10. n. 9.

est translata Sedes autoritate Innocentii XII. Ex quo Corduba totius provincia Caput habetur, & eo nomine insignitur à Philippo V. Rege Catholico schedula ad D. Stephanum de Urizar Tucumanix Prætorem data 7. April. 1707.

(v) *Positis limitibus*. De Tucumanæ Diæcesis fortassis totius orbis, nisi Quebecum obster, latissimæ limitibus hæc habet Ill. D. Petrus-Michael Argandoña Tucumanensis Præsul in quadam Epistola ad Sanctissimum (a): *Diæcesis* hæc latissimè patet à septentrione ad austrum per quadringentas leucas præter propter. Metropolitico jure subest Archiepiscopo Platenſi in Peruvia, cujus diæcesi adjacet quâ ad septentrionem vergit, sed quâ ad orientem, Episcopatu Bonaërenſi seu Fluminis Argentæi, & occidentem versus Diæcesi Jacobopolitanæ seu Chilensi, quin ad austrum certi termini hætenus agnoscantur; barbarissimæ enim gentes, nec hispanicum reveritæ imperium, nec Christi legem edoctæ spatioſissimas terrarum planities, vel præruptos inviosque montes ad usque magallonicum fretum per quingentas iisque plures leucas incolunt. A quo valde, & æquè à vero distat quod in *Dictionary Historico-Geographico America Meridionalis* recens vulgatum est (b): *Si stende* (Tucuman) *da mezzodì à tramontana* più di 160. leghe, e da levante a ponente 96.

(vi) *Ducatorum ducatorum auri de camera*. *Ducatus* aureus de camera, inquit Lacroix (c), est scutum aureum & unus argenteus sive julius; scutum verò aureum secundum monetam nostram est ducatus sive duo imperiales in specie. Duo floreni imperiales uno circiter Hispanorum *peso doble* pensatur, & julius uno argenteo regali. Tantidem ergo valet ducatus aurei de camera juxta Lacroix. Et proprius fortasse æquivalet de monetis imaginariis hispanicis ducato argenteo duplo vel antiquo decem regalium argenteorum & viginti sex maravedinorum *de vellon*: de quo fit mentio in Regio Veredorum Itinerario (d). Sed audio, verum ducati aurei de camera valorem esse Romæ sexdecim paulorum seu juliorum cum dimidio, extra Romam in Statu Pontificio esse, alicubi saltem, septendecim paulorum.

(vii) *Archidiaconatum suspendimus*. De beneficiis in hac prima erectione suspensis quænam erecta modò jam sint, quorum nam usque desideretur erectio, constat ex citata Episcopi Tucumanensis epistola: *Capitulum Ecclesiæ Cathedralis* quinque tantum dignitatibus constat, videlicet decano, archidiacono, cantore, scholastico, & thesaurario ... His accedunt duo parochi rectorales in administrationem sacramentorum, sacristæ duo, magister cæremoniarum, & succentor.

(viii) *Ecclesiæ fabrica applicamus*. In Concilio Limensi Tertio anni 1583. cui subscripsit etiam Ill. Vitoria præsentis erectionis author, edicitur (e): *Divino officio nocturno & diurno, ac missarum solemnibus intersunt omnes in cathedralibus ecclesiis dignitates, atque canonici, quem-* admo-

(a) Ep. ad B. XIV. dat: pridie Non Dec. 1750.

(b) Coleti, V. Tucuman, pag. 167. tom. 2.

(c) Lacr. Q. 90. De Benef. n. 677.

(d) Itin. Real de Postas pag. 10. fn.

(e) C. Lim. Aff. 3. cap. 26.

admodum in Concilio Tridentino & Limensi (11) constitutum est. Qui vero non interfuerint, distributiones amittant, quæ cæteris qui interfuerint, eo ipso *debentur*. Unde dubitaverit quis, an secundum statutum hoc cassæ distributiones debeantur præsentibus in Tucumania, an fabricæ secundum erectionem? Sed dubium eximit Synodus Secunda Tucumanensis anno 1606. celebrata (a) sic habens: *Qualquier prebendado que faltare del coro à las horas canonicas, y divinos officios fiesta de primera classe, Domingo de Ramos, y qualquiera dia de Semana Santa, pierda demas de las distribuciones cotidianas dos pesos corrientes. Y los que faltaren fiesta de Segunda classe, demas de las dichas distribuciones pierdan un peso. Y estos y las dichas distribuciones se repartan entre los presentes. Et hæc quidem Synodus habita est viginti tribus post Concilium Limense annis. Sed independenter ab hac synodali constitutione standum erat Concilio Provinciali, ad quod ex Tridentino pertinet legem præscribere in choro conveniendi & permanendi, licet interea seu usque ad illius celebrationem posset Episcopus providere.*

(ix) *In tres partes dividantur.* In quatuor erant dividendi fructus decimales juxta legem, & secundum alias erectiones, sed moribus introductum est præter hanc Tucumanis diocesim in proximis Paraquaria & Bonaerensi, ut dividantur in tres in favorem dignitatis episcopalis & capituli; nam parochi in quorum præjudicium cedit præsertim tripartita divisio, habent functiones parochiales, quorum obventionibus, quæ majoris sunt, quam apud alios, suppleant proventus tenuitatem. Verba legis sunt (b) *De los diezmos de cada Iglesia cathedral, se saquen las dos partes de quatro para el prelado y cabildo, como cada ereccion lo dispone, y de las otras dos se hagan nueve partes. Las dos novenas sean para nos, y de las otras siete las tres sean para la fabrica de la iglesia cathedral y hospital, y las otras quatro pagado el salario de los curas, lo restante se de al majordomo del cabildo, paraque se haga lo que la ereccion dispusiere.*

(x) *Decimas unius parochiani.* De hoc argumento extat lex 22. tit. 16. l. 1. Juris Indici, qua decernitur: *Que de los diezmos de cada obispado se hajan de sacar y saquen los escusados de cada pueblo segun la ereccion de el.* Sed cap. 12. cit. Synodi Tucumanis indicitur quoad applicationem moderatio sequens: *Conforme à la ereccion de esta Santa Iglesia las casas escusadas de este obispado son de la fabrica de ella. Y porque la pobreza de la ciudad de la Rioja, ciudad de Salta, y villa de Madrid de las Juntas es grande, se permite por ahora que la mitad de lo que montare la casa escusada de dichas ciudades y villa, sea para las dichas Iglesias, y con la otra mitad se acuda al majordomo de esta santa Iglesia. Y assi mismo se permite, que la renta de la casa escusada de la ciudad de Jujui la lleve y sea para la fabrica de su Iglesia hasta tanto que ren-*

(a) *Synodo de Tuc. cap. 3.* (b) *Leg. 23. tit. 16. lib. 1. Recop. Ind.*

tenga otra renta de que sustentarse. Y la ciudad de S. Miguel, la de Esteco, y la de Cordoba acudan con la renta de la casa escusada al majordomo de esta Santa Iglesia.

(xi) *Extorquendis & levandis*. Extorsio & levatio clericis hñc sub anathemate prohibita ea videtur esse, de qua cap. X. cit. Synodi Tucumanensis dicitur: *Sabido* hemos, que con mucho detrimento de los bienes ecclesiasticos algunas personas poderosas toman los diezmos, y assi no corren las pujas libremente. Por lo qual ordenamos y mandamos, que los Tenientes, y Gobernadores, Curas, y Vicarios de toda esta Governacion, cada uno en su distrito, por si ni por interposita persona, no puedan tomar, ni arrendar los diezmos, ni despues de rematados en personas particulares, puedan tener parte en ellos con las tales personas, sò pena de excommunication mayor, y de perdida de la parte de los tales diezmos en la moneda en que los *arrendare*.

Eadem lex & eadem excommunicatio lata erat in Concilio Limensi Tertio (a) in clericum conducentem decimas per se vel per interpositam personam. Sed à Sacra Congregatione Cardinalium Concilii Tridentini interpretum caput illud emendatum est, ut fidem facit Acosta in Epistola ad Ill. D. Ferdinandum de Vega Senatũs Indiarum Præsidentem de fine & successu Concilii Limensis, cujus pars ipse magna fuit, dicens: *Hæc* (excommunicatio in clericum decimas conducentem) prorsus sublata est. Quin potius, quoniam doctores nobiles sentiunt, non esse contra jus canonicum ecclesiarum decimas à clericis conducì, decretum ipsum ita emendatum est, ut solum habeat leges sacras, quæ prohibent clericos conductores fieri, esse ad unguem observandas, nulla de decimarum conductio-  
*ne* mentione *facta*.

Sed hinc emergit dubium duplex 1. Cum in decreto limensi nulla fiat menſio de decimarum conductio-  
*ne* in textu, fiat tamen & expressa in textũs argumento seu rubro sic habente, *Ne clerici decimarum conductores sint*; censendum ne est, conductio-  
*ne* hanc esse clericis interdiciam, an non? Et ratio dubitandi est, nam rubricæ generali standum est juxta communem doctrinam, quando nullam cum alio textu repugnantiam habet, & perfectum reddit sensum, maximè si per particulas *Ne* vel *ut* efferatur: & ex alia parte stat correctio memorata S. Congregationis. 2. Cum S. Congregatio expunxerit excommunicationem Concilii Limensis, etiam Clericis Tucumanensibus imminentem, quippe comprovincialibus; censi-  
*ne* debet expuncta excommunicatio, quam antea tulerat Episcopus in præsen-  
*ti* erectione, & quam postea tulit successor in Synodo, an non?

Ad 1. resp. negativè, nisi quatenus conductio decimarum alio jure prohibeatur. Ratio est, quia per relatam S. Congregationis emenda-  
*tionem* decretum illud Concilii Limensis redactum est ad terminos juris communis. Argumento verò seu rubricæ standum, quando de modifica-  
*tionem* satis non constet, vel ex nigro legis, vel aliunde. Ad 2. resp.  
*etiam*

(a) G. Lim. Act. 3. cap. 11.



etiam negative; nam iudicium S. Congregationis respicit decretum totius provincie commune: quod non tollit, in diœcesi vel loco particulari esse causam id ipsum statuendi quod in communi decreto reformatum est: quæ causa exprimitur in relata constitutione Synodi Tucumanensis. Seu quod eodem redit, iudicio S. Congregationis declaratur insufficiens ratio qua nitebatur Concilii Limensis decretum, dum allegat Jus commune (a), ne clerici se immisceant negotiis sæcularibus, non tamen declarata est insufficiens ratio, qua nititur Synodus Tucumanensis inde petita, quod ecclesiasticis bonis præiudicium inferri ibi locorum comprobaverat experientia.

(xii) *Duæ quotidie missæ celebrentur*. Hæc ordinatio reformata est in cit. Synodo Tucumanensi ut sequitur (b): *El cap. 70. de la Accion 1. (Concil. Lim. II. sess. I. cap. 70.) dispone las missas que estan obligados a decir los prebendados de las iglesias cathedrales, y la ereccion de esta Iglesia lo mismo. Y porque las rentas de ellas son tenues, y los prebendados pocos y cargados de muchas obligaciones, se determina que por ahora el prebendado que hiciere semana, esté obligado a decir todos los dias de ella missa propria de fiesta, feria, o tiempo en que fuere, por el pueblo. Y si en la dicha semana cupiere missa de obligacion por Sus Magestades, o Animas del Purgatorio, que en todo un año son 36., cumpla con la missa que dijere por Sus Magestades o Animas con la de Semana. Videndum tamen quatenus possit in Synodo diœcesana statutus in erectione ordo immutari. Sed & dici potest, erectionis ordinem non esse perfectum, nec præbendorum numerum completum, ut ex necessitate fuerit minuendum singulorum onus.*

De hoc argumento erectionum indicarum vide Recop. Ind. lib. 1. per tot Solorzanum lib. 4. Polit., Villarroel, & Frasso per tot.

### ORDINATIO CXXVIII.

**U**T concilia provincialia celebrarentur in Indiis per quinquennia concessit Pius V.: qui terminus ad septennium prorogatus est à Gregorio XIII. 15. Apr. 1583., & à Paulo V. bulla data 7. Dec. 1610. ad duodennium. Vide infra Ord. CXXXVIII. & CCXXIII.

### ORDINATIO CXXIX.

**I**N Peruvio & in Nova Hispania constituitur officium S. Inquisitionis. Meminit P. Cl. Clemens in Tabulis anno 1570. Sed videtur constitutum non pontificia ordinatione, nisi quatenus autoritas apostolica Pontificis residet delegata in Inquisitore Generali, dicitur enim in Jure Indico (c): *El Inquisidor Apostolico General en nuestros reinos y señorios* con

(a) C. 1. Ne cler. vel mon. = Et C. Placuit. 21. q. 3. (b) Synod. Tuc. Cap. 8. (c) Leg. 1. tit. 29. lib. 1. Recop. Ind.

con acuerdo de los de nuestro Consejo de la General Inquisicion, y consultado con Nos, ordenó y provejo que se pudiesse y asentasse en aquellas provincias el officio de la Sta Inquisicion. Vide supra Ord. 33.

## O R D I N A T I O CXXX.

Anno 1571.

**M**Otu proprio concessit Pius V. Ordini Prædicatorum in Nova Hispania in omnibus domibus (1) & monasteriis constructis & construendis in perpetuum, ut diebus S. Dominici, S. Thomæ Aquinatis, S. Vincentii, & S. Catharinæ de Senis, ut qui ecclesias prædicti ordinis visitarent, & preces ibi pro augmento christianæ religionis, & Sedis Apostolicæ felici statu, ac infidelium conversione funderent, toties plenariam indulgentiam, & omnium peccatorum remissionem in forma jubilæi consequerentur. Utque hæc indulgentia esset communis sanctis propriis Ordinis Minorum, & S. Augustini. Vult Summus Pontifex, ut qui in prædictis festivitibus & earum octavis contritus & confessus eucharistiam sumit, easdem indulgentias à fortiori consequatur. Et qui in festo S. Dominici & S. Thomæ & eorum octava celebraverint, aut celebrari fecerint, toties eandem indulgentiam consequantur in forma jubilæi (II). Ita Alphonsus Veracruz in Compendio M. S. apud Rodriguez (a). Concessit item religiosis, qui ad Indiarum conversionem proficiscuntur (III) in die quo se mari commiserint, & sic in quo pervenerint, vel in itinere decesserint indulgentiam in forma Jubilæi. Et religiosis scientibus idioma Indorum toties quoties munus docendi Indos exercerent, centum dies. Ita Rodriguez, qui ait, duplicem hanc postremam concessionem in eodem motu proprio contineri. Vide infra Ord. 175. & supra Ord. 91.

## A D N O T A T I O N E S.

(1) *In domibus & monasteriis.* Indulgentiæ in prima parte hujus ordinationis concessæ immunes sunt à revocatione postea decreta à Paulo V. facta 23. Maii. 1606. per Const. *Romanus Pontifex*; tum quia sunt locales, tum quia non solis regularibus concessæ, sed secularibus etiam ad eorum ecclesias convenientibus. Ut enim ex Peirinis, Lezana, & Quintana dueñas inquit Viva (b), Certum est, Paulum V. non revocasse pro regularibus indulgentias Christi-fidelibus indiscriminatim concessas: unde & regulares iis frui possunt. Nec revocavit pro animabus purgatorii concessas regularibus, ut idem Pontifex testatus est apud Gobat. Nec indulgentias regularium locales, seu ecclesiis regularium concessas, sed solum personales ut S. Congregatio declaravit 7. Sept. 1607.

(II) *In forma Jubilæi.* Aliqui putant, hac clausulâ contineri favores omnes in Jubilæo concedi solitos. Sed veriùs contradicunt alii cum Vi-

(a) Redr. tom. 2. 22. RR. 9. 97. art. 1. (b) Viva, Append. ad Jubil. 9. 1. n. 6.

va (\*) nam praxis in similibus interpretatur, solam contineri indulgentiam plenissimam, qualis in Jubilæo.

(III) *Religiosis, qui ad Indiarum conversionem proficiuntur*. Vide quatenus gratia hæc sit revocata, deinde expresse renovata infra Ord. 175.

## ORDINATIO CXXXI.

Anno 1571. 8. Jul.

Confirmavit Pius V. Universitatem Limanam (1). Meminit P. Mendo (b) Et Emmanuel Rodriguez J. refert in *Compendio Historiali*, eundem Pontificem 15. Julii ejusdem anni, communicasse per bullam Universitati Limanæ (II) indulta Salmanticensis.

## ADNOTATIONES.

(1) *Universitatem Limanam*. Jam ab anno 1562. à Philippo II. erat condita, ut est in Jure Indico (c): *Fundamos y constituimos en la ciudad de Lima, y en la de Mexico Universidades y Estudios Generales, y concedemos à todas las personas que en dichas Universidades fueron graduados, que gozen en nuestras Indias, Islas, y Tierrafirme del Mar Oceano de las mismas libertades y franquezas de que gozan en estos Reinos, los que se gradúan en la Universidad y Estudios de Salamanca, assi en no pechar como en todo lo demas. Y en quanto à la Jurisdiccion se guarde la lei 12. de este título. Et lex 12. ea est: Que los Rectores tengan Jurisdiccion en los doctores, maestros, oficiales, en los letores, estudiantes, y ojentes, en todos los negocios criminales, que se cometieren dentro de las escuelas en qualquiera manera tocantes à los estudios, como no sean delitos en que haya de haver pena de effusion de sangre, ò mutilacion de miembro, ò otra corporal. Y en los delitos, que se cometieren fuera de las escuelas, si fuere negocio tocante à los estudios ò dependiente de ellos; o pendencia de hecho ò de palabras que alguno de los doctores, maestros, ò estudiantes tenga con otro sobre disputa, ò conferencia, ò paga de pupilage, ò otra cosa semejante, en estos casos los Rectores puedan conocer tambien. . . . Assimismo puedan conocer de los excessos que los estudiantes tuvieren en Juegos, deshonestidades, ò distraccion de las escuelas, y los puedan castigar con prisiones, ò como mejor pareciere. Y tambien puedan castigar y corregir las inobediencias, que los doctores y estudiantes tuvieren con los Rectores en razon de los estudios, constituciones, y ordenanzas de ellos.*

(II) *Indulta Salmanticensis*. Indulta pontificia Salmanticensi Studio Generali concessa refert aliqua P. Mendo (d). 1. Paulus Tertius indulgit, quodsi aliquod statutum mutandum occurreret, id fieri posset in consensu Aca-

(a) *Viva, Quæst. De Jubil. art. 1. n. 4.*

(b) *Mendo, lib. 1. De Jur. Acad. num. 123.*

(c) *Leg. 1. tit. 22. lib. 2. Recop. Ind.*

(d) *Mendo, lib. 1. De Jur. Acad. 2. 2.*

*d. num. 134. & 147.*

Academiæ pleno suffragantibus duabus tertiis partibus; quo mutatio censeretur apostolica auctoritate decreta. 2. Alexander IV. ut Salmanticæ examinatus & approbatus ubique terrarum censeretur habilis ad regendam cathedram. 3. Clemens V. ut decimarum tertias exigeret in diocesi Salmantina. 4. Martinus V. litteras conservatorias concessit Scholastico Salmantino cum amplissima jurisdictione privativa immediate Sedi Apostolicæ subiecta, etiam in civilibus. 5. Ut academici redditibus beneficiorum fruerentur non residendo, dum litteris dant operam. 6. Ut cathedram proprietatis qui rexerint viginti annis doctores vel magistri, rude donentur. 7. Julius II. Cathedræ Decreti moderatorem à jejunandi lege deobligavit. Quod tamen etiam Salmanticæ videtur defuetudine oblitteratum. De cæteris verò, si præsens plana salmanticensium indultorum communicatio verbo fuit indefinita in favorem Limensis Academiæ, ut innuit cit. Rodriguez, usu certe & tempore illam esse oportet valde limitatam.

De Limana Universitate hæc habet P. Coleti (a): *L' università di S. Marco si fondò nel 1549., è secondo altri nel 1551. con reali diplomi l' uno dei 12. di Maggio, l' altro de 21. Settembre dello stesso anno. Il Pontefice S. Pio V. con Bolla dei 15. di Luglio del 1571. le concesse i privilegi tutti dell' Università di Salamanca, alla quale s' incorporò con diploma reale del 1572. Fu secolarizzata e fatta Patronato reale nel 1576., e dal Convento dei PP. Domenicani, dove era stata fin allora, si trasferì a un luogo publico; ma nel 1614. essendo assai decaduta, fu ristabilita dal Re Philippo III., ed è la prima e la più celebre Università dell' America.*

## O R D I N A T I O CXXXII.

Anno 1571. 2. Aug.

**U**T Indi ad fidem conversi, qui in sua infidelitate plures habebant uxores, eam pro legitima retineant, & cum ea contrahant, quæ simul cum ipsis conversa & baptizata fuerit, quamvis non sit prima earum adhuc viventium, quas in infidelitate duxerant, & quod ejusmodi matrimonium sine ullo scrupulo habeatur pro legitimo. Ita habetur in Summario privilegiorum indidorum per Concilium Limense approbato ex litteris stantibus in archivo Civitatis Regum.

## A D N O T A T I O N E S.

(1) *Quamvis non sit prima.* Arg. Cap. Gaudemus, De divortiis dicitur: *Si paganus prius plures uxores habebat, post fidem susceptam adhærebit primæ.* Hæc in illius cap. argumento; nam in textu nihil habetur de prima, sed quod una tantum de pluribus retinenda est. Si tamen jus primæ

(a) Coleti, *MS. V. Lima.*

mæ ita sit à natura, ut nulla potestate dissolvi possit, dici potest præsens privilegium, de cujus existentia dubitari nequit, procedere supposita plurium sententia, de qua infra Ord. 305., inter Indos non esse contractum verè matrimonialem, non quidem ratione infidelitatis, sed quia conditiones non observant ad ritè contrahendum requisitas. Vel procedere ex eo quod attentata illorum indole & mutabilitate non contingat aliquem recens conversum adhærere uxori abhorrenti à baptismo absque gravi periculo deficiendi à fide, aut paganorum ritu vivendi cum injuria creatoris. Quo casu licet per Apostolum à prima recedere, Vide Avendaño (a).

His tamen non est opus in sententia Navarri, quam sequitur P. Sanchez (b), posse Pontificem dispensare in matrimonio etiam consummato infidelium etiam dum ambo baptizantur. Cujus ratio est, quia firmitus est matrimonium fidelium ratum, quam consummatum infidelium, cum illud habeat rationem sacramenti, hoc verò non nisi rationem contractus matrimonialis naturalis. Cum ergo Pontifex possit in illo dispensare, poterit & in hoc. Nec obstat quod consummatum hoc sit, nam supponitur esse consummatum antequam per baptismum deveniret sacramentum; non post. Unde non repræsentat indivisibilem unionem Christi cum Ecclesia per carnem; & reputatur ut ratum, donec post susceptum baptismum consummetur.

Quidquid de hac sententia quæ non omnibus placet, & de ratione qua nititur sit, de quo vide Dianam (c); illa tenet à fortiori quando conjugum alter baptizatur, altero renuente, tunc enim neque rationem habet sacramenti cum alter est infidelis, & ratione baptizati subditi Papæ subditur, ut possit dispensari. Et confirmatur ex doctrina Dianæ primo ex citatis loco, ubi docet matrimonia infidelium non posse à Pontifice solvi quæ Pontifex est, posse tamen si supremam habeat jurisdictionem temporalem in infideles. Et licet loquatur de matrimonio infidelium rato, ejus tamen ratio valet de consummato, cum sit causa temporalis æque & politica, in qua Princeps sententiam ferre potest.

Et licet P. Sanchez (d) affirmet, matrimonium infidelium consummatum esse indissolubile; at loqui de indissolubilitate citra legitimam dispensationem, constat ex ejus sententia nuper relata, juxta quam potest Pontifex dispensare in matrimonio infidelium consummato cum baptizantur ambo. Si enim potest infidelium matrimoniumolvere cum ambo baptizantur, poterit etiam potiori titulo, cum non baptizantur, si aliqua alia ratione sint subditi. Vide Ord. 58. A. 2., Ord. 78. A. 4., & Ord. 167., & 260.

O R-

(a) *Avend. tit. 12. Thesaur. n. 414. & n. 54.* | *tr. 1. Resol. 66. = Et tom. 2. tr. 6. R. 126. ex P.*  
 (b) *Sanch. lib. 2. De Matr. d. 17.* | *9. tr. 7. Misc. 2. Resol. 47.*  
 (c) *Diana coord. tom. 3. tr. 1. R. 90. ex P. 8.* | (d) *Sanch. lib. 2. De Matr. d. 13. n. 3.*

## ORDINATIO CXXXIII.

Anno 1571. 2. Aug.

**U**T tam archiepiscopi quam episcopi Indiarum in confectioe chrisma-  
tis liquore seu succo (de quo in constitutionis exordio dicitur, mi-  
ra odoris fragrantia præstare, & ad lavanda vulnera conducere, qui com-  
muniter habetur pro vero balsamo, præstat enim effectus quos balsamum  
Alexandria allatum præstitisse perhibetur) in locum balsami uti possint :  
ac dicto sacro chrismati cum dicto succo ritè tamen confecto tantam fi-  
dem adhibendam esse ac si in illo balsamus intervenisset. Non obstantibus  
quibuscumque. Extat tom. IV. Bullar. Rom. Const. S. Pii V. 180. pag.  
174. Estque confirmatio privilegii sive ordinationis Pii IV., de qua supra  
Ord. 104.

## DUBIUM.

*An balsamum essentialiter requiratur ad confirmationem?*

## §. I.

*Pars negativa probatur.*

**N**Egant multi apud Lacroix (a), & apud Dianam (b), quorum sen-  
tentia probatur 1. ex cap. 1. *De sacram. non iter.*, ubi Innocentius  
Tertius loquitur: *Consulere voluisti, an confirmationis sacramentum debeat*  
*iterari in eo qui per errorem non fuit chrismate delinitus.* Ad quod bre-  
viter respondemus, quod non est aliquid iterandum, sed cautè supplendum  
quod incautè fuerat prætermisum. Unde sic arg.: Si balsamum, ex quo cum  
oleo chrisma conficitur, esset essentialiter requisitum ad confirmationem,  
sacramentum in casu consulto erat iterandum. Sed iterandum non est,  
ut in hac decretali continetur. Ergo.

Respondent 1., ideo maxime iterandum non fuisse sacramentum,  
quia primum erat nullum, nam quod ab initio nullum fuit, primò ef-  
fici potest, iterari non potest. Nullum tamen cur fuit, nisi quia defuit  
unctio per balsamum essentialiter requisita? Sed hæc responsio, inquit P.  
Suarez (c) & si nobis contrarius, violenta est; patet enim iterationem  
non accipi à consulente, ac proinde neque à Pontifice respondente pro  
secunda sacramenti collatione post primam ratam & validam, sed prout  
communiter accipitur, ad significandam collationem sacramenti quæ ite-  
rum fit quando timetur vel judicatur priorem esse invalidam: quod ma-  
ximè verum est in sacramento confirmationis, & in iis quæ non possunt  
aliter iterari.

Ref.

(a) Lacr. lib. 6. P. 1. q. 70. (b) Diana, coord. tom. 3. ar. 1. R. 19., ex P. 8. ar. 2. R. 11. (c) Suar.  
sem. 3. in 3. p. Disp. 83. sect. 1. §. Secunda opinio.

Respondet 2. P. Suarez, negari non posse confirmationem ut supra collatam *iterandam esse* quoad substantiabilia, quia illius valor est ut minimum incertus. Aliter ergo est explicandus Pontifex. Tum etiam, quia juxta tenorem Decretalis supplenda est saltem unctio balsami, hæc verò non sit usquam sine unctioe olei, nec sine verbis: in quo stat tota confirmationis essentia. Tum etiam quia balsamum cuius unctio supplenda est, debet esse benedictum, nunquam tamen benedicitur sine oleo. Erit ergo supplenda unctio per totum chrisma.

Sed contra, & confirmatur 1. probatio; quia responsio hæc & explicatio qua dicitur, *iterandam esse* confirmationem, est plusquam violenta, cum contradicat textui exprimentis, *iterandam non esse sacramentum*. Unde & est practicè certus valor primæ confirmationis, 2. Falsum est, quod juxta tenorem Decretalis supplenda sit unctio sacramentalis; sed potest intelligi de supplendo quod præter unctionem jam substantialiter completam prætermissum forte fuit, ut instructio circa confirmationis virtutem & effectus per balsamum significatos: quæ instructio verosimiliter fuit omiſsa, quando nec de balsamo adhibendo, nec de prætermisso subit cogitatio. Si tamen aliquid de unctioe supplendum esset, ut videlicet sensibilius esset instructio, fieri posset sine verbis sacramentalibus, eo modo quo sine sacramenti iteratione unguntur olim in necessitate baptizati.

Probatur 2. pars negativa ex historia, quæ si vera est, inquit loco citato Suarez, non parum favet sententiæ nostræ. Sed de historię veritate non est jam cur dubitet Eximius Doctor; constat enim summa tum ex hac Pii V. Constitutione in Bullario communi promulgata; tum ex alia Pii IV. supra relata, cujus transumptum authenticum primò datum est Episcopo Tucumanensi ex archivo Civitatis Regum, ut fides sit in Concilio Limensi in Summario privilegiorum (a). Res ergo sic habet: Dubitantibus Indiarum episcopis, an posset confici chrisma balsamo americano, quod à Judaico certè differt specie, concessit Pontifex quod supra.

Balsamo quidem americano *veri balsami est natura*, ut ex Navarro & Christiano Lupo inquit Benedictus XIV. (b); quod rectè cum eo stat quod specie differat à Judaico, si balsami nomen sit genericum plures sub se continens formas, & balsami species. Ne tamen sacramenti confessio esset obnoxia cavillationibus opinantium non esse verum balsamum ex eo quod à Judaico differt, concessio prodiit hypothetica etiam pro casu quo verum balsamum non sit, sic enim habet concessio Pii IV.: *Quamvis non sit verum balsamum*.

Jam vero supposita historię veritate, plusquam probabiliter concluditur sententiæ nostræ; nam illa Pii IV., & hæc Pii V. constitutio non est pura declaratio, ut appellat P. Claudius Clemens (c), saltem non est declaratio, quòd balsamum americanum sit verum balsamum, sed est dispen-

(a) C. Lim. apud Harold. in Lim. lim. pag. 222. (b) B. XIV. tom. X. Oper. c. 6. n. 60. (c) Cl. Clemens Decad. 3.

penfatio ut appellat D. Dionysius Alcedo (a), sed est concessio qua indulgetur, ut eo liquore vel succo possit confici chrisma, *quomodo verum balsamum non sit*. Ergo chrismatis confectio per balsamum non requiritur essentialiter ex institutione sacramenti, in quo dispensare nequit Pontifex, sed ex præcepto: & ex præcepto quidem non divino, ut vult Dicastillo (b), sed ecclesiastico, ut vult Cajetanus, Vivaldus, Navarrus, Covarrubias, Sotus & alii apud eundem Dicastillo: in hoc quippe solo dispensare potest Pontifex: Vide P. Murillo. (c).

Accedit in hujus sententiæ confirmationem, quodd balsamum, si de judaico sermo sit, est rarum, & fuit etiam antequam noya esset America ad exportandam alterius copiam, & non est credibile tam rarum genus esse materiam ad sacramenta essentialiter requisitam. De raritate constat antiquo Plinii testimonio apud P. Suarez loc. cit. Et de recentioribus Lameri (d) ait, quod olim ferebatur solum in Valle hiericuntina, unde per Turcas ad hortos Cairi in Ægypto omnia fere germina translata sunt, quin aliquod inde christiani deducere sinerentur.

## S. II.

### *Solvuntur objectiones.*

**O**bjicies 1. autoritatem Concilii Florentini in Decreto Eugenii, quod habetur post sess. 25. (e), ubi dicitur: *Cujus* (confirmationis) materia est chrisma confectum ex oleo, quod nitorem significat conscientiae, & balsamo, quod odorem significat bonæ famæ, per Episcopum *benedicto*. Et licet non desit qui dubitaverit (f) de hujus Concilii œcumenicitate quando Eugenius Papa decretum fecit ad Armenos; sed illam testatur Eugenius ipse non semel dicens ibi: *Hoc Sacrosanctum Œcumenicum Concilium*. Et Cardinalis de Monte (g), postea Julius Tertius illam defendit Tridenti, erroris vel dubii causam detegens & refutans. Verum est quod Patres aliqui abscesserant jam; sed hoc non obstat œcumenicitati, maxime cum consensus Græcorum absentium accesserit, ut refert Bail (h).

Resp., sic statui à Concilio Florentino materiam confirmationis [in chrismate confecto ex oleo & balsamo, sicut statuitur ibidem pro materia sacramenti pœnitentiæ satisfactio ad arbitrium sacerdotis imposita Verba decreti sunt: *Cujus* (sacramenti pœnitentiæ) materia sunt actus pœnitentis, qui in tres distinguuntur partes, quarum prima est contritio, secunda confessio . . . tertia *satisfactio*. Et tamen constat, satisfactionem, nec in re positam, neque ut acceptatam requiri essentialiter ad sacramentum pœnitentiæ.

Di-

(a) Alcedo, *Aviso Histor.* 9. 7. (b) Dic. *Tract. de Sacr. D. un. dub. 3. n. 29.* (c) Murillo, *lib. 1. Curs. Can. tit. de S. Unct. n. 240.*  
(d) Lameri, *Diff. V. Balsam. Jud.*  
(e) C. Flor. apud Hard. *scm. IX. Col. 433.*

(f) Vide *Memor. de Trev. anno 1745. art. 84.*  
(g) Apud C. Polav. *lib. 6. Hist. C. Trid. n. 12.* & *Spond. in Bar. Continuati. ann. 1539.*  
(h) Bail, *rom. 1. Concilior. pag. 603.*



Dices, id esse in satisfactione singulare, quia non est pars actu concurrans ad constituendum sacramentum, sed est quidpiam postea sequens. Resp., satisfactionem consequi ut in re positam, precedere tamen ut acceptatam, & actu concurrere ad componendum suo modo, nempe integraliter, non essentialiter, sacramentum. Similiter dic, mixtionem balsami concurrere ad suo modo complendam, scilicet extra essentialiter, accidentaliter, materiam confirmationis. Nec est ratio cur indecreto comprehendi possit sub nomine materiæ satisfactio, & non mixtio, cum utraque sit extra-essentialis.

Dices iterum: saltem mixtio balsami erit requisita ex præcepto divino indispensabili ut satisfactio. Resp., hoc non inferri ex modo loquendi Concilii Florentini; sed ex diversa indole sacramenti pœnitentiæ, quod cum institutum sit à Christo Domino per modum iudicii, ex præcepto & institutione divina requirit quod requiritur ad iudicii integritatem. At divina confirmationis institutio nullo modo requirit balsamum, quamvis ab Ecclesia convenienter sit præceptus illius usus.

Obiicies 2. Balsamum requiritur ex traditione apostolica. Ergo ex divina institutione; nam id tradiderunt Apostoli circa sacramenta, quod à Christo Domino institutum & inunctum Apostolis est. Antec. prob. ex regula Augustini (a): *Quod universa tenet ecclesia, nec conciliis institutum, sed semper retentum est, nonnisi apostolica autoritate traditum rectissime creditur.* Sed usus balsami est communis in ecclesia, nec per concilia institutus. Pater hoc; nam licet in conciliis aliquibus fiat mentio de illius institutione, mentio tamen est de institutione precedente, & jam per ecclesiam usu vigente.

Dist. ant. object.: traditione promulgativa, nego; præceptiva, permitto vel concedo antec., & nego conseq. Notum est, non omnia ab Apostolis tradita esse divinæ institutionis; nam & ipsi habebant qualem modò habet ecclesia potestatem, cujus leges vim habent tantum juris ecclesiastici ab eadem ecclesia dispensabilis. Vide Cardin. Petram (b), qui agens de traditione circa numerum prælatorum requisitum in episcopi consecratione, inquit: *Cum forma trium episcoporum non sit de jure divino, sed tantum ab Apostolis tradita, potest à Papa causa suadente injungi, ut ab uno episcopo cum assistentia duarum dignitatum consecratur novus episcopus.* Ex iis ergo quæ Apostoli tradiderunt, alia sunt à Christo Domino instituta per Apostolos promulgata; alia sunt ab Apostolis ut ecclesiæ pastoribus constituta per potestatem Pontificibus relictam, quæ proinde rationem tantum habent legis humanæ & juris ecclesiastici. Quænam verò sint ejusmodi leges, & quomodo ab aliis discernendæ sint divinis institutionibus; per fidei regulas & locos theologicos declarandum, dum declarato sit opus.

Et hanc solutionem præferre juvat alteri in Memoriis Trevultianis insinuata (c), qua Michael Amatus presbyter neapolitanus cum aliis in-

no-

(a) *Aug. lib. 4. contra Donatum, De Baptismo.* | P. 2. sect. unic. pag. 208. num. 12. cap. 24. (b) *Petra, tom. 3. ad C. 3. l. ii.* | (c) *Memor. de Trev. 1723. art. 56.*

nominatis negat, usum balsami extitisse in ecclesia ante sæculum VI., & SS. Gregorius Magnus & Turonensem ait esse primos, in quorum scriptis extet memoria, & hujus ceremoniæ vestigium. Hoc tamen non probat tunc primum esse institutam, cum constet primitivæ ecclesiæ christianos solitos esse sacras ceremonias adhibere clam ad vitandos abusus & profanationem, quam ab infidelibus timebant, & tunc maximè viguisse silentii legem de rebus sacris: de quo vide P. Carolum Merlinum S. J. (a). Sed & falsum est, nullum de usu balsami extare vestigium, ante sæculum VI., nam in Concilio Toletano I. anno 400. fit mentio tanquam de re penè ubique servatà, de chrismate, non simplici, quod oleo sincero convenire potest, sed de chrismate confecto. Et quod confectio hæc fuerit ex balsamo, suadetur Amati argumento, nam hæc est posterior ecclesiæ praxis, & nullum extat vestigium in hac praxi esse factam mutationem. Ergo & talis erat praxis anterior.

Objicies 3. S. Dionysium (b) agentem: *Unguenti . . . perfusio ei qui initiatus est, suavitate odoris fragrantem fuit*. In quibus oleum, non simplex, sed *balsamatum*, ut appellat D. Thomas significatur. Et inferius ait, eum ritum esse traditum ab Apostolis ut divinum, & ejusdem ordinis & efficacitatis ac synaxis sacramentalis seu communio. Accedit S. Fabiani Papæ (c) autoritas ad episcopos orientales scribentis: *Litteris vestris . . . insertum invenimus, quosdam regionis vestræ Episcopos . . . non per singulos annos in Cœna Domini chrisma conficere . . . Dicunt enim, nec balsamum per singulos annos posse reperiri. Errant qui talia excogitant*. Et ibid. inquit expressè, Christum Dominum Apostolos docuisse chrisma conficere, *sicut à Sanctis Apostolis prædecessores nostri acceperunt*. Et S. Cyprianus sermone de Unct. chrism. inquit: *Hodie in Ecclesia sacrum chrisma conficitur, in quo mixtum oleo balsamum regiæ & sacerdotalis gloriæ exprimit unitatem, quibus dignitatibus initiandis divinitus est unctio instituta*.

Resp., unguentum, de quo Dionysius, non esse materiam ullius sacramenti, nisi quatenus sacramentum accipitur pro re sacra, qua mysterium continetur. Patet hoc, nam hujus unguenti compositionem esse dicit *collectionem quamdam fragrantium materialium*: quod potius convenit chrismati Græcorum ex aromatibus amplius triginta præter oleum & vinum confecto, de quo vide C. de Lugo (d), & recentiorum Rupprecht (e). Loquitur Dionysius de unguento, quo ecclesia *ad omnem rei sacræ consecrationem utitur*, ut altaris & sacrorum vasorum, quod pro ecclesiarum varia consuetudine potest esse varium.

Non ait, ritum oleum balsamandi traditum esse ab Apostolis ut divinum, sed verba sunt: *Unde opinor, juxta sensum hierarchicum, qui à Deo traditus est, divini isti sacramenti nostri ordinis duces sanctum hoc unguenti mysterium  $\tau\alpha\lambda\epsilon\tau\eta$  vocant, idest consecrationem, quod reipsa*

con-

(a) *Mem. de Trev. 1745. Janvier.*(b) *Dionys. cap. 4. de Eccl. Hier. P. 2.*(c) *S. Fab. P. Epist. 2.*(d) *Lugo, lib. 1. Resp. Moral. dub. 8.*(e) *Theodor. Rupprecht, in tit. De Sac. unct.*

consecret atque *consummet*. Neque ait, esse ejusdem efficacitatis & ordinis cum synaxi, sed verba sunt: *Est igitur sacrosanctum hoc mysterium ejus ordinis atque virtutis, ut hierarchicas consummet functiones. Quocirca quoque divini præceptores nostri tanquam ejusdem ordinis & operationis cum sacrosancto synaxis sacramento, iisdem imaginibus ut plurimum, mysticisque distinctionibus ac sacris verbis descripserunt. Atque Pontificem quidem videre licet eodem modo à diviniore loco, &c.*

In quibus solum significatur, ad eundem in genere ordinem pertinere operationem sacramenti synaxeos, consecrationem unguenti, & consecrationem etiam quæ per unguentum fit, eo quod rerum sacrarum *consecratio coordinata est*, ut supra dixerat, idest, subordinata synaxeos sacramento, sive ad illud ordinata tanquam ad finem propter quem personarum & rerum sacrarum consecratio fit. Præterea, nihil dicitur in toto eo capite de unguento fragrante, quod nequeat intelligi de oleo simplici secundum ecclesiæ ritum thurificato. Imo thuris odori extrinseco fragranti convenit potius quod ibi dicitur de Pontifice ad omnia templi loca odorem à diviniore loco diffundente.

Epistola Fabiani Papæ cum plerisque aliis Pontificum decretalibus usque ad Siricium sat communiter habentur pro apochryphis, ut videre est in collectione Conciliorum Harduini & Labbeana, in quarum ultima (a) pleraque repudiari dicitur à Card. Baronio, Bellarmino, Perronio, Canto, Antonio Augustino, Lorino, Sirmondo, Ducao, Marca, Borqueto. Idem habetur apud Trevultianos de epistola Fabiani absolute (b), & de aliis cum restrictione ad eas, pro quibus non extat antiquorum suffragium. Idem ferè habet Musantius (c). Et Benedictus XIV. (d) de hujusmodi monumentis diffidentiam ostendit per hæc verba: *Disciplinam illam benedicendi feria quinta majoris hebdomadæ olea tertio introductam sæculo affirmare possemus, si genuinum monumentum illud esset quod Gratianus refert C. Litteris. Verum cum viri docti spuriam plurimis de causis eam Fabiani epistolam suspicentur, &c.* Et Hispanis quidem indubitatum in his decretalibus esse vitium novitatis vult novissimè M. Florez Augustinianus, dum ait de decretalibus Damaso & Siricio anterioribus (e): *Para los Españoles debe ser indisputable su novedad, pues en el índice de las decretales que usaba nuestra Iglesia en el siglo VII. no se halla ninguna anterior à S. Damaso.*

S. Cypriani sermo citatus est octavus in Opere *De Cardinal. Christi Operib.*, quod S. Cypriano falso tribuitur, cum verus illius author sit Arnoux Abbas Bonæ Vallis, qui sæculo XII. floruit. Vel si est alius antiquior, de quo vide Bellarminum (f); Cyprianus certè non est, cujus doctrinæ de casu diaboli relatè ad hominis creationem in opere illo contradicitur. Præterea, ibi solum habetur, unctionem esse divinitus institutam pro initiandis dignitatibus regia & sacerdotali: quod ad Verus Testamentum

(a) Labbe tom. 1. col. 78.

(b) Memor. de Trev. 1723. art. 56.

(c) Musant. Tab. 4. De susp. PP. scripsi.

(d) Bened. XIV. Oper. tom. X. cap. 6. n. 63.

(e) Flor. Españ. Sagr. tom. 4. tr. 3. cap. 1. n.

10. (f) Bellarm. De Scriptur. Eccl.

tum referri oportet, in quo reges & sacerdotes non balsamo, sed oleo, divina dispositione sacrabantur. Nam de Novo Testamento falsum est, quod regia dignitas initianda sit divina ordinatione, nec balsamo, nec oleo; & de sacerdotali falsum est quod balsamo initianda sit divinitus, vel humanitus.

Sed neque si alicubi legeris, divina ordinatione esse unctionem institutam, illico censendum est institutam esse jure divino, prout ab ecclesiastico differt, cum etiam acta potestatis ecclesiasticæ à Deo collatæ Apostolis & successoribus sint acta juris participativè divini. Ita docet Cano (a) ex 1. Cor. 7., ubi cum Apostolus quoddam de suo consilium tradidisset, subdidit: *Puto autem quod & Ego spiritum Dei habeam*. Et universum id docet Cano de iis apostolicis traditionibus quas supravocavimus præceptivas, quasque ibi discernit à promulgativis.

Objicies 4. D. Thomam (b), qui inter alia quæ sunt de hujus sacramenti substantia, ponit confectioem olei & balsami, quæ *chrisma* vocatur. Et alibi (c) simpliciter ait, materiam hujus sacramenti esse *oleum balsamatum*. Et materiam hujus sacramenti esse unam actu & multiplicem virtute sicut & alia mixta, & habere virtutem instrumentalem proportionatam. Et hanc sententiam sequuntur communius Theologi cum D. Bonaventura (d). Confirmat P. Suarez autoritate Concilii Colonienſis expressius dicentis, balsamum esse de essentia sacramenti, & negantis solum oleum posse sufficere.

Resp., D. Thomam in primo ex citatis loco solum dicere, *chrisma* confectum ex oleo & balsamo esse materiam convenientem contra objicientes ibi solam requiri manus impositionem sine unctione cum quo stat quod sit materia accidentalis, sive ut inquit ibi Cajetanus *regularem materiam confirmationis de necessitate præcepti non de necessitate sacramenti*. In 2. loco nihil habet de substantia vel de essentia sacramenti; sed tantum enumerat requisita. Et de insignitione per *chrisma* confectum ex oleo & balsamo solum habet quod sit non irrationabiliter.

In 3. loco sic ait, materiam confirmationis esse *oleum balsamatum*, quomodo in Concilio Florentino dicitur, materiam consecrationis esse *vinum aquâ permixtum*, cum constet aquam non esse materiam essentialem, sed præcepto solum ecclesiastico requisitam, ut fatetur P. Suarez (e). Ad 4. locum constat ex dictis, quibus adde quod mixtum ibi potest intelligi prout distinguitur ab elementis, quod etiam convenit oleo simplici, sicut & nomen *chrisma*, quod significat unguentum, & pariter convenit oleo, ut loco cit. animadvertit laudatus Rupprecht. Similiter possunt accipi expressiones aliquæ S. Doctoris in 1. ex citatis loco, ubi materiam confirmationis contraponit materiæ baptismi, quæ debet esse non mixta, sed elementaris.

Authoritas Seraphici Doctoris alioquin magna, in præsentī non est curan-

(a) Cano. lib. 3. De Loc. Theol. cap. 5.

(b) D. T. b. 3. q. 72. a. 2. Et 4. Contra Gent.

cap. 60. (c) D. T. b. in 4. d. 7. art. 1. q. 2. ad 1.

(d) Bonav. in 4. d. 7. art. 1. q. 2. ad 1.

(e) Suar. loc. cit. §. Potest autem.

curanda; ibidem quippe docet, quod *Christus hoc sacramentum non instituit*, sed Ecclesia: quod ab adversariis modò nostris non admittitur. Ad confirm.: Concilium Colonienſe, ſcilicet Primum celebratum ab Hermanno Archiepiſcopo, qui poſtea ad partes hæreticorum ab eccleſia deſecit, tantum inquit: *Docebit* parochus populum quid ſignificet chriſma, & cur ex oleo olivæ & balfamo conficiatur, quemadmodum docebit *Enchiridion*. Unde objecta doctrina non eſt Concilii, ſed ejus qui Enchiridion fabricatus eſt. At Enchiridion in Indice Romano proſcriptum eſt, & Indici Hiſpanæ Inquiſitionis multa dedit expungenda ut expurgaretur. Unde nec conciliarem, nec privati authoris authoritatem habet, ut alibi (a) inquit qui modò obijcit P. Suarez.

Ex dictis inferes, ad confeſſionem chriſmatis indifferenter adhiberi poſſe præter judaicum ſeu alexandrinum quodlibet balfamum ex tribus americanis, ſive quod ex Peruvio, ſive quod ex Tolu, ſive braſilicum, quod ex arbore *copaï*, *copaig*, *copau*, vel *copaiva*, ut variè appellari ſolet diſtillatur quorum diſcrimen vide apud cit. Lemerii in Dictionario. Conſtat illario ex communi Theologorum ſententia & praxi Epiſcoporum etiam per Europam, de qua teſtantur Trevultiani (b). Et Benediſtus XIV. eam praxim teſtatur loc. cit. obtinere de balfamo ex occidentali India, nulla facta diſtinctione, tranſveſto. Conſtat verò tranſvehi ex omni illa ſpecie.

Et ratio in noſtra ſententia facilior eſt, quia balfamum cujuſlibet ex dictis ſpeciei eſt *liquor quem ibi vocant balfamum* quod tantum requirit eccleſia, ut pro Indiis expreſſit ordinatio præſens, & pro Europa interpretatur eccleſiaſtica conſuetudo: neque aliud requirit ſacramenti natura, vel inſtitutio divina. Eſt, inquam, *liquor* primò fluidus, quamvis tempore concretus & obduratus ſervari ſoleat in apothecis. Vocant ibi balfamum; nec vocant temerè, cum qualitates habeat balfamicas, nominatim odorem & vim medicam; & parum refert quod in aliis inter ſe differant, ſicut etiam differt vinum album à rubro, quin propterea cenſeatur eorum aliquod ineptum ad conficiendum eucharistiæ ſacramentum: & aqua marina à fontali, cum utraque ſit apta ad baptizandum.

#### ORDINATIO CXXXIV.

**U**T Fratres Ordinum Mèndicantium in Indiarum partibus degentes cum perſonis, quæ tam ex delicto, quam ex defectu irregularitatem contraxerunt, ſuper ea in aliquibus caſibus diſpensare poſſint. Meminit hujus conceſſionis ipſe qui fecit Pius V. in Conſt. ſeq. Qui verò ſint illi caſus, in quibus ex hac conſtitutione Mendicantes diſpensare poſſunt, quis ediſſerat? Fortè ſunt illi, qui continentur in privilegio, quod ſupra Ord. XCI. referendum putavi ad tempus Pauli IV., quodque Ill. Montenegro (c) ſcri-

(a) *Suar. cap. 32. De Ver. intell. aux. eff. 6. Ad hoc.* (b) *Mem. de Trev. loc. cit.* (c) *Montep. lib. 5. tr. 1. f. 13. n. 2.*

scribit datum à Pio V. illud tamen privilegium concessum est, non Fratribus Ordinum Mendicantium, ut hic habetur, sed Ordinis Prædicatorum Provincialibus in aliquibus Indiarum provinciis, & in quatuor tantum anni diebus. Si tamen privilegium illud Paulo IV. attributum sit revera Pii V., corrigenda est data quam habet apud Ill. Montenegro, 1. Octobr. 1571., nam die 4. Augusti, quo prodiit sequens ordinatio, jam illud emanaverat. De cætero parum refert à quo Pontifice sit concessum ex duobus nominatis, nam licet sit à Pio V., non est de revocatis à Gregorio XIII. per Const. *In tanta*.

## O R D I N A T I O CXXXV.

Anno 1571. 4. Aug.

UT Archiepiscopi & Episcopi Indiarum quascumque personas à delictis, per quæ irregularitas contrahitur (homicidio voluntario, & simoniaca labe (1), duntaxat excepta) absolvendi, & cum eisdem in partibus Indiarum existentibus personis, quæ irregularitatem ex aliis quam ex prædictis causis contraxerint, super irregularitate ejusmodi ex quibuscumque causis præterquam homicidii & occasione simoniæ contracta dispensandi (2), & illos ad obtinenda & obtenta beneficia ecclesiastica; & officia quæcumque, & ad altaris ministerium rehabilitandi licentiam & facultatem perpetuò habeant. Vult tamen Pontifex, quòd qui absolutionem obtinuerunt, pœnitentiam per confessores impositam adimplere teneantur, alioquin absolutiones & super irregularitate dispensationes nullæ sint in foro conscientiæ. Habetur in Bullar. Rom. tom. 4. P. 3., & apud Solorzanum tom. 2. de Ind. Jur. lib. 3. cap. 20. Incipit *Decens*.

## A D N O T A T I O N E S.

(1) *Simoniaca labe*. Notat Ill. Montenegro (a) ex Trullenk & aliis, irregularitatem contractam à simoniacò, non immediatè ratione simoniæ, sed quia propter simoniam excommunicatus celebravit antequam absolveretur, tolli posse ab Episcopis Indiarum ex præsentè constitutione etiam pro foro exteriori, etiamsi irregularitas sit publica; hæc enim irregularitas est alia ab ea, quæ ex simoniaca labe contrahitur, quamque solum excipit Pontifex post homicidium.

(2) *Dispensandi*. Negarunt aliqui, posse Episcopos Indiarum ex hac constitutione dispensare in irregularitate illegitimorum. Et fundamenta videntur esse quæ refert Avendaño (b) Solorzans (c), & Montenegro (d). 1. Quod hujus constitutionis facultas restricta est ad irregularitates ex delicto. 2. Quia data est ob ministrorum penuriam, quæ jam diu cessavit, ut

(a) *Monten. lib. 5. tr. 1. f. 13. num. 2.*  
 (b) *Avend. tit. 9. Tbes. cap. 6. num. 68.*

(c) *Solorz. lib. 4. Polit. cap. 20.*  
 (d) *Monten. lib. 5. tr. 1. sect. 3.*

ut fidem facit Concilium Limense anni 1583. 3. Quod facultas hinc Episcopis concessa est, ut dispensando rehabilitent: quo supponitur, dispensandos jam esse ordinibus sacris initiatos. Saltem supponitur, habiles aliquando fuisse qui dispensandi sunt, cum illegitimi habiles nunquam fuerint quippe inhabiles à natalibus.

4. Quod de poenitentia implenda dicitur, ostendit facultatem non respicere illegitimos, qui non sunt in culpa, sed parentes eorum. Et hac ratione præcluditur evasio P. Avila apud cit. Montenegro judicantis illegitimitatem esse ab Episcopis per privilegium præsens dispensabilem, eo quod est irregularitas ex delicto, scilicet parentum. Præcluditur, inquam, nam vult Pontifex ut à delicto absoluti maneant irregulares in foro conscientiae, si poenitentiam non impleverint: quo satis significatur, non agi de delicto, in quo sint innocentes qui dispensandi sunt.

5. Quod Senatus Indicus reprehendit Ill. Guerrero Archiepiscopum Limanum consuetudini faventem dispensandi illegitimos. 6. Quod per regiam schedulam datam 21. Jan. 1594. mandatur, *Que por ninguna via los Obispos de las Indias ordenen ningun illegitimo . . . y que tampoco dispensen con ellos, aunque sea para beneficios curados de Indios, pues la dispensacion de uno y otro solo la puede dar el Summo Pontifice.* Quibus adde 7., quod prædictæ facultati in præsentiarum parum fidendum esse videtur, post quam Ferdinandus VI. Rex Catholicus in data schedula ad Episcopos Indiarum 26. Sept. 1752. testatur de recurso qui Romam fieri solet ex America pro habendis ejusmodi dispensationibus illegitimarum. Ac dum Episcopis indicit, ut Senatum Indicum instruant de hujus privilegii statu, non satis firmum illud esse videtur.

Hæc tamen fundamenta parum valida sunt. 1. Quia constitutio præsens duo continet, facultatem videlicet absolvendi, & facultatem dispensandi. Et licet illa referatur ad delicta, *per quæ contrahitur irregularitas*; hæc tamen extenditur *ad irregularitatem ex aliis quam ex prædictis causis proveniente*, ut est totidem verbis expressum in constitutione ipsa: consequenterque extenditur ad eam irregularitatem quæ provenit ex natalium defectu.

Dices facultatem dispensandi referri *ad eandem*, scilicet personas antedictorum reas delictorum. Sed contra; nam referri debet *ad eas*, quæ præcesserant, idest, *ad quascumque*, ut præmissum erat in prima parte, etiam ex alia causa irregulares ut explicatur in secunda. Et mirum esset quod daretur facultas ad dispensandum cum homicidis & simoniacis in irregularitate aliunde contracta, puta ex natalium defectu, & quod negaretur facultas eadem dispensandi in eodem natalium defectu cum innocentibus, nec homicidis, nec simoniacis. Et tamen illud esset concessum, hoc negatum attento constitutionis tenore prout ab adversariis intelligitur; nam facultas dispensandi in irregularitate contracta ex quavis causa præter homicidium & simoniam, esset relativa ad personas delinquentes solum, de quibus sermo est in principio constitutionis.

Ad 2. Constitutio præsens non prodiit ex illa causa, cujus nulla est mentio, sed propter fidelium commoditatem, sive ad eos liberandos incom-

commoditate romani recursus, ex tam longinquis regionibus difficilis, ut in textu integro innuitur. Quid verò dicendum de constitutione Gregorii XIII. ejusdem ferè argumenti, qua illa indicatur causa, videndum suo loco Ord. 153.

Ad 3. Facultas non solum datur ad rehabilitandum, sed ad dispensandum, ut in textu proprio videre est; dispensatio verò non requirit ex terminis præcedentem habilitatem, quæ fuerit aliquando. Ad 4. Adimpleri pænitentiam non requiritur in omnibus dispensatis, sed in iis qui absolutionem obtinuerint, ut ibi dicitur: sive in iis, qui dispensantur in irregularitate ex delicto.

Ad 5. & 6.: Senatus carebat tunc factæ concessionis notitia: quod in re facti mirum non est, cum etiam latuerit, quorum intererat magis, prælatos Indiarum, & aliquandiu Solorzanum Juris indici thesaurarium, ut ipsemet fatetur loco citato Politicæ: ita ut putatum diu sit, ad dispensandum cum illegitimis nullum scriptum suffragari titulum Episcopis Indiarum.

Fuit quidem facta mentio concessionis hujus in summario privilegiorum autoritate Concilii Limensis approbato anno 1583., quod ignorari à prælatis non poterat, non tamen exhibetur ibi copia litteralis & integra, sed extractum valde diminutum, & parùm fidele, quod occasionem errori facere potuit, sic enim habet: *Concedit Indiarum episcopis, ut cum quibuscumque personis in Indiis existentibus dispensent in irregularitate ex quocumque delicto contracta, dummodò non fuerit ex homicidio voluntario extra bellum commisso & simonia: ita ut qui ab hujusmodi delictis absoluti fuerint, & in irregularitatibus dispensati teneantur implere pænitentiam per confessarium ab ordinario approbatum imponendam. Et si eam non compleverint, ejusmodi absolutio & dispensatio in foro conscientie sit nulla.* N. B.: *In irregularitate ex quocumque delicto*, cum constitutionis textus habeat, *Ex quibuscumque causis*.

Ad 7. Citata schedula recursum fieri testatur quidem, sed improbat. Verba sunt, quibus prædicta roborantur: *En mi Colejo de las Indias ha catufado novedad los recursos, que mis vasallos hacen à Roma para sacar dispensas de S. S. . . . por causas de illegitimidad para poderse ordenar; pues aunque es cierto, que este es un impedimento canonico, que el dispensarlo pertenece à S. S., tambien lo es que por bulas una de S. Pio V. . . otra del Señor Gregorio XIII. . . está concedido à los Arzobispos y Obispos de Indias, el que puedan dispensar con las personas que habitan en aquellos parages todas las irregularidades, que por qualquiera causa huvieren contraido fuerà del homicidio voluntario extra bellum commisso, y de la irregularidad que proviene por simonia. Y assimismo que puedan dispensar en la illegitimidad y espuriedad, y otros defectos de los mestizos, paraque asciendan à ordenes mayores.*



## ORDINATIO CXXXVI.

Anno 1572.

**P**ius V. ad supplicationem Philippi II. creavit ad honorem patriarchatum Indiarum. Sed oportet esse confirmationem, quæ creatio dicitur, seu prima institutio, nam Doctor Salazar de Mendoza testis est, jam ab anno 1522. regnante Carolo V. Imperatore eam extitisse dignitatem. Id ipsum affirmat Ægydius Gonzalez Davila: additque Clementem VII. anno 1524. primum fecisse patriarcham D. Stephanum Gabrielem Merino S. R. E. Cardinalem, & Episcopum Giennensem, quem ordine successivo alii usque ad præsens secuti sunt. Hæc ex M. S. Collegii Neocordubensis S. J. in Tucumania.

Barbosa ait (a), Indiarum patriarchatum erectum esse à Paulo Tertio; sine jurisdictione actuali, addit in M. S. P. Eugenius Lopez Tucumanensis S. J. III. Villarroel ait (b), se quandiu Matrili fuit, nullum vidisse in Indiarum patriarcha Jurisdictionis exercitium. Jurisdictio verò quam cit. Lopez comminiscitur & vocat radicalem, jus est metaphysicum sine usu; non quod habet, sed quod habere potest. Hodie latissimam habet jurisdictionem decreto Clementis XIII. & regio jure firmatam, capellanis qui castra sequuntur, classiariisque, & eorum ministerio imminentem, sed patriarchali Indiarum dignitati extraneam, licet permanenter affectam. De Indiarum patriarchatu vide P. Avendaño (c). Et de patriarchæ nomenclatura seu qualitate P. Bernardo Buil apud Trevultianos addita (d), vide supra Ord. 12. De Vicariatu exercitus patriarchæ appropriato præter citatam Clementis XIII. constitutionem vide Novam Hispani Juris Recopilationem tom. 3. (e).

Benedictus XIV. (f) loquens de Capellano Majori Regis Catholici, & Magno Eleemosynario ait: *Quamvis* in Indiis occidentalibus Maris Oceani, quarum Patriarcha is appellatur, complures Episcopi sint . . . cum nulla ibi existat patriarchalis ecclesia, non potest ad titulum sui patriarchatus episcopalem consecrationem accipere, nec pallium petere, neque jurisdictionem sive voluntariam, sive contentiosam in Indiarum aut Hispaniarum regionibus exercere, nec ad ipsas Indias se conferre sine expressa licentia Romani Pontificis. Quare illius patriarchalis dignitas ad merum redigitur honoris titulum, ex quo nullum residentię onus exurgit. Ut autem episcopali charactere non careat, aliqua ipsi ecclesia in partibus infidelium sita confertur in titulum. Quæ omnia colliguntur ex actis in consistorio secreto die 20. Januar. 1734., cum Clemens XII. Alvarum de Mendoza Indiarum Patriarcham renuntiaret in locum Cardinalis Borgiae.

OR-

(a) *Barbos. lib. 1. Jur. Eccl. c. 6. n. 46.*(b) *Villarr. Gov. Eccl. P. 1. q. 4. art. 4.*(c) *Avend. Append. ad tit. 13. Thesaur.*(d) *Mem. de Trev. anno 1708. art. 122.*(e) *Autos a. ord. tom. 3. lib. 4. tit. 1. A. 7.*(f) *Bened. XIV. De Syn. Diæc. lib. 13. c. 8.*

## ORDINATIO CXXXVII.

Anno 1572. 13. Dec.

**U**T recurrente vocatione Ecclesiæ Goanæ Episcopus Coccinensis (1) administrationem suscipere debeat, donec ei fuerit provisum, dimisso in Ecclesia Coccinensi Vicario. Extat in Bullar. Rom. Const. 11. Gregorii XIII. Incipit *Pastoralis*.

## ADNOTATIONES.

(1) *Administrationem suscipere*. Simile quid petatum esse pro Philippinarum metropoli testatur Benedictus XIV. (a), qui tamen de petitionis successu post Sacræ Congregationis consultationem nihil habet. Verba Summi Authoris sunt: *Cum* olim in civitate Manilæ Episcopo defuncto gravia quædam absurda sub Vicarii Capitularis gubernio accidissent, postulatum est à Summo Pontifice ut statueret, prædicta Ecclesia vacante illius regimen ad Episcopum antiquiorem in eisdem Insulis devolvi. Et quidem Congregatio Concilii consulendum censuit Sanctissimo, ut ejusmodi petitioni annueret. . . Juxta veterem disciplinam ecclesia vacante, ad episcopum viciniorem spectabat regimen, ut vide in Can. 6. Concilii Aurelianensis anni 533. Id etiam nunc obtinet inter Ecclesias Lugdunensem & *Augustodunensem*. De suffraganeis Philippinarum, in quibus jus hoc invaluit, minus est mirandum, carent enim capitulo, quod administrationem suscipiat. De Manila testis est mihi Philippinensis advēna, hodie sedem vacantem administrari à Capitulo per nominatum Vicarium, ut communis est usus ecclesiarum, ubi Capitulum est. Vide infra Ord. 232. 289. & 461.

## ORDINATIO CXXXVIII.

**D**Eclaravit seu decrevit Gregorius XIII., ut synodi diocesanæ Archiepiscopatus Limensis singulis bienniis celebrarentur. Meminit Frasso (b), qui notat decretum ejusmodi quippe correctorium juris & in materia stricta, & ad determinatas personas contractum, extendendum non esse ad alias dioceses, sed observandum Concilii Tridentini decretum; *Ut synodi diocesanæ quotannis celebrentur* (c): quod in Jure Indico servari mandatur (d). Et in Scheda Regia data ad Prætozem Philippinarum 9. Febr. 1621., quam Frasso refert loc. cit. id ipsum inculcatur ibi: *Haviendose publicado el Concilio de Trento en 1564., se comprendio en el estado de las Indias por la noticia que de las unas y de las otras se tenia entonces: Y haviendose representado, que la diferencia de provincias, la longitud de*  
cami-

(a) B. XIV. lib. 2. De Syn. Diœc. cap. 9. n. 1.

(c) Trid. sess. 24. cap. 2.

(b) Frasso, cap. 93. De Reg. Ind. Patr. n. 40.

(d) Lib. 1. tit. 8. Veg. 3. Recop. Ind.

caminos y otras dificultades obligaban à que S. S. hiciesse nueva declaracion sobre el tiempo en que havian de estar obligados los Arzobispos y Obispos à hacer concilios, se declaró por la Congregacion de Cardenales, que los Provinciales se hiciesen de seis en seis annos, dejando los synodales en la obligacion restado de hacerse *cada anno*. Et in *Schedula ad Archiepiscopum Manilensem* data eod. die & anno additur apud citatum Frasso: *Y aunque* por particular breve de Gregorio XIII. à instancia del Arzobispo de Lima declaró S. S., que los concilios synodales de su Arzobispado se hiciesen de dos en dos annos, esta disposicion por ser correctoria, y en materia estrecha, y con ciertas personas, no parece que se puede estender à otros Arzobispados y Obispados, majormente habiendo en todo la omision tan general y omnimoda en hacerle los dichos concilios synodales en el un tiempo ni en el otro.

Benedictus XIV. (a), quamvis non neget potuisse Concilii Tridentini decretum contraria consuetudine non nihil emolliri & temperari, imò probat effrænem licentiam, quam privati doctores sibi usurpant pro libito, etiam contra expressa illius verba, interpretandi & limitandi. Pax-Jordanus (b), cum præmississet, singulis annis cogendam esse synodum, & Episcopum non convocantem esse suspendendum ex decreto S. Congregationis, quod probat Benedictus ipse, non ipso jure esse suspensum; convocationem conciliorum injungi sub mortali ex sententia Sylvestri; esse de præcepto ex resolutione S. Congregationis: His, inquam, præmissis subdit Pax-Jordanus: *Prædictæ* autoritates procedunt tam de concilio provinciali singulis trienniis cogendo, quam de nostra diocesana (synodo). Sed cum usus provincialium conveniunt maximo cum ecclesiæ damno penè obsoleverit, præsertim in regionibus iis, adnitendum saltem erit ut diocesana synodi frequententur, tam ad pœnarum comminatarum evitacionem, quam ad consequendos uberrimos fructus ex his sacris cœtibus provenientes. Nullus verò excusatur sub prætextu parvitatæ seu paupertatis diocesis, ecclesiarum, & cleri; nam quo minor est numerus, eo inexcusabilior redditur negligentia, quia facilius convocari queunt, & una die satis commodè expediri . . . Ego (citra jactantiam dixerim) in hac parte muneri meo respondere conitor, omnesque sacros antistites idem præstare precor; alioquin sine sarculo ejusmodi vepres, spinas, & surculos malarum consuetudinum internascentes in clero & populo, patrisfamilias semina præfocantes non facile evellent.

Contra prætextum tenuitatis reddituum ad necessarios sumptus, vide Regis Catholici schedulam ad Archiepiscopum Manilæ apud cit. Frassum, in qua & in aliis ab eodem autore transcriptis elucet mirus pro religione ardor, protectoris fidei, Concilii Tridentini observantiæ zelatoris, Ecclesiæ advocati, ac Regis nomine & re Catholici dignus. Vide Ord. 190.

OR-

---

(a) *Bened. XIV. lib. 1. De Synod. Diac. cap. 6. n. 5.* (b) *Pax-Jordan, tom. 2. Elucubr. lib. 8. tit. 2. num. 41.*

## ORDINATIO CXXXIX.

Anno 1573. 30. Dec.

UT omnia breviarium & missale concernentia per Pium V. & Gregorium XIII. disposita pro Hispaniarum regnis (1) & provinciis, intelligantur etiam concessa ecclesiis Insularum & Terræfirmæ Indiarum Regi Catholico subiectarum. Extat in fronte Breviarii Hispanici. Incipitque *Pastoralis*.

## ADNOTATIONES.

(1) *Hispaniarum regnis*. Ill. Villarroel inquit (a): *Es cosa asentada, que todos los privilegios y favores, que se conceden para los reinos de España, se conceden para las Indias* Para el rezo lo expresse Gregorio XIII. . . No era necessario expressarlo, porque es grande interpretacion la practica commun y general. Et ibid. num. 19. sequentia refert ex Thoma Hurtado: *Sunt autem ea regna (Hispaniæ) ipsa Hispania integra, & Indiæ tam orientales quam occidentales, nec non ea quæ parent Regibus Hispanis, ut Belgium, Neapolis, Mediolanum, & alia; quamvis de his tribus esse possit ratio dubitandi; Bulla enim Cruciatæ vim habet in Hispaniæ regnis, non tamen in Mediolanensi & in Neapolitano. In India verò orientali non valebat paucos ante annos, veruntamen neque in Lusitania, quæ proculdubio pars est Hispaniæ.*

Sed quamvis sit ratio dubitandi, imò & negandi de regnis vel provinciis, quæ non tam sunt, vel pro tempore fuerunt regna Hispaniarum, quam regna Regis Hispaniarum, per accidens unita, ut uniri posset Gallia, & Anglia, vel Polonia, suis quæque legibus gubernanda; de Indiis occidentalibus minus est dubitandum, sunt quippe non solum ejusdem Regis, sed ejusdem Coronæ regna, non aliter ac Legio & Castella, ut vide supra Ord. 127. Adnot. 3., & habes in Jure Indico ibi (b): *Porque siendo de una Corona los Reinos de Castilla y de las Indias, &c. Sunt auctarium regnorum Hispaniæ, ut fusè prosequitur Solorzano* (c): gubernandum propterea Jure Castellano vel Hispano, dum nihil pro Indiis specialiter decretum sit ex leg. 2. tit. 1. lib. 2. Recop. Ind. Id quod magis explicat Joannes Garcia (d) dum ait: *Quod regno adjicitur quasi augmentum regni, quod per se subsistere nequit, regnum (idem) est, & eisdem legibus subijcitur, ut sunt Indiarum occiduorum regna & imperia Hispaniæ adjuncta casu primum; deinde bello.*

Amplior est decisio Rotæ in Barcinonensi Canonatus, 4. Dec. 1643., & proprius accedens ad sententiam Hurtadi super relatam. Illam habes apud Loffadam (e) ut sequitur: *Appellatione regnorum Hispaniæ con-*

(a) Villarr. Gov. Eccl. P. 1. q. 3. a. 8. n. 14. | 20. n. 13. (d) Garcia, cap. 22. De Expens is, (b) Leg. 13. tit. 2. lib. 2. Recop. Ind. (c) Solorz. num. 22. (e) Loffada. Chronol. Privil. Ind. sub lib. 2. Polit. cap. 30. Vide etiam Frassum, cap. Urb. VIII. in Append.

continentur omnia regna regis Hispaniarum dominio subiecta, solumque excluditur Catalonia, quia illa non est regnum, sed *principatus*. Sed potest Rota intelligi de subiectis Regi Hispaniarum quæ tali, seu de regnis per se unitis. Quantum verò hinc ampliatur appellatio, tantum arctatur exclusa Catalonia. Non desinit esse de Hispaniæ regno eo quod principatus sit, vel comitatus, sicut neque Asturia, nec de Gallia Delphinatus; vel Pedemontium de Sabaudia; sunt enim de regno quisque suo, & consequenter regnum partialiter saltem. Certè in consuetudine quadam generali regnorum Hispaniæ comprehendi principatum seu comitatum Cataloniæ, firmavit eadem Rota apud Barbosam (a), uti & Lusitaniæ regnum circa annum 1627.

Verùm de Lusitania, multoque minus, quod aiebat Hurtadus de India orientali, non semper venire Hispaniæ nomine, præsertim ex quo proprios habet Reges, probat Nogueira (b), nominatim quoad præsentem de ecclesiasticis ritibus & officiis materiam. Et id ipsum supponi videtur in præsentī ordinatione, in qua dum conceditur Indiis officiorum communicatio, ex primuntur Indiæ Regi Catholico subiectæ. Immo in sententia Card. de Luca, ut nomine unius regni aliud comprehendatur, non sufficit quævis unio sub eadem Corona, nedum sub eodem Rege, sed requiritur unio per modum appendicis, vel ut de Indiis occiduæ aiebat Garcia, per modum auctarii. Verba Card. de Luca (c) sunt: *Renuentibus* Episcopis, Capitulis, & Parochis regnorum Castellæ & Legionis admittere observantiam privilegiorum S. J. super exemptione decimarum, statuit Leo XI., quod de bonis jam acquisitis sola vigesima solvi deberet, de acquirendis verò integra decima prout de jure, atque in motu proprio enuntiantur solum regna Castellæ & Legionis. Cum regnum Navarræ concessum fuisset Regi Ferdinando, qui illud univit Coronæ Castellæ & Legionis, atque ob provisiones super huiusmodi regnorum promiscua participatione in officiis & beneficiis cerneretur omnimoda connexio; præsertim verò congregatio cleri, quæ in Curia Madritensi habetur in omnibus negotiis ex omnibus dictis regnis eorumque annexis pariformiter constitueretur; proinde Capitulum de Tafalla præterdit ad formam leoninæ exigere decimas ex bonis Collegii Pampelonensis in eo territorio positis: atque 23. Mart. 1667. in Rota coram Albergato prodiit resolutio, sub leonino indulto, utpote loquente de regnis Castellæ & Legionis, non venire hoc regnum Navarræ, utpote diversum. . . Scribentes pro Capitulo deducebant 1. autoritatem chronistarum & geographorum distinguendum monarchiam hispanam, seu Regis Catholici in tres Coronas, cuilibet attribuentes regna, provincias, & principatus annexos, sub ista Castellæ situantes Navarram, eodem modo quo Granatam, Andaluciam, Murtiam, & Galliciam, quæ ad hunc effectum veniunt sub dicto motu proprio Leonis, ut de civitate & diœcesi Cordubensi habetur decisio 44. 103. & 193. Par. 7. re-

(a) Barbos. *De Appellativ. num.* 115.

(b) Nogueira *S. J. Disp.* 4. *De B. Cruc. f.* 7. n. 52. & 53. pag. 44.

(c) Luca, *P.* 2. *De Præeminentijs, Discurs.* 29.

7. recent . . . Verius dicebam esse unionem factam non accessorie, seu subjective per viam alluvionis seu additamenti, sed potius æque principaliter & per viam communionis seu societati sub uno Rege seu sub una Corona. 1. Quia præsumptio stat pro unionem principali. 2. Quia etiam sub altera Aragoniæ corona regna sunt diversa. 3. Quia Carolus (v) in iuramento, promittit quod regnum prædictum non obstante unionem remaneret de per se cum propriis legibus, foris, tributis, prorege, Consilio, monetis. Et Philippus Secundus in actis vocatur Quartus . . . Chronistæ distinctiones non callent, & errant situando sub una vel altera Corona Flandriam, Mediolanum, Portus Etruriæ, & altum dominium Senarum & Plumbini . . . Hispalis, Mur-tia, Granata, sub indulto leonino venientes, per viam alluvionis & additamenti effectæ sunt partes & membra Castellæ & Legionis cum omnimoda dependentia ab eorum consiliis & magistratibus . . . Tempore quo istud negotium decimarum remissum fuit ad Pontificem, alia fuerunt tractata negotia cum interventu deputatorum cleri huius regni (Navarræ), qui tamen non intervenerunt in isto actu. Unde casus remanebat omnino *clarus*. Hucusque C. de Luca.

Quidquid de Navarra sit, Indiarum occidentalium unio ad Coronam Castellæ & Legionis similis est unioni regni Granatæ: & in favoribus venit sine dubbio sub eo nomine, multo magis sub nomine regnorum Hispaniæ. Ex quo refellendus est Cavalieri (a), dum ait: *Hispania* (cui concessa est facultas festum Expectationis celebrandi) non comprehendit loca cætera, quæ in Italia, aut Indiis, aut alibi parent *Regi*. De Italia verum habeat; de Indiis contrarium habet; Gregorium XIII. in præsentem constitutionem, in qua postquam Expectationis festum annumeravit iis, quæ Hispaniæ toti vult esse communia, vult expressè ut id intelligatur concessum ecclesiis Insularum & Terræfirmæ Indiarum Regi Catholico subiectarum.

## O R D I N A T I O CXL.

Anno 1575. 16. Jul.

**P**ARS diœcesis S. Salvatoris in Brasilia, in qua provincia Fluminis Ja-uarii existit, dismembratur, eam pro uno presbytero administratore deputando, qui sacramentum confirmationis impendere, calices, campanas, vestimenta, corporalia, & alia paramenta ecclesiastica benedicere, ecclesias, vel cœmeteria polluta vel profanata reconciliare, cum omnibus privilegiis, quibus in Ormuz, Mozambique, Zofala, Moluco, administratores utuntur. Extat tom. 4. Bullar. Rom. P. 3. Const. Gregorii XIII. 47. Incipit *In supereminenti*. Quænam sint privilegia, quibus utuntur administratores in partibus Indiarum nominatis, ignoro. Forte sunt eadem, quæ deinceps pro quibusdam Americæ regionibus concessa sunt, & infra Ord. 590. exponuntur. Ex hoc tamen quod  
hîc

(a) Cavalieri, tom. 2. De Rel. Lithurg. ad Dec. 8. cap. 3. pag. 125.

hic circa sacramentum confirmationis exprimitur, & innumeris aliis exemplis palam fit, facultatem à Benedicto XIV. factam presbyteris de Societate ad administrandum hoc sacramentum, non esse usque adeo irregularem & exoticam, ut cuidam illarum partium Episcopo gratis scandalum passo cogitare placuit. Vide Ord. 168. 599., & supra Ord. 35. & 37.

## ORDINATIO CXLI.

Anno 1576. 11. Febr.

**U**T religiosi S. J. periti medicinæ possent de superiorum suorum licentia maximè in regionibus medicorum (I) penuria laborantibus, quibuscumque absque scrupulo medericiitra adustionem (II) & incisionem. Extat in Bullar. Soc. Incipitque *Unigeniti*. Et in Compendio Indico Verbo *Medicina*.

## ADNOTATIONES.

(I) *Medicorum penuria*. Hac solum ratione Ordinatio præsens pertinet ad Indias; ubi per latissima regionum spatia nullum vidimus eo nomine dignum, vel quem Medicinæ Facultas eo nomine dignata sit.

(II) *Citra adustionem & incisionem*. Sed & adurendo & incidendo in necessitate mederi quivis poterit. Et Navarrus apud Bussembaum (a) ait, posse clericos adustionem & incisionem adhibere erga pauperes & propinquos, quorum illud misericordiæ, hoc pietatis est opus. De venæ scissura interrogatus olim à Sociis Brasiliensibus S. P. Ignacius, an liceret missionariis, respondit, ut refert Vasconcelos (b): *Quanto à las sangrías lo que respondo es, que à todo se estiende la caridad*.

## ORDINATIO CXLII.

Anno 1576. 18. Dec.

**U**T in Indiis, & in aliis extra Europam regionibus, contractuum confirmatio provincialibus, aut vice provincialibus Societatis, Visitationibus, aut Commissariis committi (I) posset à Præposito Generali. Extat in Bullar. Soc. Incipit *Apostolica Sedis*.

## ADNOTATIONES.

(I) *Committi posset*. In Compendio Communi privilegiorum Societatis anni 1705 (c), relata facultate contractus celebrandi Præposito Generali concessa per Gregorium XIII., subditur: *Habeatur ratio decretorum Urbani VIII. dat. 7. Sept. 1624. & 1. Mart. 1626. Et quod Urbanus 7. Sept.*

(a) *Bussemb. lib. 4. Medull. cap. 2. dub. 4.* (b) *Vasconcel. Vida del P. Almeida lib. 3. cap. 5.* (c) *Compend. Com. V. Alignatio.*

Sept. decrevit abrogatis omnibus indultis & privilegiis quomodolibet in contrarium concessis regularium superioribus, ita habet apud Pellizzarium (a): *Omnium* rerum immobilium, & pretiosorum mobilium; alienationem omneque pactum, per quod ipsorum dominium transferatur, sensus perpetuos, seu vitalitios, hypothecam, locationem, seu conductionem ultra triennium, concessionem in feudum vel emphytheusim, præterquam in casibus à Jure permissis, fieri perpetuo prohibet, atque interdicit absque Congregationis Concilii expressa licentia in scriptis sub pœna privationis omnium officiorum, quæ tunc obtinebunt, vocisque activæ & passivæ ac perpetuæ inhabilitatis ad illa in posterum obtinenda, quam ipso facto absque alia declaratione incurrant, sublata etiam Generali aut Prætori illam moderandi aut relaxandi facultate: pœnis nihilominus apostolicarum constitutionum & præsertim fel. rec. Pauli II. in suo robore permansuris. Alienationes verò & pacta contra hujusmodi prohibitionem facienda, S. S. auctoritate ipso jure nulla & irrita decernit.

Et hanc prohibitionem afficere omnes regulares etiam aliàs habentes privilegium alienandi quæcumque bona cum consensu Generalis, ex tenore decreti resolvit ibi Pellizzarius, qui num. 133. refert S. Congregationis rescriptum sibi dum esset Collegii Ferrariensis Rector factum hujus tenoris: *Die 2. Maii* 1648. S. Congregatio Cardinalium Concilii Tridentini interpretum auctoritate sibi tributa remisit Præposito Generali Societatis, qui veris existentibus narratis pro suo arbitrio atque conscientia indulgeat Rectori præfati Collegii, ut nomine ejusdem Collegii quæcumque consensum necessarium, & opportunum desuper præstare valeat.

Verum licet Societas post Urbanum VIII. subesset necessitati petendæ confirmationis talium contractuum à S. Congregatione, non propterea omni effectu & utilitate erant vacua privilegia prius habita, juxta quæ non requiritur tractatus & consensus capitularis, sed satis est tractatum & informationem institui cum consultoribus, quæ mittatur ad Generalem ut consensus præstet à S. Congregatione confirmandum. Ita docet ex Lezana Pellizzarius ipse loc. cit. num. 111. & 117. Sed & poterit alienatio fieri absque recursum ad S. Congregationem, si à regularibus, vel regularium superioribus, fiat non voluntate, sed necessitate, v. g. ad solvendum æs alienum. Debet tamen hoc casu alienatio fieri à iudice competente regularium, qualis est juxta eundem Pellizzarium num. 51. vel iudex Conservator, vel Ordinarius, si Conservator non sit.

De facultate alienandi extra Europæ fines sic habet Compendium Privil. Soc. edit. 1757.: *Quamvis* Urbanus VIII. quibuscumque regularibus abstulerit per decretum S. Congregationis 7. Sept. 1624. omnem facultatem celebrandi sine licentia Sedis Apostolicæ aut S. Congregationis quoscumque contractus continentes alienationes rerum & bonorum immobilium, & pretiosorum mobilium, omneque pactum per quod dominium illorum transfertur, census perpetuos seu vitalitios, hypothecam specialem, locationem & con-

(a) *Pelizz. Man. Regul. tr. 6. cap. 8. n. 3.*



& conductionem ultra triennium, concessionem in feudum vel emphytheusim, præterquam in casibus à Jure *permis*is; Et in subsequenti declaratione 21. Martii 1626. prohibitionem extenderit *ad accipientes* sine prædicta licentia pecunias ad cambium, vel mutuò cum solutione lucris cessantis, vel damni *emergentis*; expresse tamen in eodem decreto dicitur, derogationem privilegiorum & prohibitionem esse *intra fines Europæ*. Quare extra hanc salva manent privilegia, quæ aliunde non interierint.

Circa hoc tempus scilicet 17. Maii 1577. concessa est ampliatio quo ad Indias in Jubilæo Portiunculæ, de qua vide supra Ord. 84. Adnot. X.

## ORDINATIO CXLIII.

Anno 1577. 17. Jul.

**U**T cum Indis dispensari possit ad incundas nuptias intra quoscumque gradus non prohibitos jure divino. Et si jam contraxerint, cum id scienter & præ notitia impedimenti fecerint, ut denuò contrahant ejusmodi matrimonium. Illa dispensatio fieri debebat in foro exteriori auctoritate Ordinarii, & assistentia unius de Societate Jesu. Et hoc privilegium valuit usque ad annum 1597. In foro interiori sat erat facultas unius de Societate, & erat privilegium perpetuum. Ita Summarium Privilegiorum Indorum Concilii Limensis auctoritate factum (a). Estque partim prorogatio, partim confirmatio facultatis à Pio IV. 15. Jun. 1563. collatæ. De perpetuitate vide tum ibi, tum infra Ord. 449. Et assistentia unius de Societate etiam ante hujus suppressionem desiderat esse necessaria ex decreto Benedicti XIV. de quo vide ann. 1757. 27. Januar. Ord. 600.

## ORDINATIO CXLIV.

Anno 1577. 29. Jul.

**U**T Reges Portugalliæ deputare possint qui in insulis Africæ permutare possint merces & victualia; non tamen ea quæ in Bulla Cænæ prohibentur; & contractus aliàs licitos celebrare. Extat in Bullar. Rom. Const. 72. Gregorii XIII. pag. 346. Per Bullam Cænæ prohibetur delatio & transmissio vestimentorum, pecuniarum, mercium, & victualium, si eo tempore deferantur, vel transmittantur, ut hostes illis uti possint in damnum christianorum, ut putat P. Suarez (b) cum aliis. Unde cum excipiantur in hac concessione ea quæ in Bulla Cænæ prohibentur, valebit tantum, ut sine scrupulo permutentur victualia & merces, dum christianæ rei præjudicium non paratur.

OR-

(a) *Apud Haroldum, Lima lim. p. 111.* (b) *Suar. D. 21. De Censur. sect. 2. n. 56.*

**E**cclēsia Arequipæ fit episcopalis sub metropoli Lima. Mentio fit in Geographia Sacra apud Chiquet sub anno 1577. Eodem anno ponitur erectio Episcopatus Truxillensis in eadem provincia à P. Claudio Clemente (a). Additur tamen effectū caruisse usque ad annum 1612. Imo Frassus (b) Truxillensem erectionem collocat anno 1616. 14. Sept., & Arequipensem anno 1619. 11. Octobr. Ac per idem tempus videtur erectus Episcopatus Guamangensis, ut indicat Solorzanus (c). Sed quod attinet ad Arequipensem, Ill. Antonius Leon ejus Episcopus in Synodalibus anni 1684. (d) ait: *Desde que* (el Obispado de Arequipa) *se dividió del de el Cuzco por bulas de la Santidad de Paulo V. dadas en 20. de Julio de 1609. , en cuja virtud se executó la division en 16. de Enero de 1612. , y se tomó la possession à 22. de Junio de 1614. &c.* P. Coleti (e) sic habet: *Fu soggetta* (Arequipa) *al Vescovo del Cuzco fino al 1577. nel qual anno ai 15. d'Aprile la eresse in Vescovato in un Concistoro secreto il Papa Gregorio XV., il quale consacrò per suo primo Vescovo Fr. Antonio de Ervia Domenicano. Ma dopo ne fu subito rotta la successione, ritornando alla soggezione del Vescovo del Cuzco fino all' anno 1609. nel quale a' 20. di Luglio il Papa Paolo V. le diede proprio Vescovo, ch' ebbe poi i suoi successori fino a' nostri tempi. Ubi nisi error sit in anno 1577. ponendus est Gregorius XIII. loco Gregorii XV.; & consecrationis, quæ ab eo facta esse dicitur, loco ponenda confirmatio. Hic idem scriptor collocat erectionem Guamangensis Sedis anno eodem quo Arequipensem, nempe 20. Jul. 1609. Et Truxillensem anno 1539. , cujus tamen præsul primus non nisi anno 1577. renuntiatus sit.*

ORDINATIO CXLVI.  
Anno 1577. 14. Dec.

**U**T commorantes de Societate in regionibus transmarinis Regi Portugalliæ subjectis jure conquiſtæ, vel ad illas destinati & adhuc commorantes cismare, possent sacris initiari à quocumque Episcopo Catholico, extra tempora, & interstitiis non servatis, in tribus dominicis aut diebus festis etiam continuis. Ita habet Compendium Indicum anni 1737 (f) Incipit Constitutio *Summi Sacerdotii*. Quinque post annis extensum est privilegium idem ad omnes de Societate ubivis commorantes, cum nota in communicabilitatis in Const. *Pium & utile*, ut est in Bullar. Soc. (g). Et quoad utrumque videtur usu viguisse usque ad Societatis abolitionem; nam Benedictus XIV. (h) loquens de ordinationibus extra tempora ait: *Romæ* in præsentia nullum privilegium admittitur nisi illud *Patrum S.J.* Vide Ord. 45.

OR-

(a) Cl. Clem. Dec. 9.

(b) Frasso, cap. 19. num. 32.

(c) Solorz. lib. 4. Polit. cap. 5.

(d) Synodal. Areq. in Prologo.

(e) Coleti in *Dictionario*.

(f) Compend. Ind. V. Ordines.

(g) Bullar. Soc. Ed. 1705. pag. 72.

(h) B. XIV. Instit. XXIII. pag. 139.

ORDINATIONES  
ORDINATIO CXLVII.  
Anno 1578. 6. Jan.

**F**acultatem à Paulo Tertio concessam, in remotissimis à Sede Apostolica regionibus absolvendi à reservatis etiam in Bulla Cænæ, & à consequentibus censuris & pœnis; & concessam denuò à se anno 1573. 8. Sept. extendit Gregorius XIII. ad omnes presbyteros Societatis in orientali, occidentaliq; India, omnibusque regionibus, insulis, & provinciis transmarinis, ad quas Hispani, & Lusitani penetrant, commeantes, & in eisdem regionibus pro tempore existentes. Habetur in Compendio Indico. V. *Absolutio*. Incipit *Universis*. Hæc extensio facta fuit primò ad decennium, deinde ad vicennium ab eodem Gregorio, & successivè ab aliis Pontificibus cum restrictionibus videndis infra anno. 1729. 12. Decembris.

ORDINATIO CXLVIII.  
Anno 1578. 5. Maii.

**U**T possent Societatis religiosi in utraque India celebrare per horam ante auroram, & infra horam post meridiem. Mentio fit in Compendio Indico cit. V. *Missa*. Incipit *Quanta in vinca Domini*. Ibidemque refertur etiam bullata alia concessio duplex, altera Alexandri VI. altera Clementis VIII. ut possit celebrari à duabus horis post mediam noctem usque ad nonam inclusivè. Sed quod attinet ad primum de missa celebranda per horam ante auroram privilegium, supervacaneus fuit collectoris labor in recensenda hac facultate quasi concessa presbyteris in utraque India; erat enim privilegium commune in quavis provincia, nisi quod in Indiis fortè occurrit frequentius impedimentum, causa, vel necessitas ad usum requisita.

Quod verò dicitur *usque ad nonam inclusivè*, cave ne intelligas de nona, prout est diei pars incipiens à tempore medio inter meridiem & sequentem noctem, prout alias accipitur hora nona. Sed intelligenda nona juxta ecclesiasticum ritum, quo recitandæ nonæ præscribitur meridies: de quo ritu inquit Lacroix (a): *Pro sexta & nona etiam ferè usque ad meridiem*, quamvis pro nona olim fuerit tempus circa prandium, aut etiam post illud, ut colligitur ex verbis hymni, *Largire lumen vespere*. Juxta quod ex privilegio præsentis posset celebrari intra horam meridiei, sive sit hæc hora simplex ab undecima & semis computata, sive sit hora duplex ab undecima ad primam pomeridianam. Quo sensu perinde valet privilegium Alexandri & Clementis celebrandi usque ad nonam, atque Gregorianum celebrandi intra horam post meridiem.

Quod si velis, nonam accipi pro tertia pomeridiana: nonam, inquam, ab ortu solis in æquinoctio computatam, ut solet alias, notandum est, post privilegium relatum Alexandri VI. prodixisse constitutionem Pii V. *Sanctissimus in Christo Pater*, datam 29. Mart. 1566., cujus verba apud He-

---

(a) LACR. Q. 213. De Horis. §. 1.

Henao (a) sunt: *In virtute sanctæ obedientiæ, ac perpetuæ suspensionis à divinis poena districtius inhibetur, ne deinceps missas vespertino tempore licentiarum aut facultatum, aut alio quovis prætextu celebrare, aut celebrari facere præsumatur.* Postquam constitutionem monet Henao (b), anteriora privilegia cautè esse practicanda. Et Pellizzarius (c) absolute resolvit, non posse regulares illis uti.

Et quidem licet *prætextus*, quo verbo utitur Pius, non verum sed fictum titulum facultatis seu licentiæ significet strictè; consuetudo tamen à qua valde alienum est ad horam novam missam differre, interpretatur constitutionem de prætextu in sensu magis amplo. Diana (d) relatis auctoribus undecim, qui affirmant privilegia anteriora esse revocata per bullam Pii V., ipse negat cum aliis, & ad Tridentinum & ad bullam pianam respondere se ait, Tridentinum non revocare privilegia, sed tantum velle ut Ordinarii curent, ne celebrentur missæ horis indebitis; non autem horis indebitis celebrantur, cum celebrantur hora per legitimam facultatem permessa. Ubi vides ab hoc resolutore satisfactum esse quidem Concilio Tridentino; bullæ tamen pianæ, ad quam etiam respondere susceperat, oblitus est.

Sed quid dicendum de eodem privilegio Alexandri VI. prout à Clemente VIII. post Pium V. concessio, nam sic testatur laudatus Compendii Indici collector. Dicendum, quod est error pejor priore; nam Clemens non illud specialiter concessit, sed Benedictinis Vallisoletania communicavit omnia privilegia concessa Monasterio Montis-ferrati, in quibus est illud Alexandri VI. At communicatio est facta cum exclusione privilegii alexandrini, si à Pio V. revocatum est; communicantur enim privilegia Montis-ferrati, dummodo non sint revocata, & quatenus sint in usu, ut videre est in ipsa Clementis bulla apud Rodericum (e). Collectoris anni 1737. additio de privilegio alexandrino, & clementino merito correctæ est in nova Compendii Communis editione anni 1757., in qua relato privilegio Gregorii XIII., nulla additionis illius habetur ratio, & si nihil continet quod commune non sit, nihil quod ad Commune Compendium non spectet.

## ORDINATIO CXLIX.

Anno 1578. 14. Maii.

**U**T Commissarius Indiarum Ordinis S. Francisci eos qui habitu dimisso ad sæculum rediisse etiam prætextu litterarum apostolicarum cognoverit, ex partibus Indiarum expellere, & ad domos, in quibus professi erant, revocare, & in eos ut in religionis desertores animadvertere possit. Extat in Bullar. Rom. Const. 85. Gregorii XIII. pag. 369. Incipit *Ad compescendam.*

OR.

(a) Henao, D. 21. De Miss. sacrif. f. 2. n. 12.

(b) Henao, loc. cit. num. 28.

(c) Pellizz. Manual. Regular. tr. 2. cap. 2. sect. 2. subject. 1. num. 99.

(d) Diana, coord. tom. 2. tr. 1. R. 102.

ex P. X. tr. 12. Miscell. 2. R. 25.

(e) Roderic. Bullar. num. 22.

## ORDINATIO CL.

Anno 1578. 15. Maii.

**A**D instantiam Regis Catholici decretum est à Gregorio XIII. , quod in omnibus terris, regnis, & dominiis Indiarum, & Terræfirmæ, & Intularum Maris Oceani, & aliàs quomodocumque nuncupatis dicto Regi subiectis, quandocumque in causis tam criminalibus, quam aliis quibuscumque (1) forum ecclesiasticum concernentibus, à sententiis pro tempore latis appellari contigerit, si sententia ab Episcopo lata à Metropolitano fuerit confirmata, vim rei judicatæ obtineat, & executioni per eum qui eam tulerit, quacumque (II) appellatione non obstante mandetur. Si verò illæ duæ, sive ab Ordinario & Metropolitano, sive à Metropolitano & Ordinario viciniore latæ sententiæ conformes non fuerint, tunc ad alterum Metropolitanum vel Episcopum ei, à quo primò lata fuit sententia, viciniorem ejusdem provinciæ appelletur. Et duas ex tribus sententias conformes (quas etiam rei Judicatæ vim habere voluit) is qui ultimo loco judicavit exequatur, quacumque appellatione non obstante. Et omnia alia intentata judicia nullius esse roboris, & quascumque modo prædicto non servato interponendas appellationes nullas existere. Extat apud P. Quintanadueñas (a); & apud Solorzanum (b), qui per doctrinam & exempla doctè & copiosè hanc constitutionem explicat.

## ADNOTATIONES.

(1) *Forum ecclesiasticum*. Notat laudatus Quintanadueñas, hac constitutione comprehendi causas regularium, tum quia sub appellatione *persona ecclesiastica* veniunt; tum quia istæ causæ ab Urbano VIII. ad forum ecclesiasticum redactæ sunt. Certum est, quod *ecclesiæ* appellatione in favoribus veniat monasterium & conventus regularium; & appellatione ecclesiasticorum regulares ipsi: in odiosis tamen, non item, ut videre est apud Barbosam (c).

An verò constitutio præsens favorabilibus annumeranda sit, an odiosis, dubium est, in quo cit. Solorzanus sic loquitur: *El dicho privilegio ó rescripto mas se puede tener por de gracia que por de Justicia. Y aunque en si contiene alguna mudanza y concessión de Jurisdicción, essa fue accessoria à la gracia*. Vide infra Ord. 272. exemplum concessæ regularibus appellationis extra Americam. Illud tamen extra dubium esse videtur, quandocumque Episcopus in causis regularium jus dicit; causam posse & debere terminari in Indiis juxta normam præsentis constitutionis. Si verò causa exemptorum tractetur in alio foro, recurrendum esse ad Sedem Apostolicam pro termino appellationum. Et hæc videtur fuisse mens S. Congrega-

---

(a) *Quintanad. tom. 2. tr. 6. fng. 5.* (b) *Solorz. lib. 4. Pol. cap. 9.* (c) *Barbos. Appellativ. 85. n. 10.*

gregationis, dum facta pro parte Regis Catholici instantia, ut præsens Gregorii constitutio ad exemptos extenderetur, quantum ad hoc ut in Indiis lites etiam eorum terminarentur, respondit 15. Apr. 1698., ut in quodam supplici libello refert P. Joannes Martinez de Ripalda S. J. Indiarum procurator, *Recurrendum esse in causis particularibus, nempe ad Sedem Apostolicam.*

At Episcopus quando & quomodo in causis regularium dicere potest? Praxis erit duplex, respondet Joannes Gutierrez apud Ill. Villarroel (a). Prima, ut producat libellus actionis coram Ordinario loci contra religiosos exemptos pro re vel quantitate debita extra causas mercedum & miserabilium personarum. Et Ordinarius præcipiat statim intimari eisdem, ut intra certum, brevem tamen terminum, quem assignabit eis, eligant, vel electum judicem ostendant, coram quo præsens lis agatur; alioquin eisdem libellus intimetur, & intra eundem terminum respondeant sub excommunicationis pœna. Quodsi illum elegerint, vel electum cum acceptatione demonstraverint intra præfinitum tempus vel terminum, ad eum remittenda erit causa; sin minus de ea ipse cognoscet.

Secunda praxis est, ut Ordinarius producto libello jubeat ipsum reis intimari, & quod tertia die respondeant. Quodsi ipsi compareant cum electione sui conservatoris, & petant ad ipsum causam remitti, tunc prævio hujus articuli examine, ad eum remittenda erit; nisi aliud juridicum obstat; alias à Conservatore Ordinarius excommunicari poterit. Quodsi religiosi hoc non opposuerint, Ordinarius in causa juxta juris ordinem procedat. Hucusque Gutierrez, de cujus bina praxi ait Ill. D. Felicianus de la Vega (b), dum erat Limæ Vicarius Generalis, seu Episcopalis Provisor: *Ea recepta est in hoc Archiepiscopatu Limensi.* Et licet annis præteritis quidam religiosi intenderint declinare jurisdictionem ordinariam, prætendentes quod propter exemptionem non poterat eis fieri intimatio, quod eligerent conservatorem, hoc illis à me denegatum fuit: & cum recurrissent per viam violentiæ ad Regalem Cancellariam, causa fuit devoluta, declarando nullam vim fuisse illatam. Et ita jam absque dubio hoc jus admittitur absque contradictione.

Nihilominus ut vitaret lites Pacificus Villarroel Chilensis Episcopus in occurrente casu quæstionem detulit ad Senatum Indicum, unde responsum accepit sequens: *En el conocimiento de las demandas, que decís se ponen à los religiosos de esse Obispado, assi en materia de maravedís, como de otros intereses guardareis lo dispuesto por el Santo Concilio de Trento, y en duda se os encarga que sigais el estílo y práctica de vuestro Metropolitano.* Est autem diœcesis illa Chilensis sub Limensi Metropolitano, cujus stylum & praxim supra positam in suis ad Senatum Indicum litteris exposuerat Villarroel.

Concilii Tridentini quoad præsens attinet decisio est (c), *Ut observetur*

(a) Villarr. Gob. Eccl. tom. 1. q. 6. a. 3. n. 1. (b) D. Felician. apud Villarr. loc. cit. n. 3. (c) Trid. sess. 7. cap. 4. De Reform.

tur Cap. *Volentes*, De *Privil. in 6.*, quo ab Innocentio IV. definitum est primò, ut ratione delicti, sive contractus, aut rei de qua contra exemptos agitur, ritè possint coram locorum ordinariis conveniri, & illi quoad hoc suam in ipsis jurisdictionem exercere (prout jus exigit). Exemptione tamen gaudent, dummodò in loco exempto sit commissum delictum, vel contractus initus, aut res litigiosa. Nec conveniri possunt ubi domicilium habent, si alibi delinquant vel contrahant, vel res ipsa existat. Nec domiciliorum prætextu locorum Diocesani (si ubi deliquerunt, aut contraxerunt, aut res ipsa consistit, illi conveniantur) remittendi illos illuc, vel ipsis ut ibi respondeant, injungendi habeant potestatem. Salvis nihilominus casibus aliis, in quibus eos Episcoporum jurisdictioni subesse canonica jubent statuta.

Definitum est secundò, ut in eos quibus ne interdici, suspendi, aut excommunicari à quoquam valeant, à Sede Apostolica est injunctum (sicut sunt religiosi quamplures) Ordinarii jurisdictionem suam quantum ad ista, ubicumque illi fuerint, exercere non possint, nisi forsan monachi ad prioratus eisdem ordinariis subiectos destinati fuerint. Hæc renovat Tridentinum, additque quod in civilibus causis mercedum & miserabilium personarum clerici sæculares aut regulares extra monasterium degentes quomodolibet exempti, etiamsi certum judicem à Sede Apostolica deputatum habeant in partibus, in aliis verò si ipsum judicem non habuerint, coram locorum ordinariis tanquam in hoc à Sede Apostolica delegatis conveniri, & jure medio ad solvendum debitum cogi, & compelli possint. Privilegiis & exemptionibus, conservatorum deputationibus, & eorum inhibitionibus adversus præmissa nequaquam valituris.

In idem recidit resolutio sexta S. Congregationis in Causa Angelopolitana per Innocentium X. approbata, qua firmatur, quòd regulares gravati ære alieno possunt conveniri coram ordinario, si conservatores non nominaverint intra tempus habile ab ordinario præscriptum. Horum meminisse jubet Benedictus XIV. Const. data 27. Maii 1746. dum ait: *In memoriam* revocamus, omnes regulares in civilibus Episcopo esse subiectos. Ex quibus patet quousque gregoriana constitutio præsens valeat quoad regularium lites.

(II) *Appellatione non obstante*. Notat iterum Quintanadueñas, ubi supra, non excludi per hanc clausulam recursum ad Nuntium Apostolicum, vel ad Summum Pontificem, præsertim ubi constat de notorio gravamine per sententiam illato. Ex terminis autem constitutionis liquidum est appellationem nullam excludi, quæ de jure sit, nedum recursum; sed tantum cavetur, ne obstet appellatio executioni sententiæ latæ, aut illam retardet: seu quod idem est excluditur appellatio quoad effectum suspensivum, non quoad devolutivum.

## ORDINATIO CLI.

UT Episcopi Indiarum in Hispania assumpti redditibus priventur, nisi quam primum indicum iter arripiant. Fit mentio in Jure Hispano In-

Indico (a), ubi data ponitur anno 1568. ultima die Febr. Sed saltem in anno error typorum est, cum Gregorius, cui constitutio tribuitur renunciatus sit Pontifex anno 1572. Verba legis sunt quatenus ad rem faciunt: y porque la Santidad de Gregorio XIII. expidio un brebe . . . à supplicacion nuestra, paraque los que fuessen electos Obispos de nuestras Indias, y estando en estos reinos no passassen à ellas en la primera occasion que pudiesen à residir en sus obispados, no gozassen de los frutos applicandolos à sus Iglesias; mandamos à nuestros Virrejes y Audiencias lo hagan guardar.

## ORDINATIO CLII.

Anno 1578. 5. Sept.

UT pro Indiis singulis saltem bienniis prædicetur Bulla Cruciatæ. Et quod eleemosyna ab Indis eroganda sint duo (1) tomiones argentei. Ab Hispanis (2) octo. A commendatariis, & regiis officialibus sexdecim. Omnia intellige ut sint ex argento probato, vulgo *de plata* (3) *ensaiada*. Ita P. Claudius Clemens in Tabulis Decad. 9. Et ibidem anno præcedente 1577. refert ordinationem aliam ejusdem Pontificis Gregorii XIII. ad Bullam Cruciatæ pertinentem, quam D. Dionysius Alcedo (b) refert ad annum 1573. eam vocans declarationem, ut scilicet fideles in navigatione indica omnibus indulgentiis per Bullam Cruciatæ concessis frui possint suis ante sacram aliquam imaginem precibus.

## ADNOTATIONES.

(1) *Tomines*. Reales vertit Solorzano (c). Et P. Alloza (d) inquit: Duo tomini, idest, *tres reales y medio* in hoc peruano regno. Sed in idem recidit cum Solorzano propter dicenda mox Adnot. 3.

(2) *Ab Hispanis*. P. Franciscus Xaverius Lezcano (e) Mexicanensis S. J. in opusculo, cui titulum fecit, *Indice practico moral para los sacerdotes que auxilian moribundos*, computum instituit enucleatius pro Nova Hispania, quod ubique Indiarum Hispanientium ferè paris est pretii. Proregum, inquit, eleemosyna, decem octiregalia, uxorum totidem; personarum qualificatarum, duo; citatque P. Antonium de Oviedo in explicatione Bullæ; decenni majorum quorum facultates summam principalem decem-mille octiregalium pertingant, duo; caziquiorum, unum; uxorum tantundem; eorum, quorum labor quotannis reddit biscentum octiregalia, quamvis æthiopes sint, unum; quorum facultates summam complent mille octiregalium, unum quamvis sint æthiopes. Reliquorum, duo regalia.

Subdit de Bulla defunctorum, pro animabus Hispanorum esse eleemosinam quatuor regalia, pro animabus non Hispanorum, aut ex Hispanis etiam co-

(a) Leg. 2. tit. 7. lib. 1. Recop. Ind.

De Ind. Jur. lib. 3. cap. 25. num. 21.

(b) Alcedo, Aviso Hist. al R. C.

(d) Alloza, V. Bulla f. 7. n. 3.

(c) Solorz. lib. 4. Pol. c. 25. & tom. 2.

(e) Lezcano, cap. 7.



eorum qui mendici sunt, monachorum & sanctimonialium, duo. Ac de Bulla compositionis capite 3., pro singulis bullis pendit duodecim regalia; singulis componi summam triginta ducatorum undecimque regalium, æquivalentem summæ quadraginta & unius octiregalium, & quartæ unius octiregalis. Accipi posse in quavis publicatione bullas triginta, quibus componi possunt nongenti ducati, sive mille-bis-centum-triginta-& septem octiregalia cum dimidio. Cum regalia legis, intellige semper argentea, ærosa namque moneta, vulgo *de vellon* in Indiis Hispaniensibus non cognoscitur.

Idem cum aliqua differentia reperi in schedis vernaculi authoris: *El Virrei*, 10. pesos; su muger, 10. p. Los Arzobispos, Obispos, &c. Cavaleros de qualquier Orden, y de las personas seglares los Presidentes, Oidores, &c. y los hombres ricos en cantidad de diez-mil p., y de alli arriba: y las mugeres de los dichos seglares, 2. p. de minas de plata ensaiada. Todas las demas personas de qualquier estado y condicion que sean (fuera de los Indios y Morenos) un p. de minas de plata ensaiada. Los frailes, monjas y Españoles pobres mendicantes, y los hombres y mugeres de servicio, 2. tomines de plata ensaiada. = Bula de diffuntos Españoles, un peso de plata ensaiada, ò su valor. Los Indios, Morenos, y Españoles pobres, los que sirven à otros, y frailes, ò monjas à 2. tomines por cada persona diffunta. = Bula de composicion, doze reales de plata compone hasta 30. ducados castellanos de a onze reales cada uno: y 30. bulas componen 900. ducados. De aqui adelante acudase à los Subdelegados *Generales*.

P. Alloza citatus inquit: *Qui ostiatim non mendicat, ita tamen pauper est, ut magnam rerum necessariorum penuriam patiat, dare potest pro bulla eleemosynam quæ pro pauperibus taxata est. Quæ sententia pia & probabilis est & cum Bullæ verbis, tum ipsius Commissarii Generalis valde conformis...* Qui non mendicat ostiatim, secreto tamen eleemosynam accipit, bullam pauperum accipere poterit. Hæc Alloza.

(III) *De plata ensaiada*. Siendo su Justo valor (del peso ensaiado) treze reales y *quartillo*, ut habes in Jure Indico (a), minima pro quaque bulla vivorum eleemosyna trium & semis argenteorum regalium seu dracmarum exigi solet, eo quod in Indiis nulla medio regali argenteo inferior seu vilior moneta sit in usu. De cætero minimam eleemosynam duorum tominorum, seu regalium *de plata ensaiada*, esse oportebat trium regalium communium argenteorum cum quarta unius assis parte. Sed hæc quæ circa Bullæ expeditionem dicta sunt, paululum immutata recens habet usus. De quo vide infra anno 1750. 4. Mart. Ord. 594.

OR-

a) Leg. 8. tit. 8. lib. 8 Recop. Ind.

## ORDINATIO CLIII.

Anno 1579. 25. Jan.

UT propter sacerdotum (1) penuriam, qui linguam Indorum sciant, Indiarum (11) Episcopi cum filiis ex Hispanis (111) & Indis, & ex Hispanis tantum in illis partibus commorantibus, spuriiis, & illegitimis genitis, aut quemlibet alium defectum patientibus, diœcesanis scilicet, si aliàs idonei sint, dispensare valeant, ut possint charactere clericali insigniri, & ad omnes etiam sacros, etiam presbyteratus ordines (IV) promoveri, & in illis sic promoti in altaris ministerio ministrare, & confessiones audire possint. Non obstantibus natalium, & quibuscvis aliis, præter homicidii voluntarii, & bigamiæ (V) impedimentum, defectibus. Extat apud Solorzanum cum data anni 1576. In Summario privilegiorum à Concilio Limano approbato refertur ad annum 1579. Apud Montenegro (a) dicitur data anno 1575. anno quarto pontificatus Gregorii. Ex quo, si verum habet, potius erat referenda ad annum 1576. cum Solorzano (b) si prodiit Januario mense. Incipit *Nuper*.

## ADNOTATIONES.

(1) *Propter sacerdotum penuriam*. Quamvis sacerdotum copia sit major à tempore concessionis, ut testantur Patres, in Concilio Limensi Tertio (c) congregati, nondum est tanta quin desiderentur idonei plures. Imò & rari sunt etiam inepti, ubi redditus tenuiores sunt; rariores, qui præter alia canonica requisita idiomatis Indorum gnari sint: quorum copiam requirit Pontifex. Etiam in superiore Peruvio fuit circa tempus Concilii Limensis, quo vel paulo ante scripsit Acoſta (d), sacerdos unus sexdecim nationum totidem linguis discrepantium doctrinarius vel minister. Et tamen in Peruvium superius plures quam alio sacerdotes convenire solent. De cætero cessante ex toto causa finali seu motiva concessionis, re integra, concessionem cessare juridicum est. Sed quod Limani Concilii saltem tempore nondum cessasset, signum est quod iidem Patres majoris sacerdotum numeri testes, vel eorum paulo post successores approbarunt in summario ut adhuc vigens præsens privilegium.

(11) *Episcopi*. Extendit Solorzanus Avendaño, & alii apud Frassum (e), & apud Montenegro (f) facultatem ad Capitula sede vacante. Et ratio est, quia Capitulo convenit spiritualis jurisdictio, quæ est de jure Comuni vel in Episcopi officio radicata. Licet verò facultas præsens de jure communi non sit, sed delegata speciali privilegio, in Episcopi tamen officio radicari dicunt, eo quòd absque alia commissione cum officio venit. Vide infra Ord. 599. anno 1753. 2. Mart. Adnot. 5.

(11) *Ex*(a) *Monten. lib. 5. tr. 1. sect. 1.*(d) *Acoſta apud Monten: lib. 1. tr. 1. f. 16. n. 2.*(b) *Solor. tom. 2. De Ind. Jur. lib. 3. cap. 22.*(e) *Frass. cap. 14. num. 3.*num. 27. (c) *C. Lim. A. 2. c. 33.*(f) *Monten. lib. 1. tr. 1. f. 19. num. 12.*

(III) *Ex Hispanis & Indis*. Excludi penitus vult ab hoc indulto Frassus (a) hybridas seu mulatos, ut vocant, ex Hispanis & Æthiopiis genitos, vel è converso, quia hos non complectitur apostolica concessio, nec ipsa venit amplianda, cum sit dispensatio. Sed aliud est dispensatio seu dispensari, aliud quod per præsentem constitutionem fit, facultatem concedi ad dispensandum, ut rectè habet Sanchez (b), & Castropalaüs (c), qui docent facultatem dispensandi esse latæ interpretationis, cum dispensatio sit strictæ. Sed nec est cur hybridæ ab indulto dispensationis secludantur, si de cætero habiles sint, nam quidquid sit de Indorum qualitate, an illis conveniat; indultum favet *quemlibet alium defectum patientibus*.

(IV) *Ordines*. Quamvis Gregorius non exprimat, promotos assumi posse ad beneficia, satis indicat, illegitimos habilitari posse per Episcopos ad curam saltem Indorum; quandoquidem sacerdotum indicè scientum penuria, qui Indorum curam gerere possint, causa concessionis est. Et ita censet Avendaño (d) & Solorzanus (e), etiam in terminis hujus concessionis, nam de Piana clarum est, illiusmodi facultatem conferre, ut vide supra 4. Aug. 1571. Ord. 135.

(V) *Bigamiæ*. De hac vide supra annò 1561. 28. Jan. Ord. 91. Admot. 2.

## ORDINATIO CLIV.

Anno 1579. 10. Febr.

**O**Mnia privilegia, facultates, & gratias, quæ orientali Indiæ, & occidentali concessa sunt, & in posterum concedentur, ita invicem communicantur (1) a Gregorio XIII., ut singuli earundem & Novæ Hispaniæ Societatis religiosi possent illis omnibus æquè principaliter, in omnibus, & per omnia uti, ac si omnia illa utriusque Indiæ, & Novæ Hispaniæ religiosi prædictis specialiter & nominatim concessa fuissent. Ita ex Compendio Indico sui temporis P. Avendaño (f). Incipit *Rationi congruit*. In Compendio itidem Indico anni 1737. idem habetur, nisi quod ubi dicitur hîc *religiosis*, habet *missionariis*. Sed in idem recidit utrumque propter declarationem, de qua infra 11. Oct. 1579. Ord. 157.

## ADNOTATIONES.

(1) *Communicantur*. An privilegia quæ Indiæ orientali concedantur, occidentali absolutè communia sint, & vice versa, ita ut non tantum religiosi hac ordinatione privilegiati & expressis liceret usus, sed cuivis in utraque India liceat prout alterutri conceditur, dubium est, in quo P. Aven-

(a) *Frass. loc. cit. num. 7.*

(b) *Sanchez, lib. 8. De Matrim. disp. 2.*

(c) *Castrop. tom. 1. Part. 11. De privil.*

(d) *Avend. tit. 19. n. 70.*

(e) *Solorz. loc. proximè cit. num. 37.*

(f) *Avend. tit. 12. num. 114. cap. 5.*

Avendaño (a) ait, pro casu aliquo urgentis necessitatis affirmari posse. Et num. 116. inquit, posse in hac parte sine scrupulo procedi. Fundamenta sunt. 1. Autoritas doctorum, qui extensionem illam fieri posse defendunt apud Suarez (b). 2. Declaratio præsens Gregorii XIII., in qua licet concessio ad religiosos Societatis dirigatur, satis declarari videtur voluntas pontificia inducendi communicationem inter Indias ipsas, quia privilegia de quibus ibi, non tam religiosi, quam Indiis conceduntur, ut in eadem significatur declaratione per illa verba, *Quæ Indiæ orientali & occidentali concessa sunt*. Saltem religiosi alii jure communicationis gaudentes illis uti poterunt indiscriminatim. Imo quatenus in præsentī concessione sermo sit de privilegiis alterutri Indiarum concessis, intelligi potest de concessis cuilibet alterutrius regioni; sine violentia namque dicitur concessum toti, quod parti concessum est: sicut passim dicitur in Compendiis Privilegiorum concessum Ordini, quod conceditur magistris vel confessoribus. Hæc cit. Avendaño.

Addi potest 3. C. *Cum dilecta*, De confirm. ut. vel inut. ibi: *Ejusmodi æquitatis similitudine provocati*. Ex quo textu multi colligunt, legem excipientem à communi jure casum singularem extendi posse per similitudinem rationis. Quod saltem obtinet quando cum similitudine rationis concurrat qualitas causæ piæ & favorabilis, ut multi Jurisperiti testantur. Ergo pariter obtinet in privilegiis Indiarum, in quibus causæ pietas & favor in primis eminent. Vide Rodericum (c), qui cum prius tradidisset pro regula, non extendi privilegium ob similitudinem rationis, excipit privilegia causæ favorabilis, ut est causa pia, causa dotis, causa religionis.

Sed neganda est prætensa absoluta communicatio ex cap. *Sanè*, De Privil., ibi: *Privilegium* uni concessum non potest ad alterum extendi ob identitatem rationis. Quæ verba habentur in rubrica; in nigro autem dicitur: *Temerarium est & indignum*, aliquem sibi sua autoritate præsumere quod Ecclesia Romana certa ratione inspecta singularibus voluit beneficiis indulgere. Unde regula communis doctorum est apud Suarez (d), privilegium non esse extendendum ad alias personas vel actus propter rationis similitudinem. Et ratio est, quia privilegii virtus & efficacia posita est, non in ratione motiva, sed in concedentis voluntate. Ergo parum refert identitas vel similitudo rationis, ubi non est voluntas concedendi. Vel si voluntas adest, non est manifestata. Hoc enim perinde est in rebus humanis, cum voluntas non manifestata nihil operetur. Non autem manifestatur voluntas favendi Indiis occidentalibus per concessionem orientalibus factam. Imo unius expressio & determinatio universalitatem tollit, & exclusionem quodammodo inducit alterius. Etsi ratio sola esset voluntatis argumentum & manifestatio, posset privilegium præsumi etiam ante concessionem, quamvis non esset ulli Indiarum concessum, hoc solum quod de ratione constaret, & de causa ad concedendum.

Ad

(a) *Avend. loc. cit. proxime.*

(b) *Suar. lib. 8. De Leg. cap. 28. num. 12.*

(c) *Roderic. tom. 1. 22. R. 4. 7. art. 2.*

(d) *Suar. loc. cit. num. 11.*

Ad 1. ex contrariis fundamentum respondeo, auctoritatem objectam doctorum non esse tantam, ut non elidatur per oppositam, quam communis regula confirmat. Et ex autoribus qui apud Suarez nominantur, ii quos videre licuit, rem ex professo non tractant. Didacus Perez (a) in eo quod scribit de suo, potest intelligi de interpretatione privilegii declarativa, non de extensiva vel de extensiva quidem, sed quam faciat necessariam absurditas alioquin secutura. Navarrus loquitur de extensione ad correlativa (b), quatenus hæc in sensu legis, sin minus in littera comprehenduntur: quæ extensio coincidit cum interpretatione pure declarativa.

Ad 2. Per illam declarationem non conceditur absoluta communicatio & indefinita; sed tales ut possent religiosi Societatis, &c. Sint sanè concessa privilegia intuitu vel in favorem Indorum vel Indiarum; sed non nisi cum ea limitatione & modo in dicta constitutione expressis concessa sunt. Quod ea, quæ parti conceduntur, dici possint concessa toti, verum est exemplo concessionum factarum v. g. magistris alicujus Ordinis, aut Superioribus, aut Ex-provincialibus. Sicut tamen non illicò licet talium facultatum usus omnibus in tali Ordine professis, quamvis totius sint pars; ita neque licebit omnibus utriusque Indiæ incolis uti concessis uni, neque uni parti licebit uti concessis alteri.

Præterea distinguendum est subjectum concessionis à subjecto executionis aut receptionis actus, vel gratiæ concessæ. Quæ distinctio patet in variis constitutionibus, nominatim in relata supra Ord. 5., in qua Regi Portugalliæ dicitur concedi, ut sacerdotes ab eo missi absolvere possint, &c. De communicatione religiosorum aliorum Ordinum modo non est sermo, sed de communicatione Indiarum.

Ad 3. Privilegium, dum eadem vel similis ratio favet, extendi potest, & convenienter extenditur auctoritate publica, non voluntate privata, etiamsi qualificata sit causa. Scilicet, concessio privilegii, maxime si fiat non tantum præter, sed contra jus commune, causam requirit, ut licet, saltem ut non imprudenter fiat. Quodsi deinde casus alter occurrat, & causa similis vel eadem concedendi, licita & prudens erit concessio, facta tamen à potestate habente, non à subdito, cui tantum est reliqua supplicationis via. Et hoc solum potest cum fundamento colligi ex objecto textu. Et communi praxi firmatur; nam causa eadem vel similis, etiam pia, reperitur in Ordinibus cunctis, iis saltem quorum ministeria sunt eadem, & tamen nullus nisi aliunde privilegiorum communicationem habeat, licitum sibi esse præsumit usum privilegii certo Ordini concessi.

C R.

(a) Perez, in Leg. Ordinam q. 2. Prolog. (b) Navarr. cap. 22. Summ. num. 24.

ORDINATIO CLV.

Anno 1579. 25. Aug.

**E**cclésiis Brasiliæ, in quibus Societatis religiosi residebant ad exercenda ministeria, etiam si ejusdem Societatis non essent propriæ, concedebantur omnes indulgentiæ, quæ Societatis ecclesiis erant concessæ usque ad diem datæ præsentis. Et quod quandocumque indulgentia aliqua concedebatur confessis & communicantibus in ecclesiis Societatis, intelligeretur nomine ecclesiæ torus circuitus domus, residentiæ, aut collegii. Ita habet Compendium Indicum anni 1737. V. *Ecclesia*. §. 3. & 4.

ORDINATIO CLVI.

Anno 1579. 11. Octobr.

**D**eclaravit Gregorius XIII., quod nomine Indiæ (i) orientalis intelliguntur omnes regiones & insulæ, quæ ultra Mauritaniam versus austrum & orientem ad Regem Portugalliæ spectant, sive jure domini, sive conquestæ, ut vocant, sive commercii & navigationis. Nominè verò Indiæ (ii) occidentalis quidquid eodem jure occidentem versus ultra Insulas Fortunatas & eas quas Tertiarias appellant, sive ad Regem Catholicum, sive ad Fidelissimum spectant. Ita habet Compendium Indicum anni 1737., & in eodem Compendio anni 1585. dicitur esse declaratio (iii) vivæ vocis oraculo.

ADNOTATIONES.

(1) *Indiæ orientalis*. Geographi inquit Nogueira (a) Indiam dicunt regionem Gangem inter & Indum, ut est apud Barros (b). Alii extendunt ab Indo ad ultimos Sinarum fines, ut est apud Oforium (c). In communi existimatione apud Lusitanos veniunt à promontorio Bonæ spei ad orientem omnes regiones. . . Ex declaratione Gregorii XIII. veniunt nomine Indiarum Insulæ *Capitis-Viridis*. Author Additionum ad Historiam Portugalliæ per Fariam scriptam fines orientalis Indiæ sic describit: *La India oriental tiene por terminos el Cabo de Buena Esperanza en la Cafreria y el de Siampo (Ning-po Sinae dicunt in extrema ad orientem finici continentis ora, ut vide in Historia (d) Navigationum) en la China distantes entre si casi quatro-mil leguas. Comprende por la marina muchos reinos de la Cafreria, Monomotapa, Zofala, Mozambique, Quiloa, Pembe, Melinde, Pate, Brava, Mogadojo, y otros muchos señorios. . . La septima parte tiene los reinos de Pam, Lugor, Siam, Cambaja, Champá, de Cochinchina, de la China. Aqui* no

(a) *Neg. D. 3. De B. Cruc. sect. 7.*

(b) *Barros, Dec. 1. lib. 4. c. 7.*

(c) *Ofor., De Reb. Emman. initio.*

(d) *Prevost, Hist. des Voies. tom. 5. lib. 1. cap. 1.*

no tiene Portugal fuerza alguna, pero tiene la estimacion y el comercio. Idque, quod de æstimatione & commercio didicim, convenit similiter regionibus aliis citra Caput Bonæ Spei, et ex præsentem declaratione ad Indias etiam pertineant.

Consonat Constitutio *Indiarum gentibus* Benedicti XIV., de qua infra anno 1748. 24. Febr., ubi Indiis, quæ numerantur à Capite Bonæ Spei usque ad regna Sinarum & Japoniæ, Patronus vernitatur S. Franciscus Xaverius. Quod verò pars Africa Bonæ Spei Capite ulterior etiam extra præsentem Ordinationem Indiis aliquando annumeretur, sensus est auctorum, quem exprimit D. Antonius de Herrera (a) dicens: *Se despatcha Ba-la con todas las facultades, que estaban concedidas á los Rejes de Portugal para las Indias de Guinea.* Vide dicta in Prologo hujus Operis.

Verè vagum est Indiæ nomen tam apud antiquos quam apud modernos. Nunc (b) clauditur Perside, Magna Tartaria, Sinarum regione, Mari Indico. Nunc (c) partem Persidis comprehendere dicitur, terminos habens ad occasum Paropamyssidem, (Chalquistan) Aracosiā (Candahar), Gedrosiam (Circan); ad orientem Sinas, ad boream Caucasum. Extenditur apud alios (d) ad Indici Maris Insulas Ceilanum, Sumatram, Javam, Borneum, Celebes, Maldivas, Moluccas, Philippinas, Marianas, etiam ad Tunchinum, Sinas, & Japoniam.

Olim Æthiopia (e) Indiarum nomine veniebat; hodieque manet usque apud Persas appellatio Indi nigri pro Æthiops. In historiis orientalium legit Calmet, Indos postulasse sibi Episcopos à Simone Syro Patriarcha Jacobitarum Alexandriæ Et Oceanus Æthiopicus Veterum ipse Oceanus Indicus nostratum est. Nec tantum Æthiopes Maris Rubri ad orientem & occidentem accolæ Indi appellabantur; sed & populi qui trans Mare Mediterraneum incolebant, quique Libyam, Ægyptum, Arabiam, Palestinam habitabant, eo quod ab Indis originem trahere credebantur (f).

Grotius vult 1. Machab. 8. legendum Jonios pro Indis, & Mysios pro Medis, quia postfancitam cum M. Antonio pacem Mysiam & Ioniam Eumeni Regi cecisse testatur Livius (g); sed Harduinus (h) cum suo Berrujero (i) contendit, Jonios & Carios propriissime Indos appellari potuisse propter Indum flumen, alio, nomine *Calvit*, quod illorum terras interfuit. Vide Ord. I., ubi Mauritani Granatenses à Fonténelle dicuntur Indi. Et Romæ prope Vaticanum est ecclesia quædam pro Indis crecta, hoc est pro Mauris quibusdam fidelibus.

Novissime scribunt celebris Encyclopædiæ authores (k) *Les anciens reconnoissoient deux sortes d'Ethiopiens, ceux d'Asie & ceux d'Afrique.* He-

ro-

(a) *Herr. D. 1. l. 2. c. 4.*

(b) *Apud Calmet, Diction. V. India.*

(c) *Descript. de la Gran Rec. Tart. des Voi qui ont servi à l'établ. de la C. Holland. Ed. 1725. tom. 4. pag. 259.*

(d) *Dictionar. Geog. de la Serna*

(e) *Calmet loc. cit.*

(f) *Calmet in 1. Mach. 8. 8.*

(g) *Liv. lib. 38.*

(h) *Harduin. Chron. Vet. Testam.*

(i) *Berrui. lib. 7. tom. 7. Nov. Testam.*

(k) *Dictionar. Encyclop. Ed. Liburn. Verb. Ethiopie.*

redote les distingue en termes formel, & voi la pourquoi dans les écrit de l'antiquité le nom d'Ethiopien étoit commun a divers pais del' Asie & del' Afrique. Voilà pourquoi ils ont donné souvent le nom d'Indien aux Ethiopiens & le nom d'Ethiopiens aux véritables Indiens. Dans Procope l'Ethiopie est appelée Inde. Voiez les raisons dans les observation de Mr Freret.

(II) *Indiæ occidentalis*. *Indias del Poniente*, inquit Herrera (a) son todas las Islas y Tierra firme comprendidas en la demarcacion de Castilla y Leon al fin occidental de la dicha demarcacion, cuya linea passa por la otra parte del mundo por la ciudad de *Malaca*. Consonat Jus Hispano Indicum (b) dum collocat Japoniam & Philippinas in demarcatione Indiarum occidentalium: cui faver constitutio Clementis VIII. anni 1600. 12. Dec., de qua infra Ord. 198., quatenus Philippinas Indiis occidentilibus, vel quæ pro occidentilibus habeantur, videtur enumerare. Sed quæ præcisè ducenda sit linea demarcationis, nondum definitum est.

(III) *Vivæ vocis oraculo*. Cum præsens Ordinatio sit tantum declaratio terminorum aliàs concessarum facultatum, immunis est ab Urbani VIII. revocatione juxta dicta Ordinat. LXVIII. Et ita censet Avendaño (c). Pro quo, inquit, alia succurrit ratio; nam oraculum tale suum jam sortitum est effectum. Quæ autem talia sunt, non revocari ex ipsarum constitutionum littera manifestum est. At quisnam est effectus oraculi purè declarativi, quod nullum respicit actum & praxim, sed puram terminorum explicationem?

## O R D I N A T I O CLVII.

Anno 1579. 11. Oâ.

**D**eclaravit Gregorius, privilegia & gratias concessas missionariis Societatis in Indias vel alias infidelium partes missis, esse concessas omnibus de Societate qui pro tempore degerent in illis partibus, etiamsi missi non fuissent. Ita habet Compendium Indicum anni 1737. V. Privilegium; & docet C. de Lugo (d).

## O R D I N A T I O CLVIII.

**S**ocietatis lectoribus, concionatoribus, confessariis, superioribusque provinciarum Indiæ aut Brasiliæ concessum erat ut possent toto anni tempore ante cæne ordinariam horam, cum per aliquas integras horas ante solis occasum cenare soteret, dicere matutinum sequentis diei. Ita refert Avendaño (e) quasi concessum à Gregorio vivæ vocis oraculo. Videturque extitisse aliquando in Compendio aliquo vetusto, expunctumque ex recentioribus, etiam ante oraculorum revocationem, quia inutile. Inutilitatem

(a) Herrera; *Descrip. de las Ind. occ.* cap. 26.(b) *Leg.* 33. tit. 24. lib. 1. *Recop. Ind.*(c) *Avend. P.* 3. *Ausiar. sect.* 7. n. 169.(d) C. de Lugo, *Resp. Mor.* l. 4. dub. 4<sup>a</sup>. d. n. 1.(e) *Avend. loc. prox. cit.* n. 161.



tem repetit Ayendaño ex eo quod per doctorum opiniones plus jam licebat, quam quod tali privilegio dabatur. Erit cui videatur inutilius, quia nullibi Indiarum aut Brasiliæ cenari ordinariè soleret per plures horas ante solis occasum. Vid. Ord. 304.

## ORDINATIO CLIX.

Anno 1579. 24. Octobr.

**P**ER Bullam concessit Gregorius, quod Societas in Indiis posset eligere in conservatores loco personarum in ecclesiastica dignitate constitutarum quosvis idoneos & probos viros seculares, charactere clericali insignitos, non tamen conjugatos: nec propterea dictam Societatem ad certos & determinatos eligendos obligari. Refert Diana coordinatus ab Alcolea (a) ex allegatione Joannis Naldi pro Patribus Societatis contra Episcopum Angelopolitanum. Addit tamen Diana: *Ego puta* hodie circa presentem questionem filere omnia regularium privilegia, ut optimè observat ex eadem Societate Castropalaus (b). . . . Cui adde ex eadem religionè Fragosum (c). Vide infra Ord. 257. & 312. Vide etiam Ord. 605. Adnot. IV.

## ORDINATIO CLX.

Anno 1579. 24. Oct.

**N**E quis de Societate Jesu in Indiis etiam ad Ordinem Carthusiensem transire auderet. Hanc constitutionem vide infra anno 1719. 1. Dec. Ord. 493. In novissimo Compendio Communi (d) dicitur data 1. Nov. Aliàs data dicitur 23. Sept. seu 9. Kal. Oct. Sed in textu Constitutionis in Bullar. Societ. (e) habetur 9. Kal. Nov., idest 24. Octobris. Incipit *Decet Romanum Pontificem*.

## ORDINATIO CLXI.

Anno 1579. 4. Nov.

**U**T presbyteri Societatis per Præpositum Generalem deputandi cum neophytis & aliis ad Ecclesiæ unionem reductis super bonis malè acquisitis, ad quæ restituenda incertis personis obligati existunt, ad pia opera componere, vel quatenus ipsi sic obligati pauperes sint, eis in toto vel in parte remittere possent & condonare: idque in foro conscientiarum. Concessio facta est ad decennium, sed deinceps per successores Pontifices prorogata, & sine limitatione facta Carmelitis Discalceatis à Clemente VIII. in Constit. *Dominici gregis*. Ita habet Compendium Indicium, anni 1737.

OR-

(a) Diana, tom. 7. tr. 1. R. 217. (b) Castrop. tom. 3. tr. 16. D. 4. P. 12. §. 1. n. 9. (c) Fragos. Rep. Chr. tom. 2. l. 4. d. 2. §. 6. d. n. 212.

(d) Comp. V. Apostata §. 10. (e) Tom. 1. Inst. p. 198.

## ORDINATIO CLXII.

Anno 1579.

**U**T Præpositus Generalis & alii presbyteri per illum in Indiis orientalibus deputandi cum causa dispensare possent in foro conscientiae cum neophytis & aliis omnibus ibidem commorantibus, qui in facie ecclesiae illegitimum matrimonium contraxerant, sive scienter sive ignoranter, super quolibet occulto impedimento propter quod esset invalidum, & separari sine scandalo non possent, injuncta poenitentia salutari, dummodo inter se secretò contraherent servata forma Tridentini, si posset sine scandalo, alioquin super qua conscientia onerabatur, non servata. Ita habet Avendaño (a). Sed in hoc privilegio qualitatem bullati, si sit aliud a referendo Ord. seq.; si verò sit idem, perpetuitatem requiro.

## ORDINATIO CLXIII.

Anno 1579. 4. Dec.

**S**ocietati ad decennium concessit Gregorius XIII., ut cum neophytis super voto castitatis, non tamen solemai, ac matrimonio contracto quovis occulto impedimento propter quod esset invalidum, & separari sine scandalo non possent contrahentes, dispensare valeret. Extat in litteris prorogatoris Gregorii XIV. anni 1591. 21. Septembr.

## ORDINATIO CLXIV.

Anno 1583. 15. Apr.

**U**t triennium à Concilio Tridentino præfixum ad celebrandum concilia provincialia ampliatur ad sexennium vel septennium in Indiis. Quod à Paulo V. 7. Dec. 1610. ad duodennium fuit prorogatum. Refert Solorzano (b). Vide supra Ord. 138. & infra Ord. 223.

## ORDINATIO CLXV.

Anno 1583. 15. Apr.

**A**rchiepiscopis Limanis per breve concessit Gregorius XIII., ut possint absolvere in utroque foro ab omnibus delictis, excessibus, & peccatis Sedi Apostolicæ reservatis etiam in Bulla Censæ. Eamque facultatem concedere se ait Pontifex propter earum regionem à Romana Curia distantiam; ut quæ sumptus, molestiæ discrimina in prolixa navigatione vitentur. Extat originalis in archivio Archiepiscopi. Et Ill. Pelicianus de la Vega in Relectionibus testatur, sæpè occurrente casu in praxim esse deductam. Hæc habet Ill. Montenegro (c), Sed oportet de reservatis hæresim

(a) Avendaño, in *Theſaur. Ind.* m. 395. (b) Solorz., lib. 4. *Polis. cap.* 7. (c) Montenegro, l. 5. tr. 1. *sect.* 39. n. 1.

sim excipere, si de absolvendis Hispanis, vel non Indis est sermo. Vide Ord. seq.

## ORDINATIO CLXVI

Anno 1583.

**U**T Indiarum episcopi & ab eis deputati possint (1) absolvere Indos in utroque foro à crimine hæresis. Neque hoc pertinet ad inquisitionis officium propter novitatem in fide & mentis debilitatem (2). Ita P. Claudius Clemens (a) ex confessionali Concilii Limensis. Ill. Montenegro (b) sequentem movet & dirimit quæstionem: *Quem podra absolver a los Indios del crimen de la heregia, idolatria, y otras censuras, y casos reservados? No es menester para declaracion de esto mas que tener la Bula de Gregorio XIII. concedida à instancia de la Magestad Catholica, en que concede à todos los Arzobispos y Obispos de Indias, y à las personas à quienes ellos en esta parte cometieren sus veses. (III), que puedan absolver del crimen de heregia, idolatria, y otros qualesquiera casos reservados y censuras, assi en el fuero de la conciencia, como en el fuero exterior, à qualesquiera Indios, hombres, ò mugeres, y assi mismo à los que fueren nacidos de Indios y Mauros, ò de Mauros y Indias, imponiendoles alguna penitencia saludable conforme à sus culpas. Aquí se advierte, que por concession del Concilio Provincial (Tercero) de la ciudad de los Reyes se dà facultad à todos los curas y confesores de Indios, que les puedan absolver de los casos reservados à los Obispos, y de las censuras annexas à ellos, pero podra el Obispo, quando le pareciere convenir, quitar (IV) ò restringir esta facultad al cura ò curas que le pereciere, como mas claro consta por el Concilio, cuyas palabras son como se siguen (c): *Præsentis auctoritate Synodi parochis, & approbatis confessariis Indorum casus episcopis reservati conceduntur, ut ab omnibus illis & censuris annexis possint absolvere Indos, cum id expedire in Christo judicaverint, ne Indi propter imbecillitatem suam & spiritualis sensus inopiam, dum ad superiores pro reservatorum casuum absolutione recurrere cessant, quod crebro fit, conscientis suis illud experiantur noxium, quod pro eorum salute ab Ecclesia provisum est. Liceat tamen Episcopo aliquibus parochis eam facultatem restringere, cum ei videbitur expedire. De que se colige, que todos los doctos y clérigos, que tienen licencia de los Señores obispos para administrar los sacramentos en sus diócesis, pueden absolver à los Indios de todos sus pecados sin excepcion de alguno, sino es que los prelados se la hayan limitado. Vide supra Ord. 58. Adnot. X. anno 1537. 1. Jun.**

AD-

(a) Cl. Clemens, *Tabl. Chron. Ind. Dec.* 102. (b) Montenegro, *L. 3. tit. 4. f. 14.* (c) C. Lim. *Ass. 2. cap. 17.*

ADNOTATIONES.

(1) *Absolvere*. Sicut solvere Indos, sic & ligare pertinet, non ad Inquisitores Apostolicos, sed ad Episcopos ex Jure Indico (a) sic habente. Por est prohibido à los Inquisidores Apostolicos proceder contra Indios, compete à los Ordinarios Ecclesiasticos su castigo, y deben ser cumplidos y obedecidos sus mandamientos. Y contra los hechiceros, que matan con hechizos, y usan otros maleficios precederan nuestras Justicias Reales. Et sic observatum est à principio. Vide Ord. 33.

(11) *Et mentis debilitatem*. Igitur quamvis novitas in fide adoleverit jam, locum habet presentis indulti gratia ex doctrina J. C. Pignatelli supra anno 1522. 9. Maii. Ord. 37. Adnot. 6. Sed & novitatem quamdam fidei durare adhuc in Indorum gente, supponitur in presente Ordinatione quæ in viridi est observantia: novitatem, inquam, in Indorum gente, quamvis Indi ipsi in infantia baptizati sint.

Quæres: utrum Indis sit necessaria Bulla Cruciatæ, ut ex presente indulto absolvantur? Respondet P. Alloa (b): Indi Bulla non indigent, ut Hispanorum festa non servent; nec ut non jejunent jejunia Hispanorum, nec ut matrimonium contrahant in tertio & quarto gradu consanguinitatis, nec ut à reservatis absolvantur, quia non sunt hæc privilegia, sed quasi leges municipales hujus Peruanæ Provinciæ. Et quamvis privilegia essent, cum sint omni Indorum nationi concessa, non revocantur per Bullam, sicut nec quæ uni Religioni conceduntur, ut constat ex ipsa Bulla latina, & ex Bulla Pauli Tertii. Hucusque Alloa ex M. SS. P. Joannis Perez Monacho S. J. Sed quidquid de reliquo sit, paritas privilegiorum, quæ alicui religiosorum ordini conceduntur, oppositum suadere videtur, in suspensione quippe gratiarum per Cruciatæ Commissarium fieri solita excipiuntur expressè privilegia Ordinum quatenus religiosos respiciunt: & exceptio firmat regulam in contrarium.

III. Montenegro (c) duo proponit dubia resolvenda, & unum tantum resolvit. Proponit 1., utrum Indis sit necessaria Bulla Cruciatæ, ut à reservatis absolvantur, aliisque fruantur privilegiis sibi concessis? 2. An sit eadem Bulla necessaria ministris, ut absolvant, dispensent, habilitent Indos, aliisque pontificiis facultatibus in bonum Indorum utantur.

Ad 1. respondet cum distinctione, posse Indos sine bulla uti privilegio contrahendi in tertio & quarto gradu, non jejunandi nisi feriis sextis quadragesimæ, sabbato Sancto & vigilia Nativitatis, & non nisi festa quædam observandi. Ratio, inquit, est, quia Bulla Pauli III. qua prædicta conceduntur, non tam est privilegium, quam quædam constitutio extravagans faciens Jus Indis commune, quod in Bullæ Cruciatæ publicatione non suspenditur.

Cir-

(a) Leg. 35. tit. 1. lib. 6. Recop. Ind. (b) Alloa, *Alphabet. Mor. V. Indi Per.* c. 7. n. 20. (c) Mon. tit. 1. q. 11. 4. sess. 5.

Circa lactiniorum esum inquit: *Acerea* de este punto digo, que no pecan los Indios que comen habas, lethe, &c. sin Bula, no porque para esto les valga la Bula de Paulo Tercero, que no es tiempo de averigiarlo, sino por la *costumbre*. Ad hac Pauli Tertii Bulla Indis permittens lactinia, eadem est cum concedente illa alia privilegia circa matrimonia, jejunia, & festa, ut vide supra anno 1537. 1. Jun. Ord. 58. Eadem est quam ipse Montenegro appellat constitutionem extravagantem facientem Jus Indis commune, quod Bullæ Cruciatæ publicatione non suspenditur. Si ergo manet dubium, utrum valeat ad lactinia, quomodo est certum valere quoad Jejunia, & quoad reliqua.

Ad 2. dubium quod proposuerat Illustrissimus Author, neque verbo respondet. Quantum est ad presentem concessionem factam Episcopis ad absolvendum per se vel per alios, respondet Castropalaus (a): Certum est, non suspendi (Cruciatæ Bullæ) facultates absolviendi, dispensandi, & commutandi vota, quæ Episcopis jure ordinario competunt, vel extraordinario tanquam à Sede Apostolica delegatis, quia hæc facultates, esse à Sede Apostolica concessæ sine, sunt tamen concessæ ex delegatione generali, per modum statuti, & non singularibus personis, sed eorum dignitati, ac proinde non comprehenduntur in suspensione, uti est praxis, certa, & docent omnes. Deputatio verò ad absolvendum inferioribus parochis & confessoribus, facta ab episcopo, vel ab Episcopis in Concilio Limano, si est gratia, distincta & alterius rationis ab ea, quæ per pontificem fit Episcopis, est gratia, non pontificia, sed episcopalis: de qua est certius per Cruciatam non suspendi, ut communiter habent Authores.

(III) *Cometieren sus voces*. Vide supra Ord. 58. Adnot. X., ex qua videtur jam facta commissio parochis & Indorum curam gerentibus, ut eos à Papæ reservatis absolvant; Quibus adde ea quæ nuper retuli ex Montenegro. Similis deputatio continetur in Synodalibus Arequipæ anni 1684 (b) ibi: *y declaramos*, que para los Indios no hai caso alguno reservado, aunque sea el de la heregia, porque de todos los pueden absolver los Curas y Confesores, à cuyo cargo estan por concessiones de breves apostolicos, para cuyo efecto desde luego en quanto sea necessario cometemos plenariamente nuestras veces à nuestros curas, y à los confesores aprobados para Indios. Neque aliam magis specialem deputationem requiri putat Avendaño (c).

(IV) *Quintar ó restringir*. Restricta est facultas hæc in Synodalibus de Puerto Rico (d) per Ill. Lopez de Haro promulgatis anno 1647., ubi dicitur: *Por Bula de Gregorio XIII. tienen los preladados de las Indias potestad y los confesores à quien dieren sus voces, para absolver à Indios de heregia, idolatria, y de todos los casos reservados, assi en el fuero interno como en externo*. Damos nuestras veces à los parrocos y Hostrineros, paraque en el fuero interno puedan absolverlos de todos los crímenes reservados occultos.

OR-

(a) Castrop. tit. 25. De Bullar. P. 1. ad m. 21.

(b) Synod. de Areq. lib. 1. tit. 6. cap. 13.

(c) Avend. tit. 22. cap. 17.

(d) Syn. de P. Rico, cap. 31.

## ORDINATIO CLXVII.

Anno 1585. 25. Jan.

**U**T in Angola, Æthiopia, Brasilia & aliis Indicis Regionibus possint locorum Ordinarii, parochi, & presbyteri Societatis ad confessiones audiendas ab ejusdem Societatis superioribus approbati dispensare (1) cum utriusque sexus fidelibus quibuscumque incolis dictarum regionum & servis ad fidem conversis, qui ante susceptum baptismum matrimonium (II) contraxerant, ut eorum quilibet etiam superstite conjuge infideli, & ejus consensu minimè requisito, & responso non expectato cum quovis fidei aliàs tamen ritè contrahere, & in facie ecclesiæ solemnizare, & in eo postea carnali copula consummato, quoad vixerint remanere valeant: dummodo constet etiam summarie & extrajudicialiter, conjugem ut præfertur absentem legitimè non posse moneri, aut monitum intra tempus eadem monitione præfixum suam voluntatem non significasse. Et etiamsi priores conjuges infideles post contractum secundum matrimonium aut ad fidem convertantur, aut ostendant se justè impeditos fuisse ad declarandam suam voluntatem; nihilominus prædicta matrimonia rescindi non debere, sed valida (III) & firma, prolemque inde susceptam legitimam fore. Ita habet Compendium Privil. Soc. (a). Avendaño (b), & Ill. Motenegro (c) referunt eandem Constitutionem, cujus initium est *Populis & nationibus*.

## A D N O T A T I O N E S.

(1) *Dispensare*. Laborat Avendaño loc. cit. in quærendo subiecto dispensationis hujus, quæ videtur respicere infideles nondum ecclesiæ subditos. Verum Pontifex ad hos non extendit potestatem, sed jam fidelem & per baptismum jam subditum deobligat a Jure per conjugium in infidelitate contracto. Quæ deobligatio passim dicitur dispensatio propriè vel impropriè, etiam quando jus est naturale, ut patet in voto & voti dispensatione jure naturæ obligantis; sive hoc fiat quia in obligationis subiectum vel materiam mutatio quædam inducitur, sive quia conditio tollitur tacitè importata in obligatione sono tenus absoluta, sive quia declaratur ablata, sive quâ alia ratione.

(II) *Matrimonium*. Fuerunt qui Indorum matrimonia aliud non esse dixerint, quam veros concubinatus: quod de quarumdam regionum indigenis satis verosimiliter proditum est, & de Mexicanis temerè vulgatum credit Fr. Joannes de Torquemada (d). Præsens verò constitutio dici nequit data esse ex præsumptione quod matrimonia horum infidelium nulla sint: sic enim opus non erat dispensato, nec juberet Pontifex absentem requirere vel monere, aut ejus consensum etiam præsentis expectare. Imo id ex-

(a) *Compend. V. Matrimonium* §. 3.(b) *Avend. rit.* 12. num. 398.(c) *Monten. lib.* 3. tr. 9. sect. 8.(d) *Torquem. Monarch. Ind. lib.* 13. cap. 15. pag. 444. Edit. 1723.

id expresse definit Pontifex in constitutionis exordio apud cit. Montenegro sic habente: *Nos attendentes ejusmodi connubia inter fideles (corrigere infideles) contracta, vera quidem, non tamen ita rata censerī, ut necessitate suadente dissolvi non possint &c.*

(III) *Valida & firma.* Totus iterum est Avendassio in concilianda hac firmitate & valore, subindeque presentis constitutionis autoritate aut veritate cum indissolubilitate matrimonii ab infidelibus contracti. Dici tamen potest ac debet, quod alibi notatum est (a), contractus matrimoniales infidelium non habere tantam nec talem firmitatem, quantam & qualem habet contractus dum sacramentum simul est; sed esse indissolubiles ea ratione qua contractus alii rite celebrati, vel qua res sunt à suo domino inaufertibiles. Sunt hæ jure naturæ inaufertibiles licite invito domino; possunt nihilominus auferri, sicut & contractus civiles irritari à Principe, dum ad bonum interest altioris ordinis, nempe ad bonum commune reipublicæ. Sic etiam matrimonialis infidelium contractus est indissolubilis, & quidem naturæ lege. Potest tamen, dum ad fidelium in fide conservationem expedit, à Principe reipublicæ christianæ Summo Pontifice dissolvi. Et hoc causæ vel finis expressit Gregorius in citato presentis constitutionis exordio dicens: *Ne homines continentiae servandæ minime assueti propterea minus libenter in fide persistant, & alii eorum exemplo ab eius perceptione deterreantur.*

Præter Gregorium in præsentē ordinatione, declaravit infidelium matrimonii cum causa dissolubilitatem Urbanus VIII. 20. Octobr. 1626, & iterum 17. Sept. 1629. ut vide Ord. 260. & 278. Cum hoc tamen stat, quod à P. Mutio Viteleschi Præposito Generali S. J. responsum est ad Postulat. 7. Congreg. IV. Provinciæ Paraguariæ. Nempe postulaverat Congregatio, ut peteretur à Summo Pontifice facultas, ut ethnicus baptismum petens, nolensque uxorem, quam duxerat ante baptismum, posset alteri nubere. Rescriptum est; *Petendam* nullo modo judicamus facultatem de re, quam fieri non posse constat Theologorum *sententia*. Scilicet ad matrimonium infidelium dissolvendum requiritur causa gravis, qualis non erat præcise ethnicum jam nolle uxorem antea ductam, præsertim cum in Postulato nulla habeatur ratio, nulla fiat mentio de conditione requisita ut uxor prius ducta moneatur, & saltem extrajudicialiter constet, moneri non posse, aut monitam non respondisse.

Ad extremum observa, Benedictum XIV. (b) hoc privilegium referentem a Gregorio XIII. concessum pro Angola, Æthiopia, & Brasilia, omisisse Regionem alias Indicas pro quibus etiam est concessum, ut constat ex litterali textu apud citatos autores. Sed ibi Benedictus non integrum privilegii tenorem exponere suscepit, sed mentionem facere in summa relati: Verba Benedicti sunt: *Gregorius XIII. locorum ordinariis, parochis, & presbyteris missionariis S. J. in Angola, Æthiopia, & Brasilia degentibus potestatem fecit dispensandi cum quolibet conjuge, qui christianæ religioni nomen dedit, ut novum possit matrimonium inire*  
omissa

(a) *Supra* Ord. 32.

(b) *Bened. XIV. lib. 6. De Syn. Diac. cap. 4. num. 3.*

omissa interpellatione alterius conjugis infidelis, quem constat legitime interpellari non posse.

In novissimo Compendio Privil. Soc. (a) fit remissio pro intelligentia hujus privilegii ad Bullam *In suprema* Benedicti XIV. (b), quæ similis concessio fit Nuntiis Venetis pro domo neöphytorum. Et pro usum maximam cautelam requirente fit etiam remissio ad Canonistas in Cap. *Quanto De divor.*, & ad S. Congregationis Resolutiones (c), in quibus habetur 1., interpellationem conjugis infidelis esse de jure necessariam, nempe in casu quo conjux hebræa recens baptizata, ante annos undecim erat à marito hebræo repudiata. 2. Stantibus circumstantiis periculi in mora, & absentia mariti, de quo an viveret, & ubi moraretur, ignorabatur, indulgendam esse dispensationem ab interpellatione. Allegaturque præsens constitutio gregoriana. 3. Si detur Titium hebræum baptizari, Hæviæque uxorem interpellatam nolle converti primura, sed deinceps postquam hebræo alteri nupserat, baptizatam esse redire debere ad primum conjugem Titium. Scilicet, nisi Titius interea matrimonium catholico ritu celebrasset.

## ORDINATIO CLXVIII.

**P**RO Indiis concessit Gregorius XIII. quod a simplici sacerdote conferratur confirmationis sacramentum. Ita habet Felix Potestas (d). Sed videtur facultas non esse tam indefinite concessa, ut hic enuntiatur, sed ad certas personas & loca determinata: quod non exprimit hic author. De eadem facultate sequentia habet Benedictus XIV. (e): *Quibusdam* Societatis Jesu religiosis, ut christianos Brasiliæ sacro chrismate inungerent, indultum fuit à Sede Apostolica, ut à P. Ludovico. Fonseca se accepisse narrat Arcudius (f). Vide supra Ord. 140., & infra anno 1757. 2. Martii. Adventus Romam P. Ludovici Fonseca contigit anno 1593., ut refert Arcudius ipse apud P. Joannem Baptistam Prileszchium modernum S. J. Tyrnaviæ Professore (g). Ex quo facultas brasilica ad præsentem Gregorii XIII. commodè referri potest. Verba Tyrnaviensis Professoris sunt: *Simile* quid refert Arcudius, P. Ludovicum Fonsecam S. J., cum ex Brasilia Romam ad Congregationem Generalem (Quintam) anno 1593. venisset, sibi præsentibus Gymnasii Græcorum in Urbe alumnis, pro certo affirmasse quod ipse in partibus illis sacramentum confirmationis administrare solet, & quod diploma pontificium hac super re illis asseveretur. Vide Ord. 590. Adm. 2. anno 1746. 6. Dec.

OR-

(a) Tom. 1. Inft. pag. 319. V. Matrimonium. §. 3.

(b) B. XIV. tom. 1. Bullar. Const. 117.

(c) Refol. S. C. C. tom. 2. p. 117, & 1. 3. p. 346. 372.

(d) Potest. 10. 1. P. 4. De Confirm. c. 3. n. 3023.

(e) B. XIV. lib. 7. De Synod. Diac. cap. 7.

(f) Arcud. lib. 2. Concord. cap. 15.

(g) Prileszchi, 1r. De Sacram. num. 389. pag. 375.



## ORDINATIO GLXIX.

Anno 1585. 28. Jan.

**N**E alii quam de Societate Jesu ad provincias Japoniæ & Sinarum proficisci possent prædicandi aut docendi causa. Mentio fit in Const. *Onerosa* Clementis VIII., per quam constitutio præsens reformatur. Vide Ord. 198.

## ORDINATIO CLXX.

Anno 1585. 20. Dec.

**U**T Episcopi Indiarum, scilicet Asiatici, & qui extra Asiam, & in novis aliis terris orientis, meridiei, occidentis, & septentrionis sunt, tam in insulis quam in continentibus, decimo quoque anno iter suscipiant ad visitanda limina Apostolorum, computato decennio à tempore consecrationis, vel traditionis pallii, vel translationis, ita ut tempus prædecessori excursus successoris effluxisse intelligatur. Ut antequam Ecclesiæ regimini & administrationi se immisceant, jurent se personaliter visitaturos. Quod si impediti fuerint, per certum nuntium ad id speciale mandatum habentem de capitularibus, aut alium in dignitate ecclesiastica constitutum, aut alias personatum habentem; aut si hujusmodi hominem non habeant, per diocesenum sacerdotem; & si clero careant, per alium presbyterum sæcularem aut regularem spectatæ probitatis & instructum. Alii suspensos ab ingressu Ecclesiæ, & administratione tam temporali quam spiritali, & perceptione fructuum tandiu privatos esse vult Pontifex, donec resipiscentes relaxationem suspensionis à Sede Apostolica obtinuerint. Non obstantibus &c. Extat in Bullar. Cherub. tom. 4. C. 15. Sixti V. Incipit *Romanus Pontifex*. Id ipsum quod generaliter in hac Ordinatione, inculcatur specialiter in Bullis, dum aliquis promovetur, scilicet, ut quolibet decennio Limina Apostolorum visitare habeat. Vide infra anno 1763. 18. Jul.

## ORDINATIO CLXXI.

**S**ixtus V. respondit ad 37. dubia, quæ Gregorio prædecessori S. Thurbus Limanus Archiepiscopus proposuerat. In eorum decimo-quarto decidit, in concilio provinciali cognosci & determinari posse minores (1) causas criminales Episcoporum. Meminit P. Petrus Lozano in *Historia Provinciæ Paraquariæ S. J. (a)*. De resolutionum earundem numero est, quæ refertur in *Lima limata (b)* scilicet Notarium ubi res emuntur carò exigere posse pro scriptura, non solum decimam sed quintam (11) aurei partem. Reliquas ex 37. resolutiones in hujus Breviarii supplementum redege-

---

(a) *Lex. Hist. del Parag.* tom. 1. l. 1. c. 8. n. 5. (b) *Lima lim.* pag. 129.

degeram cum adnotationibus ex M. S. Romani cujusdam Qualificatoris petitis; sed supplementum cum adversariis aliis periit naufragio: nec est in promptu quo lacuna reparetur. Resolutiones videsis apud D. Franciscum Antonium Montalbo in Vita S. Thuribii, quam inscripsit *Sol del Nuevo Mundo*.

## A D N O T A T I O N E S.

(1) *Minores causas*. Idem erat decretum jam in Concilio Tridentino (a), ibi: *Causæ criminales graviore contra Episcopos, etiam hæresis, quod absit, quæ depositione aut privatione dignæ sint, ab ipso tantum Summo Pontifice cognoscantur & terminentur . . . Minores tamen causæ Episcoporum criminales in Concilio tantum Provinciali cognoscantur, vel à deputandis per Concilium Provinciale*. Hujus generis fuit causa ad Concilium Limense delata contra Episcopum Cuzquensem accusatum injustitiæ in gravanda diœcesi. Quam Episcopus Platenfis & Tucumanensis determinandam judicarunt in Concilio, S. Thuribius ad Summum Pontificem remittendam, ut refert cit. Lozano.

(II) *Quintam aurei*. Decretum est in Concilio Tridentino (b), ut *Notarii in iis tantum locis, in quibus non viget laudabilis consuetudo nihil accipiendi, pro singulis litteris dimissoriis aut testimonialibus decimam tantum aurei partem accipere possint, dummodo eis nullum salarium sit constitutum pro officio exercendo*. Decerniturque ibi, ut tam dantes quam accipientes, qui secus fecerint, præter divinam ultionem poenas à jure inflicta ipso facto incurrant.

Hoc Tridentini decretum sic explicat Ill. Montenegro (c): *Dice pues el Concilio, que por unas dimissorias, ó testimonio de que el sacerdote que va à otro Obispado no va suspenso, ni descomulgado, &c. puede llevar el Notario la decima parte de un ducado, que es poco mas de un real: y lo mismo por titulo de ordenes, y por las colaciones, instituciones, y provisiones de beneficios que se dan por vacante ó por permuta. Lo mismo por el despacho de unas reverendas, y por la aprobacion de capellanias, y patrimonios para ordenes, y por la licencia para que los curas hagan ausencia de sus beneficios*. Dice Diana (d): *Hucusque S. Congregatio*. Unde videant Episcopi, quid efficiatur in eorum curiis. *Essa tassa fue hecha en Italia, donde comen à menos costa, y ha mas de cien años que se hizo, que eran diferentes tiempos que estos, quando por haver mas plata valen mas las cosas, y mas en Indias. . . .* Pero se advierta, que no queda al arbitrio de cada uno señalar lo que se le antojare. Hæc Montenegro, ibidemque refert designationem quintæ aurei

(a) C. Trid. sess. 24. cap. 5. De Ref. . . . Diana à Montenegro: sed S. Congregationis decreta hic relata, & que data sunt 7. Feb. 1602. vide apud Masheuccium in Officiali Curia Ecclesiastica, cap. 49. num. 48. pag. 321.

(b) C. Trid. sess. 21. cap. 1.

(c) Monten. lib. 5. tr. 2. f. 6.

(d) Diana P. 5. tr. 13. R. 70. Sic citatur

aurei partis factam à Sixto V.; & quod standum est taxæ curiæ sæcularis, ubi propria non sit.

S. Congregatio apud Dianam loc. cit. ait, pro litteris collationis aut institutionis curatarum ecclesiarum, vel deputationis vicariorum in illis, exigí posse à Notario unum aureum, nihil tamen exigendum pro approbatione ad confessiones, pro licentia administrandi sacramenta, deserviendi beneficiis, sepeliendi cadavera, celebrandi, colligendi eleemosynas, ac pro mandatis publicandi in ecclesia eos, qui primam tonsuram vel minores, aut sacros ordines suscipere voluerint. In taxa Tucumanensi ab Ill. Trexo initio sæculi proxime elapsi confecta dicitur: *De qualquier mandamiento, ó de otra qualquiera cosa lleve el Notario quatro reales, y si tuviere mas de hoja, llève por hojas.... De cada hoja escrita de ambas planas, que una de ellas tenga treinta renglones, y cada renglon seis partes, medio peso... Su firma que es quatro reales.*

In lege 22. tit. 8. lib. 5. Juris Hispano-Indici habetur: *Los Notarios Apostolicos y Ecclesiasticos lleven los derechos, que conforme à los aranceles y ordenanzas deben llevar los Escribanos Reales en la provincia donde residieren y no mas.* Et alibi (a) præscribitur, ne taxa in Indiis excedat quintuplum castellanæ. In Scheda Regia citata à Valenzuela (b), ne excedat triplum toletanæ. Et in alia apud Frassum (c), triplum hispalensis. In taxa Arequipæ approbata in Synodo anni 1684. dicitur inter alia: *Por qualquier mandamiento que diere el Juez (llève el Notario) quatro tomines.* Quod plus est quam decima & quam quinta aurei pars. Vide supra Ord. 152.

Neque varietas & excessus quicumque damnanda sunt, sed æquitate duce, exemplo S. Congregationis variare licet, quandoquidem pro varietate regionum & temporum varium est argenti pretium, & annonæ caritas. In Memoriis Trevultianis (d) observatum est, post inventum Novum Orbem argenti copiam esse decies majorem, sed valorem esse novies minorem. Merces etiam in America præsertim transmarinæ sunt in summa caritate: quo stipendiorum aliquis in quantitate excessus justificatur.

Sed quando Ill. Montenegro loco citato interrogat: *Como podra pasar un Notario, que por unas dimissorias, o por una certifiación de que no vá suspenso, ni descomulgado gana por cada cosa de estas la decima parte de un ducado, que es poco mas que un real?* Responderi potest, Notarium supponi vel beneficio ecclesiastico donatum quo congruè sustentetur, vel posse tempus brevi scriptioni reliquum impendere in officio aliquo vel exercitio, cujus obventionibus vivat. Neque enim teneretur brevem operam à Notario petitam cliens integro diurno stipendio rependere.

OR.

(a) *Lege 178. tit. 15. lib. 2. Rec. Ind.*

(b) *Valenzuela, Addit. ad Solern. l. 4. c. 3. n. 40.*

(c) *Frasso, Cap. 92. De R. Ind. Patron.*

(d) *Mem. de Trev. ann. 1746. art. 80.*

ORDINATIO CLXXII.

SIXTUS V. Hospitale Mexicanum S. Hipolythi, erectionem & ordinationes approbavit. Mentio fit tom. 9. Bullar. Rom. Const. 195. Innoc. XII. Vide Ord. 189. 445. 452. 547.

ORDINATIO CLXXIII.

Anno 1586. 3. Sept.

UT Franciscani possidere pergant per decennium possessa etiam in rebus Indiarum occidentalium & orientalium, quamvis de illorum concessione aliter non constet. Extat in Bullar. Roderic. Const. 1. Sixti V. Incipit *Dilecte fili*. Sine titulo non procederet usu-capio longi temporis seu decenni *arg. leg. Diutina. C. De Præscr. long. temp.*, quamvis procedat inter præsentem cum titulo sicut procedit inter absentes vicennalis ex Jure Hispano (a), cui conforme est Cæsareum. Requiritur ergo possessio tricennalis ad præscribendum sine titulo. Præsentem verò privilegio suppletur defectus tituli, ut possit decennio præscribi.

ORDINATIO CLXXIV.

Anno 1587. 15. Maii.

SIXTUS V. instituit pro Ordine S. Francisci officium Commissarii Generalis Indiarum: & quod vocem habeat in Capitulo. Extat Bulla apud cit. Roderic. Constit. 15. Jam ab anno 1572. Fr. Christophorus à Capite-fontium Minister Generalis annuerat, ut aliquis Frater, quem Rex Catholicus nominaret, esset Commissarius Generalis rerum sui Ordinis indiarum, cum plenitudine potestatis, & qui in illius curia resideret regiis expensis alendus, ut refert Fr. Ludovicus Miranda apud Solorzanum (b). Et in comitiis ejusdem Ordinis celebratis Toleti anno 1583. id ipsum approbatur. Et in Jure Indico (c) plura etiam de Commissarii electione, jurisdictione, & alimentis decernuntur. Eodem Commissarii Generalis nomine, minore tamen autoritate subinde mittuntur ad Indias ejusdem Seraphici Ordinis Visitatores, de quibus id specialiter statutum est, ne munus eorum expiret per decessum aut destitutionem Generalis: quod à S. Pio V. & Gregorio XIV. concessum dicitur in cit. Jure Indico (d). De Generali Commissario Matriti residente vide Emmanuelem Rodericum seu Rodriguez Minoritam (e), qui altius repetit ejus originem, & auctoritatem discernit a jure Commissarii Cismontani.

OR-

(a) Leg. 18. tit. 29. Partit. 3.

(b) Sol. orx. tom. 2. de Ind. Jur. l. 3. c. 26. num. 41.

(c) Lib. 1. tit. 24. a. leg. 55.

(d) Leg. 28. tit. 14. lib. 1. Recop. Indiar.

(e) Rodrig. tom. 1. 22. Reg. 9. 52.

## ORDINATIO CLXXV.

Anno 1587. 8. Nov.

**U**T Minores cuntes ad conversionem infidelium indulgentiam habeant in die ingressus in Indias & in articulo mortis præter alias pro visitantibus eorum ecclesias vel altaria, aut juvantibus in conversione infidelium. Extat in Bullar. Roderici n. 12. Et licet Paulus V. in Const. *Romanus Pontifex* data 23. Maji 1606. nullas reddiderit præter ibi expressas indulgentias omnes *quibuscumque* Ordinibus & personis regularibus concessas ante illud tempus, ibidem tamen concessit religiosis indefinite, quotiescumque in terras infidelium evangelizandi causa missi fuerint, si pœnitentes, confessi, & sacra communione refecti fuerint, vel missam celebraverint, pro duabus vicibus, videlicet quando itineri se accingunt, & quando provinciam quo mittuntur ingressi fuerint, indulgentiam plenariam.

## ORDINATIO CLXXVI.

Anno 1587. 15. Nov.

**M**inoribus reformatis Philippinarum conceditur pro visitantibus illorum ecclesias bis in anno ad Provincialis assignationem indulgentia plenaria. Extat in Bullar. Roder. Incipit *Uberes fructus*.

## ORDINATIO CLXXVII.

**M**inoribus etiam in Brasilia concessionem fecit Sixtus V. similem factæ a S. Pio V. circa exercitium muneris parochialis in Indiis Hispanicis per regulares obeundi. Ita refert Portel (a), qui Sixtinæ bullæ transumptum authenticum se vidisse testatur. Additque: *Eadem* concessio facta est (ut arbitror) Minoritis in India orientali, ubi assistunt in multis locis Indorum conversioni, quibus baptismum *administrant*. Vide Ord. 263. 264. 273. 596.

## ORDINATIO CLXXVIII.

Anno 1588. 26. Oct.

**S**ynodus (I) Limana anni 1583. autoritate Syxti V. à S. Congregatione Concilii emendata (II), atque aptata fuit, ut de mandato Cardinalis Carrasæ testatus est Laurentius Frizolius. Ita habetur ad calcem editionis ejusdem Synodi factæ de mandato Philippi II. typis Matritensibus.

AD-

---

(a) Portel, *Dubia Regul. V. Matrimonium in Addition. num. 9.*

## ADNOTATIONES.

(1) *Synodus Limana*. Tres ante Provinciæ Platenfis a Lima dismembrationem celebratæ sunt Limæ Synodi Provinciales, præter duas alias etiam Provinciales, & saltem decem Diocesanas a solo S. Thuribio coactas, quas vide apud Haroldum in Opere inscripto *Lima limata*. De quibus dolendum est, nulli fuisse locum in collectionibus Conciliorum Harduini & Labbei, sicut nec alii de tot in America per duo sæcula celebratis, si Mexicanam excipias, cum tot canonum novitas & pretium ad divulgandum invitet. Utinam sit qui potens audeat, & opus olim irritò conatu susceptum, ecclesiasticæ Indiarum rei utilissimum, inclytæ Hispanorum genti gloriosum, & rei litterariæ jucundum, aggrediatur & perficiat *Collectionem Synodorum Novi Orbis*.

Prima Synodus Limensis habita anno 1552. sub Ill. Hieronymo Loaisa primo Episcopo, primo etiam Archiepiscopo Limano vulgo Concilii Limensis annumeratur, sed immerito, fuit enim congregatio quædam, non conciliari ritu coacta, & legitima autoritate destituta, ideoque nullam obligandi vim obtinet, neque in provincia, neque in diocesi, ut habes in Concilio Tertio præsentis ordinatione confirmato (a). Secunda Synodus Provincialis sub eodem Ill. Loaisa anno 1567. ritè celebrata & promulgata fuit, ut habetur ibidem. Tertia, de qua modo, est prima a S. Thuribio coacta, cujus statutorum executio indicitur à Rege Catholico in Regia Scheda citatæ editioni præfixa, quæ in Juris Indici Hispani (b) legem abiit.

(II) *Emendata atque aptata*. Non defuit (c) qui putaret huic Synodo ex romana approbatione accrescere vim obligandi omnes ecclesias. Caret tamen opinio fundamento, quamvis approbatio & confirmatio esset positiva; nam confirmatio respicit regiones pro quibus statuta sunt, nisi Pontifex ea juri communi inferendo, aliave ratione ostendat, se velle ut ad regiones alias extendatur obligatio, & de statuto fiat lex universalis. Non aliter ac statuta alicujus religionis seu regularium capituli confirmata per Pontifices, vim tantum obtinent in ea religione. Vide Fagnanum (d), ubi docet; *Decreta* (Conciliorum Provincialium), etsi canonum nomine censerentur, ut in Can. *Regula*. §. Porro, d. 3., tamen non habent vim obligandi extra provinciam... etiamsi postea fuerint per Sedem Apostolicam confirmata, quia confirmatio, nisi aliud in litteris sit expressum, dat robur, sed non extendit actum *confirmatum*. Quod ibidem multo solidat textu. Nunc verò confirmatio præsens, ut vides, non est positiva, sed negativa tantum ut constet adhibita emendatione, nihil obstare quominus statuta obligare pergant eos pro quibus facta sunt. Vide supra Ord.

(a) C. Lim. Añ. 2. cap. 1.

(b) Leg. 7. t. 8. l. 1.

(c) Thomas Hurtado apud Harold. in Not.

ad cap. 24. Añ. 3. Concilii Lim.

(d) Fagn. rom. 1. in C. Canonum statuta.

De Constitutionib. num. 13., & seq.

Ord. 86. Adnot. I., & Barbosam (a) referentem sine data S. Congregationis Concilii oraculum huius tenoris: *Concilium* Provinciale non obligat extra provinciam, & extra eam non facit legem, & per approbationem quæ fit à Sacra Congregatione, non intelligitur confirmatum autoritate apostolica, sed tantum *permissum*.

Nempe suapte natura & vi obligare habent in provincia Concilia ejusmodi, ut tradunt Theologi cum Suarez (b), & Canonistæ cum Schraier (c); *si canonica sint, & canonica statuta continent*. Quæ conditio in omnibus implicita, in Concilio, de quo modo est sermo, exprimitur Añ. 2. cap. 1. Et per illiusmodi approbationem permissivam seu confirmationem negativam adhibita correctione, ubi opus est, aprantur, ut canonica esse constet & canonica statuta continere. Nec aliter confirmari consueville concilia provincialia, exceptis Mediolanensibus, notavit Thomasi, & Fagnanus dicens (d): *Omittendum non est, Concilia Provincialia Mediolanensia consueville approbati à Summo Pontifice per litteras in forma Brevis, cum tamen alia Concilia Provincialia non confirmentur; sed tantum modo recognoscantur & emendentur a S. Congregatione Concilii juxta præscriptum constitutionis Sixti V. super institutione ejusdem Congregationis*. Imò & Mediolanensium Conciliorum exceptio limitari videtur ad Quartum & Quintum ex iis quæ habet Benedictus XIV. (e) scribens: *Hodie vero etsi... sola condantur (in Conciliis Provincialibus) decreta disciplinam respicientia... transmitti jussit Sixtus V. ad Congregationem Concilii, non ut postea confirmationem reportent à Sede Apostolica, sed ut corrigantur... Non semel tamen... accidit, provincialia concilia... etiam à Sede Apostolica ita petentibus Metropolitanis, per apostolicas litteras confirmari*. Gregorius XIII. approbavit Quartum & Quintum ex *Mediolanensibus*. Sed neque hac quantumvis speciali Mediolanensium Conciliorum approbatione extrahuntur statuta ut alibi obligent quam in locis pro quibus facta sunt.

Neque aliud intendit Ill. D. Ferdinandus de Trexo Tucumanæ Præsul in Synodalibus anni 1606. (f) dum ait: *Per confirmationem pontificiam statuta limana devenisse canones sacros*. Neque enim dicit, devenisse canones universales, quamvis alioquin nomen *canones* stricte sumptum referri soleat ad regulas communes fidei vel religionis. In lege verò citata Juris Indici habetur, & esse confirmatum Concilium Limanum, & Pontificem præcepto indixisse executionem. Quod rectè habet, quin propterea ubique terrarum statuta executioni ex præcepto mandari debeant. Idque exprimitur in cit. Regia Scheda, unde lex desumpta est, per hæc verba: *Encargo al M. R. P. Arzobispo de la Ciudad de los Reies, y à los R.R. Obispos sufraganeos comprendidos en dicho Concilio Provincial, &c., ubi de sufraganeis tantum dicitur comprehendendi*.

Quæ-

(a) Barbof. *Collectan. V. C. Provinciale*.

(b) Suar. lib. 4. *De Leg. c. 6. n. 10.*

(c) Schmier, lib. 1. *Jurisper. Can. tr. 1. c. 4. f. 2.*

(d) Fagnan. in 1. *Decr. c. Firmiter, De Summa Trin. num. 48.*

(e) B. XIV. liv. 8. *De Syn. D. cap. 3. n. 4.*

(f) *Synodo de Tucuman, cap. 20.*

Quoniam verò sint capita Concilii nostri Limani à S. Congregatione emendata & aptata secundum præsentem ordinationem, constabit ex litteris P. Josephi Acosta S. J. ad Senatus Indici tunc Præsidentem D. Ferdinandum de Vega datis, quæ in Matritensi Editione publicatæ sunt. In primis, scribit Acosta, censuræ quædam in quibus excommunicatio ipso facto ferebatur, quod videretur pœna rigidior, vel prorsus sublatae sunt, vel in pœnas mitiores mutatae. Nam quæ Act. 2. cap. 23. ferebatur adversus faminas cooperto vultu vias publicas inambulantes, sive de fenestris prospicientes cum processiones fiunt, omnino sublata est.

Quæ Act. 3. cap. 9. adversus clericum sine litteris dimissoriis ab una ad aliam diocesim commeantem, commutata est in pœnam pecuniariam arbitrio Episcopi.

Item quæ in eadem Act. & cap. adversus vicarios, & provisores, & iudices ecclesiasticos admittentes clericum ex aliena diocesi ad celebrandum sine litteris dimissoriis ferebatur, eodem modo commutata est in pœnam pecuniariam arbitrio Episcopi.

Præterea in eadem Act. 3. cap. 17. adversus clericum aleis aut charitis pîctis, aut alteri ludo jure prohibito vacantem sententia excommunicationis ipso facto ferebatur, dummodo pretium duorum aureorum excederet ludendo. Id temperatum est, ut pœnam excommunicationis clericus non incurrat, ni summam luserit excedentem quinquaginta aureos.

In eadem Act. cap. 18. ferebatur adversus clericum, qui faminam equitando ducit à tergo, aut ambulando manu tenet, aut comitatur, itemque in ipsas faminas tali ministerio clericorum utentes; mutata est in pœnam arbitrio Episcopi. Quin etiam quod decretum habebat, etiam si mater esset aut soror, non esse faminam à clerico comitandam, quia nimium id visum est, correctum est, ut exceptio potius fiat, nisi mater aut soror sit. Equum enim censuerunt Patres gravissimi, ut matri aut sorori possit clericus hujusmodi obsequium impendere.

Cap. 21. eadem ferebatur excommunicatio in clericum conducentem decimas per se, vel per interpositam personam. Et hæc prorsus sublata est.

Præter censuras dictas etiam moderari placuit quod Act. 2. cap. 30. decretum erat ut nullus ordinaretur ad titulum domicilii jurati, nisi per triennium integrum verè & realiter commoratus esset in eadem diocesi; Cujus loco positum est: Neminem sub prætextu domicilii esse ordinandum, nisi illud legitime quemadmodum jus statuit fuerit contractum.

In cap. 7. Act. 3. habetur, in causis criminalibus clericorum neque Fiscalem, neque Notarium laicum esse admittendum, sed in sacris ordinibus constitutos esse debere, qui his officiis fungerentur. Id tamen auferri placuit quod non usque adeo juri conforme visum sit.

Cap. 16. Act. 4. cum ageretur de parochia non suscipienda sine Episcopi collatione etiam à regularibus, additum erat, regulares præter Ordinarii facultatem curam gerere parochiæ, nullatenus jura permittere, & matrimonia ab iis copulata esse irrita & invalida, nisi apostolico privilegio fulcirentur, quod tamen nullum esse Episcopi judicabant. Hoc to-



tum detrahendum Sacra Congregatio censuit; quod noluerit de privilegiis sedis Apostolicæ, quæ se Regulares habere contendunt, definitam ferre sententiam. Quare causam hanc inter Ordinarios & Regulares pro neutra parte definitam reliquit. Sunt etiam nonnullæ poenæ pecuniariæ de quibusdam locis detractæ.

In Aët. 1. professio fidei posita erat juxta Concilium Compostellæ Salmanticæ celebratum. Visum est potius ponendam vel addendam eam formam, quam Pius IV. inducit in Const. edita anno 1654., cujus initium est *Injunctum nobis*.

Aët. 3. cap. 33., ubi de sanctimonialium bonis agitur, ad finem totius decreti addidit Congregatio: Quod si ex redditibus monasterii, vel ex consuetis eleemosynis tantum suppetat monialibus, ut ad ipsum victum, fabricam ecclesiæ, aliasque necessitates commodè sufficiat, minimè licet alias recipere pacta certa eleemosyna pro dote; secus si monialium numerus augeatur. Cur id addiderit in promptu est, quod simoniacum judicaretur pro ingressu monasterii de bonis pacisci, tantumque eleemosynæ id accipere tutum sit, ubi monasterium indiget.

In 5. & ult. Aët. breve capitulum addidit in hæc verba: Omnia autem hujus Provincialis Concilii, & singula decreta Sedis Apostolicæ censuræ & correctioni sint subiecta. Nam quod Archiepiscopus & Episcopi per litteras SS. D. N. significarunt de sua reverentia, & submissione fidelissima ad Sedem Apostolicam, id ipsum aliquo decreto in ipso Concilio testandum fuit, quemadmodum solent Synodi non solum Provinciales, sed Generales etiam & Œcumenicæ Summi Pontificis confirmationem & approbationem postulare.

Quamvis aliquot excommunicationes latæ censuræ S. Congregationi remove placuerit, ut est supra ostensum, non tamen omnes quæ in hoc Concilio Provinciali decretæ sunt. Quin potius matura tractatione discussas nonnullas relinquendas ut erant, & approbandas judicavit, quod essent causæ magni ponderis ob quas ferrentur. In quo genere sunt tres præcipuæ. Prima Aët. 3. cap. 41., in eos, qui parochiam Indorum sine assensu sui Antistitis deferunt, aut ante discedunt, quam successoribus rerum suarum curæ commissarum rationem reddant. Secunda Aët. 4. cap. 3. in visitatores processus aliquos occultantes, aut iniqua collusionem cum visitatis eorum crimina dissimulantes, aut ad Ordinarium prædictas causas non integrè transmittentes.

Sed inter omnes hujus Concilii censuras illa præcipua est, quæ Aët. 3. cap. 4. & 5. lata est in clericos mercaturæ operam dantes, tum etiam in parochos Indorum, qui per se vel per interpositam personam quamcumque cum quibusvis Indis mercaturam exercere præsumunt, aut etiam pecora alere, aut agros colere, aut vehendis mercibus animalia temere vel locare, aut ipsos Indos ad mineralia sibi curanda mittere, vel eorum operam locare, denique vel cum ipsis Indis negotiari, vel cum aliis per ipsos. Hoc sanè decreto graviter parochorum aliqui offensi sunt, atque ob hoc maximè appellarunt, & quantum licuit ut tolleretur egerunt.

Verum ut hæc censura præ omnibus gravior fuit, ita hac dempra

cæte-

cætera omnia in hoc Concilio Provinciali provisâ nullius esse penè pretii & usus, omnes rectè sapientes censuere. Igitur causa hæc parte appellatorum instante, in Regio Senatu Indico discussa est. Sed cum constaret regiis edictis cautum esse, ut parochorum negotiationibus episcopi occurrerent, rectè esse positam censuram Senatus iudicavit. Rex quoque Romæ per suum oratorem Pontifici suggereendum putavit, ut censura in parochos negotiatores lata nullo modo tolleretur, quin potius confirmaretur. Romæ post multam controversiam, atque utriusque partis allegationes auditas tandem est definitum, decretum Concilii cum sua censura manere debere.

Inducta est S. Congregatio in eam sententiam eisdem rationibus, quibus episcopi. 1. Quod negotiatio est scandalosa, dum Indi putant, religionem Christi esse venalem. 2. Quia nimis occupantur Indi huiusmodi lucris. 3. Quia ex eo dissimulantur Caciquorum vitia. 4. Quia sacerdotes de lucro solliciti non curant de sacramentorum administratione. 5. Quia ea occasione fraudes nectuntur, dum Indi parochis obsequium præstaturi merces commutant quo pretio parochis libet. Denique quia tota res sordida est, & Christi ministro indigna. Adhibita est nihilominus a S. Congregatione moderatio, ut posset clericus victui necessaria pecora alere; id enim negotiationis nomine minime debet intelligi (a).

Relictæ quoque sunt quædam aliæ censuræ, sed quæ vix quidquam curæ afferant, quoniam in eas rarus incidere soleat. Postremò Act. 2. decretum ultimum de collegio seminario instituendo, & de contributione faciendâ, reclamante appellatorum parte confirmatum est, propterea quod Tridentini decretum nusquam magis necessarium sit atque in novis Indorum ecclesiis, quæ ministrorum & numero & facultate indigent.

## D U B I U M.

*An & qua ratione obliget Concilium Limense in locis & regionibus  
e Provincia Limana dismembratis.*

**M**ulti innominati apud P. Avendagno (b) eam vim obligandi negare videntur P. Eugenius Lopez Studii Neô-Cordubensis in Tucumania Cancellarius in *Explicatione Legum Indicarum*, quam prælo parabat, dubitavit. Dubitare etiam videtur Ill. Villarroel Chilenfis Episcopus (c), quatenus ait: *Ahora no disputo, si se comprenden en la disposicion del Concilio de Lima el Arzobispado de los Charcas y sus sufraganeos, que quando se celebrou el Concilio hacian un mismo cuerpo, y muchos años despues se dismembro la dicha Iglesia de los Charcas elevandola a la alteza de Metropolitana.* Ratio dubitandi est, quia Archiepiscopus Platenfis, seu de Charcas, in quantum talis Concilio non interfuit, siquidem non-

(a) Vide Ord. 223. (b) *Avend. tit. 12. Thesaur. Ind. num. 431.*

(c) *Villarr. Gov. Eccl. tom. 2. q. 2. art. 2.*

nondum erat. Et licet adstiterit in quantum Episcopus Limæ suffraganeus; per exemptionem tamen à limana jurisdictione exemptus pariter videtur à lege. Eadem ratio militat pro suffraganeis tum Provinciæ Platenfis, tum locorum aliorum, quæ de Provincia Limana dismembrata sunt. Nullus enim talium episcoporum adstiterit, aut consensum præbuit Concilio, nisi ut Limæ comprovincialis, & hæc qualitas per dismembrationem disparuit.

Sed procukdubio affirmandum est, Concilium Limenfe provinciam & loca dismembrata obligare, eo saltem modo quo Limam obligat; nam plura statuta etiam ibi vel desuetudine vel revocatione obligare cessarunt. Solorzanus (a) ait: *Si el Arzobispado de Lima se dividiera, la costumbre introducida y obtenida por el de Lima aprovecharia à los otros* Como por el contrario vimos y practicamos en el Obispado del Cuzco. Hic videtur author loqui de consuetudine favorabili. Alibi (b) propriam sententiam magis explicat. *Si daretur*, inquit, casus in quo Archiepiscopatus Limensis in alios Episcopatus divideretur, ob locorum distantiam vel aliam rationabilem causam, tunc quod in eo obtentum esse diximus contra Indos, in aliis Episcopatibus ab eo dismembratis absque dubio obtinebit, Sicuti hodie in contrarium videmus, sententiam latam in favorem Indorum Episcopatus Cuzquensis præjudicare & nocere, non solum eidem Episcopatui, sed etiam Guamangensi & Arequipensi; qui ab eo divisi fuerunt. Hic videtur loqui de Archiepiscopatus Limani divisione in Episcopatus, in quos jure metropolitico *dominaretur*.

Alibi amplius contendit (c), ecclesiam noviter divisam gubernandam legibus ejus, à qua divisa fuit. Pro fundamento hujus postremæ positionis dat de more textum multiplicem. 1. *Leg. Si eadem ff. De Off. Assessor. Si eadem* provincia postea divisa sub duobus præsidibus est constituta, velut Germania & Myſſia, ex altera ortus in altera affidebit: nec videtur in sua provincia *affedisse*. = 2. *Cap. Translato, De Consuetud. Translato* sacerdotio (Glossa: Levitico), necesse est, ut legis translatio fiat. Quia enim simul, & ab eodem, & sub eadem sponsione utraque data sunt, quod de uno dicitur, necesse est ut de altero *intelligatur*. = 3. *Can. De his, D. 12. in arg.: Omnes* provinciæ eundem in psallendo modum teneant, quem metropolitani sedem habere *cognoverint*. = 4. *Leg. un. De Metrop. Berito. C. Lib. 11.: Propter* multas justasque causas metropolitano nomine ac dignitate civitatem Beritum decernimus ornandam jam suis virtutibus coronatam. Igitur hæc quoque metropolitica habeat dignitatem. Tyro nihil de suo derogetur jure. Sit illa mater provinciæ majorum nostrorum (Trajani) beneficio; hæc nostro (Theodosii & Honorii): & utraque dignitate simili *persuatur*. = 5. §. *fin. Inst. De satisfd.*: *Necesse* est, omnes provincias caput omnium nostram civitatem, hoc est, regiam urbem ejusque observantiam *sequi*. Sic recitat Solorzanus; sed hoc §. tan-

(a) Solorz. Lib. 2. Polit. c. 23.

(b) Solorz. lib. 2. De Jure Ind. cap. 22. num. 28.

(c) Id. ibid. lib. 3. cap. 1. n. 64. in tom. 2.

§. tantum habetur, quod *Affione* subsidiaria non tenentur quæ dant tutores, sed qui satisfactionem exigunt: quod est planè abs re, non aliter atque cap. *Cum olim*, De *constit.* à Solorzano indigitatum. In quo sicut & in aliis textibus, quorum citationes coacervat, verba non refert, si recurrisset ad fontem, vidisset eruditus author, minus opportunè adduci ad probandam vim obligandi metropolitici juris ecclesiastici in provincias, quæ dismembrantur.

Sed relicta Canonistarum judicio thesi quantum ad jus commune; obligare de facto Concilium Limense in Provincia Platenfi, & locis dismembratis a Limana, per idoneos testes probandum est, cum constet induci potuisse obligationem vel speciali præcepto, vel consuetudine, vel acceptatione in principio libera quidquid sit an in principiis juris communis independentè ab his factis fundata sit obligatio, vel obligandi vis.

Primus testis est D. Antonius Leon Pinellus Author Indicus, Cordubæ natus in Tucumania, quæ una de dismembratis provincia est, Indiarum Chronographus, Honorarius rerum indicarum Judex Hispalensis, qui Regis Catholici nutu & favore Juris Indici, prout nunc recopiatum est, digerendi & exornandi provinciam suscepit & promovit ab aliis terminandam, qui rerum indicarum apprime doctus fuit, expertusque, ut ejus opera edita & inedita testantur. Testis hic, de cujus idoneitate vide D. Nicolaum Antonium (a), sic scribit apud Franciscum Haroldum (b): *Ejus* (Concilii nostri Limensis) decreta recepta sunt, non solum in decem Episcopatibus, qui tunc parebant Archiepiscopatu Limensi, sed in aliis septem qui sunt Pacis, Barrancæ (seu Sanctæ Crucis de la Sierra), Guamangæ, Truxilli, Arequipæ, Fluminis Argentei ex Paraguaiano exciso, & Conceptionis Chilensis qui Imperiali successit, & in aliis ut in Metropolitano Novi Regni Granatensis, & suis suffraganeis Popayanensi, Carthaginensi, & Sanctæ Marthæ, & in Nicaraguano, qui tunc erat suffraganeus Limani, quamvis hodie (ante Guatimalensis Archiepiscopatus erectionem) Mexicano pareat. Ita ut hoc Concilium à D. Thuribio dispositum ordinem & normam dederit in rebus ecclesiasticis tribus Archiepiscopatibus, & septendecim Episcopatibus, in quibus etiam nunc (diu post Platenfis Provinciæ dismembrationem) observatur. Ita Pinello. Quibus Haroldus addit de suo: Plures Episcopatus, postquam scripsit hic author erecti sunt, in quibus primum hoc S. Thuribii Concilium obtinuit. Sed hoc Haroldi additamentum est falsum. Mihi saltem ignoti sunt Episcopatus, postquam scripsit Pinellus, erecti, in quibus Concilii decreta obtineant, nisi jus etiam in Brasiliam extendat.

Pinellum dixi, ut hoc obiter notem, quod nonnullus temere dictum autumavit, Cordubæ in Tucumania natum, quem citatus Nicolaus Antonius ortum ait in Indiis occidentalibus. Limensem facere videtur Barnuevo (c), dum Pinellum nominat *Honor de Lima*. Sed Limam Pinellus aliter

---

(a) N. Ant. Brbl. Hisp. Nov. V. Antonius Leon Pinello. (b) Harold. Lima lim. in Notis ad Appar. litt. a. (c) Barnuevo, Lima fund. Canto 7. octav. 151.

aliter quam nascendo nobilitare potuit. Cordubæ (Tucumatorum) favet coætaneus scriptor D. Franciscus Xarque (a) Rector Potosinus & Judex Metropolitanus Platenfis in Opere post lustratas regiones Paraguaïm & Peruvium interjacentes edito, ubi loquens de duobus Neo-Cordubensibus ait: *Ambos pueden dar numbre à Cordoba, aunque careciera de los muchos hijos de insigne sabiduria, virtud, y prendas que cada dia produce, entre los quales cuenta al Lic. Antonio Leon Pinelo, que murio ya Oidor de Sevilla, quando estaba reduciendo todas las leies de Indias à la debida forma, en que hoi las gozamos.* Idem natalitium Pinello tribuit P. Petrus Lozano in M. SS.

Secundus testis est P. Joannes Alloza (b), & ipse Americanus in rebus Indiarum non minus versatus, ut palam fit in ejus Summa Morali, *Flores Summarum* inscripta, & *Alphabetum Morale*, ubi inquit: *Advertendum*, Limense Concilium in toto Regno Peruano, Chilensi, Tucumanensi, Quitensi, clericos obligare. Scripsit autem Alloza diu post factam provinciarum divisionem, ut minimum quinquaginta post annis.

Tertius est Ill. D. Felicianus de la Vega Episcopus primum Popayanensis, deinde Pacensis, electus tandem Archiepiscopus Mexicanus (c), sanctitate, doctrina, & scriptis celebrer, utriusque Juris Doctor & Professor, Proregum Peruanorum Assessor, unius & alterius Archiepiscopi Vicarius Generalis & Provisor, de quo illud mirabile affirmatur, ex quatuor mille non minus sententiis a se in foro prolatis, nullam vidisse à superiore Judice revocatam aut reiectam. Hic in Synodo Pacensi anno 1638. scilicet unde triginta annis celebrata post Provinciæ Platenfis, ad quam pertinet Pacensis Episcopatus, dismembrationem, inquit: *Todos los Curas... han de ser obligados à tener en su poder el Santo Concilio de Trento, y los Concilios Provinciales, assi del Arzobispado de Lima, que hoi se observan en estas provincias, como los que en adelante se fueren celebrando.*

Accedit pro Tucumania divisæ provinciæ parte latissima, quod Ill. Mercadillo Tucumanensis Episcopus in quadam lite initio labentis sæculi mota Concilii Limensis canonem allegavit apud & contra Metropolitanum Platensem, qui non negavit illius ad obligandum vim. Et Ill. Argandoña in Synodalibus non publicatis anni 1752. id ipsum supponit, quatenus de Synodalibus Ill. Trexo anni 1597. (in quibus statutorum Concilii Limensis indicitur observantia), affirmat, semper illas fuisse observatas in Tucumania. De Episcopatu Bonaerensi post quam à Paraquario divisus est undecim annis post divisionem totius provinciæ, scribit D. Franciscus Antonius Montalbo, quem citatum reperi (d), accepisse Concilium Limense anni 1583.

Quartus est testis Ill. Montenegro (e) Quitensis Episcopus, & Li-  
mæ

(a) D. Xarque, *Vida del P. Franc. Diaz-*  
*cano J. lib. 2. c. 41.*

(b) Alloza, *Verbo Clericus. sess. 2.*

(c) Vide N. Anon. V. Felicianus de Vega.

(d) Montalb. *Sol del N. M. l. 3. c. 3. p. 219.*

(e) Monten. lib. 3. *Itiner. ar. tr. 6. sess. 7.*

mæ comprovincialis, dum scribit: *Adviertase*, que estos dos Concilios Provinciales, el Limense (anni 1583.), y el Mexicano obligan en todas las provincias de Indias, porque el Limense comprende dos Arzobispados y treze Obispados. y por estar mandado guardar en el Nuevo Reino de Granada hastaque en el se confirme el particular, que en Santa Fede Bogotá su Metropoli celebró el Señor D. Fernando Arias Ugarte su Arzobispo, se guarda tambien en su Arzobispado, y en sus tres Obispados sufraganeos. El Concilio Mexicano se guarda en otros diez Obispados sufraganeos, y en la Metropoli de Manila, y sus tres Obispados se guarda por Breve particular de Urbano VIII. dado en Roma à 11. de Marzo de 1626., que assi lo dispone y *manda*. Quod scribere pergit Montenegro de Archiepiscopatu S. Dominici, incertum mihi est an significet, prædicta Concilia, vel eorum aliquod etiam ibi obtinere; an significet solum, ibi obtinere præceptum particulare, quod ibi tractet de tabaccho ante communionem.

Dixi in resolutione Concilium Limanum obligare in locis dismembratis *eo saltem modo* quo Limam obligat, nam plura statuta etiam ibi vel defuetudine vel revocatione obligare *cessarunt*. Saltem excommunicatio lata contra parochos negotiantes obligare desuit per Breve, de quo infra Ord. 213. De gravi prohibitione sumendi tabacchum ante missam incertum mihi est an sit contraria consuetudo ad præscribendum sufficiens. Illud videtur certum contra sententiam Ill. Montenegro ubi supra, non obligare laicos ante communionem, cum loquatur expressè de sacerdotibus celebraturis. Quodsi ex tabacchi usu aliquid irreverentiæ deriveatur in sacramentum à laico suscipiendum, prohibitus erit ille, non statuto limano, sed divino, & naturali. Certum etiam videtur, non extendi prohibitionem synodalem tabacchi ad usum ex vera necessitate, & medicinæ causa, cum prohibeatur usus medicinæ prætextu, qui proprie causam fictam palliatamve significat.

Quod verò Quitensis Episcopus censet expedire, ut prælati laïcis expressius ante communionem tabacchi pulverem interdicant, contrarium habet Benedictum XIV. id etiam de sacerdotibus celebraturis minus expedire judicantem. Verba Summi Authoris sunt (a): *Nimum* severum se præberet Episcopus, si Mexicanæ, aliarumque similium Synodorum vestigiis insistens, aut omnibus ante sacræ eucharistiæ perceptionem, aut solum sacerdotibus ante missæ celebrationem tabacchum interdiceret, adiecta præsertim censurarum poena. Quaproptèr nos in minoribus constituti semper authores fuimus Episcopis, ut hujusmodi constitutionem à suis synodis subtraherent. Benedictus XIII. exploratum habens, à tabacchi usu omnem nunc abesse inhonestatem & indecentiam, illum sumere permisit intra Vaticanam *Basilicam* (ubi sub excommunicatione ab Innocentio X. & XI. erat prohibitus).

AP-

(a) B. XIV. lib. 7. De S. D. cap. 63. n. 3.

## APPENDIX.

**I**N Paraguaria, quæ pars est Provinciæ Platenfis à Limana difmembratæ, & Regni Peruani pars ultima ad orientem, maturabat Diœcefianus edita quædam pro reformanda ecclesiæ sibi commiffæ disciplina circa annum 1760. Erat de clero sæculari qui reclamare meditabatur ex eo quod Concilium Limense, cujus liberali citatione nitebantur Edicta, vi caret in provincia post Concilium nata, cujus Paraguaria est pars. Commodum incommodum accidit, ut quidam Theologiæ Moralis professor de statu regulari eodem tempore dictaret in aula, Concilium Limense non obligare *ex se* in Provincia Platenfi; obligare tamen ex consuetudine, vel speciali præcepto, vel acceptatione in principio libera. Id quod ad allegationum in Edictis, & Edictorum firmitatem satis erat. Quid enim refert, unde proveniat obligatio, si certò obligaris? Gratissimum ergo oportuit esse professoris studium Episcopo, cui non occurrerat dubitandi ratio, nec prætenfa citationum debilitas. Cum de more distribuerentur conclusiones seu theses publicè propugnandæ, mens & doctrina professoris sic est enuntiata.... 6. *Leges* sive statuta Concilii Limensis ex se non obligant in Argentino Archiepiscopatu, nec in ejus diœcesibus suffraganeis. 7. Obligat tamen ubi viget consuetudo parendi illis.

Ignoro quibus fundamentis primam ex his duabus conclusionem probaret professor, nam quod per litteras significatum voluit, ad obligandum in Novo Regno extare mandatum speciale Urbani VIII, ut inferat *ex se* & absque tali præcepto nullam fore obligationem, est fundamentum partim debile, partim abs re. Est abs re, quia Provincia Sanctafidensis de Novo Regno non est de difmembratis a Limana post Concilium, sicut Platenfis seu Argentina; in qua proinde est specialis ratio dubitandi, quippe quæ obnoxia erat juri limano dum celebratum est concilium. Est debile; quia rectè habet quod mandato speciali inculcetur obligatio præexistens. Et passim fiunt specialia mandata, ut observentur decreta Concilii Tridentini, in locis utique ubi obligant. Igitur posset ab Urbano VIII. specialiter mandari, ut observaretur Limense Concilium, quin ex eo possit confici, de se non obligare.

Secunda ex duabus relatis positionibus melius enuntiaretur sic: 7. *Obligant* tamen ex consuetudine, vel undecumque proveniat *obligatio*. Nam adverbium *ubi* conditionem importat obligationis, quam esse absolutam defendi parabatur. Delata est ad Episcopum accusatio, professorem bella movere adversus edicta publicanda, negato iure, & obligatione Concilii Limensis in Paraguaria. Cujus falsitas patet ex facto, quod cuivis nullo negotio, aut facili reconventionem innotescere poterat. Placuit tamen omisso veritatis examine, breviorē arripere viam, interdicta gravi censura disputatione à sæculari clerico sustinenda, dataque ad regularem professoris prælatum sequente scheda.

*El Rei y el Papa (aunque sin meritos) posuerunt me custodem in vinctis. y sabe V. (pues secrio donde hai viñas) que del cargo de sus guardas*

das es la carga y la obligacion de cuidar y zelar, que en sus cercas y vallas no se haga algun portillo, dando cuenta del malhechor que lo intentare al señor de la viña; porque esta no puede tener maior mal que la ruina ò portillos de la valla, de donde se sigue el *Exterminavit eam aper de sylva*, que cantaba David en el psalmo. *Qui regis Israel intende*. Sin esta diligencia y cui dado bien puede decirse el guarda: *Vineam meam non custodiui*. Todo es del Espíritu Santo. = Soi noticioso de que habiendole fraguado y limado agudas piquetas en esse... para abrir ( no sin irreverente temeridad ) escandaloso portillo en los cercos ò vallas de esta mi viña, que segun el Ven. Beda son las divinas canonicas, *limenses* y reales leies, cala feteadas con la regia pontificia proteccion, intenta el maestro poner la ultima mano y *conclusion*, desmembrando y desquiciando la conciliar piedra tan limada como bafa fundamental, sin reparar en desconchar el regio betun que la cubre, y de las adversidades la defiende: disponiendo por lo mismo segun el Apostol abrir puerta para las discordias y enemistades entre los que debemos vivir vinculados en la paz de Christo, preparando para este Obispado la maior ruina segun Isaías, y para que su Obispo no tenga con que formar y reformar à su clero, faltandole la celebrada lima formada con la sumitria del Tridentino, templada por el supremo artifice de la Iglesia, y remitida por el real catholico zelo à todo este Reino Peruano, para escodar y limar la escória conque en el se hallaba, y se halla aqui la disciplina ecclesiastica, como lo canta la Iglesia en el officio de Santo Toribio, tributandole por singular accidental gloria la solicitud y archiepiscopal presidencia en tan santa obra, hallando assilos relayados quien les haga compañía en su dictamen errado, para proseguir en los ierros con que han procedido hasta aqui por no limados... Me sera preciso informar à S. M. con toda distinction de este successo, mediante menos preciarle publicamente la superior resolucion, que sobre la conclusion publicada se halla en especial carta del Señor D. Phelipe Tercero expedida en 19. de Julio de 1614. al Orzobispo de los Charcas, la que se participo à las demas Cathedralres de este reino, como se halla en el archivo demi Santa Iglesia, aunque pienso que *ignorada* Octubre 12. de 1760.

Obstupuit regularis prælatus, dum hæc videt inde ad se deferri, unde sperabat habendas grates. Brevi expositam veritatem agnoscere visus est Antistes, ut est ad veritatem captandam pronus, sed importunam causatus à vînculis non absolvit. Ex hoc autem facto id commodi ad nostrum institutum derivatur, quod novo argumento constat, in Paraquaria, in tota Provincia Argentina, in toto Regno Peruano vim obligandi suam retinere Concilium Limese, testibus quatuor qui præmissi sunt, accedente quinto non rogato.

Regia tamen epistola, quam specialem appellat Episcopus, & quam abditam in archivio ignoratam esse credit, communis, obvia, & vulgati juris est, quippe in Jure Indico altum promulgata. Epistola sic habet: = Mui Reverendo en Christo Padre Arzobispo de la Iglesia Metropolitana de la Ciudad de la Plata Provincia de los Charcas de mi Confe-



jo. = El Rei mi Señor que este en gloria por cedula suia fecha à 19. de Octubre de 1591. embio à mandar en conformidad de lo dispuesto por el Concilio Limense Act. 2. cap. 38. no se permitiessse que los Curas de los Indios les llevassen derechos por los entierros casamientos, ni ningun genero de administracion de sacramentos. Y hè sido informado, que haviendo os advertido D. Diego de Portugal Presidente de essa Audiencia de los excessos que entonces havia, haveis procurado remediarlos, y proveisteis autos con penas, censuras, y apercibimientos, ordenando en todo vuestro Arzobispado, que se guarde dicho Concilio y Cedula del Rei mi Señor, aunque dexasteis à disposicion y voluntad de los Indios el poder dar limosna por sus entierros y otras cosas por su devocion, con que quedó la puerta abierta à los mismos inconvenientes, por ser tanta la codicia de los Curas, y estarles los Indios tan sugetos, que por el temor que les tienen no dejarán de acudirles con estos derechos, aunque lo sienten mucho y es de grande estorvo para su conversion. Y assi os ruego y encargo no deis lugar à ello, sino que se persuadan que la administracion de sacramentos no es por ningun interes, y que solo se pretende su conversion, y subien espiritual, y temporal. Y de lo que en esto se hiciere *me, avisareis.*, De Madrid, a 19. de Julio, de 1614.

Lex Juris Indici, in quam redacta est epistola præcedens sic habet (a): Nos tenemos señalada à los Curas y Doctrineros congrua y suficiente porcion para su sustento y vivir con la decencia que conviene, y se deben conformar con lo dispuesto por los Concilios Provinciales celebrados en nuestras Indias, y *la costumbre legitima* usada y guardada en ellas, no llevando derechos à los Indios, ni otra ninguna cosa por pequeña que sea, por los casamientos entierros, y administracion de sacramentos, ni otros ministerios ecclesiasticos, introduciendolos y llevandolos à su arbitrio. Rogamos y encargamos à los prelados de nuestras Indias, que no permitan à los dichos Curas y Doctrineros, que por esta razon lleven interesses à los Indios en ninguna cantidad, aunque digan que lo dan por su voluntad, y hagan guardar lo determinado y resuelto en los Concilios, y la costumbre legitima inviolablemente, sin exceder de los aranceles assi los clerigos como los religiosos que administran los sacramentos. Et ad marginem citatur: = D. Phelipe Tercero en Madrid à 19. de Julio 1614. = Ut nullum sit dubium, hanc legem ex illa epistola factam, & constet, neutram ab ullo qui jus Indiarum municipale salutaverit, ignorari posse.

Videat modò quis, an regia hæc sive epistola sive lex per superiorem doctrinam sibi ex æquo & vero restitutam contemnatur. Videat ex illiarum tenore, an doctrinæ publicatio fuerit tanto fragore digna. Quinimo videre est in legis & epistolæ textu prudentissimum consilium quo dictatæ sunt; nam in schedula ibi citata anni 1591., quo Provincia Platenfis adhuc suberat juri Limæ metropolitico, citatur Concilium Limense,

(a) Lib. 1. tit. 18. l. 10. Recop. Ind.

se, & absolute indicitur observantia; in epistola vero anni 1614., quo provinciæ jam erant separatæ, allegatur quidem Concilium; sed pro illius in Archiepiscopatu Platenfi jam erecto observantia, oportuit adici mandatum cum censuris & pœnis à novo Metropolitano, ne quis forte de vi ad obligandum solius Concilii Limani dubitaret. Et in lege posterius recopilata nominari desiit Concilium Limense eadem de causa, & conciliorum provincialium auctoritas legitimæ consuetudinis vi solidata denuntiatur.

O R D I N A T I O CLXXIX.

Anno 1589. 27. Oct.

**S**YNodus Provincialis Mexicana anni 1585. auctoritate ejusdem Pontificis per S. Congregationem approbatur. Constat ex testimonio ejusdem Frizolli apud Harduinum (a). Estque approbatio per omnia similis præcedenti, nisi quod extenditur hæc præter synodum ad plura alia erectionis, quibus officia ecclesiastica, ritus, & cerimonie, & reddituum decimalium distributio regulatur, videnda post Concilium in cit. Harduini collectione.

O R D I N A T I O CLXXX.

Anno 1591. 27. Mar.

**G**regorius XIV. novus Pontifex gratulatur S. Thuribio de synodis celebratis: ac Didacum de Zuñiga S. J. cum sociis ad infidelium conversionem destinatis commendat. Extat in processu ad Sancti Archiepiscopi canonizationem confecto Limæ, pag. 30. Quot verò synodos celebraverit, vide supra Ord. 188. initio.

O R D I N A T I O CLXXXI.

**I**N causa Manilensi resolutum est, quod Episcopus visitare possit & corrigere regulares degentes extra claustra occasione docendi doctrinam christianam. Mentio fit in Ord. seq. Vide infra anno 1616. Ord. 236.

O R D I N A T I O CLXXXII.

Anno 1591. 10. Jun.

**I**N causa Limensi decisum est, quod licet Episcopus visitare possit & corrigere regulares degentes extra claustra occasione docendi doctrinam christianam ex resolutione in Manilensi; hoc tamen non haberet locum in Patribus S. J., qui munere funguntur docendi doctrinam christianam, dummodo habeant dictis in locis superiores, qui curam illorum gerant, & apud

(a) Hard. tom. X. Concillior. col. 1784.

& apud quos se recipiant juxta regulam instituti viventes. Ita referunt Barbosa (a), & I. B. Pittoni (b).

## ORDINATIO CLXXXIII.

Anno 1591. 20. Sept.

**C**onfirmavit Gregorius XIV. Breve Pii V. circa munus parochiale à regularibus Indiarum exercendum. P. Franciscus Diaztaño S. J. Provinciae Paraquariæ procurator & missionarius (c) ait extare in scriniis D. Joannis de Cabrera in Regia Cancellaria Platenſi Secretarii Cameralis. Incipit *Exponi nobis*. Inde ſequentia verba tranſcriptit Diaztaño: *Nos ad uberiorēs fructus quos ipſi profeſſores (Ordinis Prædicatorum) in agro dominico ſtrenuè proferunt, debitum reſpectum, ac tenorem dictarum litterarum (Pii V.), perinde ac ſi de verbo ad verbum infererentur, pro expreſſo habentes...* ſupplicationibus Provincialis & profeſſorum (dicti Ordinis) inclinati, vobis (Epiſcopis) præcipimus, ne Ordinis prædicti profeſſores ad obtinendam approbationem, cum de doctrina in doctrinam migrant, de cætero contra tenorem litterarum dicti Pii prædeceſſoris noſtri compellatis. Extat integra Conſtitutio in quadam Auditorii Platenſis proviſione regia anni 1636. 15. Julii qua miſſionariis de Societate in Paraquaria indulti piani favor aſſerebatur, rogatis Epiſcopis nequid innovarent. Sed vide infra Ord. 185. 588. 596.

Quod attinet verò ad approbationem regularium, dum de doctrina in doctrinam migrant, extat in Jure Indico lex (d): *Declaramos*, que los religiosos examinados y aprobados una vez para una doctrina, no han de volver à ſerlo ni por los propios Arzobispos, y Obispos, ni por ſus ſucceſſores: y eſto ſe ha de entender para el miſmo Obiſpado ò Arzobis-pado, en que fueron examinados, y en que ſe les huviere dado aproba-cion como à Curas ſin limitacion alguna. Mas ſi ſobreviniere cauſa que lo pida, ò por demeritos en la ſufficiencia ò falta del idioma, ò por ſuceder como de ordinario ſucede que traten de mudarſe y paſſarſe à otra doctrina, en que haia y ſe hable otra lengua, eſ juſto que ſe examinen de nuevo, porque ya no ſe halla en ellos aquella ſufficiencia, que merecio la primera *aprobacion*.

## ORDINATIO CLXXXIV.

Anno 1591. 21. Sept.

**P**rorogavit Gregorius ad vicennium facultates variis temporibus Societati Jeſu conceſſas pro Indiis, & quarum aliquæ eo uſque ad decennium tantum concedebantur. Ex exemplari Romæ ad provincias miſſo. Incipit *Alias quidem*. Vide Ord. 222. 276. 277. 313. 349. 522. 606.

OR-

(a) *Barboſ. Colletan. in ſeſſ. 6. cap. 3. Trid. n. 5.*

(b) *Pittoni, CG. ad Regular. n. 1151,*

(c) *Diaztaño, in MSS. De infidei con-verſo.*

(d) *Leg. 12. §. 15. lib. 1. R. 1,*

ORDINATIO CLXXXV.

**B**reve (1) Pii V., ut possint regulares indici parochiale munus obire iterum confirmatur. Meminit Frasso (a), & Loffada (b) referens, Ledesnam testari de Senatus Indici revisione & regio pro executione placito. Laudatus Diaztaño ait extare apud religiosos Societatis in oppido *Iuli* authenticum exemplar, ex quo sequentia transtulit: *Episcopi*.... prætendunt, religiosos id facere non posse ex eo quod Gregorius XIII. illos motus proprios ad ordinem reduxerit (11). Nos litteris prædecessoris nostri (Pii) robur adiicimus apostolicæ confirmationis. Extat integra constitutio in supra cit. Provisione Regia Auditorii Platenfis. Incipit *Quantum animarum*. Sed quo loco sit habenda tam hæc constitutio quam alia *Exponi nobis*, de qua supra 20. Sep. 1591., constat ex Ord. 588. anno 1746. 24. Febr., & ex Ord. 596. anno 1751. 8. Nov. de quibus infra. Vide etiam Ord. 264. & 273.

ADNOTATIONES.

(1) *Breve Pii V.* In recopilatione legum indicarum facta primum vel edita anno 1681., & secundo edita anno 1750. piani brevis indicitur publicatio: ex quo videri posset tempore saltem recopilationis promulgatæ nondum fuisse revocatum. Sed quamvis vigeat quoad facultatem administrandi parochias, necessariam esse licentiam seu institutionem Ordinarii iam dubitari nequit ex posterioribus ordinationibus nuper citatis. In Philippinis aliquandiu post finem causæ angelopolitanæ obtinuisse adhuc propter maiorem ibi ministrorum inopiam testatur P. Hieronymus Ortega S. J. (c). Sed recentiores Pontificum constitutiones, & regię pro executione schedulæ, nullum relinquunt tergiversandi locum, nisi alicubi sit speciale privilegium, consuetudo canonica, vel defectus parochorum quo nomine etiam Episcopos, qui parochi parochorum sunt, intelligo. Certè Jesuitæ Brasilienses non multo antequam è missionibus pellerentur per sententiam in iudicio contradictorio latam manutenti sunt in possessione, in qua erant, non dependendi nisi à Sede Apostolica in spiritali regimine missionum (d). Ad hoc tamen opus erit speciali privilegio, quod immune sit a tot piani brevis revocationibus.

(11) *Ad ordinem reduxerit.* Gregorius XIII. Const. *In tanta*, data 3. Kal. Mai. 1573. decrevit de omnibus Pii prædecessoris constitutionibus, de lectionibus habendis, fratribus ad ordines promovendis, celebratione missarum, cura animarum, sacramentorum administratione, sepulturis, quarta funerali, legatis, donationibus, eleemosynis, collectionibus, aliisque huiusmodi iuribus, decimis, & diversis oneribus, statu, & regimine san-

(a) *Frasso*, cap. 53. num. 26.

(b) *Loffada*, Chronol. Privil. Ind.

(c) *Ortega*, *Defensa de la Prov. de Phil.*

(d) *Raccolta Botagrif. t. X. p. 99. Ed. in 8.*

sanctimonialium formatione processuum, censurarum publicatione, processibus, præcedentia, locorum acquisitione, certisque aliis tunc, expressis rebus, de vicariis perpetuo uniendis, per ordinarium instituendis, & de portione illarum: quæ pro quorumcumque Ordinum regularibus emanarunt, ac de omnibus in eis contentis, eam rationem esse habendam ac si nunquam emanassent. Per quam constitutionem facta privilegii piani, quod de administratione sacramentorum, & cura animarum est, ad juris terminos reductio necessitatem fecit præsentis ordinationis, ad terminos etiam juris in suam vicem redigendæ.

Basilii Ponce apud cit. Ortega (a) ait, revocationem Gregorii XIII. non fuisse in Hispania receptam. Quod mihi valde dubium est, nisi de uno vel altero puncto particulari intelligatur. Emmanuel Rodriguez Minorita illius temporis author receptam esse supponit, dum contendit (b), declarationem Pii V. circa quartam funeralem, de qua ibi, immunem esse à revocatione Gregorii, non quia revocatio non esset recepta, quod dictu erat obvium si esset verum, sed quia plana concessio mera fuit juris Tridentini declaratio, cum Gregorius tantum revocaverit à Pio concessa præter vel contra Tridentini jus. In quadam regia schedula data 27. Jan. 1572. relata in alia Ferdinandi VI. anni 1750. 24. Febr. discernitur ut valeat in Indiis constitutio Pii V. anni 1567. 15. Maii; quæ quidem est de argumento in revocatione comprehenso. Illa tamen schedula anni 1572. præcessit mensibus quindecim revocationem gregorianam. Proindeque trahi nequit ad firmandum valorem concessionis postea revocatæ, neque ad probandum revocationem postea factam non esse receptam.

## ORDINATIO CLXXXVI.

Anno 1595. 9. Maii.

**U**T regulares ministerium Indorum exercentes reputentur vivere intra claustra: ac propterea non esse ab Ordinariis molestandos, nisi in casibus per Tridentinum reservatis, dummodo quolibet anno coram suo superiore se præsentent, & innovationem licentiarum obtineant. Mandaturque Priori S. Dominici, Provinciali S. Augustini, ac Commendatori B. Mariæ de Mercede monasteriorum Civitatis Regum, vel Guzqui, vel de Quito, quatenus ipsi, vel duo, vel unus tantum per se vel per alium, præsentis indulti conservatores agant. Extat apud Frasso cap. 56. (c). Incipit *Quantum vos*.

OR-

(a) Ponce, lib. 3. De Matr. cap. 15. (b) Rodrig. 22. Regul. 9. 39. art. 2.  
(c) Frasso, cap. 56. De Reg. Ind. Patr. num. 27.

## ORDINATIO CLXXXVII.

Anno 1595. 14. Aug.

**E**cclēsia Manilensis fit Archiepiscopalis: & Episcopales suffraganeæ Ecclēsiæ Neo-Cacerensis, seu de Camarines, Zebuana seu Nominis Jesu, & Neo-Segovienſis. Mentio fit in Tabulis P. Cl. Clementis.

## ORDINATIO CLXXXVIII.

**U**niversitas Mexicana per bullam confirmatur. Ita cit. Clemens Dec. 7., qui per numerum 1555. additum post 1595. indicare videtur aliam atque aliam confirmationem his annis à Sede Apostolica dimanasse. Ibidem foundationem per regium diploma collocat anno 1551: communicationem privilegiorum Salmanticensis Academiæ anno 1555.: Lima-næ anno 1599. Vide Ord. 131.

## ORDINATIO CLXXXIX.

Anno 1596. 2. April.

**C**onfratribus & Hospitalibus S. Hippolythi Mexicanensibus conceduntur omnia privilegia concessa Hospitalibus S. Joannis de Deo. Mentio fit in Const. 195. Innoc. XII. tom. 9. Bullar. Rom. pag. 539.

## ORDINATIO CXC.

**U**T in provinciis Indiarum Synodi diœcesanæ per biennia celebrentur. Refert Ill. D. Ferdinandus de Trexo Episcopus Tucumanensis ad finem synodi habitæ anno 1597. dum ait: *Y aunque* por el Santo Concilio de Trento está estatuido y determinado, que todos los años haga cada Obispo synodo en su Obispado; pero porque las diœcesis de las Indias son mas largas y difficiles de visitar que las de Europa, hai declaracion de nuevo que los synodos diœcesanos se hagan en estas provincias de dos en dos años. Suspicio tamen mihi est, declarationem cujus hic mentio fit, non esse aliam ab ea quæ facta est pro Archidiœcesi Limana, ad instantiam S. Thuribii, quam Ill. Trexo putaverit ad alias diœceses præfertim comprovinciales, in quibus eadem vel major est ratio, extendi. Sed illa non fuit declaratio, sed specialis concessio, quam Rex Catholicus supra Ord. 138. ait esse restringendam, non ad alias diœceses ampliandam, quippe versantem in materia juris communis, cui contraria est concessio seu dispensatio. Hoc tamen non tollit quin possit extendi ad alias diœceses, ubi necessitas est tanta quæ lege careat. Suspicio, inquam, est; nam Ill. Mercadillo Ill. Trexi successor synodum habuit anno 1700., & aliam anno proxime sequenti 1701.; & non videtur, si quod esset, privilegio cessurus in tanta difficultate conveniendi, quantam facit distantia 400. leucarum finibus Tucumanæ Diœcesis contenta.

Rr

OR-

## ORDINATIO CXCL

Anno 1597. 9. Jan.

**D**Ecrevit Clemens VIII. ut pro populis Novi Orbis & Indiarum ad fidem catholicam conversis, pauciores indulgentiæ; pro prædicatoribus verò qui pro Christi evangelio in eisdem partibus & Indiis laborant, amplissimæ concedantur. Extat apud Rodericium Minoritam (a). Disparitatis causam divinare non possum. An quia agitur in decreto de indulgentiis, quæ affiguntur crucibus, iconibus, rosariis; & Indi præ mentis inopia minus capaces sunt æstimandi pro merito ejusmodi remissionum pignora? At in illis partibus sunt multi non Indi, nec minus capaces Europæis. An quia primis ecclesiæ sæculis, qualia sunt quæ Ecclesiæ Americanæ currunt minus erat in usu indulgentias ut in præsens elargiri? Vide supra Ord. 112. ubi distantia Novi Orbis & Indiarum à Sede Apostolica, ubi est plenitudo potestatis ad concedendum similes gratias, consideratione motus videtur S. Pius V. ad elargiendum ampliores. Fortè decretum est à Clemente pauciores tantum respectivè indulgentias elargiendas incolis Novi Orbis: respectivè, inquam, ad concedendas evangelii factoribus.

## ORDINATIO CXCLII.

Anno 1597. 8. Nov.

**I**dem Pontifex declaravit, ministros Indorum de statu regulari esse approbandos ab ordinario. Meminit P. Hieronymus Ortega in Opere supra citato.

## ORDINATIO CXCLIII.

**C**oncessa dicitur Franciscanis Indiarum facultas conferendi diaconatum. Meminit P. Vazquez (b) ex authorum fide dignorum, ut ipse ait, testimonio. Sed vereor, ne facultas, quæ Franciscanis concessa dicitur, sit ea quæ per omnimodam Adriani VI. (c) conceditur ad omnia quæ Papa concedere potest. Dubium tamen est, an facultas ordinandi diaconos tali omnimoda comprehendatur, nam & dubitant, an à Papa concedi possit. Negant Thomistæ cum D. Thoma; sed communius affirmatur. Nec nisi turpis error Sedi Apostolicæ tribuatur, videtur negari posse jam, quando post D. Thomæ dies & scripta à Papa concessa est facultas sacris ordinibus subdiaconatus & diaconatus initiandi, sive Franciscanis Indiarum, sive non Episcopis per Europam.

Certè Innocentius VIII. anno 1489. 9. April., ne Monachi Cister-

cien-

(a) Roderic. 22. Regul. 9. 97. art. 2. (b) Vazq. D. 243. in 3. P. n. 39. (c) Vid. supra Ord. 37.

cientes pro suscipiendis subdiaconatus & diaconatus ordinibus extra claustrum discurrere cogentur, Abbati Cistercii ut quibuscumque dicti Ordinis, aliis verò quatuor Abbatibus ut suorum monasteriorum religiosis, quos ad id reperirent idoneos, eos ordines conferre possent concessit; ut ex Margarino, Henricio (fortè Manricio seu Marinquez), Rodericio, Ascanio Tamburino refert Joannes Baptista Pittoni (a). Constitutionis verba transcripsit Ill. Ligorius (b): *Ne monachi pro suscipiendis subdiaconatus & diaconatus ordinibus extra claustrum discurrere cogantur, tibi & successoribus ut religiosis subdiaconatus & diaconatus ordines conferre possis, autoritate apostolica indulgemus.*

Hanc facultatem revera Cisterciensibus esse concessam, Dianæ (c) testati sunt illius Ordinis religiosi, quorum testimonium in re ad eos spectante non potest prudenter rejici vel elevari. P. Vazquez loc. cit. ait, se legisse relatum Cisterciensium privilegium. Sed respondet Gonet (d) ex Nugno, quod Victoria dicit, se vidisse tale diploma, & in eo nullam fieri mentionem diaconatus, sed tantum subdiaconatus. Victoria quidem apud Dianam asserit se vidisse Bullam Pontificis quibusdam Cisterciensis Ordinis Abbatibus concedentis, ut possent conferre subdiaconatum. Utrum neget, fieri mentionem diaconatus, & affirmet visum à se diaconatum non memorans diploma idem, quod diaconatum exprimens affirmat Vazquez se legisse, fides sit penes Gonetum.

Gotti Dominicanus (e) sibi objectæ Innocentii VIII. constitutioni respondet, tale privilegium per se ordinandi diaconos (& non eos pro tali ordine ad quemvis antistitem catholicum dimittendi, ut declaratum fuit à Clemente VIII. in Bulla Cisterciensibus data) esse dubiæ fidei: neque eo usi Cistercienses unquam dicuntur. Sæpè quidem regularibus, tum à Clemente VIII., tum ab aliis Pontificibus datum est, posse pro ordinibus mitti ad quemvis Episcopum. An aliquando declaraverit Clemens VIII., Innocentium in relato privilegio locutum esse de facultate, non ordines sed dimissorias conferendi, fides sit penes Gotti. Privilegium interea sic habet: *Ut subdiaconatus & diaconatus ordines conferre possis indulgemus, ne monachi hinc inde pro suscipiendis ordinibus discurrere cogantur.* At relata declaratio, & concessionis repugnat tenori & motivo. Neque enim dimissoriarum concessione tollitur quin monachi pro suscipiendis ordinibus discurrere cogantur.

## ORDINATIO CXCV.

**C**lemens VIII. Archiepiscopo Goano Alexio de Meneffes gratulatur de conversione Malabarum. Refert Didacus Barbosa Machado (f). Nempe mortuo Mar Abrahamo Archiepiscopo Nestoriano christianorum San-

(a) Pittoni, CC. ad Reg. tom. 3. nu. 476. pag. 283.

(b) Ligor. De Sacr. Ord. num. 763. p. 255.

(c) Diana, tom. 3. tr. 1. R. 59. & 70.

(d) Gon. Man. Thom. tr. 6. De Sacr. Ord. n. 763. p. 255.

(e) Gotti, tom. XV. q. 3. De Ord. n. 13. p. 72.

(f) Mach. Bibl. Lusit. V. Alexio de Meneffes.



Sancti Thomæ, Archiepiscopus Goanus illius Ecclesiæ gubernium & archidiaconatum inivit ordinatione Clementis VIII. per breve datum 27. Jan. 1595. Goâ profectus 27. Dec. 1598. ad Montes Malabaricos Diamperitanam Synodum coëgit, indigenis ad Ecclesiæ gremium reductis. Ita habet P. Cl. Clemens in Tabulis Ind. Decad. 19. Et latius de eodem argumento differentem vide P. Joannem Fagundez Raulin Augustinianum (a).

## ORDINATIO CXCV.

Anno 1600.

**E**cclēsia Cranganoris in India orientali in episcopalem erigitur sub metropoli Goâ, futura deinceps Archiepiscopalis sine suffraganeis. Fit mentio in Geographia sacra apud Chiquet.

## ORDINATIO CXCVI.

Anno 1600. 4. Mart.

**U**T in provinciis Indiarum S. Francisci de Observantia, & præcipuè in Limana, ad magistratus provincialis & quolibet aliud officium assumi non valeant nisi alumni earum provinciarum, vel qui Commissarii Generalis in Curia Regis Catholici assistentis litteris eisdem provinciis incorporati sint. Extat in Bullar. Cherub. tom. 3. Const. 67. Incipit *His quæ*.

## ORDINATIO CXCVII.

Anno 1600. 8. Nov.

**C**UM in partibus Indiarum multi fratrum Ordinis Minorum de Observantia ad Indos noviter conversos doctrinam christianam edocendos, eorumque curam animarum exercendam, ob penuriam sacerdotum sæcularium, ex Apostolicæ Sedis speciali indulto deputari soleant, qui ab eorum superioribus nominati, & à locorum ordinariis, seu eorum officialibus prius approbati fuerint: Cumque fratres sic ad animarum curam deputati, licet extra claustra in locis, in quibus pro tali administratione deputantur, morentur; nihilominus certis quibusdam hebdomadæ diebus ad conventus quos in locis principalibus habent, accedere debeant, & Commissarios Generales, aliosque superiores, quibus subsunt, & obediunt, & à quibus visitantur, habeant, ita ut extra claustra religionis morari dici minimè possint, Clemens VIII. decernit & declarat, fratres prædictos in concernentibus curam animarum ordinario loci subesse, in reliquis verò non ordinario loci, sed suis superioribus subiectos remanere. Extat apud Frasso (b). Incipit *Religiosorum*. Vide infra Ord. 596.

OR-

(a) Raulin, *Hist. Eccl. Malab. Dissertatio-*  
*nib. aucta.*

(b) Frasso, loc. cit. n. 32. Et novissime Ri-

badeneira, *De Ind. Patr. cap. 7. p. 137; ubi*  
*hanc Ord. refert ad annum 1601.*

## ORDINATIO CXCVIII.

Anno 1600. 12. Dec.

**U**T non obstante Constitutione Gregorii XIII. data anno 1585., ne aliis præter religiosos Societatis Jesu ad Japones & Sinas proficisci liceat; cum necessitas postulaverit, quilibet Ordo mendicantium religiosos transmittere per Lusitaniam (I) duntaxat: Et ipsi tam ad Japonicas Insulas, quam ad alias Chinæ, & finitimorum regnorum, & Indiæ orientalis regiones accedere possint, ibique verbum Dei prædicare, & sacramenta ministrare debeant, sub obedientia tamen quoad prædicationem & sacramentorum administrationem tantum illius Episcopi, in cujus diocesi prædicabunt, vel sacramenta ministrabunt. Quodsi fortè aliquæ controversiæ inter religiosos dictarum religionum orientum, Episcopi locorum tanquam Sedis Apostolicæ delegati illas decident. Si verò graviora quædam negotia (II) occurrerint, ea ad Summum Pontificem referantur. Cæterum omnibus religiosis sub excommunicatione majori Pontifici reservata, & vocis passivæ & activæ privatione interdicat, ne ex Insulis Philippinis, aut ex qualibet alia Indiarum occidentalium (III), aut quæ pro partibus Indiarum occidentalium habentur, parte ad illas pertinente, in Japonicas & alias ipsis adjacentes Insulas & Regiones quorumcumque privilegiorum prætextu proficisci valeant. Extat in Bullar. Cherub. tom. 3. Const. 74. Clem. VIII. Incipit *Onerosa*.

## ADNOTATIONES.

(I) *Per Lusitaniam*. Vide infra anno 1608. 11. Jun., ubi conceditur facultas qua data via Sinas adeundi.

(II) *Graviora negotia*. In specimen causarum, quæ graviora negotia continent, & hac ratione Summo Pontifici reservanda, esse potest controversia super usu adhibendo, vel omittendo cæremoniarum & rituum sacramentalium in administratione baptismi, ex quo Clemens XII. infra Ordinatus. 569. declaravit, malè se gessisse Episcopos in talibus dispensando inconsulta Apostolica Sede.

(III) *Indiarum occidentalium*. Hic videtur supponi, quod in Jure Hispano Indico expressius edicitur (a), Philippinas Indiis, non orientalibus, sed occidentalibus annumerari: *Las (Indias) occidentales, en cuya demarcacion cae el Japon y las Philipinas*.

OR-

(a) Leg. 33. tit. 14. lib. 1. R. 1.

## ORDINATIO CXCIX.

Anno 1601.

**S**edes episcopalis Conceptionis de la Vega, in Hispaniola olim S. Dominici Sedi unita, supprimitur. Meminit P. Cl. Clemens in Tab. Dec. 12.

## ORDINATIO CC.

**C**lemens VIII. prohibuisse dicitur Indos in servitutem redigere. Meminit P. Antonius Ruiz de Montoya S. J. Paraguarie Provinciae missionarius & procurator in Curiam missus in quodam libello supplici ad Regem Catholicum. Meminit etiam Solorzano (a). Verba Clementini Brevis ab hoc authore relata sunt: *At Christi fideles illarum partium tanquam teneros novæ plantationis palmites suavi mansuetudinis imbre irrigare volentes*. In quibus servitutis prohibitio visa est Solorzano dum ait loco ex Politica citato: *Lomismo* (que Paulo Tercero en el Breve de 1537.) parece haver sentido y mandado Clemente VIII., pues en otro Breve Apostolico dirigido à las provincias del Peru entra diciendo que quiere y manda que aquellas nuevas plantas se rieguen y fomenten con el suave rocío de toda caridad y *mansedumbre*.

Si tamen in Brevi, quod videre non licuit, præter relata alia non sint verba propius ad servitutis prohibitionem accedentia, hanc Clemens ibi non prohibet; nam charitas & mansuetudo etiam cum servis & mancipiis locum habet, & habere debet juxta Apostolum (b), quia illorum & omnium *Dominus est in celis, & personarum acceptio non est apud Deum*. Igitur Indi, quamvis supponerentur sclavi, suavi mansuetudinis imbre irrigandi essent. Quidquid de Clemente sit; interdictam esse à Paulo Tertio, Urbano Octavo, Benedicto Decimo-Quarto Indorum mancipationem, sicut Afrorum à Sacro Collegio Cardinalium, non est dubium. Vide Ord. 57. 59. 295. 400. 564.

## ORDINATIO CCI.

Anno 1603. 23. Mart.

**U**T cognitio causarum inter Archiepiscopum Limanum & Capitulum spectet ad Priorem S. Augustini, vel ad Commendatorem B.M.V. de Mercede, ut autoritate apostolica illas audiant de plano, & debito fine terminent. Meminit Ill. D. Felicianus de la Vega (c) apud Solorzanum (d). Hanc constitutionem, ait Ill. Villarroel (e), Indico Senatui fuisse

(a) Solorz. lib. 2. Polit. cap. 2. Et tom. 2. De Jure Ind. lib. 3. cap. 7. num. 55. pag. 734.

(b) Ap. ad Ep. 6. Ad Colof. 3.

(c) D. Felici. in C. Cautam, De Jud.

(d) Solorz. tom. 2. De Ind. Jur. l. 3. c. 14. n. 56.

(e) Villarr. Gov. Eccl. P. 1. q. 8. art. 3. num. 6.

fuisse præsentatam, & quod in illa præceptum ponitur Archiepiscopo, ne sit iudex dum causa vertitur inter ipsum & capitulum in pertinentibus ad quartas decimales, & mensuram capitularem, aliaque jura. Quartas decimales intellige juxta erectionem Ecclesiarum Indicarum, in qua fere communi statuto decimarum cumulus in quatuor partes dissecatur, attributis duabus Episcopo & Capitulo. Quanquam in Ecclesia Tucumanensi, & si qua alia, divisio non in quatuor, sed in tres partes fit, quarum duæ similiter Episcopo & Capitulo cedunt. Vide Ord. 127.

## O R D I N A T I O CCII.

Anno 1603. 30. Jun.

**C**onfratribus Congregationis Nominis Jesu in Peruvio plures conceduntur indulgentiæ, tum ipsis in perpetuum, tum etiam aliis ad viginti annos. Extat in Bullar. Cherub. tom. 3. C. 98. Clementis VIII. Incipit *Cum sicut*.

## O R D I N A T I O CCIII.

Anno 1603. 20. Aug.

**U**T Archiepiscopus Mexicanensis, necnon Decanus & Archidiaconus ejusdem Ecclesiæ, Carmelitas Discalceatos defendant contra contententes non esse unum de quatuor Ordinibus Mendicantibus. Statuiturque eorum prærogativas nullo temporis decursu, aliove præscriptionis modo deperdi: neque ad processiones compelli posse. Extat in Bullar. Cherub. tom. 3. C. 101. Clem. VIII. Incipit *Romanum*.

## O R D I N A T I O CCIV.

Anno 1603. 2. Sept.

**U**T ex redditibus parochiarum, quæ apud Indos *Doctrinæ* vocantur, fiat contributio pro seminario deducta parochorum sustentatione. Est decretum Congregationis Concilii coram Clemente VIII., cujus meminit J. B. Pittoni (a), & Pascucci (b). Et res caret dubio stante decreto Concilii Tridentini (c), ut in eum finem contribuatur ex fructibus mensæ episcopalis & capituli, & quarumcumque dignitatum, officiorum, prioratuum cujuscumque ordinis, etiam regularis, & hospitalium quæ dantur in titulum vel administrationem, & beneficiorum etiam regularium, etiam si juris patronatus cujuscumque fuerint. Quibus præoccupantur omnes excusationis tituli, qui ex qualitate Doctrinarum desumi possent.

In Concilio Limensi anni 1583 (d) dicitur: *Authoritate à Concilio* (scilicet Tridentino) concessa statuimus & ordinamus contributionem ex qui-

(a) Pittoni, CC. ad Par. num. 396.

(c) Trid. s. 23. cap. 18.

(b) Pascucc. Comp. Pignat. tit. De Seminario.

(d) C. Lim. Act. 2. c. 44.

quibuscumque redditibus & bonis ecclesiasticis faciendam; ita ut ex decimis, beneficiis, capellaniis, hospitalibus, confraternitatibus juxta ejusdem Concilii statutum, sive episcopales, sive beneficiales redditus sint, etiam ex doctrinis Indorum, etiamsi regulares ipsas doctrinas teneant, tria de centum applicentur, & ex nunc applicata censeantur. Ad quam sane portionem omnes prædicti clerici & personæ in conscientia teneantur. Nec non æconomi ipsi, & officiales, & quicumque persolvere habent ejusmodi ecclesiasticos redditus, præfatam portionem retineant pro seminario.

Conforme est Jus Indicum (a) quo mandatur, *Que conforme al Santo Concilio de Trento contribuian los doctrineros para los collegios seminarios*. Et alibi regiis officialibus in Peruvio edicitur (b), *Que rebajen de los estipendios con que acuden à los religiosos de S. Francisco el tres por ciento han de haver los seminarios*. Idemque de regularibus omnibus doctrinariis decretum est per Cedulam aliam relatam à Frasso (c), quam tamen Ill. ac Ven. Palafox apud illum testatur, se nullibi observatam vidisse. In Missionibus, seu Doctrinis Guaranicis Paraguariæ certum est non fuisse observatam, dum sub Jesuitis erant. Cujus ratio est, quia doctrinarii non nisi mediam partem canonici stipendii, vel synodi, ut vocant, percipiebant, medietate alia fisco permessa, ex eo quod Rex Catholicus pro sua liberalitate doctrinariis alias consignari mandat.

## ORDINATIO CCV.

Anno 1604. 24. Jan.

CLEMENS VIII. parochis Indiarum occidentalium prohibet sub excommunicatione latæ sententiæ Summo Pontifici reservata, ne maiorem elemosynam ab iis qui in ecclesiis domorum S. Francisci de Observantia, quam de iis qui in parochialibus ecclesiis sepeliuntur, quovis prætextu vel occasione etiam de mandato ordinariorum exigere præsumant. Extat in Bullar. Cherub. tom. 3. Const. 96. Clem. VIII. Incipit *Expositum*. Et in eandem sententiam datæ sunt deinceps aliæ constitutiones, de quibus suo loco. Schedulæ etiam regię plures conformes apud Frasso (d) datæ sunt, de quibus una (e) inserta est corpori Juris Indici, cujus argumentum est: *Que los clérigos no lleven mas derechos por los que se enterraren en los conventos, de los que justamente pudieren llevar*.

Nihilominus in Taxa Tucumanensi approbata in synodo anni 1606. biennio post præsentis constitutionis datam scriptum reperio: *Si alguno se enterrar en algun convento, capilla, o hermita fuera de la Iglesia parroquial, pague del entierro veinte pesos mas, que por todos son sesenta, y mas los derechos al sacristan arriba referidos, y no se pueda enterrar con entierro menor*. In synodo de Puerto Rico publicata anno 1647. (f) major est sumptuum id genus moderatio dum dicitur: *De un entierro*

ro

(a) Leg. 35. tit. 15. lib. 1. R. 1.

(b) Leg. 7. tit. 23. lib. 1. R. 1.

(c) Frasso, cap. 61. n. 66.

(d) Frasso, cap. 92. a num. 16.

(e) Leg. 2. tit. 18. lib. 1. R. Ind.

(f) Synodo de Puerto Rico, Const. 66.

ro solemne, que es con missa solemne y vigilia, cincuenta y ocho reales de plata.... Si alguna persona se mandare enterrar fuera de la parroquia, el cura y el sacristan no lleve mas que si en ella *se enterrára*. Sed & in Tucumania videtur excessus ille, qui contra præsentem constitutionem est, usu & tempore, vel hujus Clementinæ notitia abrogatus, ut à docto quodam Tucumanensi Parocho sæculari auditum memini; etsi in Synodalibus non publicatis anni 1752., taxa relata & synodus tota Ill. Trexi vigere & viguisse supponatur. Vide Ord. 112.

## ORDINATIO CCVI.

Anno 1604. 14. Jul.

**U**T Carmelitæ Discalceati in remotissimis partibus absolvere possint ab omnibus peccatis etiam in Bulla Cœnæ contentis: & à consequentibus censuris & pœnis: baptizare etiam extra ecclesiam omnes ad fidem conversos: communicare cum infidelibus hæreticis, & excommunicatis, in verbis, officio, & cibo, & in omnibus aliis: cum neophytis & aliis ad ecclesiæ unionem redactis super bonis malè acquisitis, ad quæ restituenda incertis personis obligati existunt, ad pia opera componere, vel quatenus ipsi sic obligati pauperes sint, eis in toto vel in parte remittere & condonare, idque in foro conscientiæ; in locis ubi non sunt parochi ministrare fidelibus sacramenta matrimonii, baptismi, pœnitentiæ, extremæ unctionis & eucharistiæ. Declaraturque, promulgationem annuam Bullæ Cœnæ non revocare privilegia concessa ad absolvendum in Indiis omnes christianos à casibus in ea contentis. Ita habet variis locis Compendium Privilegiorum S. J. Indicum anni 1737.: diciturque extare harum concessionum bulla in Appendice Bullarii Rodericii; sed videndi textum & tenorem copia defuit. Incipit *Dominici gregis*.

In novo Compendio Communi (a) post relatam facultatem quæ missionariis Societatis competeat ex communione privilegii hujus subditur: *Quoad casus Bullæ Cœnæ* (possunt absolvere) cum limitatione semel in vita & in articulo mortis, nisi aliquis casus urgens pluries occurrat, cui propter periculum animarum statim sit providendum. Citaturque præsens concessio Clementis addentis hoc privilegium non censi revocatum per annuam Bullæ Cœnæ publicationem. Ubi significatur, Clementem declarasse non quod privilegia in genere absolvendi in Indiis à Bullæ casibus libera sunt ab annua revocatione, ut habet Compendium Indicum, sed quod non censeatur revocari hoc determinatum privilegium. Sed & de hoc determinato privilegio subditur in Compendio Communi nova cautio: *Videndum* an & quatenus censeatur revocatum per annuam publicationem Bullæ Cœnæ juxta decretum Urbani VIII. 17. Nov. 1628., & consulendi scribentes ad prop. 3. & 4. damnatas ab Alexandro VII. Vide La-croix (b), & infra anno 1729. 12. Dec. Ord. 522. Adnot. x.

OR-

(a) *Tom. 1. Inq. pag. 266. V. Absolutio §. 5.* (b) *Lacr. l. 6. P. 2. q. 231. §. 10. n. 1618.*

## ORDINATIO CCVII.

Anno 1604. 7. Oct.

**S** Congregatio Episcoporum & Regularium decrevit, significandum Regularium Superioribus, ut invigilent, nequis eorum subditus in Indiis, tam orientali, quam occidentali mercaturam exercent, neque in locis Regi infideli subiectis, neque inde revertentes deferant aurum, argentum, aut gemmas, ullasve merces. Refert J. B. Pittoni (a). Vide infra Ord. 213. & 342.

## ADNOTATIONES.

P. Molina tract. 2. De Justitia & Jure, d. 342. inter alia observare jubet: *Sunt* religiosi in Brasiliæ regione & India orientali, qui dilatationi & conservationi ecclesiæ operam navant, quique ad sui congruam sustentationem multis indigent ex Hispania advehendis, neque in Hispaniis pecunias habent, & cum in Brasiliæ regione & India orientali magna penuria sit pecuniæ, indigent mittere merces quæ ibi vili emuntur, & in Lusitania plus valent, ut tradita mercatoribus Lusitanis necessaria illis mittantur ex pretio: sicque ingentes sumptus evitant in asportandis ex Lusitania necessariis, idque nulla cum occupatione & distractione: fitque ut plures sustententur. Nullus est qui talem œconomiam jure damnare possit, . . . . dummodo nihil mercium quam ad emenda necessaria mittatur. Hæc P. Molina. Sed interpretationes omnes ex prætextu etiam necessitatis præclusas vide infra cit. Ord. 342.

## ORDINATIO CCVIII.

**A**D instantiam Patrum Societatis Jesu concessit Clemens VIII. & Paulus V. ut in Indiarum orientalium navigatione possit missa celebrari. Fuit vivæ vocis oraculum, sed P. Granados refert, asseveratum fuisse cuidam Patri Societatis ab Episcopo Malacensi, quod ex Episcopo Cirenensi ut ex oculari teste sciisset de quodam brevi, in quo declaratur posse sine scrupulo in mari missa celebrari. Ita habet P. Gabriel Henao (b), qui ait ante illa vivæ vocis oracula Episcopos Lusitanos fuisse primos, qui immolarent, vel qui ad immolandum licentiam concederent.

## ADNOTATIONES.

Querit Dicastillo: Quis aut cujus diœcesis erit Episcopus, qui in mediis fluctibus habeat jurisdictionem ad hæc permittenda? *Ista interrogatio* non est magni ponderis, replicat laudatus Henao, nisi velit Dicastillus, Anti-

---

(a) Pittoni, CC. ad Reg. sub hoc anno 7 die. (b) Henao, D. 23. De Sac. Miss. f. 3. n. 98. pag. 14.

**Antistitem Gaditanum aut Ulyssiponensem non habere jurisdictionem ordinariam**, ut cum subditis solventibus à Portu Gaditano aut Ulyssiponensi in alterutram Indiam ulla in re dispenset quandiu duraverit navigatio. Non existimo Dicastillum volitutum id neque *per somnium*.

Henao consentit Natalis Alexander (a), quatenus ait, classis capellani (scilicet ubi jus speciale non sit, ut in classe Regis Catholici) approbati debere ab Episcopo, de cujus diœcesi locus est vel portus, in quo armatur vel unde solvit; illud enim censetur eorum qui sunt in navij domicilio.... Opus tamen nova approbatione non videtur, quoties castra de una in aliam diœcesim moventur, vel classis in varias diœceses appellat, quia eleemosynarii (seu Capellani) sunt quasi parochi ex omnium Episcoporum indulgentia & consuetudine, & parochus semel institutus nova approbatione non indiget, ut parochianos audiat extra diœcesim. Sed tamen jus habent Episcopi, in quorum ditione naves subsistunt, ad examen *vocare* &c.

Diana (b) refert S. Congregationis resolutionem, de qua infra Ord. 283., juxta quam Episcopi possunt ac debent prohibere celebrare in navibus. *Sed restat considerandum*, ait Henaus, an prohibere jubeantur, quatenus non fiat sine eorum licentia, an etiam hæc ipsis interdicatur. Restat item ut authenticè constet de tali determinatione. Usitatissimum certè nunc est, ut diebus etiam profestis celebretur in indica navigatione non tantum semel, sed pluries. Et licèt anno 1610. Castellani nondum cœpissent litare in mari, anno 1627. in more erat frequentissimo, ut scripsit ad me D. Joannes de Solorzano, qui id observavit in navigatione ad Indias & in reditu, vir rerum indicarum scientissimus. Cardinalis de Lugo testatur, petitam esse a Summo Pontifice facultatem pro triremibus in Mari Mediterraneo exemplo navigationis indicæ, & fuisse negatam. Sed triremes non sunt tam aptæ ut naves illæ grandiores, neque necessitas est tanta cum frequenter ad terram *accedant*. Sic cit. Henao.

Post Card. de Lugo concessam esse facultatem celebrandi in triremibus melitensibus & pontificiis a Clemente XI. & Benedicto XIV. sub certis conditionibus author est P. Zacharias in Additionibus ad Lacroix (c). Conditiones verò sunt, si navigium sit tutum; si longe absens à littore, si mare sit tranquillum; & celebranti adsit sacerdos alter vel diaconus. Pro navibus hispanicis simile indultum est anno 1706. apud Ferrari (d), & quoad indicam navigationem de moderna praxi testatur Murillo (e) dum ait: *Frequenter missæ celebrantur in navigationibus*, & ego ipse non semel *præsticavi*. Ac de quodam electo Episcopo Tucumanensi docto & Doctore Salmantino referunt quos habuit navigationis socii, toto trium mensium itinere e Gadibus ad Bonas-auras vix uno vel altero die celebrare desiisse.

In Ordinationibus per navium capellanos observandis, vulgo *Ordenanzas*

(a) *N. Alex. t. 2. Theolog. Append. 1. Epist. t. 12. alias 7.* (b) *Diana, P. 9. tit. 1. R. 45.*

(c) *Zachar. apud Lacr. n. 261. De Sac. Miss.*

(d) *Ferrari, V. Missæ Sacrif. art. 4. pag. 77. n. 9. tom. 5. Edit. 2. Rom. 1768.*

(e) *Murillo, lib. 3. Curf. Can. n. 354.*



zas ecclesiasticas militares que deben observar los Padres Capellanes de la Real Armada, y los de los Vageles particulares de nuestra *jurisdiccion*: Quæ ordinationes typis editæ circumferuntur, & quarum exemplar subscriptum 9. Sept. 1759. ab Ill. D. Fr. Thoma del Valle Episcopo Gaditano; dum erat Regiæ Classis Vicarius Generalis, ad manum est, sequentes ad rem præsentem continentur. 1. *No omitira* siempre que pueda celebrarse, tambien los dias feriados. 2. Aunque los capellanes de los navios de comercio no pertenecen à nuestra Vicaria General de la Armada, como son de nuestra *jurisdiccion ordinaria*, &c. Quibus & praxis celebrandi confirmatur, & ea quæ ex Henao & Natali Alexandro ad *jurisdictionem maritimam* pertinentia relata sunt. Et notandum est, quod ab Episcopo Gaditano non tantum permittitur, sed indicitur quotidiana celebratio quoad ejus fieri possit.

## ORDINATIO CCIX.

Anno 1605. 5. Jul.

ECclesia S. Crucis de la Sierra, alias de la Barranca, fit episcopalis, à diœcesi Platenfi divisa. Mentio fit in Tabul. Chron. P. Cl. Clementis Decad. 12., & à D. Antonio de Ulloa (a).

## ORDINATIO CCX.

Anno 1607.

SEdes episcopalis Veræ pacis in Nova Hispania unitur Guatimalensi. Meminit D. Joannes Diaz de la Calle (b).

## ORDINATIO CCXI.

Anno 1607.

ECclesia Angamalenfis seu de Cranganor in Regno de Calecut in India orientali fit Archiepiscopalis absque suffraganeis tamen. Meminit Augustinus Barbosa (c). Nec quod suffraganeis careat Archiepiscopus, novum est, cum Lancianensi, & Rosanenfi vel intra Italiam contingat.

## ORDINATIO CCXII.

Anno 1607. 16. Febr.

PROhibet Paulus V. sub excommunicationis latæ sententiæ pœna Summo Pontifici reservata, ne parochi Indiarum majorem exigant elemosynam ab iis, qui in Eremitarum S. Augustini sepeliuntur ecclesiis, eâ quam illis præscribit Tridentinum (1) juxta explicationem factam a Pio

(a) Ulloa, *Rel. Hist.* 9. 3. lib. 1. cap. 14. (b) Calle, *Notic. Eccl. de las Ind.*

(c) Barbosa, *P. 1. De Off. & Pot. Ep. tit. 1. c. 7. p. 31.*

Pio V. (II) anno 1567. 17. Kal. Jun. Quoscumque Provincialibus Societatis Jesu mandatur, quatenus per se, vel per alium, quando opus fuerit, præsentantes litteras publicari faciant, & illos effectu pacificè frui. Non obstantibus (III) litteris Gregorii XIII. datis anno 1572. Incipit *Expositum*. Extatque in Bullar. Cherub. Const. 32. Pauli V.

## ADNOTATIONES.

(I) *Tridentinum*. Nempe sess. 25. cap. 13. De Reform. decernitur, ut cathedrali seu parochiali ecclesiæ persolvatur quarta quæ quadraginta ante annis solita esset persolvi.

(II) *Juxta explicationem Pii V.* Explicatio hæc memorata habetur in Const. *Et si Mendicantium*. §. 17. ibi: *Quartam* funeralem, de qua sess. 25. cap. 13., nequaquam solvere teneantur monasteria, quæ à quadraginta annis fundata existunt, postquam Concilium tantum loquitur de monasteriis ante annos quadraginta fundatis, quæ ipsam quartam solvere consueverunt. Et ubi solvi consuevit, id tantum ceræ & aliorum, quæ in aliquibus partibus ferri contigerit tempore quo defunctorum corpora ad sepulturam deferuntur, non tamen de missis seu legatis & aliis fratribus ipsis, seu monialibus relictis, aut aliàs quomodolibet donatis, solvi debet. Sicque intelligi Concilii decretum quoad hujusmodi quartam solvendam decernimus. Ubi verò non est consuetudo solvendi quartam, de nullo prædictorum solvi debere *declaramus*. Vide Ord. 85. Adnot. 1.

(III) *Litteris Gregorii*. Per hæc non tam revocatur Gregorii constitutio, quam declaratur non obstare. Nam Gregorius reduxit pianas constitutiones ad terminos juris Tridentini, cujus est explicatio constitutio *Et si Mendicantium*, §. 11. Vide Frassum (a), qui refert decisionem Rotæ pro eo quod plana constitutio quoad hanc partem non comprehenditur revocatione Gregorii. Vide supra Ord. 205.

## ORDINATIO CCXIII.

Anno 1607. 7. Maii.

**P**rohibet motu proprio (I) ne quodvis illicitæ negotiationis genus quovis prætextu, causa, vel occasione exercere audeant ecclesiasticæ quæcumque personæ, & præsertim sacerdotes sub pœnis (II) à sacris canonibus & apostolicis constitutionibus inflictis contra illicitos negotiatores, per ipsos ipso facto (III) incurrendis (excommunicationem tamen contra sacerdotes Indiarum per quascumque provinciales aut synodales constitutiones, præsertim in Synodo Limensi (IV) editas quomodolibet impositam abrogat). Non obstantibus præmissis etiam apostolica confirmatione roboratis. Habetur apud P. Quintanadueñas (b), qui ait extare breve origina-

(a) *Frasso*, cap. 23. num. 36. (b) *Quintanad.* tom. 2. tr. 6. fol. 5. n. 3.

ginale in Collegio Societatis Platenſi. Et Ill. Montenegro (a) ait, penes ſe habere authenticum exemplar.

## ADNOTATIONES.

(1) *Motu proprio*. Laudatus Montenegro inquit, hoc breve fuiſſe datum ad instantiam D. Ferdinandi Godoi Canonici Neo-Carthagenenſis. Ex quo patet quod cum aliis tradit Caſtropalaus (b), non excludi à gratia motus-proprii petitionem privilegiati; poterat enim petiſſe privilegium, & nihilominus privilegium non ob ejus petitionem tanquam ob cauſam finalem, ſed ex voluntate Principis eſſe conceſſum, quia concedit ex ſua voluntate ſicut petiitum eſt, non quia petiitum eſt.

(II) *A ſacris canonibus*. Can. *Conſequens* D. 88. infligitur pœna ſuſpenſionis, ſed ferendæ ſententiæ; dicitur enim: *Ab omni negotiationis ingenio vel cupiditate ceſſandum, aut in quocumque gradu ſint poſiti, mox a clericalibus officiis abſtinere cogantur; ſi ceſſare noluerint*, ut additur Can. 1. q. 4. *Cap. 2. Ne cler. vel mon.*, imponitur anathematis pœna, ſed ſententiæ pariter ferendæ, ut etiam cenſet cit. Montenegro (c). Dicitur enim: *Secundum inſtituta prædeceſſorum noſtrorum ſub interminatione anathematis prohibemus, ne monachi vel clerici cauſa lucri negotientur. Cap. ſin. De vit. & bon. cler.* mandatur, ut clerici negotiatores ſi ter moniti ab Epifcopo non reſiſcant, abjiciant privilegium clericale. Per canones etiam imponitur pœna privationis immunitatis à veſtigalibus & portoriis quoad res negotiationi ſubjectas, etiam non præmiſſa monitione trina, & inhabilitatis ad teſtandum, etiam ſi aliàs facultas ſuppetet. Vide P. Hut (d), & Canoniſtas. Vide etiam Ord. 342., & ſupra Ord. 207.

(III) *Ipo facto incurrendis*. Utrum per hanc clauſulam deveniant latæ ſententiæ pœnæ, quæ ſecundum Adnot. præcedentem ſunt ferendæ, dubium eſt, in quo negat P. Suarez (e) diſputans de ſimili clauſula adhibita per Paulum II. in Extrav. *Cum deteſtabile*. Ratio verò præter videntas apud eum eſſe poteſt duplex. 1. Quia ex uſu & omnium authorum ſententia, ut teſtatur alibi idem Suarez (f), non omnes ſimoniaci ſunt depoſiti, neque beneficiis privati, quanquam ejuſmodi pœna ferendæ erant jure antiquo, ac pœnas & ſententias juris antiqui *ipo facto* incurrendas ſtatuerit Paulus II. in cit. Extrav. Igitur per ejuſmodi clauſulam vel formulam in Conſtitutionibus adhibitam non mutatur pœnarum qualitas. 2. Quia Paulus V. in præſenti Ordinatione intendit mitigare ſeveritatem Concilii Limani imponentis excommunicationem *ipo facto* incurrendam, ut patet ex illius tenore, & abrogatoria parentheſi. At ſi in vi præſentis conſtitutionis omnes pœnæ antiquo jure impoſitæ, etiam quæ ſententiæ

(a) Monten. lib. 1. tr. 13. ſect. 3.

(b) Caſtrop. tr. 3. D. 4. De Privil. P. 2. §. 6. n. 1.

(c) Monten. loc. cit. ſect. 4.

(d) Hut, in 3. Decretal. tit. 50. q. 3.

(e) Suar. D. 22. De Cenſur. f. 5. n. 20.

(f) Suar. lib. 4. de Simon. cap. 55.

tia erant solum ferendæ, incurruntur ipso facto, non severitas mitigatur, sed augetur, ut patet.

(IV) *In Synodo Limensi.* Notum est, & notatum alibi, quamvis multa fuerint concilia etiam provincialia Limæ celebrata, antonomastice dici Concilium Limense quod vulgò est Tertium, quod ipsum fuit primum à S. Thuribio coactum anno 1582., sed finitum anno sequente. In eo statutum (a) ut si quis clericus mercaturæ operam dederit, præter pœnas à jure impositas excommunicationis sententiam ipso facto incurrat. Et sub eisdem pœnis vetat, ne quis Indorum parochus per se vel per interpositam personam cum Indis mercaturam exercere præsumat. Insuper neque pecora præter necessaria ad victum alere, aut agros colere, aut vehendis mercibus animalia tenere vel locare, neque Indos ipsos ad mineralia sibi curanda mittere, vel eorum operam læare. Qui istorum quodlibet egerit, excommunicatione sententiæ latæ se noverit innodatum. In quibus & præceptum & excommunicationis pœna continetur. Licet verò pœna hæc quatenus lata contra clericos negotiatores præsentis abrogatione cessaverit, præceptum tamen non item, cujus violationem prælati punire possunt excommunicationis sententiam ferendam de facto ferentes, ut notavit loc. cit. Montenegro. Sed & excommunicationem ipso facto incurrendam innovavit deinceps Clemens IX., de quo infra Ord. 342.

#### ORDINATIO CCXIV.

Anno 1607. 22. Jul.

**M**issionarii Discalceati Ordinis Carmelitani exempti fuerunt à jurisdictione Congregationum Hispaniæ & Italiæ, incorporatique Congregationi S. Pauli apostolica authoritate erectæ ad infidelium præsertim Indorum conversionem. Sed Congregatione S. Pauli anno 1613. 7. Mart. suppressa, juri Ordinis restituti sunt. Domos habent in Hispahan regia Persarum urbe, in Mogol, Goæ, & in ora malabarica. Mentio fit in Histor. Ord. Monast. à D. Heliot, vel quisquis est author Gallus ejus Operis (b).

#### ORDINATIO CCXV.

Anno 1608. 11. Jun.

**U**T religiosi Ordinum SS. Dominici, Francisci, & Augustini possint in Japoniam trajicere, non solum per Portugalliam, ut ante decretum erat, sed qua liberet. Ita habet, & executionem mandat lex 32. tit. 14. lib. 1. Recop. Ind. Incipit *Sedis Apostolicæ*. Vide supra Ord. 198. & infra Ord. 284.

OR-

(a) *C. Lim. A. 3. cap. 4. & 5. Vide Ord. 178.* (b) *Hist. des Ordres, &c. Ed. 1721. tom. 1. cap. 48. pag. 359.*

## ORDINATIO CCXVI.

Anno 1608. 25. Jun.

**I**D ipsum quod supra Ord. 212. decernitur pro Augustinianis circa sepulturas, extenditur ad Franciscanos. Et ne parochi eos, quorum parentes in ecclesiis dictorum fratrum & monialium sepulti sunt, aut sepulturam pro se & suis particularem habent, in parochialibus ecclesiis sepeliri cogant. Extat in Bullar. Cherub. tom. 3. Const. 47. Pauli V. Incipit *Expositum*. Vide infra Ord. 246.

## ORDINATIO CCXVII.

Anno 1608. 11. Jul.

**U**T Archiepiscopus Limanus creet Judicem Metropolitanum in Regno Chilensi. Bullæ meminit P. Cl. Clemens Decad. 12. Videtur tamen effectu caruisse ex iis quæ habet Ill. Villarroel Chilensis Episcopus (a). Et quod non possit Archiepiscopus de suo Judicem Metropolitanum constituere in diocesis suffraganeorum, nisi ubi jus habeat immemoriali consuetudine præscriptum, vide apud Solorzanum (b).

## ORDINATIO CCXVIII.

Anno 1609. 11. Mar.

**U**T in conventibus Novi Regni, Chilensis, & Philippinarum possint Dominicani litterarios gradus conferre. Bullæ meminit P. Cl. Clemens, Dec. 12. Vide Ord. 241. 262. 288. 308. 395. & 405.

## ORDINATIO CCXIX.

Anno 1609. 28. April.

**U**T Indi possint indulgentias omnes & jubilæos lucrari cum sola confessione. Brevis meminit Solorzanus (c). Sed hæc concessio restrictionem habet, de qua infra Ord. 286. anno 1634. 13. Mart. Vide Ord. 100. ann. 1562. 11. Aug.

## ORDINATIO CCXX.

Anno 1609. 8. Jul.

**U**T religiosi, qui ad partes Indiarum ad fidem catholicam prædicandam, vel alia ecclesiastica ministeria exercenda mittuntur, sub excommunicationis pœna ipso facto incurrenda ad ea loca recta se conferant,

---

(a) Villarr. *Gov. Eccl. tom. 1. P. 1. a. 2. n. 35.* (b) Solorz. *tom. 2. De Ind. Jur. l. 3. c. 9. n. 42.* (c) Solorz. *lib. 2. Polit. cap. 29.*

rant, ad quæ à suis superioribus destinantur. Extat in Bullar. Cherub. tom. 3. Const. 56. Pauli V. *Incipit Recepinus*.

## O R D I N A T I O CCXXI.

Anno 1609. 20. Jul.

**D**ivisa Provincia Limana fit Archiepiscopalis Ecclesia Platenfis, de qua supra Ord. 145. Et Provinciæ Limanæ aggregantur Ecclesiæ Arequipensis, & Guamangensis; Platenfi verò Ecclesia Chuquiabi, vulgò *de la Paz*. Meminit Cl. Clemens, Dec. 12.

Eodem anno & die concessa est per S. Rituum Congregationem in Tlaskalensi, monialibus S. Catharinæ Senensis, licentia recitandi prima hora noctis matutinum, quod alioquin media nocte recitandum erat; scilicet ob aëris intemperiem aliasque causas. Refert Barbosa in *Collectaneis* (a). Et similem licentiâ refert ad annum 1605. 12. Nov.

## O R D I N A T I O CCXXII.

Anno 1610. 11. Febr.

**F**acultates Societati Jesu in Indiis concessæ prorogatæ ad tempus sunt. Facultas verò in impedimentis matrimonii dispensandi in foro conscientiæ in perpetuum, nunc primum concessa prodiit absque nota perpetuitatis. Unde dubium ortum est de quo Ord. 449.; præsertim renovata eadem perpetuitatis nota in Const. *Cum sicut*, de qua mox anno 1614. 16. Maii. Sed & aliæ limitationes adhibitæ sunt in præsentē prorogatione, quæ in præcedentibus defunt, & in posterioribus conservantur. V. gr. facultas absolvendi à reservatis in Bulla Cœnæ tribus limitationibus coarctata est, scilicet ubi non est inquisitio, ubi fideles inter infideles degunt, & ubi Ordinarii non sunt ejusmodi facultatem habentes. Item: concionatores & confessorii à Præposito Generali facultatem habentes, vel ab aliquo Episcopo semel approbati, facultate alia non egebant. Sed Paulus V. facultatem prorogavit audiendi confessiones & prædicandi duplici limitatione, scilicet ut approbatio deberet esse alicujus illarum partium Episcopi, utque in oratoriis vel ecclesiis Societatis audiretur confessio, vel haberetur concio.

Eodem anno 1610. 15. Maii, resolvit S. Rituus Congregatio in causa Chilensi Indiarum occidentalium, posse Episcopum compellere regulares mendicantes sub censuris, ut accedant ad publicas & generales processiones. Refert Barbosa (b). Similem resolutionem refert P. Zacharias (c) ad 27. Jul. 1609. Sed hac lege excipiendi sunt primò ex Concilio Tridentino monachi (d), qui sub strictiore clausura perpetuò vivunt. Deinde qui privilegium habent ne ad processiones quavis instituen-

das

(a) *Barbos. V. Licentia, & V. Matutinum.*

(b) *Barbos. Collect. P. Ep. quoad process.*

(c) *Zach. Prodr. in Lacr. pag. 58.*

(d) *Trid. sess. 25. cap. 23. De Regular.*

das de causa compellantur, quale Jesuitas habuisse indicat Fagnanus (a). Tandem ex declaratione Gregorii XIII. apud ipsum, ii quorum monasterium ultra quingentos passus à civitate distat.

## ORDINATIO CCXXIII.

Anno 1610. 7. Dec.

**A**D instantiam Regis Catholici decretum est<sup>1</sup>, ut conciliorum provincialium celebratio in Indiis differri possit ad annos duodecim. Bullam se vidisse testatur Ill. D. Felicianus de Vega apud Solorzanum (b). Quolibet quinquennio ex apostolico indulto prius erant celebranda, deinde septennio, iterum sexennio, ut refert Frasso (c). Sed in Indiarum Recopilatione praesentis ordinationis indicitur executio, si necessitas aliud non suaserit (d). Vide Ord. 128. & 138.

## ORDINATIO CCXXIV.

Anno 1610. 7. Dec.

**N**E Episcopi ex Hispania ad Ecclesias Indiarum electi moras ibi neant; sed ad suas Ecclesias primo quoque tempore navigent, ibique consecrentur sub poena amissionis fructuum pro tempore dilationis. Refert Solorzanus (e). Et quoad morandi prohibitionem idem esse decretum à Gregorio XIII. habetur in Jure Indico (f):

## ORDINATIO CCXXV.

Anno 1610. 7. Dec.

**D**ispensatum est, ut Indiarum Episcopi possint ab uno consecrari, assistentibus duobus in dignitate constitutis, ut testatur in sua Curia Ecclesiastica Franciscus Ortiz Salcedo, pluresque viri docti, qui & breve legerunt, affirmant. Ita habet Fr. Hyacinthus Jorquera O. P. in quadam resolutione morali. Vide supra Ord. 99. & infra Ord. 318. cum seq. Et anno 1605. 16. Jul. S. Rituum Congregatio in Goana Indiarum concessit, ut Episcopus cum assistentia duarum dignitatum loco Episcoporum ab Archiepiscopo Goano posset consecrari ex speciali gratia, & attenta penuria Episcoporum in illis partibus. Sed hæc postrema declaratio, quam refert Barbosa (g), quandoquidem Archiepiscopus Goanus nominatur ad aliquem determinatum Indiarum orientalium episcopum contracta esse videtur.

OR.

(a) Fagn. lib. 5. Decr. in C. Nimis, De Exc. Præl.

(b) Solorz. l. 2. De Ind. Jur. l. 3. c. 7. n. 40.

(c) Frasso, cap. 95. a num. 35.

(d) Leg. 1. tit. 8. lib. 1. R. 2.

(e) Solorz. loc. cit. num. 86.

(f) Leg. 2. tit. 8. lib. 1. R. 2.

(g) Barb. l. c. V. Episcopus.

## ORDINATIO CCXXVL

Anno 1611. 21. Sept.

**U**T conventus in America, qui numerum saltem octo religiosorum alere non possunt, supprimantur: committiturque executio illarum partium Episcoporum arbitrio. Fit mentio in alia, per quam hæc revocatur, constitutione Clementis XII. anni 1734., de qua Ord. 531. Vide etiam Ord. 481. 483. 540.

## ORDINATIO CCXXVII.

**P**aulus V. concessit Augustinianis Mexicanensibus posse celebrare à quavis hora post mediam noctem. Ita P. Nicolaus Duran in *M. S. de Privilegiis Indicis*. P. Bartholomæus Tafur S. J. è Provincia Peruana in Additionibus ad *Vivæ vocis oracula* Cardinalis de Lugo inquit communicatum esse illi Provinciæ privilegium Augustinianorum. Communicatum revera fuit tam illi Provinciæ, quam Paraguariæ, ut constat ex earum registis: communicatum à P. Claudio Aquaviva pro potestate sibi à Summo Pontifice facta. At P. Claudius diu ante mortuus est quam vivæ vocis oracula revocarentur. Unde ad posteriorem usum nulla est communicatio, sicut nullum est privilegium, quod suppono non esse bullatum. Idem dictum esto de privilegio simili Benedictinis Vallisoletanis concessio, de quo Dicastillo (a) loquitur. Vide P. Avendaño (b).

## ORDINATIO CCXXVIII.

Anno 1614. 16. Maii.

**U**T presbyteri Societatis, quos Præpositus Generalis eligeret per se vel per alios in Indiis orientalibus vel occidentalibus cum neophytis in quibuscumque jure divino non prohibitis consanguinitatis aut affinitatis gradibus, vel aliâs conjunctis seu se attinentibus, ut matrimonium contrahere valerent, ubi locorum Ordinarii faciliè adiri non possent, in foro conscientiæ perpetuò dispensare possent. Et extensa fuit facultas ad forum externum certis conditionibus valitura, sed ad viginti annos. Nec non ut denuntiationes aliasque extrinsecas solemnitates omittere possent, cum expediret, prolemque legitimam declarare. Insuper quoscumque etiam extra ecclesias & sine ceremoniis consuetis baptizare ad viginti annos. Admonentur tamen ne his facultatibus utantur, nisi ubi expedire judicarent. Mandaturque ut neophytos diligenter admoneant, quod ab istis matrimoniis abstineant. Extat in Compendio Indico anni 1615.

OR-

(a) Dic. 17. 5. D. 1. De Sacrif. Dub. 4. num. 65. (b) Avend. tit. 12. *Thesaur. cop.* 20. n. 238.



## ORDINATIO CCXXIX.

Anno 1614. 15. Jul.

**P**rovincia de Pernambuco in Brasilia erigitur in administrationem spiritualem. Mentio fit in Const. 4. Bullar. Rom. tom. 8. pag. 6. inter constitutiones Innocentii XI. Jus autem ejusmodi administrationum quale sit vide Ord. 590. Vide etiam Ord. 375.

Eodem anno 30. Sept. & 15. Octobris, resolvit S. Rituum Congregatio in Mexicana, quod clerus secularis debet semper & in omni loco habere præcedentiam supra regulares ex universali ecclesiæ consuetudine. Refert Barbosa in Collectaneis (a).

## ORDINATIO CCXXX.

Anno 1615. 26. Mar.

**U**T Sinarum missionarii possint in eo Imperio celebrare testo capite, non vulgari & communi pileo, sed alio proprio, & si fieri potest ejusdem cum paramentis coloris. Et sacerdotes natione Sinici possint sacra ministrare & functiones sacras peragere juxta ritum Sanctæ Romanæ Ecclesiæ in lingua erudita Sinarum. Ita habetur in Compendio Indico anni 1737. V. *Missæ*. Incipit *In Generali*.

## ADNOTATIONES.

Longe aliter enuntiatur secunda hujus constitutionis pars à P. Julio Cordara (b), dum refert P. Trigaltio concessum, scilicet præsentì constitutione, *Ut liceret sacros codices in sermonem Sinarum convertere, non plebejū, sed litteratorum propriū*. Quod latè distat à facultate missam celebrandi, & sacras functiones peragendi lingua sinica. Litem dirimat qui constitutionem legere potuit. Quod si utrumque conceditur, non erat omittendum historico quod majus & rarius est.

P. Daniel Papebrochius (c) refert ex auditis à sibi noto P. Procuratore missionis sinicæ, cui facultatis in Romana Curia impetrandæ provincia demandata est, revera gratiam & potestatem officia sacra apud Sinas vulgari litteratorum lingua peragendi esse petitam, & annuente Paulo V. susceptam esse versionem Missalis Romani in idioma sinicum, examinandam deinceps & usui aptandam. Innocentio XI. sedente Romam allata est: & quanquam Summus Pontifex inclinabat, ut exoptatam facultatem concederet, aliorum dictamine hoc negotium interturbatum est primo, deinde desperatum.

De privilegio tegendi caput hæc habet Theophilus Rainaudus (d) ex illius

(a) Barbosa, V. Clerus.

(b) Cordara, Hist. Soc. P. VL. ann. 1616. pag. 216.

(c) Papebr. Const. Chron. sub Innoc. XI.

(d) Rain. tom. XLI. de Pileo. sess. 14. pag. 218.

illius temporis litteris annuis: *Apud Seres sive Sinas inurbanum est capite esse nudo. Habitus est eorum, qui ad patibulum rapiuntur. Sinæ christiani capita aperiunt tantum cum de peccatis confitentur. Institere apud Paulum V., ne sacrificium dehonestari vellet. Annuit dummodo tegmen à profano discreparet. Novum excogitarunt, quod superius quadratum, & à vertice usque ad medium uniuscujusque ex quatuor angulis pendente filo tripartito pretioso ornatum, ita ut in toto appareant duodecim partes distinctæ. Ad quamlibet partem extat porta acu facta. Exhibent Hierusalem in quadro positam, & duodecim portis distinctam.*

## ORDINATIO CCXXXI.

Anno 1615. 23. Maii.

**I**N dubio per Ill. Fr. Augustinum de Carbajal ex Episcopatu Panamen- si ad Guamangensem translaturum proposito, an sibi deberentur fructus à die quo fuit erecta ecclesia (1); an ab eo quo orator fuit propositus in consistorio; an à die aditæ possessionis; Sanctissimus audita S. Congregationis Cardinalium Episcoporum negotiis, præpositorum sententia, mandavit quòd fructus ei consignarentur à die translationis, & præfectionis (II) in Episcopum & Pastorem Ecclesiæ Guamangæ. Ita habet Solorzanus (a). Juxta quod est lex in Jure Indico (b): *Conforme à derecho y bulas apostolicas pertenecen à los Arzobispos y Obispos de nuestras Indias los frutos decimales de sus Obispados desde el dia del fiat de Su Santidad.*

## ADNOTATIONES.

(1) *Quo fuit erecta ecclesia.* Non ergo fuit erecta Ecclesia Guamangæ anno 1619., nec 1616., ut dictum supra Ord. 145., quandoquidem anno 1615. jam de perfecta erectione sermo est.

(II) *A die translationis.* Translationem intelligit Solorzanus in Politica (c), non eam quæ effectu vel possessione completur, sed pontificiam confirmationem etiam ante bullarum expeditionem verbo declaratam. Ait enim: *Declaró y mandó que se le diessen y confirmassen los frutos desde el dia que fue confirmado y propuesto para Obispo de Guamanga.* Idque conforme est citatæ Juris Indici legi. De fructibus minor est difficultas; habita enim notitia prima de intenta translatione per regiam schedulam, quæ præmitti solet ut transferendo permittatur administratio ecclesiæ *ad quam*, possunt & solent fructus retineri, ut quando per bullas præsentatas constet de die factæ confirmationis, ex tunc decursi ecclesiæ *ad quam* fructus consignentur Episcopo translato, & consignari desinant decursi in ecclesia à qua. Quodsi praxis alicubi sit, ut aliquando audiui, ut fructus consignentur Episcopo nominato, non à die confirmationis apostolicæ, sed

(a) *Solorz. tom. 2. De Ind. Jur. l. 3. c. 5. n. 56.* (b) *Leg. 2. tit. 7. lib. 2. R. de Ind.*

(c) *Solorz. lib. 4. Pol. cap. 5.*

sed à die regie præsentationis, seu gratiæ à Rege factæ, potest id in regiam munificentiam referri supererogantis de vacantium fructibus in favorem præsentati.

Major est difficultas, quam versat Solorzanus (a) de translati jurisdictione, à quo tempore cesset in Ecclesia à qua, dum accepta est regia de promotione schedula, & suscepta administratio ecclesiæ ad quam, nondum tamen constat an & quando expeditæ sint bullæ translationis, nec confirmatio per Pontificem. Qui casus frequentissimus occurrit. Et in Diœcesi Tucumana, dum hæc scribuntur, jus dicit Vicarius Generalis & Provisor constitutus ab Ill. Argandoña, qui jam diu gubernat Archidiœcesim Platensem, quod è Tucumania translatus est. Neque injuriâ, quidquid dicat Solorzanus; nam per regiam promotionis aut translationis schedam tantum constat de præsentatione facta jure patronatus, & de petita confirmatione pontificia, ut quis promoveatur vel transferatur, non de jam facta promotione vel translatione, quæ non nisi per apostolicum fiat peragitur. Quandiu vero non constat de facta promotione, legitimum jus dicere pergit præsentatus, per se vel per Vicarium à se constitutum in diœcesi à qua. Alioquin cessaret jurisdictio antequam innotesceret promotio, seu dum est prorsus ignorata.

Inquit Solorzanus, cum qui novam Ecclesiam acceptat, præsumit renuntiasse veteri. Sed qua ratione id præsumitur, cum Episcopus solum mutans Vicarium pro se absente reliquerit? Addit, Ecclesiæ secundæ susceptionem esse quasi matrimonium spirituale, quo vinculum cum prima dissolvitur. Facile negatur; nam qui accepta schedula regia secundam Ecclesiam suscipit gubernandam, eam suscipit non ut sponsus, sed ut tutor vel curator, sed ut merus administrator, ut notum est in Jure Indico, usque ad tempus, quo à Summo Pontifice per fiat definito, & notificato, incipit tutor esse & sponsus, vinculo cum prima dissoluto. Vide infra Ord. 389.

Alius est casus frequentissimè occurrens, qui & modo in viciniâ illa pendet, scilicet Episcopi, qui jam pridem bullas accepit promotionis & acceptavit, nondum tamen adiit possessionem Ecclesiæ ad quam, & Ecclesiam à qua gubernare pergit, Capitulo dissimulante. Solorzanus loc. cit. hæret dubius de jure, sed inclinat ad negandum. Nicolaus Garcia apud ipsum contrarium tenet. Doctor Indicus Machado (b) scribit apud Dianam: *La primera* question es, quando el Obispo fue promovido de su Iglesia, y se le despacharon las bulas, si antes de tomar possession de la segunda Iglesia, se diga haver vacado, y quedar en sede vacante la primera. Esta question es tan reñida, que viene à ser comun contra comun. La parte afirmativa de que la Iglesia no queda en tal caso en sede vacante, defienden una glosa y otras muchos, y que puede el Obispo continuar su jurisdiccion por si ò por su Vicario todo el tiempo que tar-

(a) Solorz. tom. 2. De Ind. jur. l. 3. c. 23., Et lib. 4. Polit. cap. 23.

(b) Mach. apud Dian. P. 8. tr. 4. R. 33. Coordin. to. 3. tr. 5. R. 6. Vide Garc. to. 2. P. 21. De Benef. cap. 6. num. 28. & seq. pag. 225.

tardare en tomar possession del segundo Obispado. Y Nicolao Garcia afirma, que en España se observa frecuentamente esta opinion por costumbre de que trae algunos exemplos. Y asimismo afirmaque en tal caso se suelen despachar en el Consejo Supremo de la Camara provisiones, paraque en la primera Iglesia no se publique sede vacante hastaque en la segunda tome possession el Obispo promovido. La contraria tiene y prueba doctamente el Doctor Solorzano con otros muchos à quienes refiere y sigue. Fúndase en que la Iglesia vaca luego que *ab illius* vinculo absolvitur in consistorio Romani Pontificis, etiam si non sint expeditæ litteræ vel *capta possessio*. Y si es cierto lo que refiere Alcedo, que ha tenido noticia por relacion de varones gravísimos, que se ha despachado breve en el qual se prohibe à los Obispos promovidos administrar o exercer qualquiera cosa en su Obispado despues que tuvieron noticia de su promocion, cessarian las dudas y las disputas que sobre esto se ofrecen todos los dias. In hanc etiam Solorzani sententiam inclinarunt Regii Senatores in causa Episcopi Carthaginensis ad Ecclesiam Popajansensem translati, quam refert D. Ramirus Valenzuela in Additionibus ad Solorzanum, lib. 4. Pol. cap. 13.

## ORDINATIO CCXXXII.

Anno 1615. 7. Dec.

**P**AULUS V. providit administrationi Ecclesiæ Japonensis sede vacante. Mentio fit in Formula juramenti à missionariis præstandi juxta decretum Seren. Portugalliæ Regis. Quid vero providerit Paulus refert Charlevoix in Historia Japonica, nempe ut Provincialis Societatis Jesu administrationem susciperet. Forte ad hoc tempus referendum fit quod habet in simili Solorzanus (a) de Ecclesiæ Manilensis administratione: *Por lo tocante à la Iglesia Metropolitana de Manila en las Philippinas impetron los Embajadores del Rei N. S. que quando sucediere vacar, se llame à su gobierno el Obispo mas cercano. Vide Ord. 137. 389. 461. & seq.*

## ORDINATIO CCXXXIII.

**P**AULUS V. statuta monasterii S. Catharinæ Senensis Cordubæ in Tucumania approbat, defectus si qui fuerunt supplet, decernitque statuta & monialium professiones esse validas. In futurum autem, ritum conferendi habitum monialibus à regula S. Dominici sumptum servari debere. Nempe pro parte monasterii propositum erat, quod erecto illo per Ordinarium loci autoritate apostolica, pro illius regimine statuta quædam ex regula S. Terefiæ aliquantulum tamen immutata addita fuerant. Debitumque fuit, an statuta & professio monialium essent valida, in quibus

(a) Solorz. lib. 4. Pol. cap. 13.

bus habitus Dominicanus à regula Carmelitana discrepabat. Res primum deducta fuit in theses novo ritu coram monialibus disputatas, nullitatem propugnante Fr. Ferdinando Mexia fundatricis monasterii consobрино. Pro valore stetit P. Petrus Oñate S. J. libris *De Contractibus* editis notus, ea maximè ratione quod habitus non facit monialem, sicut nec monachum; & quia paululum quod de regula immutatum erat, pro nihilo reputandum. Vide P. Nic. del Techo (a).

## ORDINATIO CCXXXIV.

Anno 1616.

**U**T Ecclesie Limanæ capitulum possit singulis annis adjunctos eligere; ut juxta Concilii Tridentini decretum de eorum consilio & assensu in causis capitularium extra visitationem procedere debeat Prælatus. Ita habet Solorzanus (b), idemque privilegium competere reliquis Indiarum ecclesiis, quamvis aliquando prælatorum præpotentiâ usus intercludatur. Ratio Solorzani est, quia licet in Indiarum Ecclesiarum erectionibus, excepta Truxillensi, mentio nulla fiat de adjunctis; at in omnibus continetur communicatio jurium, consuetudinum, indultorumque competentium Hispaniensibus Ecclesiis, quorum præsens de adjunctis est fere commune.

Communicationem jurium Episcopis faventium in erectione, quæ ad manum est, video, faventium capitulis contra Episcopos non video, sed tantum quod Ecclesie Indicanæ in cantu & ritu Hispalensi conformes sint, in beneficiorum provisionibus Palentinæ. At adjunctorum electio jura Episcoporum coarctat, ut pro certo habet eodem loco Solorzanus. Minus etiam verum est quod ait vel ex proprio sensu, vel ex sententia informatorum quos refert, Tridentinum ubi præsentem de adjunctis disciplinam explicavit, eam generaliter statuisse pro omnibus ecclesiis, cum verba Concilii sint (c): Hæc autem omnia & singula in iis ecclesiis locum non habeant, in quibus Episcopi, aut eorum Vicarii ex constitutionibus, vel privilegiis, aut consuetudinibus, sive concordiiis, sive quocumque alio jure, majorem habent potestatem quam præsentis decreto sit comprehensum. Propter hæc forte Ecclesia Neo-Scalabitana seu Truxillensis, cujus erectionem Frassus posuit hoc anno (d) jus adjunctorum expressum voluit, ne in dubium cum pacis detrimento verteretur.

## ORDINATIO CCXXXV.

Anno 1616. 6. Dec.

**S** Congregatio Episcoporum & Regularium in causa Chilensi decidit, Episcopos visitare posse, nedum confraternitates, sed etiam altaria & capellas earum intra Regularium ecclesias constitutas, circa ea tantum

(a) *Techo*, lib. 5. *Hist. Parag.* c. 11. & 12. pag. 138. (b) *Solorz.* lib. 4. *Pol. cap.* 11. (c) *C. Trid.* s. 25. *cap.* 6. *De Reform.* (d) *Frasso*, c. 29. n. 33.

tum quæ confraternitatum administrationem concernunt. Refert ex Barbosa P. Forti (a), qui tamen exemptas voluit ab Ordinariorum visitatione congregationes existentes sub directione Societatis Jesu, eo quod non habent redditus, nec sunt corpore stabilia, sed quæ cessante dicta directione evanescunt. Idem habet Compendium Commune Privilegiorum Societatis, cujus verba sunt (b): *Cum* per concessionem Sixti V. Præpositus Generalis possit dissolvere quaslibet congregationes externorum eretas vel erigendas sub cura & directione Societatis; atque Societas pluries declaraverit juxta suum morem illas erigendi & retinendi confirmatum litteris apostolicis Gregorii XIII. Sixti V. Gregorii XV. & Benedicti XIV. prædictas congregationes possidere bona non posse, Ordinarii locorum non possunt se ingerere in visitatione eorumdem sub prætextu bonorum, quæ ex pia largitione & donatione in illarum usum obveniant. Bona vero, suppellectiles, & mobilia omnia in eventu dissolutionis revertuntur in dominium Societatis, & Collegiorum, nisi aliter constet de voluntate donantium ut inhærendo litteris apostolicis definivit S. Congregatio Episc. & Regul. in una Asculana 16. Mart. 1713., & in Firmana 2. Dec. 1740., approbante Benedicto XIV. in Const. *Laudabile*, 15. Febr. 1758. Vide Ord. 552. & modo sequentem.

## O R D I N A T I O CCXXXVI.

Anno 1616. 6. Dec.

**E**Adem S. Congregatio in causa itidem Chilensi resolvit, non licere clericis Societatis Jesu, nec Regularibus Sancti Dominici confraternitates seu novas congregationes cum usu saccorum erigere sine licentia Ordinarii loci. Refert ex eodem Barbosa Forti (c).

Ad hunc annum 1616. refert Quintanadueñas (d) in Manilenſi deſuò reſolutum eſſe, quod ſupra in Limana, & Manilenſi ſub die 10. Jun. 1591.

## O R D I N A T I O CCXXXVII.

**P**aulus V. præter Pontifices alios, seu dispensando conceſſiſſe Provinciæ Chiapenſi in Indiis occidentalibus, seu declarando permiſiſſe dicitur uſum chocolate in jejuniiſ extra horam reſectionis. Mentio fit ab Antonio Leon Pinello in Opusculo inſcripto *Queſtion Moral del Chocolate*.

## A D N O T A T I O N E S.

In Queſtione ſua reſolvit Pinellus, chocolate non eſſe potum, ſed cibum legibus jejunii contrarium, quamvis permittat ex parvitate materiæ eam quan-

(a) Forti, Art. 22. De Conſerv. n. 239. pag. 192. (b) Tom. I. Inſt. pag. 279. Ed. 1758.  
(c) Forti, loc. cit. n. 246. (d) Quintanad. 10. poſthum. tr. 6. De Privil. Ind. Ang. 9. n. 7.

quantitatem aquâ dilutam sumere, quæ antequam diluatur sit parva, putâ unius vel alterius unciz: eoque minus scrupulosè procedi posse arbitretur, quanto major adhibeatur aquæ quantitas cum parva quantitate cacao. Sed materiæ parvitas culpam levificare potest, non evacuare. Nec ad parvitatem materiæ definiendam attendenda est solum chocolatz quantitas, ut erat antequam dilueretur aquâ, sed ut à jejunante sumitur aqua & igne alterata ut patet in jusculo aqua & carniū exigua quantitate coctis constante. Sed opto clariorem de hac Pontificis Ordinatione notitiam, utque declararetur magis quæstionis materia, cum chocolata aliter ab aliis condiatur, adhibeaturque nunc prævalente aqua in mixtura quæ sit, nunc materia solidiore, nunc plurium materialium etiā aromaticarum congerie, de quo vide laudatum Pinello.

P. Concina, vel quisquis est author opusculi anonymi (a) quod illi tribuit Zacharias (b), censet scandalosam opinionem de usu licito chocolatz toties quoties: *Una cicara* (subdit) non si vuole determinare se sia mortale. Refert ibidem opinionem Thomæ Hurtado usum honestantis quatuor de titulis, sive seorsim sive simul sumptis: scilicet, ex consuetudine, ex qualitate potûs, ex materiæ parvitate, & ex apostolica concessione. Et quod attinet ad concessionem P. Raphael de Luxana O. P. Provincialis Provinciæ S. Vicentii in Indiis occidentilibus juratus affirmare dicitur, Fr. Hieronymum à S. Vincentio ejusdem Ordinis, à singulari pietate laudatum, & Provinciæ Guatimalensi præfectum se coram testatum, dum esset Romæ, S. Pium V. informatum qua ratione in Indiis ea potio adhiberetur, à se consultum respondisse: *Potus* non frangit *jejunium*. Id à P. Luxan declaratum est 23. Mart. 1619.

P. Rodericus Marinque S. J. narrat, P. Didacum de Sofa ejusdem Societatis Provinciæ Mexicanæ visitatorem sibi testatum esse, P. Nicolaum de Anaja, dum Romæ Mexicanæ Provinciæ procuratorem ageret, Paulum V. anno 1614. hac de re consuluisse, qui peregrinæ potionis se coram imperato opificio, respondit: *Hoc* non frangit *jejunium*. Oraculum expedit procurator ad Mexicanæ Provinciæ tunc Præpositum, ex cujus testimonio Provinciæ primoribus innotuit, hinc Sofæ visitatori, deinde referenti Manriquio. Et tractatum quidem Manriquiî probarunt 3. Junii 1630. plures Soc. Jesu Patres, Hispali à doctrina noti, & laudati à Thoma Hurtado.

Aliud simile Gregorii XV. responsum addit apud Concinam Hurtadus Leandro Capuccino iratus quod ad fabulas rejiciat oracula hæc. Leandri (non Capucini sive de Murcia, sed Trinitarii) à SS. Sacramento sententiam habes apud P. Thirsum (c) in adjuncta dissertatione authoris innominati sic loquentis: *Declarationes*, quæ non sunt editæ authenticæ, sed in aliquibus historiis circumferuntur, nullo modo censentur certam fidem facere, ut patet inter alia in declarationibus trium Summorum Pontifi-

(a) *Memor. Stor. sopra l'uso della Ciccol... in una lettera a Mgr. ....*

(b) *Zach. in Lacc. g. 230. De Jej.* (c) *Thir. de reth. us. op. prob. Diff. 14. cap. 7. §. 2.*

tificum circa potionem chocolaticam, quas plerique theologi parvipendunt, etiam si referantur in historiis non minus fide dignis quam sit historia (de qua ibi). Id videre est in Leandro a SS. Sacramento (a), ibi enim quærit an potio chocolatica sit absolutè & simpliciter licita in die jejunii ex concessione Pontificis? Et affirmativæ sententiæ authores & fundamenta proponit, nempe quod ita declaraverunt tres Summi Pontifices, præcipuè Gregorius XIII. (non XV.), cujus declarationem refert Ill. Fr. Augustinus Padilla Archiepiscopus Hispanicæ in India his verbis (b): *To be visto la consulta que se hizo al Papa Gregorio XIII. por mano del Dr Arpilcueta Navarro à instancia de la provincia de Chiapa, donde se comenzo esta bebedida. Y con ser la relacion, harto encarecida, respondió el Papà par dos vezes que no quebraba el ayuno. Et tamen subdit Leander: Negant verò alii putantes, neque ex hoc capite esse licitam potionem chocolaticam in die jejunii, quia putant dictas declarationes quibus continetur, Que el chocolate es bebida, vel non dari, vel de illis non costare authenticè, & sic nullam habere vim. Hucusque anonymus apud Thirsum.*

Relata Pontificum responsa sunt quidem vivæ vocis oracula, non tamen de revocatis, cum sint purè declarativa, ut ex tenore patet: certè privilegia non sunt ulli regularium instituto facta. Nec si documentis constent fide dignis & legitimis requirenda est major authenticitas ad resolutiones doctrinales. P. Concina male habet, quod oracula Pontificum, utique Romæ prolata, solis Chiapensibus Dominicanis, & Mexicanis Jesuitis nota sint. Solis quidem Chiapensibus & Mexicanis data sunt primò, nec mirum cum non aliunde consultus sit Pontifex; & res eo tempore fuerit Chiapæ & Mexico fere peculiaris & propria, nec tam vulgaris ut modo est in Europa. Nota verò sunt jam etiam vulgo ex quo passim ab authoribus referuntur, & ab ipso Concina. Neque rei non accrescit autoritas magna ex quo Dominicani & Jesuitæ conveniunt.

Cardinalis Brancatius, qui cum Cardinali Cozza sententiæ benignæ de chocolatæ usu, ad stipulatur, meminit bullæ cujusdam, qua Urbanus VIII. eidem sententiæ favet. Verba Em. Cardinalis apud Concina sunt: *Non asciscam mihi hac assertione præsidium ex assertis Summorum Pontificum Pii V. Gregorii XIII. Gregorii XV. declarationibus relatis ab Hurtado, aut ex bulla Urbani VIII. cujus meminit Henricus Stubæus, & prius Pellicier ab Hurtado relatus, nostram sententiam confirmantibus. De his enim mihi legitimè non constat, neque illas vidi, neque id a viris quorum certe cognitionem fugere non poterant, audivi. Imo cum plerumque coram Pontifice me præsentem in Episcoporum examine hæc controversia fuerit proposita, nulla de assertis bullis mentio facta est.*

Benedictus XIV., licet in pontificatu nihil quod sciam de hoc argumento scriptum reliquerit in Notificationibus, dum Bononiensem regeret Ecclesiam, ait (c): *Si va disputando se la nuova bebanda del cioccolato,*

(a) *Leandr. P. 3. tr. 1. §. 2.* (b) *Padilla, Hist. Regn. Mex. lib. 2. cap. 24.*

(c) *B. XIV. Notif. XV. tom. 2. pag. 166. anno 1733. Editio.*



te, presa fuori dell'ora della ritezione guasti il digiuno, sostenendo alcuni la sentenza *negativa*. Subdit Concina; hinc evidenter inferri, cæteros communiter theologos contrariam sententiam affirmativam tenere. Ex eo nempe quod Benedictus dicat, aliquos sustinere negativam, vult hic author evidenter illatum, reliquos affirmare. Sed hujus illationis neque evidentia, neque rectitudo, neque nexu ullus apparet, cum possint aliqui negare, aliqui seu plures, seu pauciores affirmare, & reliqui theologi ut in re nova, nec ab omnibus tractata, nec affirmare nec negare, sed controversiam prætermittere, vel relatis authorum placitis indecisam relinquere, quod modò facimus, & fecit loco citato Benedictus (a) dum ait, nescias an purè permittendo, an approbando: *Si cammini* pure colla opinione più benigna che il bere il cioccolato non guasti il digiuno. Ma chi potrà scusare dalla colpa d'intemperanza, e forse anche dalla trasgressione del digiuno chi ne prendesse una tazza assai più grande del solito?

Aliqui etiam theologi hoc argumentum versantes sententiam neque affirmando, neque negando absolutè proferunt, sed cum limitationibus quales habet P. Thomas Pius Millante O. P., & ipse antiprobabilista, cujus verba apud Concinam sunt: *Afferere omnino adversam esurialibus diebus cocholatæ potionem, est carpere viros quâ doctrina qua pietate insignes, qui illa hodie sine scrupulo utuntur, aliisque ut licitam suadent: præsertim cum innumeri ex iis sint è cœtu eorum, qui nobiliori & purgatori Theologiæ operam navant...* Dico igitur esse absolutè licitam in moderata sesquiunciæ quantitate, quia parvitas materiæ ex consuetudine introducta & tolerata ab Ecclesia omnino excusat à culpa, licet ex se absque tali permissione non excusaret.... Qui post epotam sesquiunciam aliam propinare vellet, peccaret venialiter. Qui tertio faceret, mortaliter.

Authores qui chocolatæ usum in jejuniis omnino damnant, ea fortè nituntur opinione, qua sibi aut aliis persuadere volunt, constare vi nutriendi vero majore. Ephraim Chambers (b) ait: *Alcuni* si sono sforzati di mostrare, che vi è più sugo nutrizio in una oncia di cacao, che in una libra di carne di bue e di castrato. Et in Relatione quæ commilitoni cuidam Mexici debellatoris Cortesii adscribitur (c) chocolatæ virtus sic exaggeratur: *Est* potio omnium & liquorum & ciborum, quotquot in orbe toto noti sunt, sanissima, & succulentissima, cujus si quis mane pocillum bibat, poterit per totum diem cæterâ impastus viam agere: præstatque illius usus tempore calido, quippe quæ suapte natura est *frigidior*.

Verius explicat chocolatæ vim & naturam loco citato Chambers dum ait: *E stimata* non solo un cibo eccellente, ma anche una buona medicina, ed almeno un buon vitto a dieta per eccitare e conservare il moderato calore dello stomaco ed ajutare la digestione. Et Lucanensibus Novis circa annum 1750 publicatum est opus D. Francisci Bernardi Vegezzi,

(a) *Ibid.* num. 20. (b) *Chamb. Dic. F.* Cioccolata. (c) *Relaz. della Città del Te-*  
missican (Mexico) fatta per una Gentiluomo del Sr. F. Cortes.

zi, cui tam medicinalis visa est chocolata, ut invenerit solutivam, deobstructivam, & febrifugam.

Non temerè potionem hanc annumeraveris electuariis, de quibus est doctrina D. Thomæ tum in Summa (a), tum in Sententiariis ubi (b) ait: *Quæ propter alios cibos accipi consueverunt; vel digerendos ut electuaria, vel deducendos per membra ut potus vini & aquæ, hujuscemodi jejunium non solvunt; quamvis etiam aliquomodo nutriant.* Et alibi (c): *Dicendum quod quidam dicunt, quodsi electuaria comedantur ob delectationem, solvunt jejunium; si autem causa medicinæ fumantur, non solvunt jejunium.* Sed statutum positivæ legis non attendit intentionem observantis, sed ipsum actum, eo quod modus virtutis non cadit in præcepto, sed est finis præcepti. Sed ex intentione potest aliquis mereri vel demereri. Et ideo dicendum, quod licet electuaria aliquomodo nutriant, non tamen hic est principalis usus eorum. Unde nec loco manducationis summi consueverunt. Et ideo talis sumptio jejunium ecclesiæ non solvit, quamvis homo possit totaliter vel in parte ex hoc meritum jejunii perdere, vel etiam mortaliter peccare, si sit immoderata libido, non tamen est transgressor præcepti ecclesiæ, nisi in fraudem sumeret, aut si eis quasi aliis cibis uteretur, ad famem *extinguendam*. Hæc D. Thomas. Et quidem medicinæ causa pluris est ad honestandum chocolatæ, sicut electuaria usum in multis, quam quod esca sit intellectum & spiritum alens, quod apud Bernardes (d) agebat nescio quis. Vide P. La Reguera (e).

## ORDINATIO CCXXXVIII.

Anno 1619. 26. Oct.

UT B. Francisco Xaverio nondum canonizato cultus in India præstari posset. Meminit P. Cordara (f).

## ORDINATIO CCXXXIX.

Anno 1620.

Ecclesia Durangi in Nova Hispania fit episcopalis. Mentio fit in Geographia Sacra apud Chiquet. Anno sequente 14. Maii ponitur à D. Gonzalvo de Paz.

Hoc eodem anno 1620. facta est episcopalis ecclesia Boni-aeris, & Ecclesia Conceptionis in Chile, ut refert P. Claudius Clemens. Sed quod attinet ad Sedem Conceptionis, illa non tam est primo erecta, quam translata ab oppido Imperiali in eodem regno destructo.

Eodem anno 1620 4. April. resolvit S. Congregatio Rituum in Mexica-

(a) D. Th. 2. 2. q. 147. art. 1. (b) In 4. d. 8. q. 2. art. 4. c. 2. ad 2.

(c) In 4. d. 15. q. 3. a. 4. q. 2. ad 3. (d) P. Man. Bernardes del Or. de Lisboa, Floresta de Var. apoth. (e) P. Man. de La Reg. Prax. Th. Myst. (f) Cordara, P. 6. Bisp. Soc. ann. 1619. n. 178.

xicana, circa assistentiam faciendam Episcopo à dignitatibus & canonicis, servandum esse Cæremoniale Romanum, prout circa alia omnia. Refert P. Ferrari (a).

## ORDINATIO CCXL.

Anno 1620. 23. April.

**E**X sententia Sacræ Congregationis in una Novi Regni Granatensis decisum est, quod si regulares fuerint ab Episcopo in examine repro-  
bati, non possunt à suis superioribus mitti (1) ad alios Episcopos pro or-  
dinibus suscipiendis. Et si hoc faciant, Episcopus non diœcesanus eos or-  
dinans, à collatione ordinum per annum erit suspensus, & ordinati à  
susceptorum executione suspensi erunt (II) quandiu Episcopo diœcesano  
videbitur. Ita habet J. B. Pittoni (b).

## ADNOTATIONES.

(1) *A suis superioribus mitti.* Die 15. Mart. 1596. sub Clemente VIII. censuit Congregatio Concilii, superiores regulares posse suo subdito item regulari dimissorias concedere, ad episcopum tamen diœcesanum, illius scilicet monasterii, in cuius familia is regularis positus fuerit. Vel si diœcesanus abfuerit, vel non esset habiturus ordinationes, vel sedes vacaverit, ad quemcumque alium episcopum, dum tamen ab alio episcopo qui ordines contulerit, examinetur quoad doctrinam, & dum ipsi regulares non distulerint de industria concessionem dimissoriarum in tempus quo diœcesanus vel abfuturus esset, vel nullas ordinationes habiturus. Verum cum à superioribus regularibus, Episcopo diœcesano absente, vel ordinationes non habente, dimissoriæ dabuntur, in eis utique ejusmodi causam absentiae diœcesani, vel ordinationum non habendarum exprimendam esse. Quod qui non fecerit, officii & dignitatis, vel administrationis, ac vocis activæ & passivæ privationis, aut alias arbitrio Summi Pontificis reservatas incurret.

Dubitare videtur C. Petra (c) an hoc decreto essent comprehensi clerici regulares S.J. Sed dubium eximit Innocentius XIII. Const. *Apostolici Ministerii*, data anno 1723. §. 15. dicens: *Servetur decretum Clementis VIII.*, quo sancitur, ne litteræ dimissoriæ ad alium quam episcopum diœcesanum dirigantur. Exceptis Regularibus quibus post Tridentinum concessum fuerit, ut à quolibet ordinari possint. Quam constitutionem confirmat præter Benedictum XIII. Benedictus XIV. in Const. *Impositi Nobis*, data 3. Kal. Mart. 1746., ubi addit dimissorias exprimentes absentiae episcopi, vel ordinationum non habendarum causam, nullius esse roboris, nisi authentica adjuncta sit Vicarii Generalis attestatio, aut cancellarii, aut

(a) Ferrari. *Verbo Assistencia*, num. 38. (b) Pittoni, CC. ad Episc. n. 753.  
(c) Petra, *Comments. in CC. Ap. tom. 2. pag. 346.*

aut secretarii Episcopi diocesani, qua constat Episcopum abesse, vel ordinationes non habiturum tempore proximo ab Ecclesia statuto. Addit etiam, non prodesse privilegia communicata, sed opus esse directe concessio post Tridentini confirmationem. At clericis regularibus Societatis post Tridentinum directe concessum erat, nec tantum communicatum, ut à quolibet ordinari possent, nempe in Const. *Pium & utile* Gregorii XIII. data 22. Sept. 1582., & in alia eodem anno pro Indiis data quæ incipit *Summi Sacerdotis*, cujus mentio fit in Compendio Indico V. *Ordines* §. 2.

De eisdem regularibus erant resolutiones sequentes relatæ à C. Petra loc. cit.: An clerici S. J. habitantes in Diocesi Mechliniensi, Archiepiscopo ordinationes habente, possint ordinari ab alio Episcopo? Die 15. Jul. 1681. responsum fuit affirmative... An Archiepiscopo ordinationes habente, possint extra diocesim Mechliniensem ordinari ab alio Episcopo in propria diocesi? R. fuit affirmative. An sacros ordines suscepturi ab Archiepiscopo Mechliniensi debeant se subicere examini prout cæteri regulares? Die 15. Jul. 1683. S. Congregatio respondit negative. Repropositis deinde dubiis istis 8. Jul. 1684. dilata est resolutio. Vide Lacroix (a), apud quem ad ultimum dubium responsum dicitur negative, nisi sit consuetudo in contrarium.

(II) *Suspensi erunt*. In decreto Clementis est qui legat: *Officii privationem incurrant*. Quo verbo putat Peirinis & cum eo Card. Petra loc. cit., importari pœnam seu suspensionem sententiæ ferendæ; quia verbum est de futuro. Sed quamvis verbum futurum sit, seu futurum tempus importet, non requirit futuram judicis actionem seu cooperationem, cum verbum sit neutrum. Innocentius XIII. in cit. Const. simile decretum sic effert: *Quodsi præter hanc formam ordinetur ab alio, ordinans à collatione ordinum per annum ordinatus ab executione quandiu proprio Episcopo videbitur, subjaceat*. At hæc nota est sententiæ latæ, à quo vix differunt *subjacebit, suspensus erit, suspensionem incurrat*, quamvis verba sint de futuro. Quod attinet ad decretum Clementis VIII. testis est summus iudex Benedictus XIV. cit., in authographo legi verbum *incurrant*, non *incurrant*; ait enim ibi: *Pœnaliū* sanctionum quibus ipso facto adstringuntur (si quidem in authographo supra relati Clementini decreti distinctè legitur *incurrant*, non autem quod non nemo falso asseruit, *incurrant*).

## ORDINATIO CCXLI.

Anno 1621. 8. Aug.

**G**regorius V. concessit ad decennium facultatem conferendi gradus litterarios in collegiis Societatis Jesu distantibus à publica universitate biscentum miliaribus. Extabat in archivio Collegii Cordubensis S. J. in Tu-

(a) *Lacr. De Sac. Ord. n. 2193.*

Tucumania. Incipit in *Eminentis*. Similis constitutio data dicitur a Paulo V., cujus mentio fit in Const. *Alias felicitis*, de qua infra anno 1627. 7. Jan. Vide Ord. 262. 288., & 308.

Eodem anno 1621. 10. Martii prodierat S. Congregationis resolutio in Camarinensi, ut Episcopus possit regulares in iis quæ curam animarum & sacramentorum administrationem concernunt, visitare, & examinare, & contra eos non parentes, & non exequentes decreta in visitatione facta procedere, eosque cogere ad exequendum. Refert Barbosa (a). Id ipsum generali constitutione, quæ incipit *Inscrutabili*, data anno sequente 1622. Non. Februar. decretum est. Et anno 1625. 18. Sept. ipsum in una Limana inculcatur apud cit. Barbosam (b), scilicet Episcopum in regulares curam animarum personarum sæcularium exercentes in iis, quæ dictam curam & sacramentorum administrationem concernunt, eadem autoritate uti posse, qua in parochos sæculares. Vide Ord. 263. 264. 273.

## ORDINATIO CCXLII.

Anno 1622. 19. Febr.

**S** Rituum Congregatio in causa vertente inter Archiepiscopum S. Fidei dei Novi Regni de *Granada* in Indiis occidentalibus, & Patres Societatis Jesu ex altera parte, audita relatione Cardinalis Sacrae, & audito Procuratore Generali Societatis, censuit Prælatos & reliquos Patres Jesuitas benedicere posse paramenta, aliaque ornamenta ecclesiastica, in quibus non adhibetur sacra unctio, pro servitio propriorum collegiorum tantum; pro aliorum vero servitio non posse. Ea vero in quibus adhibetur sacra unctio, neque pro ipsorum, neque pro aliorum servitio, benedicere posse vel consecrare. Habetur apud Ill. Villarroel (c), qui & refert Senatus Indici revisionem & regium pro executione placitum. Vide supra Ord. 78. Adnot. 7., & infra Ord. 280. Anno 1625. 22. Mart. eadem Sacra Congregatio censuit & declaravit, hoc decretum quoad religiosos SS. Dominici, Francisci, & Augustini, ac B. Mariæ de Mercede extendi debere, ut ibidem ait Villarroel.

## ORDINATIO CCXLIII.

Anno 1623. 31. Jan.

**G**regorius XV., humanæ, ut ait, infirmitatis miserando Christianis Madurenfibus, donec aliter à Sancta Sede provideatur, concedit uti posse suis illis (I) nobilitatis insignibus, linea (II), codumbo (III), sandalo (IV) & lavationibus (V), quæ ad corporis ornatum, & munditiam ordinabantur, dummodo idololatriam, aut superstitionem non sapiant, neque

(a) Barb. Collect. V. Episcopus. 9. 9. n. 322. (b) Barbosa, loc. cit. pag. 323.

(c) Villarr. tom. 15 P. 1. q. 6. art. 11.

neque aliquid usurpetur quod præter simplicem horum usum superstitione aliquorum addiderat. Et quia hæc signa seu stigmata à sacerdotibus suis in gentilitate accipiebant decrevit Pontifex, ut ea acciperent à sacerdotibus legis evangelicæ, reiectis omnibus aliis caeremoniis gentilicis, & observantiis temporis, loci, & instrumentorum, quæ potius superstitionem indicant, quam actiones humanas. Ita haberi in libro m. f. privilegiorum in domo professa Romana Soc. Jesu pag. 124. refert P. Franciscus Diatzaño Romam è Paraquaria procurator missus in Adversariis m. f. Et meminit P. Cordara (a). Incipit *Romana Sedes*.

## A D N O T A T I O N E S.

(I) *Nobilitatis*. Madurenſes pagani credunt, stirpem bracmanicam originem trahere & nobilitatem à numine nescio quo. Ac dum ex ea aliquis ad veram fidem conversus articulo isti renuntiat, non illico plebi se immiscet, sed nobilitatem alterius ordinis apud suos certam retinere amat. Sic ex. gr. qui ex Jove per Æneam gentilis ortum se credat, potest Jovis originem ad fabulas missam facere ex Ænea solo & posteris nobilitandus.

(II) *Linea*. Linea bracmanica constat variis funiculis contortuplicatis, qui collo appensi à sinistro humero per dextrum latus circumferuntur. Alia ununtur linea feminae maritatae, quæ ex decreto Card. Turonii, de quo alibi, debet esse coloris indeterminati, nec certo filiorum constans numero: quia linea collo appendunt *taly* quod vocant, matrimonii testem.

(III) *Codumbo*. Codumbum appellant capillos in summo capite contortos. Est Saniatissimum proprium: quod hominum genus profitetur semundo renuntiasse.

(IV) *Sandalo*. Genus est ligni, cujus odor & color est Indis gratissimus, eoque frontem perfricant, dum ad solemniora festa se parant. Sed idololatriæ notas addunt superstitione foedas.

(V) *Lavationibus*. Card. Turnonius in decreto Pondicheri dato 23. Jul. 1704. declarat, hac constitutione, qua in lavacris interdicitur tempus & locus à gentilibus observari solitus, comprehendi non solum neophytos, sed etiam missionarios. Quod citra declarationem clarissimum est, religionis veræ ministros esse præ candidatis ad evitandos gentilicos ritus & vanas observantias adstrictos.

## O R D I N A T I O CCXLIV.

Anno 1623. 2. Sept.

UT circa Provincialis ac primariæ domus Ordinis S. Augustini in Mexico Priorum, nec non Definitorum & Visitatorum Ordinis & Provin-

(a) Cord. Hist. Soc. P. V. ann. 1621. p. 312.

vinciæ electiones alternativa inter Hispanos & Criollos dictos omnino servetur, prout in aliis Indiarum provinciis servari consuevit, ita ut Provincialis & Prioris primariæ domus Mexicanæ electio pro primo triennio ex naturalibus fiat, atque in Definitores duo ex Hispanis, & duo ex naturalibus eligantur. Et similiter in Visitatores unus ex Hispanis, alter ex Indigenis. Habetur apud Solorzanum (a), qui ait, breve hoc ad alias religiones & provincias extensum esse. De illo à multis supplicatum est, & alicubi revocatum, quia contingit interdum ut ex altera parte & natione abundant idonei, cum desiderentur ex altera: quo casu necessario eligendus erit indignus si alternativa servetur. Sed Solorzanus ipse Hispanigena (b), & P. Eugenius Lopez Indigena (c) conqueruntur; in Philippinis & Guatimala, ubi Hispanigenæ sunt numero plures non servari alternativam; servari tamen in Peruvio, Quito, Tucumania, ubi sunt numero pauciores. Hujusmodi ordinationes de alternativa munerum observari mandatur lege 51. t. 14. lib. 1. Recop. Ind., ubi sermo est de Dominicanis. Incommoda fortè minora sint cum proventu pari, si alternativa ubi necessaria existimetur, non in magistratibus aut præfecturis, sed in electoribus statuatur, ita ut ex utraque parte seu partialitate sint numero pares.

## ORDINATIO CCXLV.

Anno 1623. 29. Sept.

**I**N una Limana declaratum est à S. Congregatione, posse à Capitulo sede vacante revocari Vicarii Generalis nominationem. Refert ex aliis Solorzanus (d).

## ADNOTATIONES.

Solorzanus ait: *Cassé todos los autores fuere de Ugolino vienem à resolver que le es permitido al Cabildo hacer esta revocacion con causa y sin ella, aun quando en el nombramiento huviesse jurado el no revocarla, porque el Concilio no le restringio su derecho en esta parte, y solo puso tiempo y forma en como havia de hacerse la eleccion. Y Antonio Naldo trae para esto una expressa declaracion de Cardenales, y Agustin Barbosa otra en una causa de Cabildo de Lima, y Aloisio Riccio testifica de la comun practica de estas revocaciones. Y Quaranta y Nicolao Garcia vienem à concluir, que es esto mas infallible, quando la nominacion se hizo con este gravamen, ò con declaracion expressa que durasse el officio mientras durasse la voluntad del Cabildo. Por manera que en punto de derecho parece ser esta la mas verdadera y comun opinion. Pero sin embargo la practica de España tiene introducido y recebido;*

(a) Solorz. tom. 2. De Ind. Jur. l. 3. c. 26. n. 96. (b) Solorz. loc. cit. n. 102.  
(c) Lop. in M. S. Exple. Leg. Ind. (d) Solorz. lib. 4. Polit. cap. 23.

bido, si se hacen de hecho estas revocaciones, y los Vicarios nombrados por los Cabildos apelan de la injusticia de ellas, y ocurren à las Reales Audiencias por via de fuerza, que sean amparados y mantenidos en los officios, y ayudados por todos los medios possessorios, sino se alegare alguna causa tan grave, que pueda justificar la revocacion. Y la razon de esta practica es, que aunque la revocacion penda de solo el albedrio del Cabildo, éste en materia tan grave y en que se trata de la honra y reputacion del removido, se ha de moderar y regir por razones justificadas, y en no las habiendo se presume dolosa y maliciosa la revocacion, como hablando en terminos de los Vicarios nombrados por los obispos, lo déxo *dicbo*. Hucusque Solorzanus.

Nempe judicat hîc author, attento jure, attentisque declarationibus Cardinalium, & omnium ferè sententia præter Ugolinum, verius esse quod Vicarius Capitularis possit pro libito à Capitulo removeri. Et consequenter praxim Judicum Hispanorum esse contrariam opinioni, quæ attento jure verior est & communior. Sed quantum deviet à vero hæc Solorzani censura, constabit ex solo Barbosa, quem unum citat authorem penes quem sit præsentis in causa Limana declarationis mentio. Ait Barbosa (a): *Capitulum* facta electione Vicarii non posse illum ad libitum revocare, & novum constituere, tenet Aloisius Riccius... Ex causa tamen bene visa S. Congregationi posse solummodo Vicarium Capitularem ab exercitio vicariatus removeri, declaravit ipsamet de anno 1631.. Vicarium verò à Metropolitano deputatum in vim hujus decreti, quando Capitulum ad quod spectabat, intra tempus à Concilio præscriptum illum non deputavit, amoveri posse ad nutum ipsius Metropolitanæ, dixi cap. 42. (De Canonicis) n. 48. attestans, id fuisse decisum in Limana 29. Sept. 1625. Ubi patet, Solorzano mutato anno 1625. in 1623., qui forte typorum est error, præsentem ordinationem de Capitulo ex alia cussisse longe diversa de Metropolitano, quam vide infra Ord. 252.

Diana (b) hanc pro Lima decisionem sic ex eodem Solorzano refert, ut dubium sit & confusum, an Capitulo negligenti, an Metropolitano negligentiam supplemanti detur facultas deputatum removendi. Ait enim: *Vicarium* deputatum à Metropolitano ob negligentiam Capituli in vim decreti Tridentini, posse ad ejusmodi nutum *removeri*. Ad cujus nutum? Capituli, an Metropolitanæ? Dubium tamen tollitur & confusio ex tenore decisionis, ut est apud Barbosam Solorzani vadem: *Amoveri* posse ad nutum ipsius *Metropolitani*: Consequenterque ad attribuendam Capitulo potestatem *Vicarium* removendi importunè adducitur hæc declaratio: importunius ad asserendam vel conciliandam sententiæ Ugolino contrariæ majorem probabilitatem attento jure, maximè cum Barbosa ibid. hanc aliam referat decisionem: *Solummodo* ex causa benè visa S. Congregationi posse *Vicarium* à Capitulo *removeri*. Id quod alias decisum est in epistola quadam S. Congregationis apud cit. Dianam sic habente:

Alli

(a) Barb. Remif. ad Concil. Jell. 2. c. 16. (b) Diana, P. 8. tr. 4. R. 63. Coord. tom. 2. tr. 5. R. 25.



Alli Reverendi Signori D. Lelio Potenza Vicario Capitolare, e Canonici, e Capitolo di Cerenza. = Appresso a quanto vi è ultimamente feritto intorno alla elezione che era seguita in persona di voi D. Lelio per il Vicariato, e sopra la alterazione e nuova elezione che era seguita in persona di D. Flavio, la Santità di N. S. a la presenza del quale s'è trattato in Congregazione.... che la suddeta prima elezione fatta in persona di voi D. Lelio Potenza debba restar in forma e valida; e che non sia stato lecito al Capitolo di rimuovervi senza causa, & n'a comandato che non si lasci innovare per l'avvenire in questa materia del vicariato nessun'altra cosa senza licenza di questi miei Ill. Signori: e così voi come il Capitolo dovete eseguire senza replica. State sani. Di Roma. 24. Agosto 1603. = Al piacer vostro. = Il Card. di Firenze. =

Sed quid dicendum ad decisiones alias S. Congregationis, quæ circumferuntur, nominatim ad eam quam Solorzanus in Opere latino refert ex Antonio Naldo: *Vicarius Capitularis potest ad nutum Capituli removeri?* Supposito quod ejusmodi decisiones probatæ sint, respondeo ex doctrina latè tradita à P. Suarez (a) in simili argumento, clausulam *ad libitum, ad arbitrium*, & similes quæ dum potestas aliqua sit, adjici solent, non esse intelligendas de mera ac pura voluntate suo absoluto dominio & arbitrato volente, sed de voluntate quæ prudenti arbitrio & ex justa causa vult aut non vult, præsertim cum conditio aliqua relinquitur arbitrio gubernatoris aut prælati. Quia quando aliquid committitur judicio prælati vel judicis, non tantum committitur voluntati, sed potestati. Potestas autem ad agendum non est pro sola voluntate, sed secundum *jus & rationem*. Quam regulam firmat ibid. n. 13. *authoritate Canonistarum*. Sicut autem requiritur ad justificandam remotionem causa, sic requiritur causæ approbatio. Unde concludit Pax-Jordanus (b): *Finitur* (Vicarii Capitularis officium) quando propter malam administrationem, aut alias causas S. Congregationi propositas & approbatas à Capitulo vel Metropolitano removetur, & alius *subrogatur*.

Nicolaus Garcia non melius à Solorzano supra, quam Barbosa citatur. Quærit ille (c): An Capitulum sine causa possit amovere vicarium à se constitutum? Et respondet: *Videtur* quod sic, nam ut inquit Navarrus, Vicarius potest tolli & mutari ad libitum ejus cujus est Vicarius, modò solum habeat potestatem ab illo. Et ita ante Concilium tenet Pavinus, D. Antonius, & post Concilium Sbrozins, Zerola, Azor, & Molina, & ita videtur à S. Congregatione declaratum, ut in sequente declaratione: *Capitulum* potest amovere Vicarium aliàs per ipsum electum, seu confirmatum, dummodo intra octo dies alium constituat, alioquin devolvitur jus deputandi Vicarium ad Metropolitanum, etsi Ecclesià ipsa Metropolitana fuerit ad antiquiorem *Episcopum*. Sed contrarium tenet post

(a) *Suar. to. 4. De Rel. tr. 10. lib. 5. cap. 9. n. 7.* (b) *Pax-Jord. tom. 2. Eluc. l. 22. tr. 2. n. 52.*  
 (c) *Garc. tom. 2. De Benef. P. 5. cap. 24. n. 22. pag. 474. Ed. 1725.*

post Concilium Genuensis, nam in Collegio Ecclesiastico, quando tentetur aliquem eligere, improbatur à jure mutatio sine causa... Nec Concilium contradicit. Sequitur Quaranta comprobans. Et in confirmationem adducit decretum Concilii Mediolanensis, & per S. Congregationem fuisse dispositum, ut nequeat Capitulum amovere vicarium sine causa approbanda prius ab ipsa Congregatione. Et Genuensis testatur, quod anno 1603. à Card. de Florentia postea Leone Decimo [(Undecimo)] fuit rescriptum Capitulo Neapolitano. Quamvis id de causæ approbatione in Congregatione videtur accipiendum quoad ecclesias Italiæ. Et facit etiam declaratio 4. posita num. seq. (Hæc est: Censuit Congregatio facta electione officialium non posse eos ad libitum revocare, & novos constituere, nisi vel oconomum vel illos, quos etiam vivente Episcopo Capitulum possit deputare). Unde dicta declaratio contraria non videtur certa... Et cum requiratur causa ad remotionem Vicarii ab ipso Capitulo aut à Metropolitano deputati, non poterit removeri nisi causa prius cognita & approbata à superiore, nempe Metropolitano vel Nuntio; alias defendetur Vicarius vel restituetur in sua possessione, nisi fortè causa esset notoria.... Sed licet Capitulum non possit sine causa revocare Vicarium pro tota sede vacante seu absolute & simpliciter deputatum, ut est dictum; rectè tamen poterit à principio in ipsa deputatione eum ad certum & limitatum tempus constituere seu tempore suæ voluntatis, ut constat ex declaratione *Salernitana*. Hæc est tota Nicolai Garcie doctrina quoad præsens attinet. Ubi nihil est de certitudine potestatis in Capitulo ad revocandum pro mero libito Vicarium: non quod hoc sit magis infallibile, quando cum tali gravamine fit deputatio; quasi dum sine tali expresso gravamine deputatio fit, sit illud minus quidem, infallibile tamen.

## O R D I N A T I O CCXLVI.

Anno 1624. 29. Mar.

**R**elata constitutione Pauli V. prohibente majorem eleemosynam exigere à parochis Indiarum pro iis, qui apud Franciscanos sepeliuntur, mandat Urbanus VIII. ut Inquisitores, vel eorum aliquis procedat ad executionem. Extat in Bullar. Cherub. tom. 4. Const. 23. Urbani. Vide Ord. 205. 212. 216.

## O R D I N A T I O CCXLVII.

Anno 1625. 13. Jun.

**U**T in Japonia celebrari possint matrimonia cum assistentia duorum testium, si parochus vel sacerdos non possint ad locum accedere. Meminit J. B. Pittoni (a).

AD.

(a) Pittoni, CC. ad Matrim. sub die 13. Jun. 1625.

## ADNOTATIONES:

Idem fieri potest salva matrimonii saltem validitate ubicumque vel non est parochia, vel nondum est publicatum in ea Concilium Tridentinum, aut certè Concilii Tridentini decretum quo requiritur assistentia parochi ad valorem; nam quod sola hujus decreti publicatio satis sit, declaravit S. Congregatio apud Gallemart (a). Imo sufficit ex eadem declaratione illius in decreto publicatio sententiæ, quod fiant matrimonia coram parcho; alioquin sint irrita. Indos vero quibus nondum parochia seu doctrina constituta est, vel quibus nondum datus est parochus, valide contrahere, caput est Instructionis datæ ab Ill. Lojola Episcopo Paraguajensi, quam vide Ord. 295. Qui tamen in fraudem Tridentini loca ejusmodi adirent ad contrahendum sine parcho, invalidè contraherent, ut à S. Congregatione definitum est apud Card. de Lugo (b). Et hinc patet quid dicendum de captivis christianis, qui ex Paraguariæ provinciis passim abducuntur & diu retinentur ab infidelibus.

In Concilio dicto Limensi I. damnantur Indorum matrimonia clandestina jam facta, ut refert Avendaño. (c). Sed immerito, ut rectè habet hic author, & sine autoritate damnata sunt, quam concilio illi seu congregationi fuisse nullam definit Concilium Provinciale Tertium, à Sede Apostolica approbatum Añ. 2. cap. 1. Idque constat vel ex sola temporis ratione, si damnatio illa matrimoniorum valorem respiciat, nam cœtus ille habitus est anno 1552.; & Concilii Tridentini decreta, quibus videlicet matrimonia clandestina irritantur in futurum, non fuerunt in Indiis publicata usque ad annum 1565.

## ORDINATIO CCXLVIII.

Anno 1625. 30. Jun.

**U**T professi Ordinis S. Francisci in partibus Indiarum occidentalium de superiorum suorum licentia à quocumque Antistite in propria diœcesi residente, vel in aliena de Diœcesani licentia pontificalia exercente, ad omnes etiam sacros & presbyteratus ordines, extra tempora, & interstitiis a Concilio Tridentino designatis minimè servatis promovere possint. Extat in Bullar. Cherub. tom. 4. c. 44. Urbani VIII. Incipit *Cum sicut*. Vide Ord. 45. & 240.

OR-

(a) Gallemart, *Sin. sess. 24. Trid. cap. 1. De Reform. num. 18.* (b) Lugo, *lib. 1. Resp. ad q. 36. n. 1.* (c) Avendaño, *P. 8. Añ. 1552. num. ....*

ORDINATIO CCXLIX.

Anno 1625. 12. Aug.

UT Rex Catholicus possit exigere menstruos redditus omnium dignitatum, canonicatum, integrarum & mediarum portionum, officiorum (I) & beneficiorum ecclesiasticorum, curatum (II) & doctrinarum, quæ in Indiis occidentalibus vacaverint, dum illorum præsentatio sit, ea tamen lege, ut exactio non fiat donec quatuor mensium spatium ab initia possessione sit elapsum, & ut menstrui redditus computandus sit valor juxta (III) summam reddituum & fructuum quinquennii acceptam possessionem præcedentis, neque hujusmodi exactioni obnoxia sint beneficia curata, & doctrinæ quarum redditus centum ducatos (IV) auri de camera non excedunt. Extat sine data in lege 1. tit. 17. lib. 1. Recopilationis Indiarum. Sed P. Cl. Clemens Decad. 14. hanc vel similem constitutionem refert ad præfixum diem & annum.

ADNOTATIONES.

(I) *Beneficiorum*. Hoc nomine comprehenduntur etiam doctrinas, non solum sæculares, quæ ab anno 1609. juxta Frassum (a) conferuntur in titulum perpetuum, sed etiam regulares non obstante manualitate, seu ad nutum amovibilitate, de qua est lex 28. tit. 25. lib. 1. Recop. Ind., & quæ in scriptura præsentationis à vicepatronis semper in memoriam revocatur, sententia est Leurenii (b), & Laimanni (c), ad quam inclinat P. Suarez (d) contra Sanchez (e). Quia perpetuitas ad rationem beneficii necessaria & sufficiens est, quæ onus beneficii manualis perpetuò connectitur cum emolumento compensativo in subiecto capaci, quandiu beneficium obtinetur; vel etiam ea quæ opponitur arbitrarie remotioni. Ne tamen res hæc dubio subesset, exprimi etiam oportuit nomine proprio doctrinas.

(II) *Doctrinarum*. Per regiam schedulam 4. Dec. 1657. excipiuntur quæ reguntur per Franciscanos in Provincia Platenſi. Quam exemptionis gratiam Dominicanis ejusdem Provinciæ communicatam testatur Frasso (f).

(III) *Reddituum & fructuum*. Subdit citata lex indica: *Entrando en este computo, no solo el valor de las rentas, diezmos, y gruesa de la dignidad ó beneficio, sino tambien de lo que huvieren valido las obvençiones, y otros proventos, y emolumentos en el mismo tiempo*. Emolumentorum duplex genus distinguit Clericatus (g), nam alia sunt certa, quæ habent quandam certitudinem, ut sunt decimæ frumenti & vini; alia

(a) Frasso, De R. Ind. Patr. cap. 20. (b) Pétrus Leuren. P. 1. De Foro Benef. q. 89.

(c) Laimmann. l. 1. Summ. tit. 2. cap. 4. (d) Suar. to. 2. De Rel. cap. 22. De Benef. n. 16.

(e) Sanchez. lib. 7. Decal. cap. 29. n. 106. (f) Frasso, cap. 67. (g) Clericat, De Benef.

Discord. 69. n. 23.

alia sunt omnino incerta, ut sunt eleemosynæ altaris, funeralium, & similia, quæ (ait) in congruam parochorum non computantur.

(IV) *Ducatus auri de camera*. Ducatus hic penditur juxta cit. Clericatum (a) sexdecim juliis bajocis tribus: quod septendecim fere regalium nempe argenteorum hispanicæ monetæ valore computatur. Romæ nunc septendecim juliis seu paulis; extra Romam in Statu Ecclesiastico, sexdecim valet & semis. Vide Ord. 261. Hæc constitutio primum videtur data ad certum tempus valitura, deinde prorogata, donec tandem promulgatum est anno 1737. 5. Octobris Regii Senatus consultum, quod in novam legum recopilationem castellanam relatum est ibi (b): *Todos los frutos y rentas de las Vacantes mayores y menores de Indias, que consisten en diezmos pertenecen à la real hacienda, aunque sera mui conforme à la Real Piedad su empleo en obras pias.*

## ORDINATIO CCL.

Anno 1625. 17. Aug.

**S** Congregatio annuente Sanctissimo decrevit, ut è Franciscanis in Indiis ejicerentur incorrigibiles. Meminit Pittoni (c).

## ADNOTATIONES.

Anno præcedente 1624. decreverat Urbanus VIII. ne per ulla privilegia pellerentur è religione nisi incorrigibiles. Tales autem non censerentur, nisi unius anni jejunio & pœnitentia in carcere probati essent. Sed Innocentii XII. autoritate anno 1693. (d) *annalis* carcer in pœnitentia & jejunio in decretis Urbani VIII. statutus ad sex menses contractus fuit. Et Provincialibus in designata cuique provincia tributa fuit facultas ejiciendi è religione incorrigibiles, consultis tamen & assentientibus sex aliis ex eadem provincia religiosis designandis in Congregatione Provinciali, & confirmandis a Superiore Generali, cui etiam reservata fuit autoritas ad examen revocandi & confirmandi aut infirmandi ejectionis sententias à Provincialibus juxta præscriptam methodum pronuntiatas. Salvo tamen jure Sedis Apostolicæ, & autoritate ejusdem Congregationis Concilii quotiescumque ad ipsam ejectionem mallet recurrere. Processus autem validi censendi sunt in unoquoque Ordine ad normam illius regularum, constitutionum, & praxis, & consuetudinis *confecti*.

Ante decreta Urbani & Innocentii scripsit Emmanuel Rodericius Ordinis S. Francisci (e), incorrigibilem dici in hoc ordine, *qui ter* fuit juridicè convictus & punitus de eodem crimine gravi, & non fuit correctus. Imo & qui ter convictus & punitus de aliquibus criminibus gravibus etiam distinctis, & nunquam fuit *emendatus*. Vide Castropalaum (f), & infra Ord. 427.

OR-

(a) *Clericas. loc. cit. D. 54. n. 31.* (b) *Tom. 3. Autos acord. Ed. 1745. lib. 1. tit. 6. A. 22.*  
 (c) *Pitt. CC. ad Regul. hoc anno & die.* (d) *Verba sunt Bened. XIV. l. 13. De Synod. Diac. c. 11. n. 19.* (e) *Roderic. to. 1. 22. Reg. 9. 3. art. 14.* (f) *Castrop. to. 3. tr. 16. D. 4. P. 52.*

## ORDINATIO CCLI.

Anno 1625. 29. Sept.

**S**A Congregatio interpres Tridentini respondit ad dubia quædam per D. Joannem de Cevicos (1) Thesaurarium Ecclesiæ Manilenfis, & Vicarium Generalem Archiepiscopi, inter quæ quod attinet ad c. 14. sess. 25. De Regular. sic habet: Cum cit. cap. detur forma Episcopo ad castiganda delicta (II) regularium, qui degunt extra claustra, & extra ea notoriè & cum scandalo delinquant, dubitatur an Episcopus statim habita notitia delicti possit capere (III) informationem, & illam ad superiorem regularem mittere, ut nequeat de delicto ignorantiam præsumere? Sacra Congregatio respondit, posse. = Dubitatur etiam, an sufficiat, quod Episcopus una vice superiorem regularem moneat, eique terminum præfigat ad castigandum subditi delictum, nam religiosi aliqui in libris à se editis explicando verbum *instante* asserunt, necesse esse Episcopum monere aut requirere superiorem regularem duabus aut tribus vicibus? Congregatio respondit satis esse quod Episcopus instet semel superiori [regulari, eique terminum præfigat à Concilio præscriptum. = Deinde dubitatur, eo quod in eod. cap. 14. superiori præcipitur, quod Episcopum certiores faciat de punitione intra terminum ab Episcopo præfixum, an sufficiat quod superior regularis mittat ad Episcopum copiam sententiæ, ut religiosi dicunt, vel remittere debeat acta omnia super delicto actitata, ad effectum ut Episcopus videre possit, si in hoc adimpleta fuerint verba Concilii *Severè puniatur*, nec ne? Congregatio respondit, non sufficere quod superior regularis sententiam, aut etiam acta ad Episcopum transmittat, sed opus esse ut de punitione ipsa & de sententiæ executione Episcopum certiores faciat. = Denique dubitatur, an quod conceditur Episcopo cap. dicto super Regulari, qui intra claustra monasterii degit, & extra ea cum scandalo deliquerit, intelligatur etiam cum delictum commissum fuerit intra ecclesiam vel claustra? Congregatio respondit, facultatem Episcopo attributam in regulares extra claustra notoriè & cum scandalo delinquentes, vendicare sibi locum, cum regulares notoriè & cum scandalo intra ecclesiam, non ita si intra claustra delinquant. Hactenus declarationes, quas inquit Barbosa (a) authenticas vidi, neque earum comprobatione immorandum duxi, cum Rota numquam illas in dubium revocare soleat, & illis semper deferat, ut illa testatur in Averfana. Hæc Barbosa.

Quenam verò sint cætera dubia Manilensia per Cevicum proposita scire desidero. De illis est forte quod alibi (b) refert idem Barbosa cum responsione data eodem anno biduo ante datam prædictarum, scilicet anno 1625. 17. Sept. Responsio autem sic habet: Approbatio obtenta per sacerdotem secularem vel regularem ad audiendas confessiones potest ab  
Epi...

(a) In C. fin. De St. mon. n. 3. (b) Barbosa, Collect. V. Approbatio.

Episcopo successore pro suæ conscientia securitate usque ad novum examen suspendi (iv), = Eodem die & anno, scilicet 19. Sept. 1625., ut refert idem Barbosa (a), S. Congregatio Concilii in causa Limana decidit, quod Episcopus in monasteriis etiam quæ superioribus regularibus subiecta sunt, examinat eas quæ moniales fieri volunt, primò scilicet quando habitum suscipiunt, secundò verò tempore professionis. Et ideo poterit eorundem rectores compellere, ne habitum novitiæ dent, nisi prius Episcopum certiores faciant, ut puellæ voluntatem explorare valeat.

## ADNOTATIONES.

(I) *Joannem Cervicos*. Hic ille Manilensis Vicarius est, qui Japonia peragrata post peractam de re tota quæstionem accuratam, sententiam tulit de epistola nomine Ludovici Soteli divulgata à Collado quodam, qualem refert Cordara (b), & latius Charlevoix (c).

(II) *Delicta Regularium*. Quod de his in Tridentino decernitur, etiam observari mandatur in Jure Indico (d), non tantum de doctrinariis, sed quoad alios ibi: *Avisen* secretamente à sus prelados, &c.

(III) *Capere informationem*. Neque opponitur Jus Indicum loc. cit. dum ait: *Sin escribir, ni hacer proceso*. Id enim intellige in ordine ad ferendam sententiam contra regulares, quod Episcopo non licet nisi negligente prelato regulari. Informatio verò modo permissa ordinatur ad præcavendum ignorantia prætextum.

(IV) *Usque ad novum examen suspendi*. Licet approbatio, inquit Platel (e) data fuerit absolute absque ulla temporis limitatione; potest nihilominus ex justa causa, non tantum valide sed licite revocari. Ita Doctores communiter. Et ratio est, quia alioquin non posset Episcopus gregi suo in re tanti momenti providere. In dubio autem de causis insufficientia, stat præsumptio pro Episcopo, qui sæpè multa novit quæ subditos latent, nec expedit manifestare. Idque tenet magis in Indiis, ubi Episcopum posse totum monasterium ab audiendis confessionibus, non obstante decreto edito 20. Nov. 1615. suspendere declaratum est in causa Angelopolitana, ut vide infra Ord. 312. inter responsiones ad dubia pro parte religiosorum Societatis proposita num. 1.

## ORDINATIO CCLII.

Anno 1625. 29. Sept.

Sacra Congregatio in una Limana censuit, quod Vicarius à Metropolitano deputatus in vim cap. 16. §. 24. Trid., quando sede vacante Capitulum, ad quod spectabat, intra tempus à Concilio præscriptum illum non deputavit, amoveri potest ad nutum ipsius Metropolitanæ. Refert Barbosa De Canonicis (f). Vide Ord. 242.

AD-

(a) Barbosa, Collect. V. Ep. quoad Regul. l. 9. r. 323. (b) Cord. Hist. Soc. P. 6. anno 1625. n. 240. p. 542. (c) Charl. Histoire du Jap. (d) Leg. 28. tit. 15. lib. 1. Rec. de Ind. (e) Platel P. V. Synopf. Theol. cap. 6. §. 3. n. 872. (f) Barbosa, De Can. cap. 42. n. 48.

## ADNOTATIONES.

Nicolaus Garcia supra citatus ait: Vicarium à Metropolitano deputatum ob negligentiam Capituli, certum videtur non posse à Capitulo sine causa removeri, cum non sit ab eo constitutus, & non sit in potestate Capituli frustrare deputationem ob ejus negligentiam à Metropolitano factam. Et favet Suarez (a). Licet ex causa posset illum revocare & alium deputare; sicut etiam quando ejus Vicariatus cessaret ob mortem, renuntiationem, vel lapsum temporis, cum apud Capitulum maneat jurisdictio ordinaria.

## ORDINATIO CCLIII.

Anno 1625. 18. Oct.

**S**acra Congregatio in Limana respondit, regulares in parochos esse ab Episcopis approbandos. Meminit P. Hieronymus Ortega S. J. in Allegatione pro Provincia Philipp.

## ORDINATIO CCLIV.

Anno 1625. 20. Nov.

**U**Rbanus VIII. confirmavit statuta quædam Ordinis Seraphici. Inter alia, pro Indiis ut caveant Ministri Provinciales ne ad Capitulum Generale aut ipsi veniant, vel Commissarios suo nomine mittant. Solis Custodibus veniendi facultas datur. Ut Indiarum Commissarii Generales ipsi Provincias visitent, impediti vero urgenti necessitate ex vicinioribus provinciis, non autem ex remotis assumere visitatores teneatur. Ut nulli liceat Commissario Generali, vel etiam Visitatori ante Ministri Provincialis electionem, neque ea peracta aliquem voce activa aut passiva privare seu alia graviore afficere poena, nisi confecto processu & præcedente rei auditione in sui defensionem. Qui secus fecerit, suo privetur officio. Ut Visitatores peracto provinciali capitulo in provincia visitata ultra viginti dies non remaneant, quibus elapsis omnino autoritate careant. Ut tam Commissarius Generalis seu Visitatores ab electoribus subscriptionem petens hunc vel illum eligendi, quam ipsi scribentes, privationi actuum legitimorum ipso facto incurrere subiaceant. Ut in provinciali capitulo congregati electores, antequam ad electionem Ministri, Definitorum, Custodum, Guardianorum procedant, nominatim juramentum præstent coram Ven. Crucifixi imagine, se eum electuros quem in conscientia & omnibus æque libratibus digniorem judicabunt, ita etiam jubente Clementis VIII. sanctione. Extat in Bullar. Cherub. tom. 4. pag. 65. Incipit *In supremo*.

OR.

(a) Suarez, tom. 5. De Censur. disp. 7. sect. 3. num. 33.



## ORDINATIO CCLV.

Anno 1626. 11. Mart.

**U**T in Archiepiscopatu Manikæ & Episcopatibus suffraganeis servetur Concilium Mexicanum, scilicet in Provincia ex Mexicanensi dismembrata, decrevit Urbanus VIII. per Breve, cujus meminit Ill. Montenegro (a), similiter affirmans, Concilium Limense obligare in Novo Regno ex peculiari præcepto, donec confirmetur Synodus habita ab Ill. Ugarte. Vide Ord. 178.

## ORDINATIO CCLVI.

Anno 1626. 26. Jun.

**U**T Episcopi in partibus infidelium constituti, qui vel à S. Congregatione stipendia habent, vel in negotiis occurrentibus ab ipsa diriguntur, non obstante constitutione Sixti V. edita anno 1585. 1. Jun., limina Apostolorum per procuratorem etiam in romana curia assistentem specialiter singulis vicibus deputatum visitare possunt, decrevit S. Congregatio de Propaganda apud J. B. Pittoni (b).

## ORDINATIO CCLVII.

Anno 1626. 17. Aug.

**S** Congregatio constitutionem Gregorii XV. de conservatoribus regularium declaravit. Nempe supplicarum sic erat: Ill. ac RR. Domini, Gregorius XV. statuit, ut à regularibus eligi non possent in conservatores nisi judices synodales. Quibus stantibus Patres Societatis, qui in Indiis & aliis locis degunt, in quibus Archiepiscopi & Episcopi synodos celebrare non curant, judices synodales non eligunt, supplicant ut dignentur declarare, si in tali casu uti possunt privilegiis à Sancta Sede antea concessis. Et S. Congregatio censuit, in civitatibus & diocesis ubi non extant judices in concilio provinciali aut diocesano designati, licere regularibus servata de reliquo forma constitutionis Gregorii XV., conservatores nominare habentes qualitates à jure requisitas, quorum tamen facultas expiret eo ipso cum primum synodus celebrata, in eaque judices designati extiterint. Refert ex Fagnano P. Forti (c).

OR-

(a) Montenegro, l. 2. tr. 6. sect. 7. (b) Pitt. CC. ad Episc. num. 822.  
(c) Forti, De Conserv. art. 12. n. 9. pag. 44.

## ORDINATIO CCLVIII.

Anno 1626. 17. Aug.

**U**T sacerdotes & ministri Ecclesiæ Japonensis durante persecutione possint sibi ipsis respondere & ministrare, dum non est qui sciat. Et ubi Breviarium absque periculo ferre non possunt, recitare valeant Rosarium B. M. vel alias orationes & psalmos quos memoria tenent. Refert P. Diaztaño in M. S. ex libro Domus Professæ Romanæ.

## ORDINATIO CCLIX.

Anno 1626. 7. Oct.

**U**T superior Societatis in Sinarum regno existens tempore Sedis vacantis, & ubi Episcopus constitutus non esset, posset dispensare super impedimento disparitatis cultus, ita ut illo non obstante fideles cum infidelibus matrimonium contrahere, & in eo postmodum, si absque contumelia Creatoris fieri posset, remanere libere & licitè valerent. Ita ex eod. fonte refert cit. Diaztaño in M. S.

## ADNOTATIONES.

Ejusdem vel similis ordinationis meminit Platellius (a) ubi ait: *Disparitas cultus sive religionis dirimit matrimonium inter baptizatum & non baptizatum, idque probabilius jure tantum ecclesiastico, & quidem non scripto, sed per antiquissimam & universalem consuetudinem introducto. Unde potest Papa in eo dispensare. Et reipsa Paulus V. anno 1616. concessit ad decennium Episcopo Funaiensi in Japonia, & Superioribus Societatis in Regno Sinensi, facultatem dispensandi in hoc impedimento. Fatendum tamen est jure naturæ & divino, si sit periculum subversionis, esse illicita talia matrimonia.*

Rectius distinguit Polman (b), disparitatem cultus esse impedimentum jure divino matrimonium dirimens quatenus sacramentum est, non quatenus est contractus. Quod sic explicat: *Hæc cultus disparitas in nova lege jure divino positivo dirimit matrimonii sacramentum; illo enim jure positivo character baptismi prærequiritur omni alteri sacramento. Quo character quia caret non baptizatus, ideo est incapax sacramenti matrimonii, quod essentialiter est contractus & quidem unus numero inter duos, qui cum non sit sacramentalis ex parte non baptizati, non est eadem ex parte baptizati cum eo contrahentis. Interim fidelis cum infideli matrimonium non dirimitur jure divino quatenus est contractus. Unde eatenus est validum matrimonium Sanctæ Cæciliæ, Sanctæ Monicæ, & Clotildis cum Valeriano, Patricio, & Clodoveo infidelibus. Postea tamen*

(a) Platell, de Matrim. n. 1169. (b) Polman, Breviar. Theol. P. 3. n. 559.

men introducto jure ecclesiastico, cultus disparitas cepit dirimere matrimonium, etiam ut contractus est.

## ORDINATIO ECLX.

Anno 1626. 20. Nov.

**U**Rbanus VIII. declaravit, posse aliquando Sedem Apostolicam dissolvere matrimonium infidelium. Refert Card. de Lugo in libello sup-  
plici ad eundem Urbanum, cujus summa in scheda scripta propria Car-  
dinalis manu asservatur in archivio Collegii Neo-Cordubensis in Tucuma-  
nia, quod fuit Societatis Jesu, & sic habet: *Quandoquidem* juxta virorum  
doctorum doctrinam Apostolica Sedes aliquando potest ex gravi causa ma-  
trimonium infidelium dissolvere, prout Sanctitas vestra declaravit in Breve  
suo expedito 20. Nov. 1626. & in alio simili 17. Sept. 1629. his verbis:  
*Nos attendentes*, hujusmodi infidelium matrimonia non ita rata censeri,  
quia necessitate suadente dissolvi possint, &c. Vide Ord. 167.

## ORDINATIO ECLXI.

Anno 1626. 22. Dec.

**U**Rbanus confirmavit & declaravit Bullam concessionis de la Mesada  
factæ Regi Catholico supra anno 1625. 12. Aug. Refert P. Cl. Cle-  
mens in Tab. Chron. Ind. D. 14.

## ORDINATIO ECLXII.

Anno 1727. 7. Jan.

**R**elata constitutione Pauli V. concedente Episcopis Indiarum, & sede  
vacante Cathedralium Capitulis, ut gradibus baccalaureatus, licentia-  
tura, magisterii, & doctoratus insignire valerent per decennium quotquot  
annis quinque in collegiis formatis, tam Ordinis Prædicatorum, quam  
Societatis Jesu, quæ à publicis universitatibus bis centum milliaribus sab-  
tem distarent, dum tamen promovendi prius gessissent adus omnes, quæ  
in universitatibus generalibus fieri consueverunt, atque à Rectore & Ma-  
gistro approbationem obtinuissent, cum declaratione quod gradus hujus-  
modi nemini suffragarentur extra Indias occidentales. Exposito deinde  
pro parte Regis Catholici, ex tali concessione nonnulla inconvenientia  
in dies suboriri, decrevit Urbanus VIII. ut gradus prædicti in provincialis  
tantum prædictis suffragarentur, illisque tantum qui in dictis collegiis spa-  
tio quinque annorum studuissent, & adhibito per Episcopum trium Cano-  
nicorum seniorum suarum Ecclesiarum consilio conferrentur ad decennium  
ulterius. Extat eum Senatus Indici revisione & regio placito in dicto Ar-  
chivio Cordubensi. P. Cl. Clemens Dec. 14. annuntiat absolute aposto-  
licam declarationem præsentem vel aliam similem in hæc verba: *Decla-*  
*universidades de Lima y Mexico, solo valgan en las dichas Indias.* Vi-  
de Ord. 288.

OR

## ORDINATIO CCLXIII.

Anno 1627. 6. Febr.

**S** Congregatio Episcoporum & Regularium declaravit, regulares curam animarum exercentes (1) subesse jurisdictioni, visitationi, & correctioni Episcoporum, in iis tamen quæ ad ipsam curam pertinent, & sacramentorum administrationem, non obstante Breve Pii V. (11), quo scilicet Mendicantium Indicorum facultas obeundi munus parochiale absque licentia Episcoporum continetur. Quod Breve vide supra Ord. 111. anno 1567. 24. Mart. Extat præsens declaratio apud J. B. Pittoni (a).

## ADNOTATIONES.

(1) *Subesse jurisdictioni*. Totidem verbis id ipsum universaliter decreverat Urbani prædecessor Gregorius XV. Const. *Inscrutabili*, Nonis Febr. 1622., ubi alia etiam decernuntur circa sanctimonialium regimen. Et licet Urbanus VIII. 7. Febr. 1625. mandata dederit ad suum in Hispania Nuntium per Breve quod in Matritensi Nuntiatura se vidisse & transcripsisse testatur Loffada (b), ut ab executione Gregorianæ Constitutionis supersederi faceret, addidit tamen: *Donec aliter provisum fuerit*. Aliter provisum fuit justo post biennio per præsentem ordinationem quantum ad jus Episcoporum in regulares Indiarum exercentes animarum curam.

D. Petrus Frasso (c) relatus in *Thesaurò Resolutionum* S. Congregationis Concilii Tridentini (d) ait: *Certum est Breve illud suspensionis* (Urbani VIII.) *ad Indias has occidentales non extendi, cum solum loquatur de Hispania, non de Indiis*. Refertque sequentia verba contenta in Breve: *Ut in regnis Hispaniarum prædictis tantum ab executione litterarum ejusdem supersederi autoritate nostra curet*. His tamen non fit certum, Urbani Breve ad Indias non extendi, cum hæc sint de regnis Hispaniarum, non tantum per accidens unita, sed per se, ut vide supra Ord. 139. Adnot. 1., & Ord. 127. Adnot. 3.

Contra sententiam Frassi puta Platel, etiam ad Belgium quod erat tunc Hispanicæ Ditionis, extendi suspensionem Urbani. Verba Platelii Lezanam citantis sunt (e): *Lexana* testatur, hanc (Gregorii XV.) bullam suspensam fuisse ab Urbano VIII. respectu terrarum Regi Hispaniæ subiectarum, adeoque respectu Belgii, quod tunc Hispano suberat. Atque se vidisse istius suspensionis bullam. Certè satis constat ex praxi contraria, non fuisse prædictam Gregorii constitutionem in Belgio receptam.

Sed quamvis Breve suspensivum ad Indias se extenderit, suspensio, quæ non absoluta, sed provisionalis fuit præsentis ordinatione cessavit. Neque hæc sola est, qua suam vim constare Gregorianæ Constitutioni com-

(a) Pittoni, CC. ad Regular. num. 2319. (b) Loffada, Chronol. Privil. Ind.

(c) Frasso, cap. 24. n. 29. (d) Thesaur. Resol. S.C. C. tom. 7. pag. 204.

(e) Platel, Part. V. cap. 6. §. 8. num. 895. pag. 376.

comprobetur. Vide Ord. 588. 596. & 273. An aliter etiam provisum sit, vel usu recepta provisio circa alia contenta in Gregorii Bulla, vide apud cit. Lossadam. P. Lacroix (a) ait: *Hanc* (Gregorii) constitutionem quoad punctum approbationis pro monialibus exemptis, non esse receptam pro regnis Hispano subjectis, testatur Lezana (b).

(11) *Non obstante Breve Pii V.* Quamvis revocari videatur Breve Pianum, sunt tamen posteriora facta, ex quibus dubitari licuit aliquandiu, an usquequaque obtineret. Fr. Franciscus Truxillo Ordinis S. Francisci Minister Provincialis in Tucumania coram Ill. Maldonado Episcopo Diocesano contendit anno 1639. 14. Jun., jus sibi suove Ordini ad Doctrinam Ocloyarum competere in Brevi Pii V. fundatum. Anno 1636. 15. Jul. prodiit regia Auditorii Platenfis provisio pro manutentione juris alterius in eodem Brevi fundati. Dominicus Maria Cursius autoritate Apostolica illius observantiam & executionem indixit, de quo infra Ord. tot. Nec S. Congregatio in causa angelopolitana revocatum esse absolute pronuntiandum censuit. Quorum ratio esse potest, quia nondum vulgata erat ordinatio praesens, aut suspensionis Constitutionis Gregorii ab Urbano decretæ revocatio, vel quia jus regulares pro parochis instituendi absque licentia Episcoporum a Pio V. collatum, putatum est non impedire quominus jam instituti subessent illorum jurisdictioni, visitationi, & correctioni. Quidquid de illo tempore sit, statum praesentem piani brevis vide Ord. 588. & 596. citatis.

## ORDINATIO CCLXIV.

Anno 1627. 6. Febr.

**S** Congregatio in una Camarinenfi declaravit iterum, regulares in parochos esse ab Episcopis approbandos. Refert ex Solorzano P. Hienymus Ortega in cit. Allegat. pro Prov. Philipp., ubi & refert aliam omnino similem in causa etiam Camarinenfi declarationem factam anno 1621. 20. Mart. Vide quam supra retuli ex Barbosa ad diem 10. Mart. ejus anni.

## ORDINATIO CCLXV.

Anno 1627. 10. Mart.

**F**acta est apostolica concessio, ut in Cathedralibus Indiarum supprimitur aliqua praebenda, cujus redditus Officio S. Inquisitionis applicentur. Meminit P. Cl. Clemens in cit. Tab. D. 14. Et ibid. pro die 13. Sept. 1628. refert prodiisse hujus ordinationis declarationem. Reddituum vero hujusmodi administratio regulatur lege 24. 25. & 26. tit. 19. lib. 1. Reopil. Indiar.

OR-

(a) *Lacr. lib. 6. P. 2. num. 1528.* (b) *Lex. tom. 1. q. Regul. cap. 19. n. 35. Et Confult. 40. num. 43.*

ORDINATIO CCLXVI.

Anno 1627. 14. Sept.

**U**T donec ad solemniorem canonizationem deveniatur, de 23. Martyribus Japonensibus, sex professis ordinem S. Francisci, reliquis familiaribus, ab omnibus ejusdem Ordinis religiosi ubique existentibus, & ab ecclesiasticis sæcularibus Manilensis diocesis tantum recitari & celebrari respectivè possit officium & missa. Extat in *Actis Sanctorum Bollandianis* in Vita SS. Martyrum 5. Februarii (a). Incipit *Salvatoris*. Vide Ord. 270.

ORDINATIO CCLXVII.

Anno 1627. 15. Sept.

**U**T de tribus Martyribus item Japonensibus, scilicet Paulo Miki, Joanne Gotto, & Didaco Quisay ab omnibus Societatis Jesu sacerdotibus officium & missa 5. Febr. recitari & celebrari posset. Extat ibid. cum præcedente. Vid. Ord. 279.

ORDINATIO CCLXVIII.

Anno 1627. 18. Dec.

**I**N causa Limana resolvit S. Congregatio, Canonico in publica Universitate docenti Jus Canonicum non deberi distributiones quotidianas, si in choro non interfit, quamvis omnes redditus consistant in distributionibus. Refert Barbosa (b).

ORDINATIO CCLXIX.

Anno 1628. 9. Febr.

**R**elata constitutione Gregorii XV. data 29. Nov. 1621., ut electiones provincialium, dignitatum, & officiorum provinciæ de Mechoacan Ordinis S. Augustini fiant alternative & natis in Hispania & in America, ita ut in quolibet Capitulo à provincialatu usque ad ultimum officium alternatim distribuantur. Utque decedente aliquo in officio, alius de eadem partialitate subrogetur usque ad proximum Capitulum, Urbanus VIII. Archiepiscopo Mexicano, & Episcopis Mechoacanensi & Guadalaxaræ, vel eorum officialibus committit executionem. Extat in Bullar. Lugdun. tom. V. Conf. 93. Urbani. Ibidemque Conf. 107. extat declaratio, ut triennium Americanorum à die datæ, non à die intimationis computetur. Vide Ord. 244.

OR-

(a) *Acta SS.* 5. Febr. 10. 1. pag. 741. (b) *Barbosa Collect. in Trid. sess. 5. cap. 1. De Reform.* Vide P. Mendo, *De Jure Acad. lib. 3. num. 226.*

## ORDINATIO CCLXX.

Anno 1628. 11. Sept.

**F**acultas recitandi & celebrandi de 23. Martyribus Japonensibus, de qua Ord. 266., extenditur ad populum & clerum Abulensem in Hispania & Mexicanum. Extat in Bullar. Lugd. tom. V. Const. 115. Urbani. Incipit *Alias pro parte.*

## ORDINATIO CCLXXI.

Anno 1628. 14. Sept.

**C**onstitutio Clementis VIII., qua sustulit vocem activam & passivam in provinciis Bœtica, Mexicana, Mechoacani, & Peruana, Quito, & Novi Regni Augustinianis præter eos, quibus de jure competeret, ampliatur ab Urbano Constit. *Alias per felices*, in eod. Bullar. Const. 117.

## ORDINATIO CCLXXII.

Anno 1628. 30. Sept.

**S**rituum Congregatio censuit & declaravit, decreta (de quibus supra Ord. 242.) circa benedictionem ornamentorum extendi debere contra omnes Patres Societatis Jesu, & Religiosos Ordinum SS. Dominici, Francisci, Augustini, & B. M. de Mercede existentes in Civitate & Diœcesi Limana, & ibi observari. Ita Ill. Villarroel (a).

## ORDINATIO CCLXXIII.

Anno 1629.

**F**acta est declaratio, quam Ill. ac Ven. Pallafox refert apud Frasso per hæc verba: *Cum rogaret* (Ill. Ugarte Archiepiscopus primò Sanctafidensis, deinde Limanus) an Bulla Pii V. ad instantiam Catholicæ Majestatis data ut regulares absque examine per Episcopum faciendo, possent administrare sacramenta Indis, revocata sit..... Responsum fuit per hæc verba, dictam constitutionem revocatam esse, talesque regulares debere examinari juxta Concilii formam. Et inter diversa dubia quæ tunc temporis consuluit, quartum fuit utrùm jurisdictio, correctio, & visitatio cap. 11. De Regul. sess. 25. Episcopis concessa super parochis regularibus, intelligatur eadem quam super parochos sæculares habent. Quibus responsum fuit in hæc verba: Ad 4. In regulares curam animarum sæcularium exercentes in iis quæ dictam curam concernunt, Episcopum eadem autoritate uti posse, quam in parochos sæculares. Hoc Breve in Senatu Indico approbatum fuit.

Sed

---

(a) Villarr. P. & Tem. 1. q. 6. ar. 12. n. 8.

Sed quomodo hæc tam absoluta & definitiva revocatio Pianæ Bullæ ad instantiam expeditæ Catholici Regis, cum hæc alia resolutione in causa angelopolitana viginti post annis pronuntiata convenit: *Agendum* cum Sanctissimo, an velit declarare Bullam (Pianam) non esse revocatam. Illam tamen non suffragari nisi ubi est defectus *parochorum*. Dixerit quis, revocationem Bullæ esse jus particulare quod sine dedecore potest ignoratum præsumi, dum prodiit hæc resolutio. At hoc quis præsumat, cum præcipuus esset actor in causa angelopolitana ipse penes quem est Brevis revocatorii & præsentis ordinationis fides? Dici potest, revocationem modo enuntiata respicere Breve Pianum quantum ad examen factum & licentiam aliter collatam quam per Episcopum aut ejus nomine. Cum quo recte habet quod deinceps desideratum sit declarari à Sanctissimo, an ex toto vel quoad alia etiam puncta revocatum esset. Vide Ord. 264. 263. 253. 197. 192. 185. 183.

## ORDINATIO CCLXXIV.

Anno 1629. 10. Maii.

**S** Congregatio Concilii in causa Limana resolvit apud Barbosam (a), quod Capitulum sede vacante potest diocesim visitare quando lapsus est annus à postrema visitatione Antistitis, nec de proximo (1) est ecclesia de pastore providenda. In ipsa vero visitatione circa famulatum (11), equitatum, & alia, forma Tridentini *sess. 24. cap. 3. De Reform.* est præcisè servanda. Ita habet J. B. Pittoni (b). Forma verò à Tridentino loc. cit. præscripta est: *Ut* visitatores modesto contenti equitatu, famulatuque studeant quam celerrimè, debita tamen diligentia, visitationem absolvere: intereaque caveant, ne inutilibus sumptibus cuiquam graves sint, neve ipsi aut quisquam suorum quidquam procurationis causa pro visitatione etiam testamentorum ad quos usus præter id, quod jure debetur ex relictis piis, aut alio quovis nomine, nec pecuniam nec munus accipiant, non obstante quacumque consuetudine etiam immemorabili, exceptis tantum victualibus quæ sibi ac suis pro temporis tantum necessitate ministranda erunt. Sit tamen in optione eorum, qui visitantur si malint, solvere id, quod erat ante solvi certa pecunia taxata consuetum, aut victualia subministrare. In iis verò locis ubi consuetudo est, ut nec victualia, nec pecunia, nec quidquam aliud à Visitatoribus accipiat, sed omnia gratis fiant, id observetur. Quodsi aliquis in supradictis casibus aliquod accipere præsumperit, is præter dupli restitutionem aliis etiam poenis juxta constitutionem *Exigit* Concilii Lugdunensis, & aliis arbitrio synodi provincialis mulctetur. Concilii Lugdunensis in ea Constitutione poena est, ut Episcopi duplum intra mensem differentes restituere ingressum sibi ecclesiæ sentiant interdictum; inferiores vero ab officio & beneficio se noverint esse suspensos. Idque repetitur in Concilio

Li-

(a.) Barb. Cap. ult. De Can. num. 70. (b) Pitt. CC. ad Canonic. n. 693.



Limenſi Aſſ. 4. cap. 4. Quas poenas abſque declaratione incurri, ait Ill. Montenegro infra citandus.

### ADNOTATIONES.

(1) *De proximo providenda*. De proximo erit providenda, ſi providenda ſit infra annum; ſicut de proximo quoad effectum, de quo in præſenti agitur, cenſetur fuiſſe poſtrema viſitatio nondum expleto anno facta.

(11) *Equitatum & alia*. Synodus Limenſis anni 1613. ſub Ill. Guerre-ro ſtatuit (a), Viſitatoremmorari poſſe in oppido Hiſpanorum ſex dies, niſi lites oriantur pluribus dirimendæ. Quodſi pluſquam opus eſt immoretur, ipſo facto excommunicatur. In Indorum oppidis diebus quatuor ad ſummum immorari concedit. Pro victu taxat decem octiregalia, ſi detur argentum. Si duarum parochiarum viſitatio fiat ſimul, in ſingulis ſolventur quinque. In tractu *del Quito* juſta procuratio, inquit Epiſcopus Quitoſis (b), erit quinque octiregalium, quia victualia medio pretio vilius quam in Peruvio comparantur. Ill. Arias Ugarte Sanctafidenſis & poſtea Limenſis Archiepiſcopus ſub excommunicatione denunciabat parochis, ne ultra quatuor fercula pararent.

Prorex Marchio de Montes-claros providit 30. Sept. 1613. ut quatuor octiregalia ſolverentur viſitatori, diebus ſingulis, qui tres vel quatuor dies in doctrinis morarentur: Prorex D. Martinus Henriquez Marchio de Alcañizes 13. Novembr. 1587. (forte 1581.) providerat, ut Indi ſingulis quatrividis Viſitationis erogarent duodecim gallinas, duos arietes, duas maizi menſuras (fanegas), & unam triticeæ farinæ. Et in die abſtinentiæ viginti quatuor ova, & quatuor piſcium libras, herbam, & ligna. Hæc P. Eugenius Lopez in M. S.

In Aranzele, quod vulgò vocant, ſeu Taxa Tucumanenſi assignantur Viſitatori & Notario quatuor octiregalia ob viſitationem baptiſterii & vaſorum chriſtinalium ex fabricæ bonis ſolvenda. Ob viſitationem teſtamentorum quatuor octiregalia & jura ſubſcriptionis. Ob acceptas rationes fabricæ eccleſiæ Hiſpanorum, ſex in ſingulos dies, quibus in accipiendis occupentur. Sed hæc pro temporum & locorum varietate ſubinde variantur. In Concilio Limenſi Tertio (c), quod toti Americæ Meridionali Hiſpanienſi ferè diximus imminere præſcribitur ut procurationis nomine ita competens ſalarium ab Epiſcopo assignetur, ut neque de poenis cameræ epiſcopalis, neque de condemnationibus aliquid Viſitatori proveniat aut ejus officialibus.

De Indorum & laïcorum contributione extat lex in Jure Indico (d): *Los Viſtadores Eccleſiaſticos no lleven à los legos aprovechamientos illicitos, camaricos, comidas, ni procuraciones en eſpecie ò en dinero, pues*

(a) *Synod. Lim. lib. 1. cap. 13.* (b) *Montenegro, lib. 5. tr. 2. ſect. 4. n. 1.*

(c) *C. Lim. anni 1583. Aſſ. 4. cap. 2.* (d) *Leg. 26. tit. 7. lib. 1. Recop. de Ind.*

pues conforme à derecho no tienen obligacion à pagarlos, y especialmente los *Indios*. Et lex 22. *ibid.*: *Encargamos* que guarden lo dispuesto por el Santo Concilio de Trento, y los Concilios Provinciales de las Indias en razon de no llevar derechos en las visitas que hicieren de las Iglesias, y hermitas, ni recibir comidas, ni proceder *contra legos*. Et lex 29. *ibid.* *Nuestras Audiencias* despachen provisiones, paraque los clérigos y religiosos noles echen derramas (à los *Indios*) à titulo del gasto que hacen con los Obispos, Visitadores, ò Provinciales de las Ordenes, ò derechos de Visita, aunque los *Indios* lo den *voluntariamente*.

## O R D I N A T I O CCLXXV.

Anno 1629. 16. Jul.

**U**T Augustiniani domorum B. Mariæ de la Candelana, Sanctæ Crucis de la Popa, S. Josephi de Panama in Indiis occidentalibus Congregationi Hispaniarum aggregentur sub gubernio ejusdem Vicarii Generalis. Ita tamen, ut possint recurrere etiam per viam appellationis ad Priorem Generalem dicti Ordinis, nec non ad Sedem Apostolicam omisso medio. Extat in Bullar. Cherub. Tom. IV. Const. 102. Urbani. Vide Ord. 150.

## O R D I N A T I O CCLXXVI.

Anno 1629. 15. Sept.

**U**rbanus VIII. ad vicennium prorogavit facultates de quibus supra anno 1610. 11. Febr. Incipit *Animarum saluti*. Extat apud P. Quintanadueñas (a) qui inter alia notat: 1. Ejusmodi privilegia suffragari per communicationem ordinibus aliis. Quod intellige, nisi speciali ordinatione communicatio interdicta sit, ut supra Ordines notatum est Ord. 240. Et nisi in principali subjecto, cui concessa sunt, ob cassationem, vel suppressionem cessaverint, ne scilicet plus dicatur communicatum quam concessum. 2. Si prorogationis notitia ad operarios indicos elapso jam vicennio præcedentis concessionis perveniat, novum vicennium à die accepti nuntii, non à die datæ computandum esse, nam ignorant non currit tempus. Et hoc intellige quando concessio fit ad vicennium absolute, non tamen si addatur computandum esse à die datæ, vel à die quo concessio præcedens expiret. 3. Privilegia ejusmodi effectu carere donec innotescant privilegiato. Ita ille.

Licet verò pleraque privilegia in his Urbani litteris eisdem verbis concepta sint, quibus in litteris Pauli V.; aliqua tamen sive restringendo, sive declarando, sive ampliando adduntur, in posterioribus prorogationibus conservata. 1. Facultati dispensandi ad matrimonium in gradibus prohibitis concessa, quando non adsunt ordinarii similem facultatem habentes, additur: Vel intra duas dietas juxta Const. Pauli Tertii editam

(a) *Quint. tr. 6. De Privil. Ind. sing. 2. & seq.*

tam existunt. 2. Facultati dispensandi in utroque foro in provinciis ordinariorum presentia destitutis, vel ab eis non minus bis-centum milliaribus remotis additur similiter: Vel ultra duas dietas non minus, &c. 3. Facultati absolvendi à contentis in Bulla Cœnæ, ubi ordinarii non sunt, repetitur: *Ubi* saltem intra duas dietas non *sunt*. 4. Facultati concionandi, celebrandi; audiendi confessiones post primam approbationem absque aliorum Episcoporum licentia, additum est: *Quatenus* distent ultra duas dietas. Si tamen Episcopus ab ecclesia vel loco ubi prædicatur vel confessiones audiuntur, non distet ultra prædictas duas dietas, tunc licentia alterius ordinarii ita vicini prius obtineri debeat, quæ tamen per epistolam impetrari possit. 5. Facultati dispensandi in voto simplici castitatis, ubi non sunt ordinarii similem facultatem habentes, additur similiter: Qui distant ultra duas dietas, 6. Additur privilegium cum Indis dispensandi in foro conscientie, & cum neophytis in utroque foro super jejuniis, gratis tamen. Ex quo, quamvis de reliquo privilegia hæc non uno titulo expiraverint, conficitur illud ad doctrinam maxime utile, quod non omnes Indi habentur pro neophytis quoad omnia. Datur etiam nova facultas ab onere seu privatione petitionis debiti matrimonialis, quando non esset liberum, liberandi: facultas legendi libros prohibitos, quando ad impugnandum necessaria sit, arbitrio Provincialis: ac facultas subditos dispensandi, ut ad ordines sacros per annum ante legitimam ætatem promoveantur. 7. In litteris Pauli V. fit prorogatio à die datæ; at in his Urbani litteris non nisi à fine viginti annorum pro quibus erat Paulina concessio. Sed his facultatibus vide Ord. 522.

## O R D I N A T I O CCLXXVII.

Anno 1629. 17. Sept.

**P**Rorogata etiam sunt ad vicennium suppressa perpetuitatis nota facultates, de quibus supra anno 1614. 16. Maii. Incipit *Cum scnt*. Exerat apud cit. Quintanadueñas cum additionibus dietarum ut in præcedenti.

## O R D I N A T I O CCLXXVIII.

Anno 1629. 17. Sept.

**A**D quindecim annos prorogavit Urbanus ordinationem, de qua supra anno 1626. 20. Oct. circa infidelium matrimonia. Refert Card. de Lugo ibi citatus, & P. Diaztaño in M. S. Ex quo suadet, & ibi esse factam concessionem dispensandi cum infidelibus, qui baptizantur: temporalem quidem, sed quæ modo postquam expiravit, non caret pretio propter adjunctam declarationem: quæ declaratio, si sola esset in litteris apostolicis contenta, non dicerentur valere tantum ad quindecim annos.

OR

ORDINATIO CCLXXIX.

Anno 1629. 27. Sept.

**S** Rituum Congregatio indultum, de quo supra 15. Sept. 1627. recitandi & celebrandi de tribus Martyribus Japonensibus, ad omnes sacerdotes ad ecclesias Societatis confluentes extendit. Extat in cit. *ibi Sanctorum* Adis. 5. Febr. pag. 741.

ORDINATIO CCLXXX.

Anno 1632. 21. Aug.

**S** Rituum Congregatio respondit, in decreto de quo supra Ord. 2727 circa ornamentorum benedictionem comprehendi religiosos omnes cujuscunque ordinis, & ita servari mandavit in civitate & diocesi Limana. Ita habet Ill. Villarroel loc. ibi cit.

ORDINATIO CCLXXXI.

Anno 1632. 15. Dec.

**S** Congregatio respondit, regulares vocatos ad funus debere in parochialem ecclesiam se conferre, aut in aliam juxta loci consuetudinem, & nullo modo expectare posse per vias, aut ire ad domum defuncti. Ita respondit ad 3. quæsitum secundæ classis factum ab Ill. Ugarte Archiepiscopo Limano, qui quæsierat, *an regulares* associaturi corpora fidelium defunctorum possint accedere ad domum defuncti, ibique expectare clerum sæcularem, seu debeant ire ad parochiam, & exire ab illa cum clero parochiæ pro ejusmodi *associatione*? Extat apud Ill. Villarroel (a), qui desiderare nos sinit quæsitæ & responsiones reliquas hujus & cæterarum classium.

Ibi tamen refert aliam ejusdem argumenti declarationem sic habentem: *Licet* in Concilio Generali Lateranensi statutum sit, ut regulares non possint intrare in parochias cum cruce ad levanda funera, nisi prius præmonito, & requisito, & recusante parochio, & tunc sine ejus & ordinarii præjudicio; significatum tamen est S. Congregationi, nonnullos fratres cujusdam consuetudinis prætextu, quæ neque antiquitate vallari, neque observantia viridi inniti, neque pacifica & non interrupta possessione firmatam esse constat, contendere sibi licere defunctorum funera proprio eorum parochio absente, eoque irrequisito levare. Ideo declarat & statuit, quibusvis regularibus nullo modo licere, etiam specialis alicujus consuetudinis prætextu, parochias cum cruce processionaliter, aut aliàs ad deferenda defunctorum funera intrare, nisi vocato & expectato proprio defuncti parochio, eoque ibi præsentem: si tamen ipse aliter fieri non consen-

(a) Villarroel, Gob. Eccl. P. 1. q. 6. de 13. n. 23.

sentiatur, vel permittat, vel nisi requisitus venire recuset. Romæ. 12. Jan. 1604. Vide Pignatelli (a).

## ORDINATIO CCLXXXII.

Anno 1632. 12. Dec.

**S** Congregatio in Limana declaravit, processionem ducere per parochiam ad solos pertinere parochos, ita ut neque regularis neque sæcularis ulla confraternitas possit nisi cum consensu parochi, & cum parochiali cruce processionem ducere. Ita habet Barbosa (b). Et totidem verbis refert aliam responsionem in Hispalensi 1628. 28. Februar. Pignatelli (c). Apud Lacroix (d) extat alia cum additione ut sequitur: *Extra ambitum ecclesiæ non licet regularibus processiones facere nisi de licentia & consensu parochi, salvo privilegiis & consuetudinibus si quæ sunt.* Debent tamen privilegia esse Tridentino posteriora, ut habet alia declaratio apud cit. Pignatelli.

## ORDINATIO CCLXXXIII.

Anno 1633. 29. Jan.

**S** Congregatio Concilii in Limana resolvit, dum in jubilæis datur facultas, ut pœnitentes possint eligere confessorem quemlibet ex approbatis ab ordinario, hoc esse intelligendum de ordinario loci. Refert Barbosa (e). Eodem anno & die resolvit Congregatio itidem in Limana, quod Episcopus potest regularem exemptum, qui ob notorium delictum in censura incidit, denuntiari pro publico excommunicato, ut tanquam talis ab omnibus evitetur. Est apud eundem Barbosam (f).

Quindecim post diebus eodem anno prodiit declaratio, quam sic refert Diana (g): EE. & RR. D.D. Ferdinandus Archiepiscopus Limanus in Indiis occidentalibus supplicat declarari infrascriptum dubium: An Episcopi debeant prohibere sacerdotibus, tam sæcularibus quam regularibus, ne celebretur missæ sacrificium in navibus, tam dum navigant, quam dum non navigant, sed ut vulgò dicitur *estan furtas*? S. Rituum Congregatio respondit, ordinarios in casu proposito sacerdotibus tam regularibus, quam sæcularibus prohibere debere. 12. Februar. 1633. Em. Ep. Portuensis Card. Pius. Julius Rospigliosus Secret, Vide Ord. 208.

OR-

(a) Pignatelli, tom. 8. Consult. 73. (b) Barbosa, *Collectan. Verbo Processio*.

(c) Pignatelli, loc. cit. (d) Lacroix lib. 6. P. 2. n. 2055. D. 184.

(e) Barbosa, *Ibid. V. Jubilæum*. (f) Barbosa, *Ib. V. Episcopus*. §. 1. pag. 309.

(g) Diana, coord. tom. 4. tr. 2. R. 22. ex P. 9. tr. 1. R. 45.

ORDINATIO CCLXXXIV.

Anno 1633. 22. Febr.

**R**elata Constitutione Gregorii XIII. prohibente Japoniæ ingressum absque Sedis Apostolicæ licentia: relata etiam Constitutione Clementis VIII. permissiva ingressus per Lusitaniam, & Constitutione Pauli V. permissiva ingressus quacumque via, omnibus religiosorum ordinum capitibus concedit Urbanus, ut religiosos ad Indiæ orientalis regiones quacumque via mittere possint. Religiosos & sæculares accessum impediētes excommunicat. Missos hortatur, ut in docendo uniformes sint. Catechismum Romanum & doctrinam parvam & magnam Card. Bellarmini, si fieri potest, in eorum populorum linguam translatis & impressas adhibeant. Omnibus in Japonia christianis, ut à quibusvis sacerdotibus missis sacramenta ordinem episcopalem non requirentia, etiam parochialia, durante persecutione suscipere valeant. Religiosis omnibus edmittendis mercaturam & negotiationem sive per se, sive per alios, sive proprio, sive communitatis nomine, directè sive indirectè, aut quovis alio prætextu, causa, aut colore prohibet sub excommunicationis latæ sententiæ pœna ipso facto incurrēda, ac privationis vocis activæ & passivæ, officiorum & dignitatum, etiam inhabilitatis ad ea, & amissionis mercium & lucri, quæ reservanda sunt in usum missionum. Quodsi aliquæ controversiæ inter religiosos oriantur, Episcopi locorum tanquam Sedis Apostolicæ delegati illas terminent. Derogat contrariis, ac declarat facultatem eligendi posteriorem datam nemini contra prædicta suffragari. Extat in Append. Bull. Cherub. tom. IV. Const. 16. Incipit *Ex debito*. Vide infra anno 1669. 17. Junii.

ORDINATIO CCLXXXV.

Anno 1633. 9. Jul.

**U**T Augustiniani discalceati in Philippinis & in Indiis occidentibus degentes à quocumque Episcopo in propria diœcesi residente, vel in aliena de diœcesani licentia pontificalia exercente, ad quatuor minores unica, & ad sacros ordines tribus continuis vel interpolatis diebus festis, etiam extra tempora, & interstitiis non servatis, promoveri valeant. Habetur in cit. Append. Const. 18. Incipit *Cum sicut*. Vide Ord. 240.

ORDINATIO CCLXXXVI.

Anno 1634. 13. Mart.

**P**aulli V. Breve ut Indi possint jubilæos, & alias gratias, & indulgentias solo pœnitentiæ sacramento consequi, confirmavit Urbanus. Sed benè notat P. Avendaño (a) ex tenore Brevis, quod apud se habuit, con-

(a) *Avendaño*. lib. 12. num. 225.

concessionem non tam indefinitam esse; sed tantum favet *christi fidelibus* recenter ad fidem conversis Indiarum occidentalium, qui confessoriorum iudicio ab eucharistiæ sacramento accipiendo tunc temporis abstinere debere *videbuntur*.

## A-D-N-O-T-A-T-I-O-N-E-S.

Causa hujus concessionis, inquit Solorzanus (a), fortè ea fuit quod in multis provinciis eucharistia nondum conferebatur Indis, eo quod pastorum iudicio essent incapaces, contra quos declamantem Acoſtam & alios laudat. Vide Ord. 71. Si autem causa huiusmodi jure merito improbat, temerè creditur Rex supplicans, & Pontifex supplicationi annuens eâ motus esse. Et quidem si capaces jam supponuntur Indi in præſenti concessione sacramenti poenitentiae, & consequenter capaces actuandæ contritionis, quæ supernaturalis, universalis, absoluta, & efficax sit, ut debet; ad sacramentum eucharistiæ suscipiendum incapaces dici & esse nequeunt. Nam licet sacramentum hoc proculdubio reliqua superet dignitate; difficultate suscipiendi cum fructu non item, cum aliquando mente motis dari possit, & infantibus aliquando datum sit: nec est in actibus præparatoriis ad communionem aliquis contritione vel difficilius vel excellentior ut contritionis capax non possit illo disponi.

Vera ergo concessionis causa est, non incapacitas Indorum, sed quia attenta illorum indole & ingenio plerisque vileſceret communio frequentata, & expedit ut sit rarior, nec multiplicentur communicandi vices etiam cum multiplicentur jubilæorum gratiæ. Eam esse veram causam suadet constitutionis exordium, cujus authenticum exemplar ad manum est: Quod in Indiis occidentalibus pastores animarum expedire censuerunt, & usu receptum est ut Indi recenter conversi eucharistiæ sacramentum raro suscipiant. In quibus non significatur incapacitas, quæ & unicæ & iteratæ receptioni repugnat, sed raritatis convenientia pastorum iudicio.

## ORDINATIO CCLXXXVII.

Anno 1634. 18. Mart.

**S** Congregatio in una Indiarum resolvit, quod laici qui de manu regularium tempore paschali eucharistiam recipiunt, non satisfaciunt præcepto Ecclesiæ. Et quod in die Paschatis apud regulares communicare non possunt, quamvis præcepto alias satisfecerint. Ita habet Monacelli (b). Similes declarationes refert Chiensis Episcopus (c) loco indefinitas: Congregatio Concilii censuit, non satisfacere præcepto ecclesiæ eum, qui sanctissimum Eucharistiæ sacramentum suscipit ante vel post diem Paschatis, non de manu parochi, sed regularium habentium à Sede Aposto-

(a) Solorz. tom. 2. De Ind. For. l. 2. c. 27. n. 92. (b) Monacelli, P. 2. Formul. tit. 13. p. 42. (c) Villarr. P. 1. g. 6. art. 13. n. 5.

stolica privilegium ministrandi sacramentum præterquam in die Paschatis. Dubitatur rursum, an iis qui infra dictum tempus de manu parochi Eucharistiam receperunt, & sic præcepto ecclesiæ satisfecerunt, licitum sit ipso Resurrectionis die de manu religiosorum communicare. Congregatio die 23. Januar. 1586. censuit, id non esse licitum, cum sit expresse *prohibitum*. Unde infert Ill. Author, regulares incurrere excommunicationem ministrantes infra dictum tempus Eucharistiam, supposito eam pœnam imponi in Clem. *Religios*, *De Privil.*, & privilegium, quod regulares habent, excipere communionem paschalem. Sed sunt loca, in quibus parochi non inviti connivent, ut apud regulares communicet quisvis in quovis die paschali, dummodo non desinat in parochia intra legitimum tempus communionem refici.

## ORDINATIO CCLXXXVIII.

Anno 1634. 29. Mart.

**U**T Episcopi Indiarum occidentalium & sede vacante Cathedralium Capitula gradibus baccalaureatûs; licentiaturæ, magisterii, & doctoratûs insignire valerent quotquot annis quinque studuissent in collegiis formatis S. J. Provinciæ Philippinarum, Chilensis, Tucumanensis, Fluvii *de la Plata*, & Novi Regni Granatensis, aliarumque ubi non sunt (I.) Universitates Studii Generalis, quæ à publicis Universitatibus bis-centum saltem milliaribus distant. Et ut gradus hujusmodi (II) ubique locorum suffragantur; dum tamen promovendi prius gesserint adus omnes qui in Universitatibus generalibus fieri solent pro ejus modi gradibus adipiscendis, atque à Rectore & Magistro approbationem obtinuerint. Utque tempus quo in prædictis collegiis studuerint, computetur & profit ad lucrandi effectum, quos vocant *Cursus* in Universitatibus Indiarum occidentalium. Non obstantibus quibuscumque contrariis. Extat cum Senatus Indici permissione & regio placito in Tabulario Cordubensi, quod fuit S.J. in Tucumania. Incipit *In eminenti*.

## ADNOTATIONES.

(1) *Universitates*. Harum genus triplex distinguit P. Suarez (a). Aliud est earum quæ à Summo Pontifice ad aliquos spirituales effectus, & a Rege ad temporales, jurisdictionia potestatem habent, ratione cujus statuta proprie talia facere possunt. Aliæ sunt jurisdictione carentes, quæ tantum possunt eos, qui sunt de gremio, obligare in virtute alicujus pacti, aut juramenti præstiti. Quæ obligatio non oritur ex jurisdictione aliqua quæ in Rectore sit, sed ex pacto quod factum sit, vel ex juramenti præstiti religione. Aliæ sunt & jurisdictionis expertes, & in quibus nulla est praxis juramentum præstandi. Quæ vel quarum Rector qua talis non

(a) *Suar. lib. 4. De leg. cap. 6. n. 12. & 13.*



non aliter obligare possunt quam potest merus Magister obligare discipulos, nempe determinando per potestatem quasi æconomicam materiam quarti decalogi præcepti, ut illi teneantur obedire lege divina & naturali, ut tenentur filii obedire parenti dum præcipit ea, quæ patriæ potestatis sunt. Et hujus, inquit Suarez, generis est nostra Universitas Coimbricensis.

Hujus etiam generis erant quotquot collegia vel studia fuerunt, quibus per præsentem ordinationem facta est potestas præcise conferendi gradus. Nullam quippe jurisdictionem habuerunt Rectores in graduatos, magistros, vel doctores, qui aliunde subiiti non fuerint, vel nisi alio titulo atque hac ordinatione collata sit, neque ad parendum obligati sunt illi nisi ex pacto, aut juramento, ubi consuetudo sit illud præstandi, juxta dicta de secundo genere Universitatum, vel ob potestatem æconomicam dum studentium intersit, juxta dicta de tertio genere. Licet verò his Universitatibus & earum Rectoribus desit jurisdictio, possunt nihilominus mandata dare, & statuta facere ad rectam Studii directionem; nam & Magister id potest in aula, & patrem-familias in domo sua id facere posse docuit nos supra D. Thomas Ord. 78. Adnot. 8.

(II) *Ubique locorum*. Sic ablata est restrictio, de qua supra Ord. 262. Julius Tertius Const. data 2. Oct. 1552. concesserat etiam scholaribus Societatis, ut postquam promoti essent, omnibus privilegiis, prærogativis, immunitatibus, exemptionibus, libertatibus, antelationibus, favoribus, gratiis, & indultis, quibus alii in quibuscumque Universitatibus studiorum hujusmodi promoti, gaudere possent. Eamque concessionem extendit Pius Quartus 19. Aug. 1561. ad Scholasticos externos in collegiis eisdem promotos. Horum tamen usus permissus erat tantum, *En quanto no fuere contra el real patronazgo, leies, cédulas, y ordenanzas hechas para el buen gobierno de las Indias*. Nam constitutiones Julii & Pii de illis sunt, quarum usus hac tantum lege permissus est à Senatu Indico, ut vide supra Ord. 78. Et quod non ita universaliter receptæ sint, & quoad loca, & quoad prærogativas, suadet lex 8. & 9. tit. 7. lib. 1. *Recop. Castell.*

## ORDINATIO CCLXXXIX.

Anno 1634. 5. April.

**A**bsolutè concessit Urbanus VIII. posse missionarios indicos Societatis dispensare in voto simplici castitatis in foro conscientie. Ita habet Compendium Indicum anni 1737. Verbo *Votum*. Incipit Constitutio *Cum scut*. Sed non liquet quid per illud *absolutè* significetur, an illimitatio temporis, an personarum, an qualitas voti absoluta. Nempe cum limitatione ad neophytos, item cum limitatione ad annos viginti, nondum datæ, præsentis tempore elapsos, jam idem privilegium ab Urbano erat concessum in Constitutione pariter incipiente *Animarum* ut vide supra Ord. 276.

## ORDINATIO CCXC.

Anno 1634. 10. April.

**U**T ii de Societate, qui mitterentur ad loca remotissima, unde non potest conveniri Sedes Apostolica possent vestes sacerdotales, pallas, corporalia, calices, altaria, ecclesias, cœmeteria, & omnia paramenta ecclesiastica benedicere in illis partibus si non adsit Episcopus. Ita habet cit. Compendium Indicum. V. *Benedictio*. Incipit Constitutio *Ut necessitatibus Indiarum*. Vide Ord. 78.

## ORDINATIO CCXCI.

Anno 1634. 8. Nov.

**N**E Fratres Ordinis Prædicatorum in partibus Indiarum existentes extra conventuum, domorum, aliorumque dicti Ordinis locorum claustra sine Sanctæ Sedis & superiorum Ordinis licentia vivant seu maneant sub censuris ecclesiasticis, & privationis vocis activæ & passivæ pœnis ipso facto incurrendis. Extat in Bullar. Lugd. tom. v. Const. 205. Urbani. Incipit *Injunctum*.

## ORDINATIO CCXCII.

Anno 1635. 3. Dec.

**U**T in nulla Franciscanorum Discalceatorum provincia tam Hispaniarum quam Indiarum tituli sint lectoris jubilati. Utque nullus eorum, qui Minister Provincialis non fuerit, titulo aut exemptione *Patris* gaudeat, etiam si sit vel fuerit Vicarius Provincialis. Quoscumque titulos lectorum jublatorum, qui reperiantur, abrogat. Extat in Append. Bullar. Cherub. tom. IV. Const. 32. Urbani. Incipit *Religiosos*.

## ORDINATIO CCXCIII.

Anno 1638. 11. Mart.

**P**rohibitio facta parochis, ne pro sepultura apud regulares majores exigant elemosynam, extenditur ad regulares indefinite. Meminit Pittoni (4). Incipit *Cum sicut*. Vid. Ord. 205. 216. 246.

## ORDINATIO CCXCIV.

Anno 1639. 16. April.

**E**Xposito pro parte communitatum, universitatum, & hominum regnorum Peruviani (1), de Chile, & Paraguay (II) in Indiis, quod ipsi

---

(4) Pittoni, CC. ad Reg. hoc die & anno.

ipsi ob eorum multitudinem, & confessoriorum penuriam ibi vigentem peccata sua infra breve tempus confiteri minimè possint. Unde fit, ut quamplures illa nullatenus, aut minus accuratè & fructuosè confiteantur, cupiantque propterea sibi provideri, concedit Urbanus, quod in præfatis regnis (iii) tam Indi (iv) quam mestizi (v), nec-non Æthiopes & mulati (vi) præcepto Ecclesiæ de confitendo peccata, & fumendo SS. Eucharistiæ Sacramento quotannis, possint a Dominica Septuagesimæ usque ad & per totam octavam Corporis Christi satisfacere. Non obstantibus apostolicis, ac Lateranensis (vii) ubi Innocentio III. aliorumque Conciliorum generalibus, vel specialibus constitutionibus, & quibuscumque contrariis. Extabat in forma authentica Breve in Collegio Limano S. J. Unde retulit Ayendaño (a). Incipit *Cum sicut*.

## ADNOTATIONES.

(I) *Peruviani*. Quod terrarum Peruviani regni comprehendatur nomen, vide supra Ord. 127. Adnot. 2.

(II) *Paraguay*. Non minus in designandis Paraguariæ limitibus, quam in Peruvianis, variatur. D. Antonius Leon Pinello in Bibliotheca ait: *Regio Paraguaria in sex extensa, Chaco, Guairá, Tucumana, Paraguay proprium, Paraná, & Uruguay*. Charlevoix (b) latius Paraguariæ fines protendit, dum ait: *N<sup>a</sup> point d'autres bornes que Xarayes, Santa Cruz, Charcas, Perou, Chili, Magellan, Bresil*. Nec illiberalior est Muratori in *Christianismo Felici*. Proprie tamen *Paraguay* dicitur, quod juri subest Gubernatoris, & Episcopi *de la Assuncion*: quamvis in hoc etiam varietas quædam sit, nam Episcopus jus dicit spirituale in oppida & accolæ Paraná, quorum temporalia gubernat Prætor Bonaerensis.

(III) *In præfatis regnis*. Quamvis hæc concessio determinata sit ad certas regiones, consuetudinem esse generalem testatur Synodus Pacensis sub Ill. D. Feliciano de la Vega (c) apud Ayendaño (d). Et licet concessio facta sit ex confessoriorum paucitate, sed & de Peruvio, ubi plures sunt, scribit Ill. Villarroel (e): *La (costumbre) que yo puedo testificar del Peru solo en orden a los Indios, es que tienen de termino hasta el dia del Corpus*. Sed pro paucitate confessoriorum, & poenitentium multitudinæ ubi tanta non est, facit alicubi quod paræciani sparsim vivunt per viginti, triginta, sexaginta leucas, sub uno parochio: unde concursus in una vel altera hebdomada commodè fieri nequit ad confitendum fructuosè. Pro Philippinis fuit olim, teste Fagnano (f) speciale indultum, sed temporale. Verba Fagnani sunt: *Ex consuetudine in aliquibus diocesisbus tempus paschale extenditur ab initio quadragesimæ usque ad decimum quintum diem post pascha, ut testatur Enríquez...* Et in Insulis Philippinis fideles ex indulto apostolico ob sacerdotum paucitatem & populi fre-

(a) Ayendaño, tit. 12. num. 430. (b) Charlev. *Histoir. du Parag.* t. 1. p. 6.

(c) Synod. Pac. lib. 1. tit. 2. cap. 4. (d) Ayendaño, tit. 12. num. 429.

(e) Villarr. P. 1. q. 6. art. 13. n. 3. (f) Fagnan. in G. *Omnis, De Poenit.* c. Remis. n. 42.

frequentiam quolibet anni die præcepto ecclesiæ satisfaciunt ad viginti annos, & durante necessitate iudicio Episcopi, ut reperi annotatum in libris publicis Sacræ Congregationis tom. 23. post pag. 546.

(IV) *Indi.* Non ergo suffragatur Hispanis hæc concessio, præsertim cum in oppidis Hispanorum major esse soleat conventuum & confessoriorum copia. De Indis sunt quædam synodalia decreta, non de Hispanis, ut est illud Synodi Tucumanensis anni 1597. (a): *Que todos los Curas de Indios comiencen su quaresma y confesiones del Adviento hasta la Pascua del Espiritu Santo. En el qual tiempo daran una vuelta à todos sus pueblos confesando à todos, los Indios de confesion.* Idemque totidem verbis præscribitur in Synodo Paraquaria anni 1603.: quo tempore paraquarium juxta toti provinciæ Fluminis Argentei imminēbat.

An verò concessio aliqua sit in hac materia favens præter Indos etiam Hispanis, dubium est in quo affirmat Emmanuel Rodriguez Minorita in *Explicatione Bullæ Cruciatæ* (b) ex sequente attestatione: *Laurentius* Episcopus Prænestinensis Cardinalis Quatuor Coronatorum, ac Major Pœnitentiarius, Universis præsentis litteras inspecturis salutem... Clemens Papa VII. Christi fideles in Hispaniarum regnis, si a prima die Cinerum usque ad octavam Resurrectionis singulis annis confessi fuerint, & intra dictum tempus Eucharistiam sumplerint, vivæ vocis oraculo desuper nobis facto satisfecisse declaravit. In quorum fidem, &c. Datis Romæ. 13. Febr. 1526.

Hujus attestationis meminit Azor (c). Et Leander à SS. Sacramento (d) ait: *Posse* satisfieri huic præcepto in tota Hispania communicando in quolibet die quadragesimæ ex prædicto privilegio Clementis VII., si extet & vigeat, ut extare & vigere cum Azorio testantur Vivaldus & Rodriguez. Hæc habet Leander. Sed neque Azor neque Rodriguez, quos tantum videre licuit, testantur vigere in tota Hispania sed in aliquibus tantum diocesis. Imo Azor neque id testatur de suo, sed quod dicitur.

Fr. Martinus de Torrecilla (e) liberalior est, & Leandrum loquentem, ut vides, conditionatè, Azorio, & Rodericio contestem inducit. Nec tantum conditionatè loquitur Leander, sed addit: *Certissimum est*, in tota saltem Hispania non extare talem consuetudinem, nam in regnis Castellæ, Navarræ, & Aragoniæ, contrarium servari praxis testatur. Quis fidat tumultuariis allegationibus?

Claudit agmen Stephanus Fagundez (f) inter alia dicens: *In tota Hispania* legitima consuetudine receptum est, ut præcepto satisfaciat qui in quolibet die quadragesimæ communicaverit, teste Azor, &c. P. Suarez (g) inquit: *Quodsi* alicubi introducta esset consuetudo extendendi amplius hoc tempus, illam etiam servare sufficeret, sicut referunt Mediolani

(a) *Syn. Tuc. P. 2. cap. 7.* (b) *Rodrig. Expl. de la B. 9. 2. fol. 29. Et ad fin. tr. p. 291.*

(c) *Azor, tom. 1. Inf. 1. 7. cap. 3. q. 4.* (d) *Leand. tom. 2. tr. 7. D. 3. q. 12.*

(e) *Torrec. tom. 2. Summ. tr. 1. d. 3. c. 3.* (f) *Fag. l. 1. De 3. Eccl. Prec. c. 5. num. 3.*

(g) *Suar. sam. 3. in 2. p. d. 70. seq. 2. §. Sed circa.*

iani esse receptum, ut hoc præceptum impleatur quolibet die quadragesimæ. Quod etiam in Hispania fieri posse declaratum dicitur à Clemente VII., idque constituisse testimonio Laurentii Card. SS. Quatuor Coronatorum, & usu etiam receptum fuisse. Sed mihi nec de consuetudine nec de usu satis constat: ubi autem constaret, id agere *sufficeret*. Ut appareat quanto pluris æstimanda sit modesta ignorationis confessio, quam indigesta citationum turba.

Jam verò non esse universalem saltem per Hispaniam usum, satis constat tum dicto Leandri, tum ex facto, quod passim ibi videre est, concursu ad confitendum & communicandum increbescente à Dominica Palmarum ad octavam Resurrectionis. De concessione satis etiam constat esse factam, tum ex iis quæ refert Rodriguez loco secundò citato, illam esse authenticè recognitam ab Episcopo Gerundensi, & ibi esse usitatam; tum ex eo, quod refertur in Compendio Privilegiorum facto per Rev. Hieronymum à Sorbo Capuccinorum Generalem, ut passim referunt authores. Sed cum privilegiis derogetur per non usum, ubi usus non fa-  
veat, neque favet concessio. Et hæc videtur esse sententia Suarez citati, & aliorum qui ad usum appellant & consuetudinis vigorem.

Contrarium tenet P. Eugenius Lopez Studii Neo-Cordubensis Cancellarius in M. S. prælo paratis, quia privilegia continentia purum favorem, neque ulli præjudicialia, non derogantur per non usum, ut tenet Laiman (a). Sed quamvis hoc verum sit de privilegio pure favorabili, quod juri communi non sit contrarium, si tamen juri communi adversetur, sicut nova lege, ita & nova consuetudine potest ad terminos juris reduci. Præterea distinguere oportet non-usum purè omissivum à privativo vel amissivo, qui ad usus omissionem superaddit actum aliquem præscriptionis aut renuntiationis tacitè vel expressè acceptatæ significativum, quo arguatur inducta vel inducatur privilegii cessatio. Talem esse non-usum in præsentia, suadetur, quia ubi parochi rationes instituunt de iis, qui observant vel non præceptum paschale in ordine ad fulminandas ecclesiæ pœnas, non respiciunt ad communionem factam per quadragesimam, sed ad eam, quæ fit, vel omittitur tempore jure vel consuetudine communi præscripto, quod ex declaratione Eugenii Quarti apud Azor (b) comprehendit diem Paschæ cum octiduis antecedente & consequente.

Quod etiam declaravit Concilium Mechliniense anni 1607. per hæc verba (c): *Incipit* Pascha ad hunc effectum à Dominica Palmarum usque ad Dominicam in Albis *inclusive*. Sic quamvis privilegium Horas non recitandi sit integrum illas recitanti ex devotione, neque pereat per non-usum purè omissivum; si tamen recitationem omittens à superiore puniatur, nec puniendus reclamet, signum erit renuntiati privilegii, vel alia ratione cessasse. Quodsi alicubi contingat, per communionem à die Cinerum satisfactum esse parochis, concedam ibi privilegium suffragari. Et sic res habet, sive ex hoc Hispaniarum, sive ex aliò privilegio, aut consue-

(a) Laim. l. 1. Summ. tr. 4. c. 23. n. 22. (b) Azor, l. c. q. 2. (c) Concil. Mechlin. tit. 7. c. 5.

suetudine, in Lusitania, teste P. Nogueira (a) dum ait, Tempus ad præceptum communionis implendum incipere in eo regno à primo quadragesimæ die, & finiri in Dominica in Albis.

Neque obstat, quod sit privilegium vivæ vocis oraculo concessum, non enim revocata sunt privilegia sæcularibus, sed concessa regularibus, ut Ord. 68. notatum est. Imò quamvis præsens concessio esset facta regularibus, esset incolumis, nam licet revocata sint privilegia Cardinalium manu firmata, ut habetur in Const. *Alias felicis Urbani VIII.*, declaratum tamen est, quod *Constitutiones* revocatorie vivæ vocis oraculorum non comprehendunt illos officiales, quibus ratione munerum suorum antea de Summi Pontificis oraculo fides haberi solebat, ut habes in Bullario Lugdunensi (b), & recognovit Benedictus XIV. (c) dicens: *Exceptis* quæ comprobarentur dictis officialium seu ministrorum in rebus ad eorum officium pertinentibus, ut colligi potest ex *constitutionibus*. At præsens Clementis VII. concessio comprobatur manu Cardinalis, qui erat Major Pœnitentiarius, ac proinde erat minister & officialis Pontificis, & quidem in materia eatenus ad ejus officium pertinente, quatenus agebatur de pœnitentiæ sacramenti, cujus erat Administer, præcepto implendo, & de communionem ad quam præparatio est pœnitentia & pœnitentiæ sacramentum.

Jam verò si privilegium obtineret in regnis Hispaniarum, ut sunt attestantis verba, & in Hispaniensibus Indiis suffragaretur Hispanis, propter dicta Ord. 139. Nec obstaret decretum Concilii Mexicani, & si quod aliud est simile (d): *Ut parochi Hispanorum* Dominica Quasimodo denuntient Hispanos, Mixtos, Æthiopes, & ex altero parentum Æthiopes natos, qui nondum eo tempore confessi sunt, nec eucharistiam sumperunt, ecclesiæ præceptum *transgressos*. Non inquam obstaret, etenim rectè habet, quod Hispani eo tempore non confessi denuntientur, & quod à diè prima quadragesimæ, vel à diè Cinerum confiteri potuerint.

(v) *Mestizi*. Sic appellantur pressò nomine, qui sanguinem indicum & europæum ex æquo participant; nam si ab uno tantum ex avis aut proavis Indus sit aliquis, aliq. nomine donatur, ut vide Ord. 449. *Mestizos* verò potuit in Concilio Mexicano loco nuper citato dici esse denuntiandos nondum Dominica *Quasimodo* confessos, quia privilegium præsens confessionem & communionem differendi usque ad Corporis octavam, est Concilio Mexicano multo posterius, nec in illo Mexicanum nominatur.

(vi) *Mulati*. Id est æthiopico sanguineo & europæo concreti ex æquo.

(vii) *Lateranensis*. Concilii Generalis sit expressio propter eos, qui censent, excepto Tridentino, de quo est specialis declaratio, non intelligi derogatum Concilii œcumenici sanctionibus, nisi exprimatur. Vide Card. Petram (e). Et quia Canon *Omnis utriusque sexus*, cui derogatur, aut de-

roga-

(a) Nogueira, D. 11. De B. Cruc. sect. 19. n. 145. (b) Bullar. Lugd. 1. V. c. 210. Urb. VIII.

(c) B. XIV. tom. 2. De Beatif. &c. pag. 108. Ed. 2. (d) C. Mexic. lib. 3. t. 2. §. 3.

(e) Petra, tom. 3. ad C. 18. Inn. IV. p. 105. n. 20. Et tom. 4. ad C. 4. Greg. XI. n. 23.

rogari videri posset per præsens privilegium, est Constitutio quædam ejus Concilii Lateranensis sub Innocentio III.

## ORDINATIO CCXCV.

Anno 1639. 22. April.

**P**Auli Tertii vestigiis insistens Urbanus (1) Collectori Apostolico in Portugallia mandat, ut per se vel alium omnibus Indis, tam in Paraguarie & Brasiliæ provinciis, ac ad Flumen *de la Plata*, quam in quibusvis aliis regionibus in Indiis occidentalibus & meridionalibus existentibus assistens, universis sub excommunicatione latæ sententiæ, à qua non nisi a Romano Pontifice, & satisfactione præmissa (II) absolvi possint, inhibeat ne Indos in servitutem redigere (III), vendere, emere, commutare, vel donare, ab uxoribus vel filiis separare, rebus suis spoliare, & ad alia loca deducere, & transmittere, aut quomodolibet libertate privare (IV), in servitute retinere, nec non prædicta agentibus consilium, auxilium, & favorem, aut operam quocumque prætextu, & quæsito colore præstare, aut id licitum prædicare, aut docere, aut alias quomodolibet cooperari audeant: contraditores in pœnam hujusmodi incidisse declarando. Non obstantibus quibuscumque. Extabat authentica cum litteris Regii Senatus pro executione in archivio Collegii S. Ignacii de Buenosaires Soc. Jesu. Incepit *Commissum*.

## ADNOTATIONES.

(1) *Insistens*. Insistendi causam expressit Philipus IV. Hispaniæ & Portugalliæ Rex lege data anno 1628. & Juri Indico inserta (a) quæ sic habet: *los Portugueses de la Villa de S. Pablo pueblo del Brasil*, que dista diez jornadas de las ultimas reducciones de Indios de la provincia del Paraguay contra toda piedad christiana van todos los años à cautivar los Indios de ella, y los venden, y los llevan en el Brasil, como si fueran *esclavos*, &c. Octo post annis cum sprete legum severitate malum invinciam suscepit S. Inquisitionis Officium, ut refert Claudius Clemens (b).

Nec diu post Romam iturus P. Franciscus Diaztaño S. J. Paraguarie Provinciæ procurator, in mandatis habuit opem Summi Pontificis implorare, quam Urbanus VIII. hac constitutione præstitit. Eam redux per Brasiliam publicari fecit; sed fuit inter neophitorum abigeos, qui blasphemaret, baptismo prius, quam prædæ renuntiaturum se. Nempe nondum erat nota pulcra servandi prædam ars, actores inoculare reatu. Tenuit malum pertinax usque ad Benedicti XIV. pontificatum, qui Pauli Tertii, & Urbani Octavi constitutiones innovavit (c). Et quamquam ab-

an-

(a) *Leg. 6. tit. 2. lib. 6. Recop. de Ind.* (b) *Cl. Clemens, Decad. 25.*  
(c) *Vid. infra, Ord. 364.*

anno 1641. permisso neöphytis sclopetorum usu nonnihil repressa est Paupolopolitanorum audacia, usque ad millia multa, & ad milliones ab eo tempore numerantur capita captivorum.

In litteris ædif. & curiosis (a) habes sequentia: On pretend (ce qui est pres qu'incroyable) qu' ils (les Mamelús du Bresil) ont detruit ou fait esclaves dans l'espace de 130. ans deux millions d'Indiens, & qu' ils ont depeuple plus de mille lieues de païs jusqu' au fleuve des Amazones.... On a vu un registre authentique, où il est marqué que de troiscent mille Indiens qu' ils avoient en leues dans l'espace de cinq ans, il ne leur en restoit pas vingt mille. Si fidem superare videantur hæc consule novissima decreta Fidelissimi Regis anni 1755. (b) ex quibus constat, multos milliones Indorum abductos, ex quibus pauca restabant capita. Vide etiam Fr. Dominicum Texeira Augustinianum (c), & Vieiram (d) alibi citatos, & supra Ord. 121.

II. *Satisfactio præmissa.* Quoad satisfactionem in præsentī materia præmittenda instruxit olim confessorios Ill. Lojola Episcopus Paraguajensis ut sequitur: = *Instruccion para los confesores del Rio de la Plata, dada y mandada guardar por el Rmo Señor D. Fr. Martin de Lojola Obispo de dicho obispado.* = 1. Que los capitanes y soldados, que se huvieren hallado en guerras injustas, sabiendo ó debiendo saber que lo eran, por fêr contra la instruccion y orden de Su Magestad, la qual debieran mirar, ó informarse de quien les pudiera decir la verdad, estan obligados à restituir *in solidum* todo el daño, robos, y muertes, que en ellas hicieron. = 2. Que los que pensaban fêr la guerra justa, y despues de hecha supieron su injusticia, estan solamente obligados à la parte que les cupo. = 3. Que los confesores deben obligar à los Gobernadores y soldados, à que en los descubrimientos y nuevas poblaciones guarden la instruccion de Su Magestad: y no la queriendo guardar, no les absuelvan. = 4. Que à los capitanes y gente de guerra, que han sacado por fuerza servicio de pueblos de Indios, encomendados, ó no encomendados, no haviendo los Indios cometido delito, que mereciesse tal castigo de quietarles sus mugeres y hijos, aunque lo hayan hecho con orden del Gobernador, los confesores les obliguen à que pongan en libertad dicho servicio, paraque se vuelva à su naturaleza sin peligro, y satisfagen el agravio passado con darles algunas cosas, y pedirles perdon. Y los particulares, que sin orden del Gobernador huvieren hecho lo sobredicho, tendran mui major obligacion. = 5. Que los que han traído de sus repartimientos Indios, muchachos ó muchachas contra la voluntad de sus padres, parientes, ó caciques; aunque sean huerfanos, tienen obligacion de los restituir luego à sus tierras ó caciques. = 6. Que los que han hecho venir à servir muchachos ó viejos, de mas ó menos edad de la que el Gobernador tienen señalada en sus ordenaciones, tienen obligacion à pagar-

(a) *Leer. Edif. Rec. 25.* (b) *Vide infra Ord. cit. 564.* (c) *Texeira, Vide de Gomez Freire, tom. 2. P. 2. lib. 2. p. 290. num. 223.* (d) *Vieira, Serm. de la Epiph. en List.*



pagarles dicho servicio, y à no les traer mas en adelante. = 7. Que los que se han servido de mas numero de mita del que el Governador tiene justamente tassado, deben pagar à los Indios la demasía que en esto huvier e havido segun que el Governador huviere tassado el servicio de contado cada dia. Y si fuera de la mita (a) huviere ocupado à los Indios en sus pueblos, ò en otra parte en hacer (b) caraguatá, (c) hierba, ò otras cosas, que tambien les debe pagar segun queda dicho. Y la misma obligacion tendra el Governador, Teniente, ò Justicia, que mandáre traer Indios de repartimiento para trabajar en obras de la república. = 8. Que los que han comprado servicio robado de Indios Guaicurús, Payaguás, ò Charrúas, tienen obligacion à hacer penitencia de ello, y de la ocasion que dieron à los robadores para perseverar en sus crueldades y guerras injustas, y à tratar à dicho servicio como à gente libre. Y si fuere de algun repartimiento ò de otra parte à donde sin mucha dificultad se pueda volver, se debe restituir à su tierra ò cacique. Y la misma obligacion tendra el que lo huviere comprado ce otro Español, que ningun dominio tuviere sobre el, y no le podra llevar contra su voluntad à otra ciudad ò provincia; antes debe procurar restituirlo à su tierra ò cacique, como queda dicho. = 9. Que el que vendio dicho servicio tiene obligacion à rescatarlo, ponerlo en su libertad y hacer penitencia de su peccado. = 10. Que el Indio de repartimiento, que se casa en casa de su encomendéro con India de su repartimiento, no es justicia detenerlo paraque no vuelva à su tierra con su cacique, porque no lleve à su muger; antes le deben dejar ir y llevarla. Però si el Governador no permitiere que vuelva por haver tanta falta de servicio, muriendo su muger, no debe ser detenido. = 11. Que los que han detenido algun Indio de la mita, que viene à servir, pretendiendo hacerle yanacóna (d), estan obligados à le dejar volver à su tierra y cacique, aunque haian alcanzado ya cedula, paraque sea yanacóna, porque no se puede quitar al Indo su libertad, ni al cacique su vasallo sin delito alguno. = 12. Que los Indios yanacónas son tan libres como los de repartimiento, y assi deben ser tratados como libres, y servir como los de repartimiento una parte del año de obligacion como tributo por la doctrina y politica christiana, que se les da, y lo demas por su paga segun el valor de su servicio. Y lo mismo se ha de entender de las Indias, que de los Indios. = 13. Que los Governadores no deben dar cedulas de yanacónas, demanera que por ellas pierdan los Indios su libertad, sino que cirvan à los amos como gente libre segun se ha dicho.

(a) Mita. *Est Indorum census, qui per vices ad serviendum nunc rei publicæ, nunc privatis regie nomine deputantur.*

(b) Caraguata. *Cardui genus est, qui ad usus cannabaceos maceratur.*

(c) Hierba. *Paraguayon laurus, ex cujus foliis igne siccatis quoddam the seu mathe conficitur, totius Peruvii delictum.*

(d) Yanacóna. *Nomen est, non Barbara Nationis in Chile habitantis, ut habet Coletti R. Yanacunas; sed quo servilis conditio in toto Peruvio nota significatur. Servitus autem hac non emptitia, ut æthiopum, sed adscriptitia, qualis in Germaniæ & Polonia usu recepta est.*

cho. = 14. Que los Indios, que llaman Yanacónas no se pueden dar en casamiento contra su voluntad, ni apartando los hijos de sus padres, porque son libres y no esclavos. = 15. Que à los dichos Indios en orden à sus casamientos se dê toda libertad, porque si se casan contra su voluntad, los que los forzassen à ello estan *ipso facto* excomulgados por el Concilio de Trento. Y los que impiden sus casamientos peccan gravemente, y han de ser descomulgados segun el Concilio Limense, mandado. = 16. Que los Indios de repartimiento, que hasta ahora no han tenido doctrina con perseverancia de sacerdote ( aunque christianos ) son validos sus matrimonios, como lo eran los de los Españoles antes del Concilio de Trento, porque hasta tener curas que los casen, y les declaren lo que manda el Concilio, no les obliga; y assi no estan amancebados, ni deben ser apartados, no haviendo otro impedimento. Y à los que por solo esto les quiten sus mugeres, los confesores no les absuelvan. = 17. Que los que se han servido de Indios sin les dar doctrina por falta de sacerdote, haviendola procurado y descuido dar, deben procurar dar la lo mas presto que pudieren, y mientras no la dan, han de dar à los Indios lo que havien de dar al sacerdote. Pero los que pudiendola dar no la han dado, y los que la han estorvado, y impedido las reducciones, sin las quales no se puede dar sufficientemente, con los tales se han de haver mas rigurosamente con parecer del ordinario, ò de persona que lo entienda. = 18. Que doctrina sufficientes es tener en el repartimiento sacerdote ò sacerdotes, que bastantemente puedan satisfacer à las necesidades de los Indios, de manera que ninguno muera sin bautismo sino es christiano, y los que ya lo son, no mueran sin confession. Ultimamente, que los Padres confesores tengan cuidado de preguntar à los penitentes sobre lo dicho. Y si han pagado los diezmos de la Iglesia conforme lo manda el Concilio Limense, y el Synodo de este Obispado: y à los que no quisieren cumplir con esto no les *absuelvan*.

Instrucao hæc facta ab Episcopo Paraguayensi, dum Flumen de la Plata ejusdem erat Episcopatus, & dum Paraguaría ipsa ejusdem erat provinciæ ac Lima, cujus Concilium citat, fuit fructus & summa consultationum, quibus theologi plures præsertim Franciscani, & Augustiniani Limeses studium & operam contulerunt circa annum 1598. Quarum conclusio est, servitium Indorum personale ex æquo procedere si pro tributo accipiat, & quod à malo est quidquid eo amplius est. Quod etiam senserat Acoſta, quem illi in consultatione laudant & sequuntur, & quem postea secutus est Pinellus (a).

(III) *In servitutem redigere*. Constat ex regia scheda data 17. Sept. 1639. quinque scilicet mensibus postquam prodit constitutio præsens, & relata in alio regio rescripto dato anno 1706. 26. Nov. & in recentiore alio dato 28. Dec. 1743 (b) quod supra de 300. millibus Indorum in servitutem redactis Adnot. 1. dictum est.

(IV)

(a) Pinell. Confirm. Real. P. 1. per tot. (b) Decr. de Thel. V. de 28. Dic. de 1743. art. 6.

(IV) *Quomodo libertate privare.* Circa ann. 1605. ad Regis Catholici pijs aures delatus est clamor, Indos Tucumanos, Fluminis Argentei accolas, & Paraguarios multimodis pati contra libertatem, & contra regiam, quibus illa miseris afferebatur, edita. Mandata dedit primum effectui vacua, donec missus est D. Franciscus Alfaro qui provincias eas visitaret, vestigalia taxaret, injuriisque vexatos redimeret: quod ad cumulum præstitit. Relictaque Proregi & Platenfi Cancellariæ provincia restitutiones urgendi tunc impossibiles, multa ordinavit in futurum. Novus exoritur clamor contra ordinationes Alfari, sed frustra, nam regia manu protectæ sunt, & autoritate munitæ ac tandem Juri Indico (a) paucis mutatis insertæ.

## ORDINATIO CCXCVI.

Anno 1639. 6. Aug.

**D**eterminavit Urbanus ex Indiis mittendos ad Capitulum Generale Ordinis S. Francisci. Meminit J. B. Pittoni (b). Et videtur esse eadem cum constitutione Urbani relata in Bullario Lugdunensi ad diem 8. Nov. 1639., qua statuta quædam generalia Ordinis prædicti autoritate muniuntur apostolica (c). In quibus ad Indias pertinentia sunt: Ut Commissarius Generalis Indiarum in Curia Regis Catholici residens sedeat in Capitulo post Prælatos, Ministros Generales qui fuerunt, Vicarios item Generales qui fuerunt per biennium, Commissarios Generales qui fuerunt secundum bullam unionis electi, & Vicecommissarios Generales qui biennio duraverint. Ut post Ordinis secretarios sedeant Peruvii, Novæ-Hispaniæ, & Indiæ orientalis Generales Commissarii, qui fuerunt. Post Generales Commissarios Terræ Sanctæ, qui per duodecim annos fuerint, Vicecommissarii Hispalenses. Secretarii Commissarii Matritensis post Procuratoris in Curia Romana secretarios. Ut Ministri Provinciales Indiarum ad Capitulum Generale mittere possint Commissarios, qui eorum nomine suffragium ferant, dum filii provinciarum respectivè sint. Ut ad nullum dignitatis officium assumi valeant, nisi ejusdem provinciæ alumni vel incorporati. Ut Commissarius Peruanus & Novæ Hispaniæ vocem habeant in electionibus suarum provinciarum, non tamen is, cui autoritatem subdelegent.

## ORDINATIO CCXCVII.

Anno 1639.

**C**onceditur indulgentia perpetua pro confratribus & confratribus confraternitatis sub invocatione B. M. Virginis Conceptionis de Chara Goensis Diocesis in Indiis orientalibus. Plenaria in die ingressus, in articulo mortis, & in festo principali pro confessis, & sacra communione refe-

(a) Lib. 6. tit. 17. Recop. Ind. per tot. (b) Pittoni, CC. ad Reg. sub hoc die 19. ann. (c) Bullar. Lugd. tom. V. C. 257. pag. 102.

refectis. Sexaginta dierum pro peragentibus certa pia opera. Extat in Bullar. Lugd. tom. V. C. 269. Urbani. Incipit *Cum fecit*.

## ORDINATIO CCXCVIII.

Anno 1640. 3. Mart.

**U**T Hospitalarii S. Joannis de Deo Hispaniarum & Indiarum possint in vim Constitutionis Gregorii (XV.) quandocumque sibi libuerit, eligere sive assumere conservatores. Cæterum donec eos elegerint, posse coram ordinariis conveniri. Extat in Bullario ejusdem Ordinis, ut refert P. Fortis (a). Vide supra Ord. 150.

## ORDINATIO CCXCIX.

Anno 1640. 18. Aug.

**I**ll. Bernardino de Cardenas conceditur, ut ab uno Antistite consecrari possit. Litterarum textus & tenoris fragmenta sunt: Nos (1) pridem Ecclesiæ de Paraguay..... de persona tua duxeramus providendum præficiendo te illi prout in nostris inde confectis litteris continetur.. Tibi ut à quocumque Antistite, assistentibus duobus aut tribus viris in ecclesiastica dignitate constitutis, munus consecrationis accipere valeas (11) ... recepto per eum juramento concedimus..... Quodsi non recepto munus impedire & suscipere præsumpseritis.... ipse ab officii pastoralis exercitio, & tam ipse quam tu ab administratione tam spiritualium, quam temporalium ecclesiarum vestrarum suspensi sitis eo ipso.... Forma juramenti hæc est... Apostolorum limina visitabo, &c. Ex schedis archivii Cordub. Soc. J. in Tucuman.

## ADNOTATIONES.

(1) *Jam pridem*. Jam ab anno 1638. cogitatum erat, vel decretum de præficiendo; ejus quippe anni datam præferebat Epistola Card. Barberini, Urbani VIII. nepotis, & Ordinis Minorum, de quo erat præficiendus, Protectoris. Quæ epistola ad peragendam consecrationem plurimum valuit.

(11) *Munus consecrationis accipere valeas*. Facta est concessio plus anno antequam ab Episcopo Tucumanensi Ill. D. Melchior Maldonado consecrationis munus acciperet Paraguayensis, nam regia nominatio, seu presentatio patronatus data est Matriti 18. Maji 1640.: confirmatio 18. Augusti; & peracta consecratio mense Octobri anni sequentis 1641. Sed nondum quò oportebat pervenerant apostolicæ litteræ. Unde natum est dubium, de quo infra Ord. 318. & 319. Vide Charlevoixium (b).

OR-

(a) Fortis, *Art. 42. De Conser. n. 27.* (b) Charlev. *Hist. de Parag. lib. 9.*

## ORDINATIO CCC.

Anno 1640. 17. Sept.

**D**Eputantur executores litterarum, de quibus nuper Ord. 296. circa mittendos ad Capitulum Generale Minorum, & forenses non promovendos ad officia Archiepiscopus Limanus, Decanus, & Archidiaconus ejus ecclesiæ. Ex Bullario Lugdun. tom. V. C. 286. Urbani, & meminit J. B. Pittoni (a),

## ORDINATIO CCCII.

Anno 1642. 12. Jul.

**U**T Commissarii Provinciales Indiarum ad Capitula Generalia Ordinis Minorum convenientes suis Custodibus in labore & in præmio æquales habeantur. Extat ibid. C. 307. Urbani. Incipit *Alias postquam*.

## ORDINATIO CCCIII.

Anno 1642. 22. Dec.

**U**T in provinciis Hispaniarum & Indiarum Fratrum Discalceatorum Ordinis Minorum nullus introducatur *Pater Provinciae*. Utque possint mittere procuratores ad Curiam Romanam. Extat ibid. C. 314. Incipit *Alias pro felici*.

## ORDINATIO CCCIII.

Anno 1644. 30. Apr.

**D**Eclaratur, Minoribus Discalceatis provinciarum S. Josephi & Indiarum competere jus præcedentiæ supra Fratres Ordinis Eremitarum S. Augustini. Extat ibid. C. 334. Incipit *Cum sicut*. Et per aliam ejusdem datæ constitutionem deputantur executores.

## ORDINATIO CCCIV.

**U**T religiosi Societatis in Provincia Peruana possent Matutinum & Laudes sequentis diei à meridie pridiano recitare. Refert P. Alloza ex ea provincia in *Flore Summarum* (b). Qui tamen non exprimit, an fuerit vivæ vocis oraculo, an per litteras facta concessio, an ante an post vivæ vocis oraculorum revocationem: an in perpetuum, an ad tempus, sed tantum quod facta sit ab Urbano VIII. Suspicio esse factam per litteras aut certè post oraculorum revocationem, ut ea non comprehendatur; tum quia cum vivente Alloza Summa sit edita anno 1666., aut

---

(a) *Pist. CG. ad Regul. 6. Aug. 1639.* (b) *Alloza, V. Horæ Can. sect. 2. n. 32.*

saltem prælo parata & ad editionem expedita triginta & eo amplius annis post oraculorum revocationem, pronum erat ut exprimeretur hujus privilegii caducitas, si esset de revocatis, cum author absque ulla caducitatis nota dicat: *Ex privilegio... possumus recitare*. Tum quia privilegia temporaria Indiarum concedi solent ad vicennium vel decennium. At post vicennium à morte concedentis Urbani author ait: *Ex privilegio... possumus*. Quod non affirmaret, si concessio vicennio exacto cessasset. Dubium tamen restat ex eo quod privilegium quotidiani usus in ea provincia exolevisse videtur, etiam cum illa staret: & cum religiosus vir doctus & gravis quasi viginti abhinc annis alienum se interrogatus ostenderit ab usu & usus notitia, diu ante vel revocatione vel qua data causa crediderim expirasse.

## ORDINATIO CCCV.

**U**T examinata per Theologos (1) matrimoniorum, quæ à Guaraniis infidelibus contrahi solent, qualitate (II), sententiæ magis faventi barbaris staretur in praxi, dum converterentur ad fidem. Refert P. Nicolaus del Techo (a), & ex eo P. Casnedi (b), Ill. Ligorius (c), & satis communiter summissæ morales.

### ADNOTATIONES.

(1) *Examinata per Theologos*. Dubium erat, an contractus matrimoniales iniri soliti à Guaraniis in infidelitate essent vera conjugia, quibus obligarentur ad fidem conversi; an veri concubinatus, unde ad meliores nuptias transire possent. Pro contractus legitimitate steterunt aliqui. 1. Quia non repugnat legitimitati infidelitas contrahentium, ex 1. Cor. 7. & ex Cap. *Gaudemus, De divor.* 2. Quia alioquin frustra esset privilegium à Pio V. concessum, de quo P. Sanchez (d), ut qui ante baptismum contraxerant, possent contrahere cum alia, dummodo constaret primam absentem esse, vel moneri non posse, vel monitam non respondisse. 3. Quia Guarani in infidelitate vera contrahunt sponsalia; ergo & vera matrimonia. 4. Quia veras habent uxores quas nominant *Cheaguará*. 5. Quia in dubio favendum est valori matrimonii. 6. Quia non obstat dari apud Guaranos libellum repudii, quominus detur verum matrimonium, ex cit. cap. *Gaudemus*. 7. Quia ex quo homines sunt, humano modo præsumi debent contrahere. 8. Quia durum est eos tot criminum reos facere, si dicatur tota gens, non vero conjugio, sed concubinato propagata. 9. Quia nisi dicatur verum esse matrimonium, maxima sequetur confusio volentium matrimonia cum repudiatis jussu parochorum renovata à jam conversis & baptizatis rescindi.

E re-

---

(a) *Theco, Hist. Paraq. lib. 10. cap. 15.* (b) *Casnedi, tom. 2. D. 11. sect. 8. & 9.*  
 (c) *Ligor. lib. 6. Medull. 11. 6. De Matr. c. 2. dub. 2. aris. 1. num. 902.*  
 (d) *San. b. lib. 1. De Matr. d. 23. n. 14.*

E regione plures alii negarunt matrimonia esse vera. 1. Quia Guarriorum mos est ad tempus contrahere, ut patet ex facilitate & usu mutandi uxores, cum perpetuitas sit de ratione matrimonii. 2. Quia non solum utuntur repudio, sed contrahunt animo repudiandi, ut suadet eadem consuetudo. 3. Quia ex eadem constat, contractum iniri cum occurrente, donec dignior occurrat. 4. Quia solent uxores aliis ex beneficio largiri. 5. Quia contrahunt animo & consuetudine habendi plures uxores. 6. Quia usque adeo inconstantes sunt, ut nullus sit apud eos perpetuus contractus. 7. Quia etiam post baptismum allegant consuetudinem suæ gentis, ut quas in ecclesiæ facie duxerunt uxores relinquunt. 8. Quia nullus & nulla allegat indissolubilitatem matrimonii, ut repudium vitet. 9. Quia dum ad alios divertunt pagos, solent uxores ibi acceptas ibi relinquere. 10. Quia ipsi testantur hunc esse morem gentis. 11. Quia fundamenta contrariæ opinionis sunt à circumstantiis abstracta, cum in hac sententia ex materia subjecta & ex re ipsa petantur. Tandem, quia in dubio resolvendum est in barbarorum favorem, qui facilius adducentur ad fidem, si libertas ad denuò contrahendum asseratur.

Alii mediam tenentes viam legitima esse matrimonia vasallorum, quos *aba-boya* vocant, non verò matrimonia caciquiorum, quos appellant *tubi-chabae*, censabant, eo quod illi præ his visi sunt cum aliqua firmitate contrahere. Sed patroni mediæ hujus sententiæ tandem facti sunt convictos, ut uniformem crederent re ipsa consuetudinem, & veram secundam opinionem.

Dubium, ut vides, est potius facti, quam juris; nam de jure certum est, conditiones appositæ contractui, nec tantum cogitatas, contra substantiam matrimonii, seu contra perpetuum, individuumque convictum, contra mutuam fidem, aut contra filiorum procreationem, matrimonium irritare *ex cap. fin. De condit. apposit.*, ibi: *Si conditiones contra substantiam conjugii inserantur, puta si alter dicat alteri, contraho tecum si generationem prolis evites, vel donec inveniam aliam honore & facultatibus digniorem, aut si pro quæstu adulterandam te tradas, matrimonialis contractus, quantumcumque sit favorabilis, caret effectu; licet aliæ conditiones appositæ matrimonio, si turpes aut impossibiles fuerint, debeant propter favorem ejus pro non adjectis haberi.* Unde dum casus occurrerit, facta diligenter examinanda ad resolutionem & praxim.

(11) *Sententiæ magis faventi.* Hinc infert Casnedi Urbanum VIII. stetit pro sententia judicantium, in concursu duarum opinionum probabilis & probabilioris licere sequi probabilem faventem libertati. Sed Urbanus supponit, concurrentes opiniones non se excedere in probabilitate, sed esse æquæ probabiles, sic enim loquitur apud Theco, apud quem est tota responsionis & oraculi fides: *Ubi doctorum sententiæ utrimque probabiles intercederent sequerentur barbaris favorabiliorem.* Stantibus tamen in equilibrio sententiis, ea præponderare debet, & practicè devenit probabilior, cui accedat barbarorum favor, qui in religionis & fidei favorem redundat: Quo non tam libertati favetur, quam fidei.

P. Char-

P. Charlevoix (a) sic refert respondisse Urbanum: *Que les deux opinions sur le cas proposé étant également probables, il n'étoit nullement besoin de dispense, & que chacun devoit agir selon les conjonctures, com'il le jugeroit convenable pour ne pas risquer le salut des infideles. Opinionem verò magis, imò unice convenientem ne infideles de salute periclitentur, dixerit quis esse opinionem magis probabilem aut magis tutam. Sed vereor ne Charlevoixii expositio sensum apostolicæ responsionis alienet, postquam & questionis sensum nonnihil alienaverat.*

Quod ex Urbani responsione favor derivetur autoritasque in probabilistarum sententiam præter cit. Casnedi plures affirmant cum Terillo (b). Et novissime Biner (c) apud Lacroix per P. Zachariam locupletatum (d) assert Urbani VIII. responsionem quamdam, quæ sine dubio est præsens, scilicet, *Missionarios* in India posse procedere cum conversis ad fidem catholicam secundum sententias probabiles illis magis *favorabiles*.

Assertum probat Terillus transcripto ad verbum Historiæ Paraquariæ per P. Nicolaum del Techo capite 15. libri x. cum inserto ibi Cardinalis de Lugo libello supplici ad Sanctissimum. Ut primum Terilli opus Hispanis innotuit, professor quidam è Societate P. Thirso Gonzalez notus (e) ad impugnandum contendit nervos, tribus notatis, primò nullum à Terillo decretum authenticum produci; deinde nihil adduci sententiæ antiprobabilistarum adversum; tertio interpretationem oraculi pontificii à Terillo factam imbellem esse. P. Thirsus Anonymi dissertationem charam habens totam transtulit in locum cit. Et P. Concina (f) Thirsum rediggit in compendium, illud tantum, dum Paraguay mentio incidit, obiter adjungens de suo, quod ut verum, mirum quantum ad historiam probabilissimi referat, Paraquariæ provinciam esse divitem.

Ad rem quod attinet, vidi olim in archivio Neo-Cordubensi Provinciæ Paraquariæ Societatis Jesu istius argumenti schedas, ex quibus proculdubio P. Techo Historiam illius Provinciæ concinnavit, & nominatim punctum hoc in quo versamur. Ad verbum hic scriptas reddere non possum jam diu longe absens. Illud tamen memoriæ fatis fixum est, nihil ibi contineri quo tanquam de autoritate apostolica fulciatur, aut quo declaret Urbanus Pontifex, in concursu opinionum arripi posse minus vel æquè probabilem pro libertate contra legem. Nempe dispensatione per P. Joannem de Lugo postea Cardinalem petita, & casu proposito, Pontifex non Brevi, non Diplomate, quod frustra requirit Concina, sed viva voce respondit id tantum *Non esse opus dispensatione*. Reliqua sunt ipsius Cardinalis actorum rationem reddentis, & successum referentis verba, & ad missionariorum instructionem & pontificii responsi comprobationem addebat de suo, revera non esse opus dispensatione, sed missionarii in provincia examinarent facta, & conjugiorum guaranicorum naturam, qualitatem,

(a) Charlev. *Hist. du Parag. lib. 8. p. 316.* (b) Terill. P. 1. De Reg. Mor. q. 8.

(c) Biner, *Appar. ad Jur. P. 1. cap. 2. p. 268.* (d) Lacr. lib. 1. n. 268.

(e) Thirf. *De restio us. op. prob. D. 14. c. 7. §. 1.* (f) Concin. tom. 2. *Hist. del Prob. D. 3. cap. 5. §. 10. numq. 2. pag. 116.*



tatem, adjuncta; & ubi doctorum sententiae utrinque probabiles intercederent, sequerentur opiniones pro conditione locorum & hominum barbaris favorabiliores; salva interim utriusque partis autoritate finerent doctis hominibus sentiendi libertatem.

Ex missionariis videlicet alii probabilius esse opinabantur, non esse vera matrimonia inter Guaranios; alii probabilius esse opinabantur oppositum. Potuitque utraque pars sentiendi libertatem vindicare, neutra secundum sententiam sibi minus probabilem operante. Unde neque ex Pontificis neque ex Cardinalis responso quidquam favoris vel autoritatis redundat in probabilismum. Hæc in veritatis obsequium adnotare libuit; cum credam de cætero referente Cardinali de Lugo Pontificis responsum & quid ipse Cardinalis sentiret, facili lapsu potuisse accipi verba referentis pro responsione à Pontifice data, & bona fide potuisse in errorem labi historicum, ex cujus narratione desumitur passim tota hujus probabilismi probationis allegatio.

## ORDINATIO CCCVI.

Anno 1645. 12. Sept.

**M**issionari sinenses debent christianis quam primum baptizantur intimare jus positivum tanquam obligatorium sub peccato lethali quantum ad jejunia, festa servare, & confiteri semel in anno, & communicare, eo modo quo obligantur Indi in Nova Hispania & in Philippinis juxta dispositionem Pauli III. pro Indiis occidentalibus. Ita resolvit Congregatio de Propaganda & Innocentius X. observari præcepit sub pena excommunicationis Sedi Apostolicæ specialiter reservatæ, ut ex Pascuccio (a) Pignatelli abbreviatore refert J. B. Pittoni (b).

## ADNOTATIONES.

Fr. Philippus de Carboneano Minorita (c) in summa hujus ordinationis referenda non discordat. *Suprema* (ait) Inquisitionis decreto approbante Innocentio X. anno 1646. definitum, ac sub pœna etiam latæ sententiæ excommunicationis missionariis observari mandatum, ut jus positivum ecclesiasticum enuntiarent, observandumque præciperent. En dubium Sacræ Congregationi propositum: Utrum christiani sinenses sint obligati ad observandum jus positivum quantum ad jejunia, confiteri, semel in anno communicari, & festa servare eo modo quo obligantur Indi in Nova Hispania, & in Insulis Philippinis juxta dispositionem Pauli Tertii pro Indiis occidentalibus & Meridionalibus. Censuerunt jus positivum ecclesiasticum de jejniis absolutè obligare christianos sinenses, & a missionariis hoc esse illis enuntiandum. Attenta verò regionum & personarum qualitate,

(a) *Pasc. P. 2. tit. De Missionariis.* (b) *Pitt. CC. ad Confessar. num. 364.*

(c) *Carb. Append. ad tr. De Legib. P. Antoine pag. 244. Ed. 1766.*

tate, locum esse, si Sanctissimo placuerit, dispensationi à fel. rec. Paulo Tertio Indis datæ. Qua obtenta satagant missionarii Sanctæ Matris Ecclesiæ pietatem illis patefacere, quibusea, quæ in universum indixit, magna ex parte benignè remittit & indulget. Censuerunt etiam, præfatos sinenses obligari ad confessionem semel in anno, & missionarios ejusmodi obligationem debere eis notificare. Idem censuerunt quoad sacram communionem semel in anno sumendam. Quo vero ad executionem tempore statuto, hoc est in paschate, hoc esse intelligendum nisi adsit legitimum impedimentum, aut grave periculum immineat, Curandum tamen ut intra duos vel tres menses ante vel post paschati proximos, quatenus sine discrimine fieri possit, sin minus alio quovis tempore infra decursum unius anni à paschate inchoandi omnino communicent. Demum censuerunt, sinenses ad fidem conversos teneri festa servare, missionarios etiam teneri hoc eis notificare; locum tamen esse, si Sanctissimo placuerit, limitandi eis numerum dierum festorum juxta formam privilegii à Paulo Tertio Indis concessi. = Nota. Paulus Tertius concessit, ut Indi teneantur tantum ad abstinendum ab operibus servilibus in diebus Dominicis, Nativitatis, Circumcisionis, Epiphaniæ, Resurrectionis, Ascensionis, Pentecostes, Corporis Christi; nec non Nativitatis, Annuntiationis, Purificationis, Assumptionis B. M. Virginis, BB. Apostolorum Petri & Pauli. Ita Verricellus (a), qui subdit non constare, Innocentium X. hujusmodi privilegium extendisse ad *Sinenses*. Hucusque Carboneanus.

In quibus notaveris 1., resolutionem, quam Pittonius refert ad Congregationem de Propaganda, ab hoc authore tribui Inquisitioni. 2. Privilegium Pauli Tertii, quod vide supra Ord. 58., non prodesse sinensibus, nisi extendatur vel communicetur nova Sanctissimi concessione. 3. Datam approbationis pontificiæ esse anno posteriorem apud Carboneanum. Et fortè hic loquitur de approbatione cum posteriore dispensatione actu concessa cum extensione indicii privilegii ad sinenses, de qua Verricello non constabat; & quæ reipsa, facta esse videtur, & usu vigere.

In Tunkino saltem, quod regnum Sinis affine est, vigere constat ex relatione data Romæ 24. Jul. 1770. a P. Onuphrio de Villianis Faventino S. J. Tukinensis Missionis procuratore, in qua inter alia dicitur: *Queste (feste) sono nelle Bolle di Paolo Terzo, ed altri Pontefici assegnate in Tunkino, e sono il Natale, l'Epiphania (Circumcisionem requiro in transcripto, quod ad manum est), Pascua di Risorrezione, e di Pentecostes, la SS. Tripietà, Corpus D., l'Ascensione, Purificazione, Assunzione, Annonziazione, Natività, Tutti i Santi, S. Giovanni B., S. Pietro e Paolo, S. Giuseppe, è S. Thomaso..... Nel kalendario della Compagnia si novera tra le feste di precetto (quella di S. Saverio) negli altri no...* Parmi che non sia necessaria particolare licenza, existendo nel Bolario la Bolla di Benedetto XIV. (b)... Oltre la Vigilia del Natale, c'1

(a) Verric. De Ap. Miss. tit. 8. De Privil. Reg. 9. 98. 9. 20. (b) Hanc Benedicti Bullam vide Ord. 592.

e'l Sabbatho Santo non hanno i Tunkinesi altro digiuno d' obligazione che i sè Venerdì di *Quaresima*.

In hac relatione, vel potius in relationis transumpto manuscripto quod fortè defectuosum est, præter Circumcisionis festum jam memoratum requiro dies dominicos in Bulla Pauli Tertii expressos. Quodsi dies hi supponuntur numerati, cur exprimitur dies SS. Trinitatis, qui unus de diebus dominicis est? Forte cum reliquæ Dominicæ supponantur, exprimitur hæc sicut dies Resurrectionis & Pentecostes ob specialem festivitatum harum excellentiam. Ut ut hæc sint, ex ea relatione constat, dispensationem Innocentio X. à S. Congregatione propositam, esse revera factam, quod dubitabat Verricelli; & extensionem concessionis Pauli Tertii ad eas orientis partes usu vigere, etsi cum aliqua varietate vel festorum additione, qualis & in aliquo occidentalium Indiarum loco vel regione contingere potest.

## ORDINATIO CCCVII.

Anno 1645. 12. Sept.

**I**nnoctius X. juxta quædam à S. Congregatione de Propaganda comprobata responsa Theologorum, qui certas ceremonias & ritus sinenses revera superstitione infectos judicaverant, sub excommunicatione latæ sententiæ mandavit, ut responsa, decisionesque prædictæ observarentur, donec aliter videretur Sedi Apostolicæ. Mentio fit in Const. *Ex quo*. Benedicti XIV. data 11. Jul. 1742. Vide Ord. 316. 347. 380. 460. 477. 484. 546. 566.

## ORDINATIO CCCVIII.

Anno 1645. 20. Nov.

**U**t in Collegio S. Thomæ Manilensi Ordinis Prædicatorum conferri possint gradus litterarii. Mentio fit in Const. *Inscrutabili*. Innocentii XI. tom. 8. Bullar. Rom. Const. 103.

## ORDINATIO CCCIX.

Anno 1646. 15. Octobr.

**R**eferente Emmanuele Caponio, Generalem Soc. Jesu circa missiones Patrum suorum à Sacra Congregatione de Propaganda faciendas, optare ut sibi ac aliis superioribus liceret inconsulta S. Congregatione (i) missionarios mutare, eadem S. Congregatio censuit, Generalis petitioni annuendum, dummodo nomina remotorum (ii) nulla etiam expressa remotionis causa, & nomina substitutorum significantur, ut ipsa substitutos declaret missionarios suos, & si opus fuerit, facultates renovare possit. Ex M. S. archivii Cordub. S. J. in Tucuman.

## ADNOTATIONES.

(1) *Missionarios mutare*. Simile privilegium erat concessum à Paulo Tertio anno 1549. in Const. *Licet debitum* per hæc verba: *Per nos* & success-

cessores nostros ad aliquem locum missos sine certi temporis limitatione, cum id expedire ad Dei gloriam & animarum auxilium visum erit (super quo conscientiam dicti Præpositi oneramus) ad alia loca transmittere valeat.

(ii) *Nulla expressa remotionis causa.* Simile etiam privilegium concessum erat Societati in provincia Paraguariæ circa missiones seu doctrinas, quæ sunt de regio patronatu, ut scilicet prælatus regularis doctrinarios remoturus non teneretur remotionis causas aperire vicepatrono vel ordinario, sed satisfaceret facti admonendo, & alium vel alios juxta leges proponendo. Privilegium hoc extat in schedula regia, quam refert Frassus cap. 45. Illius etiam fit mentio in decreto Philippi V. 28. Dec. 1743. Vide Ord. 596.

### ORDINATIO CCCX.

Anno 1647. 27. Mart.

**R**elata constitutione Urbani VIII. & Pauli V., ne Indiarum parochi ab eligentibus sepulturam apud Franciscanos majorem exigant elemosynam quam conceditur à Tridentino sess. 25. cap. 13. juxta explicationem Pii V. factam anno 1567. 7. Kal. Jul., executores deputat Provinciales Dominicanos, Augustinianos, & B. M. de Mercede cum facultate constituendi sacerdotem religiosum, qui Notarium agat ad effectum. Refert Frassus (a) cum Senatus Indici permissione, qui tamen eam legem apposuit, ut quod de Notario dicitur, habeat tantum locum, dum Notarius ecclesiasticus requisitus nolit operam præstare.

### ORDINATIO CCCXI.

Anno 1648. 7. Febr.

**U**t donatio quinque mille librorum (forte librarum) facta à Ven. Servo Dei Joanne de Palafox Seminario Angelopolitano SS. Petri & Pauli rata esset, decrevit Innocentius X. per Breve. Refertur in Opere hispanicè inscripto: *Epitome de la Bibliotheca Oriental y Occidental, nautica y geographica de D. Antonio Leon Pinelo del Consejo de Su Magestad en la Casa de la Contratacion de Sevilla, y Coronista Major de las Indias, añadido y enmendado nuevamente, &c.* tom. 2. tit. 21. col. 814.

### ORDINATIO CCCXII.

Anno 1648. 14. Maii.

**C**onfirmat Innocentius XI. resolutionem S. Congregationis, qua censebatur non posse clericos modo suppressæ Soc. Jesu in civitate & diocesi angelopolitana confessiones personarum sæcularium audire sine licentia Episcopi dioecesani, nec verbum Dei prædicare in ecclesiis sui Ordinis non petita ipsius benedictione; neque in aliis ecclesiis sine ipsius licen-

(a) Frasso, cap. 94. num. 18.

centia, neque in ecclesiis etiam sui Ordinis ipso contradicente: & contravenientes ab Episcopo ut Sedis Apostolicæ delegato coerceri & puniri posse etiam censuris ecclesiasticis in vim (1) constitutionis Gregorii XV. quæ incipit *Inscrutabili Dei providentia*.

Confirmavit item sequentes resolutiones, quæ a S. Congregatione eadem occasione dimanarunt. 1. Si Episcopus præcipiat regularibus etiam Societatis Jesu, ut decreta aliqua Concilii Tridentini observent, & exequantur in illis casibus in quibus per ipsam Concilium vel per Constitutiones Apostolicas regulares exempti subijciuntur jurisdictioni & correctioni Episcopi, minimè licere ob eam causam regularibus conservatores eligere. 2. Quando Ordinarius procedit juris ordine servato adversus regulares prædictos in casibus, in quibus per Concilium Tridentinum vel per Constitutiones apostolicas ipsi subijciuntur, non posse conservatores assignare. 3. Regularibus etiam S. J. asserentibus se habere privilegia, quominus obediant Episcopo in executione juris communis, Concilii Tridentini, vel Constitutionum Apostolicarum, Ordinarios non debere ipsis adhibere fidem absque exhibitione ejusmodi privilegiorum. 4. In casu, quo regulares etiam S. J. exhibeant quædam privilegia, & Ordinarii judicent ea non suffragari casui de quo agitur, & ad rem non facere; si verba privilegiorum sint ambigua & obscura, non licere regularibus prædictis recurrere ad Metropolitanum, aut ad viciniorem Episcopum, aut conservatores eligere, sed Summum Pontificem pro interpretatione esse adendum. 5. Constitutionem Gregorii XV. circa conservatores publicatam anno 1621. æquè afficere (II) religiosos Societatis Jesu (III). 6. Prædictos regulares gravatos ære alieno, aut ad ratiocinia obligatos, vel testamentorum executores posse conveniri coram ordinario, si conservatores non nominaverint intra tempus habile (IV) ab Ordinario præscriptum. 7. Dictos regulares conservatores assumentes non teneri coram Ordinario vel alio Judice competente cautionem præstare de *judicio fisci & judicatum solvendo*, casu quo in lite succubuerint. 8. Quando Episcopi jura & decimas Cathedralium adversus regulares prædictos dote sua spoliantes ecclesias eorum judice competente tuentur, librosque, memorialia, & allegationes producant jus cathedralium ecclesiarum exprimentes, & acquisitiones religionum, aliaque id genus enumerantes ejusmodi scriptorum occasione, si Episcopi ejusmodi scripta coram judice competente producant, & regularium immoderatas acquisitiones modestè & veraciter referant, non licere regularibus ob eam causam ad conservatores recurrere. 9. Regulares etiam S. J. in una diocesi ab Episcopo (V) approbatos ad confessiones personarum secularium audiendas, nequaquam posse in alia diocesi ejusmodi confessiones audire sine approbatione Episcopi Diocesani. 10. Eisdem regularibus qui confessiones personarum secularium audiunt sine approbatione Episcopi loci, vel prædicant in ecclesiis sui Ordinis non petita ipsius benedictione, aut in aliis ecclesiis absque ejus licentia, vel in ecclesiis etiam sui Ordinis eo contradicente, posse Episcopum in vim constitutionis Gregorii XV. quæ incipit *Inscrutabili*, tanquam Sedis Apostolicæ delegatum administrationem sacramenti poenitentiae,

aut

aut munus prædicationis interdicere, eosque juris remediis coercere (VI) & punire. 11. Quando Episcopo constat dictas licentias obtentas non fuisse, ipsum posse præcipere, ut donec licentiam intra præscriptum tempus non exhibeant, à tali ministerio abstineant: nec pro hujusmodi licentia esse requirendum Provinciale, sed satis esse ipsos religiosos requirere, aut eorum superiores in diœcesi existentes. 12. Si contingat, ut aliquis regularium insurgat contra Episcopum in propria diœcesi maledictis, scripto, vel dicto, populum scandalizando, si regularis intra claustra degens extra ea deliquerit ita notoriè, ut populo scandalo sit, Episcopo instante teneri superiorem regularem intra terminum ab Episcopo præfigendum severè illum punire, ac de punitione Episcopum certiores facere; alioquin sic delinquentem ab Episcopo puniri posse ad præscriptum Concilii Tridentini *sess. 25. cap. 14. De Regular.* Quodsi delinquens ad aliam diœcesim migraverit, servandum esse quod præscribitur in Const. Clementis VIII. *Suscepti muneris* (VII). 13. Conservatores nominatos & electos à prædictis regularibus ante exercitium suæ jurisdictionis teneri suæ electionis authenticum instrumentum exhibere (VIII) coram Ordinario sub pena nullitatis actuum. 14. Privilegia, quæ sunt contra jurisdictionem Ordinarii, & quibus gaudent & gaudere prætendunt regulares prædicti (IX), debere Episcopis notificari seu insinuari, si eis uti voluerint. 15. Prædiorum rustica, metallorum fodinas, sacchari opificinas à regularibus Societatibus vel aliis possessas, vel alias domos sæculares, in quibus videlicet unus vel duo tantum regulares commorantur, non gaudere privilegiis collegiorum seu conventuum. 16. Regulares prædictos apothecas quarumcumque mercium, macella, & similia præcipue circa collegia seu conventus exercentes non posse ab Episcopo inhiberi. Sed si in præmissis ita notoriè delinquant, ut populo scandalo sint, servandum quod supra num. 12. Regulares etiam Societatis Jesu in suis prædiis, opificinis, aliisque domibus sæcularibus sitis intra limites parochialium ad se non spectantium, non posse administrare sacramentum baptismatis solemnis, matrimonii, extremæ unctionis, & eucharistiæ in festo paschali, famulis, mercenariis, rusticis, sive aliis id genus sæcularibus absque ordinarii vel parochi licentia. 18. Patres Societatis in civitate & diœcesi Angelorum non posse consecrare vasa sacra, altaria, & similia, in quibus unctio requiritur.

Confirmavit etiam Summus Pontifex Sacræ Congregationis responsiones ad sequentia dubia pro parte religiosorum Societatis proposita. 1. An Episcopi in partibus Indiarum possint totum unum monasterium, vel collegium suspendere ab audiendis confessionibus? R. Episcopos Indiarum posse quidem omnibus simul unius monasterii vel collegii confessariis adimere facultatem audiendi confessiones personarum sæcularium, etiam inconsulta S. Congregatione, cum decretum ab ea editum 20. Nov. 1615. ex intentionis defectu, & convenientia morali non extendatur ad eas regiones tam longè ab Urbe distitas. Verum ab hac generali suspensione, quæ vix sine scandalo & animarum perniciè contingere potest, abstinendum esse Episcopis nisi gravissima subsistente causa, supra quod S. Congregatio voluit illorum conscientias esse oneratas. = 2. An Episcopus re-

D d d                      gula-

gularera pro confessionibus semel approbatum, sine nova causa possit ab audiendis confessionibus suspendere? R. Non posse regulares alias liberè approbatos prævio examine ad audiendas confessiones personarum, secularium, ab eodem Episcopo suspendi sine nova causa, eaque ad confessiones ipsas pertinente. = 3. An Bulla Pii V. (x) 34. in ordine Bullar. tom. 2. concessa supplicante Seren. Regi Catholico, non ad petitionem regularium, sit revocata in Bullis Summorum Pontificum, in quibus exemptiones regularium mitigantur? R. Agendum cum Sanctissimo an velit declarare Bullam non esse revocatam; illam tamen non suffragari nisi ubi est defectus parochorum. = 4. An Episcopus possit procedere contra regulares exemptos, si inobedientes fuerint in confessionibus audiendis, vel prædicatione verbi Dei? Et hoc an vigore Concilii Tridentini, vel per quem canonem? R. Posse procedere, non in vim Concilii Tridentini, sed in vim Constit. *Inscrutabili* Gregorii XV. = 5. An licentia audiendi confessiones & prædicandi ab Episcopo per litteras patentes Cancellariæ concedi possit? R. Posse concedi etiam per litteras missivas vel ore tenus, si ita Episcopo videatur. = 6. An talis licentia sine scriptis ore tenus concedi possit? R. Ut ad proximum. = 7. An facultas eligendi conservatores concessa Societati à Gregorio XIII, suffragetur illis in locis ubi non sunt iudices synodales? R. Suffragari quoad hoc ut Societas non teneatur ex illis eligere conservatores, dummodo in reliquis servetur forma constitutionis Gregorii XV. hac de re editæ. = 8. An conservatores Societatis Vicarios Generales Episcoporum (xi) autoritate apostolica compellere possint per pœnas & censuras ecclesiasticas virtute Bullæ *Æquum reputamus* Gregorii XIII, datæ ult. Febr. 1573? R. Posse à manifestis injuriis & violentiis eos compescere etiam censuris & pœnis ecclesiasticis. Extat apud Frasso (a), & in Monitorio Prosperi Casarelli (xii).

## ADNOTATIONES.

(1) In vim Constitutionis Gregorii. Refert Lezana (b), qui Romæ agebat; dum erat sub iudice lis angelopolitana, per tres menses conquistum ibi esse Breve Urbani VIII, gregorianæ constitutionis incipientis *Inscrutabili* revocatorium vel suspensivum, de quo supra Ord. 263., sed in casum, Quo factum est, ut constitutio gregoriana credita sit nondum revocata, sed vim suam in Hispaniarum regnis obtinere. Fuisse tamen revocata suspensam, & Breve post latam sententiam comparuisse, innegabile est, nam inter innumeros scriptores id affirmantes apud Frassum (c) Doctor Solis anno 1641. spondit in Curia Mexicana testimonium authenticum (d). Et procuratores religionum anno 1722. illud Romæ exhibuerunt, ut refert Lofada (e). Nec de revocationis vel suspensionis authenticit-

(a) Frasso, cap. 21, a. num. 2. (b) Lezana, cit. ab Ortega in Def. Prov. Philipp.

(c) Frasso, cap. 74, a. num. 23. (d) Solis, Compend. de la mucha escr. en fav. de las Rel. apud cit. Ortega. (e) Lofada, Chronol. de los Brivis Ind.

veritate dubitari posse censuerunt quatuor Juris consulti in Allegatione edita illo anno.

Hinc dubitaverit quis, an præsens innocentiana constitutio, quatenus in gregoriana nititur, valeat, cum notum sit in jure, non tenere dispositum ex suppositione facti, cui veritas non subest. Sed cum Urbani revocatio vel suspensio provisionalis sit, donec aliter à Sede Apostolica provideatur, dubium eximitur, satis enim mens Apostolicæ Sedis declarata est pro vigore actuali constitutionis aliquandiu suspensæ, & consequenter pro vigore hujus innocentianæ, tum quia ab eo tempore utriusque executio inculcata est, tum quia illius valor & vigor supponitur in posterioribus Bullis, ut in Bulla Clementis X., cujus initium est *Superna*, in Constitutione Innocentii XIII. quæ incipit *Apostolici Ministerii*, & in hujus confirmatione à Benedicto XIII. pro Hispaniis facta in judicio contradictorio, quatenus facta est confirmatio, imo & data Constitutio, postquam religionum procuratores & allegatores Jurisconsulti, de quibus supra, Brevis suspensivi authenticitatem in romanam lucem deduxerant; siquidem constitutio *Apostolici Ministerii* data est anno 1723. 30. Maji, & confirmatio anni sequentis 1724. 23. Sept., cum procuratorum & Jurisconsultorum objecta allegatio sit anni 1722. Imò constat, tum ex tenore Benedictinæ Confirmationis, tum ex testimonio Lofladæ, Benedictum religionum instantiam resistantiæ loco & nomine judicasse. Tandem Benedictus XIV. Const. *Quamvis* data 6. Kal. Mart. 1745. edicit, utramque vigere, & Constitutionem *Inscrutabili* Gregorii, & præsentem innocentianam *Cum sicut*.

Nec Rex Catholicus pro suo destitit hujus executionem & observantiam urgere. Ill. Lopez Zebuanus Episcopus in quadam sententia lata anno 1660. (a) inquit: *Dicha Bulla* de Innocentio está mandada observar en las Indias por Phelippe IV. por diversas cedulas despachadas en Madrid à 25. de Enero (in hoc numero errorem esse oportet, cum tribus post mensibus Bulla emanaverit) de 1648. à 5. de Marzo de 1651. y a 30. de Janio de 1653. Regias de hoc argumento schedulas vide cum Memoriali pro jurisdictione episcopali ad finem Vitæ Ill. Palafox scriptæ à P. Rosende de Ordine Cler. Min.

(11) *Æquè efficere*. Sermo est de Const. *Sanctissimus*, publicata 26. Sept. 1621.; qua Gregorius XV. decrevit invalidas omnes aliter, quam statuit, factas conservatorum electiones. 1. Ut conservatores deputari non possint, nisi in conciliis designati sint judices. 2. Ut regulares intra sex menses à die publicatæ hujus constitutionis debeant conservatores assumere, ejusque assumptionis documentum penes acta curiæ Ordinariorum exhibere teneantur; alioquin coram eis conveniantur. Quodque conservatores durante quinquennio, nisi ex causa à Sede Apostolica, aut à locorum Ordinariis approbanda, amoveri non possint. 3. Ut coram conservatoribus trahi possint, non alios ipsi trahere. 4. Si qua inter conserva-

tores

(a.) Ill. Lopez, apud cit. Ortegam.



tores & ordinarios orta fuerit super jurisdictionis competentia controversia, nequaquam procedatur donec per arbitros fuerit decisa. Non prohibet, quin petant iudices à principibus sæcularibus, dummodo sint actores, & agant contra laicum, & causa sit profana.

(III) *Religiosos Societatis Jesu*. Exprimitur nominatim in hac & in aliis hujus argumenti constitutionibus hic Ordo propter concessionem, quæ ei specialiter facta erat à Gregorio XIII. anno 1572. in Const. *Æquum reputamus*, scilicet, *Ut* in quibuscunque causis, tam civilibus, quam criminalibus, & mixtis, etiam in eis, in quibus actores, & conventi rei forent, omnes personas in dignitate ecclesiastica constitutas, cathedralium canonicos, & Episcoporum vicarios generales possent assumere in conservatores & iudices *ordinarios*. Et licet eadem constitutio ad sui derogationem plures condiciones requireret, omnibus derogare voluisse præsentem ordinationem satis declaravit Pontifex successor. Iisque omnibus derogatum esse probè noverat Ordo ille etiam cum staret, & notum fecerat in Compendio Indico Privilegiorum Verbo *Conservatores*.

(IV) *Si conservatores non nominaverint*. Ergo si nominaverint, conveniri non possunt coram Ordinario. Et hæc est praxis, de qua supra Ord. 150. Nihilominus Ill. Mercadillo Tucumanensis Episcopus initio labentis sæculi intimavit regiam quamdam schedulam, qua indicitur executio duarum resolutionum, quibus declaratur, in causis requirentibus indaginem judicalem non esse conveniendos regulares etiam reos coram conservatoribus, sed coram Ordinario. P. Joannes Martinez de Ripalda S. J. pro Indiarum provinciis procurator supplicationem de schedula interposuit. 1. Quia cum Rex Catholicus per suum in romana curia oratorem postulasset, ut constitutio Gregorii XIII. de terminandis per ordinarios in America litibus extenderetur ad exemptos, cum Apostolicus Nuntius, & Ordinum Generales, ut erat Pontificis votum, non convenirent, per Sacram Congregationem declaravit Sua Sanctitas 15. April. 1698., *Recurrendum esse* (nempe ad Sanctissimum) *in casibus particularibus*. Cujus declarationis exemplar authenticum tunc exhibitum est. 2. Propter constitutionem Gregorii XIII., de qua Adnot. præced., qua jus conservatorum asseritur universim ad causas etiam requirentes indaginem. Et ad Sacram Congregationis objectas resolutiones reposuit, intelligendas de conservatoribus electis juxta antiquum jus, nam de electis jure novo speciali standum erat decisioni angelopolitanæ, juxta quam recurrendum solum est ad Ordinarium, quando regulares non nominaverint conservatores. Supplicatio non fuit admissa. Sed & diu post, anno 1723. 20. Dec. in Januensi *Jurisdictionis* inter Patres Societatis & Carmelitas Excalceatos declaratum fuit conservatori à Patribus Societatis deputato jus tantum esse illos defendendi à manifestis injuriis & violentiis, eorumque causas cognoscendi, quando iidem rei sunt ad normam constitutionis Gregorii XV., ut refert Benedictus XIV. (a). Injuriz verò & violentiz, dum manifestæ

(a) B. XIV. lib. 4. De Syn. Diac. cap. 6. n. 6.

stæ sunt, non requirunt indaginem. Igitur ad causas indaginem requirentes non extenditur conservatorum jus.

(v) *In una diœcesi*. Possent hac decisione non obstante, virtute facultatum vicennalium, si pro tempore vigerent, missionarii in utraque India semel approbati ab aliquo illarum partium Episcopo confessiones audire absque licentia Diœcesani ultra duas dietas distantes eo modo, quo conceditur infra Ord. 522., quia ejusmodi concessiones sunt illa decisione posteriores.

(vi) *Coercere & punire*. Per constitutionem *Inscrutabili* Gregorii XV. subjiciuntur regulares in iis, quæ animarum curam & sacramentorum administrationem concernunt, omnimodæ jurisdictioni, visitationi, & correctioni Episcopi Diœcesani. Unde in sic concernentibus non est dubium, stante illa constitutione, quin possint regulares etiam per censuras coerceri.

An verò possint in omni alio casu quo Ordinario subjiciuntur, etiam si censurandi potestas nec in se expressè, nec in omnimodæ jurisdictionis exercitio significetur, dubium est in quo affirmat Barbosa (a); nullam tamen rationem allegat, nullum jus. Salcedo in Additionibus ad praxim Bernardi Diaz (b) etiam affirmat. 1. Quia Episcopus habet jurisdictionem fori externi in illis casibus. At qui fori externi jurisdictionem habet, habet utique facultatem censuras ferendi, ut in tractatu de Censuris tradunt communiter Doctores. 2. Quia alias esset inutilis jurisdictio Episcopi ad compellendos exemptos, si ecclesiasticis armis destitueretur. 3. Quia jurisdictione concessa ea simul concessa intelliguntur, sine quibus exerceri nequit, ex l. 2. ff. *De jurisd. omni. jud.*: ex cap. *Pastoralis*, & cap. *Præterea*, *De off. Deleg.* Id autem subsistere non posse, putat etiam Leutenius (c), si censuras nequeant Episcopi ferre in illis casibus.

Contrarium tenet P. Sanchez (d), si exempti habeant privilegium ne censuris feriri possint, quale habent mendicantes omnes. Eandem sententiam tenet Rodericus (e) ex cap. 1. *De Privil.* in 6. ibi: *In eos autem quibus ne interdici, suspendi, aut excommunicari a quoquam valeant, à Sede Apostolica est indultum, sicut sunt religiosi quam plures, in quorum privilegiis continetur ne quisquam Episcopus vel Archiepiscopus monasteriorum suorum monachos pro ulla causa, ullove loco interdici, suspendere, aut excommunicare præsumant, iidem Ordinarii jurisdictionem suam quantum ad ista, ubicumque illi fuerint, penitus exercere non possint.* Ubi Glossa habet: *Licet ergo ista, scilicet interdictum suspensionem, & excommunicationem non possint Ordinarii, possunt tamen causam eorum audire & judicare; quod si non pareant, possunt in possessionem mittere & similia facere.* Et Hostiensis addit ibid.: *Quod deponere potuerunt, & in arctum monasterium detrudere, si causa talis fuerit.*

(VII)

(a) Barb. 3. P. *De off. Ep. Alleg.* 105. num. 13. (b) Salc. Cap. 3. liss. A. 5. Punire.

(c) Leuten. in tit. 3. *Fur. Can.* l. 1. q. 869. n. 9. (d) Sanch. l. 7. *De Matrimo. D.* 33. num. 23. (e) Roderic. tom. 1. *Summ.* 2. Ed. cap. 74. n. 4. cas. 1.

(VII) *Quod præcipitur in Constit. Clementis VIII.* Scilicet, ut superior delinquentis ad locum in quo deliquit, eum revocare teneatur. Aliter Ordinarius loci, ad quem migravit, ab Episcopo loci in quo deliquit requisitus vel aliàs de delicto informatus decretum Concilii exequi, & in regularem animadvertere possit ac debeat.

(VIII) *Instrumentum exhibere.* Non dicitur dimittere, aut ibi deponere & relinquere; sed manifestare, sed informare, aut indicare, ut notat Cespedes apud Forti (a), quin obstat, quod electionis documentum ex decreto Gregorii XV. debeat non tantum exhiberi, sed in Episcopalis Curiae acta referri. Intelligitur enim, inquit, de electione quæ fieret infra bimestre in Italia, & extra Italiam infra semestrem computandum à die publicatæ constitutionis. Hoc autem impugnat ibidem Forti, author de cætero, sententiâ Benedicti XIV., satis liberalis in prorogandis conservatorum facultatibus. Verba Benedicti sunt (b): *Non multum fidentem huic authori (de Forti loquitur) quoniam multis in locis præsertim Art. XXI. conservatorum jurisdictionem protendit ultra limites à Sacra Congregatione præfixos.*

(IX) *Debere Episcopis notificari.* Nisi notoria illa jam sint, notorietas quippe revelat ab onere probandi, ut est in jure notum & vide apud Card. Petram (c). De cætero conservator, quem judicem delegatum suppono, debet procedere secundum jus & officium judicis delegati, de quo hæc habet P. Molina (d): *Judex delegatus ostendere tenetur se habere eam delegatam jurisdictionem, alioquin nullus tenetur ei parere etiam in executione sententiæ à se latæ, ut si præcipiat alicui denuntiare aliquem esse excommunicatum.* Ita habetur Cap. *Cum in jure de offic. & pot. jud. deleg.* Unde citare debet inserto tenore suæ delegationis, aut aliter de sua delegatione certum citatum facere, ut teneatur coram ipso comparere. Ita juxta Cap. *Cum in jure cit.*, & Cap. *Præterea, De Dilationibus*, Bartolus, Panormitanus, & Felinus quos Maranta de *Ord. Jud. part. 4. d. 5. n. 55.* refert ac sequitur. Contra verò res habet in jurisdictione ordinaria... Maranta (ibid. 15. n. 8.) cum plerisque aliis, quos citat, affirmat processum factum à judice delegato antequam litteras suæ delegationis ostendat, esse nullum, etiamsi jam eas litteras habeat. Id tamen cum Angelo & Baldo limitat procedere, dummodo pars opponat de rescripto non præsentato. Si enim id non opponat, & sub silentio pertransiret, validus esset *processus*. Hucusque Molina.

Cap. *Cum in jure*, quod citat, sic habet: *Cum tibi ab aliquo sub hac forma mandatur, Autoritate qua fungor, injungo ut talem denunties excommunicationis sententiæ subjacere, ac tibi super mandato apostolico hesitanti ab aliquo non sit facta fides, an mandatum hujusmodi exequi tenearis. Super quo tibi hujusmodi damus responsum, quod nisi de mandato Sedis Apostolicæ certus extiteris, exequi non cogaris quod*

man-

(a) Forti, *Art. XIII. De Conserv. n. 16.* (b) B. XIV. l. 4. *De Syn. D. cap. 6. num. 6.* (c) Petra, *com. 11. ad C. 11. Leon. IX. p. 208. n. 66.* (d) Molina, *17. 5. De Jurisd. Di. 25. num. 11.*

*mandatur*. Ubi Glossa notari vult: Quod nisi delegatus ostendat jurisdictionem suam, non est ei credendum si dicat se *delegatum*.

Supra cap. *Prætoria*. Citatum similiter à Molina habet altera Glossa: Nota quod iudex delegatus rethorem rescripti debet inferere in litteris citationis. Et est communis sententia Canonistarum, à quibus Hut (a) ait: Quorum (delegatorum ab homine seu iudice ordinario) jurisdictione regulariter non prius ardeat citatum, quam si iudex delegatus citans copiam saltem authenticam commissionis suæ citato transmiserit. Quia esse delegatum est quid facti. Et inferius (b): Quæres 7. In quo consistat officium iudicis delegati? R... Tenetur, si litigantes petant authenticè suam delegationem probare, vel ostensis litteris, si sit delegatus Principis l. 1. c. De mand. Princ.; vel etiam per testes si sit delegatus inferioris, cap. 24. De rescript. Ratio quia facta non præsumuntur, l. 10. c. De non num. pec. Sed delegatio est quid facti. Ergo.

Dixit supra hic author hæc procedere regulariter; nam potest Princeps velle, & voluntatem significare ut extraordinarie procedatur in causa, posthabitis aut remotis fori formalitatibus & tricis. Quod si contingat fat erit quod & ea voluntas & delegatio quavis ratione nota fiat. Idem est si delegato sit privilegium jure scripto vel consuetudine munitum, quale dicuntur habere stylo & praxi S. R. E. Cardinales, ut suo de suis delegatis facultatibus testimonio credatur. Gregorius XIII. Const. *Æquum reputamus*, supra Adnot. III. relata concessit Societati, ut posset conservatores assumere ut iudices ordinarios. Quo non aliud significare voluisse videtur atque privilegium illiusmodi; nam iudices ordinarii, ut supra docuit Molina cum communi sententia, non tenentur citatum de sua facultate certum reddere.

(x) *Bulla Pii V.* Non suffragatur nisi ubi est defectus parochorum, & qui in tota diocesi parochorum parochi sunt, Episcoporum: idest ubi non sunt episcopatus nec parochiæ, nec parochi à religiosis distincti. Sunt in America loca plurima, in quibus est defectus parochorum sumptus pro inopia vel raritate; nam in Valle *Chalcaqui* Tucumanensis Diocesis uni parochi subest spatium sexaginta leucarum, destitutum quidem frequentibus oppidis, sed refertum mapalibus rusticorum pagatim dissitis, quibus eo difficilius assistitur, eoque magis sentitur parochorum defectus quo magis dispersa sunt. Et parochia de *Casavindo* & *Cochinoca* in eadem Diocesi, priusquam paucis abhinc annis divideretur, ad quinquaginta leucas, aut biscentum miliaria protendebatur similiter. Et post divisionem Diocesis quatuor centum circiter leucas quadratas lata tota subest 34. parochiis. In ejusmodi locis dici vere potest esse parochorum defectus, non tamen qualis in præsentì resolutione significatur.

(xi) *Vicarios Generales Episcoporum*. An etiam Episcopos compellere possunt conservatores? Negat Jus Indicum sic habens (c): Por quanto es pre-

(a) Hut, lib. 2. Decretal. tit. 29. De off. & pot. jud. deleg. q. 2. (b) Id. ib. q. 7.

(c) Leg. 17. tit. 10. lib. 1. Recop. Ind.

preciso que para poder usar los religiosos de aquellas provincias de quales quier privilegios de conservatorias, presenten primero ante nuestras audiencias los motivos y causas, que les obligan à nombrar jueces conservadores, paraque vistas y examinadas las aprueben, ò no consientan usar de ellas, y conviene que esten con mucha vigilancia y attencion à no dar lugar à los inconvenientes y escandalos, que contra la intencion de Su Santidad, y con siniestra interpretacion de las letras se han esperimentado por la tolerancia de nuestras Audiencias, passando los jueces conservadores à proceder contra las personas de los Obispos y deponerlos de su dignidad; ordenamos y mandamos à nuestras Reales Audiencias de las Indias, que por ningun modo consientan, que por virtud de ningun privilegio nombren jueces conservadores contra las personas de los Obispos y *Arzobispos*. De cætero pontificali dignitate præditi exempti non sunt de jure communi à jurisdictione conservatorum, ut supponitur cap. 2. *De off. jud. deleg. in 6.*, ubi modestia & reverentia commendatur, quando aliquid eo jure contra Episcopos inceptatur.

(XII) *Prosperi Casarelli*. Extat hujus Notarii Monitorium cum omnibus ad causam angelopolitanam spectantibus in scripto romanis typis edito anno 1653., cui titulus est *Processus & finis causæ angelopolitane*. Circa quod Fr. Michael à S. Josepho Ordinis SS. Trinitatis (a) postea Episcopus Accitanus seu Guadixensis habet sequentia: *Breve* (Innocentii X.) pro se expeditum Noster (Ill. Palafox) minime dubitavit. Idque constare videtur ex M. S., cui titulus est *Angelopolitana* producto in Congregatione EE. CC. & à D. Joanne Magano subscripto, in quo acta nostri Præfulis narrantur & defenduntur. Continentur sane longe diversa, imo & contraria in alio scripto Romæ composito anno 1653. sub titulo *Processus & finis causæ angelopolitane*. Sed nisi fallitur author Historiæ Joannis de Palafox Episcopi Angelopolitani & postea Oxomensis, ejusque litium eum quodam religioso ordine editæ gallicè in 12. anno 1690., de qua plura in Historia operum eruditorum mensis Augusti ejusdem anni, & in Bibliotheca Universali Clerici tom. 18., præfatum scriptum, quod tom. 4. Bullarii Lugdunensis à fol. 289. ad 300. fuit, in Indice librorum prohibitorum anni 1683. jussu Innocentii XI. invenitur expunctum. De hac causa angelopolitana non ita pridem egerunt anonymi. *Bibliotheca Magna Ecclesiastica* auctores occasione recensendi scripta Antonii Arnaldi tom. 1. à pag. 602., sed an bono *sine dubito*. Hucusque Ill. Bibliographus: quem ipsum vide (b) de anonymis *Bibliotheca Magna Ecclesiastica* authoribus judicium ferentem. Vide etiam Ill. Barciam (c) in Additionibus ad Pinelli Bibliothecam.

Resolutiones de cætero & Breve innocentianum, quo terminata est causa angelopolitana, ut supra in epitomen redacta sunt, retuli ex eo quod invenitur passim in authoribus partium studio liberis, imo & Episcopo

(a) *Fr. Mich. à S. Jos. Bibl. Crit. V. Palafox.* (b) *Id. tom. 1. Proem. num. 31. & 32.*  
(c) *Epitom. de la Bibl. ev. &c. Proem. tom. 1.*

scopo faventibus Index Romanus librorum prohibitorum (a) Edit. 1764. hæc habet: *Bullarii* (Magni) Romani tom. IV. Edit. Lugdunensis sumptibus Philippi Bordé, Laurentii Arnaud, &c., donec auferatur constitutio XXV. incipiens *Sacrofancta Romana Ecclesia*, & præterea sex paginæ à pag. 289., cujus initium *In nomine Domini*, usque ad pag. 300. Decr. 3. Aug. 1656., 27. Jul. 1657., & 10. Jun. 1658. Ubi si relatum scriptum comprehenditur, ideo fortè expungi jussum est, quia præter pontificium Breve & Sacræ Congregationis resolutiones plura continet ex processibus adjecta: quæ meritò expuncta sunt, cum in Bullario locus tantum debeat esse bullis, & iis quæ ab Apostolicæ Sedis autoritate dimanant.

ORDINATIO CCCXIII.

Anno 1649. 1. Mart.

**I**nnocentius X. ad vicennium ulterius prorogavit facultates indicas ab Urbano VIII. concessas 25. Sept. 1629. Extrat apud Quintanadueñas (b). Incipit *Animarum salutis*.

ADNOTATIONES.

Licet hæc constitutio data sit totis sex mensibus antequam expiraret vicennium facultatum prorogationis Urbani; ad Indias tamen non nisi diu postquam expiraverat, perlata est prorogationis factæ notitia. Quo tempore non ex præsumptione solitæ concessionis continuatus est facultatum usus, sed suspensus omnino fuit, & esse debuit. Id saltem de Peruvie testatur P. Avendaño tunc superstes (c). Et rectè quidem, nam licet concessionis vel prorogationis factæ præsumptio, si solida & probata sit illa, possit prodesse ad usum quarundam gratiarum in casu necessitatis; aliquæ tamen sunt gratiæ, pro quarum usu major & actualis notitia factæ concessionis vel prorogationis requiritur. Benedictus XIV. in Const. *Cum Venerabilis*, data 27. Jan. 1757. (d) admonet missionarios ne differant ad extrema vicennii momenta cogitationem & curam petendæ harum facultatum prorogationis, supponens post elapsum terminum esse obnoxium nullitati illarum usum. In quibusdam litteris Episcopi Angelopolitani datis 8. Jan. hujus anni 1649. ad Summum Pontificem (num. 27.) sermo est de facultatibus & privilegiis quibusdam pro missionibus in terris infidelium concessis, additurque: *Cose tutte che essendo à tempo limitato, erano già inoltre spirate*. Sermo proculdubio est de facultatibus his vicennialibus, quarum aliquæ dabantur pro missionibus in terris infidelium, aliæ pro quibuscumque Christifidelibus in India orientali vel occidentali existentibus, ut constat ex litterarum tenore. At facultates has & privilegia

(a) *Ind. Rom. Verbo Bullarii*. (b) *Quintanad. tom. 2. tr. 7. fmg. ult.*

(c) *Avend. tit. 22. thes. cap. 3. num. fn.* (d) *Illam vide infra Ord. 600.*

legia ex datis constat nondum expirasse, sed prorogationem Urbani VIII. durasse toto tempore quo lis angelopolitana sub iudice fuit, & post eas Angelopolitana datas litteras restabat adhuc de Urbani vicennio spatium novem mensium & eo amplius.

## ORDINATIO CCCXIV.

Anno 1651. 28. Mart.

**P**Lura constituta sunt pro concordia inter Fratres Minores & Missionarios sub excommunicatione observanda. Meminit J. B. Pittoni (a). Fortè ad hoc tempus & ad hoc argumentum referenda sit declaratio, cujus meminit D. Josephus Bernardus Quiros (b) ex Fr. Antonio de Spiritu Sancto (c) sic apud illum scribente: *Hic* modus defensionis, quam tuitivam vocant (1) his nostris temporibus in Romana Curia fuit approbatus in iudicio contradictorio in causa cujusdam tuitivæ, quam Fratres Provinciæ Matris Dei in Indiis orientalibus impetrarunt adversus suum Commissarium pro defensione (II) creationis novæ provinciæ, in quo casu Romæ fuit judicatum, tuitivam fuisse legitimè impetratam a Iudice sæculari Regiæ Coronæ, & validam fuisse, ut testatur Fr. Emmanuel de Monte Oliveti.

## ADNOTATIONES.

(1) *Quam tuitivam vocant.* Hoc defensionis genus explicat Præmonstratensis Duval in *Expositione Regule S. Augustini* apud eundem Quiros dicens: *Quando el prelado notablemente grava el religioso, y no hai lugar à la apelacion, ò porque no la admite el prelado, ò porque es difícil acudir à quien se apela, y hai peligro en la tardanza, y no hai otro remedio para deshacer la injuria, puede el religioso acudir al Principe secular ò à su Consejo ò Chancilleria no por via de apelacion como à Juez competente, sino paraque le ampare quitando el agravio y violencia, mandado ò persuadiendo al prelado que desista ò que otórgue la apelacion. Y por este recurso no se incurre censura ò pena alguna.*

(II) *Creationis novæ provinciæ.* Qua ratione spectat ad Regiam Protectionem gravamen illatum amovere, & spectat providere ne inferatur. Ideoque Juris Indici Hispani lex est (d), ut litteræ patentes visitatorum regularium examinandæ sint in Regio Senatu, dum continent facultatem creandi novam provinciam, aut similes extraordinarias ad externam gubernationem pertinentes. Dum verò excipiuntur ibi, & sine examine permittuntur facultates ad reformandam interioris disciplinæ observantiam ordinatæ, illud significare videtur prudentissimus Senatus, non expedire in ejusmodi reformationis & correctionis regularium causis ad Curias sæculi

(a) Pitt. CC. ad Regul. n. 3046. (b) Quiros, Opere infc. Nuevo Promotor, f. 2. n. 20.  
(c) Aus. del Esp. S. Dir. Reg. nr. 3. D. 5. f. 5. (d) Lib. 2. tit. 24. leg. . . Res. Ind.

culi recursum, non quod sit illicitum religioso injusta patienti se defendere, sed quia minus est malum unum aliquando pati sine culpa, quam certam sternere viam relaxationi & damnabili multorum licentiæ. Eaque fuit sententia antiqui Promotoris Regiæ Protectionis D. Petri Salgado, quem hac parte novus promotor Quiros impugnare nititur.

## O R D I N A T I O CCCXV.

Anno 1652. 30. Jul.

**C**onfirmat Innocentius X. decretum Urbani VIII. circa vim declarationum S. Congregationis de Propaganda. Refert Fr. Bonaventura Steidel (a) per hæc verba: *Decreta* Congregationis de Propaganda Fide, quotiescumque sint à Præfecto ejusdem firmata & à Secretario subscripta, vim & valorem habere constitutionis apostolicæ, decrevit Urbanus VIII., ejusque decretum confirmavit Innocentius X. occasione litterarum Fr. Antonii à Sancta Maria Ordinis Minorum strictæ observantiæ S. Francisci, quibus asserebatur in Insulis Philippinis Missionarios fuisse, qui spargerent, decreta prædictæ Congregationis facere tantum opinionem probabilem, ac esse puram & simplicem declarationem: unde posse etiam contrarium defendi. Hanc autem vim habent decreta hujusmodi ex Const. *Inscrutabili* Gregorii XV. data anno 1621. 1. Kal. Jul. Hucusque Steidel.

Eodem anno 1652. 17. Decembr. confirmavit Innocentius decretum de quo supra in causa angelopolitana cum omnibus in eo contentis, & in ea causa perpetuum silentium indixit. Extat cum monitorio ibi citato Prosperi Cafareli, qui refert decretum aliud confirmativum datum anno 1653. 26. Mart.

## O R D I N A T I O CCCXVI.

Anno 1656. 23. Mart.

**A**lexander VII. confirmat sententiam Sanctæ Inquisitionis alias de sinensibus cæremoniis tanquam merè civiles esse permittendas, alias minimè tolerandas, prout varia ratione erat expositum. Mentio fit in Const. *Ex quo* Benedicti XIV., de qua infra Ord. 366.

## O R D I N A T I O CCCXVII.

Anno 1657. 1. Sept.

**P**roposito dubio in S. Congregatione Cardinalium Concilii Tridentini interpretum, an Episcopus posset absque apostolico indulto bis in die celebrare ex sequente causa, censuit non posse. Causa verò est, quod in civitate quam dicunt *de la Assencion* in provincia Paraquariæ pars magna nobilium domi se contineat eo quod apparatu decente careat. Ideo ut nobi-

(a) Steidel in Notis ad tr. P. Antoine De Legibus.



nobiles mulieres ac viri è domibus educerentur ad templa, opus fuisse missam ante solis ortum celebrare; sed non reperto sacerdote qui absque stipendio munus hoc subire vellet, Episcopus prædictæ civitatis missam antelucanam in gratiam nobilium celebravit. Refert ex Henao Lacroix (a).

## ORDINATIO CCCXVIII.

Anno 1657. 1. Sept.

**E**Xposito pro parte Episcopi Paraquariensis, quod ipse possessionem Ecclesiæ Assumptionis apprehendisset, & se ab Episcopo Tucumanensi consecrari curasset non præsentatis litteris promotionis & præfectionis suæ in Episcopum ejus Ecclesiæ, quæ tamen revera concessæ prius (I) & expeditæ erant, deque ipsa concessione & expeditione præviis aliquibus (II) informationibus constabat. Quodque consecratio ejusmodi ab uno Episcopo Tucumanensi assistentibus duobus de Capitulo canonicis peracta fuisset, non exhibitio apostolico dispensationis indulto: quod tamen reipsa prius concessum fuerat, & non sine aliquali ejusmodi concessionis notitia, aut saltem (III) præsumptione (quia scilicet Sedes Apostolica solita sit circa numerum Episcoporum dispensare cum consecrandis in Indiis) prænarra- ta consecratio facta fuerat. Et quæsito primò, an prædicta possessio apprehensa fuerit legitima? Prædicta Congregatio Cardinalium respondit, non fuisse (IV) legitimam. Extat apud Avendaño (b): & est conformis authentico exemplari extanti in archivio Collegii Cordubensis in Tucumania, quod fuit Societatis Jesu. Secundum quæsitum cum responsione; Vide Ord. seq.

## ADNOTATIONES.

(I) *Concessæ prius.* Consecratus erat mense Octobri 1641., Romæ confirmatus 18. Aug. 1640., aut confirmationis & perfectionis litteræ datæ; nominatus seu præsentatus à Rege Catholico 18. Maji 1640., ut fides sit documentis allatis à Charlevoix (c).

(II) *Informationibus.* In his præcipua desumpta fuit ex litteris quibusdam à Card. Barberino datis mense Decembri 1638., & ex quadam Regia Scheda, cujus data non refertur. Sed quod epistolam attinet Card. Barberini, non potuit in ea electio vel præfectio jam facta contineri, nisi facta dicatur diu antequam à Rege Patrono præsentatio fieret promovendi. Jesuitæ Collegii Saltenis in Tucumania à consecrando consulti aut sollicitati de via, habita qualiquali informatione, affirmarunt, posse in casu bullis non exhibitis consecrari. Jesuitæ Collegii Cordubensis in eadem Tucumania, vigentis ibi Studii causa enixius requisiti, negaverunt. Ut nempe quodcumque decideretur, esset quod Jesuitas morderet.

(III)

(a) *Lacr. lib. 6. P. 2. num. 236.* (b) *Avend. in Addit. ad tit. 12. Tbes. c. 3. n. 70.*  
(c) *Charlev. Hist. du Parag. lib. 9. pag. 489.*

(III) *Aut saltem præsumptione*. Nulla hîc mentio de Brevibus Pii IV. & Pauli V., de quibus supra Ord. 99. & 225., in quibus generatim cum Episcopis Novi Orbis dispensatur, ut ab uno consecrari possint, & quæ in hac materia decisiva sunt; vel quia cum jus particulare sit, non præsumitur notum, etiam ei qui alioquin in mentis sacrario supponatur habere quidquid est de jure communi; vel quia carent usu, ut Capitulum Paraquariense objecit Episcopo, cujus consecratio occasionem fecit Ordinationi præsentî; vel quia licet suapte vi non careant, neque Brevium illorum aliquod exhibitum est pro accipienda consecratione, aut certè non fuit exhibitum in forma authentica.

(IV) *Non esse legitimam*. Idque definitum erat à Bonifacio VIII. Extrav. *Injuncta, in Communibus, De Electione*, ibi: *Episcopi.... commissas Ecclesias absque Sedis Apostolicæ litteris, bonorumque administrationem accipere non præsumant... Nullique eos absque dictarum litterarum ostensione recipiant, aut pareant.... Quodsi forsan præsumptum fuerit,.... quod per Episcopos medio tempore actum fuerit irritum habeatur. Vide P. Azor (a), Barbosam (b), & Pax jordanum (c), qui ex cit. Extrav. infert, in odium provisi vacare ecclesiam usque ad præsentationem litterarum apostolicarum. Unde & beneficiorum collatio, aliique actus interrim facti remanent nulli.*

## ORDINATIO CCCXIX.

Anno 1657. 15. Dec.

**S**ecundo quæsito, an consecratio peracta ut dicitur Ord. præced., fuerit valida? Eadem Congregatio post tres menses respondit, quantum spectat ad Sacramentum & impressionem characteris fuisse validam, quantum verò spectat ad licitam executionem ordinis, fuisse irritam & inanem, & episcopum ita consecrantem & respectivè consecratum indigere absolutione & dispensatione. Eamque per alias litteras datas 27. Febr. 1660., scilicet decem & octo annis post factum, & diu postquam Episcopus loco cesserat, & Paraquariæ Sedem cum Sanctacrucensi commutaverat, concessit Alexander VII. Extat apud cit. Avendaño. Vide Ord. 99.

## ORDINATIO CCCXX.

Anno 1658. 18. Jan.

**V**olens Alexander certis abusibus ad se delatis, quatenus irrepressissent, quantocius occurri, aut saltem præcavere, ne illi in posterum contingerent, præcipit 1. Ne parochi aut ecclesiastici quicumque sæculares aut regulares cogant pauperes ad impendendum laborem pro suis ecclesiis non persoluta justa mercede, nisi id sponte & voluntate egerint. 2. Cum  
iis,

(a) Azor, P. 2. lib. 7. cap. 1. (b) Barbos. 1. P. De Pot. Ep. t. 1. cap. 4. n. 9. & p. (c) Paxjord. tom. 2. lib. 8. tit. 2. num. 16. & 17.

is, qui sacro aut catechesi non interfuerint ( si mos sit eos aliqua pœna mulctare ) ea moderatione se gerant, ut nonnisi contumacibus & contemnentibus, eaque modica nec crebrò irrogetur. 3. Instruant populum omni qua decet lenitate. 4. Ad seminarium ( nisi fundario obstet ) locus etiam iis, qui ex nobili sunt genere, & congrua ( ni pauperes sint ) persolverint alimenta concedatur. 5. Ad scientias addiscendas & scholas quilibet admittatur, nullo habito nobilitatis seu generis discrimine. 6. Neophytos Deo sub religionis jugo servire volentes sine rationabili causa regulares non respuant. 7. Presbyteri sæculares idonei a beneficiis & officiis non arceantur. 8. Ne se ingerant in spectantibus ad politiam sæcularem, neque ullum ad officia publica proponant, quamvis aptior cæteris videatur, nec unquam intersint comitiis, aut conventibus, ubi de rebus publicis agitur. 9. Concionentur omnino regulares pluries in anno idiomate vernaculo, utque id ipsum facilius & frequentius præstetur, curet omnino vicarius capitularis aut superior qui fuerit, ut etiam clerus sæcularis ejus regionis in verbi Dei prædicatione exerceatur. 10. Deputet Vicarius plures ex sacerdotibus sæcularibus indigenis, quos idoneos repperit ad confessiones audiendas, quo facilius & frequentius valeant fideles pœnitentiæ sacramentum frequentare, nec cogantur solis regularibus, aut exteris se subicere. 11. Ut evellatur abusus excipiendi confessionem per interpretem, aut lecto pœnitenti catalogo peccatorum, ut nutibus innuat si qua fuerint ab eo commissa. Præcipitur Capitularibus, ne id permittant ( graviter etiam onerando conscientiam regularium, & quorumcumque ad quos pertinet ); sed ab iis tantum audiantur confessiones, qui illius idiomatis sensum sufficienter percipiunt. 12. Nequis prætextu ignobilitatis, aut rudioris ingenii à sacra synaxi rejiciatur, nisi prorsus ejus mysterii sint incapaces. 13. Ægrotis morti proximis, cujuscumque sint conditionis, quamvis in fordido & vilis degant loco, viaticum deferatur. 14. Nullus ad baptismum admittatur qui veterem hominem & gentilicos mores exutus Christum non induerit, & in fide sit sufficienter instructus. 15. Ne ethnicos vexationibus, pollicitationibus, aut vi, sed prædicatione & exemplo ad baptismum inducant, perscrutantes quo fine & spiritu baptismum postulent. 16. Nequid etiam pietatis prætextu à parochianis quaestuent, & si quid pro festorum celebratione sponte ab eis tribuatur, integrè in eam causam infumant, & quidquid superest, pauperibus ejusdem parochiæ dispensetur. 17. Pro temporali regimine confraternitatum existentium in ecclesiis regularium deputentur in posterum officiales sæculares, qui reddituum administrationi incumbant, regularibus nullatenus ea in re se ingerentibus. 18. Cum Goæ & in adjacentibus insulis vetitum sit ethnicis ritus gentilicos publicè exercere, prohibetur ecclesiasticis ne iisdem permittant cadavera inde asportare, ut juxta eorum ritum comburantur. 19. Cadavera pauperum gratis à parochis sepeliantur, neque ad emendicandam eleemosynam publicè exponantur. 20. Ne ethnicis in ecclesiis permittatur sacrificare. 21. Regularium superiores curent, ut parochi extra conventus commorantes regularis observantiæ specimen præbeant, eosque ad claustra aliquando revocent. Extat in Bullario Lugdun.

tom.

tom. V. Const. 48. Alex. VII. Vide infra Ord. 344. Præfens incipit *Sacro sancti Apostolatus*. Dataque est pro Goa & adjacentibus insulis, ut patet ex tenore, & exordio, ubi dicitur: *Cum ad aures nostras pervenerint querimonie Christi fidelium Goæ, atque in adjacentibus insulis de gentium*, &c. Et si pleraque hic decreta juris naturalis sunt, vel communis positivi, & ubique servanda. De cætero ut in aliis à nominatis obtineret ordinatio, extendenda fuit à Clemente IX. ut vide infra anno 1669. 13. Sept.

## ORDINATIO CCCXXI.

Anno 1659. 10. Maji.

**S**Tatura quadam Capituli Generalis Ordinis S. Francisci anni 1658. pro India orientali confirmat Alexander VII. Scilicet, ut finito triennio Commissarii Generalis, duæ Indiæ orientalis provinciæ regantur à suis ministris. Ut in defectu Commissarii Generalis, instante visitationis, & capitali tempore, Definitorium eligat Commissarium visitatorem ex eadem provincia. De novo adveniens Commissarius Generalis possessionem non adeat, ni prius ostenderit suæ institutionis autographum. Ut nullus incorporetur in aliena provincia, nisi consentiente utriusque Ministro. Ut Provincialis Portugalliæ monere curet de tempore opportuno, quo Rev. Generalis providere debeat de Commissario Generali Indiæ orientalis. In quorum executionem deputantur iudices Archiepiscopus & Inquisitores Goenses. Extât in cit. Bullario Const. 67. Alexandri. Incipit *Militantis*.

## ORDINATIO CCCXXII.

Anno 1659. 10. Sept.

**U**T in partibus Sinarum indigenæ, licet idioma latinum non intelligerent, dummodo illud legere possent, & eis canon missæ & formulæ sacramentorum declararentur, possent per septennium ad sacros ordines promoveri, commutata Horarum recitatione. Mentio fit in Const. Alias Clementis X. (a). Idque confirmatum est anno 1660. 20. Sept. ut fides sit ibidem. Ex hac concessione patet privilegium celebrandi sinicè, de quo supra Ord. 230. anno 1615. 26. Martii, effectu caruisse; quid enim opus erat idiomate latino, & latini canonis declaratione ad peragendum, quod poterat sinicè peragi?

## ORDINATIO CCCXXIII.

Anno 1661. 25. Febr.

**A**lexander confirmat sententiam S. Congregationis, quæ eodem anno 12. Februarii censuit, monasterium Sanctæ Claræ Conceptionis in Re-

(a) Bullar. Rom. tom. VII. p. 251.

Regno Chilensi in omnibus & per omnia Ordinarii jurisdictioni, & gubernio subesse, nullumque jus super illud competere regularibus. Ex archivio Cordubensi, quod fuit Societatis Jesu in Tucumania.

## ORDINATIO CCCXXIV.

Anno 1662. 11. Febr.

**S** Congregatio Concilii sententiam tulit in Limana ejectionis. Nemp<sup>e</sup> Archiepiscopus Limanus petiit declarari, an Patres Societatis in sacris constituti juxta indulta & privilegia ejus ordinis, & postea ejecti aut dimissi absque patrimonii seu beneficii assignatione ad propriam sustentationem competente juxta Concilium Tridentinum sess. 25. de Reform. cap. 2., habeantur ut suspensi ab executione ordinum? Et quatenus non sint suspensi, an religio teneatur illis providere de honesto victu, saltem in redditu quadraginta aureorum, donec sufficiens beneficium fuerint assecuti? Sacra Congregatio respondit, religiosos S. J. post tria vota simplicia duntaxat vigore privilegiorum ejusdem Societatis dimissos, non comprehendi (1) in Const. Urbani VIII. De *Apostatis & Ejectis*. Quoad reliqua nihil innovandum (II). Ex cit. archivio, & eam affert Lacroix (a).

## ADNOTATIONES.

(1) *Non comprehendi*. Scilicet in Constitutione *Sacra Congregatio*, data 21. Sept. 1624., quam habes in Bullario Cherubini (b), qua ejecti perpetuò suspenduntur ab exercitio ordinum, sublata Ordinariis facultate suspensionem relaxandi aut moderandi. In ea sermo est de expulsis, ad quorum ejectionem supponitur incorrigibilitas juxta §. 6. Constitutionis ejusdem. Hæc autem non præsupponitur in ejectis vel dimissis, de quibus loquitur exponens. Neque comprehenduntur in decreto Concilii Limentis (c), cujus tenor est: *Regularia* instituta qui professi sunt deferentes non sunt ab ecclesiæ præsulibus fovendi. Iis igitur neque beneficium aut ecclesiasticum ministerium conferatur, neque Indorum parochia, nisi ad id idoneam a Sede Apostolica ostenderint *facultatem*. Non inquam hoc decreto comprehenduntur, quia sermo est de professis: quod in odiosis non cadit in vota simplicia tantum nuncupantes. Et hoc habuit praxis antiqua Archidiocesis Limanæ, ut testatur Ill. Villarroel (d), qui ibidem refert, contrariam praxim obtinuisse in sua Diocesi Chilensi.

Limanæ praxi favet régia quædam schedula, cujus verba dat Synodus Guamangæ (e), & Ill. Villarroel cit. Sed anno 1718. 12. Junii prodiit schedula sequens, cui propter jura regii patronatus standum erat: *Por quanto se prohibe expressemente à los expulsos de las religiones, que pue-*

(a) *Lacr. n. 2196. De Sac. Ord.* (b) *Bullar. Cherub. tom. IV.* (c) *C. Lim. Aff. 3. c. 10.* (d) *Villarr. P. 1. q. 6. art. 7.* (e) *Synod. Guamang. cap. 30. n. 14.*

puedan obtener beneficios eclesiásticos... Estando tambien declarado por lo que mira à los de la Compañia, que no pueden obtener prebendas y beneficios los que huvieren hecho el primier voto... sin que para constituirle en el impedimento y calidad de expulso, se necesîte de profession solemne... y attendiendo à que las cédulas despachadas no admiten duda, ni interpretacion alguna, pues inhabilitan al que haviere hecho el primer voto.... He *resuelto*, ec.

Hæc refert in M. S. P. Eugenius Lopez, qui de schedula eadem videtur loqui, dum ait: El año de 1718. se expedio una cedula real, en que haciendo relacion à otras que refiere Frasso, se declara que aunque los expulsos no hayan dado ocasion para su expulsion, y aunque hayan salido por nullidad de profession, y aunque no hayan sido professos, sino solo hayan hecho los votos simples, como en la Compañia los del biennio, son todos comprendidos en la prohibicion de obtener beneficio alguno, pero permite que puedan mantenerse los que se hallaren en actual possession y exercicio de curas, y que puedan ascender à otros curatos dentro de la misma diocesi y no fuera de ella. Declara juntamente, que dicha prohibicion no solo es en orden à obtener curatos, sino tambien prebendas, canonicatos, dignidades, y otros *beneficios*. Hæc juris particularis sunt; jure tamen communi soluti votis simplicibus nihil habent quo à beneficiis arceantur.

Sed quid dicendum de professis è Societate ejectis? Dubium esset si particulare, jus in ejiciendis fuisset Societati, ut putavit Busembaum (a) non solus. Hoc tamen particulare jus post decreta Urbani VIII. negat Benedictus XIV. (b) ex Card. de Lugo. Verba Benedicti sunt: *Professos* si superiores velint è Societate ejicere, debent judicalem ordinem servare, eorumque incorrigibilitatem evincere... Neque enim Societas hac in re ullo peculiari privilegio donata est. Et si quod etiam obtinuisset, eo jam uti non posset, nimis quippe ampla derogatione Urbanus VIII. præcedentia quæcumque privilegia sustulit. Quod rectè animadvertit Card. de Lugo quadam consultatione, 16. Jan. 1624. exarata, quam nos manuscriptam in forma authentica *inspeximus*.

De professis verò, non ejectis è Societate superstitè, sed extincta sæcularizatis, nihil est quod dicamus, cum Constitutionis *Dominus ac Redemptor* expressa verba sint: *Cassatis* autem, & penitus abrogatis, ut supra, privilegiis quibuscumque & statutis sæpèdictæ Societatis, declaramus, ejus socios, ubi a domibus & collegiis Societatis egressi, & ad statum clericorum sæcularium redacti fuerint, habiles esse & idoneos ad obtinenda juxta sacrorum canonum, & constitutionum apostolicarum decreta, beneficia quæcumque, tam sine cura quam cum cura, officia, dignitates, personatus, & id genus alia, ad quæ omnia eis in Societate manentibus aditus erat, *interclusus*.

(11)

(a) Busemb. Dub. 6. De Stat. Relig. (b) Bened. XIV. lib. 13. De Syn. Dioc. cap. 11. num. 26. PAG. 549.

(11) *Nihil innovandum.* Censuit etiam nihil innovandum Paulus V. auditis rationibus à Societate in VII. Congregatione Generali collectis, quod & alii Pontifices confirmarunt, & tandem Benedictus XIII. litteris datis 14. Jun. 1728., quas habes in Bullario Luxemburgensi, tom. X. Const. 45: Rationes verò pro immunitate Societatis in ea Congregatione collectæ tales erant. 1. Quod omnis alius ordo est liber ab onere cibandi quos expellit. 2. Quod dimissorum fortè nullus donis naturæ caret, Societatis labore & educatione politis, quantum sufficit ad sibi de victu providendum, si frugi vivat; si vero delinquere pergat, frænandus inedia potius, quam præmio donandus. Infirmos autem seu invalidos Societas non expellit, etiam suis laboribus inutiles. 3. Quod iis qui dimittuntur alendis tum novitiatis, tum studiorum tempore & ultra sumptus facit. Ordo hic, ut qui maximos, nullo suo commodo, qui potius erant a dimissis rependendi. 4. Quod vel dimittuntur importuna rogatione, vel ob delicta religionis gravia, & sæpè talia, quibus ut incorrigibiles à quovis ordine possent expelli. Quidvis autem horum contingat, effrontis est alimenta petere qui terga vertit. 5. Quod inauditum est, titulo clericali, aut beneficio privatos ob delicta super alimentis iudicem compellere. 6. Quodsi præmium hoc religionis desertores maneat, multi provocabuntur ad repetendum sæculum. 7. Quod non pauca sunt collegia, quibus ad operarios reipublicæ bono dicatos vix suppetunt facultates, quæ in alienos à mente fundatorum usus erogabuntur. 8. Quod Tolosæ Parlamentum in Gallis olim iudicavit, iniquum esse è Societate quemquam egressum alimenta petere.

## ORDINATIO CCCXXV.

Anno 1662. 28. Jul.

**S** Congregatio Concilii sequentes edidit resolutiones. Nempe à Lic. D. <sup>SA</sup> Emmanuele de Peñalosa Canonico Doctorali de los Charcas Iudice Metropolitano appellationum quæsitum erat. 1. An quemadmodum Episcopus edictum ad examen & provisionem parochialium cum termino decem dierum proponendum, potest ex Tridentino, *cap. 18. sess. 24. De Reform.* prorogare, possit etiam ad quatuor vel sex dies abbreviare? = 2. An ejusmodi abbreviatione, præsertim hic ubi ob magnam distantiam edicta per mensem præfigi consueverunt, provisio nulla fiat? = 3. An quando in duabus ecclesiis edictum proponitur, currat ex quo primum affixum sit, vel an expectandum sit quod labatur terminus ex quo ultimo fuit præfixum, ita ut si non expectetur, provisio sit irrita & nulla? = 4. An Capitulum fede vacante sciens Ill. Alphonsum Ocon vita functum judicialiter privasse beneficio curato S. Lucæ de Paacollo Thomam de Cordoba ob non servatam formam Tridentini loc. cit. in examine coram Prælato aut ejus Vicario Generali, & tribus examinadoribus synodaliibus, provisioneque facta nondum transacto sex dierum numero proposito in edicto ex quo ultimo affixum est, aliisque de causis sententiam executioni mandasse, non audita appellatione, accedente patris consensu,

fu, prædictumque beneficium juxta decreti tenorem patroni etiam consensu alteri contulisse; ne inter noviter provisum prædictumque Thomam novæ excitarentur lites, dicto Thomæ aliam ecclesiam S. Joannis de Copoata per obitum vacantem, non servata iterum forma Concilii absque concursu & examine conferre potuerit? = 5. An dato, quod non potuerit, titulus saltem coloratus extiterit, non obstante Bulla Pii V. super observatione prædicti decreti? = 6. Dato, quod non extiterit titulus coloratus, an matrimonia coram ipso contracta fuerint nulla? = 7. An prædictus Thomas cæterorum sacramentorum administrationi validè incubuerit? = 8. An incumbens ut parochus etiam in casu necessitatis peccaverit? = 9. An fructus & obventiones dicti beneficii restituere teneatur? = 10. An adversus Prælatum ejusque promotorem fiscalem in suo beneficio trienniali defendere se possit? = 11. An prædictus Thomas in dicto beneficio de Copoata tolerari possit in posterum? = 12. An dato quod non possit tolerari, debeat ipsi beneficium de Paacollo restitui ex eo, quod sententia, remota appellatione, fuerit executioni mandata, donec appellatio prosequatur? = 13. Dato quod fieri debeat restitutio, quis eam facere debebit contra sententiam Archiepiscopi? An Capitulum sede vacante? An Archiepiscopus successor? An Judex appellationum, qui jam interpositæ ab ipso Thoma detulit, & apostolos expedit? = 14. An dato quod Thomas obtineat in causa, is qui beneficium de Paacollo obtinuit, possit eâ in totum omitta, per viam compensationis de altero per mortem vel per resignationem vacante provideri? = Platæ. 3. Kal. Aug. 1659.

Sacra Congregatio respondit. Ad 1. & 2. distulit. Ad 3. censuit esse expectandum lapsum ejus termini, ex quo resultat latius spatium ad comparandum, dummodò non excedat præscriptum à Pio V. in Bulla *In conferendis* (1). Ad 4. Negative (II): & pariter ad 5. (III). Ad 6. Non fuisse nulla. Ad 7. Valide incubuisse. Ad 8. Negative. Ad 9. Affirmative. Ad 10. (IV) Negative. Ad 11. Negative. Et ad 12. Ad 13. Definendum esse coram suo Judice (V). Ad 14. Negative. Extat pars apud Frassum (2), & ex toto in Collectaneis M. S. P. Petri Lozano S. J. ex archivio Cordubensi in Tucumania. Ubi etiam extat cum dilata resolutione ad 1. & 2. in litterali transumpto typis edito & resolutionum, & subscriptionum Cardinalis Præfecti & Secretarii Congregationis. Vide Ord. 327.

### ADNOTATIONES.

(1) Bulla *In conferendis*. Qua præscribitur spatium sex mensium, ut ab Episcopis collaturis provisio fiat. Quatuor scilicet mensium à die vacationis, ut electio significetur collaturis ab eligentibus distinctis, & duorum mensium, ut instituatur presentati.

(II) Ad 4. Negative. Quia in præfata constitutione plana annullantur pro-

(2) Frasso, cap. 10. à num. 62.



provisiones aliter factæ contra formam Tridentini, præsertim circa examen & concursum. Quæ forma etiam Jure Indiarum recepta est cum constitutione plana, dicitur enim ibi (a): *Mandamos*, que en vacado qualesquiera beneficios curados, los Obispos pongan edictos con termino competente, paraque se vengam à oponer. Y habiendo precedido el examen conforme à derecho, el qual examen se ha de hacer en concurso de opositores, nombrando examinadores cada año conforme à lo que manda el Santo Concilio de Trento... finit que los Prelados puedan proponer sino los opuestos y examinados, y de estos los mas dignos.

(III) *Pariter ad 5.* Ratio est, quia color legitimus solum potest præstari titulo à potestatem habente. Cum verò in sequente responsione ad 6. & 7. declaretur, matrimonia contracta coram sacerdote illo, dum titulo colorato carebat, fuisse valida, planè conficitur, ad valorem sacramentorum jure tantum ecclesiastico requisita suppleri posse sine titulo colorato per errorem communem, seu per potestatem ab Ecclesia collatam titulum non habenti, dum communis est error, dum tamen nihil eorum desit, quæ de jure divino ac naturali requiruntur. Et hæc est sententia plurium cum Leandro à SS. Sacramento (b), & Pignatelli (c), qui cum addit, ita censuisse Sacram. Congregationem 28. Jul. 1662., ad præsentem ordinationem respiciebat proculdubio.

(IV) *Ad 10. Negative.* Ratio cur trienniali possessione defendere se nequeat, est defectus tituli colorati de quo nuper, & qui ad obtinendum favorem regulæ de trienniali cum decem aliis conditionibus videndis apud Card. de Lugo (d) requiritur. An verò supposito titulo colorato cum conditionibus reliquis triennialis possessio jus conferat ad beneficium, faciatque titulum de colorato verum & realem, disputant Canonistæ & Theologi.

Et quidem quod triennales possessores litibus molestari non debeant super beneficio possesso, favor indubitatus est Regulæ 3. aliàs 35. Capitulariæ sic habentis: *Statuit* quodsi quicumque beneficia ecclesiastica qualiacumque sint, absque simoniaco ingressu, apostolica vel ordinaria collatione, aut electione, vel electionis confirmatione, seu præsentatione, & institutione illorum ad quos pertinet, per triennium pacificè possederit, (dummodo in beneficiis ejusmodi, si dispositioni apostolicæ ex aliqua reservatione generali in corpore juris clausa reservata fuerint, se non intruserint) super eisdem beneficiis nequeant molestari. Necnon impetrationes quaslibet de beneficiis ipsis factas irritas censi debere decrevit, antiquas lites super ipsis motas *extinguendo*.

Quæ Regula ex Concilio Basileensi (e) hac parte non reprobato desumpta est, ubi dicitur: *Quicumque* non violentus sed habens coloratum titulum pacificè & sine lite prælaturam, dignitatem, beneficium, vel officium triennio proximo hactenus possedit, vel in futurum possidebit, non possit

(a) Leg. 24. tit. 6. lib. 1. Recop. Ind. -- (b) - Leandro. tr. 9. De Matrim. D. 7. q. 30. & Lacroix, num. 727. De Matrim. (c) Pignat., tom. 6. Consult. 3. (d) C. de Lugo, D. 7. De Just. s. 7. d. n. 213. (e) C. Basil. sess. 21. c. 2. De Pac. poss.

possit postea in petitorio aut possessorio à quoquam etiam ratione juris noviter impetrati molestari, excepto hostilitatis casu, vel alterius legitimi impedimenti, de quo protestari & juxta Concilium Vienneſe illud intimare *teneantur*. Et quod triennalis possessor defendatur in iudicio, non tantum possessorio, sed quod expressit Concilium Basileense, etiam petitorio, probat usus de quo testatur Ludovicus Gomez apud Ill. Vrrutigoiti (a) dicens: *Ex usu videmus, hodie possessores triennales defendi in utroque.*

Quod triennalis possessio ius ita conferat possessori, ut in conscientia possit manere securus, negat Ill. Covarrubias (b) dicens, quod etiam bona fide obtenta & titulo colorato munita, non reddit possessorem tutum in conscientia, & teneri beneficium dimittere. E regione P. Sanchez (c), quem sequitur Cardinalis de Lugo (d), sentit beneficio dictæ regulæ reddi in utroque foro tutum, servatis conditionibus aliis, quas ibi enumerat Sanchez. Et ratio illius est, 1. quia triennalis possessio æquivaleret præscriptioni, per quam titulum conferri verum constat *ex cap. Cura. 11. De jur. patron.* 2. Quia licet titulus esset invalidus, Papa illum validare potest: & quod voluerit suadetur, quia alioquin non satis providetur fini a Pontifice intenti lites & scrupulos vitandi.

(v) *Coram suo iudice.* Sed quisnam est suus iudex? Si reus intentet remedium nullitatis sententiæ, iudex esse potest qui sententiam tulit, vel ejus in potestate successor, à quo poterit revocari, & restitutio peragi. Appellatio vero debet ordinem sequi à Gregorio XIII. statutum pro terminandis Indiarum judiciis. De quo supra Ord. 150. Vide etiam Qutensem Senatorem Lagunez (e).

## O R D I N A T I O CCCXXVI.

Anno 1663. 30. Mar.

**A**D instantiam Magistri Generalis Ordinis Prædicatorum decernit ac declarat Alexander, quod non minus in provinciis Indiarum quam in Europa prædicti Ordinis regulares, priusquam ad subdiaconatum, diaconatum, & presbyteratum ascendant, ætatem à Concilio Tridentino requisitam explevisse debeant. Quodque facultates illarum partium Episcopis concessæ vel concedendæ ad conferendum ante legitimam ætatem majores ordines, non censeantur extendi ad prædictos regulares; neque illis ad hunc effectum suffragari possit ulla privilegiorum communicatio. Præterea, ne prædicti Ordinis laici vel conversi sine legitima permissione superiorum è statu laicorum ad statum clericorum fratrum transire audeant, sub excommunicationis pœna. Extat in Bullar. Lugdunensi (f). Incipit

(a) Gomez apud Vrrutig. q. 10. De Instr. n. 18. (b) Covarr. in Regul. Posses. de Reg. Jur. in 6. seu de Præscr. P. 2. §. 10. concl. 7. (c) Sanch. l. 2. Consil. c. 2. dub. 21.

(d) Lugo, loc. cit. num. 107. (e) Lagunez, P. 2. De Fructib. cap. 21. n. 141.

(f) Bull. Lugd. 1. V. C. 143. Alexandri.

cipit *Credite nobis*. Quasnam verò facultates habeant Episcopi Indiarum ad conferendum majores ordines ante legitimam ætatem, vide infra Ord. 503.

## ORDINATIO CCCXXVII.

Anno 1663. 30. Jun.

**F**Acta relatione Sanctissimo. de 1. & 2. quæsito Canonici Doctoralis Charcarum, de quo supra Ord. 325., Sua Sanctitas dixit, expedire ut dictus terminus comparendi ad examen non possit ab Episcopo abbreviari nisi ad quinque dies, & ita decrevit in posterum observari. Extat ibidem cum reliquis declarationibus factis 28. Jul. anni præc.

## ORDINATIO CCCXXVIII.

Anno 1663. 7. Aug.

**D**Ecernit Alexander, Provinciales Indiarum Ordinis Prædicatorum immediate post sui electionem munere suo fungi debere, teneri tamen saltem intra biennium ad Magistrum Generalem transmittere decreta & acta suarum electionum, ut eas confirmare vel cassare possit. Extat in Bullar. Lugd. C. 146. Alexandri. Incipit *Sacro-sancti*.

## ORDINATIO CCCXXIX.

**U**T in Provincia Limana Ordinis B. Mariæ de Mercede nullus ad præsentaturæ de lectura lauream exponatur, qui non legerit quinque annis in universitate vel conventu studiis deputato, & in Collegio Limano S. Petri Nolasco conclusiones defendat publice. Deinde, ut istantum de prædicatorum præsentatura benemeritis habeatur, qui triplicis quadragesimæ feriis Verbum Dei cum approbatione prædicaverit, & in collegio prædicto semel per horam de evangelio & materia sortita per viginti quatuor horas, antecedentes legerit. Postremò ut magisterii laurea decorandi legere insuper debeant Theologiam Scholasticam per triennium. Probationes autem lecturarum in Capitulo fiant & approbentur, ac in collegio per semihoram legent punctum S. Scripturæ sortitum, & duorum magistrorum argumentis obfistent. Extat ibid. C. 149. Alexandri. Incipit *Exponi*.

## ORDINATIO CCCXXX.

Anno 1664. 20. Jun.

**U**T in Ordine S. Francisci servetur officiorum alternativa. Mentio fit in Const. *Illius* Innocentii XI. tom. VIII. Bullar. Rom. §. 3. pag. 26. Vide Ord. 244. 269. 372. 373.

OR-

ORDINATIO CCCXXI.

Anno 1664. 8. Nov.

**U**T in partibus Indiarum parochorum Ordinis Prædicatorum Priores seu Vicarii, non ab ipsismet parochis, sed à Provincialibus per vota decisiva secreta duodecim ad minus antiquorum fratrum, si extra Capitulum fuerit, eligantur. Utque Priores parochorum assumi nequeant, nisi calleant idioma plebis cui præficientur: assistantque suo populo continuè, ita ut neque Capitulum Provinciale adire, neque à parochiali residentia ultra spatium trium leucarum elongari se possint, nisi relicto idoneo substituto. Extat in Bull. Lugd. tom. V. Const. 155. Alexandri. Incipit *Militantis*.

ORDINATIO CCCXXII.

Anno 1665. 13. Mart.

**U**T Sinæ idiotæ, de quibus supra Ord. 322. possent per septennium ulterius ordinari sine titulo. Extat in Bullar. Rom. in Const. *Aliis* Clementis X. ibi citata.

ORDINATIO CCCXXIII.

Anno 1665. 5. Nov.

**D**Eclarat Alexander, privilegia provinciis S. Iosephi, & S. Joannis Baptistæ Minorum Discalceatorum concessa & confirmata reliquas provincias Discalceatorum in Hispania & in Indiis consistentes comprehendere. Extat in Bullar. Lugd. Const. 164. Alexandri VII. Incipit *Exponi*.

ORDINATIO CCCXXXIV.

Anno 1666.

**P**atribus Michaëli Angelo & Dionysio Carli ad Congi regnum missis à Sacra Congregatione cum quatuordecim aliis Capuccinis per patentes litteras concessum est, ut possent in omni irregularitate dispensare præter eas, quæ ex bigamia & homicidio voluntario contrahuntur: vota simplicia etiam castitatis dispensare, aut commutare; in secundo aut tertio consanguinitatis, aut affinitatis gradu ad matrimonium contrahendum dispensare; paganis ad fidem conversis permittere, ut uxorum tantum unam retineant, à peccatis & casibus Papæ reservatis absolvere; ecclesiastica ornamenta, capellas & calices benedicere; facultatem vescendi carnibus diebus prohibitis, binas missas uno die celebrare in necessitate; indulgentias plenarias pro vivis & defunctis promulgare; vestes sæculares induere in necessitate; pro officio divino rosarium recitare, dum Breviarii non esset copia, vel aliud intercederet impedimentum; libros prohibitos legere

re excepto Machiabello . Ita Historicus Navigationum (a), & nimirum quidem laconicè , in quanta præcipuè ex numeratis facultate, qua permitti datur paganis conversis unius retentionem uxoris. Nisi enim facultas hæc sit vel intelligatur de uxore quam neophyti malint, quamvis prima non sit juxta dicta Ord. 58. Adnot. 2. & 3., incassum est licentia seu facultas, cum sit naturalis obligatio retinendi de uxoribus habitis in infidelitate unam, scilicet primam, seu primò ductam.

P. Simon Marquez (b) ait Patribus Franciscanis, quos *Barbadinhos* vulgus appellat in Portugallia, seu Capuccinis Italis, qui ad Angolæ missiones per Brasiliam transeunt, concedi indulta solitis episcopalibus, de quibus infra anno 1725. 22. Febr. sermo erit, similia. Episcopatum tamen facultatum undecima illa est: *Dispensandi* cum gentilibus & infidelibus plures uxores habentibus, ut post conversionem & baptismum quam maluerint retinere possint, si fiat fidelis, nisi prima voluerit *converti*. Neque aliud fortè intendit Historicus abbreviator. Reliquæ facultates episcopales in eadem quidem materia versantur atque hîc relatæ, sed plures adjunctæ sunt limitationes, quarum nulla hic mentio. De bigamia, & homicidio vide Ord. 95. 132. & 135.

## ORDINATIO CCCXXXV.

**U**T Jesuitæ in Indiis possent juxta rubricas missalis sumere post sacrificium fragmenta quæ intercidissent sine scrupulo. Mentio fit in eorum Compendio Indico Verbo *Eucharistia* §. 2. ex concessione Alexandri VII. innovata per Clementem IX. & per Benedictum XIII. in *Const. Animarum salutis*.

## ORDINATIO CCCXXXVI.

Anno 1667. 11. Aug.

**C**lemens IX. confirmat decretum Cardinalis Pallotti circa validitatem cujusdam Capituli in Provincia Limana. Ex Bullar. Lugd. tom. V. c. 4. hujus Pontificis. Incipit *Aliàs*.

## ORDINATIO CCCXXXVII.

Anno 1668.

**A**uthoritate apostolica confirmata est fundatio *Bethleemitissarum*. Mentio fit in Historia Ordinum Regularium (c) ubi dicitur: *Antoine de la Croix* fit faire un hospital pour y recevoir les femmes, où Augustine del Galdo & ses filles avec quelques autres se consacrerent au service des malades. Elles se revêtirent d'un habit pareil... Et furent appel-

(x) Prevost, *Hist. Gen. des Voiag.* tom. IV. lib. 12. cap. 2. §. 1. pag. 491.

(b) Marq. Brasl. Pontif. lib. 1. D. 1. sect. 5. (c) *Histoire des Ordres &c.* P. 3. c. 71. pag. 355. Edit. 1721.

appelées Bethleemites... L'Eveque donna son approbation à cet établissement, qui fut confirmé dans la suite par le Saint *Siege*. Bethleemitarum virorum institutum & hospitalia pro fœminis, quæ à viris religiosis administrantur, sæpius à Sancta Sede approbata videre est in sequentibus; fœminarum instituti approbationem apostolicam non reperi. Vide Ord. 368. 411. 453. 472. 475. 480.

ORDINATIO CCCXXXVIII.

Anno 1668. 12. Febr.

**U**T Dei serva Rosa de Sancta Maria Beata nuncupetur ejusque reliquæ venerationi fidelium (non tamen in processionibus circumferendæ exponantur. Imagines quoque splendoribus exornentur. Atque de ea sub ritu duplici recitetur officium & missa celebretur in Civitate & Diœcesi Limana, & in universo Ordine Sancti Dominici; & quantum ad missas etiam à sacerdotibus confluentibus celebrari possint. Extat in Append. lib. 1. num. 2. *De Servor. Dei Beatif.* &c. apud Lambertini seu Benedictum XIV. Incipit *Sancta Matris*. Vide Ord. 340. 341. 348. 351.

ORDINATIO CCCXXXIX.

Anno 1668. 22. Febr.

**C**onfratribus Rosarii in Indiis communes fiunt gratiæ Christifidelibus pro Rosarii recitatione in Hispaniis concessæ. Meminit J. B. Pittoni. CC. ad Regular. num. 3531.

ORDINATIO CCCXL.

Anno 1668. 14. Sept.

**U**T ab universo clero sæculari & regulari quarumcumque provinciarum Americæ & Indiarum Carolo II. subjectarum officium & missa de B. Rosa Limana sub ritu duplici celebrari & recitari possit. Mentio fit in Const. 19. Clem. X. tom. VII. Bullar. Rom. pag. 40.

ORDINATIO CCCXLI.

Anno 1669. 2. Jan.

**U**T quamvis constitutiones apostolicæ, & decreta S. Rituum Congregationis vetent, Beatorum nondum canonizatorum electiones fieri in patronos principales, ac requisita necessaria pro ejusmodi electione desint, nihilominus B. Rosa in patronam principalem Limæ & Peruvii cum omnibus prærogativis, quæ patronis principalioribus debentur, habeatur, decernit Clemens IX. ipsiusque festum in universo regno ejusmodi de Patrona principaliore ab omnibus Christifidelibus ibi degentibus de præcepto servandum. Extat in Const. *Sacrofancti*. Clementis X. tom. VII. Bullar. Rom. p. 41. Incipit *Orthodoxorum*.

Ggg

OR-

## ORDINATIO CCCXLII.

Anno 1669. 17. Jul.

**O**Mnibus & singulis personis ecclesiasticis, tam sæcularibus, quam regularibus (I), & earum cuilibet quæ ad insulas, provincias, & regna Indiarum orientalium, ac in partes Americæ (Armenię per errorem habet Pittoni) sub nomine missionariorum, aut quovis alio titulo pro tempore missi fuerint, aut in illis partibus quomodolibet morabuntur (II), sub excommunicatione latæ sententiæ, & privationis vocis activæ, & passivæ, & cujuslibet dignitatis & gradus pœna, & inhabilitate ad alia obtinenda, & amissione mercium & lucri, ac sub pœnis aliis arbitrariis interdicatur, ne mercaturis (III) & negotiationibus sæcularibus quovis prætextu, titulo, colore, ingenio, causa, occasione, forma, etiam semel, per se, aut mediantibus ministris, seu aliis personis subsidiariis, tam directè quam indirectè, tam nomine proprio, quam suarum religionum, se ingerant, vel immisceant.

Eadem constitutione applicantur merces præfatæ & earum lucra seminariis, hospitalibus, & missionibus ad arbitrium Episcoporum, quibus consignanda sunt, exclusis religionibus iis, quas profitentur delinquentes. Decernitur etiam ac declaratur, neminem deobligari à præsentē prohibitionē prætextu (IV) necessitatis suarum missionum. Eisdem censuris pœnis subjiciuntur ordinum prælati, qui etiam semel delinquentes non corrigant. Decernitur, ne transgressores absolvi possint ab excommunicatione præterquam in articulo mortis nisi facta mercium & lucri restitutione. Extat in Bullar. Lugd. C. 35. Clem. IX. Incipit *Solicitudo*. Vide Ord. 284.

Et licet P. Eugenius Lopez in M. S. dicat: *Tengo por cierto, que estas bullas (de Urbano VIII. y Clemente IX. sobre la negociacion) en estas provincias no se han publicado*; oppositum est certum de publicatione, quæ ad obligandum satis est. Tum quia in Indica Recopilatione decernitur, ut publicentur, & executioni mandentur, & adu exercito publicantur lege 33. tit. 14. lib. 1. Et in Constitutionibus Synodalibus sub Ill. D. Antonio Leon Arequipæ factis (a) anno 1684. de bulla Clementis dicitur: *El Rei la despacho à estos reinos traducida en castellano para su publicacion, que se hizo en todas partes, primero por los ministros seculares, y despues por los Ecclesiasticos, à quien lo encargó por su real cedula de 2. Dic. de 1672., en que dice haverse visto y pasado por el Consejo.*

Fr. Joannes de Paz Dominicanus (b) ait: *De la bula de Clemente IX. contra los ecclesiasticos negociantes en Indias no consta que se publicasse en Roma. At hoc parum obest, quandoquidem non à Romanis, sed ab Americanis exigitur observatio. Sequitur: Un Obispado de Philipinas*

(a) *Synod. de Areq. lib. 1. tit. 1. cap. 16.* (b) *Paz, Consult. class. 1. C. 60.*

nas no la acetó. Sed non-ne acceptare debuit? *El Cabildo Ecclesiastico* de Manila supplicó de ella, y remitió la supplica por un Padre de la *Compañía*. Hoc rectius habet, quod via supplicationis eatur. Supplicationem tamen, si ad aures Sanctissimi pervenit, lucrum fecisse non apparet. Imo Benedictus XIV. Const. *Apostolicæ servitutis*, data Kal. Martii 1741., omnes & singulas Romanorum Pontificum prædecessorum constitutiones, illarumque quamlibet contra quoscunque clericos illicitos *negotiatores* confirmat. Et successor Clemens XIII. Epistola ad Patriarchas, Primate, Archiepiscopos, & Episcopos data 17. Sept. 1759., constitutiones confirmat adversus clericos negotiatores, & sæcularibus negotiis se immiscentes, à prædecessoribus evulgatas, præsertim Pio IV. Urbano VIII. & Clemente IX., quæ est præsens, usque ad novissimam Benedicti, non obstante contrario quolibet usu & consuetudine etiam immemorabili, quam ut impræscriptibilem corruptelam damnat. Ad provinciam quod attinet regularem, cuius etiam Eugenius Lopez, constitutio Clementis IX. olim intimata est ad abundantiam per R. P. Paulum-Joannem Oliva tunc Præpositum Generalem Societatis, cum obedientiæ præcepto ut observaretur, ut constat ex illius Provinciæ registis.

## ADNOTATIONES.

(1) *Personis ecclesiasticis*. De clericis minoribus est apud Argiró sequens Rotæ decisio (a) in una Romana pecuniaria 14. Mart. 1712.: *Quamvis* non desint qui contrariam propugnant sententiam, attamen ex sententia nostri sacri Auditorii isti non comprehenduntur sub expressa hucusque prohibitione negotiandi, valentque impunè cambiis negotiari, & mercaturam exercere æquè ac *laici*. Sed loquitur de minoritis non habentibus beneficium. Et in hoc sensu conformis est decisio Cap. *Clerici*, *De Postulando*, ubi facta clericis etiam minoritis prohibitione, ne coram sæculari iudice pro negotiis sæcularibus advocati fiant, additur conditio: *Si ecclesiasticis stipendiis sustententur*. Citatus Argiró sententias conciliare nititur, ut nempe altera locum habeat, ubi clericus necessitate cogente negotiatur, altera ubi avaritia.

(II) *Quomodolibet morabuntur*. Non ergo est dubium, quā hac constitutione obligentur, non tantum missionarii, sed omnes etiam parochi, & sæculares clerici. Et supplicatione Capituli Manilensis, de qua nuper, id ipsum suadetur. Unde jus Concilii Limani Tertii, quo excommunicatio sententiæ latæ irrogatur clericis & parochis negotiantibus, à Paulo V. supra Ord. 213. temperatum, in pristinum justæ severitatis rigorem restitutum est. Restat ut prælati ostendant per opportuna paris severitatis exempla, non esse jura hæc Clementinum & Limanum desuetudine derogata.

(III) *Mercaturis & negotiationibus*. Idem utraque voce significatur, ut per

(a) *Argiró*, tom. 2. lib. 8. Disc. 10. n. 5. p. 331.



per voces *prohibetur*, *interdicitur*, *se ingerant*, *se immisceant*, in textu proprio constitutionis adhibitas. Quid verò negotiationis & mercaturæ nomine significetur explicat textus in Can. *Ejiciens*, D. 8.: *Quicumque* rem comparat, non ut ita integram immutatamque vendat, sed ut materia sibi sit inde aliquid operandi, ille non est negotiator; qui verò rem comparat, ut integram & immutatam vendendo lucretur, ille est *mercator*.

Trifariam distinguit negotiationem citatus author. Politicam; dum exercetur ad subveniendum publicis necessitatibus, lucro nullo accepto in re emptā. Quam, inquit, nullus dubitat in clericis esse laudabilem, nedum licitam. Œconomicam, ubi quis emit suæ familiæ necessaria, de cujus sustentatione siquid deinde superfit, poterit iterum vendi. Et ad materiam hujus Œconomicæ negotiationis refert nonnullas Sacræ Congregationis resolutiones in una Neo-Castrensi, ubi quæsito pro parte clericorum, 1. An liceat terras patrimoniales & beneficiales per laicos colere? 2. An pro necessario culturæ usu possent emere boves & alia animalia, & foetus illorum vendere? 3. An ii qui in propriis bonis habent quercus & castaneas, quorum fructibus sues vescuntur, possint sues emere, eosque alere, & pro familiæ sustentatione vendere? 4. An dicti clerici cum foliis suarum arborum, possint in ædibus propriis arti sericæ operam dare, vel idem opus alteri ad medietatem committere?

Ad omnia respondit Congregatio Concilii affirmativè quantum ad negotiationem pertinet. De negotiatione lucrativa, quæ fit lucri causa nullo adhibito artificio, quo materia mutetur, nullus dubitat, quin sit interdicta clericis, & quod interdicta etiam esset antiquo jure communi. Ad illam refert ex sententia Sacræ Rotæ pecuniam ad cambium dare. Id quod à Clemente XIII. in cit. Constitutione declaratum est ibi: *Definimus, cambium activum esse natura sua actum veræ negotiationis*, & consequenter poenis veræ negotiationis obnoxium.

In novo Hispano Jure (a) dicitur: *Formal negociacion no está solo cénida al acto solo de compra y venta en la misma especie, quando en la mas segura opinion uniformemente observada en estos reinos, se contrae en la de frutos de tierras arrendadas unicamente por la redolencia de avariciã*. Et quamvis aliquis dubitare velit, num talis prædiorum conductio pro vendendis fructibus sit stricta negotiatio, dubitare nequit esse negotiationem formaliter prohibitam jure canonico sub interminatione anathematis cap. 6. *Ne cler. vel mon.*, ibi: *Sub interminatione anathematis prohibemus, ne clerici vel monachi causa lucri negotientur: & ne monachi vel à clericis vel à laicis firmas habeant*. Quo nomine firmas prædia significantur conductæ, ut ex venditis fructibus lucrum fiat.

Et infer hinc, quod liceat, vel non clericis vel monachis circa decimarum conductionem, de qua supra Ord. 178. Adnot. 2., & Ord. 127. Adnot. 11. Nempe illicitum est monachis & clericis decimarum cumulum sibi comparare, ut minutatim vendantur. Illicitum est armenta decima-

(a) Tom. 3. Recop. de Castilla, Autos acord. Ed. del año 1745. lib. 9. tit. 18. Auto 4.

cūmalia, vel pecora conducere, ut in conductis pariter pascuis alita fructus faciant cum lucro vendendos. Licitum est illa conducere vel emere ut in propriis patrimonialibus aut beneficialibus prædiis pasta fructificent, vel pro alimento sint emptoribus.

In his Americæ regionibus tria præ oculis habenda sunt, ne offenderit quispiam in sinistram de ecclesiasticis, de quibusdam præsertim regularibus opinionem plus satis vulgarem & æquè falsam, cum quod res habet commune sit. 1. Quod fructus prædiales sæpè defectum monetæ suppleant, imo & monetæ sunt ex lege 7. tit. 24. lib. 4. Juris Indici, sic habente: *Las monedas de la tierra en Paraguay sean especies, y valgan à razon de seis reales el peso*. Quod vulgus appellat *peso bueco*. Idem habet usus in regionibus ad austrum longe distitis à via, qua potosinum argentum in portum fluvii cognominis exportatur vel effluit, ut in tractibus Cantamaræ & Rivogiz. In Paraguay proprio maximè animalium foetus, qui vix, aut ne vix quidem, possunt aliò venum extrahi, venduntur indigenis, non pro argento vel auro, quod rarum est, & rarius hucusque fuit, non pro ære signato, quod in tota America nullum est, sed ut plurimum pro tabacho & herba, quæ ibi monetæ rationem habent: & tabacho quidem *en rama*, aut ajunt, prout è terra nascitur. Cum verò clericorum & monachorum victus & vestitus, atque ea quæ religiosi domibus & ecclesiis necessaria sunt, non solis consistant tabacho & herba, hos fructus per armentorum venditionem acquisitos iterum vendi pro emendis necessariis opus est. Neque in hoc commutationis genere vitium esse posse videtur, etiam respectu clericorum & regularium, quod commutationibus emptionum & venditionum monetæ traditione perfectis commune non sit, quandoquidem fructus auctoritate legitima, & Principis lege rationem habent æris signati, & vera moneta sunt.

2. Operas, quibus stant religiosæ domus, & sæculares etiam familiæ, esse ut plurimum ferviles, non conductitias, quæ ne in dispendium hero vertantur, in colendis agris propriis, aut si proprii non sunt, alienis, aut in arte vel manufacturis occupandæ sunt. Utque cibentur, vestiantur, occupentur, necesse est aliquando res emere alioquin religioso victui superfluas, ut per artem & manum mancipiorum immutatæ aut melioratæ vendantur rursus pro habendis necessariis. Neque id, dum manus sunt, ut sunt manus mancipiorum, propriæ dominorum, interdictum est. Imo in Jure Canonico approbatur, ut Can. *Clericus* D. 2., & Can. *Numquam* de Consecr. D. 5.. Et Glossa in C. *Canonum* 14. q. 4. licitis negotiationibus annumeratur *Emere corium & inde facre sotulares*.

3. Quod ut res vilissimi pretii vendatur sine dispendio, aut ematur necessaria, longum iter leucarum tercentum, & eo amplius, ineundum quandoque est. Ad œconomiam tamen rationalem spectat, ne plaustrum vel scapha pro vendendo vel emendo uno clavo de cætero vacua, instruat, & ad tam longum iter expediatur. Sed nec dissimulandum, nec dubitandum est, quin hoc œconomiz titulo palliari possit negoriatio prohibita. Accedit quod contingit sæpè, mercatores nolle vendere demandatas merces nisi cumularim emanantur aliæ ementi non necessariæ, quas vocant

cant de *furtimientis*, ut in macello carnes non sine ossibus emeris. At de his quid clericus vel monachus nisi revendat, evictis pretio & conductionis, siqui sunt, sumptibus?

• (IV) *Prætextu necessitatis*. Non vera necessitate tanta, quæ lege careat, sed prætextu, id est, *obtentu*, *velamine* necessitatis, quo moveri se aliquis simulat ad agendum, cum tamen alia causa moveatur, nam hoc significat in Dictionario (a) prætextus. Unde si vera necessitas sit, licita est negotiatio etiam parochis, inquit Ill. Montenegro (b) ex cap. *Secundum*, *Ne cler. vel mon.*, ibi: *Ne causa lucri negotientur*. Ubi Glossa: *Sed causa necessitatis possunt*. At clericus vel monachus peccabit in causa, si se conjiciat in liberam negotiandi necessitatem, vel cum possit non emergat alia quam mercuriali via, vel porta. Unde Benedictus XIV. in Const. *Apostolica servitutis* citata decernit & declarat, *Quodsi* aliquod negotium ecclesiasticis illicitum jure hæreditario, vel alio titulo persecuti sint, illud dimittere teneantur. *Quodsi* statim nequeat, retinendi licentiam ab Ordinario loci, proviso quod ab alio administraretur, impetrare teneantur. Secus ut pro illicito negotiatore habeatur definit. Et Clemens XIII. in cit. litteris de indigentia vera propinquorum, quam clerici sæpe causantur ad negotiandum, id ipsum decernit, nisi facultatem indigentes juvandi intra Italiam à Sede Apostolica, vel ab Ordinario in remotioribus regionibus impetraverint. Utque facultas eo ipso cesset ex quo cessaverit indigentia, vel alia sit sublevandæ ratio. Quibus etiam limitandum est quod supra agebat Argiró de negotiatione politica.

Circa negotiationem vide Fr. Joannem de Paz doctum Dominicanum Manilenses (c) præ aliis laudatum, quia cum doctrina componit rerum indicarum notitiam, cujus defectu alii etiam docti in hujus argumenti tractatione cæspitant.

## O R D I N A T I O CCCXLIII.

Anno 1669. 4. & 11. Jul.

**E**Piscopis Vicariis Apostolicis, qui tunc erant apud Sinas, & in Regnis Tunkini & Coccincinæ cum neophytis suorum Vicariatuum in quovis seu quibulvis (non tamen primo) consanguinitatis & affinitatis gradibus, vel aliis conjunctis seu se attinentibus, ut matrimonium intra se contrahere, seu in eo etiam scienter contracto remanere valerent, dispensandi: Et eos qui in gradibus ejusmodi prohibitis etiam scienter contraxissent, ab excessibus, & excommunicationibus, censuris, & pœnis ecclesiasticis in utroque foro absolvendi, ac prolem legitimam decernendi, facultatem ad viginti annos concessit Clemens IX., pro-vicariis communicabilem. Sic habetur in alia Constitutione Clementis X. anni 1673. 23. Decembr., quæ incipit *Decet*, de qua suo loco.

QR-

(a) *DiBion. Patav. V.* Prætextus. (b) *Monten. l. 1. tr. 13. sect. 6.*  
(c) *Paz, Clag. 1. Consul. 58. & seq.*

## ORDINATIO CCCXLIV.

Anno 1669. 13. Sept.

**R**elata constitutione Alexandri VII., de qua supra anno 1658. 18. Jan., & relatis quibusdam decretis S. Congregationis factis eodem anno 22. Julii, ut in Indiis orientalibus parochi non naturales illarum partium, sive sæculares sive regulares teneantur habere apud se capellanium origine Indum pro confessionibus audiendis, & hortationibus diebus festis habendis ad populum lingua vernacula: iisque, ubi populus ipse sponte non præstiterit, pro sustentatione & labore congruum suppeditent stipendium. Ut parochi, cæterique quarumcumque ecclesiarum superiores, sacerdotes indigenas in eorum ecclesiis celebrare volentes perurbaniter excipiant. Ut parochi maximè pagorum & villarum pueros per se vel per capellanos naturales, si tales ipsi non sint, grammatices institutiones præter fidei rudimenta, cæterasque artes liberales quoad fieri possit, edoceant. Ne in processionibus ex gentilium moribus ritus ulli permittantur, & ut arceatur quidquid ludricum, aut minus gravis speciem habet. Et ne in illis ecclesiastici, & præcipuè regulares prætextu dignitatis, gradus, vel officii, umbellam gestent. His inquam relatis, Clemens IX., spiritualibus Christifidelium, non solum Goæ & in insulis adjacentibus, sed etiam in orientalium Indiarum universis regionibus degentium necessitatibus consulere cupiens, litteras Alexandri & præinserta decreta confirmat, illaque ad omnes Indiarum orientalium regiones extendit. Extat in Bullario Lugd. tom. V. Const. 38. Clementis IX. Incipit *In excelsa*. In ea videre est anonymi (a) morositatem, qui americanis parochis denuntiat Alexandri constitutionem pro Goa & adjacentibus insulis datam, & hanc Clementinam illius tantum extensivam ad reliquas Indiæ orientalis regiones.

## ORDINATIO CCCXLV.

Anno 1669. 13. Sept.

**U**T Vicarii Apostolici in Sinam & vicina regna missi exigere possint à missionariis litteras deputationis suæ, nec tantum possint, sed debeant, & ostendere recusantibus prohibere usum. Ipsique regulares à Vicariis petere debeant licentiam suas facultates exercendi, quam illi negare non debent, nisi in casu gravis causæ Sacræ Congregationi communicandæ. Ut dicti regulares in defectu sacerdotum sæcularium teneantur etiam iustitiæ titulo animarum curam suscipere, & recusantes à Vicariis cogi possint. Et quoad functiones parochiales subditi sint visitationi & correctioni Vicariorum juxta Constit. *Inscrutabili* Gregorii XV. Nec sine licentia Vicariorum liceat regularibus ædificare, & aperire ecclesias in locis

(a) *Pontos principales, &c. Ponto IV.*

locis ubi missionarii alterius Ordinis, vel sæculares ecclesias habent. Ubi verò apertæ non sunt, possint juxta sibi concessa. Cum unus aut alter parochiæ non sufficit parochus, aut missionarius, alique suppetunt, quorum auxilium nec petunt, nec recipiunt, possint Vicarii parochias dividere. Possint etiam exigere à regularibus rationem executionis piarum voluntatum. Juxta Constit. *Ex debito* Urbani VIII. controversias inter religiosos terminare possint ac debeant, gravicra negotia ad Sedem Apostolicam referentes. Ut votum obedientiæ, si quod emiserint catechistæ, non obstat, quominus hoc munus obeant dependenter à Vicariis. Ut intra Vicariatuum fines ad Vicarios spectet, maximè in cursu visitationis ea inspicere, quæ ad fidem, bonos mores, sacramentorum administrationem, & processus de novis miraculis & martyribus, ad ritus, & festorum observationem pertinent. Et verificare, & publicare quascumque litteras apostolicas; Sacræ Congregationis ordinationes, indulgentiasque. Extat in *C. Decet* Clem. X. tom. VII. Bullarii Romani. Incipit *Speculatores*.

## ORDINATIO CCCXLVI.

Anno 1669. 13. Octobr.

**F**acultates Vicariis Apostolicis concessas in partibus Sinarum ad septennium ab Alexandro VII. ordinandi indigenas latine ignorantes etiam sine titulo, ad septennium ulterius prorogavit Clemens IX. Extat in *Const. Alias* Clementis X. tom. VII. Bullar. Rom. pag. 252.

## ORDINATIO CCCXLVII.

Anno 1669. 20. Nov.

**C**lemens IX. declaravit, decreta quædam circa sinenses ritus ad speciem opposita vim utraque habere pro diversitate circumstantiarum. Mentio fit in *Const. Ex quo* Benedicti XIV. 11. Jul. 1742.

## ORDINATIO CCCXLVIII.

Anno 1670. 11. Aug.

**C**lemens X. B. Rosam Limanam in universam & principaliorem patronam omnium & singularum provinciarum, regnorum, insularum, & regionum terræfirmæ totius Americæ, Philippinarum, & Indiarum cum eisdem prærogativis, quibus pro Peruvia constituta erat à Clemente IX., constituit ac declaravit. Ipsiusque festum ibidem ab omnibus (1) ibi degentibus de præcepto servari (11) mandavit. Firmis remanentibus particularibus patronatibus, alias legitimè constitutis. Extat in Bullar. Rom. tom. VII. pag. 42. C. 20. Clem. X. Incipit *Sacrofancti*.

## ADNOTATIONES.

(1) *Ab omnibus.* Ab Indis etiam, & ab iis qui Indorum privilegia participant? Negat P. Eugenius Lopez in M. S., tum ex praxi, tum ex eo, quod hæc constitutio non derogat Indorum privilegio. Sed affirmat Synodus Guamagnæ sub Ill. Castilla (a). Et quidem veriùs, si sua constitutioni stet vis, quæ ab omnibus in his provinciis degentibus festi observantiam requirit. Derogarique satis videri potest privilegiis, cum ibi dicitur: *Non obstantibus* in contrarium facientibus *quibuscumque*. De praxi vero præter Lopezii testimonium testatur esse contrariam P. Murillo (b) quatenus ait, Indos, Æthiopes, & Sinas teneri tantum præter dominicos dies servare decem. Quo numero certò excluditur dies Sanctæ Rosæ, sicut & dies S. Jacobi Hispaniarum Patroni. In Arequipæ synodali- bus editis ab Ill. Leon anno 1684., Hispanorum festis, non Indorum, annumeratur festum Sanctæ Rosæ, ibi: *Santa Rosa Virgen Patrona de estos reinos* & à 30. de Agosto. Eodemque signo & festorum pro Hispanis tantum proprio notatur festum S. Jacobi. Accedit quod supra ex relatione Tunkinensis Missionarii vidimus Ord. 306., Tunkini quo certè extenditur S. Xaverii patronatus à Benedicto XIV. constitutus eisdem clausulis atque patronatus Sanctæ Rosæ pro Indiis occidentalibus, illius diem 3. Decembris non adnumerari festis de præcepto juxta kalendaria omnia uno excepto.

(11) *De præcepto.* Quoad missam & sacrum orium usque ad Benedictum XIV., qui certis diebus festis permisit audita missa manoperari. An post Benedicti constitutionem ad Indias 15. Dec. 1750., feriandum in Sanctæ Rosæ festo sit, dubitaverit quispiam. Sed videtur negandum, nam Benedictus festis quoad præceptum negativum adnumerari tantum vult Patronum loci: quo videtur excludi regni vel provinciæ patronatus, ita ut Sancti Jacobi dies specialiter fuerit nominandus præter Patronum loci, ne ad semi-festos redactus censeretur. Ill. Argandossia Tucumanis Præsul, dum benedictinæ litteræ publicatæ sunt, & in Synodo non publicata anni 1752., diem Sanctæ Rosæ festis majoribus in utroque obligantibus accensuit. Sed cum S. Josepho id simul honoris præstiterit, non id titulo principalioris patronatus, sed ex devoti animi ad cultum S. Rosæ propensione fecisse, par est credi.

Sed potest id facere Episcopus? Potest quidem, non per modum derogantis aut coarctantis indultum pontificium, sed quatenus potest pro sua diœcesi nova festa instituere. Dubium tamen est, an id possit sine consensu cleri & populi. Affirmant Carmelitæ Discalceati Salmanticenses (c) contra plures negantes id posse attentò jure, quamvis possint & alicubi fecerint ex consuetudine, præsertim quando non in perpetuum instituunt.

(a) *Syn. de Guam. capite 7.* (b) *Murillo, lib. 2. Curs. Can. tit. 9. n. 7.*

(c) *Salmantic. tom. V. Mor. tr. 23. cap. 2. p. 6. §. 2.*

stituuntur, sed pro nata occasione transitura. Barbosa (a), ut Episcopus festos dies instituat, requirit quod populus audiatur, non quod consentiat: & quod in synodo id potest sine populi consensu.

Ratio Affirmandi est Episcopi potestas ad regulandum in sua diœcesi cultum, dum nullo jure coarctatur. Can. *Pronuntiandum*, *De Consecr.* D. 3. tantum dicitur quod feriendæ sint illæ festivitates, quas singuli Episcopi in suis Episcopatibus cum populo collaudaverint, quæ vicinis tantum circummorantibus indicendæ sunt, non generaliter omnibus. Ubi tantum habetur, observanda esse festa ab Episcopo consentiente populo decreta; non negatur observanda, quæ instituta velit absque populi consensu, sicut non tollitur institui à populo posse ex voto vel juramento absque Episcopi consensu speciali. Sed nota, in Decreto Gratiani pro *Episcopatibus* legi ad marginem *Episcopiis*: quod non tam significat diœcesim, quam locum in diœcesi residentiæ episcopalis. Quo videntur significari festa, quæ instituuntur aliquando, non pro tota diœcesi, sed pro una civitate, ut festum S. Petri Nolasco Neo-Cordubæ: ad quod feriandum tenentur urbis & suburbiorum, non tamen pagorum rusticorum incolæ.

Et hac notatione cavetur violenta quædam interpretatio P. Suarez (b) intelligentis in textu citato per vicinos Episcopatibus *circum* morantes, eos qui non circum, sed qui intra morantur. Si enim pro Episcopatibus legas *Episcopiis*, sensus difficultate caret, quandoquidem suburbiorum incolæ propriè dicuntur circa morari residentiæ episcopalis urbem. Circa obligationem verò ejusmodi festa servandi, non in rusticorum pagis, sed in oppidis, extat cap. 39. in *Regula Consuetæ Limensi*, ubi dicitur: *Revocamus* constitutionem 58. Synodi Diœcesanæ Yungayanæ (diœcesis Limanæ) anni 1585. Qua scilicet statutum erat, quod festa in ciuitatibus, castris, & aliis locis observanda, observarentur etiam in agris, ut videre est apud Haroldum in *Lima limata*.

Cap. *Conquestus*, *De Feriis*, idem habet quod Can. *Pronuntiandum*, scilicet, esse observandas solemnitates, quas singuli Episcopi cum clero & populo duxerint esse venerandas. Regula 29. *De Reg. jur. in 6.* dicitur: *Quod omnes tangit ab omnibus debet approbari*. Sed intelligenda de omnibus, non interesse tantum, sed jus habentibus; alioquin etiam festa à Summo Pontifice approbata indigebunt populi, & popularium cujuslibet approbatione. Urbanus VIII. in *Constit. Universa*. 13. Sept. 1642. tantum monet, ut *ab indictione* novorum festorum abstinere studeant *Episcopi*. Horum tamen potestas non limitatur, ut patet ex antecedentibus, nam monentur etiam ne populorum importunitate adigantur ad novas institutiones; cum certum sit, accedente populorum consensu, nedum importunitate, instituere posse. Nullo igitur jure potestas Episcoporum in ejusmodi festorum institutione limitatur.

Sed quidquid Theologi senserint, & quidquid sonent verba juris antiqui, standum est decisioni Sacræ Congregationis, quam refert Pignatelli

(a) Barb. *De Pot. Ep. All.* 105. P. 3. n. 36. & 39. (b) Suarez. *tom. 2. De Rel. l. 2. c. 11. n. 12.*

li (a) sæpius reprobasse, quòd Episcopi possint indicare dies festos, sine alius scilicet consensu. Et Benedictus XIV. (b) ait: *In instituendis festis per Episcopum nullus est qui non requirat consensum Capituli*. Et Pax Jordanus Episcopus Traguriensis (c) in idem argumentum refert plures Sacræ Rituum Congregationis declarationes, nimirum Brundusinam 2. Maji 1602., & Hispalensem 21. Aug. 1604., quibus resolvitur, *Festa nova de præcepto institui non posse invito populo*. Et Pacensem 20. April. 1602. quòd *Festum novum populus non potest cogi servare, nisi indictum sit ab Ecclesia*. Et si novum institui petatur, supplicet populus.

Anno 1719. 22. April. Sacra Congregatio Concilii confirmavit institutionem de præcepto festi Expectationis factam per Episcopum Antequerensem in Indiis occidentalibus consentiente Capitulo & Magistratu, ut habetur in *Thesauro Resolutionum* Congregationis Concilii (d). Oportuit autem Romæ confirmari, vel ad defectum supplendum popularis consensus, si differat hîc à consensu Magistratûs; vel ad institutionem superiori authoritate muniendam, si non differat.

## O R D I N A T I O CCCXLIX.

Anno 1670. 13. Aug.

Sacra Congregatio de Propaganda declaravit, vicennium facultatum, quæ missionariis concedi solent; computandum esse, non à die expeditionis, sed à die quo pervenerint ad missiones. Scilicet, quando absolute conceduntur, nam conceduntur sæpè cum clausula, ut valeant à die quo præcedens vicennium expiraverit. Refert Pignatelli (e) laudatus à P. Marquez (f).

## O R D I N A T I O CCCL.

Anno 1670. 22. Dec.

Exposito pro parte Petri Principis regnorum Portugalliæ & Algarbiorum Gubernatoris, circa provisiones ecclesiarum metropolitanarum, & cathedralium in dictis regnis, eorumque Indiis & conquistis consistentium nonnullas innovationes post decessum Sebastiani & Henrici factas fuisse, propter quas prætendi forsan posset, juribus Coronæ Portugalliæ præjudicatum esse, declarat Clemens X. non esse præjudicatum, aut prætendi posse. Extat in Bullar. Rom. tom. XI. C. 12. Clem. pag. 16. Incipit *Cum nos*.

Eodem anno 1670. erecta est in cathedralem Ecclesia Quebecensis in Nova Francia, ut refert Charlevoix (g). Undecim ante annis, scilicet 1659. 6. Julii, Quebecum erat ingressus Ill. Franciscus de Laval dî-

aus

(a) Pignat. tom. IV. Consult. 7. n. 29. pag. 146. (b) B. XIV. tom. IV. De Beatif. &c. P. 2. c. 15. n. 12. (c) Pax Ford. tom. 2. Elucubr. l. 1. c. tit. 2. n. 5. (d) Thesaur. Resol. tom. 1. pag. 175. (e) Pignatelli, tom. VII. Consult. 56. (f) Marq. Brasil. Pontif. l. 2. D. 2. f. 4. (g) Charlev. Hîst. de la N. Francia, tom. 2. pag. 22. & seqq. Iterum pag. 189.



Abbas de Montigni Episcopus Titularis Petreensis, & pontificio Brevis constitutus Vicarius Apostolicus, quia Jesuitæ præsentiam alicujus superioris ecclesiastici in Canadæ Colonia desiderari persuasi, à Rege Christianissimo petiverant, ut Episcopus mitteretur. Annæ Austriacæ pro pupillo nato regentis sententia fuit, ut assumeretur aliquis de missionariis canadensibus: ajuntque de P. Paulo le Jeune, qui missionem diu rexe- rat, tuncque Parisiis agebat operarium sanctitatis & prudentiæ fama præditum, nominando cogitasse; sed Jesuitis Institutum opponentibus, Abbas de Montigni subrogatus est illorum suasu.

Collegii Flexienfis Rector P. Hieronymus Lallemant ex America in Galliam rei publicæ causa profectus erat. Hunc barbarorum salutis opem sub tanto Prælato ferre volentem, sibi adhiberi socium impetravit. Clerici, qui tunc & annis sequentibus Canadam tenuerunt, curas parochiales eo usque Jesuitis, ubi non alii sacerdotes erant, incumbentes subierunt, primo quidem ex commissione, tunc & diu post amovibiles ad Episcopi nutum, & interdum ad nutum præfectorum Quebekenfis Seminarii, qui & ipsi instituuntur etiam nunc à Seminarii Parisiensis missionum exterarum Directoribus.

Temporis successu nonnihil immutata sunt jura, ex quo Rex mandata dedit, ut curatus ibi, sicut in toto Galliarum regno conferrentur in titulum; sed multum abest adhuc ut usus fixus sit, nam insula, quæ à Monte Regali nomen habet, cum dependentibus parochiis sunt, ut erant, sub jure Sulpiciani Seminarii. Erat biennium, quo Seminario cesserat insulæ dominium.

Diu ante venerat Quebecum Abbas. Quelus. auctoritate Vicarii Generalis ab Archiepiscopo Rhotomagensi munitus; sed quia Rhotomagensis jurisdictio in Novam Franciam nullo nitebatur titulo, jus idem competentibus Nannetensi & Rupellenfi Episcopis, Quelus. in Vicarium non admissus in veterem Franciam repedavit. Anno 1657. rursus in Canadam cum Seminarii deputatis appulit Insulæ possessionem aditurus, & Seminarium fundaturus, quod non invitis colonis peregit tandem.

Petreensis Episcopus in Galliam anno 1662. redux Regis obtinuit diploma, ut Quebeki Seminarium erigeretur: & quia pastores in totam coloniam juxta præconceptum systema ab hoc Seminario erant trahendi, Prælatus egit ut nomine decimarum solveretur Directoribus decima-tertia fructuum omnium ecclesiæ debitorum. Eam taxam exorbitare nimium putarunt coloni non admodum divites, & sæpè reclamaverunt. Anno 1667. Senatus Canadensis consulto, utique provisionali, & sine regii descripti præjudicio, decretum est, ut pro decima pars vigesima sexta penderetur, utque novalia non decimarentur quinquennio. Quod usu & moribus invaluit. Aucto deinde colonorum numero, & novæ parochiæ erectæ sunt, tuncque petiitum ut parochis cederent decimæ, utque taxa certa constitueretur. Utrumque regio edicto mandatum est anno 1679., confirmatumque simul Canadensis Senatus consultum ea lege ut Senatus de supplemento decerneret per incolas & proprietarios erogando, si decimarum summa congruæ parochorum sustentationi non sufficeret. Hoc tamen effectum

festu caruit, voluit enim Rex Christianissimus libras septem-mille-sexcentas annuatim ad parochorum alimenra de suo conferre.

Anno 1683. cadente nova satisfaciendi parochis arrepta via est, quibus Senatus ordinatio postrema videbatur insufficiens. Generalis Canadæ Prætor Dominus *de la Barre*, & Ill. de San-Vallier Episcopus Quebecensis congruas portiones, quæ ex decimarum cumulo extrahebantur, quingentis circumscripsere libris. Sed Rex Christianissimus litteris ad Prætorem 10. Apr. 1684. datis significavit eam sibi ordinationem non esse gratam. *Vidi* (inquit) scripturam, quam cum Episcopo ad parochias distribuendas, & parochos congruè sustentandos edidisti in Colonizæ damnum. Congruam unius parochi quingentis libris computastis, & est nonnullus cui ampliorem assignastis in regione pauperibus habitata. Probè notis, in Gallia congruas pinguissimas centum scutis non esse majores, & innumeros esse Curatos, qui centum & quinquaginta libris vivere & ministrare possunt. Id agite ut isthæc quatuorcentum vivere *assuescant*.

Sæpè deinceps retentavit parochorum pars decimas ad decimam-tertiam redigere, sed incassum. At ulteriorem summam bis-mille librarum consignavit Rex ad parochorum ætate gravi aut valetudine rude donatorum alimenta. Duæ præterea summæ corrogatæ sunt mille-ter-centum & quinquaginta librarum in singulas, alia in parochorum profectum, alia ad ecclesiarum parochialium fabricam, quarum patronatus, exclusis dominis, qui eo usque patroni fuerant, Episcopo addictus est. De reliquo quidquid Rex ad prædictos usus de suo confert, voluit subesse dispositioni Episcopi.

Ecclesiæ Quebecensis in cathedralem erigendæ tractatus diu ante incæptatus, nonnisi anno 1670. consummatus est, eo quod Papa voluit omnino, ut immediatè à Sede Apostolica penderet. Quocum benè constat, Episcopum Quebecensem instar Podiensis in Gallia sub Romana Sede immediate constituti, esse quodammodo de Cleri Gallicani gremio. Episcopum coëgit inopia Parisios regredi, si fortè Rex Bullarum sumptus facere dignaretur: quas obtinere non potuit usque ad annum 1674. Ecclesiæ Cathedralis Capitulum constat Decano, Cantore, Archidiacono, Theologi, & duodecim Canonicis. Quorum omnium nominatio est penes Episcopum præter duas primas dignitates, quas sibi rex voluit reservatas.

## ORDINATIO CCCLI.

Anno 1671. 12. April.

**V**isitantibus S. Rosæ Limanzæ hodie per hanc constitutionem canonizatæ sepulcrum in ejus festo septem annos & septem quadragenas indulget Clemens X. Extat in Bullar. Lugdun. C. 37. Incipit *Cælestis*.

OR-

## ORDINATIO CCCLII.

Anno 1671. 13. Jun.

**S**acra Rituum Congregatio decrevit in Angelopolitana, quod non debet cantari nec celebrari missa in altari, ubi est repositum SS. Sacramentum, nisi sit pro eo reponendo. Ac si ex necessitate fieri opus esset, populus benedicendus est more consueto, & non cum SS. Sacramento. Refert Merati (a). Aliam similem resolutionem refert Lacroix, seu Zacharias in illius additionibus (b) in hæc verba: *Missam* in altari majori, ubi est expositum publicè SS. Sacramentum, non licet celebrare præsertim si in ecclesia adsunt alia altaria, in quibus celebrari possit. S. R. C. 9. Aug. 1670.

## ORDINATIO CCCLIII.

Anno 1672. 6. Maji.

**U**T decreta de non exigenda majore elemosyna pro sepultis apud regulares, etiam de Soc. Jesu. intelligerentur. Vide infra. Ord. 489.

## ORDINATIO CCCLIV.

Anno 1672. 18. Maji.

**P**ontifex suppressit controversias Fratrum Discalceatorum Ordinis S. Francisci de Observantia in Provincia S. Antonii Brasiliensi. Extat in Bullar. Rom. tom. VII. C. 100. Clem. X. Incipit *Sacro sancti*.

## ORDINATIO CCCLV.

Anno 1673. 6. Apr.

**P**rohibet nequis sine licentia in scriptis Sacræ Congregationis de Propaganda, in operibus initio scribenda, libros & scripta, in quibus de missionibus agatur, aut de rebus ad missiones pertinentibus, per se vel per alium edat, sub excommunicatione Summo Pontifici reservata, & privationis officii, ac vocis activæ & passivæ, operumque suppressionis pœnis ipso facto incurrendis. Ac præcipit sub pœna privationis vocis activæ & passivæ, ut Superiores Generales curent, has litteras quolibet anno legi. Extat in Bullar. Rom. tom. VII. C. 126. Clem. X. Incipit *Credita*.

## ORDINATIO CCCLVI.

Anno 1673. 12. Maji.

**U**T Parochis Indiarum liceret juxta Concilium Tridentinum parochianos non impeditos conjugare, dummodo non essent vagi, forenses, aut

(a) Merati, *Addit. ad Gavæ Append.* p. 290. (b) Lacr. *Ed. Ven.* 1761. l. Prodr. p. 33. n. 367.

aut loco distante nati, non expectata venia episcopalis curiæ. Utque informationes de statu libero apud Prælatos peragerentur gratis. Ita habetur in quadam Auditorii Platenfis regia provisione, data anno 1744. 19. Sept., cui schedula inseritur tenoris sequentis. = El Rei = ... Fui servido de encargar al Arzobispo (de Mexico), que en el interin no se impidiessse à los curas doctrineros, que hiciesssen todas las diligencias necesarias para la celebracion del matrimonio segun lo dispuesto por el Concilio de Trento, y en caso necesario diessse la jurisdiccion necessaria à los doctrineros; y considerando el Commissario General de San Francisco, que la resolucion seria firme si Su Santidad la confirmassse, acudio año de 1673. pidiendo varias cosas, de que por la Congregacion de Cardenales se le concedieron dos. La 1., para que à los parrocos de Indias fuessse licito casar à sus feligreses, no siendo vagantes, extrangeros, ò de parte distante, segun el Concilio de Trento, no resultando impedimento alguno para el matrimonio, aunque en las curias de las diocesis no se huviesssen dado informaciones de libertad, ni obtenido licencia los contrayentes. La 2., que los Prelados de Indias, quando se acudiesse à ellos, estuviesssen obligados à hacer las informaciones de libertad, y dar la licencias graciosamente sin llevar derechos, pagando solo al Secretario por razon de lo escrito el competente, de que se despachó Breve en 12. de Mayo de 1673. que se mandó executar por el Consejo. Mando se execute.... Buen-Retiro. 3. de Diciembre de 1683. = Vide infra Ordin. 436.

## O R D I N A T I O CCCLVII.

Anno 1673. 10. Nov.

**H**Ac data tria prodiisse Brevia, aliud ad Inquisitores Goanos, aliud ad sacerdotes, catechistas, & christianos Tunkini, tertium ad Archiepiscopum & Capitulares Goæ, in quibus fit mentio de ausibus, infolentiis, turbis, & calumniis Jesuitarum contra Vicarios apostolicos, refert quidam anonymus (a). Tu vide Brevia, & crede. Anonymo sine teste nulla fides.

## O R D I N A T I O CCCLVIII.

Anno 1673. 3. Dec.

**C**lemens X. per litteras confirmavit Synodum à Petro Episcopo Beritensi Vicario Apostolico in Tunkino celebratam in pago Diughieu provincie Kinam 24. Febr. 1670., quæ Provincialis speciem & indolem potius quam Diocesana præsetulisse videtur, præmissio examine à Sacra Congregatione. Extat inter Constitutiones Apostolicas pro Missionibus Sinarum, Tunkini, &c. Parisiis editas anno 1676., & refert Benedi-

tus

(a) Append. ad Portug. Reflexiones.

Ætus XIV. (a). Per confirmationem verò apostolicam non extendi vim obligatoriam decretorum, quæ in Synodo sive Provinciali sive Diocesana fiunt, constitit supra Ord. 178. Adnot. 2. Estque decusum à Sacra Congregatione per declarationem quam sine data refert Barbosa (b) ibi citatus.

## ORDINATIO CCCLIX.

Anno 1673. 22. Dec.

Vicarii Apostolici, & missionarii orientales eximuntur à jurisdictione Goanæ Inquisitionis in iis locis ubi Rex Portugalliæ temporaliter non dominatur. Extat in Bullar. Rom. tom. VII. C. 144. Clem. X. Incipit *Solicitude*.

## ORDINATIO CCCLX.

Anno 1673. 23. Dec.

TRibus Vicariis Apostolicis, qui tunc erant in partibus orientis confirmat facultates quasdam, nempe Alexandri VII. ad ordinandos latine ignorantes, Clementis IX. ad exigendum à missionariis litteras deputationis suæ, & Congregationis de Propaganda ad communicandum facultates alicui & missionariis, ad collocandum missiones alibi quam in locis sibi assignatis, ad promovendum ad sacros ordines sine dimissis. Ex eodem Bullario Const. 145. Incipit *Decet*.

## ORDINATIO CCCLXI.

Anno 1673. 23. Dec.

NE quis ecclesiasticus sæcularis aut regularis litteras deputationis in Vicarium Generalem, aut Foraneum, seu *da Kara*, Visitatoremve pro exercenda jurisdictione in locis, quæ Vicariis Apostolicis commissa sunt, seu fuerint in futurum a quoquam emendicare, aut oblatas recipere præsumat sub excommunicatione ipso facto incurrenda. Ex eodem Bullario C. 146. Clem. X. Incipit *Illius*.

## ORDINATIO CCCLXII.

Anno 1673. 23. Dec.

CONstitutiones Clementis VIII. indulgentis omnibus Ordinibus ut per Lusitaniam; & Pauli V., ut quacumque mittere possint religiosos ad orientem, referuntur. Et confirmatur excommunicatio ab Urbano VIII. contra impediens lata. Et facultas eundi ad orientem quacumque via ad Vicarios Apostolicos & presbyteros sæculares extenditur. Ex eodem Bullario C. 147. Incipit *Injuncti*.

OR-

(a) B. XIV. l. 1. De Syn. Diac. c. 3. n. 4. p. 590. (b) Barbosa, *Collectan. V.* Concilium Provinciale.

ORDINATIO CCCLXIII.

Anno 1673. 23. Dec.

**V**icariis Apostolicis in partibus Sinarum facultas prorogatur ordinandi sine titulo indigenas. Et indulgetur, ut divini officii recitatio commutari possit. Exstat ibid. C. 148.

ORDINATIO CCCLXIV.

Anno 1674. 7. Jun.

**E**piscopos Indiarum, aliarumque partium orientalium de consilio Congregationis super rebus Sinarum deputatæ monet; eisque & regulis omnibus præcipit, ut omnes constitutiones apostolicas & decreta ejusdem Congregationis sub poenis arbitrariis observent. Ex eod. Bullar. C. 155.

ORDINATIO CCCLXV.

Anno 1674. 8. Jun.

**V**icarii Apostolici in partibus Indiarum ab jurisdictione Ordinariorum eximuntur, reservata Sacræ Congregationi facultate aliter decernendi. Ib. C. 156.

ORDINATIO CCCLXVI.

Anno 1674. 8. Jun.

**C**onstitutionem *Ex debito* Urbani VIII. confirmat Clemens, & excommunicationem ab eo latam contra impediētes accessum missorum ad partes orientales, extendit ad impediētes jurisdictionem Vicariorum Apostolicorum, & eorum operariorum in provinciis illis assignatis. Exstat ibid. C. 157.

ORDINATIO CCCLXVII.

Anno 1674. 17. Jun.

**D**eclaratur, Episcopos Indiarum, aliarumque partium orientalium non posse, nec debere actus jurisdictionales exercere supra Vicarios Apostolicos, quippe Sedis Apostolicæ delegatos, eorumque operarios in provinciis sibi assignatis; sed eisdem Vicariis Apostolicis jurisdictionem privatè competere, donec aliter à Sacra Congregatione fuerit declaratum. Ib. C. 158.

ORDINATIO CCCLXVIII.

Anno 1674.

**C**onfirmantur constitutiones quædam pro gubernio confraternitatis, postea religionis Bethlehemitarum in Indiis occidentalibus, Mentio

Iii

fit

fit in Constitutione *Ecclesæ* Innocentii XI. tom. VIII. Bullarum Rom. pag. 420.

Eodem anno 1674. Sacra Congregatio damnavit opinionem quamdam, de qua sequentia refert P. Concina (a): Cinque Vescovi Francesi scrissero una lettera al Papa, nella quale rappresentarongli, che alcuni theologi col pretesto della ignoranza invincibile sosteneano esser esenti da grave colpa theologica tanti infedeli, e massimamente i Chinesi ucciditori de' propri genitori, degli ospiti, e rei delle più enormi nefandità. Il P. Domenico Ferdinando Navarrete (b) riporta una decisione della S. Congregazione, che condannò verso l'anno 1674. sì fatta opinione.

## A D N O T A T I O N E S.

Jure merito ea reprobatur opinio, seu error; scilicet, invincibilis ignorantie prætextu parricidas & talium enormitatum reos à culpa gravi theologica excusari; quia prætextus ignorantie invincibilis est velamen, causæ fictæ, quæ delicta oculis carnis obvelari possunt, non divinis, cum revera prima principia juris naturæ, & conclusiones inde claræ & immediatè fluentes ignorari nequeant à mentis compote nisi vincibiliter.

Si tamen fingas Sinenses aut infideles alios, & barbaros prima juris naturæ principia, & conclusiones claræ & immediatè connexas invincibiliter ignorare, dogma catholicum est, & esse immunes à culpa formali, postquam Alexander VIII. damnavit sequentem Novatorum propositionem num. 2.: *Tametsi detur ignorantia invincibilis juris naturæ, hæc in statu naturæ lapsæ operantem ex ipsa non excusat à peccato formali.*

Dixi, conclusiones immediatè & claræ fluentes ex primis naturæ principiis invincibiliter ignorari non posse. Sed oportet excipere casum quo conclusionibus adiungatur circumstantia, ex qua licitum videri possit quod jure naturæ illicitum est, ut rectè animadvertit Auctor *Responsionis ad librum Assertionum* (c). Exemplo sit quod in Paraguaris Provincia contigit haud ita pridem: Quosdam Mataguajæ gentis transfugas ægrè sequebatur cæca mulier, & ætate gravis. Eam ex filio nepos brevi & facili vulnere trucidavit de via. Negabatque parrisida, se quidquam mali fecisse adversus aviam, quam amabat, quippe morituram, si sola remaneret, crudeliore ut ipse ajebat, nece, Hispanorum vestigia sequentium, & vindictam inhiantium opera & manu. In casibus ejusmodi ignorantia juris naturalis vincibilis esse potest & invincibilis, & utra de facto sit solo Dei judicio sæpè discerni potest.

OR-

(a) P. Concina, *Stor. del Prob. Diff.* 1. cap. 3. §. 3. num. 17. pag. 116. tom. 1.

(b) P. Navarrete, *Trat. VII.* pag. 303. (c) *Response au Livre intitulé Extraits des Assert. P. 3. tom. 1. pag. 404. ed. in 4.*

## ORDINATIO COCLXIX.

**U**T de B. Francisco Solano (1) per hanc constitutionem beatorum catalogo inscripto recitari possit officium & missa celebrari in civitate Lima, ac in provincia Thecumana (Tucuman), in quam (II) catholicæ fidei nova semina feliciter invexit. Extat tom. VII. Bullar. Rom. C. 171. Clem. X. Incipit *Quemadmodum*.

## ADNOTATIONES.

(1) *B. Francisco Solano*. D. Frezier viator Gallus in suo *Novi Orbis Itinerario* (a) sermonem habet de quibusdam Franciscanis *Reformés par Saint François Solano natif du Paraguay*. Sed hic error est unus de multis ea Relatione contentis; ut ille quo Indos nominat *Encomenderos*, & ille quo *Huanacos* animantium genus alio nomine scribit appellari *Vizcachas*. Præter alios, quibus à Sanctæ Inquisitionis Hispanæ Officio proscribi merita est.

(II) *In quam catholica fidei*. Est qui crediderit Solanum nova fidei semina per Tucumaniam invexisse in Paraguay non tantum provinciam, sed oppidum quod & *Paraguay* & *ab Assumptione* nominatur: deceptus, ut opinor, similitudine facti, quod in illius Vita (b). cum alio quod in prima Paraguay civitatis fundatione narratur contigisse, de barbaris in christianorum perniciem conspirantibus, dum memoria Dominicæ Passionis reolebatur.

Sed nisi per Paraquariam accipiatur, ut sit tota Gubernatio seu Præfectura, cujus fines principio ad Tucumaniam usque pertingebant cum tractu Sanctafidensi à S. Francisco certò lustrato, incertum est mihi sattem, eum Paraquariam vidisse unquam. Et quando barbarorum conspiratio in Paraquaria contigit, nec lucem viderat natalem Franciscus. Saltem nondum Indias cogitaverat natus in Hispania. Vide Ord. 510.

## ORDINATIO CCCLXX.

Anno 1675. 13. Jul.

**I**N causa Indiarum factò processu super non-cultu Ven. Servi Dei Dionysii à Nativitate ab Ordinario qui à ferenda sententia abstinuit, Sacra Congregatio censuit ab eo proferendam in casu. Refert Benedictus XIV. (c). Et in eadem Canonizationis materia refert alibi (d), dum de S. Francisco Solano proximè memorato causa vertebatur, admissam fuisse à Sacra Congregatione validitatem processus, quamquam testimonium perhibuerant regulares absque Superiorum licentia.

OR-

(a) *Mr. Frezier Voyage au N. M. P.* 2. pag. 187. Edit. ann. 1732.

(b) *Acta SS. Julii*. 24. (c) *Benedictus XIV.* l. 1. De Beatif. &c. c. 22.

(d) *Id. lib. 6. cap. 48. num. 5.*



## ORDINATIO CCCLXXI.

Anno 1675. 15. Jul.

**C**ustodia B. M. Virginis Ordinis Minorum à Provincia S. Antonii Brasiliensi dismembratur, & in Provinciam erigitur. Ex Bullar. Rom. C. 186. Clem. X. Incipit *Pastoralis*.

## ORDINATIO CCCLXXII.

Anno 1675. 7. Aug.

**U**T in Provincia Quitensi Ordinis S. Augustini fervetur *alternativa* in omnibus officiis gubernii. Mentio fit in Const. *Pro parte* Innocentii XI. tom. VII. Bullar. Rom. pag. 41. Vide Ord. 244. & 269.

## ORDINATIO CCCLXXIII.

Anno 1676. 12. Jun.

**S**acra Congregatio Episcoporum & Regularium committit Ministro Generali, & Commissario item Generali Indiarum Ordinis S. Francisci, ut circa alternativam id statuunt, quod paci Provinciæ Limanæ magis expedire censebunt. Mentio fit in Const. *Illius* Innocentii XI. tom. VIII. Bullar. Rom. pag. 26.

## ORDINATIO CCCLXXIV.

Anno 1676. 22. Nov.

**E**cclēsia S. Salvatoris Brasiliensis ex Episcopali erigitur in Metropolitanam à Provincia Ulyssiponensi dismembrata. Extat in Bullar. Rom. Const. 3. Innocentii XI. Et licet in Bullarii textu dicatur data 6. Kal. Decembr., idest, 26. Novembris, & ibid. ad marginem 26. Novembris, neutro ex iis die fuisse data videtur, sed 22. Novembris, qui dies in sequentibus duabus Constitutionibus repetitur, quas cum præsentī uno die esse datas, constat ex hujus primæ §. 3.

## ORDINATIO CCCLXXV.

Anno 1676. 22. Nov.

**O**ppidum de Olinde in civitatem ( quæ & Pernambuco dicitur ), & ejus Ecclesia in cathedralem erigitur sub metropoli Sancti Salvatoris de Bahia, assignatis limitibus ab arce Seará inclusive ad Flumen S. Francisci per oram maritimam, & terram intus. Ibid. C. 4. Incipit *Ad Sacram*.

## ORDINATIO CCCLXXVI.

Anno 1676. 22. Nov.

**O**ppidum S. Sebastiani *del Rio Janeiro* in civitatem, & ejus ecclesia in cathedralem (1) sub eadem metropoli, assignatis limitibus à præfectura seu capitania Spiritus-Sancti inclusivè usque ad (II) Flumen *de la Plata*. Ibid. C. 5.

## ADNOTATIONES.

(1) *In cathedralem*. Jam ab anno 1640. de erigendo Januariensi Episcopatu cogitatum erat; sed propter Portugalliæ ejus anni motus intermissum. In Tabulis Chronologicis habetur eo anno: *Obispado en el Rio Janeiro para defensa de los Indios Paraguayos contra los vecinos de S. Pablo en el Brasil*. Sed Indi Paraguayi permissio à Rege Catholico armorum igniferorum usu quatuor post annis, probarunt Paulitanorum exemplo, ad se tuendos aliâ opus esse vi atque novi Episcopatus erectione.

(II) Usque ad Flumen *de la Plata*. Intellige exclusivè relato verbo *inclusivè* quod in constitutione est ad Spiritus-Sancti Capitaniam, & accepto Flumine *de la Plata* pro cognomine præfectura, quæ de ditione hispanica est, & quæ à Fluminis ostio, & à Capite Sanctæ-Mariæ ad boream fines habet nondum satis fixos, donec figatur punctum quâ linea demarcationis ducenda sit. Vide Ord. 590.

## ORDINATIO CCCLXXVII.

Anno 1677. 26. Jun.

**I**N provinciis Limana, & *de Charcas*, & S. Josephi *de Tuetan* Ordinis Minorum alternativa ita reguletur, ut Guardianus domus principalis, & Minister Provincialis alternis eligantur ex hispano-hispanis, & ex hispano-americanis. Extat ibid. C. 17. Incipit *Illius*.

## ORDINATIO CCCLXXVIII.

Anno 1677. 19. Jul.

**U**T Procurator Generalis Ordinis S. Augustini moderetur alternativam in Provincia Quitensi. Mentio fit in Const. *Pro parte* Innoc. XI. tom. VIII. Bullar. Rom. pag. 41.

## ORDINATIO CCCLXXIX.

Anno 1677. 29. Aug.

**O**ppidum S. Ludovici in provincia Maragnonis in civitatem, & ejus ecclesia in cathedralem erigitur sub Metropoli Lisbonensi, assignatis limitibus à Capite Horte ( *fortassis del Norte* per oram maritimam & ter-

terram intus usque ad arcem Scara (Seara) exclusivè. Ibid. Const. 22. Incipit *Super unigervas*. Est autem Caput *del Norte*, seu Boreale circa gradum 3. lat. bor. 329. long. in Tabul. Geogr. apud Chiquet, non longè a flumine, quod à primo inventore Vincentio Pinzon Castellano nomen habet, & communiter creditur esse terminus borealis hispano-lusitanicæ demarcationis. Flumen hoc & Caput statuitur à Cedillo in gr. 4. lat. bor. (a). Ab aliis gr. 1.

## ORDINATIO CCCLXXX.

Anno 1677. 7. Dec.

**S**acra Congregatio approbante Innocentio XI. censuit decretorum circa finenses ritus transgressores censuris & pœnis adigendos ad observantiam. Ita refert anonymus citatus supra anno 1673. 10. Nov.

## ORDINATIO CCCLXXXI.

Anno 1677. 7. Dec.

**P**rocuratoribus in Curia Romana vel Hispanica Ordinis S. Augustini Provincia Philippinarum, exactis per triennium officiis, privilegia donantur Exprovincialium. Extat tom. VIII. Bullar. Rom. Const. 27. Incipit *Nuper*.

## ORDINATIO CCCLXXXII.

Anno 1678. 26. Jan.

**U**T alternativa in Provincia Quitensi Ordinis S. Augustini restricta sit ad officia provincialatus, definitorum, visitorum, non obstante contraria dispositione Clementis X. Ibid. C. 30. Incipit *Pro parte*. Vide Ord. 372.

## ORDINATIO CCCLXXXIII.

Anno 1678. 25. Mart.

**U**T si in Provincia Quitensi ejusdem Ordinis, aliisve Indiarum, electio Provincialis facta fuerit per suffragium secretum à majore parte electorum, & à Præsidente Capituli successivè confirmata, omnes religiosi sub pœna inhabilitatis ipso facto incurrenda, & excommunicationis teneantur abstinere à nova electione, & electo exhibere obedientiam, non obstante quacumque appellatione de jure interposita. Quod si lite pendente super nullitate Capituli, insit dies præfixus celebrationi alterius, possint & teneantur electores ad locum destinatum convenire, & novum Capitulum celebrare. Extat ibid. C. 36. Incipit *Exponi*.

OR-

(a) Cedillo in Tabulis poss. lib. 2. De la Nautica.

## ORDINATIO CCCLXXXIV.

Anno 1678. 17. Aug.

**I**nocentius XI. confirmavit electionem S. Josephi in Patronum Missionum Sinenſium factam per Viſitatores Apoſtolicos. Extat apud Benedictum XIV. De Servor. Dei Beatificat. & Canoniz. (a). Incipit *Sacroſancti*.

## ORDINATIO CCCLXXXV.

Anno 1678. 10. Octobr.

**U**T omnes per Sinas, & vicina regna, provinciasque Indiarum missionarii ſæculares & regulares ſub excommunicatione latæ ſententiæ abſque ſententia declaratoria incurrenda, Summo Pontifici reſervata, a qua nulla jubilæi etiam generalis conceſſione niſi in articulo mortis abſolvi poſſint, præſtare teneantur ſequens juramentum. = Ego N. fideliter incumbam officio meo in miſſione juxta Sedis Apoſtolicæ mandata, & facultatem ab ea præſcriptam. Quodſi Indiarum Ordinarii, aut Principes, & Reges catholici vel alii de adminiſtratione miſſionum ſua jura violari conqueſti fuerint, meumque conſilium vel auxilium deſuper requiſierint, ei rei me nullo modo ingeram, ſed muneri mihi incumbenti tantum operam dabo. Prædicationem verbi Dei, ſacramentorum adminiſtrationem, aliudve eccleſiaſticum munus in locis Apoſtolicorum Vicariorum curiſ commiſſis numquam exercebo, quibuſcumque privilegiis propriis vel meæ religionis, vel aliis quibuſcumque munitus exiſtam, niſi prius ab ipſis Vicariis fuerim approbatus, & ab eiſdem licentiam in ſcriptis acciperim. In examine Bullarum, Conſtitutionum, ſeu quarumcumque litterarum Apoſtolicarum, vel Sacræ Congregationis de Propaganda, aut quorumcumque decretorum ejuſdem Sacræ Congregationis, numquam me intromittam, vel impediam ſub quovis prætextu, aut etiam legitima ſubreptionis vel obreptionis cauſa vel alia quacumque; ſed eaſdem litteras & decreta ſemper cum debita reverentia ſuſcipiam, eiſque, ut par eſt, obediendo, Sanctæ Sedi poſtmodum exponam ſi qua contra earundem litterarum ſeu decretorum uſum opportuna videbuntur, numquam tamen retardata executione. Ordinationes dictæ Sedis omni qua decet reverentia recipio & amplector. .... Et illis decretiſque Sacræ Congregationis de Propaganda Fide parebo. Si autem (quod Deus avertat) quoquomodo contravenerim, me toties quoties evenierit, pœniſ tam per prædictas conſtitutiones, quam per noviſſimam qua formâ præſentis juramenti præſcripta eſt, reſpectivè impoſitiſ, ſponte & liberè ſubjicio. Ita tactiſ evangeliiſ promitto, voveo, & juro. Sic me Deus adjuvet, & hæc ſancta evangelia. = Ibid. c. 45. Incipit *Cum hæc*.

OR.

(a) B. XIV. tom. 5. lib. 4. P. 2. cap. 24.

## ORDINATIO CCCLXXXVI.

Anno 1678. 20. Dec.

**C**onfirmantur litteræ Vicarii Generalis Ordinis S. Augustini Provinciæ Quitenfis super emptione cuiusdam cellæ. Ex Bullar. Luxemburg. Const. 6. Innoc. XI.

## ORDINATIO CCCLXXXVII.

Anno 1679. 17. Mart.

**G**eneralis & Vicarii Ordinis S. Augustini in Provincia Quitenfi decreta pro conservanda pace confirmantur. Ex Bullar. Luxemb. c. 7. Innoc. Incipit *In supremo*.

## ORDINATIO CCCLXXXVIII.

Anno 1679. 19. Apr.

**C**onfirmatur regia electio S. Iosephi in Patronum & Protectorem omnium regnorum & dominiorum Regis Catholici. Et in ejus festo conceditur indulgentia plenaria visitantibus Sancti ecclesiam verè poenitentibus & confessis, & sacra communione refectis. Supplentur omnes defectus, qui in electione intervenerint. Omnes prærogativæ ejusmodi Patronis competentes decernuntur, & asseruntur electo, juxta rubricas missalis, & constitutionem Urbani VIII. super observationem festorum datam 13. Sept. 1642. Extat in Bullar. Luxemb. in Append. Const. 54. Innoc. XI. Incipit *Eximia*. Vide Ord. 384. 392. 443. 487. 528.

## ORDINATIO CCCLXXXIX.

Anno 1679. 24. Apr.

**U**T in diocesis Philippinarum, ubi non est Capitulum, quod sede vacante Episcopatum administret, administretur à viciniore Episcopo. Meminit P. Murillo (a) referens regiam schedulam ad Manila Archiepiscopum datam 2. Augusti 1736, ubi dicitur: *Ha parecido advertiros como lo haze, que los sugetos que yo presentare para las iglesias de essas Islas, à quienes se despacharen cédulas para gobernarlas, constando de ellas y de su aceptación, no necesitan para entrar à gobernarlas por sus personas, ò las de sus Vicarios generales, tanto en lo espiritual, como en lo temporal (à excepcion de lo de orden) de que los Obispos inmediatos, que en virtud del mencionado Breve estuvieren gobernando en la vacante de essas Iglesias, les subdeleguen jurisdiccion alguna para gobernarlas, por supponerles transferida toda la que necesitan*

(a) Murillo, lib. 1. *Curf. Can.* t. 6. n. 161.

sitan por el acto mismo de la presentacion y acceptacion por la autoridad de Su Santidad y la mia, que unidamente concurren en este consentimiento en attencion à la necesidad de las Iglesias, y distancia de la Corte Romana.

Unde in ejusmodi diœcesibus Capitulo destitutis ii qui præsentantur, proprio nomine gubernant. In reliquis autem Hispanienfium Indiarum diœcesibus, etiam gubernant ex quo regium exhibent diploma, sed gubernant nomine Capituli ex consuetudine, cujus fit mentio in Jure Indico (a) ibi: *Su Magestad* en virtud del patronato està en possession de que se despáche Cedula dirigida à las Cathedrales sede vacantes, paraque entre tanto que llegan las Bulas de Su Santidad, y los presentados à las prelacías son consagrados, les den poder para governar los Arzobispados y Obispados de las Indias, y assi *se executa*. Vide Ord. 232.

## O R D I N A T I O CCCXC.

Anno 1679. 2. Sept.

**U**T de S. Francisco Xaverio posset recitari officium & missa propria celebrari, ut die 3. Decembris sub ritu semiduplici à Patribus Societatis provinciarum Portugalliæ, & Indiarum orientalium semel in mense die non impedita festo duplici vel semiduplici, exceptis feriis adventus & quadragesimæ. Ex decreto Sacræ Rituum Congregationis, quod 30. Martii 1697. ad Patres Assistentiæ Hispanicæ extensum fuit. Ita habetur in Codice officiorum, quæ possunt ex privilegio recitari, edito Neapoli 1715. Deinceps facta est à Benedicto XIII. nova extensio ejusdem indulgenti ad universam Societatem cum notis exceptionibus ut est in Compendio Privilegiorum Societatis. Et intra quadragesimam etiam & adventum facta erat recens concessio pro nonnullis Indiarum provinciis, sicut & de officio S. Ignatii. Sed rerum & soli mutatione usus intermissus est.

## O R D I N A T I O CCCXCI.

Anno 1680. 8. Aug.

**C**onfirmantur quædam ordinationes Generalis Ordinis S. Augustini circa electiones superiorum & officialium in Quitoensi, aliisque Indiarum provinciis. Extat tom. VIII. Bullar. Rom. C. 88. Innoc. Incipit *Exponi*. Et 14. Sept. proximè sequenti confirmavit Pontifex quoddam ejusdem Generalis decretum de consanguineis & affinibus, extensumque ad Discalceatos Congregationis Hispaniæ & Indiarum. Ib. C. 92. Incipit *Dudum*.

OR-

(a) *Leg. fin. tit. 6. lib. 1. Recop. Ind.*

## ORDINATIO CCCXCII.

Anno 1680. 26. Sept.

**R**Evocatur Constitutio data anno superiore 19. April. de S. Josephi patronatu. Vide infra Ord. 443. Pro illo factus est quodammodo Indiarum proprius patronatus B. Mariæ Virginis Hispaniæ concessus ab Alexandro VII., & extensus ad omnia Regis Catholici dominia ab Innocentio XI. anno 1679. 26. Maji, qui sub nomine Patrocinii celebratur in Dominica Novembris, quam Ordinarius assignaverit, cum indulgentia plenaria pro confessis, sacra communione refectis, & orantibus. Specialitas hujus Mariani Patronatus seu Patrocinii respectu Indiarum nota est in Jure Indico (a), quo ratione hujus festi B. Virgo dicitur *Patrona & Protectrix*.

## ORDINATIO CCCXCIII.

Anno 1681. 5. Jul.

**S**Acra Congregatio rejecit instantiam cujusdam missionarii in Philippinis postulantis, facultatem sibi soli concedi baptizandi & matrimonia conjungendi infideles ibi conversos, cum tamen ibi extent Episcopi. Refert Card. Petra (b).

## ORDINATIO CCCXCIV.

Anno 1681. 23. Jul.

**R**Ectori collegii tunc futuri S. Ferdinandi Quitensis Ordinis Prædicatorum gradus cathedrarum ejusdem collegii, ad formam concessionis factæ Augustinianis & Societati Jesu, conferendi facultas fit, quousque Universitas Regalis, sicut Limana & Mexicana in Provincia Quitensi constituatur. Ex Bullar. Rom. tom. VIII. Const. 101. Innocentii XI. Incipit *Pastoralis*.

## ORDINATIO CCCXCV.

Anno 1681. 7. Aug.

**C**onfirmata facultate conferendi gradus philosophicos & theologicos ab Innocentio X. concessa Dominicanis Manilensibus, concedit Innocentius XI., ut etiam in Jure Canonico, Civili, & Medicina per sæculares prælegendis, possent gradus conferri cum omnibus privilegiis, tam pro professoribus, quam pro ministris, scholaribus, & graduatis, quibus gaudent Universitates Limana & Mexicana, duraturis tantum donec Universitas alia Regalis & Pontificia in civitate Manilæ, vel in regnis vicinioribus constituatur. Ib. C. 103. Incipit *Inscrutabili*.

OR-

---

(a) *Lib. 1. tit. 1. leg. 24. Recop. Ind.* (b) *Petra, tom. 4. ad C. 2. Greg. XI. n. 22.*

## ORDINATIO CCCXCVI.

Anno 1681. 3. Dec.

**I**nnoctius XI. dat litteras ad P. Ferdinandum Verbieft S. J. quibus approbat & commendat usum in Sinas inductum humaniorum scientiarum. *Jucundissimum*, ait Sanctissimus Pontifex, præ cæteris fuit agnoscere, quam sapienter atque opportunè profanarum scientiarum usum ad salutem finensium populorum... deflexeris. Meminit P. Cordara (c). Et integræ referuntur à P. Papebrochio in Conatu Chronol. Rom. Pontif. sub Innocentio XI.

## ORDINATIO CCCXCVII.

Anno 1682. 13. Febr.

**S**acra Congregatio Concilii resolvit, Indos & hybridas seu mulatos non esse arcendos ab ordinibus, si alias idonei sint. Et quod defectus intentionis in Archiepiscopi Charquensis proposito casu fecit nullas illorum ordinationes. Rem totam vide apud Benedictum XIV. (b).

## ORDINATIO CCCXCVIII.

Anno 1682. 8. Maji.

**A**pprobantur constitutiones seminarii missionariorum Ordinis S. Francisci in oppido de Queretaro. Refert J. B. Pittoni (c). Vide Ord. 410. 512. 537.

## ORDINATIO CCCXCIX.

Anno 1682. 23. Dec.

**C**onfirmatur decretum Card. Protectoris circa abrogationem Commissariorum Generalium pro provinciis Indiarum orientalium Ordinis S. Francisci de Observantia. Ex Bullar. Rom. C. 109. Innocentii. Incipit *Ex debito*.

## ORDINATIO CD.

Anno 1683.

**P**er id tempus datæ sunt litteræ Cardinalis Cybo nomine Sacri Collegii ad Capuccinos Angolæ missionarios, quibus amarè conqueritur, quod nondum cessasset sclavorum mercatus: iteratque mandata, ut indicatur cessatio. Refert Abbas Prevost in Historia Navigationum (d).

AD-

(a) P. Cordara, *Hist. Soc. ann.* 1623. p. 275. (b) B. XIV. lib. 3. De Sacrif. Missæ. c. 10.(c) Pittoni, CC. ad Regulæ. n. 3769. (d) Prevost, *Hist. des Voïag.* t. IV. l. 9. c. 2.



## ADNOTATIONES.

Fortè minus verum est, quod ait author noster, scriptas litteras nomine Sacri Collegii; neque enim vacabat tunc Sedes Apostolica, ut Sacro Collegio tribuantur ejusmodi litteræ; sed sedebat Innocentius XI., cujus erat primus minister Cardinalis Cybo, ut vide infra Ord. 468. Vel si nondum erat primus minister, scripsit fortè non nomine Sacri Collegii, nec ex oraculo Sanctissimi, sed nomine fortè Sacræ Congregationis, quam Sacrum Collegium non ineptè appellaverit Historicus.

Circa executionem verò mandatorum, quamquam missionariis certum erat, fore difficilem, in summisionis tamen & obedientiæ specimen Regem de Congo & Comitem de Segno convenerunt; impetraruntque ut verbo concederetur, ne mancipia venderentur hæreticis. Et de missionariis P. Merolla indixit populo, ut si quando necessitate compelleretur, quemquam hæreticis dare in servitutem, præferret aliis Batavos, qui centum numerum mancipiorum ad Hispanorum ditionem deferre pacti erant: quod postea pacti sunt Angli.

Recollekti Lusitani de Cachao Ordinis Sancti Francisci scripta vulgarunt circa annum 1701. (a) quibus irreligionis accusabant christianos, qui christianos etiam nigros & barbaros servitute tenerent. Criminabantur maximè eos, qui Batavis & Anglis mancipia venderent. Difficultas mercatum abrogandi in eo vertebatur quod in tota regione præter ebur & mancipia nihil erat quo peregrinæ merces, in quibus pleræque necessariæ, commutarentur.

Non est dubium, quin hoc generis humani commercium sit periculosum saltem propter vicinitatem illiciti, & quoad fieri possit cavendum juxta Sacri Collegii votum. An sit etiam in se, intrinsecè, & ex natura sua illicitum, latius juvat examinare.

## §. I.

Illicitam esse Angolanorum seu Nigritarum, Æthiopumve mancipiationem, suadere videntur sequentes rationes. 1. Quod præsumptio stat pro injustitia mancipatus primi. At quando talis est præsumptio, & prima & securæ venditiones sunt illicitæ, ut est doctrina communis, nam si cum fundamento præsumas, rem quampiam venum expositam esse furтивam, emere non potes donec præsumptio oppositis fundamentis elidatur. Præsumptionem facit res ipsa, prout ab idoneis testibus, & mercatoribus ipsis, & ex eorum testimonio à P. Molina (b), P. Alphonso Sandoval (c), à viatoribus apud Prevost (d) memoria, proditur, & ab ipsis in sua servitute manu captis.

Ven-

(a) Apud eund. Prevost, lib. 6. pag. 582. (b) Molina, tom. 1. De Just. tr. 2. D. 34.  
(c) Sandoval, De Instaur. Æthiop. salute, seu Naturalia y Policia de los Negros, l. 1. cap. 17. & l. 3. cap. 4. (d) Hist. des Voy. tom. 2. lib. 2. cap. 2. p. 297. & l. 6. p. 464.

Venduntur ut plurimum à victoribus in rixis & bellis, in quibus nulla ratio æqui & iusti habetur. Pacis etiam tempore venduntur ab aliis potentioribus Nigris, qui tunc maximè prædas agunt supra vicinos, quando navis aliqua mercatorum ad oras applicat. Venduntur damnati apud suos capite, sed capite damnantur sæpè ob furtum unius gallinæ, aut eo minus. Nec eo titulo venduntur soli fures, sed innocentes eorum propinqui. Venduntur alii ob suspiciones levissimas, vel quia veritatem affirmat aliquis, quam negat regulus. Fuit nobilis inter suos venditus eo quod ejus frater in unam ex reguli uxoribus coniecit intonsos oculos. Alius quia manu tetigit cucurbitam ex arbore pendentem. Alter ob extractam pavoni pœnam. Et fuit mercator nomine Moore (a), cui oblatum est caput Tamanensis cujusdam ob furtum fumiferi calami manu-captum.

Quodsi numerus mancipiorum à mercatore demandatus aliter compleri nequeat, reguli complent subditorum venditione (b). Neque unquam deest prætextus, quo vis & rapina celentur. Alii seipsos vendunt aditæ conditionis ignari, eo solum pacto quod à mercatoribus alendi sint. Alii filios & filias pretio unius pilei, qui si versicoloribus filamentis intertextus sit, nobilissimi capitis pretio destinatur. Alii tandem qua de causa naves ingressi, velint, nolint, abducuntur.

Licet verò aliqui sint qui iusto titulo mancipantur; cum ii pauciores numero sint, de quolibet præsumendum est per injuriam mancipari ex eo, quod contingit pluribus: consequenter cujuslibet esse injustam mancipationem. Si enim in rebus centum nonaginta scias furto esse ablatas, neque decem emere licet sine examine & præsumptionis purgatione. Vide Fr. Thomam Mercado Ord. Præd. (c).

2. Quia ex parte primo eumentium adest etiam præsumptio pro injustitia; sunt enim ut plurimum parum conscientiosi. Et licet non credam, Anglos & acatholicos alios huic mercaturæ operam dantes omnem de illius jure conscientie remorsum abjecisse; cum tamen res agatur per privatos mercatores lucrum inhiantes, credere par est, plurimas injurias committi, ex eo quod fit vel fiebat per Lusitanos coram Episcopis illarum partium justitiam zelantibus, & observantiam legum à Rege Fidelissimo factarum ad asserendam æquitatem periculosi commercii.

Refert Episcopus Capoviridis Ill. D. Petrus Brandaon in epistola, quam se vidisse testatur Rebellus (d) in inferiori Guinea ad suam diœcesim pertinente ter mille versari hujus negotii factores, ex quibus vix ducenti præcepto confessionis annuo satisfaciunt. Quid curabunt homines id genus de titulo Nigros mancipandi?

3. Servitii genus, ad quod destinantur Æthiopes, multum juvat ad iniquitatem commercii; nam licet in Hispanorum domibus & prædiis non nimis duram servitutem serviant, in his saltem vicinioribus provinciis; at multi ad fodinas deputantur, ubi nimio, gravi, & insueto labore, mœ-  
rore

(a) *Apud eund.* t. 3. l. 7. c. 8. (b) *Apud eund.* t. 2. l. 6. pag. 464.

(c) *Mercado*, l. 2. *De Contractib.* c. 25. (d) *Rebellus*, P. 2. *De Oblig. Jus.* q. 20. s. 2. n. 13.

rore & mineralium halitu brevi intereunt. Et in navigatione ipsa pluri-  
mi, eo quod vectores sibi à numero timentes eos supra tabulata vivere,  
respirare non sinunt, sed in ventre navis includunt, proprio pœdore  
suffocati pereunt. Refert cit. Mercado, ex quingentis, qui ad Mexicum  
exportabantur navi, unius noctis spatio periisse ad centum & viginti. Et  
aliunde doctrina est communis, potestatem herilem circa sclavos non ad  
omnes labores extendi, sed ad non inhumanos, sed ad rationabiles esse  
limitatam.

4. Illicitam reddit negotiationem hanc scandalum infidelium & offen-  
sio, qui nequeunt non ex eo devenire infensi fidei & religioni. Baptizan-  
tur mancipia quali-quali modo in iis videlicet loci, & temporis angustiis;  
ut catechismus & sacer apparatus vix ac ne vix quidem adhiberi possit.  
Et ferunt gregem aliquando totum Æthiopum facto per hyssopum quo-  
dam *asperges*, illudi potius quam baptizari. Ac recens baptizati quasi in-  
susceptæ fidei præmium navis ergastulo incarcerationum, non illinc extra-  
hendi, nisi nudi ad metalla & certam mortem deputati.

## §. II.

E regione licitam esse Nigrorum mancipationem & servitutem sua-  
detur 1. Quia multi primò fiunt sclavi in bello justo, tum quod aliquan-  
do geritur Europæos inter & Africanos, tum quod ab Africanis inter se.  
*Mutant subinde loca*, scribit Maseus de Nigris (a), non per vicos & op-  
pida, sed per familias plerumque dispersi. Eæque familiæ sæpè inter se  
propter inopiam de aquatione & pastinatione *decertant*. At bella ejusmo-  
di inter familias independentes mota pro rerum communium usu utrim-  
que justa esse possunt, & alterutra ex parte justa sunt necessario, & con-  
sequenter justa est debellatorum servitus.

Multi venduntur, qui justè occidi poterant ob delicta. Nec obstat  
quod hæc interdum levia sint nam possunt per accidens usque adeo gra-  
vificari, ut capite sui debeant, si nimirum leviorum impunitas vel levior  
pœna gravia inferret & communia damna; hac enim ratione miles occi-  
ditur propter culpam secundum se levissimam. Idque maxime locum ha-  
bet inter Æthiopes, apud quos vita vili habetur; solent quippe illorum  
facilius quam boum greges in macello occidi ad vivorum alimoniam,  
vel ad mortuorum, ut illi putant, solamen: nec quidquam habent quo  
leve furtum compensent præter vitæ pretium & servitium personale.

Venduntur plures à semetipsis pro pretio aliquando vili. Si tamen  
absit fraus & docus, non est cur ex eo vitietur contractus, cum quisque  
dominus sit suæ libertatis, præsertim cum in libertate nudè vivant & fa-  
melici, in servitute panes habeant & pannos, quibus utcumque vestian-  
tur. Et licet Jure Cæsareo, & Regio Hispano (b) ad valorem contra-  
ctus, quo quis vendit se, requiratur, ut is, quæ venditur sit viginti an-  
norum.

(a) Mas. Ber. Indic. lib. 1. (b) Leg. 1. tit. 11. Partis. 4.

norum ætate major, sciat se esse liberum, idque sciatur ab emptore, atque ut de pretio participet, si ab altero se vendi permittat; sed his conditionibus quatenus humano jure requisitis non est opus in contractibus Juri Cæsareo vel Regio una saltem parte non obnoxiiis, de quo vide P. Molinam (a).

Accedit quod parentes in illis miseris regionibus sunt sæpè in gravi necessitate constituti, tum propter famem, tum propter debita, quæ non sunt solvendo: propter quod in discrimen amittendæ vitæ vel libertatis conjecti sunt apud suos infeliciores fato. Licitum verò est parenti filium non emancipatum vendere in gravi necessitate jure naturæ, & colligitur ex cap. 21. Exodi.

Item: sæpè Æthiopes jure vel injuria occidendi erant, tum in pœnam, tum in sacrificium idolo aut ventri litatum. At verò commodum illis est quod pretio eruantur à morte in eo casu, neque videtur ullus teneri ex justitia sic emptum vel potius redemptum manumittere. Imo neque ex charitate teneri videtur, tum quia nemo tenetur gratis extreme indigenti succurrere, quando ille serviendo vel alio modo potest compensare quod in sui subventionem collatum est; tum quia majus bonum est sclavo infideli servitus christiana, quam libertas in infidelitate permanentis. Ergo non peccat contra charitatem qui sclavum per media non injusta acquisitum in servitute retinet: præsertim quia multi eorum sunt, quibus libertas exitialis est.

Qua ratione P. Sanchez (b) quærens an sit opus pium concedere servis libertatem, respondet ex Simanca, *Quod licet jura faveant libertati*, at cum omnes ferè servi hodie stolidi ac improbi sunt, nec pium nec utile est, nisi fortè servi sint boni, & industria sua faciliè alimenta quærere possint, aliter enim sunt otiosi & fures, ac in carceribus & fureis vitam finiunt.

Tandem multi sunt apud suos jam sclavi, quorum etiam filii à domino sine injustitia vendi possunt. Ex quibus inferitur contra primam ex præcedentibus rationem, præsumptionem stare pro justitia mancipationis Æthiopum, cum tot sint tituli ad licite vendendos, & multo plures justæ quam injustæ venditiones.

2. Quia cum hoc commercii genus agatur à christianis, à quibus ratio æqui & juris habetur, non præsumitur, nisi probetur, injustitia: & non satis probatur ex eo quod aliqui injustè egerint. Etiam injustitiæ plurimæ committuntur in mercium reliquarum commutatione, & tamen licitè commutantur quando in particulari non constat de injustitia. Et esset durissimum in quovis contractu contrahentem obligare ad examinandum quo jure & quo titulo merces acquisitæ sint à vendente, & an sit ille verus earum dominus. Hac ratione Panamensis Auditor Carrasco (c) ait: *No es necesario examinar entre nosotros si el cautiverio de*  
un

(a) Molina, tom. 1. De Just. 10. 2. D. 33. (b) Sanchez, lib. 2. Consil. cap. 1. Dub. 10.

(c) Carrasco, Ad leg. Recop. cap. 3. §. 2. num. 13.

un negro es justo ò no , porque se presume justa la venta mientras no consta de la injusticia.

3. Quia revera non sine examine fit prima per christianos emptio mancipiorum. De Lusitanis , qui soli ferè hoc commercii genus tractabant olim , ex mercatorum relatione testatur P. Molina , interrogationes quasdam & protestationes fieri coram notario de jure quo extrahebantur Æthiopes , etsi diffidat de diligentia & exactitudine in interrogando .

Simile quid usu venire in coloniis asiaticis tam Hispanorum , quam Anglorum , constat ex iis quæ refert P. Murillo (a) : *Cum quondam* , inquit , Judex libertatum & servitutum hîc (Manilæ) constitutus judicaret de justificatione hujus servitutis , consultus fui , & cum vidissem mercatores titulos asferre , quibus Episcopus Meliapurensis in judicio contradictorio cum promotore fiscali harum causarum habito , declarat talem Æthiopem aut Malabarem esse servum ex titulo justo , judicato ut tali in Anglorum Tribunali Madrahestensi , statim respondi tales etiam hîc ut servos censendos esse . Et ita olim responderat D. Antonius Mõrga Senator Manilensis , & postea Præses Quitensis , de quo vide Solorzanum (b) .

Etiam à barbaris mercatoribus , iis præsertim quibus *Mandingos* , & quibus *Juncos* nomen est , aliquem manu capiendorum haberi delectum , refert laudatus Abbas Prevost (c) . De Anglis proditur idem apud eundem (d) : Les Anglois achètent aussi beaucoup d'esclaves des païs même qui bordent la riviere (de la Gambia) . Ces sont ordinairement ou des prisonniers de guerre , ou des criminels condamnés , ou des habitants en levés par la perfidie de leur voisins . Mais quoique les derniers soient en assez grande nombre , les Agens de la Compagnie ont ordre de ne les pas acheter sans avoir averti l'Alcalde ou le Chef du lieu . . . . Depuis que le commerce des esclaves est introduit , toutes les punitions des Nègres se réduissent al esclavage .

### §. III.

In re difficili & periculosa certum est primò , non esse licitum quemquam sclavum facere eo solum ut christianus fiat ; Christus enim non vult christianos fieri per injuriam . Secundò , ex injuriis & sævitia particularium dominorum sclavos insolitis laboribus opprimendum , & ex scandalo offensioneve infidelium interdum contingente non infertur illicitam vel injustam fuisse mancipationem , ut patet , nam omnia illa succedere possunt , dum sclavus justo bello capitur . Peccatum erit tunc non in mancipando , sed in herilis potestatis abusu . Tertiò , qui sclavum emit , tenetur examinare , an venditor licitè vendat , quia tenetur examinare an ipse licitè emat : quod idem seu correlativum est . Excipe nisi ex vendentis qualitate , vel aliunde justificatio contractus nota sit , tunc enim locum habet quod supra docuit Carrasco .

Quar-

(a) Murillo , l. 4. *Curf.* t. X. n. 99. (b) Solorzan. tom. 2. *De Ind. Jur.* l. 3. c. 7.

(c) Prev. *Hist. des Voi.* pag. 529. (d) *Ibid.* t. 3. lib. 7. cap. 8. ann. 1735.

Quartò, qui sclavum emit bona fide, licèt dubium emptioni jam factæ superveniat, non illicò tenetur manumittere captum, quia in dubio melior est conditio possidentis. Eadem, inquit P. Sanchez (a), est ratio, si emisti à possessore bonæ fidei, cujus ad te transfertur jus. Quintò, qui emit dubia fide, tenetur inquirere donec dubium deponat, constetque vel de justitia mancipationis, quod hñc est difficile, vel de bona fide possessoris præcedentis, quod est ubique facile; nam ad concludendum de bona fide alicujus, multum valet præsumptio & argumenta negativa.

Sextò, cum sit moraliter impossibile in America scire quid circa rem propositam in particulari casu factum sit in Angola, sat moraliter est ad deponendum dubium, quod mercator sive catholicus sive acatholicus, qui quidem de civili fide suspectus non sit, testetur de justitia acquisitionis. Ratio est, quia justitia vel injustitia facti rei propositæ stat quasi in æquilibrio per rationes dubitandi contrarias. Testimonium verò circa individuum factum unius hominis fide digni ad justitiam facti præponderat, quantum sufficit ad judicium in foro conscientiæ firmandum, quando alia indagandæ veritatis ratio non suppetit.

P. Avendaño (b) vult, injustitiam hujus contractus sive commercii esse moraliter certam, aut certè talem esse probabilitatem de injustitia, ut dubium ferè vincat. Ex quo principio primùm impugnatur P. Stephanum Fagundez, Thomam Sanchez, & Molinam, quatenus oppositæ favent opinioni. Deinde ait, non solum esse illicitum, mancipationum copiam ex Africa comportare, sed etiam unum vel alterum, quamvis plures jam bonæ fidei dominos habuisset, emere aut vendere. Post quæ jacta fundamenta resolvit conclus. 5., quod emptio dicta in Indiis aliquatenus justificari potest. Hæc autem resolutio, nisi author diffiteatur principia à semet statuta, firma esse nequit, nec tuta nisi deponat judicium de injustitiæ certitudine, ut patebit consideranti ejus rationes.

Prima est, quòd aliqui doctores censent, non esse damnabile hoc commercium. At hi doctores illi sunt quos ipse confidenter impugnaverat. Secunda, quòd ita est communi praxi receptum, Episcopis etiam, & viris religiosis sine scrupulo procedentibus. Addi potest, praxim esse, non tantum Hispanis, sed cunctis etiam christianis nationibus, qui colonias habent; communem, è quibus Galli in una Sancti Dominici colonia, ut refert Charlevoix (c), habent Africana mancipia centum millia. At Avendaño ipse contra Molinam (d) dixerat, Principis permissionem & subditorum consensum non sufficere, etiam verbis & factis probatum, ut venditio justificetur.

Tertia, quòd Princeps non tantum permittit ut emanent, sed emit ipse: cujus exemplum sequi integrum est vasallis. Dici potest, emi à Principe, seu ejus nomine, quia emptoribus non innotuit injustitia, ut  
obji-

(a) Sanch. l. 1. Consil. c. 1. D. 4. n. 15. (b) Avend. tit. 9. Thesaur. cap. 12. præsertim n. 184. (c) Charl. Hist. de S. Dom. apud Trevult. anno 1731. art. 3. (d) Avend. loc. cit. num. 194.

objiciens ipse responderat. Si tamen injustitia usque adeo certa sit, non est integrum vassalli ullius exemplum sequi. Quarta, quia Episcopi excommunicatione castigant mancipia furantes. Responderi potest, quod author subdit, id agere Episcopos, quia jus herorum certum reputant; non facturi si injuriam certam reputarent. Præterquamquod furtum etiam rei malè comparatæ pœnis ecclesiasticis dignum est.

Quinta, quod mancipia ista multis videantur ad serviendum nata. Quid hoc sibi vult? Nata esse ad laborem? Omnis homo natus est. Esse natura servos? Hoc est certò falsum; naturâ quippe omnium *Dominus unus est in cœlis* (a). Et contradicentium opinio, si verè docti sunt, trahi potest ad sensum à P. Acoſta (b) explicatum dum ait: *Quod usque adeo certum habuit Philosophus, ut barbaros homines parere nolentes bello etiam domare justum natura decernat. Quod nos ita temperamus, ut capi quidem aut cædi, aut profligari nequaquam sinamus, propterea quod naturalem servitutem nullam agnoscimus, sed tamen melioribus & sapientioribus pro sua salute regendos ac docendos non illiberaliter committamus.*

Si autem velit Avendaño, Æthiopum libertatem in hominum etiam suorum existimatione villiorem esse aliorum libertate, non naturâ, sed conditione, quatenus vita etiam apud eam gentem vilior est, & facilius amissibilis quam aliàs, verum habet & probat, minore titulo vel pretio villiorem quam aliàs licere primam in Angola mancipationem juxta supra dicta; minimè tamen probat eam licere nullo titulo, vel non alio quam qui à natura gentis desumitur, vel licere stante morali certitudine, aut tanta de injustitia probabilitate, quæ certitudini comparetur.

Sexta, quòd pro Indiarum conservatione necessaria sunt ejusmodi mancipia. Ergo *dispensari potest cum aliquo requisito juris gentium, ne res christiana collabatur ibi*. Non meliora sunt hæc, nam quisque suarum rerum & libertatis suæ dominus est, quandiu lege vel publica authoritate non privatur, non jure gentium, sed jure naturæ, quod non est dispensabile. Nec potest licitè tota Indiarum conservatio per minimam injuriam proximo factam procurari, sicut de fidei promulgatione dixerat author.

Ultima, quòd asportatio Nigrorum impediri nequit, quippe à Rege permissa, & authorizata. Si verò asportandi sunt, expedit ut asportentur sine libertate, ut alioquin futura mala gravissima vitentur. Accedit, quod servitus non est nimis molesta, nam inter laborandum lætabundi tripudiare solent. Hoc rectè habet, cum nihil certò moraliter injustum committatur; alioquin neque convenientiæ multiplicis ratio, neque malorum evitatio, neque miserorum lætitia in adversis, nec quavis autoritate munita permissio, injustè ablatam reparant libertatem.

Dicendum igitur est, minimè certam esse injustitiam æthiopici mercatus, quam prætendit Avendaño, quamvis sit certò periculosus. In dubio

(a) *Ad Ephes. 6.* (b) *Acoſta, De proc. Ind. sal. lib. 2. cap. 13. fine.*

bio tamen jus suum stat ementi aut possidenti cum relatis conditionibus. Supposita vero iustitia in rei summa, seu in intrinseca dicti commercii natura, multum juvat ad confirmandam de æquitate contractûs sententiam, quod rigor juris in Æthiopum indicana servitute mitigatus valde est; acceptis enim alimentis & quibus vestiantur ipsi & ipsorum proles ex heri bonis, multa sibi in proprium commodum comparare possunt sclavi. Et horas & dies vacationis à labore integros habent ad proprios labores, usus, & lucra, in quibus suismet heris, vel aliis locare possunt operas pro mercede. Alibi consignant hero lucri facti partem, reliqua sibi jure retinent: ut in Cuiabaënsibus Paraguarix proximis auri fodinis, seu potiùs auri lavacris, ubi Æthiopes singuli per hebdomades hero reservant ses-qui octavam, idest tres pesos auri infecti, quo utuntur in contractibus pro signato; reliquorum, quæ lucrifacere possunt, domini ipsi sclavi sunt. Ita ut si victus simplicitatem honestarent, quod rarum est, recti & culti mores, videre esset, quod notavit Charlevoix ubi supra sub apparente miseria veram felicitatem.

## ORDINATIO CDI.

Anno 1683. 13. Maji.

**C**onfirmatur decretum Ministri Generalis Ordinis S. Francisci de Ob-servantia circa abrogationem Commissariorum Europæorum, & circa Judices appellationis in provinciis S. Antonii, & Conceptionis B. M. Virginis in Brasilia. Extat in Bullar. Rom. tom. 8. C. 125. Innocentii XI. Incipit *Admonet*.

## ORDINATIO CDII.

Anno 1683. 9. Jul.

**S**acra Congregatio confirmavit Alternativam in Provincia Limana, & Charcarum Ordinis S. Francisci. Idque approbavit Innocentius XI. 7. Septembris hujus anni per Const. *Exponi*. Et 4. Octobris confirmatæ sunt litteræ patentes Ministri Generalis & Card. Protectoris circa executionem. Extant ibid. C. 129. & 132.

## ORDINATIO CDIII.

Anno 1683. 3. Octobr.

**C**onfirmat decretum Sacræ Congregationis Concilii 28. Aug. 1683. factum ne Religiosi (I) nullitatem professionis prætendentes audiantur transacto quinquennio, nisi obtenta prius à Sancta Sede in integrum restitutione, & retento religionis habitu: injunctoque Ordinariis Regni Peruanæ, ut dispositionem Concilii Tridentini (II) c. 19. *sess. 25. De Regularibus* omnino servant. Extat ibidem Const. 133. Incipit *Nuper pro parte*.



## ADNOTATIONES.

(1) *Ne Religiosi*. Dubitaverit quis an audiendi essent Religiosi Societatis transacto quinquennio post biennii vota, sed nondum transacto post quatuor votorum solemnem professionem. P. Pellizzarius (a) ait, decreto Tridentini comprehensos Jesuitas: quod non dubitatur. An verò quinquennium deberet computari à prima votorum substantialium nuncupatione, an à professione solemni, non determinatur in Tridentino. Et videtur utrumque posse intelligi, ita tamen ut qui nullitatem evinceret professionis solemnis, votis substantialibus ut primò nuncupatis esset obligatus, nisi aliunde illorum etiam constare faciat, & intra tempus habile, nullitatem, scilicet intra quinquennium à prima illorum nuncupatione. Vide Castropalaum (b), & Suarez (c).

(II) *Dispositionem Concilii*. Scilicet, ut extra casum hac constitutione expressum non audiatur; sed intra quinquennium à die professionis. Et tunc non aliter nisi causas deduxerit coram superiore & ordinario. Quod si antea dimiserit habitum, non admittatur reclamatio, sed ad monasterium redire cogatur, & tanquam apostata puniatur, neque ullo interim suæ religionis juvetur privilegio. Quando vero locum habeat decretum Urbani VIII., ut causæ deduci debeant, non coram superiore & ordinario, sed coram S. Congregatione, explicat Pellizzarius loc. cit. Vide Const. Si datam Benedicti XIV. 4. Non. Martii 1748.

## ORDINATIO CDIV.

Anno 1683. 2. Dec.

**D**ominicus Maria Cursius Protonotarius Apostolicus & Litterarum Apostolicarum executor, exhibito Brevi Sixti V. anni 1586., ut Custos Custodiæ Brasiliensis uti possit privilegiis Minoribus concessis in Brasilia & Peruvio; & Brevi Clementis VIII., ut nequeant assumi ad dignitates in provinciis Indiarum Ordinis S. Francisci, [qui non sunt illorum alumni vel ritè incorporati; Brevi Urbani VIII., ut Ministri Provinciales mittere possint Commissarios ad Capitulum Generale; Brevi ejusdem Urbani, ut missio & incorporatio in provinciis Indiarum fiat nominando personaliter quemlibet religiosum; Brevi Alexandri VII. erigentis in provinciam Brasiliæ custodiam; Brevi Innocentii XI., ne ad provinciam S. Antonii & provinciam Conceptionis mittantur visitatores ex Europa; Brevi Leonis X. 1521. 25. April., quo Fratribus in eo nominatis conceditur omnimoda potestas; Brevi Adriani VI. dato Cæsaraugustæ 10. Maji 1522.; Brevi Pii V., quo Fratribus datur potestas obeundi munus parochiale; Gregorii XIII. 15. Jul. 1580., ut in oriente pos-

(a) Pellizz. Tr. 3. Man. Reg. c. 5. n. 34. (b) Castrop. tom. 3. tr. 26. D. 2. P. 7. n. 2.  
(c) Suar. tom. 4. De Rel. 17. 10. l. 3. c. 8. n. 6.

possint Custodes per se vel per alios absolvere professos, novitios, & conversos ab omnibus delictis etiam contentis in Bulla. Cœnæ præter hæresim, conspirationem in Romanum Pontificem, injectionem manuum violentarum in prælatos, delationem prohibitorum ad infideles, falsationem litterarum apostolicarum: utque prædicatores & confessores semel præsentati non teneantur, nec cogantur præsentari iterum coram ordinario vel successore; Brevi Sixti V. 15. Nov. 1587., ut Minister provinciæ S. Gregorii possit erigere domos in quibuscumque terris & determinare duas festivitates, in quibus fideles plenariam indulgentiam consequantur. His, inquam, exhibitis Brevibus, prædictus Protonotarius decernit observantiam deberi, & ad unguem esse adimplendam. Extat illius Monitorium in Bullario Luxemburgensi inter Innocentii XI. constitutiones num. XV. Sed cum sit, ut se nominat Cursius, merus executor litterarum apostolicarum, cui ut tali jus nullum est quassata revalidandi, omnium significatorum Brevium credendus est observantiam decernere, quatenus vigeant, neque per constitutiones alias revocata vel restricta sint.

## O R D I N A T I O CDV.

Anno 1684.

**U**T cum nulla in toto regno Chilensi reperiatur universitas Studii Generalis, Prior Provincialis Ordinis Prædicatorum, vel eo absente Prior Conventus Rosarii Sancti Jacobi quibuscumque studiosis, qui Philosophiæ aut Theologiæ Moralis, aut Scholasticæ Cursum peregerint, dummodo prævio riguroso examine reperiantur idonei, gradus scholasticos in prædictis scientiis conferre valeat ad quindecim annos. Extat in archivio Collegii Cordubensis, quod fuit Societatis Jesu in Tucumania. Incipit *Exponi*. = Et 30. Sept. hujus anni prodiit constitutio alia qua idem conceditur sine termino quousque aliqua studii generalis universitas in Regno Chilensi erigeretur. Extat ibidem, incipitque *Emanarunt*. Ibidem etiam extat de Senatus Regii permissione fides. Ea tamen lege permittitur hujus facultatis usus, ut gradus conferri nequeant iis, qui ab alia Religione reprobentur: nec possint conferri publicè & solemniter, sed claustraliter.

## O R D I N A T I O CDVI.

Anno 1685. 26. Mart.

**I**nnoctentius XI. confirmavit decretum Sacræ Rituum Congregationis 10. Februarii hujus anni ad favorem Patrum Dominicanorum tum quoad præcedentiam supra Patres S. Francisci de observantia in omnibus actibus publicis & processionibus, tum quoad jus peragendi processionem in Dominica infra octavam Corporis Christi privativè quoad Patres Franciscanos, & signanter in civitate Quitensi. Insuper declarato, licere Patribus Franciscanis eadem die infra octavam Corporis Christi facere processionem intra claustra Conventus & ecclesiæ. Extat in Bullar. Rom. tom. VIII. C. 152. Incipit *Emanavit*.

OR-

## ORDINATIO CDVII.

Anno 1685. 11. Apr.

**O**Mnia privilegia concessa collegio & universitati Sancti Thomæ Malenensis, communicantur universitatibus dominicanis Sanctæ fidei, & Quitensi. Extat ibid. C. 154. Incipit *Exponi*.

## ORDINATIO CDVIII.

Anno 1686. 28. Jun.

**C**onfirmantur statuta quædam Ministri Generalis Ordinis Seraphici à Card. Protectore approbata circa missionum seminaria in Hispania & Indiis. Extat ibidem Const. 170. Vide infra Ord. 410.

## ORDINATIO CDIX.

Anno 1686. 20. Jul.

**Q**uando in missa solemnè concionator post salutationem angelicam salutatur ministros altaris seu facit reverentiam, non est incongruum, si ministri altaris & ipse celebrans correspondeant salutationi discooperiendo caput. Ita respondit Sacra Rituum Congregatio in Angelopolitana, & refert P. Cavalieri (a).

Eodem anno 17. Augusti confirmata sunt decreta quædam Capituli intermedii Fratrum S. Joannis de Deo Hispaniæ & Indiarum. Ex Bullar. Rom. C. 172.

## ORDINATIO CDX.

Anno 1686. 16. Oct.

**N**Ova decreta confirmantur pro erigendis, regendisque seminariis missionum Ordinis S. Francisci in Hispania, & Indiis occidentalibus. Extat in eod. Bullar. C. 176. Incipit *Ecclesia*. In his decretis quod ad aliarum constitutionum indicarum materiam pertinet, est illud: *Et quia* speramus, quod Dei aspirante gratia per hos verbi Dei ministros plurimum gentilium populi ad fidem sint convertendi, quorum neophytos in accepta fide conservare, eisque sacramenta ministrare necessarium est, ordinatur ut in conversis populis aliqui ex præfatis missionariis ad prædicta observanda remaneant, monito Guardiano seminarii, & ab eo licentia obtenta: qui semper ejusdem Guardiani subditi manebunt, & ejus correctioni subiecti.... In cura animarum sic conversarum ad fidem tandiu solummodo poterunt remanere, quoadusque Episcopo, ad quem terra pertinet vel in posterum pertinebit, placuerit presbyteros seculares, quibus ani-

---

(a) Cavalieri, tom. V. Posthum. cap. XI. De Sacrif. Missæ.

animarum curam committat, designare. Quandiu verò missionarii in prædicta cura remanserint, nihil ex titulo curatorum vel doctrinarum possint accipere, sed præcise ex emendicatis elemosynis, vel ultro oblatiis vivere debent.

## O R D I N A T I O CDXI.

Anno 1687. 26. Mart.

**C**onfraternitatem Bethleemitarum in Congregationem sub regula S. Augustini & propriis constitutionibus instituit Innocentius XI. Easdem constitutiones confirmat. Congregationem, hospitalia, ecclesias, & personas à correctione, & jurisdictione ordinariorum eximit, ac sub immediata Sanctæ Sedis protectione, & subjectione suscipit. Liberat à solutione quartæ funeralis, tam sæcularibus quam regularibus ecclesiis parochialibus, aliisque locis piis, etiam doctrinæ populi Indorum debitæ. Declarat etiam, ejusmodi exemptionem suffragari quoad hospitalia erigenda, personas commorantes & inservientes intra septa, dummodo sepeliantur in ecclesiis prædictorum confratrum, & dictæ ecclesiæ aliàs habeant cimiterium. Confratribus concedit, ut possint SS. Eucharistiæ Sacramentum in ecclesiis dictorum hospitalium conservare, utque Sacramentum poenitentiae, eucharistiæ, & extremæ unctionis administrari valeat infirmis, & aliis personis supra expressis per capellanos hospitalium, dummodo intra septa commorentur. Utque liceat dictis capellanis in dictis ecclesiis missas & divina officia celebrare, etiam in hebdomada majori. Et confratribus poenitentibus & confessis, & sacra communione refectis, in die ingressus in ejusmodi societatem, plenariam: & iisdem, ac infirmis morientibus in dictis hospitalibus, & personis inservientibus, in articulo mortis, si poenitentes, confessi, & sacra communione refecti, vel quatenus id facere nequiverint, saltem contriti nomen *Jesu* ore, si potuerint, sin minus corde invocaverint, plenariam. Ac omnibus Christi fidelibus confessis, & sacra communione refectis, qui aliquam ex ecclesiis dictorum confratrum in duabus tantum festivitibus per ordinarios locorum semel tantum assignandis à primis vespers usque ad occasum solis festivitatum annis singulis visitaverint, & ibi oraverint, qua festivitate id egerint, etiam plenariam indulgentiam concedit. Extat ibid. C. 181. Incipit *Ecclesiæ*. Vide Ord. 453.

## O R D I N A T I O CDXII.

Anno 1687. 15. Maji.

**D**ecreta quædam Capituli Generalis Ordinis B. M. de Mercede confirmantur. In his, ne possint Vicarii Generales Indiarum instituere Visitatorem aliquem, qui non sit ut minimum præsentatus, nec conferre honorem vel officium religioso alicui, nisi post completum quinquennium à die adoptionis in filium illius provinciæ, in qua officium vel honorem consecuturus sit. Ex eod. Bullar. C. 187. Incipit *Militantis*.

OR.

## ORDINATIO CDXIII.

Anno 1687. 18. Jun.

**E**rectionem Universitatis Guatimalensis (1) factam à Carlo II. confirmat cum facultate conferendi gradus in omnibus scientiis. Eamque ornat privilegiis omnibus Universitatum Limanæ (II) & Mexicanæ, servata in omnibus forma Concilii Vienenfis & Tridentini. Extat ibid. C. 183. Incipit *E suprema*.

Forma in Concilio Vienenfi præscripta est in *Clem. 2. tit. De Magistris*, ibi: *Illis*, ad quos ubilibet pertinet honorem tribuere (magisterii, & doctoratus) districtè præcipimus, ut quoscumque ab eis dictum recipientes honorem juramento prius adstringant, ne ultra tria millia turo-nensium (III) argeñteorum in solemnitate circa hujusmodi doctoratum aut magisterium quomodolibet adhibenda expendant. Ipsos nihilominus (nisi fortè notabilis conditionis existant) ut infra summam prædictam ejusmodi moderentur expensæ, efficaciter exhortantes. Ac si hoc illorum statui congruere viderint, juramentum exigentes ab eis, quod certos infra summam præfatam taxandos ab ipsis expensarum terminos non excedant. Siquis autem pontificali etiam dignitate præfulgens, non recepto prius juramento præfato, honorem cuiquam tribuerit supradictum, à collatione magisterii seu doctoratus cujuslibet per sex menses sequentes eo ipso noverit se *suspensum*. Neque aliud in Concilio Vienenfi de præsentis Ordinationis argumento reperi præter id quod in *Clem. 1. ibidem* decernitur quoad erectionem cathedræ linguarum in certis Universitatibus.

In Concilio Tridentino plura circa Universitates & Gradus decreta sunt. Nominatim *sess. 5. cap. 1. De Reform.*, postquam egerat de instituendo Sacræ Scripturæ lectore in ecclesiis, monasteriis, & publicis gymnasiis, statuit, ut *Docentes* ipsam S. Scripturam, dum publicè in scholis docuerint, & scholares qui in ipsis scholis student, privilegiis omnibus de perceptione fructuum, præbendarum (IV), & beneficiorum suorum in absentia à jure communi concessis planè gaudeant. *Sess. 7. cap. 13. De Reform.* excipiuntur præsentati ab Universitate Generali, ne teneantur Ordinariorum examen ad beneficia subire, quamquam hæc exemptio Barbofæ videtur ablata (a) per *cap. 18. sess. 24. De Reform.*, ubi de ecclesiis parochialibus sermo est, ad quas omnibus subeundum est examen, quin obstant Universitatum privilegia. Universitates Generales excipiuntur *sess. 14. cap. 5.*, dum agitur de restringenda conservatorum jurisdictione. *Sess. 22. c. 2. De Reform.* decernitur, ut promovendus ad Ecclesias Cathedralis in Universitate magister vel doctor sit, aut licentiatum in Theologia vel Jure Canonico merito sit promotus, aut publico alicujus Aca-demiæ testimonio idoneus ad docendum alios ostendatur. Idemque decernitur *sess. 23. cap. 18.* de iis quibus Scholastia conferenda sit. *Sess.*

25.

---

(a) Barb. *Collectan. in hunc Trid. loc.*

25. cap. 6. *De Reform.*, ubi Episcoporum definitur jurisdictio in causis ecclesiasticis, salva declarantur Universitatum privilegia. Statuitur tandem *sess.* 25. cap. 9. *De Reform.*, ne Universitas, de cujus patronatu sit beneficium, in ejus fructus, obventionesve percipiendas se ingerat, sed ea beneficiato relinquat.

ADNOTATIONES.

(1) *Universitatis Guatimalensis*. Jam à Philippo IV. erecta erat Universitas Guatimalæ, sed ordine inferior eâ cujus nunc confirmatur erectio. De illa sic habet Jus Indicum (a): *En las ciudades de Santo Domingo de la Española, Santafe del Nuevo Reino de Granada, Santiago de Guatemala, y Manila de las Islas Philippinas, está permitido que haia Estudios y Universidades, y que se ganen cursos, y que se den grados en ellas por el tiempo que ha parecido conveniente, para lo qual hemos impetrado de la Santa Sede Breves y Bulas, y les hemos concedido algunos privilegios, y preeminencias. Mandamos, que lo dispuesto para los dichos Estudios y Universidades se guarde y observe sin exceder en ninguna forma. Y lasque fueren por tiempo limitado acudan à nuestro Consejo de las Indias à pedir prorogaciones, donde se proveera lo que fuere conveniente: y no las teniendo, césse y se cábe el ministerio de tales Estudios.*

(II) *Limana, & Mexicana*. Consequenter privilegia & prærogativæ Salmanticensis Academiæ communicantur Universitati Guatemalensi, quantum est ex præsentè Ordinatione juxta legem 1. tit. 22. lib. 1. Juris Indici: *Concedemos à todas las personas que en las dichas Universidades (de Lima y Mexico), fueren graduados que gozen en nuestras Indias, Islas, y Tierrafirme del Mar Oceano de todas las libertades y franquezas de que gozan en estos reinos los que se gradúan en la Universidad de Salamanca, assi en el no pechar, como en todo lo demas. Y en quanto à la jurisdiccion se guarde la lei 12. de este libro. Ubi nota, non per omnia coæquari Salmanticensi Universitates Indicas, sed quoad graduatos, cum plura concessa sint Magistratui Academico Salmanticensi, & Scholaribus albo inscriptis, quæ non sunt communia Universitatibus transmarinis attenta præsentì lege. Vide P. Mendo (b) tractantem latè de privilegiis concessis Universitati Salmantinæ, quorum aliqua dedi supra Ord. 131.*

(III) *Tria millia turonensium*. *Ascendunt*, dicitur in Glossa ejus loci (c), ad quingentas libras bononeorum parvorum, ponendo turonensem pro duobus venetis, vel quadraginta bononeis parvis, ut valere *con-sueverunt*. D. Du-Fresne (d) ex antiquis tabulis deducit turonenses argenteos de S. Ludovici lege esse undecim denariorum & oboli, & quinqua-

(a) *Leg. 1. tit. 22. lib. 1. Recop. Ind.* (b) *Mendo, lib. 1. De Jur. Acad. q. 7. §. 2.*  
(c) *Gl. in Clem. 2. De Mag. V. Argentearum.* (d) *Du-Fresne, Glossar. Lat. V. Turonenses.*

quaginta septem minus tertia parte unius ponderare unam marchiam ad pensum Montis-Pessulani.

III. Covarrubias (a) rationes init enucleatius, dum ait: *Hi numi* variè ab interpretibus æstimantur. Sed in *Extrav. 1. De Censib. inter Commun. §. Porro.* ita examinantur, ut duodecim argentei turonenses unum efficiant florenum florentinum aureum. Hic tamen florenus florentinus aureus major videtur floreno aragonio octava ex parte ex leg<sup>6</sup> 62. Henrici II. Tauri statuta æra 1407. At florenus aragonius octo valet ferè numos argenteos castellanos regales. Ex quo, & ex iis quæ tradidere Bartolus (b), & Alciatus (c), poterit florenus florentinus novem argenteis numis castellanis regalibus æstimari. Sic sanè argenteus turonensis, cujus mentio fit in Clem. 2., erit minor ferè quarta parte argenteo regali castellano, qui drachmam argentei appendit. Qua ratione undecim ferè argentei turonenses efficiunt unam argentei unciam: & ideo quilibet turonensis argenteus æstimabitur viginti quinque æreis nostris marapetinis. Idcirco Panormitanus in dicta Clem. 2. tria millia turonensium argenteorum, de quibus illic traditur, ad biscentum & quinquaginta florenos de camera deducit, existimans hanc esse veram illorum æstimationem. Quapropter juxta illam constitutionem nemo poterit in doctorali gradu, adipiscendo expendere ultra biscentum simplices aureos & ducatos Castellæ, quorum quilibet undecim numis regalibus argenteis æstimatur.

(IV) *Præbendarum.* Sermo est de fructibus, non de distributionibus, ut notat Castropalaus (d) dicens: *Dixi* in principio sic docentes (publicè theologiam, vel jus canonicum in aliquo Studio Generali) & studentes consequi fructus præbendæ, non distributiones; quia ita habetur *cap. Licet, De Præbend.*, & in Eugeniana pro Universitate Salmantina concessa: & pluribus declarationibus confirmat Garcia & alii. Solum est dubium, an si beneficium constet tantum distributionibus quotidianis, eas lucretur absens ratione studii? Aliqui negant cum Bonacina. Ratio esse potest, quia solum est facta concessio fructuum præbendæ demptis distributionibus. Ergo si præbendæ nullos habeant fructus, nulla est concessio. Nihilominus tenendum est lucrari omnes distributiones dempta tertia parte; tum quia illæ distributiones loco fructuum succedunt; tum quia privilegium esset inutile iis beneficiatis; tum quia sic est declaratum à Congregatione, ut testatur Quaranta.... Barbosa (d). Hucusque Castropalao.

Verum ex authoribus, quos citat Barbosa, quem tantum videre licuit, non testatur de tali Congregationis declaratione, sed allegat tantum Riccium & Garciam dicentes, quod quando præbenda est tenuis, & fructus omnes consistunt in distributionibus, absens ratione studii lucratur etiam distributiones dempta tertia parte. Gonzalez (f) duas refert S. Congregationis declarationes: alteram, quod absens ratione studiorum non percipit distributiones, quamvis sit absens de licentia Papæ; alteram, quod

(a) Covarr. *Veter. numism. collat. c. 3. n. 8.* (b) Bartol. in l. Pauli ff. De Solut. col. 1.

(c) Alciat. lib. 3. Disp. cap. 9. (d) Castrop. tom. 2. tr. 7. D. 3. P. 9. §. 9.

(e) Barb. 3. P. De Pot. Ep. Alleg. 56. n. 20. (f) Gonz. Ad Reg. 8. Cancell. §. 7. Prox. n. n. 180.

quod Canonicus lector S. Scripturæ in qualibet Ecclesia juxta formam cap. 1. sess. 5. Trid., illas percipere debet ex speciali condonatione Gregorii XIII. Quam utramque declarationem etiam refert P. Sanchez (a). Declarationem de Canonico doctore seu professore Canonum vide supra Ord. 268.

Jus Indico-Hispanum (b) generaliter habet: *Encargamos* à los prebendados, que no consientan que ningun prebendado à titulo de catedra ni de letura falte à sus *horas*. Sed potest intelligi de absentia contra jus & decreta Tridentini ex eo quod habetur in fine legis ejusdem: *No se le acuda con los emolumentos y distribuciones, de que conforme à derecho y Santo Concilio de Trento no debe gozar*. Aliter conciliare jura hæc nititur Solorzanus (c) dicens: *Me parece* se debe entender, que no se excusen en todos los dias y horas, pero si en aquellas que fueren necesarias para su *ocupacion*. Melius fortè conciliaverit jura hæc qui dicat, excusari ab assistentia in choro Canonicum, qui præbendam habeat institutione lectoralem, non illum qui per accidens lector sit in Universitate. At præbendæ lectorales in ecclesiis Indiarum paucæ sunt, vel fortasse nullæ.

## ORDINATIO CDXIV.

Anno 1688. 22. Jan.

Confirmatur decretum Capituli Generalis Ordinis S. Augustini, ut in Provincia Peruana duodecim sint magistri de numero. Nempe de Americanis, quorum major est numerus, novem; de Hispanis tres. Ex eod. Bullar. C. 192.

## ORDINATIO CDXV.

Anno 1688. 27. Febr.

Confirmatur decretum, ne Fratres Augustiniani in Provincia Mexicana & Mechoacanensi è conventibus etiam associati cum pallio, neque cum galero exire audeant, neque per publicas urbium, aliorumque locorum vias incedere sine socio. Extat ibid. C. 193. Incipit *Ex debito*.

## ORDINATIO CDXVI.

Anno 1688. 12. Jun.

Innocentius XI. confirmat dotationem factam collegio S. Ferdinandi Quitensi à Provincia Patrum Dominicanorum. Mentio fit in C. 3. Alexandri VIII. tom. IX. Bullar. Rom. pag. 91.

OR-

(a) *Sanch.* l. 2. *Consl.* c. 2. *D.* 95. n. 3. (b) *Lib.* 1. *tit.* 12. *leg.* 3. *Recop. Ind.*

(c) *Solorz.* lib. 4. *Polit.* cap. 14.



## ORDINATIO CDXVII.

**A**lexander VIII. S. Ludovicum Beltran, quem Paulus V. beatificaverat, Clemens X. sanctorum cathalogo inscripserat declaravit Patrum Novi Regni Granatensis. Ex off. Eccl.

## ORDINATIO CDXVIII.

Anno 1690. 20. Mart.

**P**rorogavit facultates Societati Jesu concedi solitas Alexander ad vicinium. Ex Bullar. Rom. tom. IX. C. 14. Incipit *Animarum saluti*. Vide Ord. 522.

## ORDINATIO CDXIX.

Anno 1690. 10. Apr.

**O**ppidum Nankin in australi Sinarum parte in civitatem, ejusque ecclesia à diœcesi Macaonensi dismembrata in Cathedralem erigitur sub Metropolitano Goensi. Et jus patronatus asseritur Regi Portugalliæ. Ib. C. 16.

## ORDINATIO CDXX.

Anno 1690. 10. Apr.

**O**ppidum Pekin in civitatem, & ejus Ecclesia à Macaonensi diœcesi divisa in Cathedralem erigitur sub Archiepiscopo Goano: asserto similiter jure patronatus Regi Portugalliæ, qui vel de ejus commissione Episcopus Macaonensis, Nankinensis, aut Pekinensis Episcopatus limites definire debeat. Ib. C. 7. Incipit *Romani*.

## ORDINATIO CDXXI.

Anno 1690. 31. Jul.

**C**onfirmatur decretum Capituli Generalis Ordinis S. Augustini, ut in Provincia Quitensi numerus magistrorum ex senario sit duplex. Ib. C. 20.

## ORDINATIO CDXXII.

Anno 1690. 7. Nov.

**C**onfirmantur tres Innocentii XI. Constitutiones pro fundatione Collegii Quitensis S. Ferdinandi Ordinis Prædicatorum: nempe ea qua conceditur facultas conferendi gradus scholasticos: qua ornatur privilegiis Manilensibus: & qua rata habetur dotatio ex bonis prædicti Ordinis. Ib. C. 30. Incipit *Ex injuncto*.

Hoc

Hoc anno 1690. ignoto mihi die prodiit Sacræ Congregationis Episcoporum & Regularium resolutio, qua videtur approbata alternativæ interruptio, & successio immediata duorum Provincialium ex una factione defectu personarum eligibilium ex altera. Factum sic laconicè refert P. Ferraris (a): *Respectu* P. Francisci Montani Criolli electi Provincialis immediatè ante P. Martinum Ixar, resolvit Sacra Congregatio Episcoporum & Regularium in Quitenfi Confirmationis anno 1690., Ponente Card. Carpineo, in qua neglecta fuit alternativa defectu non probatæ existentiz Hispanorum *eligibilium*.

## ORDINATIO CDXXIII.

Anno 1692. 1. Mart.

**C**OLlegis Sancti Antonii in civitate Cuzco conceditur facultas suscipiendi gradus litterarios ab Episcopo vel Vicario Capituli sede vacante. Extat ib. C. 19. Innocentii XII. Incipit *Æterna*.

## ORDINATIO CDXXIV.

Anno 1692. 10. Maji.

**R**elatis constitutionibus Pauli V. & Urbani VIII., de quibus supra anno 1627. 7. Januarii, ad instantiam Caroli II. Hispaniarum Regis Innocentius XII. Episcopis Indiarum concedit, ut gradibus insignire valeant quotquot annis quinque studuerint in collegiis formatis Ordinis Prædicatorum, quæ a publicis universitatibus biscentum saltem milliaribus distant, dummodo actus gesserint in universitatibus fieri solitos, & approbationem obtinuerint. Est facultas decennalis, & gradus eâ collati solum intra Indias occidentales suffragantur. Extat cum Senatus Indici permissione in archivio Collegii Cordubensis, quod fuit Societatis Jesu in Tucumania. Incipit *Alias felicitis*.

## ORDINATIO CDXXV.

Anno 1692. 28. Sept.

**N**umerus Magistrorum in Provincia Mexicana Ordinis S. Augustini fit ex senario duodenarius. Ex Bullar. Rom. C. 33. Innocentii XII. Incipit *Cum sicut*.

## ORDINATIO CDXXVI.

Anno 1693. 1. Sept.

**F**acultas decennalis à Clemente X. concessa 17. Apr. 1675., ut alumni Societatis in feminariis Sanctæ fidei & Quiti scholæ gradus suscipere poss-

---

(a) Ferrar. Biblior. V. Alternativa.

possent in Philosophia & Theologia, extenditur ad gradus in Jure Canonico, & fit perpetua. Extat ibid. C. 93. Incipit *Alias*. Ibidemque declaratur, gradus in qualibet facultate susceptos. perinde esse ac si in universitate susciperentur.

## ORDINATIO CDXXVII.

Anno. 1693. 24. Oct.

**C**onfirmatur decretum Sacrae Congregationis Concilii 5. Sept. 1693., ut Vicarii Generales Indiarum Ordinis B. Mariae de Mercede cum assistentia sex religiosorum digniorum ad inquietorum & incorrigibilium ejectionem singuli procedere possint. Extat ibid. c. 72. Incipit *Nuper*. Vide Ord. 324., & 250.

## ORDINATIO CDXXVIII.

Anno. 1694. 24. Apr.

**U**t alumni Provinciae Novi Regni Granatensis Ordinem S. Augustini professi suscipere possint gradus Philosophiae & Theologiae in Collegio Sanctasidensi S. Nicolai. Extat ibid. C. 90. Incipit. *Ex injuncta*.

## ORDINATIO CDXXIX.

Anno. 1696. 15. Oct.

**S**inarum provinciae (praeter Pekinensem, Cantonensem, Levantigensem Episcopo Pekinensi reservatas; Nankinensem, & Nonanensem reservatas Nankinensi.) separantur Vicariis Apostolicis committendae. Ib. C. 138. Incipit *E sublimi*.

## ORDINATIO CDXXX.

Anno. 1696. 22. Oct.

**C**onstitutionem à Clemente. X. datam 7. Jun. 1674., ne Episcopi orientales in Vicarios Apostolicos, & eorum operarios jurisdictionem exercere praesumant, confirmat. Et indicitur observatio Malacensi, Macaonensi, & Archiepiscopo Goano. Extat ibid. C. 139. Incipit *Cum scit*.

## ORDINATIO CDXXXI.

Anno. 1696. 23. Oct.

**R**egnum Tunkini à dioecesi Macaonensi separatim esse decernitur. Ibid. C. 140. Incipit *Ex commissis*.

ORDINATIO CDXXXII.

Anno 1697. 7. Jan.

**A**Nnullantur magisteriatus, prærogativæ, exemptiones, & gratiæ religiosi in Indiis occidentalibus Regi Catholico subjectis à suis superioribus præter vel contra suorum ordinum instituta concessæ. Ib. C. 143. Incipit *Ad pastorale*.

ORDINATIO CDXXXIII.

Anno 1697. 6. Febr.

**A**rchiepiscopo Goano, & Episcopis Meliapurensi, Cranganoris, & Cocinensi indicitur observantia constitutionis clementinæ, de qua nuper anno 1696. 22. Octobris circa jurisdictionem Vicariorum Apostolicorum in oriente. Ibid. Const. 144. Incipit *Cum sicut*. In ea notaveris, quod Cranganoris nominetur Episcopus, & non Archiepiscopus sicut nominatur Goanus, cum constet illum ab anno 1607. infulis archiepiscopaliibus fuisse decoratum, etsi absque suffraganeis, & adhuc esse anno 1707., ut vide infra Ord. 471.: nec aliunde fuisse sciam in ea nomenclatura interruptionem.

ORDINATIO CDXXXIV.

Anno 1697. 4. Maji.

**E**Xposito quod Gregorius XIII. diversa privilegia Minoribus reformatis provinciarum S. Josephi & S. Joannis Baptistæ in Hispania concesserat à Clemente VIII. & Urbano VIII. confirmata. Et quod Alexander VII. brevi dato 3. Novembris 1665. declaraverat, ea privilegia provincias omnes in Hispania & Indiis consistentes comprehendere postea erectas: Exposito etiam quod sub nomine provinciarum Hispaniæ etiam comprehendebantur provinciæ Lusitaniæ, easque sub nomine ejusmodi comprehensas intelligi in binis Gregorii XV. litteris; confirmatur declaratio à S. Congregatione Episcoporum & Regularium facta, quod provincia Arrábidæ comprehenditur in brevi Alexandri VII. privilegiorum extensivo. Ib. C. 148. Incipit *Nuper*.

ORDINATIO CDXXXV.

Anno 1697. 10. Sept.

**C**onfirmantur statuta pro tribus seminariis angelopolitanis erectis auctoritate Innocentii X. anno 1648. 22. Maji. Ib. C. 154. Incipit *Exponi*.

OR-

## ORDINATIO CDXXXVI.

Anno 1698. 3. Maji.

**C**onfirmatur decretum à S. Congregatione factum ad instantiam Regis Catholici pro America, ut quoad loca ultra duas dietas distantia à curia episcopali ecclesiarum parochialium rectoribus, aut aliis personis sibi bene visis facultatem recipiendi probationes de statu libero matrimonium contrahere volentium concedant Episcopi, ita ut probationibus ejusmodi sic factis, ad matrimonii celebrationem deveniri valeat. Ib. C. 157. Incipit *Pro parte*. Vide supra Ord. 356.

## ADNOTATIONES.

Nempe communi jure deveniri nequit (a) ad celebrandum matrimonium vagorum, nisi prius facta inquisitione, & re ad Episcopum delata, parochi ab eo licentiam obtinuerint. At in America, ubi tam lata est locorum & curiarum distantia, totque sunt advenæ Europæi, expectare licentiam Episcopi in quolibet casu particulari, esset incommodum, quod præsentè ordinatione cavetur. Ea temperatur sequens Concilii Limani decretum (b): *Ignoti* verò, & exteri, & vagantes nullo modo ad conjugium admittantur, nisi informationes prælatus ipse & viderit & probaverit; alioquin graves pœnas arbitrio ipsius *incurrant*. Quod non tantum de Hispanis, vel Europæis, sed & de Indis intelligendum exprimit Synodus Tucumanensis anni 1597. (c), ubi dicitur: *Los forasteros* assi Españoles como Indios antes de casarse den suficientes informationes de que son habiles para el matrimonio, y apruebelas el Ordinario segun lo manda el Concilio General, y el Provincial ultimo. Quod verbis totidem statuitur in Synodo Paraguai anni 1603. (d).

## ORDINATIO CDXXXVII.

Anno 1698. 2. Jul.

**S** Congregatio Inquisitionis respondit *quarterones* & *puebues* non comprehendendi Indorum neöphytorum nomine quoad usum dispensationum. Vide infra Ord. 449.

## ORDINATIO CDXXXVIII.

Anno 1698. 23. Aug.

**C**onfirmantur duo decreta Ministri Generalis Ordinis Seraphici, quibus in conventu de Araceli de Urbe asseritur hospitium fratribus Indiarum occidentalium. Tom. IX. Bullar. Rom. C. 164. Incipit *Exponi*.

OR.

(a) *Trid. sess. 24. cap. 7. De Reform.* (b) *C. Lim. ann. 1583. AB. 2. cap. 34.*  
 (c) *Synod. de Tucum. P. 2. cap. 4.* (d) *Synod. del Parag. P. 2. cap. 3.*

ORDINATIO CDXXXIX.

Anno 1699.

**I**nnocentius XII. transtulit Jacobopoli Cordubam sedem episcopalem Tucumanæ. Mentio fit in litteris Ill. Petri-Michaelis Argandoña Episcopi Tucumanensis ad Benedictum XIV. Nonis Dec. 1750. datis cum relatione status illius Ecclesiæ.

ORDINATIO CDXL.

Anno 1699. 14. ....

**A**D pellendos Scotos ex statione vulgò *del Rancho viejo* in Dariene usurpata, & ad muniendam regionem imponitur subsidium unius millionis ducatorum argenteorum ex bonis ecclesiasticis exigendum, exceptis cathedralibus, quarum redditus tria millia scuta non excedant, parochiis, quarum redditus centum ducatos auri de camera; & beneficiis, quæ viginti quatuor non excedant. Deputatis in executionem archiepiscopis & episcopis illarum partium, ea lege ut nec calices, nec libri, nec ornamenta ad divinum cultum destinata apprehendi possint. Extat in archivio Collegii Cordubensis, quod fuit Societatis Jesu in Tucumania.

ORDINATIO CDXLI.

Anno 1699. 9. Oct.

**C**onfirmatur decretum, ne in provincia S. Joannis Baptistæ Ordinis Prædicatorum in regno peruano fratres, tam in primo quam in secundo gradu sanguine juncti in officiis Priorum tam Provincialium quam Conventualium immediatè sibi succedere possint. Ex Bullar. tom. IX. C. 187. Incipit *Exponi*.

ORDINATIO CDXLII.

Anno 1699. 3. Dec.

**C**onfirmatur decretum, ut in provincia Recollectorum S. Francisci in Nova-Hispania unus sit definitior, absque eo quod attendatur ad aliquam partialitatem. Ibid. C. 181.

ORDINATIO CDXLIII.

Anno 1700. 23. Januar.

**O**rdini Eremitarum Discalceatorum S. Augustini Italix, Germaniæ, necnon Hispaniæ, & Indiarum concessum fuit officium proprium Patrocinii S. Josephi, & missa respectivè eodem modo & forma, quibus postea anno 1722. 25. Aprilis indultum est Patribus Calceatis ejusdem Ordinis nempe cum solemnitate ritus duplicis secundæ classis tertia Domini.

minica post Pascha. Quod postea, inferiori tamen ritu, ad totam hispaniensem, & alias ecclesias extensum est. Refert Joannes Baptista Pittoni (a).

## ADNOTATIONES.

Benedictus XIV. (b) loquitur de brevi, supra memorato Ord. 388., quo ad instantiam Marchionis del Carpio Regis Catholici apud Sanctissimum Oratoris, confirmavit Innocentius XI. electionem S. Josephi in patronum & protectorem Hispaniarum à Carolo II. factam. Sed agente pro Ecclesiis & pro Statu Ecclesiastico earumdem Hispaniarum D. Francisco Jobe, declaratum primò est, eo brevi non præjudicari patronatui S. Jacobi, ut olim erat declaratum de brevi dato pro S. Theresia: deinde est ex toto revocatum, ut constat ex litteris ejusdem Pontificis datis 26. Sept. 1680.

In annuali Officii Divini directorio impresso Limæ pro Franciscanis anno 1739., & in posterioribus aliis indictum est 19. Martii festum Sancti Josephi cum titulo *Protectoris Hispaniarum* sub ritu duplici primæ classis cum *Credo*. Protector quidem Hispaniarum est ex quo pro Hispaniis officium de illius Patrocinio est impetratum. Et qua ratione est protector, & est patronus; sicut *patrona* dicitur in Jure Indico (c) BB. Virgo ex quo ejus festum de Patrocinio institutum. Sed ritus primæ classis cum *Credo* principalium patronorum proprius fundamento caret quod sciam, siquidem sermo est de patronatu universali Hispaniarum, non de particulari Ordinis alicujus, provinciæ vel regionis. Caret etiam fundamento respectu ad Limam, ubi directorium vulgatum fuit, nisi Lima sequatur etiam modò ritum Hispalensis Ecclesiæ, cujus fuit olim suffraganea Limensis. Hispali quidem connitente Card. Belluga indultum est eo primæ classis ritu de S. Josepho recitare, ut refertur apud Meratium, sine *Credo* tamen in missa celebratur ibi ut habet Hispalense Directorium anni 1764. Minore ritu nempe semiduplici concessum etiam est extra Hispaniam de S. Josephi Patrocinio recitare Assistentiæ Lusitanæ S. J.; ut refert P. Marquez (d). Hæc tamen concessio non respicit patronatum, sed privilegium quale plerique regulares habent recitandi per menses vel hebdomades de aliquibus Sanctis diebus non impeditis.

Pro privilegio de S. Josepho recitandi solemniori ritu datum est aliud Limanæ diœcesi, de quo Franciscanorum Directorium anni 1762. habet sequentia: *Decreto* de la Sagrada Congregacion de Ritos aprobado por Su Santidad à pedimento de Ill. Señor Arzobispo de los Reies D. Diego del Corro, representando la grande devocion que hai en esta diœcesi con el gran Patriarca S. Joseph los 19. de cada mes, en que celebran missa con toda solemnidad y culto grande.... del glorioso San-

to

(a) Pitt. CC. ad Rit. sub die 25. Apr. 1722. (b) B. XIV. P. 2. l. 4. De Beatif. &c. c. 14. n. 11.

(c) Lib. 2. tit. 2. leg. 24. Rason. Ind. (d) Marq. Brasl. Pontif. lib. 3. fine

to. Y hecha relacion à Su Santidad concedio todos los dias 19. de cada mes, no estando impedidos con fiesta classica ò doble mayor, exceptuando tambien las Dominicas, que pudieren caer en dicho dia 19., se reze el proprio officio del Santo de su dia principal 19. de Marzo bajo del rito doble mayor, y celebre su missa en toda esta ciudad y diocesi por ambos cleros secular y regular, aunque en el dicho dia 19. ocurra officio de rito doble menor, que... se transfiera à dia no impedido, y lo mismo el *semidoble*.... *Quibuscumque in contrarium non obstantibus*. Vide Ord. 487.

De officio Patrocinii S. Josephi extant sequentes Sacræ Rituum Congregationis declarationes (a). Prima: *Cum* in tota Hispania sit concessum, ut tertia Dominica post Pascha celebretur festum Patrocinii S. Josephi sub ritu duplici; ex parte Rev. Archiepiscopi & Capituli Hispalensis quæsitum fuit, si cadat illa die festum majoris ritus, an festum Patrocinii S. Josephi sit transferendum ad alium diem? Et responsum fuit transferri posse, ita tamen ut pro dicto festo Archiepiscopus assignet certam aliquam diem, quæ non sit Dominica fixa. S. R. C. 26. Nov. 1735. in Hispalensi. = Secunda: *Festum* Patrocinii S. Joseph occurrens in festo altioris ritus potest transferri, non obstante decreto 20. Mart. 1683. Nam eadem Sacra Congregatio hanc declarationem edidit: Cum in tota Hispania.... (ut supra). Hæc declaratio facta pro regnis Hispaniæ, valet etiam pro aliis regnis, quibus idem officium concessum est. S. R. C. 11. Januar. 1749. in una Ord. Excalc. S. Aug. Prov. Austriæ. = Tertia: Patrocinium S. Joseph non potest transferri ad aliam diem, quando non habet locum in Dominica 3. post Pascha, ut in Senensi ob occurrentiam festi altioris ritus aut dignitatis, sed pro eo anno omittatur. S. R. C. 11. Maji 1743. in ead. Senens., & antea 5. Maji 1736. in *Eiseldiens.* Si tamen quæras, quomodo hæc tertia declaratio cum præcedentibus conveniat, responsio sit = Quarta sic habens (b): Non possunt transferri officia illa affixa certis diebus, quæ sunt concessa pro locis & ecclesiis particularibus ad eorum instantiam; at quando officia prædicta sint de præcepto pro aliquo Statu, sicut sunt plura B. Mariæ Virginis concessa à f. m. Benedicti XIII. pro Statu Ecclesiastico affixa certis diebus, transferantur. S. R. C. 5. Maji 1736. in *Eiseldiens.*

## ORDINATIO CDXLIV.

Anno 1700. 4. Apr.

**C**onfirmatur decretum Sacræ Congregationis Rituum in Mexicana Præcedentiæ factum 13. Martii hujus anni, partibus tam voce quam scripto acerrimè informantibus auditis. Decretum verò est, præcedentiam non solum in processionibus solitis, & sub propria cruce, sed etiam in con-

(a) Decr. Auth. S. R. C. *Notis illustr.* Ed. Ven. 1750. num. 928. & 1204.

(b) Decr. Auth. cit. *num.* 957. pag. 227.



concionibus, disputationibus, concurrentia prælatorum, aliisque actibus, tam publicis, quam privatis, interveniente vel non interveniente familia de Observantia, competere Fratribus Minoribus Discalceatis supra Fratres S. Augustini. Extat in Bullar. Rom. tom. IX. C. 193. Innocentii XII. Incipit *Emanavit*.

## ORDINATIO CDXLV.

Anno 1700. 20. Maji.

**C**ongregationem S. Hippolyti Mexicanam in religionem erigit Innocentius sub regula S. Augustini cum votis solemnibus castitatis, paupertatis, & obedientiæ, & hospitalitatis. Eamque suscipit sub immediata Sedis Apostolicæ subjectione, illiusque ecclesias, hospitalia, & personas: confirmatis privilegiis dummodo sint in usu, nec fiat revocata, nec adversentur sacris canonibus, Concilii Tridentini decretis, & posterioribus constitutionibus apostolicis, vel regularibus dictæ religionis institutis. Extat ibid. C. 195. Incipit *Ex debito*. Ibidemque C. 197. confirmantur novæ religionis constitutiones.

## ORDINATIO CDXLVI.

**S** Congregatio in Mexicana Sacrorum Liminum interrogata, an proficiscens & vicarii generales à Capitulis sede vacante deputati dispensare valeant in gradibus prohibitis ad matrimonia contrahenda? Respondit Negative. Sic refertur in Supplemento Lacroix (a) ex *Tthesauro Resolutionum* S. Congregationis Concilii ab anno 1700. ad 1718. (b).

## ADNOTATIONES.

Certum est, Vicarios id non posse per se, cum etiam Capituli, & Episcopi superet potestatem dispensatio in juris pontificii & communis impedimentis. Cum hoc tamen stat quod possint per accidens, vel concessione speciali; nam in facultatibus per decennia concedi solitis Episcopis Indiarum vigesima octava est: *Ut possint eas facultates* (quarum una est ad dispensandum in certis gradibus ad matrimonium) aliis delegare maxime tempore sui obitus. Possunt etiam juxta satis probatam doctrinam Capitula sede vacante & eorum Vicarii maxime si à Capitulis habeant delegationem specialem, quoad dispensationes ea quæ Episcopo competunt ex officio in remotissimis Novi Orbis partibus ratione distantiae à Romana Curia, difficultate recursus, aut simili causa. Vide supra Ord. 95., & infra Ord. 599. Adnot. 5.

OR-

(a) *Suppl. Lacr. I. 6. P. 3. n. 388.* (b) *Tom. IX. Refol. pag. 42. Vide infra Ord. 568. anno 1743. 16. Febr.*

## ORDINATIO CDXLVII.

Anno 1701. 2. Apr.

**F**Acta relatione, nonnullos ex presbyteris Societatis Jesu, & forsan nonnullos Indiarum ordinarios, quibus facultas dispensandi cum neöphytis earumdem in quocumque seu quibusvis jure divino non prohibitis consanguinitatis aut affinitatis gradibus conjunctis seu se attinentibus, ad effectum contrahendi inter se matrimonium, seu in jam etiam scienter contractis remanendi, sub certis forma & modo tunc expressis concessa fuerat, vigore seu prætextu facultatis ejusmodi cum pluribus personis super prænaratis, bona quidem fide (I), sed nulliter, seu ex eo quod facultas expiraverat, seu quod facultate pro neöphytis Indis concessa, etiam cum iis qui non erant originarii per omnes lineas, quive per unam tantum partem originem trahebant, vulgo *quarterones* nuncupatis, vel qui octavam partem per proavum, vel proaviam habebant, vulgò *puchueles* vocatis usui fuerant, dispensasse, cum revera *quarterones* & *puchueles* ejusmodi Indorum neöphytorum nomine non comprehendendi Cardinales Generalis Inquisitionis responderint; ac proinde matrimonia prætextu dispensationum ejusmodi contracta nulla fuerint; motu proprio (II) ac de certa scientia, ac de apostolicæ potestatis plenitudine, si alias (III) ritè & legitime contracta sint, talia matrimonia revalidantur. Declaraturque, illa ejusmodi revalidationis vigore vim & efficaciam validorum & legitime contractorum habere, perinde ac si ab initio & in radice, & prævia dispensatione pontificia contracta fuissent: eosque qui dicta matrimonia contraxerunt, posse ac debere in illis remanere absque eo quod de novo contrahere (IV), seu novum consensum præstare debeant: prolesque susceptas & suscipiendas legitimas quoad utrumque forum censi debere. Ex archivio Collegii Cordubensis, quod fuit Societatis Jesu in Tucumania. Incipit *Apostolicæ*.

## ADNOTATIONES.

(1) *Bona fide*. Nempe fundata in concessione Pii IV., & aliorum Pontificum facta quoad forum conscientie cum expressa nota perpetuitatis, quæ in tunc ultima Alexandri VIII. prorogatione, non quidem revocata expressè, sed suppressa tantum erat. Et est doctrina plurium apud Card. de Lugo (b), quod concessio restricta posterior non tollit amplitudinem aut perpetuitatem anterioris, maxime cum posterior restrictio alias habet facultates ad quas referri possit, & in quarum temporilitate sua vis & efficacia stet concessionis restrictivæ significationi, qua privanda non est constitutio ne inutilis dicatur. Accedit quod constitutio Alexandri VIII. & aliæ, quibus antiquæ facultatis perpetuitas supprimitur, eatenus dicuntur

---

(a) C. de Lugo, lib. 1. Resp. Mor. D. 24.

tur restringere, quatenus continent sequentem clausulam: *Præsentibus* (nempe litteris ad viginti tantum annos *valituris*. Cum hoc tamen stat quod bona fide credi potuerit, non præsentis Alexandri litteras, sed præteritas & antiquas Pii IV. perpetuitatem exprimentes, non tantum ad viginti annos, sed perpetuò valituras esse. Vide Ord. 450.

(II) *Motu proprio ac de certa scientia*. Clausula *Ex certa scientia ac de apostolica potestate plenitudine* significat, Pontificem in iure ordinario non insistere, ait Card. Petra (a). Unde non tollunt ejusmodi clausulæ quominus instantia præcesserit & supplicatio.

(III) *Si aliàs ritè contracta sint*. Nam si illegitima fuissent defectu consensus, vel alicujus jure divino, aut naturali requisiti, nec tantum jure ecclesiastico, nulla Pontificis dispensatione revalidari possent, non renovato libere consensu, & ablato impedimento.

(IV) *Absque eo quod novum consensum*. Quod Papa dispensare possit in radice matrimonii contracti quoad aliquos effectus, v. g. ad legitimandam prolem, quin consensus renovetur, nullus dubitat, cum constet dispensationi hujusmodi esse locum etiam post mortem alterius conjugis, si dispensatio in vita petita fuit. Aliqui verò dubitant, imo & negant, dispensatione ulla in radice seu retroactiva fieri posse, ut absque novo consensu verum fiat matrimonium & sacramentum, quod ab initio nullum fuit. De quo vide P. Sanchez (b), & Pascucium (c).

Sed post præsentem constitutionem & similes alias quæ multæ sunt, dubitandum non est; in illa quippè duo distinguuntur dispensationis effectus, nempe proles legitimatio, & contractus revalidatio, per quam matrimonium absque novo consensu constitui in ratione talis patet, nam Pontifex decernit seu declarat, in ipso sic revalidato conjuges remanere posse ac debere. Quod perinde esset, si verum non existeret matrimonium, ac si decerneretur potestas & obligatio manendi in vero concubinato. Et quomodo sic esset consultum, quod in textu constitutionis proprio ait Pontifex, per ejusmodi dispensationem aliter intellectam conscientiarum quieti?

Hanc sententiam tenuit Rota in una Hispalensi *Legitimitatis* relata à J. B. Pittoni (d) per hæc verba: *Matrimonium* nulliter contractum inter consanguineos, ubi à Papa est dispensatum in radice, non requirit novum consensum, sed sufficit ille primus cum effectus maritali præstitus. Ex quo solo cessante prohibitione juris communis, matrimonium verum & validum inducitur per textum in *Cap. Cum apud*, & *Cap. Tua*;, *De sponsal.* Quod si in hoc casu opus esset novo consensu, non daretur dispensatio in radice, neque quod Pontifex posset in illo dispensare, quod nefas est dicere. Nullitas enim prioris matrimonii non inducit mutationem animi, sed influit in matrimonium producendum à tali consensu, illud impediendo ne producat. Unde dicta prohibitionem semota, remanet.

(a) C. Petra, tom. IV. ad C. 1. Eugen. IV. n. 5. p. 267. (b) Sanch. l. 8. de Matrim. D. 7.  
(c) Pascuc. in Compend. Pignat. V. Matrimonium. (d) Pittoni; CC. ad Matrim. 11. Maji 1625. no. 327.

net prior consensus, quoad sui essentiam integer & habilis ad talem productionem taliter quod accedente dispensatione in radice, resultat matrimonium ex vi primi illius consensus validum ex tunc, non tamen ex alio consensu de novo *præstando*.

Dices 1. Nulla potentia fieri potest ut fuerit ab initio validum, quod revera fuit invalidum & nullum. 2. Non potest de novo esse sacramentum cum materia sacramenti non est. Nunc verò quando consensus non est præsens, sed præteritus; non est materia sacramenti, sed fuit. 3. Vel consensus constituit sacramentum quando existit, vel quando non existit. Primum dici nequit quia tunc non fuit constitutum sacramentum. Nec secundum, quia constitutivum, quod non existit, non constituit: maxime cum positivum illud est ut est consensus. 4. Quia alioquin posset etiam validare Pontifex matrimonium defectu consensus nullum.

Ad 1. Respondeo, per dispensationem in radice non fieri ut matrimonium fuerit validum ab initio, ad præteritum quippe non datur regressus. Sed fit ut tunc primo quando dispensatur, fiat validum, & sit deinceps, perinde ac si à principio dispensatum esset, & ab initio fuisset validum. Ad 2. Cum matrimonium in radice revalidatur, materia sacramenti existit moraliter sin minus physicè, quia actus voluntatis habent suapte natura perseverare donec retractentur, præsertim quando non tantum res, sed rei perpetuitas eligitur & amatur, ut in consensu matrimonii fit, sive quando eligitur & amatur res perpetuitatem importans indole & natura sua. Certè cum absolutio profertur à confessario, jam est præterita pœnitentis confessio, jam esse desiit, & tamen cum absolutione sacramentum constituit.

Replicas: Nequit dari sacramentum novum sine materia nova. Negatur positio; nihil enim prohibet, aqua jam adhibita te baptizari, vel absolvi à peccatis jam in confessione præcedente expositis. Verum est quod materia proxima, ut ablutio in baptismo, & in pœnitentiæ sacramento confessio debet esse nova & distincta, quando prima jam fuit informata. Quodsi nondum informata unquam sit, ut in casu nostro, sufficit ea novitas qua moraliter perseveret ut censeatur attentata natura rei & institutione Christi unum constituere cum ultimo sacramenti complemento.

Ad 3. Facile respondetur, constituere quando moraliter est, & physicè non est. Quod etiam patet in consensu cum ritè & canonicè ponitur, non enim consensus utriusque conjugis physicè coexistunt simul manifestati, sed manifestantur successivè, maxime cum à distantibus contrahitur per procuratorem. Res ergo sic habet secundum Rotæ Auditorum mentem supra: Consensus olim habitus & manifestatus permanet aptus quidem secundum se validum causare matrimonium, sed impeditus ne causet ob impedimentum dirimens, seu quod in idem recidit ob defectum essentialis requisiti quod est dispensatio impedimenti: qua expedita cessat impedimentum, & expeditur consensus, ut causet constitutive sacramentum in actu secundo numeris omnibus absolutum.

Ad

Ad 4. Negatur sequela, nam defectus consensus jure naturali & divino requisiti suppleri nequit humano jure vel dispositione. Unde dispensatio locum habet solum, cum impedimentum vel defectus est humani juris ecclesiastici aut sæcularis.

## ORDINATIO CDXLVIII.

Anno 1701. 15. Apr.

**U**T procuratores generales provinciarum S. Nicolai & Candelariæ, Philippinarum & Terræfirmæ Ordinis S. Augustini habeant vocem in Capitulo suarum provinciarum. Utque pro illarum qualibet eligatur unus definitor generalis prout in aliis provinciis Hispaniæ. Extat tom. X. Bullar. Rom. Part. I. Const. 16. Clementis XI. Incipit *Nuper*. Ibidemque Const. 17. decernitur, ut Commissarii Augustiniani earumdem provinciarum ad Hispaniam pro deducendis operariis missi vocem habeant in Capitulo suarum provinciarum, & Ex-provincialium privilegia; si tamen ad suas provincias congruo tempore expleto munere redierint.

## ORDINATIO CDXLIX.

Anno 1701. 29. Apr.

**C**onfirmatur sequens decretum: Feria IV. die 2. Jul. 1698. in congregatione S. Romanæ Inquisitionis, relato supplici libello Catholici Regis petentis declarari infrascripta dubia super intelligentia Brevis Pii IV. 1. Jun. 1563., quo Societati Jesu concessa fuit facultas dispensandi cum neophytis Indiarum in quocumque seu quibusvis jure divino non prohibitis consanguinitatis aut affinitatis gradibus, vel alias conjunctis, ut matrimonium inter se contrahere, seu in jam scienter contractis remanere valeant. = Dubia autem sunt. 1. Quinam casus comprehensi sint verbis illis, *In quocumque*, &c., quinam excepti. 2. An verba illa, *Vel alias conjunctis* importent facultatem dispensandi in impedimento cognitionis spiritualis. 3. An appellatione neophytorum Indi noviter conversi, an non etiam qui sunt originarii per omnes lineas, quive pro una tantum parte ab illis originem trahunt, vulgò *quarterones* appellati; & an comprehendantur qui octavam partem per proavum vel proaviam, & sive ab alterutro, sive ab utroque habent vulgò *puchueles* appellati. 4. An prædictæ facultates per Pium IV. concessæ perpetuæ fuerint; an ad tempus?

Ad 1. respondetur fuisse provisum per Breve Alexandri VIII., in quo duntaxat primus gradus consanguinitatis & affinitatis excluditur. Ad 2. affirmative. Ad 3. non comprehendi quarterones, multo minus puchueles. Ad 4. non indigere declaratione, stantibus claris verbis Alexandri VIII., *Præsentibus* ad viginti annos tantum *valituris*. Extat in collectaneis M. S. P. Petri Lozano S. J. Meminitque Compendium Indicum V. *Matrimonium*. §. 2. Incipit *Alias*. Vide supra Ord. 447. & quæ modo immediatè sequitur. Vide etiam Ord. 437. 228. & 107., & infra Ord. 600. datam 27. Januar. 1757. Ex eo verò quod Rex Catholicus,

tum

rum hîc, tum anno 1757. declarari petiverit dubia circa usum facultatum ejusmodi, quæ non solum Jesuitis, sed etiam Ordinariis collatæ à sæculo sunt, palam est, concessionem Pii IV. & ejus prorogationes vicennales eo sciente & volente in usum esse deductas, nec vitio clandestinitatis, quod aliquis haud ita pridem objecit, laborasse.

## ORDINATIO CDL.

Anno 1701. 11. Jun.

**R**elata facultate in perpetuum concessa à Pio IV. 15. Jun. 1563., & concessa ab Alexandro VIII. ad vicennium: Relata etiam Sacræ Congregationis nupera responsione, pianam facultatem temporalizatam esse per posteriores Pontifices, tam provincialibus Societatis & presbyteris ab eis deputandis, quam locorum ordinariis cum neophytis Indiarum, aliarumque regionum orientalium in quocumque seu quibuscumque, non tamen primo, consanguinitatis aut affinitatis gradibus, vel aliàs conjunctis seu se attinentibus, ut matrimonium inter se contrahere, seu in eo etiam scienter contracto remanere valeant: Dictis quidem presbyteris in locis ubi ordinarii non adsunt, vel ultra duas dietas juxta constitutionem Pauli Tertiæ existunt; ipsis verò ordinariis in locis ubi presbyteri ipsi adsunt, vel eorum commodè haberi potest copia de eorumdem tanquam adjutorum & assessorum consilio, & cum illis; ubi autem non adsunt, neque eorum commodè haberi potest copia, etiam sine illis in utroque foro dispensandi: Et eos qui in prædictis gradibus contraxerint, ab excessibus & censuris in utroque foro absolvendi & prolem legitimam determinendi: Nec non eisdem Ordinariis & presbyteris, servatis locorum circumstantiis & limitationibus ejusmodi, cum neophytis eisdem in primo gradu etiam rectæ lineæ affinitatis ex copula illicita resultantis se attinentibus, ut matrimonium quoque inter se contrahere, seu in etiam scienter contracto remanere valeant, in occultis tamen & in foro conscientiæ tantum, ac urgentibus causis dispensandi: Et eos qui sic in primo gradu contraxerint, absolvendi ab excessibus & censuris: Dictisque Ordinariis alios presbyteros à se primum approbatos in locis ubi non adsunt missionarii similem facultatem habentes quoad præmissa in sui locum subdelegandi facultatem concedit. Derogat contrariis quibuscumque. Vicennium, quo tantum erant valituræ præsentis litteræ, decernit esse computandum à die datæ; & uno eodemque tempore expiraturas quoad Societatem, & quoad Ordinarios. Extat in cit. P. Lozano collectaneis, & meminit Compendium Indicum V. *Matrimonium*. §. 5. Incipit *Cum dudum*. Et licet tempus & concessio ejusmodi quoad Societatem extinctam non uno titulo expiraverint, facultates eadem vel suppres & Ordinariis & missionariis ultra mare concedi solent; in quarum usum circumfertur M. S. quædam explicatio, & quorundam casuum resolutio ab aliis magni, ab aliis parvi habita. Eam dabo cum nonnullis animadvertionibus intermixtis. Tu videris, an alicujus sit commodi vel usus.

Ooo

EX-

## EXPLICACION BREVE

*De la facultad concedida por Clemente XI. para dispensar en los impedimentos del matrimonio.*

**P**Ara hablar con claridad en esta materia, advierto lo 1., que Pio IV. à 15. de Junio de 1563. concedio à la Compañia privilegio para dispensar perpetuamente con los neophitos *in foro conscientie tantum*, quando el impedimento fuera occulto, en todos los impedimentos fuera de los prohibidos por derecho divino. Lo mismo concedio Gregorio XIII. año de 1576. el dia 17. de Julio. Lo mismo fueron concediendo todos sus successores prorogando este privilegio sin que ninguno revocasse expressamente la facultad perpetua hastaque el año de 1701. à 2. de Abril, habiendose propuesto à Su Santidad, si era perpetuo este privilegio, respondió que no por haverlo revocado su antecessor en la Bula que expidió año de 1690. à 30. de Marzo.

Advierto lo 2., que por este nombre de neophitos no solamente se entienden los Indios nuevamente convertidos, sino tambien los mestizos, y los que tuvieren alguna parte de Indios, excepto el quarteron y el puchuél. Así lo declara Clemente XI. en la Bula dada à 22. de Sept. de 1708. (a). Las palabras de la Bula son estas: *Quin etiam* quia de mixtim progenitis, quos mixtos vocant, majus dubium esse accepimus, cum eisdem mixtis quo similiter ad hunc effectum pro neophytis habendos decernimus, in gradibus & matrimoniis contractis & contrahendis prædictis, gratis tamen, dummodo non ita facile fiat, dispensandi eisdem presbyteris facultatem concedimus *opportunam*.

Advierto lo 3., que hai dos lineas de consanguinidad y afinidad: una recta, y otra transversal. En la linea recta de consanguinidad está el padre con el hijo en primer grado, con el nieto en segundo, con el biznieto en tercero, &c. En la linea transversal estan los hermanos en primer grado, los primos-hermanos en segundo, los hijos de estos que son los primos segundos en tercero, &c. Esto es quando la linea transversal es igual; porque quando es desigual, se hace el computo de esta suerte: Los primos-hermanos estan en primero con segundo con su tia ò tio hermano de su padre, &c. Lease Thomas Sanchez lib. 7. De Matrim. D. 50.

Advierto lo 4., que la facultad dada à los Jesuitas para dispensar *in utroque foro* con los neophitos en los impedimentos del matrimonio, es estando distantes del Juez ordinario ecclesiastico dos dietas ò jornadas, que son catorce leguas (b); porque estando presente el ordinario, ò no distando dos dietas, solo se dio facultad al Jesuita para ser como assessor, y dar su consentimiento, paraque el ordinario dispensasse. Así lo determino Clemente XI. en la Bula, que empieza *Cum dudum*.

Ad-

---

(a) *Eam vide infra Ord. 174.* (b) *Vide supra Ord. 37. Adnot. 3.*

Advierto lo 5., que por nombre de neophitos no se entienden los quarterones y puchueles. Consta del mismo Clemente en la Bula que empieza *Alias pro parte*. Quarteron se llama el hijo de Español y mestiza, ò de mestizo y Española. Puchuél se llama el hijo de Español y quarterona, ò de quarteron y Española. Con estos no pudieron dispensar en virtud de este privilegio, ni los Ordinarios ni los Jesuitas.

Esto supuesto digo lo 1., que el misionero, à quien el Provincial diera facultad de dispensar en los impedimentos del matrimonio, podria dispensar estando distante el Juez ordinario ecclesiastico en todos los impedimentos fuera del primer grado de consanguinidad ò afinidad, para que los neophitos contragesen matrimonio. V. g. en la linea de consanguinidad paraque el avuelo casasse con su nieta, porque estos estan en segundo grado. En los demas grados estan dispensados por Paulo Tercero. Y assi pasado el segundo no es menester otra dispensacion. Y assi podria el bisavuelo sin ella casarse con su nieta. (*Hæc non sunt usque adeo certa; sunt enim qui judicent, consanguinitatem in linea recta dirimere in quovis gradu, & in quovis esse jure divino prohibitum matrimonium. Id quod in legem abiit Juris Hispani (a): En los grados, que suben ò bajan derechamente nunca pueden casar quanto quier que sean alongados*). En la linea transversal de consanguinidad no se pueden casar en primer grado v. g. hermano con hermana; pero se podria dispensar en el segundo, v. g. paraque casasse el primo con prima hermana. Los hijos è hijas de primos hermanos, que son primos segundos no han menester dispensacion, y assi libremente pueden casarse.

Digo lo 2., que en los impedimentos de afinidad contraidos por copula licita, esto es porvia de matrimonio, no se podria en virtud de semejante privilegio dispensar en el primer grado de linea recta v. g. paraque el suegro casasse con la nuera, ò la suegra con su hierno, ni el entenado con su madrastra, ni el padraastro con su entenada. Ni tampoco se podra dispensar, paraque el cuñado case con su cuñada, esto es, para que el hermano pueda casar con la muger de su hermano diffunto, porque son impedimentos en primer grado de afinidad *ex copula licita*, en los quales prohibe dispensar Clemente XI. en la Bula que empieza *Cum dudum*.

Digo lo 3., que so podra dispensar en segundo grado de esta afinidad para contraer matrimonio. V. gr. en linea recta paraque el avuelo case con la muger de su nieto diffunto, y la avuela con el marido de su nieta diffunta. Podrase dispensar en el segundo grado de afinidad por la linea transversal, paraque uno case con la prima hermana de su muger diffunta, ò con la tia hermana de su padre ò madre. La razon es porque solo se prohibe dispensar en el primer grado. Y como estos impedimentos *ex copula licita* sean ya del segundo, de aqui es que en todos estos nombrados tiene lugar la dispensacion.

Digo

(a.) Leg. 4. tit. 6. Partit. IV.



Digo lo 4., que en los impedimentos contraidos *ex copula illicita* podra dispensarse en todos. Consta del mismo Clemente XI. en la Bula *Cum dudum: Cum eisdem neophytis in primo gradu etiam rectæ lineæ afinitatis ex copula illicita resultantis...* in oculis tamen, & in foro conscientiae tantum, ac urgentibus causis *justis*. Y assi por virtud de est privilegio se podra dispensar, paraque Pedro v. g. que tuvo que ver con Juana, case con su madre; ò Juana que tuvo que ver con Pedro, case con el padre de este; o si Juan tuvo que ver con Antonia nieta de Maria, case con Maria, ò Maria con el avuelo de aquel con quien tuvo que ver.

Podra dispensarse en el primero ò segundo grado de afinidad *ex copula illicita* en la linea transversal. V. g. el que tuvo que ver con Antonia puede casar con hermana de esta. Si Juan tuvo que ver con Maria se puede casar con prima hermana de Maria. En los demas impedimentos ò grados assi de la linea recta como de la transversal, contraidos *ex copula illicita* ya no es menester dispensacion. V. g. si Juan tuvo que ver con Juana, puede casar sin dispensacion con prima secunda de Juana.

Para usar de este privilegio se han de guardar necesariamente tres cosas. La primera, que se dê causa grave urgente entre aquellos con quienes se ha de dispensar. Consta de las palabras de la Bula: *Nonnisi urgentibus justis causis*. De suerte que si se dispensa en este impedimento sin que haya causa urgente, será nula la dispensacion y no quedaran casados. Qual sea causa urgente que baste, déjase à la prudencia del que dispensa. Lease à Montenegro en su Párroco: y adelante lo diremos. La segunda, que solo se puede dispensar en el fuero de la conciencia. En esto se distingue este privilegio de los que hai para dispensar en impedimentos de afinidad contraida *ex copula licita*, ò *ex matrimonio*, y de consanguinidad. Porque en estos se puede dispensar *in utroque foro*, esto es, en el fuero de la conciencia, y en el fuero externo judicial: Consta de las palabras de la Bula, *In utroque foro gratis dispensandi*. La tercera condicion es que el impedimento ha de ser oculto, paraque valga la dispensacion, porque si es publico, no valdria. Y quando se dira oculto el impedimento? Digo que aunque lo sepan quatro ò cinco personas, como sean de secreto, sera oculto. Assi Montenegro.

Digo lo 5., que puede dispensarse en el impedimento de cognacion espiritual, que se contrae en el bautismo solemne, y en la confirmacion. V. g. entre el padrino y madrina del bautizado. (*Exemplum hoc, quod verbi gratiâ ponitur, deficit à vero, cum constet ex Tridentini cap. 2. sess. 24. de Reform. Matrim., cognationem spiritualem tantum contrahi inter paternos & baptizatum, baptizatique patrem & matrem, non inter susceptorem & susceptricem, seu inter patrinum & mstrinam*). Y el que bautizó, lo contrae tambien con la criatura bautizada, y con el padre y la madre de dicha criatura. Y assi se puede dispensar, paraque el padrino del bautismo solemne (Digo solemne, porque en el bautismo privado no se contrae este impedimento. *Et hoc sunt qui negant.*) se case

cáse con su ahijada ò con la madre de esta, ò paraque el ahijado se case con la madrina, ò la madrina con su compadre. Consta de la Bula que comienza *Alias pro parte* (Ord. 449.) ibi: *An supra dicta verba, Vel alias conjunctis, important facultatem dispensandi in impedimento cognationis spiritualis? R. Affirmative.*

Digo lo 6., que por virtud de semejante privilegio se podra dispensar con los neophitos en el impedimento de publica honestidad, y en el matrimonio rato no consumado. Se estiende hasta el segundo grado inclusive. ( *Hic est error manus, seu manuscripti quo usus sum, legendumque: Por virtud de este privilegio se puede dispensar con los neophitos en el impedimento de publica honestidad, que resulta de los desposorios ò esponsales, y del matrimonio rato no consumado: y en los esponsales está restringido al primer grado, y en el matrimonio rato se estiende hasta el segundo grado inclusive. Exemplis, quæ sequuntur, palam fit eam fuisse scribentis, quisque ille sit, mentem* ). Esto se entiende en los Indios, porque en los Españoles se estiende hasta el quarto grado. V. g. Juan dio palabra de casamiento à Maria: pues por virtud de esta palabra contrae impedimento para casarse con hermana de Maria, y con su madre. Pero si se casaron, y no se consumó el matrimonio, dura el impedimento en los Indios hasta el segundo grado, en los Españoles hasta el quarto. En este impedimento pues se podra dispensar, paraque Juan case con la hermana de Maria difunta. Ita Montenegro.

*Resolucion de algunos casos.*

Pregúntase lo primero, si se puede dispensar por virtud de este privilegio, paraque un Español case con mestiza prima hermana suia? Respondeo con Montenegro, que si, porque aunque el Español no sea capaz de la dispensacion, lo es la mestiza, y basta dispensarse en uno, para que se entienda dispensado en el otro, como lo defiende Montenegro y Sanchez. ( *Sed contrarium omnino tenendum est, nam facultas datur in privilegio præsentis ad dispensandum cum neophytis ut contrahant inter se, scilicet neophytus cum neophyta. Et hoc inter se inculcatur sæpius in litteris apostolicis, quibus hæc facultas continetur. Igitur ex ea nequit dispensari, ut neophyti contrahant cum iis qui neophyti nulla ratione sunt. Doctrina Ill. Montenegro & P. Sanchez verum habeat, quando facultas fiat ad dispensandum cum neophyto ut contrahat cum qualibet* ).

Pregúntase lo 2., si podra dispensarse con un quarteron, paraque case con parienta en segundo grado hija de mestizo y mestiza? Este caso es mui practico y dificultoso, al qual respondo que puede dispensarse. La razon es, porque essa parienta, con quien quiere casar, no es española, ni quarterona, ni puchuela. Española no, como es cierto. Tampoco es quarterona, porque la quarterona solo tiene la quarta parte de Indios, y esta tiene dos quartas partes. Tampoco es puchuela, porque la puchuela solo tiene de Indios la octava parte, y esta tiene  
mas,

mas. Conque vendra à ser mixta de una y otra sangre. Es assi que Clemente XI. solo manda que no se pueda dispensar con los quarterones y puchueles, para contraer matrimonio entre si, ò con Español. Luego no sciendo ésta, con quien se pide la dispensacion, ni española, ni quarterona, ni puchuela, licita y validamente se podra dispensar, paraque case con el español su pariente, ò con quarteron. Adviertase aqui, que con estas personas dice la Bula, que no se dispense tan facilmente. (*Valcat hæc resolutio, dum contrahere volunt sponsus & sponsa quorum pater & mater mixtindi sunt. Cum verò sermo sit de sponso quarterone, dispensari posse negandum est ut ad 1. quæsitum; nam quartero sicut & puchuelis & hispanus neophytus non est.*)

Pregúntase lo 3., si se podra dispensar, paraque un Español ò quarteron case con una mulata hija de hermano, ò de cuñada suja? Para responder à esta pregunta, es menester advertir con Montenegro, si essa mulata fue hija de negra, ò de otra mulata. Si fue hija de negra y de español ò quarteron, cabe bien la dispensacion; pero si fue hija de otra mulata, y de español ò quarteron, no cabe; porque la mulata hija de español y de mulata es quarterona: y no puede dispensarse, paraque case con español la quarterona. (*Et hñc & in sequentibus habenda est præ oculis animadversio primi & secundi quæsit.*) Assi Montenegro, cuyas son las palabras siguientes: *La razon* es, porque esta mixtura de español y negra en cada generacion va perdiendo la mitad de lo que tiene de transmarios, à quienes se concede este privilegio: y assi no es mucho que à pocas generaciones vengán à tener tan poco de transmarios, y tanto de europeos, que ya no se reputen por transmarios, por no ser considerable lo que les queda de indio ò negro. Hasta aqui Montenegro l. 3. tr. 10. f. 7. n. 2. p. 4. (*Qui dum ait, in singulis generationibus amitti medietatem sanguinis transmarini, intelligendus, dum in omnibus genitorum alter est europæus. De reliquo est falsa positio, ut patet in casu quæsit secundi, in qua nata ex mixto & mixta nihil amittit de qualitate mixtindæ.*)

Pregúntase lo 4. si puede dispensarse, paraque un indio ò mestizo case con hija de su sobrina carnal? (*Hic legendum: Si un indio ò mestizo se entiende estar ya dispensado para casar con su sobrina carnal?*) V. gr. Si el tio de Maria havra menester dispensacion para casar con hija de Maria? R. Que ya se supone dispensado, aunque la hija de Maria sea española. La razon es, porque este tio está con la hija de su sobrina en segundo con tercero grado de consanguinidad, de suerte que ya passa de segundo puro. Es assi que en los neophitos. en passando del segundo grado por algun ramo, aunque por el otro esten dentro del segundo, se entienden ya dispensados por Paulo. Tercero. Assi en terminos Thomas Sanchez (a), Veracruz, y otros que cita. Iten, Montenegro (b). (*Factas hñc memorata, qua licet Indis contrahere in tertio gradu, non requi-*

(a) Sanchez. l. 8. De Matr. D. 21. n. 15. (b) Montem. l. 3. tr. 10. f. 7. n. 2. p. 4.

requirit quod contractus fiat à neophytis inter se. Unde resolutio hac partè rectè habet, non obstante animadversione primi quæsitæ. Et quòd gradus remotior solum computari debeat, vide supra Ord. 95. Adnot. 3.).

Pregúntase lo 5., si uno que tiene alguna mezcla de Indio, v. g. porque su bisavuelo fue Indio, se podrá dispensar, paraque case con mestiza ò India hija de su hermano ò cuñado? Respondo que sí; porque este tal que tiene ramo de Indio por su bisavuelo, se llama *puchuel*, y el puchel puede casarse con India ò mestiza parienta suia mediante la dispensacion. Porque la prohibicion de Clemente XI. solo es para que los puchueles y quarterones no se dispensen entre sí; pero nõ, quando el uno es puchuel y el otro neophito. (*Imo Clementis concessio solum est ut neophyti inter se ad contrahendum per dispensationem habilitentur.*)

Pregúntase lo 6., si uno que es hijo de mestiza, y no se sabe quien es su padre, podrá dispensarse paraque case con su sobrina hija de su hermano, ò con la hija de su cuñada? La razon de dudar es, porque puede ser que su padre fuese español, y siendo el padre español, el es quarteron. Con que no se puede dispensar paraque case con su sobrina española. No obstante digo, que podrá dispensarse, porque *In dubio melior est conditio possidentis*. Y si el se tiene por mestizo, no hai razon, paraque no goze los privilegios de tal. Lo mismo se ha de decir de un hijo de mulata, cuio padre no se conoce; que se puede dispensar paraque case con parienta suia española. (*Ratio pro hac resolutione adhibita est parum firma, si enim proloquium illud In dubio melior est conditio possidentis, trahere licet invitum à possessione civili ad analogicam, potiori titulo dici ex illo potest ac debet, standum in dubio à communi lege, quæ in possessione est obligandi eum qui se non probaverit exemptum. Nec præsumitur quis privilegiatus, nisi probet. Et ad pejora fiet illatio, si ut gaudeat quispiam mixtindorum privilegiis, sat est opinio privata, vel sine opinione simulatio, qua se pro mixtindo gerat.*)

Pregúntase lo 7., que causas seran bastantes para dispensar con los neophitos, para contraer matrimonio? Responde Montenegro, que los Indios no han menester tan riguroso examen de las causas en quanto à las dispensaciones que hacen los religiosos, supuesto que Paulo Tercero las halló tan bastantes y generales en todos, que les dispensa en el tercero y quarto grado de consanguinidad y afinidad. Estas mismas pueden servir para los demas grados è impedimentos que no son de derecho divino. Pero porque para los grados mas propinquos se requieren mayores causas, el confessor vea si considerando el tiempo, lugar, y personas, se ofrecen algunas que obliguen à la dispensacion del primero y segundo grado de afinidad, y segundo de consanguinidad. Así Montenegro. Y entre otras causas, añade, ajudara el ver que alguno peligra de prevaricar en la fe por el amor que tiene à alguna parienta, ò porque hai probable riesgo de incontinencia, ò por la paz de algunas familias encontradas, y tambien quando de dispensarse se espera que cobrarán

mas

mas affecto y amor al ministro evangelico, y sera medio paraque reciban mejor la lei de Dios. Hasta aqui Montenegro.

Pregúntase lo 8., si habiendo dispensado en el impedimento de afinidad *ex copula illicita*, *in foro conscientie tantum*, despues de casados se hace publico este impedimento, que se havra de hacer? Pongo el caso: Vino Pedro à pedir dispensacion para casarse con Juana, porque havia tenido que ver con su hermana ò madre de Juana. Dixo, que el impedimento era oculto, y en esta se se dispensó, y luego se casó. Despues de algun tiempo se publico, que havia tenido que ver con la hermana ò con la madre de su muger. Qué se hara en este caso? El P. Thomas Sanchez dice (a), que el tal matrimonio es nullo en el fuero externo, porque la dispensacion fue solo para el interno. Y assi el juez ecclesiastico los debe aptar hasta que se les dispense en el fuero externo. Y quien podra dar esta dispensacion? Lo cierto es que por este privilegio ni el Ordinario, ni otro alguno puede. *An verò ratione alterius privilegii Ordinarius dispensare possit, ipse viderit. Certissimum est, virtute Bullæ Cruciatæ non posse (b) ut constat ex verbis Bullæ, & evidenter demonstrat Mendo, & Bardi in Bullam Cruciatæ.*

Pregúntase lo 9., si se podría dispensar en el fuero externo en los impedimentos de consanguinidad y afinidad *ex matrimonio*, en virtud de estas facultades? V. g. para que uno se case con su parienta en grado prohibido por la iglesia. Respondo, que sí, porque assi lo dice la Bulla de Clemente XI.: *In utroque foro gratis dispensandi.* ( *Et hinc patet, non fuisse Jesuitas, ut ex lege quadam vulgus accepit (c), incapaces ratione professionis & proprii instituti omnis exercitii jurisdictionis externæ. Incapaces erant quidem exercendæ jurisdictionis externæ ex officio cui esset addicta jurisdictio, non ex commissione cum opere transitura & deambulatoria; ut in præsentí privilegio ipsis & cumulativè & privativè respectu Ordinariorum collato.* )

Pregúntase lo 10., si para dar esta dispensacion en el fuero externo, es menester que se dê ante el notario ecclesiastico y ante testigos? R. Que no, porque nada de esto pide el privilegio que lo concede; aunque por la publicidad bueno fuera que la dispensacion se diera delante de algunos que la oiesen dandola por escrito al neophito, paraque en ningun tiempo puedan molestar a quien assi se case. (Vide Ord. 600.)

Pregúntase lo 11., qual sera la forma de esta dispensacion que se da por escrito? R. Que la siguiente. = Yo N. N. por virtud del privilegio concedido por la Santidad de N. N. y comunicado à mi, he dispensado con N. N. neophito, paraque contraiga matrimonio con N. N. en tal ò tal impedimento que me consta ser publico. Y paraque conste, y no se le siga en algun tiempo detrimento alguno al dicho N., con quien tengo dispensado, le di esta firmada de mi nombre à tantos de tal mes, año, &c.

OR-

(a) *Sanct. l. 3. De Matrim. d. 15. n. 15.* (b) *Vide infra Ord. 594.*  
(c) *Vide Ord. 522. Adnot. VIII.*

ORDINATIO CDLI

Anno 1701. 25. Jun.

**O**Mnia privilegia spiritualia & temporalia qualiacumque sint, dummodo (1) sint in usu, & non sint revocata, vel sub aliquibus revocationibus comprehensa, aut sacris canonibus, aut Concilii Tridentini decretis, aut apostolicis constitutionibus, aut ordinationibus, aut regulis institutis non adversentur, Ordinibus Mendicantium, & Congregationi Regulari Ministrantium infirmis concessa & concedenda, ad Congregationem Regularem S. Hippolyti Mexicanensis extenduntur perpetuo (11) & communicantur. Ex Bullar. Rom. tom. X. C. 22. Clementis XI. Incipit *Injuncti*.

ADNOTATIONES.

(1) *Dummodo*. Notat Fr. Dominicus Loffada (a), Clementem VIII. & Paulum V. fuisse primos; qui clausula *Dummodo non sint revocata* usi sunt. Sed P. Suarez nominat ante Clementem VIII. Gregorium XIII. & Sixtum V. eas clausulas omnes, *Dummodo sub nullis revocationibus sint comprehensa*, *Dummodo Concilio Tridentino contraria non sint*, in privilegiorum confirmationibus adhibentes. Et Fr. Gabriel de Guillistegui postea Episcopus Paraguayensis ait (b), Julium Tertium induxisse stylum confirmationes modificandi, *Quatenus privilegia sint in usu, & sacris canonibus & Concilii* (sermo erit de Tridentino jam aperto, nondum confirmato) decretis non *adversentur*. Et quidem Const. 14. hujus Pontificis (c) fit mentio Concilii Tridentini; sed fit illa ut dispositio quædam obtineret sine præjudicio indultorum *ante Concilium tamen Tridentinum concessorum*. Expressius Pius IV. postquam Concilium Tridentinum confirmaverat, eam formulam adhibere cœpit, & sanctam esse voluit, ut patet ex ejus Const. 110. §. 177. ibi (d): *Dummodo Concilio Tridentino non repugnent*.

(11) *Communicantur*. Quamvis clausula, de qua nuper, non esset apposta, communicationem non extendi ad Tridentino contraria, scripsit Card. Petra (e). Oppositum contingit in prima concessione, ad cujus efficaciam non est opus expressè derogare decretis Tridentini, quæ fortè contraria sint ex declaratione Sacræ Congregationis apud eundem (f).

Sed dupliciter adversari possunt privilegia Tridentino, nempe materialiter & formaliter sive Tridentino non habenti, & habenti clausulas contrariorum derogatorias, ut post alios notat P. Forti (g), qui simul explicat clausulas, de quibus Adnotatio præcedens. *Sensus*, inquit, clausulæ *quatenus sint in usu* ex Pellizzario (b) est, si adhuc sunt in usu, seu si con-

(a) *Chronol. Privil. Ind.* (b) *Guillig. Apol. Ord. Pœnit. P. 6. §. 4. n. 8.* (c) *Tom. IV. Bullar. Rom.* (d) *Tom. eod. P. 2.* (e) *Petra, t. IV. ad C. 2. Urb. V. n. 24.* (f) *Id. t. III. ad C. 18. Innoc. IV. n. 20.* (g) *Forti, Art. 22. De Conser. Reg. n. 218.* (h) *Pellizz. tr. 2. Man. Reg. c. 2. §. 2. n. 28.*

si contra ea non est sufficienter præscriptum, aut eo modo quo sunt in usu, ita ut si pars tantum sit in usu, secundum eam tantum privilegia confraternitatibus competant... Sensus clausulæ, *Quatenus* decretis Concilii Tridentini, aut Constitutionibus apostolicis non adversentur ex Lezana est, *Si decretis* Concilii Tridentini habentibus clausulas derogatorias privilegiorum non adversentur. Enim vero possunt privilegia adversari Concilio, ubi clausulas derogatorias habet, & ubi non. Primi generis jam non valent; secundi generis privilegia adhuc subsistunt. Quod probabile putat Rodriguez, Portel, Suarez, Cespedes. Hæc habet Forti citatus.

## ORDINATIO CDLII.

Anno 1701. 25. Jun.

**U**T decedente in aliquo hospitali S. Hippolyti Fratre presbytero, alius ad minores ordines unica die, ad sacros tribus, non continuis, sed aliquo temporis intervallo arbitrio Ordinarii definiendo interpolatis, etiam extra tempora & interstitiis non servatis, promoveri valeat. Ex Bullario Romano C. 23. Clem. XI. Incipit *Cum fecit*.

## ORDINATIO CDLIII.

Anno 1702. 17. Jun.

**U**T Fratres Bethleemitæ processionibus publicis interesse non teneantur. Extat ibid. C. 34. Incipit *Solicitudo*.

## ORDINATIO CDLIV.

Anno 1702. 4. Jul.

**C**Arolus Patriarcha Antiochenus constituitur commissarius apostolicus & Sinarum visitator, aliarumque regionum orientalium. Meminit Clemens XI. C. *Cum Nos*. 95. tom. X. Bullar. Rom. Part. 1.

## ORDINATIO CDLV.

Anno 1702. 24. Nov.

**C**onstitutio Innocentii XII. pro primatu provinciæ S. Didaci Minorum Discalceatorum in Indiis contra Eremitas S. Augustini provinciæ Nominis Jesu confirmatur, deputatis in executionem etiam Inquisitoribus fidei. Extat ibid. C. 43. Incipit *Aliàs*.

## ORDINATIO CDLVI.

Anno 1703. 3. Maji.

**C**um Episcopus Quebec significasset, barbarorum aliquos etiam militiæ christianæ adscriptos nullum religionis specimen exhibere; hoc enim habent

habent in more positum, ut statim ac filius nascitur, eum christianis offerant baptizandum, is verò ut adolevit à religionis nostræ sanctimonia abhorret, parentum scilicet exemplo edoctus: Cumque postulasset Episcopus, iis ne infantibus sacramentum baptismatis esset conferendum, in Congregatione Sancti officii responsum fuit (1), baptismum conferre infantibus non licere, qui filii infidelium essent, & in eorum potestate mansuri (2). Hoc tamen decretum eos excepit pueros, qui gravissimè ægrotautes vita periclitarentur: *Non licere si sint filii infidelium, & in potestate eorum relinquendi, secluso tamen mortis imminenti periculo.* Licere autem si filii barbarorum sint, sed jam Christi militem, dum tamen aut à viris apostolicis ibi degentibus, aut ab ipsis parentibus de sanctæ religionis præceptis ac mysteriis edoceantur cum adoleverint: *Licere vero si sint filii barbarorum baptizatorum; curandum tamen per missionarios, ac per ipsosmet eorum parentes, ut cum ad annos discretionis pervenerint, à se vel ab aliis instruantur præsertim in illis regionibus si non prævideatur in promptu adfuturos ministros evangelicos, qui in hoc parentum commodè supplere possint defectum.*

Dubium aliud sive quæstio ab Episcopo Quebec S. Officii Congregationi proposita est, & definita eodem die 3. Maji 1703. : *Utrum antequam adulto conferatur baptisma, minister teneatur explicare ei omnia fidei mysteria, præsertim si est moribundus, quia hoc perturbaret mentem illius; an non sufficeret si moribundus promitteret fore, ut ubi è morbo convalesceret, instruendum se curet, ut in praxim redigat quod ei præscriptum fuerit?* Respondetur, non sufficere promissionem, sed missionarium teneri adulto etiam moribundo, qui incapax omnino non sit, explicare mysteria fidei quæ sunt necessaria necessitate medii, ut sunt præcipuè mysteria Trinitatis & Incarnationis. Ita ad verbum habetur in Epistola Benedicti XIV. ad suum in Urbe Vicarium Archiepiscopum Tharsensem, tom. 2. Bullar. Bened. data 28. Febr. 1747. num. 23. & 41. pag. 201. & 218. Edit. Rom. 1749.

### ADNOTATIONES.

(1) *Responsum fuit.* Sæpe aliàs, ut 16. Febr. 1639. responderat Sacra Congregatio apud Pittoni (a), quòd filii judæorum non sunt invitis parentibus baptizandi, donec veniant ad ætatem legitimam, & tunc si ipsi filii consentiant. Ætas verò legitima regulariter censetur expleto sexennio. Et Julius Tertius imposuit pœnam suspensionis baptizantibus filios hæbreorum (Non infidelium, ut habet P. Marin (b); quamquam in pluribus decretis, quæ de judæis sunt, ii generali nomine infidelium appellantur, & intelliguntur, ibi maximè ubi infideles alii non sunt, ut Romæ, præter judæos). Julii decretum vide apud Pignatelli (c).

Sed

(a) Pittoni, CC. ad Paroch. sub eo die 17. anno. (b) Marin, D. 2. De Bapt. sect. 4.  
(c) Pignat. tom. IV. C. 192. n. 51.



Sed an alia sit habenda ratio de infidelibus paganis, præsertim americanis, dubitaverit quis ex eo quod notat Glossa marginalis in can. 10. 28. q. 1. ibi: *Pagani* citius trahuntur ad fidem quam *judæi*. Et Glossa etiam marginalis ante can. 1. ibid.: *Judæi* facilius fallunt animas quam *pagani*. Odium quoque judæorum in christianorum nomen, fidem, & baptismum rabidius est: ex quo majora mala essent timenda, si filii invidorum & repugnantium baptizarentur, ut patet ex eo quod in Historia Ecclesiastica ad annum 1496. memoriâ proditur, quando Joannes Secundus Portugalliæ Rex hæbreorum filios quatuordecim annorum ætate minores à parentibus invitis abduci fecit baptizandos, nempe plures proprios filios, ne baptizarentur, in puteos præcipitasse, & alios præ dolore & rabie sibi intulisse manus.

Idem ferè quod de judæis, censerì potest de saracenis, seu mahometanis, de quibus alii sunt textus, & quorum aversio à baptismo major est quam paganorum, Novi præsertim Orbis, qui quo magis assimulantur brutis plus habent de infidelitate negativa, & quos turmasim ad baptismum etiam iteratum adduxeris oblato tantum aquæ-vitæ vitro.

In præsentè verò Sacræ Congregationis responsione ad Americanum Antistitem directâ dubitandum non est, quin sermo sit de paganis etiam, & infidelibus americanis, ut erant Iroques, Hurones, Abenakis, & similes, quos tantum fert illa Quebec regio, qui cum judæis & saracenis nihil habent commune. Esset tamen opus hanc responsionem in concordiam redigere cum Brevi, de quo supra Ord. 20., si constaret datum illud esse ad baptizandos omnes Indorum filios vel invidorum. Et videtur ad hoc esse datum, ad baptizandos quippe filios Indorum, his volentibus nullo Brevi erat opus. Vide Ord. 463.

(11) *Mansuri in eorum potestate*. Igitur si filii in potestate parentum infidelium mansuri non sint, præsens oraculum, quidquid de aliis sit, non obstat quominus baptizentur. At de quolibet infante americano probabilius est non permansurum in potestate parentum, nec apud infideles post infantiam, quia videlicet probabilius est, non eo perventurum ut infantiam excedat, & discretionis pertingat annos. Constat testimonio medicorum apud Laiman & Gobat (a), vix tertiam infantium partem ad ætatem discretionis pervenire. Et quod in pluribus contingit, probabilius est fore ut cuilibet contingat particulari. Imò est certum ea morali certitudine, de qua D. Thomas (b) loquitur, qui cum sibi objecisset quòd regula morum debet esse certissime, respondet, *Quòd non est eadem certitudo quærenda in omnibus, ut in 1. Ethic. (lect. 3.) dicitur. Unde in rebus contingentibus, ut sunt naturalia & res humanæ, sufficit talis certitudo, ut aliquid sit verum ut in pluribus, licet interdum deficiat in paucioribus.*

Quodsi periculum non perveniendi ad annos discretionis ex ea qualiquali certitudine grave est in infantibus quibuscumque, etiam iis qui nuntian-

(a) Gobat, tom. 2. in. 2. n. 324. (b) D. Th. 1. 2. q. 96. a. 2.

triuntur in croceis, de quibus indiscriminatim loquuntur authores & medici, gravissimum esse in Indis Americanis suadent sequentes rationes. 1. Frequentes inter illos epidemiæ, quæ tenerioribus ætate magis exitiales sunt. 2. Sylvatica vivendi ratio sine foco, sine tecto, quo à climatum intemperie tuti sint. 3. Barbara matrum, & nutricum incuria, quas etiam postquam christianæ sunt, necesse est aliquando verberibus adigere ad lactandos filios. 4. Earumdem matrum non unius regionis dira pietas, quæ ut filias adultas à vivorum acerbitate liberent, clam sepeliunt vivas in infantia. 5. Tygridum & viperarum morsus & plaga læthalis sævientium passim in adultos, multo magis in ætate inermes, & cavendi nescios. 6. Quod hæc & alia pericula infantibus imminetia sunt plura quo latius infantia protenditur, ut in Indis Americanis contingit, quibus illucescere seriùs quam aliis rationis usum, notum est & scripsit Avendatio (a). 7. Quod infantium americanorum cladem, & puerorum oportet esse maximam, quandoquidem gens de cœlibatu parum sollicita vel prorsus ignara, in dies numero cadit, ut notum etiam est, tam in regionibus Americæ borealis prope Quebec, de quo pluribus in locis testatur Charlevoix (b), quam in partibus Americæ meridionalis.

Eadem ratione periculum subversionis in infante baptizato non est tam propinquum & imminens ut aliàs, quatenus pauciores sunt qui infantiam excedant, & ad ætatem perveniant subversionis capacem. Minus certè non est subversionis & à fide suscepta defectionis periculum in americano adulto caput è sylvis extrahente & offerente ad baptismum, atenta gentis & genii instabilitate. Nec minus est periculum in filiis hæreticorum, ut à parentibus subvertantur. Et tamen illos baptizare praxis est a viris piis & doctis per Germaniam observata, ut testatur Gobat & Laiman (c). Idem periculum subversionis est in filiis barbarorum, de quibus Episcopus Quebec ad Sacram Congregationem retulit, esse quidem per baptismum adscriptos militiæ christianæ, nullum tamen religionis assumptæ præbere specimen, nec imbuiere filios nisi illius horrore, etiamsi baptizandos obtulerint. Et tamen S. Congregatio in præsentí Ordinatione respondit licere filios tales baptizare, dummodò curetur qua fieri possit, ut ritè instruantur adulti.

Quodsi ad baptizandos infidelium filios, necessarium esset illos abstrahere; quamvis abstinendum sit ob incommoda rei christianæ imminetia; abstractio tamen causâ spiritualis filiorum salutis facta non videtur fore parentibus injuriosa; quatenus inquam necessarium sit ad aperiendam eorum filiis salutis viam, quam ut obstruant parentes nullum jus, potestatem nullam habent à natura. Fr. Martinus à Torrecilla (d) refert Capuccinos suos in Benin, Sierraleona, Caracas, & Missionibus aliis solitos esse filios infidelium invitis parentibus baptizare. Quorum praxis si approbetur, ad decreta quæ possunt objici præsentí resolutioni conformia, dicen.

---

(a) *Avend. P. X. Auctar. n. 223.* (b) *Charlev. Hist. de la N. Fr. tom. 2. l. 7. p. 66., & l. 8. pag. 107.* (c) *Laim. cap. 6. De Bapt. n. 22.* (d) *Torrec. tom. 2. Consult. tr. 4. cap. 4.*

dicendum, esse facta, & prohibitum filios invitis parentibus baptizare, non quia hoc sit intrinsicè malum & per se illicitum, sed quia est malum & illicitum ob incommoda, mala, & pericula inde in rem christianam imminencia. Unde si aliquando periculum absit hoc, præsertim si circumstantiæ tales sint, in quibus non tantum negativè absit periculum, sed contrariè; hoc est, quando & periculum abest, quia parvulus v. g. baptizatur clam, & aliunde in eo quod baptizetur tunc, nec differatur occasio, vertitur, infantis salus baptizari poterit ac debet, invitis etiam parentibus, saltem ibi ubi speciale periculum est, ne moriatur infans in infantia, & adhibita cura possibili, si supervivat, ut christiana educatione donetur.

De S. Pio. V. dicitur in Historia Societatis Jesu (a): *Hac erat Pontificis sententia, ubi sacerdotes deessent, per quos baptizati in religione continerentur, modum tingendis hominibus adhibendum. Modus autem hic pertinet ad curam supra demandatam à S. Congregatione, ut scilicet sacerdotum defectus quorumlibet aliorum ministerio suppleatur, ne baptizatis capacibus desit instructio necessaria. Quo modo adhibito, & parvulorum vita in discrimen coniecta, atque incommodis malisque quo ad ejus fieri possit devitatis, licet invitis parentibus filios infidelium paganorum, præsertim barbarorum Novi Orbis baptizare. Etiam de Saracenis id tradunt Canonistæ plures cum Picler in libr. V. Decretal. tit. 6. De Jud. Sarac. & eor. servis.*

Ex dictis collige, quid sentiendum in facto sequente: Sunt in finibus Paraguayi Chiriguani barbari olim baptizati sub cura & doctrina PP. Dominicanorum, sed percussis religiosissimis pastoribus, dispersi in fidem christianorum & hispanorum rebellarunt. Regressi tamen post magna promissa vitam agunt apostatarum, quos tolerare malum est necessarium. At filios baptizari non renuunt: imo ultro offerunt baptizandos. Dubium est an baptizari possint, an debeant. P. Joannes Pastor olim Paraguayæ Provinciæ missionarius & Provinciales S. J. (b) quemdam in casu simili commonefecit, ne properaret conferre baptismum infantibus Matararum gentis, donec in ea firmaretur exercitium christianæ religionis. Idque tenendum, nisi parvulus dilato baptismo de salute periclitetur. Illud est certum, infantem validè baptizari, qualiscumque sit parentum voluntas, vel fides, aut infidelitas.

## ORDINATIO CDLVII.

Anno 1703. 23. Jun.

**P**erpetuò conceditur facultas applicandi quasdam indulgentias defunctis. per modum suffragii confraternitati B. M. Virginis immaculatè conceptæ in ecclesiis Fratrum de Mercede Mexici. Ex Bullar. Rom. C. 50. Clem. XI. Incipit *Cum scut*.

OR.

(a) *Hist. Soc. P. 3. lib. 4. n. 273. circa ann. 1560.* (b) *Apud Charlev. Hist. del. Parag. lib. 2. pag. 467.*

ORDINATIO CDLVIII.

Anno 1704.

**U**T missionarii reformati Ordinis Minorum post ministerium duodecim annorum præstitum in Æthiopia Sacræ Congregationi de Propaganda, si in suas provincias redire voluerint, gaudeant Ex-provincialium privilegiis. Ibid. C. 54. Incipit *Iustitiæ*.

ORDINATIO CDLIX.

Anno 1704. 13. Febr.

**U**T Rectores Provinciales Discalceatorum Ordinis S. Augustini Congregationis Hispaniæ & Indiarum ob renuntiationem & privationem assumpti gaudeant eisdem privilegiis quibus Provinciales absoluti. Ib. C. 57. Incipit *Nuper*.

ORDINATIO CDLX.

Anno 1704. 20. Nov.

**C**onfirmantur decreta seu responsa S. Congregationis ad quæsitæ seu excerpta ex mandato D. Caroli Maigrot circa ritus sinenses. Ibid. C. 68.

ORDINATIO CDLXI.

Anno 1704.

**A**D triginta annos decrevit Clemens XI., ut vacantibus in Philippinis Ecclesiis Zebuana, Segobienfi, & Cacerensi, quæ Capitulo carerent, administratio esset penes Episcopum viciniorem. Qua ratione in administratione Ecclesiæ Zebuanæ succedet Episcopus Cacerensis, Archiepiscopus in Cacerensem, & Segobiensem. Ita habet P. Eugenius Lopez in M. S. Estque ordinatio conformis factæ ut vacantem Ecclesiam Goanam administret Episcopus Goccinensis, de qua supra Ord. 137. 232. & 389.

ADNOTATIONES.

Eandem viguisse disciplinam antiquitus constat ex Concilio Rhégiensi, vel potius Rigenfi, aut Regenensi in Gallia Narbonensi celebrato anno 439. cuius canon 5. sic habet (a): *Stabili* definitione consultum est, ut de cætero observaretur, nequis ad eam Ecclesiam quæ Episcopum perdidisset, nisi vicinæ Ecclesiæ Episcopus exequiarum tempore accederet: qui tamen Ecclesiæ ipsius curam districtissimè gereret, nequid ante ordina-

(a) C. Rheg. apud Bail. in *Summa Concilior.* tom. 2. pag. 441.

nationem discordantium in novitatibus clericorum subversione liceret. Itaque cum tale aliquid accidit, vicinis vicinarum ecclesiarum inspectio, descriptio, recensioque rerum mandatur.

Sed quid fiet ubi Papa de administratore substituendo non providit, & non est Capitulum, cujus negligentiam suppleat Metropolitanus, aut suffraganeus antiquior, aut vicinior juxta Tridentinum (a), & cap. *fin. De suppl. negl. Præb. in 6.*? Casus contigit aliquando in Ecclesia Tucumanensi, ubi Capitulum quatuor aut quinque præbendis constans modò, quando hæc scribuntur, totum est in uno, & olim redactum est ad nullum, mortuo etiam qui Vicarium agebat Capitularem. P. Petrus Lozano in M. S. (b) inquit: *Respondieron del Peru lo que es llano en derecho, que podian ( los quatro Beneficiados no prebendados de la Cathedral ) proceder à eleccion de Vicario General.*

Videndus tamen Benedictus XIV. (c), qui postquam tradiderat, Capitulo Vicarium eligere negligente, electionem in Ecclesia suffraganea ad Metropolitanum, in Metropolitana ad antiquiorem, in exempta ad propinquiorem pertinere, subdit: *Idem* juris est, si ecclesia vacans careat Capitulo, à quo Vicarius constitui queat. Si tamen contingat vacare Ecclesiam suffraganeam carentem Capitulo tempore quo etiam Metropolitana est suo pastore viduata, in hoc casu electionem Vicarii non expectare ad antiquiorem ex suffraganeis, ut nonnulli opinabantur, sed ad Capitulum vacantis Ecclesiæ Metropolitanæ, censuit Sacra Congregatio Concilii, à qua cum quæsitum fuisset 1. An vacante Ecclesia suffraganea Capitulo carente, illius administratio, & Vicarii sede vacante deputatio spectet ad Metropolitanum, & quatenus Ecclesia Metropolitana pastore careat? 2. An spectet ad Capitulum ejusdem Ecclesiæ Metropolitanæ, vel potius ad antiquiorem suffraganeum Episcopum? Eadem die 28. Aug. 1683. ad 1. respondit affirmative. Ad 2. spectare ad Capitulum Metropolitanæ. Idemque responsum dedit 14. Aprilis 1685. Hucusque Summus Author.

## ORDINATIO CDLXII.

Anno 1705. 30. Jan.

**D**Ecernitur ac declaratur, jus (1) visitandi regulares in iis quæ concernunt curam animarum (II), ac sacramentorum administrationem, Archiepiscopo Manilano, aliisque Episcopis in Insulis Philippinis (III) competere: neque eosdem regulares parochias seu doctrinas, sub censurarum aliisque pœnis dimittere posse. Quia scilicet dicti doctrinarij protestati erant, se potius velle parochias deserere, quam visitationi subesse. Ex Bullar. Rom. C. 71. Incipit *Cum sicut*.

AD-

(a) *Trid. s. 24. c. 26.* (b) *Lozano, Cong. del Parag. &c. Tucuman. cap. 13.*  
(c) *B. XIV. lib. 2. De Syned. Diac. c. 9. n. 1. pag. 54.*

## ADNOTATIONES.

(I) *Decernitur ac declaratur.* Id ipsum decretum declaratumque fuit 6. Febr. 1627. cum expressa derogatione Pii V., quo nitebatur doctrinariorum regularium exemptio. Et à S. Rota decisum est 10. Mart. 1700. apud Pittonum (a), quod jurisdictio visitandi parochos, & ecclesias regulares curatas, erectas ex alterius territorio, & potestas (fortè politas) in sua diœcesi spectat ad Episcopum, tam ex dispositione juris communis, quam Concilii Tridentini; nam concors est & pacificus Canonistarum consensus, quod semel ac ecclesiæ monasteriorum habeant annexam curam animarum, & regularibus committitur eadem cura, semper in iis quæ concernunt dictam curam & administrationem sacramentorum, de jure communi subjiciuntur Episcopis, non suffragante quacunque exemptione eis concessa, quia ista exemptio non comprehendit curam animarum, nec presbyterum illam regentem. In quorum executionem Jus Indico-Hispanicum sic habet (b): *Estando* assentado por derecho, y declarado por la Congregacion de EE. CC. del Concilio de Trento, que los curas religiosos deben ser visitados en todas las cosas que son en *officio officiendo*... conforme à esta regla deben proceder los Arzobispos y Obispos en las visitas castigando, reformando, y removiendo todo lo que fuere justo, guardando el Santo Concilio de Trento en las *appellaciones*. Vide supra Ord. 197. & infra Ord. 596.

(II) *Curam animarum.* Quænam sint quæ animarum curam concernunt & officium parochiale, explicat cit. lex indica ibi: *Puedan* visitar Iglesias, el Santissimo Sacramento, crisma, confradias, limosnas de ellas.... todas las cosas que no pudieran hacer, ni pudieran ser obedecidos ni tuvieran execucion, sino fueran tales *curas*. Quodsi contingat complicari, quod officium parochiale concernit cum pertinentibus ad disciplinam regularem, corrigendus erit parochus quoad primum per Episcopum admonito Prælato regulari quoad reliqua. Quodsi negligat Prælatus regularis, poterit Episcopus ipse ea ratione & modo corrigere quo tamquam Sedis Apostolicæ delegatus potest animadvertere in exemptos non parochos, ut lex citata prosequitur.

(III) *In Philippinis.* Postquam schedulæ regię, de quibus nuper, executioni datæ sunt in Peruvio & Mexico, Ill. Poblete Archiepiscopus Milanus easdem denuntiari fecit in Philippinis circa annum 1655., ut ibi jus idem obtineret; sed reclamarunt religiones recursum ad Principem faciendo, ut Brevis Piani favorem tueretur ibi ubi tantus erat parochorum secularium defectus, nec post duodecim annos à throno prodierat responsio, continuato interea functionum parochialium usu per regulares independentes à Diœcesano, ut refert P. Hieronymus Ortega in *Defensione Provincia Philippinarum*. Et specialis ratio in illis partibus militans à raritate

(a) Pittoni, CC. ad Regul. n. 4110. (b) Leg. 28. tit. 25. lib. 7. Recop. Ind.

te parochorum petita necessariam fecit præsentem declarationem ad illas determinatam.

### ORDINATIO CDLXIII.

Anno 1705. 18. Febr.

**S** Inquisitionis Congregatio ad quæsitum Ill. Maigrot Episcopi Canonensis, & Apostolici per orientem Commissarii, An filii infidelium possint invitis parentibus baptizari? respondit audito voto consultorum, non licere nisi in articulo mortis. Refert Benedictus XIV. in epistola supra 3. Maji 1703. laudata, ubi disserit, an contingere unquam possit occasio, in qua filios reluctantæ parentum arbitrio baptizare liceat, & conveniat. Subjungitque: Si puer projectus esset, omnium sententia est, pluribusque confirmata judiciis, eum baptizari oportere, reclamantibus etiam, repetentibusque parentibus. Et inferius deducit, conferendum esse baptismum, sed absque violentia, & omni injustitia seposita.... quamvis mater filios sui juris non habeat, si ad fidem accedat, filiumque ad baptismum offerat baptizandum, quamvis pater reclamet... Conferendum esse baptismum infantibus christianorum Turcis nuptarum, si constet mortem oblato puero imminere.... Quodsi nullum adsit vitæ periculum, oportet omnes expendere circumstantias. Refert ibidem, Sanctissimum, auditis votis Cardinalium S. Inquisitionis decrevisse baptismum duorum infantium patris judæi, qui eos primum obtulit, sed quem facti deinde pœnituit. Et tandem quod rei difficultas in causa fuit, cur missionariis responsio cathagorica sit negata enixè postulantis; an liceret baptismum conferre infantibus oblatis ex cupiditate.

### ORDINATIO CDLXIV.

Anno 1705. 8. Maji.

**U**T in ecclesiis Excalceatorum S. Francisci Mexicanæ Provinciæ, quolibet sabbato non impedito officio duplici primæ, aut secundæ classis, exceptis sabbato sancto, & sabbatis infra octavas Resurrectionis, & Pentecostes, Vigiliaque Nativitatis si in sabbatum inciderit, non omissa conventuali, unica missa votiva de B. Maria Virgine celebrari possit. Extat cit. tom. X. Bullar. Roman. C. 74. Clem. Incipit *Emanavit*. Simile quid haud ita pridem sine limitatione ad Mexicum concessum esse vulgò fertur à Clemente XIV. (a), ut scilicet Minores de observantia omni sabbato, festo duplici 1. aut 2. classis non impedito, possint missam de Immaculata Conceptione cantare, non omissa conventuali.

OR-

(a) *Notizie del Mondo, Martedì 21. Ag. 1770. Roma.*

## ORDINATIO CDLXV.

Anno 1705. 15. Sept.

**C**onfirmatur Manuale ceremoniarum provinciæ S. Evangelii de Mexico per Fr. Isidorum de Castañeira Ordinis S. Francisci de observantia. Ibid. C. 77.

## ORDINATIO CDLXVI.

Anno 1705. 12. Dec.

**N**E Minister Provincialis Discalceatorum S. Francisci provinciæ S. Didaci Mexicanæ possit sine consensu Definitorii & Discretorii cedere juri præcedendi Eremitanos S. Augustini. Ex eod. Bullar. C. 80. Incipit *Cam sicut*.

## ORDINATIO CDLXVII.

Anno 1706. 15. Januar.

**N**E ad Ordinem Prædicatorum in Provincia Angelopolitana admittatur quicumque illegitimus, ex soluto etiam & soluta ortus, absque licentia in scriptis Magistri Generalis. Extat ibid. C. 84. Incipit *Exponi*.

## ORDINATIO CDLXVIII.

Anno 1706. 19. Jan.

**C**ausam inter Episcopum Carthaginensem in Indiis occidentalibus ex una, & Inquisitorem ac Ministros Curiae laicalis, nec non Archiepiscopum S. Fidei & Episcopum Sanctæ Marthæ ex altera parte vertentem dirimere volens Clemens XI., de Congregationis specialiter deputatæ consilio, omnia acta per Episcopum Carthaginensem esse rite & benè gesta, & contra eum gesta esse nulla & attentata declaravit, & ad majorem cautelam illa revocat. Præfatum Archiepiscopum & Episcopum S. Marthæ, cæterosque nrsinatos monet, ut consulant conscientiam suam. Quoad alios ecclesiasticos etiam regulares delinquentes Episcopus procedat, & excommunicati curent sibi ab eo absolutionem concedi, qui prævio edicto illam offerat comparentibus intra terminum præfigendum, excepto quodam Canonico, cui Episcopus injungat ut Romam adeat, firmis remanentibus privatione canoniciatus, aliisque pœnis per Episcopum inflictis. Præterea decernit, Inquisitionis Tribunal Carthagine removendum. Quoad adhærentes Episcopo declarat, omnia illis damna esse reficienda. Subjectionem monasterii Sanctæ Claræ eidem Episcopo cum privatione officiorum, vocisque activæ & passivæ fratrum qui complices de commissis contra monasterium & moniales reperti fuerint, confirmat. Omnia alia monasteria exceptis Augustinianis à jurisdictione religiosorum eximunt, & Episcopo subdit, cujus commendatur zelus. Extat ibid. C. 85. Incipit *Ex Commissi*.



## ADNOTATIONES.

De eadem causa videtur loqui Card. Petra (a) dum ait: *Hic addendum censui casum, qui evenit anno 1686. circiter in Indiis cum Episcopo Carthaginensi. Cum enim iste fuisset declaratus publicè excommunicatus ab Inquisitore, censuras nullas fuisse declaravit Innocentius XI., ut constat ex epistola Cardinalis Cybo tunc ministri primi ex oraculo, ut moris est, Papæ. Quæ epistola fuit data Romæ 24. Januarii 1687. directæ eidem Episcopo, in qua adsunt inter cætera hæc verba: Dichiarando di già la Santità Sua nulle le scomuniche degl' Inquisitori contro di lei, per non haver il Tribunale dell' Inquisizione autorità sopra i Vescovi se non in materia di fede, e ricercandosi anco in questo caso speciale commessione segnata dal Sommo Pontefice, e valide le fulminate da V. S. I. contro l' Inquisitore stesso.*

Imo cum dissensiones illæ fuerint relatæ in Consilio Supremo Indiarum apud Regem Catholicum, hæc consultatio providit, in qua post enuntiatam exemptionem Episcoporum ab Inquisitione Generali, fundatam in legibus, conciliis, & bullis apostolicis, & communi doctorum censura adsunt hæc verba: *Ed in quella che riguarda che la Maestà Vostra interponga la sua Reale Autorità e regia protezione acciò che venga sospesa l' esecuzione di quello che è stato ordinato dalla S. S. per esser contrario alle Bolle Apostoliche, ed a' privilegi dell' Inquisizione, le di cui cause non possono portarsi a Roma, dice il Consiglio dell' Indie non esser di parere che habbia alcuna ragione in questa istanza il Consiglio dell' Inquisizione, e non esser quello un caso nel quale la Vostra Maestà deve interporre la sua Regia Autorità, stante non esser commessa all' Inquisizione la cognizione delle cause de' Vescovi, ed esser questa riservata alla S. S., e toccar alla V. M. la protezione de' Vescovi mediante la disposizione del Concilio di Trento. Hucusque Emin. Petra. Et quoad remotionem Tribunalis Inquisitionis à Civitate Carthagine, quidquid de aliis sit, executione caruit; nam hodieum ibi permanet, ut in suo Dictionario testatur P. Colletti V. Cartagena.*

## ORDINATIO CDLXIX.

Anno 1706. 1. Febr.

**U**T Eremitæ S. Augustini, qui in Congregatione Indiarum orientalium Vicarii Provincialis munere functi sunt, Ex-provincialium postquam in provinciam Portugalliz reversi fuerint, gaudeant privilegiis. Extat in cit. Bullar. C. 87.

OR-

(a) Petra, tom. 2. ad C. 2. Leonis IX. sess. 1. num. 79. pag. 240.

ORDINATIO CDLXX.

Anno 1707. 1. Jan.

**D**Eclaratur nullum edictum Ill. Augustini de Annuntiatione Archiepiscopi Goani contra jurisdictionem Commissarii & Visitatoris Apostolici. Ibid. C. 95.

ORDINATIO CDLXXI.

Anno 1707. 5. Jan.

**P**Etito pallio pro parte Archiepiscopi Cranganoris, & concesso præviis litteris apostolicis, ut antequam possessionem ecclesiæ adipisceretur, professionem fidei, in manibus Episcoporum Malacensis & Coccinensis, seu alicujus eorum emitteret, atque fidei juramentum Summo Pontifici ac Sanctæ Romanæ Ecclesiæ debitum præstaret, & ab eisdem pallium reciperet, & consecrationis munus à quocumque maluisset catholico Antistite infra tempus à jure statutum obtineret. Cumque idem Archiepiscopus mandatis apostolicis quâ potuit obtemperasset, fideique professionem in manibus Episcopi Coccinensis emisisset, pallium ob quædam impedimenta & causas ab Archiepiscopo Goensi Indiarum orientalium primate recepit; à quo pariter munus consecrationis ultra tamen tempus sex mensium in litteris præfatis, & Tridentini *sess. 23. cap. 2. De Reform.* indicatum, præstito fidelitatis juramento obtinuit. Subinde in reditu Archiepiscopi Cranganoris in Malabariam quædam insurrexerunt dubia, tum circa validitatem receptionis pallii ab alio quam à designato, tum etiam circa poenam amissionis ecclesiæ ob dilatam receptionem consecrationis. Deputata est pro resolutione quædam Congregatio specialis, in qua Vincentius Petra, postea Cardinalis, qui hæc refert (a), dixit quod cum debita probatio impedimentorum & causarum non concurrat in casu, intrat poena amissionis ecclesiæ ob non receptam consecrationem intra sex menses. Sed opus est sententia declaratoria saltem facti, quod non receperit iusto impedimento non concurrente. At in foro conscientiæ videtur dicta poena statim ante sententiam declaratoriam incurra. Cum verò consecratio dicti Archiepiscopi jam esset peracta, visum fuit posse indulgeri per Sanctissimum pro rehabilitatione, & revalidatione tituli cum condonatione fructuum, & convalidatione omnium gestorum. Et quoad pallium receptionem fuisse nullam; sed posse concedi per Sanctissimum *perinde valere*. Et Sanctissimus per litteras approbavit. Ita C. Petra loc. cit. addens: *Et licet Solorzanus* (b) conetur defendere in parte Indiarum validitatem præstationis juramenti, & emissionis fidei professionis alteri quam Antistiti designato ex causa, compellitur asserere quod in similibus casibus

(a) C. Petra, tom. V. ad C. Triumphant 3. Pii II. *sess. un. num. 22. pag. 208.*

(b) Solorza, tom. 2. *De Ind. Jur. lib. 3. cap. 6. 2. & Politica vulgar. lib. 4. cap. 6.*

bus semper fuerit impetrata gratia revalidatoria nuncupata *Perinde valere* à Sede Apostolica.

## ADNOTATIONES.

Longe aliud est quod habet Solorzans in loco citato Politicæ, qui citato à Cardinali ex Opere latino respondet, scilicet, facta ad Sanctissimum relatione, ut si esset opus gratiam revalidaret, respondisse non esse opus revalidato. Verba Solorzani sunt: *Estos ultimos* (fundamentos con que se tuvo por licito y valido ocurrir para que reciba la profesión y juramento, à qualquier Prelado que se hallasse presente ò mas cercano, quando sucediesse haver muerto ò estar en partes mui remotas los que en las Bulas viniessen nombrados) parecieron tan efficaces y substanciales, que en los casos que he referido se conformaron con ellos todos los Theologos y Juristas de Lima. Y lo que mas es habiendose dado cuenta de ellos al Summo Pontifice, para pedirle un *Perinde valere*, si fuesse necessario, declaró que no lo era y que el parecer referido era mui conforme à su intencion y *dictamen*. Neque aliud habet Solorzans in Opere latino, quam quod retulimus ex vulgari. Sed declaratio pontificia, quæ apud Solorzanum est, rectè convenit cum oraculo pontificio, cujus fides est apud C. Petram circa Archiepiscopura Cranganoris, quod erat de casu in quo probatio impedimentorum & causarum non concurrat, cum in illa alia declaratione supponatur esse causam & impedimentum probatum, vel sine probatione notum aut notorium, nempe absentiam vel obitum ejus, qui in litteris apostolicis nominabatur.

## ORDINATIO CDLXXII.

Anno 1707. 28. Jul.

**P**Rivilegia, dummodo sint in usu, & non sint revocata, ac sacris canonibus, Concilio Tridentino, ordinationibus apostolicis, regularibusque institutis non adversentur, Ordinibus Mendicantium, & Congregationi Clericorum ministrantium infirmis concessa & concedenda extenduntur, communicantur, & de novo conceduntur Bethlehemitis. Extat in Bullar. Rom. C. 103. Incipit *Injuncti*. Vide supra Ord. 451.

## ORDINATIO CDLXXIII.

Anno 1708. 14. Aug.

**R**Evocatur Alternativa in provincia B. Mariæ de Gratia Ordinis S. Augustini in Indiis occidentalibus. Extat idid. C. 118. Incipit *Exponi*.

## ORDINATIO CDLXXIV.

Anno 1708. 22. Sept.

**A**D ulterius vicennium prorogata sunt facultates indicæ Soc. Jesu. Extat in archivio Collegii Cordubensis in Tucumania, quod fuit

ex-

extinctæ Societatis. Neque tenor differt à constitutione prorogatoria Benedicti XIII. anno 1729. 12. Dec. referenda: neque à concessione vicennii præcedentis facta ab Alexandro VIII. & in Bullarium commune relata, nisi quoad explicationem dubiorum & vocum aliquarum anno 1701. relatis Sacræ Congregationis declarationibus conformem.

## ORDINATIO CDLXXV.

Anno 1710. 3. April.

**C**ongregationem regularem Bethlehemitarum in Indiis occidentalibus erigit in veram religionem cum votis solemnibus, etiam ab iis qui prius vota emisissent, ex integro emittendis. Ita tamen, ut nova vota emittentes de inefficacia præcedentium ad constituendos veros religiosos certiorescentur. Ex cit. Bullar. 140. Incipit *Ex debito*.

## ORDINATIO CDLXXVI.

Anno 1710. 20. Maji.

**U**t senarius magistrorum numerus in provincia Chilensi Ordinis S. Augustini ad duodenarium augeri possit. Extat ibid. C. 142. Incipit *Ex injuncto*. Et C. 164. duodenarius numerus ad octo denarium extenditur pro Limana Provincia.

## ORDINATIO CDLXXVII.

Anno 1710. 25. Sept.

**I**dem Pontifex confirmavit decreta anni 1704, quæ de finensibus ritibus erant. Præcepitque, nequis auderet scripta de hoc argumento edere sine licentia Sanctæ Inquisitionis sub excommunicatione latæ sententiæ contra quosvis, & contra regulares sub pœna etiam privationis vocis activæ & passivæ. Scriptaque voluit esse prohibita absque alia declaratione sub pœnis in Indice contentis. Mentio fit in Const. *Ex quo*. Benedicti XIV. anni 1742. 11. Jul.

## ORDINATIO CDLXXVIII.

Anno 1711. 15. Mart.

**D**ecretum Card. de Turnon, ut quicumque missionarius sæcularis, aut regularis sine ejus licentia munus obire, aut recedere præsumeret, esset suspensus à divinis: utque nullus assumeret sine ejus licentia superiorum in Sinis, confirmatur. Declaraturque, similem licentiam requirendam à prædicti Cardinalis successoribus in munere Commissarii Apostolici & Visitatoris. Dictamque licentiam non præstandam nisi facto juramento de observando decreto circa finenses ritus edito 25. 1710. Sept. Ex cit. Bullar. C. 152. Incipit *Cum sicut*.

OR-

## ORDINATIO CDLXXIX.

Anno 1711. 15. Mart.

**A**cta Episcopi Macaonensis contra Visitatorem Apostolicum annullantur. Extat ibid. C. 153. Incipit *Ad Apostolatus*.

## ORDINATIO CDLXXX.

Anno 1711. 24. Jul.

**C**ommunicantur Bethlehemitis privilegia Ordinum Mendicantium, & Clericorum ministrantium infirmis. Extat ibid. C. 155. Incipit *Injuncti*. Neque differt hæc constitutio à supra posita 28. Jun. 1707., nisi quod illa dirigitur ad Congregationem, hæc ad Religionem Bethlehemitarum.

## ORDINATIO CDLXXXI.

Anno 1712. 2. Jul.

**U**T non obstantibus litteris (1) Pauli V., & aliis quibuscumque, domus seu conventus provinciarum S. Antonii & Sanctæ Crucis Ordinis Prædicatorum in Indiis occidentalibus, tametsi numerus octo religiosorum non alatur, in pristino statu conserventur. Utque hujusmodi domorum priores & vicarii voce in electione Provincialis gaudere debeant: ita ut electiones juxta tenorem constitutionum Clementis (II), Pauli Tertii (III), Gregorii (IV), & Alexandri (V) pro validis habeantur. Extat ibid. C. 172. Incipit *Nuper*.

## ADNOTATIONES.

(1) *Pauli V.* Statuerat hic Pontifex, ut conventus qui numerum octo religiosorum alere non possunt, supprimi deberent. Si verò illud executioni mandari non posset, regulares ad alios conventus transferrentur: ita ut in partibus Indiarum non esset monasterium, quod non incoherent saltem octo religiosi. At hæc constitutio usu caruit in Indiis. Vide Ord. 531. & 540. Et ea, qua Innocentius X. numerum duodecim incolarum ut minimum cuique monasterio præfigit, data est pro Italia & Insulis adjacentibus.

(II) *Clementis*. Nempe Septimi, qui litteris 11. Jul. 1533. datis approbavit praxim in quibusdam Ordinis Prædicatorum provinciis inconcussam, ut licet ab earum conventibus numerus duorum, trium, vel quatuor religiosorum aleretur tantum, & in aliqua domo unus tantum habitaret nomine Prioris, eo quòd aliquæ ex dictis domibus pro doctrinis seu parochiis ad instructionem populorum destinatæ erant; nihilominus dicti Priores suffragium semper in Capitulis Provinciarum ferrent.

(III) *Pauli Tertii*. Qui per binas litteras datas 10. April. 1540. & 1. Januariar.

mar. 1546., decreverat ut Priores conventuum non habentium nisi quatuor, ac ne quatuor quidem habentium, vocem haberent in capitulo.

(IV) *Gregorii*. Nempe Decimi Tertii qui id ipsum nominatim pro S. Antonini provincia Novi Regni Granatensis decreverat 15. Jul. 1580.

(V) *Alexandri*. Septimi, qui 8. Nov. 1664. idem suffragii jus asserit Prioribus dictis, sive in capitulo, sive extra capitulum electis à Provinciali cum duodecim aliis religiosis. Vide Ord. 483.

## ORDINATIO CDLXXXII.

Anno 1713. 25. Febr.

**C**onceditur Ordini Prædicatorum facultas erigendi duas confraternitates apud Sinas eodem loco, aliam pro fæminis, pro viris aliam. Ex Bullar. Rom. C. 179. Incipit *Exponi*.

## ORDINATIO CDLXXXIII.

Anno 1713. 16. Jun.

**U**T quod ad favorem provinciarum Floridæ, & de *Buenos ayres* Ordinis S. Francisci, nec non Sanctæ Crucis, & S. Antonini Ordinis Prædicatorum in eisdem Indiis 21. Nov. 1708., & 2. Jul. 1712. rescriptum fuerat, suffragetur Franciscanis ubique Indiarum, nempe ut non obstantibus litteris Pauli V., quæ testante Archiepiscopo S. Fidei execute, executione caruerunt, Guardiani & Superiores Franciscani in provinciis omnibus Indiarum, etiam si in domo tres, duo, vel unus tantum reperiretur, gauderent voce in capitulo. Extat ibid. C. 183. Incipit *Nuper*. = Et 21. Jun. hujus anni ampliatur est decretum idem in favorem provinciarum indicarum S. Augustini. = Et 11. Octobris ad omnes provincias pariter indicanas extensum est, tam quoad permanentiam parvorum conventuum, quam quoad jus suffragium ferendi in Capitulo. Vide supra Ord. 481. & infra Ord. 540.

## ORDINATIO CDLXXXIV.

Anno 1715. 19. Mart.

**U**T observentur omnia Sedis Apostolicæ decreta supra sinenses ritus rejectis excusationibus, & præscripto juramento à missionariis præstando. Extat in Bullar. Luxemburg. C. 78. Clementis XI. Incipit *Ex illa die*.

## ORDINATIO CDLXXXV.

Anno 1715. 10. Octobr.

**A**Boletur Alternativa in electione Provincialis in provincia S. Antonini Novi Regni Granatensis Ordinis Prædicatorum. Extat in Bullar. Rom. C. 223.

Rrr

OR.

## ORDINATIO CDLXXXVI.

Anno 1715. 22. Dec.

**R**Evocantur decreta Capituli Generalis Bethlehemitarum contraria constitutionibus à Sede Apostolica approbatis. Et Congregationi confirmatur qualitas religionis. Ex Bullar. Rom. C. 212. Incipit *Alias*.

## ORDINATIO CDLXXXVII.

Anno 1716. 16. Maji.

**U**T in provincia Paraguariæ Soc. Jesu posset in mense recitari semel de S. Josepho. Constat ex testimonio P. Horatii Oliveri Assistentis Italix in Collectaneis P. Petri Lozano, & in archivio Collegii Bonacensis S. Ignacii, quod fuit Soc. Jesu.

## ADNOTATIONES.

Quid Clementem XI. impulerit ad concedendum Paraguariæ hoc privilegium, præter procuratoris in Curiam ejus nominis preces, & ipsius Pontificis devotionem ad promovendum ubique terrarum cultum, & obsequia Sanctissimo Patriarchæ præstanda propensam, non liquet, nam falsum est, & incertum ejus auctoris fide à P. Joanne Dirckink (\*) scriptum sit: *Tanta* in Paraguariensi Provincia erga Divi Josephi nomen veneratio est, ut tota illa è gentilitate ad fidem orthodoxam traducta provincia *Sancti Josephi Colonia* nominetur. Duobus saltem de Societate, qui ejus provincie historiam concismandam diu operam contulerunt, interrogatis nomen hoc novum est visum & penitus ignotum. Nec aliud nomen habuit provincia quam vulgare *del Paraguay*.

Solis in ea tribus neophytorum oppidis fuit titulus Sancti Josephi nomen, alteri Guaraniorum, Chiquitorum alteri, tertio Vilelarum. Per occasionem malorum quondam illius provincie missionibus imminentium, per nonnullarum devotionum praxim, sub tanti protectoris umbra positæ sunt, sine mutatione tamen quoad nomen, donec interdictis etiam nominibus hispaniensem redolentibus ditionem, deportata provincia Sancti Josephi nomen sibi ascivit avida patrocinii: sub quo tandem occubuit.

Simile privilegium recitandi per menses singulos de S. Josepho annuntiatum invenio sine limitatione ad provinciam unam in Codice quodam continente officia sanctorum cum octavariis pro iis qui ea ex privilegio recitare solent, typis ut in fronte habet neapolitanis edito pag. 443. ibi: *Officium* S. Josephi juxta indultum concessum sacerdotibus Societatis Jesu provinciarum Indiarum recitandi illud, & celebrandi missam ritu semiduplici semel in mense, die non impedita festo duplici vel semiduplici exceptis feriis adventus & quadragesimæ. Vide Ord. 528.

OR.

(\*) Dirckink, Exbert. 2. pro festo S. Josephi.

ORDINATIO CDLXXXVIII.

Anno 1716. 16. Maji.

**U**T Indi omnes ad catholicam fidem, opera & labore missionariorum Soc. Jesu provinciae Paraquariae conversi, semel in mense quolibet, indulgentiam plenariam lucrari possint, eamque applicabilem animabus purgatorii. Utque ea concessio valeat absque expeditione Brevis. Constat ex testimonio ejusdem P. Oliverii extantis in nominato archivio Bonacrensis Collegii. Estque sicut praecedens vivae vocis oraculum, sed ab oraculorum revocatione, quippe posterius immune: est etiam Societati extinctae privilegium superstes, quia concessum non sociis converforibus, sed converfis Indis.

Ex hac concessione fortè occasio fuit errori, qui aliquandiu increbuit apud paucos, Clementem XI. Indis Paraquariis concessisse posse indulgentias lucrari sine Bulla Cruciatæ: quod longe aliud est à privilegio revera concessio lucrandi indulgentiam sine expeditione Brevis.

ORDINATIO CDLXXXIX.

Anno 1716. 3. Junii.

**E**Xposito per procuratorem generalem Ordinis Prædicatorum in Peruvio, Sacram Congregationem Episcoporum & Regularium declarasse 7. Dec. 1640., parochos accipere non posse majorem eleemosynam pro defunctis, qui in ecclesiis dictorum Fratrum sepeliebantur, quam pro iis qui in parochiis: & 31. Aug. 1658. functiones postquam ad ecclesias regulares pervenissent, ad eosdem regulares, non ad parochos pertinere: & 16. Dec. 1661., parochis non licere occasione funerum ecclesias regularium intrare, sed a januis dare ultimum *vale*: & 6. Maji 1672., eas declarationes omnino servandas esse in ecclesiis Societatis Jesu Hispaniae & Indiarum. Exposito etiam, parochos Regni Peruani præensiones dictis decretis contrarias habere in ecclesiis provinciae S. Joannis Baptistæ Ordinis Prædicatorum, maxime oppidi de Potosi, & Chuquisacæ, & decreta præmissa ad dictas ecclesias extensa esse, decretum præinsertum approbatur. Ex Bullar. Rom. C. 228. Incipit *Nuper*.

ORDINATIO CDXC.

Anno 1717. 25. Jan.

**A**D parcendum expensis, ne admittatur in Provincia Chilensi Ordinis Minorum Visitator, qui non sit de provincia Assumptionis B. Mariae de Tucumania. Ibid. C. 239.



## ORDINATIO CDXCI.

Anno 1717. 7. Sept.

UT definitores provincie Fluminis Januarii Ordinis S. Francisci possint proponere tres religiosos in eadem provincia, ex quibus Minister vel Commissarius Generalis unum eligat in Visitatorem. Extat ibid. C. 250. Incipit *Exponi*.

## ORDINATIO CDXCII.

Anno 1718. 20. Aug.

CLEMENS XI. vestigiis insistens Urbani VIII. & Clementis X. omnia privilegia personalia fratribus provinciarum S. Antonii & Immaculate Conceptionis in Brasilia concessa contra & præter instituta regularia revocat. Decernitque esse nulla si à Nuntio Apostolico in Portugallia deinceps concedantur. Extat ibid. C. 258. Incipit *Admonet*. = Et anno sequente 1719. 1. Dec. per C. in eod. Bullario 263. revocata sunt omnia indulta religiosis personis concessa à Nuntio Apostolico in regnis Portugallie & Algarbiorum, ac in eorum regnorum insulis & Indiis orientalibus & ultramarinis regionibus.

## ORDINATIO CDXCIII.

Anno 1719. 1. Dec.

CONFIRMATUR Constitutio *Decet* (1) Gregorii XIII. data 9. Kal. Octobr. 1579., ut in Indiis tam orientalibus quam occidentalibus, aliisque regionibus extra Europam (II), nullus de Societate Jesu absque Sedis Apostolicæ, Præpositi Generalis, aut ab eo deputandi licentia in scriptis, sub apostasiæ & infamiæ perpetuæ nota, nec non excommunicationis latæ sententiæ pœnis (à quibus, secluso mortis articulo si in eo illos decedere contingat tantum, non nisi per Romanum Pontificem, aut Præpositum Generalem, aut ab eo deputandum absolvi posset) exire (III), nec se ad alium etiam Carthusiensem Ordinem (IV) transferre auderet. Et quia aliquis de Societate in Indiis haud ita pridem asseruerat; Gregorii litteris per non usum derogatum fuisse, neque Juri Communi, aut Bullario, aut Societatis Instituto insertas reperiri, Jus Commune *Cap. Licet, De Regular.* prævalere debere, neque posse derogare privilegio aliis Ordinibus concessio admittendi alterius Ordinis professores, ac tandem iustas appellationes Gregorii litteris non prohiberi, sed frivolæ; ejusmodi effugia, prætextus, falsæ interpretationes submoventur. Extat ibid. C. 264. Incipit *Sacri apostolatus*.

## ADNOTATIONES.

(1) Constitutio *Decet*. In ea relatis litteris *Licet debitum* Pauli Tertii, & *Æquum reputamus* Pii V. extantibus in Bullario Societatis, decernit

nit Gregorius quod supra. Prohibetque transitum, etiam perfectioris ac melioris vitæ præsumptione, ac strictioris Ordinis prætextu, seu contemplatione, aut alia etiam iusta & probabili, vel legitima causa. Conceditque superioribus Societatis, ut contra tales sic effugientes quibuscumque iuris & facti remediis, per se vel manu sæcularium, absque appellationis, quæ irrita declaratur admissione, procedere valerent.

(II) *Extra Europam*. Et intra Europam post Gregorium concessum est à Paulo V. Carmelitanis Discalceatis privilegium, in quo & Societas communicabat, nequis absque licentia Generalis transire possit etiam ad Carthusianos sub excommunicatione ipso facto incurrenda. Idemque aliis Constitutionibus decretum est, relatis in Compendio Communi Privil. Soc. V. *Apostata* §. 10.

(III) *Exire*. Exitum intellige si fiat non redeundi animo, qualem præferret qui alium Ordinem cogitat; alioquin fuga erit, non apostasia, nec apostatarum poenis punienda, quantum ex jure communi est. Quodsi fuga fiat habitu temerè dimisso, incurritur ipso facto excommunicatio ex cap. *Ut periculosa*, *Ne cler. vel mon.* Quo jure negarunt aliqui, comprehensos fuisse religiosos Societatis, eo quod uterentur habitu, non speciali, sed clericorum communi. At hæc ratio solum probat, non fuisse comprehensos deponentes habitum specialem quo carebant; comprehensos tamen eos, sicut alios, dum habitum clericorum communem, quo utebantur, temerè dimitterent. Et hæc fuit Castropalai (a) sententia.

Quodsi absentia fugitivi sit diuturna, apostasiæ damnatur à P. Suarez (b) contra communio rem sententiam, quam probat Castropalaus loc. cit. & Sanchez (c). Illud est certius ex declaratione S. Congregationis Episcoporum & Regularium sub die 27. Julii 1698. (d), ut refert Pittoni, *Quod recurrentes recto tramite regulares ad Urbem à gravaminibus suorum superiorum, non incurrunt poenas apostasiæ ex quo discesserint sine eorum licentia, dummodo non vagentur & se præsentent Secretario Congregationis: nec ideo molestandi sunt.*

(IV) *Ad alium Ordinem*. Sententia fuit P. Sanchez contra P. Suarez, non esse strictè apostatam, nec apostatarum poenis obnoxium, qui sine legitima licentia transfert se ad religionem laxiorem, quamvis talis in ea professio sit invalida. Sed jam oppositum tenendum est ex declaratione S. Congregationis 20. Januar. 1651. ut refert Cardinalis Petra (e): *Subinde Ordinum quorumcumque superioribus mandatur, ut in posterum à receptione similium (transire volentium ad laxiorem) omnino abstineant sub poenis privationis officii, ac vocis activæ & passivæ, ac aliis contra receptores apostatarum emanatis. Eisdemque afficiuntur poenis professi, qui contra hujus decreti formam ad præfatas religiones se transferre præsumperint. Eisdemque afficiebantur non professi de Societate, qui* post

(a) Castrop. rr. 16. d. 4. P. 6. (b) Suar. tom. 4. De Rel. lib. 3. cap. 1. Et D. 31. de Censur. sect. 6. (c) Sanch. l. 6. Decalog. cap. 8. (d) Pittoni, CC. ad Regular. n. 4971. (e) Petra, tom. IV. ad C. 9. Eug. IV. n. 19.

post nuncupata biennii vota deficerent, tum ex præsentē constitutione, tum ex alia Gregorii XIII. quæ incipit *Ascendente Domino*.

## ORDINATIO CDXCIV.

Anno 1720. 4. Mart.

**O**ppidum S. Mariæ de Belén de Paraíba erigitur in civitatem episcopalem in Brasilia, ex diocesi S. Ludovici del Maragnon dismembratum, erecta in cathedralē ecclesia S. Mariæ de Gratia. Ita habet D. Emmanuel de Faria & Sousa in Additionibus ad Historiam Portugalliæ. Fr. Dominicus Texeira Augustinianus (a) nominat civitatem de Belén no Gran Pará in episcopalem erectam ad instantiam Joannis V. circa tempus quo scribebat, anno 1724. Videturque eadem cum nominata per errorem de Paraíba: qui locus signatur in tabulis Chiquetianis prope Caput à S. Augustino, non longe à Pernambuco. Etiam appellant Lusitani Paraíba Flumen Magnum dictum aliàs à S. Petro, quod ad boream Fluminis Argentei Oceanum influit circa trigésimum austr. lat. gradum.

## ORDINATIO CDXCV.

Anno 1720. 20. April.

**E**riguntur in provincias binæ Vicariæ Bahiæ & Fluminis Januarii in Brasilia Ordinis Fratrum Carmelitarum antiquæ observantiæ. Extat in Bullar. Rom. C. 270. Clem. XI. Incipit *Sacro sanctum*.

## ORDINATIO CDXCVI.

Anno 1720. 20. Octob.

**N**umerus octodecim magistrorum in provincia Peruana Ordinis S. Augustini extenditur ad viginti quatuor. Ibid. C. 278. Incipit *Exponi*.

## ORDINATIO CDXCVII.

Anno 1722. 27. Jan.

**U**T festum S. Antonii de Padua in America etiam Hispaniensi servetur tanquam de præcepto. Extat in Bullar. Romano. C. 19. Innocentii XIII. Et servatur etiam in Philippinis, ut supponit Murillo in Cursu Can. tit. De Feriis, num. 78.

## ORDINATIO CDXCVIII.

Anno 1722. 24. April.

**U**T provinciæ Mexicanæ Ordinis S. Augustini superaddantur octo gradus magisterii: nempe quatuor pro lectoribus, & totidem pro concionariis.

(a) Tex. Vida de D. Gomez P. 2. lib. 3. num. 52.

tionatoribus. Extat ibid. C. 23. = Et C. 24. additur Provincie de Mechoatan par numerus graduum. = Et pro concionatoribus totidem Provincie. Chilensi per Const. 38.

## ORDINATIO CDCXIX.

Anno 1722. 7. Aug.

**C**onfirmandi quædam Congregationis in religionem erectæ S. Hippolyti Mexicanensis statuta, facultas datur Archiepiscopo Mexicano. Ex Bullar. Rom. C. 29. Incipit *Exponi*.

## ORDINATIO D.

Anno 1722. 19. Aug.

**C**ollegium S. Jacobi de Leon de Caracas in universitatem erigitur ad instar & cum privilegiis jam erectæ in Insula S. Dominici. Et conceditur, ut in ea aggregari queant professores cum retentione eorumdem graduum quos alibi receperint. Extat ibid. C. 30. Incipit *Inscrutabili*.

## ADNOTATIONES.

In hujus Bullæ precum expositione §. 1. dicitur: *Exponi nuper fecerunt Venerabilis Frater modernus Episcopus & Gubernator civitatis S. Jacobi de Leon de Caracas, quod Caracas populi sunt Americæ Meridionalis in parte australi Regni Peruviani versus Mare Pacificum & Regnum Chilense intra montes. Episcopi & Gubernatoris procurator in Romana Curia non rectè exposuit illorum mandata dum Caracas locat in parte australi Peruvii versus Mare Pacificum & Chilem, & intra montes, quibus Perù & Chile determinantur. Sed parum id refert ad constitutionis summam, quæ vitio caret.*

Longe aliter eam civitatem describit Colletti, si tamen de eadem loquitur, dum ait (a): *Caracas (Caracasía, Leopoli) Città detta ancora S. Giovanni di Leon con Vescovo suffraganeo di S. Fé di Bagorá. E capitale della Provincia dello stesso nome nella Venezuela, e giace in una pianura assai deliziosa e fertile. La presero e saccheggiarono i Francesi nel 1679. La Guairá è il suo Porto sul Mar del Nord. Vi risiede un Governatore con presidio Spagnuolo, ed è sufficientemente difesa dalle Fortificazioni che ha nel Porto... Stà Caracas in 9. gr. 41. min. di lat. bor.*

Vicinam aliam non à S. Joanne, sed à S. Jacobo nominatam, notam alibi facit (b): *Leon (Legium Novum) Piccola Città col titolo di S. Giacomo nella Provincia di Caracas in un'amena pianura. E distante 7. leghe dal Mar del Nord, 3. da Carvalleda al Mezzodi, e 70. da Coro.*

(a) Colletti, Diccion. V. Caracas. (b) Idem ibid. V. Leon.

10. La distrussero gl' Ingleſi nel 1595. E' povera aſſai ed il ſuo clima caldo. Sta in 9. gr. 52. m. 20. ſ. di-lat. bor.

Qui Romæ preces interpoſuit Epifcopi & Gubernatoris Leopolitani, videtur ſimilitudine vocis deceptus accepiſſe *Charcas* pro *Caracas*. Sed nec *Charcarum* provinciæ conveniunt notæ in præcum expoſitione contentæ; quamvis non tam longe diſcrepent quam à provincia & civitate *Caracarum*, cujus verum nomen eſt, non à *S. Joanne*, ut vult *Coleti*, ſed à *S. Jacobo*. Nec eſt de provincia *Sanctæ fidei de Bogotâ*; ſed *Sancti Dominici de la Eſpañola*.

## ORDINATIO DI.

Anno 1723. 23. Dec.

**UT** Carmelitæ provinciæ Bahiæ in Braſilia poſſint lauream doctoratus ſuſcipere à Provinciali. Extat ibid. C. 42. Incipit *Exponi*. = Et C. 43. id ipſum conceditur Carmelitæ provinciæ Fluminis Januarii.

## ORDINATIO DII.

Anno 1724. 20. Dec.

**UT** ſtante ſumma egeſtate provinciæ Tucumanenſis S. Franciſci de Obſervantia, quando Indiarum Commiſſarius per ſe ipſum non vult, aut non poteſt ad capitulum celebrandum accedere, ex eadem provincia Commiſſarium Viſitorem debeat aſſignare. Et ad hunc effectum opportunè Provincialis & definitorium teneantur, ad Commiſſarium Indiarum notulam religioſorum dare, qui eo munere digni ſunt. Extat ibid. C. 43. Benediſti XIII. Incipit *Nuper*.

## ORDINATIO DIII.

Anno 1725. 22. Febr.

**IN** ſpecimen decennialium facultatum, quæ concedi ſolent Indiarum Epifcopis, & à P. Murillo (a) ſolitiæ vocantur, ſint ſequentes Epifcopo S. Sebaſtiani Fluminis Januarii in Braſilia hoc anno & die expedita. 1. Conferendi ordines extra tempora, & interſitiis non ſervatis uſque ad præbyteratum incluſive, ſi ſacerdotum neceſſitas fuerit. 2. Diſpenſandi in irregularitatibus quibuſcumque, excepta quæ ex bigamia vera, & ex homicidio voluntario procedit; & in hiſ etiam ſi præciſa neceſſitas operariorum fuerit, & quoad homicidium voluntarium abuſerit ſcandalum (b). 3. Diſpenſandi ſuper deſectu ætatis unius anni (1) ob penuriam ad ſacerdotium. 4. Diſpenſandi & commutandi vota ſimplicia, & ex rationabili cauſa in votis caſtitalis & religionis ſimplicibus. 5. Abſolvendi & diſpenſandi in quacumque ſimonia (c), & in reali dimiſſis bene-

(a) Murillo, in ſis. De Off. Jud. Ord. n. 336. (b) Vide ſupra Ord. 84. & 95.

(c) Vide Ord. 135.

beneficiis, & super fructibus male perceptis injuncta pœnitentia salutari vel eleemosyna: vel etiam retentis beneficiis, si fuerint parochialia, & non sint alii qui parochiis præfiantur. 6. Dispensandi in tertio & quarto gradu consanguinitatis & affinitatis simplici & mixto (II), & in secundo, tertio, & quarto mixtis, non tamen in secundo solo quoad futura matrimonia; quoad verò præterita etiam in secundo solo, dummodo non attingat primum cum iis (III), qui ab hæresi vel infidelitate convertuntur, & in præfatis casibus prolem declarandi legitimam. 7. Dispensandi super impedimento publicæ honestatis (a) iustis ex sponalibus proveniente. 8. Dispensandi super impedimento criminis neutro conjugum machinante, & restituendi jus debitum petendi amissum. 9. Dispensandi in impedimento cognationis spiritualis, præterquam inter levantem & levatum. 10. Hæ dispensationes matrimoniales videlicet 6. 7. 8. & 9., non concedantur nisi cum clausula, *Dummodo* mulier rapta non fuerit, vel si rapta fuerit, in potestate raptoris non *existat*. Et in dispensatione tenor ejusmodi inferatur cum expressione temporis ad quod fuerint concessæ. 11. Dispensandi cum gentilibus & infidelibus plures uxores habentibus, ut post conversionem & baptismum, quam maluerint, retinere possint, nisi prima voluerit converti. 12. Conficiendi olea sacra cum sacerdotibus quos potuerit habere (b): & in necessitate extra diem Cœnæ Domini. 13. Delegandi simplici sacerdoti facultatem benedicendi paramenta sacra, & utensilia ad sacrificium missæ necessaria, ubi non intervenit unctio sacra, & reconciliandi ecclesias pollutas aqua ab Episcopo benedicta (IV), & in necessitate etiam non benedicta ab Episcopo. 14. Largiendi ter in anno indulgentiam plenariam contritis, confessis, & communione refectis. 15. Absolvendi ab hæresi (V) & apostasia à fide quoscumque etiam ecclesiasticos, tam regulares, quam sæculares, non tamen qui ex locis fuerint in quibus Sanctum Officium exercetur (VI), nisi in locis missionum in quibus impunè grassantur hæreses delinquant, nec illos qui judicialiter abjuraverint, nisi isti nati sint ubi impunè grassantur hæreses, & post judicialem abjuracionem fuerint relapsi, & hos in foro conscientiæ tantum. 16. Absolvendi etiam à contentis in Bulla Cœnæ (VII). 17. Concedendi indulgentiam plenariam hæreticis conversis, atque etiam fidelibus contritis qui confiteri non possint, in articulo mortis. 18. Concedendi indulgentiam plenariam in quadraginta horarum oratione ter indicenda diebus Episcopo bene visis, contritis, confessis, & communione refectis, si non sit suspicio sacrilegii ex concursu populi, & expositione SS. Sacramenti. 19. Lucrandi sibi easdem indulgentias. 20. Feriis secundis non impeditis officio novem lectionum, vel impeditis, die sequenti, celebrando de *Requiem* liberandi animam. 21. Tenendi & legendi, non tamen aliis concedendi libros hæreticorum vel infidelium, de eorum religione tra-

(a) Vide Ord. 450. in *Explic. facult.* 9. Digo lo. 6. (b) Vide Ord. 205. Et *Cavallieri rom. IV. Oper. liturg. c. 26. D. 3.*, ibi ex Pontificali requiritur assistentes præter Episcopum ministros 22. presbyteros, 7. diaconos, & 7. subdiaconos.

tractantes ad effectum eos impugnandi, & alios quomodolibet prohibitos præter opera Caroli Molinæ, Nicolaj Machiaveli, & libros de astrologia judiciaria, principaliter, vel incidenter, vel quovis modo de ea tractantes. 22. Præficiendi parochiis regulares in defectu sæcularium de consensu superiorum. 23. Celebrandi bis in necessitate, per horam ante auroram, & aliam post meridiem, sine ministro, & sub dio, & sub terra, in loco tamen decente, etiam altari fracto, sine reliquiis, & præsentibus hæreticis, schismaticis, infidelibus, excommunicatis, si aliter celebrari non possit. Quodsi facultatem communicaverit, non nisi ubi gravis necessitas fuerit, & ad breve tempus. 24. Deferendi & retinendi Sanctissimum sine lumine pro infirmis, si ab infidelibus sit periculum sacrilegii. 25. Induendi vestes sæculares in necessitate. 26. Recitandi rosarium vel alias preces, si divinum officium recitari non possit. 27. Dispensandi, quando expedire videbitur super usu (VIII) carnum, ovorum, & lactici-  
norum. 28. Prædictas facultates communicandi, non tamen quas requirunt ordinem episcopalem, vel non sine usu sacrorum oleorum exercentur, præsertim tempore sui obitus. Delegatis conceditur tempore sedis vacantis in necessitate facultas consecrandi calices, patenas, & altaria portatilia sacris oleis ab Episcopo tamen benedicendis. 29. Prædictæ facultates gratis exerceantur, & ad decem annos concessæ intelligantur: neque illis uti possint extra fines suæ diocesis. Concessæ dicuntur à Benedicto XIII. in Congregatione S. Inquisitionis. Extantque apud P. Simonem Marquez, qui & integro in-folio, cui titulus *Brasilia Pontificia*, has omnes facultates explicando percurrit. Similes refert sine explicatione P. Murillo loc. cit. neque absumiles Episcopis Germaniæ concedi solitas habet Lacroix (a).

## ADNOTATIONES.

(1) *Unius anni*. Marquez loc. cit. eos, inquit, qui aliunde privilegiati sunt, ut uno ante ætatem legitimam anno ordinari possint, posse per præsentem facultatem dispensari, ut altero ante anno ordinentur. 1. Quia privilegiatus per duas ante auroram horas ad celebrandum, potest etiam per tres, si aliunde concedatur celebrare ante horam. 2. Quia privilegium aliquid debet operari. 3. Quia privilegia in favorem publicum concessa debent favorabiliter explicari.

His tamen mihi persuaderi non potest ea privilegii extensio. 1. Quia eadem ratione posset quis quatuor, quinque, aut eo amplius annis ante vigesimum quintum sacris initiari; si nempe quatuor, quinque, aut plura privilegia similia occurrerent. 2. Quia facultas ordines conferendi aut suscipiendi ante canonicam ætatem, quo plus hæc distat ab anno vigesimo quinto, eo rarius ac difficilius concedi solet; ea verò quæ difficilius conceduntur, non intelligantur comprehensa in generali concessio-  
ne

(a) *Lacr. lib. 6. P. 3. n. 846. Et L. 2. P. 2. n. 1598.*

ne sub facilioribus, sed debent specialiter significari & exprimi: at non satis exprimitur duorum annorum concessio, per concessionem repetitam unius anni.

Nec obstat prima in contrarium ratio, quia sine fundamento ponitur, & probat incertum per id quod facile negaveris. Sed nec est tam rarum ac difficile horas una plures ante auroram ad celebrandum concedere, quàm plures annos ad ordines anticipandos. Non est potior secunda ratio, nam privilegium præsens id operatur, ut etiam deficiente aliunde privilegio quod nec semper nec ubique adest, possit quis ordinari uno ante canonicum tempus anno. Nec est necessarium, quod privilegia in omni hypothese aliquid operentur. Satis est, ne dicantur inutilia, quòd aliquid operentur præter commune jus, quod tantum, & non jus particulare, præsumitur Pontifex dum privilegia dispensat habere in sacrario mentis ex notatis supra Ord. 67. Vide P. Henao (a).

Ad 3. rationem: Privilegia utcumque favorabilia ita explicari debent, ut terminos concessionis, aut concedentis voluntatem non excedat explicatio. Excedit tamen si concessio unius anni ad plures extendatur annos. Præterquam quod explicationis favor conciliandus est cum debito strictè explicandi privilegia quæ juri communi adversantur.

(II) *Simplici & mixto*. Simplex nimirum gradus dicitur, cum contrahentium aut contrahere amantium uterque æqualiter distat à communi stipite; mixtus verò cum alter altero minus distat. Vide Ord. 95.

(III) *Cum iis qui*. Declaratum est à S. Congregatione de Propaganda 11. Jul. 1711. apud cit. Marquez (b) quod *Restriçtio* Cum iis qui ab hæresi vel infidelitate convertuntur, *refertur* tantum ad dispensationem in secundo gradu simplici; non autem ad reliqua verba *Dispensandi* in secundo, tertio, & quarto gradu *mixtis*.

(IV) *Ab Episcopo benedicta*. Imo etiam a qua per eos benedicta possunt qui in Ordine Minorum de Observantia superiores sunt, & cum eis communicantes, præsertim in locis remotis, ubi Episcopum aquam benedicentem per duas dietas adire non possunt, libere & licite reconciliare proprias Ecclesias, cœmeteria, & oratoria, & eorum quodlibet, sanguinis seu feminis effusione, seu alias quomodolibet pollutas, seu polluta quoties opus fuerit; ut concessum esse à Leone X. per Const. 6. *Religionis honestas*, ex Bullar. Regularium dicitur in Compendio Privileg. Soc. V. *Ecclesia*. §. 2.

(V) *Absolvendi ab hæresi*. Permissum erat à Concilio Tridentino (c) Episcopis ab occulta hæresi absolvere in foro conscientie. Sed ablata est hæc facultas per annuam Bullæ Cœnæ promulgationem, ut 28. Febr. 1602. declaravit S. Congregatio apud Card. Petra (d). Cui declarationi tres alias conformes adjungit Gallemart (e). Ex quibus elucet quænam fuerit mens Alexandri VII. damnantis eam propositionem: *Sententia* asserens Bul-

(a) Henao, D. 21. De Sacrif. Miss. f. 1. n. 17. (b) Marq. lib. 2. d. 4. f. 1.

(c) C. Trid. sess. 24. cap. 6. (d) C. Petrar, tom. 3. ad C. 18. Innoc. IV. num. 19.

(e) Gallem. in loc. Trid. cit. V. Idem.



Bullam Cœnæ solum prohibere absolutionem hæresis, & aliorum criminum, quando publica sunt, & id non derogare facultati Tridentini, in qua de occultis criminibus sermo est, anno 1629. 18. Jul. in consistorio S. Congregationis EE. CC. visa & tolerata est. Nempe damnat non tantum facti assertionem quod illa sententia visa & tolerata est, sed quod tolerabilis non sit visa tacite affirmat.

(VI) *Ubi Sanctum Officium exercetur.* Quærit Pignatelli apud abbreviatorem Pascuccium (a), utrum in Insulis in quibus etsi per commissarios exercentur S. Inquisitionis Officium, quia tamen non exercetur per Inquisitorum Tribunal, quod residet in civitate & insula Canariæ, respectu hujus alterius diæcesis possit Episcopus absolvere in utroque foro, aut saltem in solo exteriori, hæreticos, schismaticos, apostatas, prout in dicto num. 15. continetur? Respondet negativè, quia talis potestas exercetur per Inquisitores vel eorum commissarios ad hunc effectum deputatos.

E regione P. Marquez (b) inquit, per commissariorum munus, in Brasilia v. g., non impediri hujus facultatis usum; eo quod Inquisitionis officium per commissarios exercetur, non in foro conscientiae & gratiofo, sed in contentioso. Quod, inquit, perinde est ac si non exerceretur omnino, quando de absolutione agitur in foro conscientiae. Verum Inquisitionis officium à nullo & nullibi, etiam in civitatibus ubi Tribunal residet, exercetur aliter quam in foro contentioso; nam licet Inquisitores alicubi, ut in Hispania, vel Inquisitorum aliquis absolvat, imo & facultatem absolvendi concedat in foro conscientiae ex privilegio & concessione speciali, ex officio tamen Inquisitorum quæ talium absolvere nequeunt ullibi etiam per se ipsos, nisi in foro contentioso, quod tamen simul pro foro interno suffragatur.

Clemens quidem VII. Const. *Cum sicut* concedit quidem Inquisitoribus facultatem absolvendi extrajudicialiter; hoc tamen non denotat forum internum, sed tantum significat, quod possit in absolutione præstanda omitti solemnem iudicii formam, ut explicat Card. Petra (c), quem vide. Ne igitur dicatur illa exceptio *Ubi S. Officium exercetur*, posita esse incassum, dicendum est facultatem absolvendi ab hæresi, de qua in præsentibus, cessare, vel non concedi in locis ubi etiam per commissarios exercetur, ut rectè docuit Pignatelli.

(VII) *A contentis in Bulla Cœnæ.* Huic facultati intra suum decennium non derogatur per annuam Bullæ Cœnæ promulgationem, sicut derogatur ei quæ per Concilium Tridentinum conceditur, de qua nuper. Ratio est quia alioquin frustra concederetur, cum Bulla quotannis ordinariè promulgetur, & facultati ut ad Indias perducatur vix sufficiat annus. Accedit similitudo hujus facultatis cum concedi solita missionariis, de qua declaratum est, per Bullæ Cœnæ promulgationem non revocari. Vide Ord. 206.

(VIII)

1 (a) Pascucc. tit. De Dispens. q. 1. pag. 141. (b) Marq. lib. 3. d. 4. f. 11. n. 266. (c) Petra, loc. cit. num. 28. § 23.

(VIII) *Super usu ovorum*. Similis facultas concessa fuit præfatis missionum Hispaniolæ, ubi Episcopi non sunt, scilicet in parte ditionis Gallicæ, anno 1742. 12. April., ut nempe in casu veræ & ineluctabilis necessitatis, & tantum de anno in annum, possint, cum populis eorum curæ commissis dispensare super usu ovorum, lacticiniorum, & carniarum tempore quadragesimæ, indicta simul observantia jejunii per unicam comestionem. Refert ipse qui concessit Benedictus XIV. Const. *Si fraternitas*. 10. Jun. 1745.

Dixi *Ubi episcopi non sunt*. Sed an sint Episcopi in ditionis Gallicæ missionibus insularis, sive an alicujus diocesis sint, vel hucusque fuerint, dubitaverit quispiam. Authores Encyclopediæ (a) ajunt: *Il y a des pays qui ne sont d'aucun Eveché, tels que la Martinique, la Guadeloupe, la Cayenne, Marigaland, S. Domingue, & autres Iles Françaises dell'Amerique, qui sont administres pour le spirituel par plusieurs religieux de divers corps, qui en sont les pasteurs, & qui prennent leurs pouvoirs du Siege ou del Archeveque de St. Domingue, ville qui est situé dans la partie qui est aux Espagnols*. At si pastores ditionis Gallicæ Insularum facultates in spiritualibus accipiunt, tanquam ab Ordinario, ab Archiepiscopo Hispaniolæ, illius utique diocesis sunt.

Quidquid de hoc sit, vel hucusque fuerit, fama est (b), hoc anno decurrente missos ad eas partes seu regiones cum novis pastoribus novos etiam episcopos. Sic enim in publicis novis vulgatum est: Il ministero di Francia attende à far passare nelle colonie di Sto Domenico & della Martinica alcuni sacerdoti secolari per occupare i posti delle cure che vi possedevano i Domenicani, i Capuccini, ed altri religiosi, che si richiama in Francia. Il Sr Abbate Perrault passa à la Martinica col titolo di Vescovo; siccome il P. la Roche à S. Domenico. La rendita assegnata à ciaschedun di loro 24. mille lire.

## O R D I N A T I O    D I V.

Anno 1725. 2. Mart.

**D**Eclaratur, facultates missionariorum, qui à Sede Apostolica deputati fuerint, non comprehendi generali suspensione indulgentiarum facta occasione jubilæi hoc anno promulgati. Ex Bullar. Rom. C. 46. Benedicti XIII. Incipit *Decet*.

## O R D I N A T I O    D V.

Anno 1725. 4. Maji.

**C**onfirmantur quædam resolutiones Capituli Generalis Bethlehemitarum. Ibid. C. 63.

OR.

(a) *Encycloped. Edit. Liburn. V. Eveché*. (b) *Notiz. del Mond. 25. Magg. 1773. Parigi*.

## ORDINATIO DVI.

Anno 1726. 13. Maji.

**V**isitantibus ecclesias Augustinianorum in regno Tunkini in festo titulari, conceditur indulgentia plenaria. Extat ibid. C. 123. Incipit *Ad augendam*.

## ORDINATIO DVII.

Anno 1726. 17. Jul.

**U**t presbyteri Ordinis S. Joannis de Deo in America Meridionali & Martinica existentes neophytis eorum ecclesias frequentantibus sacramenta non parochialia absque ulla missionariorum dependentia, non tamen in paschate administrare possint. Ibid. C. 133. Incipit *Exponi*.

## ORDINATIO DVIII.

Anno 1726. 23. Sept.

**A**d capellam B. Mariæ Virginis Lauretanæ in Collegio S. Gregorii Mexicano, quod erat Societatis Jesu, peregrinantibus indulgentia perpetua semel in anno cum solitis requisitis conceditur. Ibid. C. 149. Incipit *Ad augendam*.

## ORDINATIO DIX.

Anno 1726. 10. Dec.

**S**thuribius Archiepiscopus Limanus, quem Innocentius XI. anno 1679. 28. Jun., facta Limanæ Diocesi de eo recitandi & missam celebrandi potestate, beatificaverat, canoni Sanctorum inscriptus est, colendus die translationis 27. Aprilis. Extat ibid. C. 153.

## ADNOTATIONES.

In hac Constitutione dicitur multa concilia diocesana, & provincialia habuisse *Sedis Apostolicæ munimine roborata*. Quod præter vel contravulgarem opinionem est, qua creditur ex conciliis à S. Thuribio celebratis solum Primum Provinciale, quod est Tertium Limense pontificia confirmatione munitum esse. D. Franciscus Antonius Montalbo (a) ait, à Gregorio XIV. Breve 1591. 17. Martii expeditum esse pro remuneranda vel commendanda sollicitudine S. Thuribii in synodis celebrandis, quarum jam plures coegerat. Nec est alia, quod sciam, apostolica Thuribianorum Conciliorum confirmatio. Vel fortè dicuntur confirmata concilia etiam

---

(a) Montalbo, Sol del N. Mundo.

etiam primo posteriora, quatenus primi quod certò confirmatum est executionem ut plurimum urgent & hac ratione primi approbati & confirmati sunt appendix & complementum.

De Secundo Concilio Limano, quod tamen ante S. Thuribium celebratum est, eatenus dici potest esse confirmatum, quatenus in Tertio (Aët. 2. c. 1.) à Sede Apostolica approbato dicitur fuisse legitimum & observandum. Hac ratione & sensu intelligenda est Septima Synodus Diocesana (a) dum ait: *Per Concilium Provinciale anni 1567.* (quod est Secundum) à Sede Apostolica approbatum...; ut ex Antonio Leon notavit Haroldus (b).

De Diocesana usque ad terdecim vel quatuordecim à solo S. Thuribio celebratis juxta Pinellum (c) Prima Synodus habita anno 1582. 20. Martii non tantum viam fecit, sed materiæ fuit præparatoria ad Primum Provinciale Concilium S. Thuribii, ut conferenti manifestum est, & notavit laudatus Haroldus (d). In quo sensu Primi approbationem participasse dici potest.

## ORDINATIO DX.

Anno 1726. 27. Dec.

**S**anctorum canonis inscribitur S. Franciscus Solanus (1) de quo supra Ord. 369., quotannis celebrandus 14. Julii (11) ab universali ecclesia, & concessis anno & quadragena remissionis accedentibus Limæ ad venerandas sacras illius exuvias. Ib. C. 158. Incipit *Ad fidelium*.

## ADNOTATIONES.

(1) *S. Franciscus Solanus*. Vulgò audit Sanctus hic Tucumaniz, ubi hæc scribi cæpta sunt, Apostolus. Estque solus de relatis in sanctorum & beatorum canonem, qui regiones hæc calcaverit, si vulgaritas adventus S. Thomæ Apostoli despiciatur.

(11) *Decima quarta Julii*. Concurrente verò S. Bonaventuræ festo, ad diem 24. ejusdem mensis translata est celebritas, quæ nondum obtinuit usu in universali, pro qua indicta est, ecclesia. Et hac die 24. scribitur ejus Vita in Bolandianis Sanctorum Actis, ubi dum mentio incidit Socotonii & Magdalenz oppidorum, quorum doctrinam rexisse dicitur S. Franciscus, annotat P. Cuperus frustra quæsisse se nomina hæc in tabulis geographicis. Socotonium situm habuit inter Estecum & Conceptionem Hispanorum colonias destruktas, secus flumen quoddam in Salatum influens. Ibique ponitur à D. Anville Regio Geographo in Charta Paraguariæ. A Magdalena nomen habet doctrina quædam Patribus Dominicis commissa in Diocesi Guamangæ Superioris Peruvii, quod etiam apo-

(a) Synod. VII. Lim. cap. 12. (b) Harold. Lima lim. pag. 311.

(c) Pinell. apud Haroldum in Notis ante Synod. IX. p. 344. (d) Harold. Syn. 1. p. 192.

apostolicis S. Francisci excursionibus lustratum est. De illa fit mentio in Synodo Guamangæ anni 1672. (a): quamvis cum esse locum Solani ministerio decoratum, affirmare non ausim.

In præsentī Constitutione §. 3. dicitur: *Liman* missus (Franciscus) incolarum animos ad pœnitentiam cœhortatus, ni agant, alter Jonas extremam cladem interminatur. Nec mora, omnes ad seriam criminum pœnitentiam agendam *perduxit*. Unde collige, quid censendum de famosa S. Solani seu prophetia, seu comminatione, ad quam hoc loco respicitur. Scilicet, repente se conspiciendum præbuit frequenti populo: cœpitque ex loco eminente prophetæ similis voce tonare. *Limæ* subversionem, tanto civium motu ut nox proxima diei ultimi referret speciem præ confusione & pavore. Et quia non templorum, non sacerdotum suffecit copia, palam per vicos & plateas evulgabantur arcana conscientiarum. Elapso tempore prænuntiatae desolationis, in urbe incolumi respiraverunt cives. Et S. Thuribius, qui tunc Limensem regebat Ecclesiam, Proregis nutu rem totam in causam deducere suscepit. Solanum coram testibus interrogat, quæ verba & unde protulerit pro concione. Repentis sermo non sine scribentis horrore exceptus est: ac de causa se nihil aliud quam obediisset divino mandato: quod dignum fide fecit viri sanctitas. Licet verò ipse testatus sit, nihil nisi ruinam civitatis spiritualem cogitasse, exemplo tamen memorato Jonæ censerī potest, indita divinitus verba temporalem etiam subversionem portendisse, futuram nisi Deus pœnitentia placaretur, ut significatur in relatis constitutionis verbis.

### ORDINATIO DXI.

Anno 1727. 15. Febr.

**U**T officium proprium & respectivè missa de Translatione Domus Lauretanæ ab universo clero sæculari & regulari utriusque sexus civitatis Limanæ recitari & celebrari posset. Ex decreto S. Rit. Congregationis, quod deinceps toti Hispaniæ, & regionibus commune factum est.

### ORDINATIO DXII.

Anno 1727. 3. April.

**U**T Provinciales Indiarum tam orientalium quam occidentalium Ordinis Minorum Discalceatorum de Observantia, ad erectionem collegiorum seu seminariorum pro missionariis juxta formam & privilegia contenta in Brevibus Innocentii XI. expeditis pro seminariis in Hispania devenire possint: reservata jurisdictione, & novitiorum receptione Ministris & Definitoriis Provincialibus. Ex cit. Bullar. C. 174. Incipit *Nuper*. Vide Ord. 398. 410. 537.

OR.

(a) *Synod. de Guam. cap. 29. n. 9.*

## ORDINATIO DXIII.

Anno 1727. 25. Jun.

**U**T Carmelitæ Vicariæ Maragnonis in Brasilia à Generali Ordinis ad magisterium Sacræ Theologiæ promoti, lauream doctoratus a Provinciali suscipere possint. Extat ibid. C. 187. Incipit *Exponi*. Vid. Ord. 501.

## ORDINATIO DXIV.

Anno 1727. 15. Jul.

**U**T Excalceati Augustiniani Congregationis Hispaniæ & Indiarum uti possint sandaliis ex pelle nigra, eorum loco & figura quibus utebantur ex corda, seu cannabe. Extat ib. C. 190. Incipit *Exponi*.

## ORDINATIO DXV.

Anno 1727. 20. Aug.

**P**ræcipitur, ut nullum testamentum in partibus Indiarum confici valeat sive testator sit laicus sive ecclesiasticus, quin per ipsos aliqua eleemosyna arbitrio eorum & devotione, monti pietatis, de quo in expositione sit mentio relinquatur. Extat ib. C. 198. Incipit *Alias*. = Mons verò erectus est Matriti eo fructu ut anno 1723, octoginta millia circiter, & sequenti anno septuaginta millia ducatorum distributa sint. Et ex eadem Montis erectione centum-triginta-septem-millecentum-viginti-tres missæ pro animarum purgantium suffragio celebratæ. Vide Ord. 605.

## ORDINATIO DXVI.

Anno 1727. 12. Dec.

**D**ecretum Card. Turnonii observari præcepit Benedictus, decretumque de ministrando sacramenta moribundis infimæ conditionis. Mentio fit in Const. *Omnium sollicitudinum*. Benedicti XIV. anni 1744. 12. Sept.

## ORDINATIO DXVII.

Anno 1728. 26. Jan.

**U**T Procurator Generalis & Superior Manilensis Ordinis S. Augustini suffragium ferat in capitulo provinciali. Extat in cit. Bullar. C. 213. Benedicti XIII. Incipit *Exponi*.

## ORDINATIO DXVIII.

Anno 1728. 9. Apr.

**U**T Præfæctus Generalis Bethlehemitarum jus habeat convocandi vocales ad capitulum generale, & in eo præsidendi. Extat ib. C. 220.

T t t

Inci-

Incipit *Cum fecit*. = Et C. 236. 13. Septembris hujus anni confirmatae sunt alia ejusdem Ordinis statuta. In iis, ut capellani, sive saeculares à superioribus Bethlehemiticis electi, vel sacerdotes ex eadem religione, vel ex quacumque alia assumendi, tam illis qui infirmis & convalescentibus inserviunt, quam omnibus aliis hospitalium servitio addictis, etiam in paschate, poenitentiae, eucharistiae, & extremae unctionis sacramenta ministrare possint, dummodò pro poenitentia administranda, mortis articulo excepto, ab Ordinario loci, qui actu suam ecclesiam gubernat, licentiam habeant.

Item, ut possint fundari hospitalia pro curandis mulieribus, dummodò non sint ulla ex parte contigua, ac dummodò nonnisi religiosus sexagennarius pro rectore, & unus vel duo sacerdotes ætate provecti, pro administrandis sacramentis constituantur. Quodsi aliter fiat, ipso facto, domus vel hospitalis subit visitationi Ordinarii loci. Extat ibid. Incipitque *Alias*. Hinc apparet, foundationem monialium hujus Ordinis, de qua supra Ord. 337. effectum caruisse, prout quippe erat, ut foeminarum ægrotantium cura foeminis ejusdem instituti, si essent, potius quam viris committeretur. Vide Ord. 368. 411. 475. 480. 486. 534.

## O R D I N A T I O D X I X.

Anno 1729. 30. Sept.

**U**T vocales discalceati S. Francisci Indiarum occidentalium fruantur privilegiis Patrum Provinciarum, sicut ii qui de observantia sunt. Ibid. C. 287. Incipit *Exponi*.

## O R D I N A T I O D X X.

Anno 1729. 30. Sept.

**U**T possit praefectus Bethlehemitarum cum definitorio recipere aliquos presbyteros saeculares ad habitum & professionem. Ibid. C. 288. Incipit *Nuper*.

## O R D I N A T I O D X X I.

Eodem die &amp; anno.

**P**raecluditur aditus dignitatum presbyteris S. Hippolyti Mexicanensis. Mentio fit in Constitutione, de qua infra 19. Apr. 1731.

## O R D I N A T I O D X X I I.

Anno 1729. 12. Dec.

**F**acultates vicennales Societati Jesu in Indiis concessas ad ulterius vicennium prorogavit Benedictus XIII. Et quia tenor & valor hujus Constitutionis nulla fere mutatione facta, dum hæc scribebantur, vigeat ex prorogatione Benedicti XIV. data 1748. 17. Jul. paulo fusius enuntianda est: opera inutili ad praxim, utili ad doctrinam & eruditionem, exem-

exemplumque juxta ea quæ prælibantur in prologo, & quia similes facultates concedi solent petentibus missionariis cujuslibet instituti, & Episcopis. = Conceditur fidelibus in quibuscumque Oceani Indiis, aut Sinarum regione & Brasilia constitutis, pœnitentibus, confessis, & sacra communione refectis, quoties aliquem ex infidelitate reduxerint, indulgentia plenaria. = Eisdem S. Thomæ Apostoli, vel aliquam ex ecclesiis domorum, collegiorum (1), vel residentiarum Societatis, distantium inter se per centum milliaria, singulis annis quatuor festis per Præpositum Generalem designandis, visitantibus, & ibi sacram eucharistiam sumentibus, & pro infidelium conversione orantibus, plenaria. = Omnibus de Societate quibus in qualibet Indiarum regione, vel in navigatione mori contigerit, contritis, & confessis, si communicare non possint, plenaria. = Scholaribus confraternitati B. Mariæ Virginis ibi (II) canonicè institutæ adscriptis, qui in Annuntiationis & Assumptionis festis communicaverint, & tertiam rosarii partem recitaverint, nec non utriusque sexus fidelibus (III) aliquam ex confraternitatibus ingressis, qui in festo Corporis Christi, & illius octava communicaverint, & in eorum mortis articulo, plenaria. = Insuper prædictis scholaribus prædicta peragentibus in festis singulis B. Mariæ Virginis, & in festo Resurrectionis, Pentecostes, & Nativitatis Domini, indulgentia conceditur decem annorum. = Interessentibus diebus Veneris quadragesimalibus processionibus ibi institutis ad orandum pro infidelibus, indulgentia trium annorum; reliquis verò præsentibus, contritis, & confessis, unius anni. = Confessis & communicantibus, qui tertiam rosarii partem pro morientibus in navigatione inita pro negotio fidei recitaverint, ut animam de purgatorio liberare possint. = Scholas Societatis frequentantibus, & de eadem Societate presbyteris illis præsentibus, januis clausis, & non pulsatis campanis, dummodò ipsi causam interdicto non dederint, interdictis, excommunicatisque exclusis, ut missas & divina officia audire, & celebrare respectivè possint. = Insuper omnibus contritis & confessis visitantibus ecclesiam vel capellam ibi Societatis opera erectam, & orantibus ut supra, quadraginta dierum, & semel quolibet anno die per Provincialem assignato, septem annorum & totidem quadragenarum. = Et visitantibus in diebus stationum, harum indulgentiæ conceduntur. = Visitantibus in prima quaque sexta feria cujusque mensis, & ibi quinquies recitantibus orationem dominicam & salutationem angelicam, septem annorum; in festis verò titularibus decem annorum: visitantibus post communionem, viginti annorum. = Interessentibus processionibus ritè de Ordinariorum licentia instituendis, & precibus Indorum Æthiopum, seu quorumvis aliorum neophytorum, & aliorum christianorum, illasque associantibus: christianam doctrinam cum Societatis presbyteris, vel ab eis deputatis recitantibus, vel privatim docentibus, quoties id egerint, septem annorum, & totidem quadragenarum. = Invisitantibus infirmos, viginti quinque annorum; & apud eos pernoctantibus quinquaginta. = Recitantibus coram imagine B. Mariæ Roma ad Collegium Limense, ut asseritur delata, tertiam rosarii partem, centum dierum indulgentia conceditur. =



Præterea Provincialibus, & ab eis deputatis presbyteris, cum neophytis earum partium, in quibus fideles inter infideles existunt (IV) & non adsunt Ordinarii (V) similem (VI) facultatem habentes, vel ultra duas dietas juxta constitutionem Pauli Tertii existunt, in quocumque seu quibusvis, non tamen primo, consanguinitatis aut affinitatis gradibus vel aliis conjunctis seu se attinentibus, ut matrimonium inter se contrahere, seu in eo etiam scienter contracto manere valeant in foro conscientiae (VII) dispensandi facultas conceditur. = Et locorum Ordinariis, ut de presbyterorum eorundem consilio, & cum illis etiam in judiciali foro; in provinciis verò Ordinariorum praesentia destitutis, vel ultra duas dietas non minus biscentum milliaribus remotis (VIII) in utroque foro dispensandi: & eos qui in gradibus hujusmodi prohibitis contraxerint, ab excessibus, censuris, & poenis ecclesiasticis absolvendi, & prolem legitimam decernendi. = Ipsi presbyteris, quibus eucharistiae fragmenta intercederint, peracto sacrificio sumendi. = Missis à Præposito Generali in infidelium terras, & alias utriusque Indiae, ac provincias remotissimas (IX) ubi non est Inquisitio, & fideles inter infideles degunt, neque Ordinarii ejusmodi facultatem habentes existunt saltem intra duas dietas, christianos ibi commorantes ab omnibus peccatis & censuris, etiam in Bulla Cœnæ contentis (X) & reservatis facultas conceditur absolvendi. = Urque semel ab aliquo illarum partium Episcopo approbati ad prædicandum, confessiones audiendas, & missas celebrandas in ecclesiis & oratoriis Societatis (XI) licentiam ab aliis Episcopis, quatenus distent ultra duas dietas, pro ministeriorum ejusmodi exercitio, petere non teneantur. = Possint etiam extra ecclesias super altari portatili, in loco tamen decente ubi non est commoditas ecclesiarum, & in casu necessitatis tantum (XII) etiam per horam ante lucem (XIII), vel etiam post meridiem celebrare. = Et in locis à quibus valde remoti sunt Episcopi, oleis sanctis (XIV), etiam per quatuor annos ante consecratis uti. = Ut qui de Societate in singulis ecclesiis ad altare semel à superiore deputandum pro animabus defunctorum celebraverint, eisdem animabus profint. =

Postremo à Præposito Generali deputandis conceditur facultas in locis præfatis, in quibus fideles cum infidelibus vivunt, & non adsunt Ordinarii qui ejusmodi facultatem habeant, qui distant ultra duas dietas cum neophytis aliisque ad fidem reductis ex rationabili causa super voto castitatis simplici, & super matrimonio contracto quovis occulto impedimento præter primi gradus in foro conscientiae dispensandi, dum sine scandalo separari non possint. = Ac super bonis incertarum personarum, male acquisitis componendi ad pia opera, vel remittendi si ipsi neophyti indigeant. = Cum Indis in foro conscientiae, & cum neophytis in utroque foro dispensandi super jejuniis. = Ab onere petitionis debiti matrimonialis liberandi. = Legendi libros (XV) quomodolibet prohibitos, & concedendi facultatem legendi ad effectum impugnandi errores, & quousque lectio fuerit necessaria. = Missas per horam ante auroram celebrare possint. = Et cum suis regularibus dispensare, ut ad sacros etiam presbyteratus ordines per annum ante legitimam ætatem promoveri possint. =

Inj.

Insuper decernitur ac declaratur, omnes oriundos seu naturales (xvi), dictarum partium, imo etiamſi Æthiopes, Angolani, vel quarumvis aliarum transmarinarum regionum, etiamſi christianorum filii, & in infantia baptizati, vel etiam inter se vel cum Europæis mixtum progeniti ſint, ad concessionis huiusmodi effectum eſſe neophytos (xvii). = Diſtoſque presbyteros cum ejuſmodi, ut matrimonio conjungi valeant, & alias ut præfertur, diſpensare poſſe. = Quin etiam cum mixtis (xviii), quos ad hunc effectum neophytos eſſe decernimus, in gradibus & matrimoniis contractis & contrahendis præſatis, dummodò non ita id facile fiat, diſpensare poſſe concedimus. Præſentibus ad viginti tantum annos valituris. Extat apud P. Murillo tom. 1. Curſ. Canon. lib. 3. tit. 31. n. 306. Incipit *Animarum ſaluti*.

## ADNOTATIONES.

(I) *Reſidentiarum*. Hoc nomine intelligebant etiam Doctrinas Jeſuitæ, ex decr. 51. Congr. Gen. VIII. ibi: *Ex omnibus ſuperioribus reſidentiarum, quas alicubi vocant doctrinas*. Doctrinæ vero in Indiis appellantur Indorum parochiæ, in quibus unus, duo, vel plures reſident ſacerdotes ſæculares vel regulares cum animarum cura. Doctrinæ, inquam, appellantur poſt decem à reductione annos quæ prius miſſiones vel reductiones vocabantur. Vulgare tamen eſt alicubi parochias hæſce *doctrinas miſſiones, reductiones* indifferenter appellare, ut teſtis eſt Ill. D. Fr. Joſephus de Palos olim Epiſcopus Paraguariæ, qui in informatione quadam ad Regem Catholicum, cujuſ initium eſt *Por Cedula de V. M., & finis Para vuestro real obsequio y servicio*, facta menſe Majo 1733. inquit: *Como quiera que acá entendamos comunmente lo mismo por misiones, que por pueblos, reducciones, o doctrinas, &c.* Ad manum etiam ſunt regia quædam reſcripta, in quibus miſſionum & reductionum nomine appellantur Indorum oppida antiqua. Servata tamen vocum proprietate & rigore doctrinæ à miſſionibus differunt. Reſidentiæ verò dicuntur non ſolum in abrogato jure jeſuitico, ſed etiam in ordinationibus apoſtolicis, ut vide infra Ord. 571. anno 1744. 26. Nov.

(II) *Canonicè inſtituta*. Ideſt legitima authoritate, ita ut inſtitutio perfecta ſit *ſine ulla præſentate*. Sic enim adverbium *canonicè* interpretatur Gloſſa in cap. *Si poſtquam*, De *Elect.* in 6. Verbo *Canonicè*.

(III) *Utriuſque ſexus*. D. Franciſcus Xarque (a) loquens de duabus congregationibus erectis in ſingulis Guaraniarum doctrinis, ait: *En ambas reciben también mugeres segun el eſpecial privilegio, que la Santa Sede concede cada veinte años à todas las congregaciones de Indias, que eſtan à cargo de los Jeſuitas*. Privilegium hoc & vicennale & ſpeciale pro Indiis ad admittendum ſcæminas in congregationes, in quas extra Indias admitti non poſſint, non novi, niſi in præſente clauſula hujus conſtitutionis contineatur.

Six-

(a) Xarque, *Miſſioneros del Parag.* lib. 3. cap. 15. p. 310.

Sixtus V. in Constit. *Superna dispositione*, data Nonis Januarii 1586. concessit Præposito Generali, ut in quibuscumque Societatis ecclesiis, quavis sive scholarius sive aliorum Christi fidelium tantum, sive utrorumque simul sub quovis titulo & invocatione congregationes, unam vel plures pro personarum frequentia vel qualitate erigere, vel erectas romanæ aggregare posset. In hoc tamen privilegio nulla de utroque sexu mentio, nulla exclusio, nihil de vicenniis, aut de Indiis speciale, sed concessio generalis, & tempore non definita.

P. Joannes-Paulus Oliva Præpositus Generalis Societatis in responsione ad memoriale quoddam P. Christophori Altamarino Paraguariæ Provinciæ Procuratoris ait: *Ta he concedida* patente de aggregacion à todas (las congregaciones de todas las doctrinas, quæ per los años de 1663. tenia la Provincia del Paraguay), y à la de estudiantes de *Buenos aires*. Hæc tamen responsio data, & aggregatio congregationum omnium in doctrinis erectarum facta esse videtur à credente eas non esse utriusque sexus; nam diu post circa annum 1750., cum postulata esset aggregatio novæ cujusdam utriusque sexus congregationis, respondit P. Franciscus Retz Præpositus Generalis: *No puedo agregarla à la Annunciada de Roma*. Agregaréla si se pide, y se remite la advocacion à la de la *Buena Muerte*. Biennio tamen post à Benedicto XIV. facta est potestas P. Ignacio Vicecomiti aggregandi Annuntiatae Romanæ congregationes omnes utriusque etiam sexus, ut constet ex hujus litteris datis 15. Jan. 1752. Omnesque de facto in Paraguaria erectæ aggregatæ fuerunt. Hæc aggregandi facultas continetur in C. *Quo tibi*. Data 8. Sept. 1751.

Quidquid de aggregatione sit vel fuerit, & de indulgentiarum communicatione, speciali concessione non erat opus ad erigendas in doctrinis congregationes fidelium utriusque sexus quales erectæ sunt; carent enim redditibus, eleemosynis; loco, & habitu propriis. Etsi sodalium grex in albo describi sinat nomen singulorum, inducto more frequentius communicandi, & opera quædam pia exercendi, congregationem epiceam perfecisti, quales erant illæ, æquè facile dissolvendam. Ill. D. Emmanuel Antonius de la Torre Episcopus Paraguayensis, dum diecesim anno 1759. iustraret, ad visitandas ejusmodi confraternitates in doctrinis Jesuitarum erectas intendit animum. Sed post impertitam propria manu nonnullis sodalium centuriis communionem sacram, non habuit ultra quod visiteret.

(IV) *Fideles inter infideles*. P. Avendaño (\*) numerat Peruvium & Novam Hispaniam inter provincias, in quibus non verificatur ad usum præsentis aut similis privilegii quod fideles inter infideles vivant. Peruvium tamen & Novam Hispaniam strictè accipit, nam quæ latè patent hæc regna Proregum gubernationi subdita, multa proculdubio sunt in Peruvio & Nova Hispania loca, in quibus fideles inter infideles degunt. An verò ad effectum hujus concessionis requiratur fidelium & infidelium coexi-

ten-

(\*) *Mem. lit. 12. Tibi. Ind. n. 292.*

stentia in eodem oppido, an sufficiat in eadem regione, & quam latè possit hæc accipi, mihi dubium est. Illud videtur certum, quod in locis & regionibus ubi non est communis fidelibus & infidelibus incolatus, est tamen urorumque frequentia & concursus, locus est privilegio præsentis. Vide Ord. 600. Adnot. 2.

(v) *Ordinarii*. Quamvis Summus Pontifex sit Ordinarius Ordinarium, *juxta usum* juris nomine Ordinarii non comprehenditur prout est Summus Pastor, ut constat ex toto titulo *De Officio Ordinarii*, & ex aliis juribus passum, & præcipuè ex variis locis *Tridentini*: ut sunt verba P. Suarez (a) Hoc tamen non est universaliter accipiendum, sed juxta materiam & adjuncta pensandum; nam si Ordinarius non substantivè sumatur, sed adjektivè pro judice qui potestatem habet ordinariam, eo nomine sine dubio comprehenditur Pontifex.

Ordinarius etiam est Legatus à latere in provincia suæ legationis. Sed hæc Legati potestas quoad Indias non habet usum, ut tradit Solorzanus (b). De quo vide supra Ord. 84. Adnot. 1. Ordinarius est Archiepiscopus in diœcesi suffraganea; sed in casu tantum appellationis & visitationis. In diœcesi tamen propria ordinarius est sicut Episcopi. Ordinarium habet potestatem Capitulum sede vacante; & sede etiam plena Provisor seu Vicarius Generalis, non tamen Foraneus, ut notum est apud Solorzanum (c).

(vi) *Similem facultatem habentes*. Similem facultatem habent Indiarum Episcopi in solitis decennialibus, estque numero sexta, quam cum reliquis vide supra Ord. 803. Sed passum sit, ut expleto decennio prorogatio desideretur.

(vii) *Dispensandi*. Dispensationes hæc intellige juxta declarationes, de quibus supra 2. & 29. April., & 11. Jun. 1701., quarum executio indicta est à Rege Catholico, per cedulam datam 30. Januar. 1703. relata in alia data 10. Jul. 1728., quæ inseritur in quadam Auditorii Platenfis provisione régia anni 1744. 19. Sept. In illa dicitur: *Tuve por bien se propusiesen las dudas.... Se resolvieron, y Su Santidad expidio tres Breves de 2. y 29. de Abril, y 11. de Junio de 1701. confirmatorios de dicho decreto (de la Inquisicion Romana).. y haviendose visto en mi Consejo, tuve por bien el dar el passe.*

(viii) *Non minus bis-centum milliaribus*. Fuit qui putaret, per hæc computari distantia quantitas & mensura duarum dietarum quoad Indias; falso tamen & sine fundamento cum ex tenore ipso palam sit, non hîc definiri duarum dietarum distantiam aut latitudinem, sed quanto ultra duas dietas spatio distare debeant missionarii, ut per se solos & sine Ordinariis dispensare in utroque foro possint.

Obiter etiam hîc nota, quod jam alibi observatum est, nullam fuisse Jesuitis in capacitatem, sive ex voto, sive ex instituto exercendi juris-

(a) Sum. D. 4. De Censur. sect. 9. n. 9. (b) Solorz. lib. 4. Polit. cap. 2.

(c) Solorz. tom. 2. De Ind. Jur. l. 3. c. 4. n. 47.

jurisdictionem fori externi, quandoquidem non agitur de jurisdictione ex officio exercenda, vel dignitati affecta, sed ex commissione & delegatione. Ex commissione potest exerceri jurisdictio cum eo qui non sit subditus, & à ministro subditos non habente: & hac ratione poterat à Jesuitis salvo eorum voto & instituto, ex quibus tenebantur solum non admittere præter dignitates & prælaturas, *quæcumque officia*, quorum officiales jurisdictionem ecclesiasticam vel laicalem de jure, usu, vel consuetudine habent, seu quomodolibet extra ipsam Societatem *exercent*; ut habet Urbanus VIII. in *C. Vota quæ*, data 25. Jan. 1631. Vide P. Sanchez (a), ubi ait: *Nomine* prælationis extra Societatem intelligitur Episcopatus, Abbatia habens jurisdictionem quasi episcopalem, & quodcumque aliud officium jurisdictionem in foro externo habens in sibi subditos, ut Vicarius Generalis Episcopi & his *similia*.

(IX) *Provincias remotissimas*. Quanta debeat distantia provinciarum alicujus ut remotissima esse dicatur, collige ex doctrina tradita à Tragurienti Episcopo Pax-jordano (b), qui loquens de privilegio administrandi ecclesiam ante electionis confirmationem extra Italiam, & in locis valde remotis, ait: *Prædicta* Glossa inquit, non sufficere distantiam duarum dierum aut trium, sed standum esse consuetudini. Unde cum Dalmatia sit extra Italiam, & distet ab ea pro latitudine Sinus Adriatici ultra centum milliaria, potest censerì longe distare, & concurrentibus cæteris requisitis, tali privilegio *frui*.

Ibidem. *Ubi non est Inquisitio*. Id est extra loca ubi *Inquisitionis* Sancti Officii *authoritas viget*: ut sunt verba Innocentii XII. in Constitutione data 3. Sept. 1692. apud J. B. Pittoni (c), quibus confirmantur dicta supra Ord. 503. Adnot. 5.

(X) *In Bulla Cæne*. Cum Pontifex sciens Bullæ hujus promulgationem quotannis regulariter iterari, præsentem facultatem concedit ad vicennium, omni dubio procul esse videtur, præsentis perennitati usque ad vicennium concessionis non obstat annuam illam promulgationem. Vide supra Ord. 504. & 206.

(XI) *In ecclesiis & oratoriis*. P. Bartholomæus Tafur S. J. è Provincia Limana in M. S. putat, per hanc clausulam prohibitos fuisse Jesuitas, ne confessiones audirent vel prædicarent extra ecclesias & oratoria Societatis; solumque fuisse concessum approbatis ab aliquo illarum partium Episcopo, hæc obire munera in propria ecclesia: & consequenter non suffragari pro missionibus vivis & itineribus hanc concessionem, seu facultatem. E regione concessio hæc sic enuntiabatur in Compendio Indico (d), quasi esset indefinita. Dicitur enim ibi: *Possunt nostri missionarii in utraque India semel approbati...* ab aliquo Episcopo, verbum Dei prædicare, confessiones audire, & missas celebrare, quin ulterius licentiam aut approbationem ab aliis Episcopis, quatenus distent ultra duas die-

(a) *Sanch. l. 6. Decal. c. 18. num. 28.* (b) *Paxjard. tom. 2. Eluc. lib. 8. tit. 2. n. 19.* Et *Glossa*, quam citat, est in *C. Nihil*, De elect. (c) *Pitt. CC. ad Confess. n. 1290.*

(d) *Comp. Ind. anni 1736. V. Confessarius.*

dietas, petere seu habere teneantur..... Prorogatum à Benedicte XIII. usque ad annum 1750. per cit. Bullam *Animarum salutis*. Ubi nulla fit mentio restrictionis illius, *In ecclesiis & oratoriis Societatis*, quæ in Bulla continetur. Nec exprimitur, ut opus erat quod Episcopus approbans debeat esse illarum partium, quin sufficiat approbatum esse in Europa. Ut omittam additionem ex antiquis & antiquatis facultatibus desumptam à moderno collectore præter præsentis Bullæ tenorem. Additur enim in Compendio: *Approbati* à Præposito Generali, vel ab aliquo *Episcopo*; cum constitutionis textus recens habeat sine disjunctiva: *Ab aliquo* illarum partium Episcopo *approbati*.

Equidem si gramaticen spectes to *In ecclesiis & oratoriis Societatis* commode referri potest ad antecedentia, quo sit indefinita concessio sequens. Si tamen referatur ad antecedentia; approbatio Episcopi, quæ pro conditione requiritur, devenit exotica & præter morem; nam licentiam concedere solent Episcopi regularibus ad confessiones audiendas aliquando limitatam ad certum tempus, vel personarum genus, vel sexum; licentiam tamen concedi per Episcopos ad confessiones audiendas, ad prædicandum, & celebrandum *in ecclesiis tantum Ordinis*, insolitum est. Pronius ergo videtur, ut secundum sententiam P. Tafur dicta clausula referatur ad sequentia, ut qui de Societate facultatem haberet ab aliquo Indiarum Episcopo ad audiendas confessiones, prædicandum, & celebrandum, is posset in alia diœcesi, in duarum dietarum distantia, ea obire ministeria *in ecclesiis & oratoriis Ordinis*. Quodsi extra ea vellet prædictis ministeriis sive in missionibus, sive in itinere operam dare, requirenda quantum est ex præsentis privilegio, & habenda prius erat licentia Diocesani, ut de communi jure est; utque requirenda erat & habenda etiam pro obeundis ministeriis prædictis etiam intra ecclesias Ordinis ubi & quando præsens concessio, vel expirasset, vel non suffragaretur.

(XII) *In casu necessitatis tantum*. Sufficiens ad usum præsentis privilegii necessitas creditur, si ad devotionem accedat, quod longa peregrinatio, v. g. per mensem, ineunda sit per loca infidelibus infestata, ut inquit Reiffenstuel (a). Et tunc aliqui apud Card. Petram (b), quod dietim celebrari possit judicant. Alii, ut liberentur scrupulo, missionum ritu, quarum favore facta erat amplior concessio, itinera obibant habita per dies catechesi & exhortatione ad vectores & rusticos circum morantes, de quibus in tanta locorum distantia numerus competens convenire solet. Et fuit de Societate viator, cui numerus octo animarum pro concione habenda sat erat.

Verum dubitabis etiam hîc, ut in præcedente Adnotatione, num clausula *In casu necessitatis tantum*, ad antecedentia, an ad subsequentia referri debeat. Si enim ad sequentia referatur, & usus altaris gestatorii concedatur præcisum ubi non sit commoditas ecclesiarum, absque ulteriore necessitatis requisito, multo amplior devenit concessio, in certis regionibus

(a) Reiff. in 3. Decretal. tit. 41. (b) Petra, tom. IV. ad C. 2. Urbani II.

gionibus præsertim ubi rara sunt extra civitates distantissimas templa & oratoria, decentia rarior, commoditas ad celebrandum rarissima.

Tenor constitutionis, & comatum distributio, seu punctuatio, prout extat in authentico exemplari litterarum Alexandri VIII. in archivio Collegii Cordubensis, quod fuit Societatis Jesu in Tucumania est sequens: *Possint etiam extra ecclesias consecratas super altaribus portatilibus, in loco tamen decenti, ubi non est commoditas ecclesiarum, & in casu necessitatis tantum, etiam per horam ante lucem, vel etiam post meridiem in eisdem regionibus, cum opus fuerit, celebrare.* In quo textu videtur referenda clausula quæ necessitatem requirit, ad antecedens privilegium de usu altaris portatilis, ne in sequente privilegio celebrandi ante lucem & post meridiem duplex clausula *In casu necessitatis*, & alia *Cum opus fuerit*, idem significans frustra conveniat.

Sed & potest in relatis verbis triplex distingui concessio, *Celebrandi in portatili extra ecclesias, Celebrandi ante lucem, & Celebrandi post meridiem.* Qua distinctione facta, frustra non est quod clausulæ distinguantur, ita ut celebrari detur in portatili extra ecclesias *ubi non est commoditas ecclesiarum*; celebrari ante lucem *in casu necessitatis tantum*; & celebrari post meridiem *ubi opus fuerit*.

(XIII) *Per horam.* Vide supra dicta Ord. 148.

(XIV) *Etiam per quatuor annos.* Et ultra quatuor annos poterunt adhiberi olea antiqua, si necessitas annorum quatuor spatium excedat. Facitque declaratio Sacræ Congregationis 20. Martii 1570. apud Dicastillo (a), qui addit: *Necessitas autem erit, si non possit aliud commodè haberi maxime sine periculo quod ægrotus decedat sine unctione.* Idem habet Laiman (b) inquit: *Id verò rectè fatetur Zambranus, posse parochos vetere oleo morituros ungere usque dum novum ipsis ab Episcopo transmissum sit.* Quodsi transmissum non credatur suffecturum, possunt antiqua incombusta conservari, non obstante comburendi præcepto, ut inquit cit. Dicastillo.

(XV) *Legendi libros prohibitas.* Ubi non est Inquisitio, additur in Compendio Indico V. *Libri prohibiti*, licet in hac concessione non exprimat; sed est additio menti Societatis conformis manifestata in Decreto 21. Congr. Gen. V. ibi citato.

(XVI) *Naturales supradictarum partium.* Quamvis hujus vocis littera & sono comprehendantur Hispano Americani, vulgò *Criollos* appellati, qui in America nati sunt, semper tamen illos exclusit consuetudo praxisque, & à significatione hujus vocis, & à præsentis concessionis usu. Imò indici sanguinis quartam tantum partem habentes per avum vel aviam *quarteronesque* dicuntur, & potiori titulo *pachueles*, qui per proavum vel proaviam octavam hauriunt, excludi voluit Clemens XI. supra Ord. 449.

P. Bartholomæus Navarro Studii Cordubensis in Tucumania initio labentis sæculi professor testatur in M. S., Archiepiscopum tunc Platen-

fem

(a) Dicast. tx. 7. De Eutr. Und. D. 1. d. 5. (b) Letm. tx. 8. De Sacram. cap. 2. num. 4.

sem supplicationem ad Sanctissimum interposuisse pro suspensione hujus Clementinæ. Et ipse Archiepiscopus litteris ad P. Laurum Nuñez S. J. datis anno 1704. (a) conqueritur in dubio Summo Pontifici super hac re proposito nec mentionem esse factam de praxi resolutioni contraria in toto Peruvio vigente, & innixa, ait, privilegiis apostolicis. Ill. Mercadillo Tucumanæ eo tempore præsul constitutionem Clementis obviis ulnis exceptam continuè publicari fecit. Neque Platenfis supplicationi minimum delatum esse videtur, cum ipse Clemens & successores etiam circa mixtindos, in quibus tantum de indico quantum de europæo sanguine est, difficiliore se præbuerint. Et Auditorium Platense in regia, de qua nuper Adnot. 7., provisione, inserta regia ejusdem argumenti cedula executionem urgeat prædictæ Clementinæ.

(XVII) *Ad hujus concessionis effectum.* Quod non ad omnes effectus veniant Indi neophytorum appellatione, constat ex hac eadem constitutione paulo superius, ubi dicitur: *Cum Indis* in foro conscientie tantum, & cum neophytis in utroque foro super jejuniis dispensandi. Vide supra Ord. 107. & 450.

(XVIII) *Cum mixtis.* Quamvis mixtindi pro Indis neophytisque ex præsentē declaratione habendi sint ad effectum dispensationum, manet dubium, an habentes sanguinem indicum & hispanicum ex æquo mixtum sint quoad alios effectus, ubi non sunt expressi, reputandi pro hispanis, an pro Indis? Sive an uti possint aliis v. g. circa jejunia & festa privilegiis Indorum propriis?

Negat Cardinalis de Lugo (b), Solorzano (c), Montenegro (d), Fr. Joannes Baptista (e), & supponit Marquez (f). E contra Quintana duenas (g) affirmat, & Murillo loquens de festorum observantia (h). Fr. Ludovicus Miranda (i) citatur etiam pro hac sententia, qui tamen non affirmat absolute, sed ait: *Idem dico* de aliis filiis hispanorum & indicarum seminarum, seu è contra qui dicuntur *mestizi*, quod virtute privilegii Pauli Tertii per supradictos religiosos baptizari possunt, nam in materia larga sub simplicibus veniunt etiam intelligenda mixta, ut dicit Silvester (k), quamvis in rigore loquendo sub simplicibus mixta non comprehendantur ut plurimum nisi ex æquitate & benignitate.

Duorum Studii Neo-Cordubensis in Tucumania antiquiorum professorum alter putans utramque sententiam esse probabilem, testatur affirmativam se vidisse à viris doctis practicam; alter testatur de consuetudine qua mixti pro Indis habentur, & pro neophytis ea ratione qua Indi quoad usum privilegiorum quoad jejunia & festa: & quoad judices ecclesiastici illam consuetudinem optime norunt quin reprobent vel corrigant. Ejusdem consuetudinis & praxis in diœcesi Bonaerensi vigentis testis

(a) Extant in cit. Archiv. Neo-Cordub. (b) C. de Lug. lib. 6. Resp. Mor. dub. 5. n. 4.  
 (c) Solorz. tom. 2. De Ind. Fur. l. 2. c. 69. n. 51. (d) Monten. l. 1. tr. 1. f. 10. num. 28.  
 (e) Fr. J. Bapt. Advert. V. Mestizos. n. 245. (f) Marg. l. 2. Bras. Pont. d. 4. f. 15. ad 3.  
 (g) Quintan. tom. 2. tr. 6. f. 6. n. 6. (h) Murillo l. 2. Curf. Can. tit. 9. num. 78.  
 (i) Miranda, tom. 1. Man. q. 43. 6. Præterea. art. 2. (k) Silvest. V. Dispensatio. num. 2.



stis mihi fuit sacerdos diu ibi commoratus. Et favet quod nuper Adnot. 16. de litteris & supplicatione Archiepiscopi Platenfis relatum est.

Alii distinguunt. P. Mendo (a) Indis accenseret ortum indo patre, matre hispana, ut pro habenda bulla Cruciatæ sufficiat illum erogare eleemosynam pro Indis taxatam. Alii apud Montenegro (b) Indum reputant à contrario natum matre inda patre hispano. P. Avendaño (c) inquit, natum ex hispano & inda, vel ex indo & hispana (Hispanorum nomine appellantur Europæi omnes), quoad effectum minorem pro bulla taxam erogandi, esse Indum.

Nec desunt pro utraque parte textuum allegationes. Pro sententia negativa facit, quod *magis dignum trahit ad se minus dignum*, ut firmat Antonius Leon Pinelo (d). Quamquam in hoc proloquio, nisi adhibeatur glossa, difficile scitu est quænam sit persona agens, quænam patiens; sive an magis dignum à minus digno, an è converso à magis digno minus dignum trahatur, vel denominetur.

Pro sententia affirmativa facere potest, quod mixtindus est (sicut hermaphroditus) *sanguine concretus, sed non perfectus utroque*: sanguine videlicet hispano & indico. At in concretis, ajunt, denominatio sequitur debiliorem partem: & Indus reputatur pars debilior.

Sed quia mixtindorum aliqui hispanismum affectant, idest, herilem conditionem; alii sunt in quibus Indorum prævalet, idest servilis conditio, sententiæ contrariæ conciliari fortè possunt, ita ut prævalentem conditionem jure sequantur. Id quod suaderi potest nupera hermaphroditi similitudine, & lege *Queritur. ff. De Stat. hom.* ibi: *Queritur*, hermaphroditum cui comparamus? Et magis puto, ejus sexum æstimandum, qui in eo *prævalet*. Cui similis est lex *Reputandarum. ff. De testibus*, ubi deciditur, jura hujus concreti, ut possit vel non in testimonium adhiberi determinanda esse secundum partem, quæ prævalet.

Ad extremum nota, in litterarum exemplari quo sum usus, & in aliis etiam authenticis facultatem concedi *Ab onere* petitionis debiti matrimonialis liberandi, quando non esset licitum illud petere, ratione voti castitatis, vel alia *de causa*. Ubi non nemo curialis, desiderata negatione inter *onere & petitionis*, litteris apostolicis vitium affingere se posse censuit, ne valerent, cum debiti petitio non sit onus, à quo liberetur quis per privilegium. Sed sensus est idem & utrobique rectus utcumque enuntietur facultas; onus quippe à quo liberandi sit potestas, est pœna circa debiti petitionem incurfa; hæc tamen pœna non aliud est quam petitionis privatio seu negatio, quæ per verbum *onere* satis significatur, & à qua non inepte quis dicitur per dispensationem liberari.

OR-

(a) Mendo, D. 36. De Bull. Cruc. num. 8. (b) Monten. loc. cit. num. 26.

(c) Avend. tit. 3. Tresaur. num. 240. (d) Pinell. Quæst. Mor. del Chocolate, pag. 62. num. 2.

ORDINATIO DXXIII.

Anno 1730. 13. Jan.

**U**T provinciæ Mexicanensi Discalceatorum S. Francisci plures sint vocales. Extat in Bullar. Rom. C. 295. Benedicti XIII. Incipit *Nuper*.

ORDINATIO DXXIV.

Anno 1730. 25. Jan.

**C**onstitutiones Pauli V. 19. Aprilis 1618., quarum initium est *Alias & Dudum*, super erectione provinciæ Mexicanensis S. Didaci Discalceatorum S. Francisci, privilegiis, & statutis fratrum diæi Ordinis: Et Constitutio Urbani VIII. 22. Sept. 1642. incipiens *Alias*, qua ejusmodi privilegia confirmantur: Clementis X. 19. Jun. 1674. incipiens *Nuper*: Clementis XI. 24. Nov. 1702. incipiens *Alias*, circa præcedentiam, aliasque controversias, à Benedicto confirmantur. Ibid. C. 297. Incipit *Debitum*.

ORDINATIO DXXV.

Anno 1730. 14. Febr.

**A**lternativa inducta in provinciam Philippinarum & tres hispanienses Ordinis S. Augustini Discalceatorum reducitur ad hispanienses. Ib. C. 299. Incipit *Ea que*.

ORDINATIO DXXVL

Anno 1731. 19. April

**N**E Sacerdotes Ordinis Hospitalarii S. Hippolyti Mexicanensis prælaturas Ordinis obtinere possint, aut in Assistentes eligi, nisi cum apostolica dispensatione, juxta decretum S. Congregationis 30. Sept. 1729. Ex Bullar. rom. 13. Const. 30. Clem. XII.

ORDINATIO DXXVII.

Anno 1731. 28. April.

**S**acra Rituum Congregatio ad preces Cleri sæcularis & regularis civitatis & diocesis Limanæ concessit, ut officium & Missa Sanguinis D. N. J. C. prout in Ecclesia Valentina peragitur, ab eodem clero sæculari & regulari utriusque sexus respectivè recitari & celebrari possit. Ex decreto S. Congregationis, quod biennio post ad preces P. Sebastiani de San-Martin S. J. provinciæ Paraguay procuratoris extensum est ad dioceses Sanctæ Crucis de Monte, & Tucumanæ.

OR-

## ORDINATIO DXXVIII.

**E**X indulto, quod à Sacra Rituum Congregatione sub Clemente XII. emanavit, omnes Sacerdotes Societatis Jesu provinciarum Indiarum poterant facere commemorationem S. Josephi in officio & missa Desponsationis B. Mariæ Virginis die 26. Novembris ante alias commemorationes, sicut fit in commemoratione SS. Petri & Pauli. Similiter commemorationem B. M. Virginis facere poterant in officio & missa S. Josephi semel in mense, quando hujusmodi officium fieret ex indulto supra relato Ord. 487. Ita habetur in Codice officiorum ibi citato.

## ORDINATIO DXXIX.

Anno 1731. 29. Maji.

**U**T discalceati S. Francisci, qui Lusitanam, Hispaniam, vel Indicam provinciam saltem per biennium gubernarunt ut Vicarii Provinciales, *Patres Provinciae* appellari possint cum prærogativis quibus isti gaudent. Ex Bullar. Rom. C. 98. Clementis XII. Incipit *Exponi*.

## ORDINATIO DXXX.

Anno 1731. 12. Jul.

**M**oderato Benedicti XIII. mandato conceditur Minoribus exalceatis Indiarum & Hispaniarum cantu simplici, dummodo in tota provincia sit uniformis, non gregoriano uti. Extat ibid. C. 40. Incipit *Exponi*.

## ORDINATIO DXXXI.

Anno 1731. 24. Aug.

**E**Xposito per procuratorem provincie S. Gregorii in Philippinis Ordinibus Minorum discalceatorum, quod tametsi domus illius provincie amplas haberent ecclesias, & curam animarum, & capaces forent sustentandi amplam familiam, ob deficientiam religiosorum non amplius quatuor aut quinque, imò tres duo aut unus (1) duntaxat Fratrum in una quaque residebant, decernitur in domibus religiosis (12) dictæ provincie servandam esse clausuram, utque gaudeant privilegiis conventuum; sine præjudicio tamen jurium Episcoporum, Parochorum, & aliorum regularium, atque constitutionum apostolicarum. Extat ibid. C. 45. Incipit *Nuper*.

## ADNOTATIONES.

(1) *Unus, duntaxat*. De jure civili tres requiruntur, ut fiat communitas seu collegium ex lege *Neratii ff. De verb. signif.*, ubi dicitur *Neratii* Priscus tres existimat facere collegium, & hoc magis sequendum est.

est. Et Glossa ibi, quod unus sufficit ex tribus, ut collegium conserve-  
tur. Aristoteles apud Trevultianos (a), ut familia numero absoluta  
sit, requirit tria saltem capita: quamquam Bodinus duo ultra desiderat  
(b). Vide Ord. 481. 483. 540.

(II) *Domibus religiosis*. Nam de domibus sæcularibus, in quibus videli-  
cet unus vel duo regulares commorantur, aliter decretum est in Consti-  
tutione data occasione causæ angelopolitanæ Resol. 15., nempe ut non  
gaudeant privilegiis collegiorum seu conventuum.

## ORDINATIO DXXXII.

Anno 1731. 21. Nov.

Supplicantibus Clementi XII. missionariis de Societate in India orien-  
tali (1) quatenus ipsis concederet facultatem recitandi semel in heb-  
domada etiam intra adventum & quadragesimam diebus non impeditis  
ritu duplici aut semiduplici officium SS. Ignacii & Xaverii: Sua Sancti-  
tas indulgit. Refert P. Simon Marquez lib. 3. Brasiliæ Pontificiæ Disp.  
1. sect. 1.

### ADNOTATIONES.

(1) *In India orientali*. Hinc inferebat quidam contra scrupulosos, ut  
ajebat ipse, usum hujus facultatis licere etiam missionariis in India oc-  
cidentalī, hoc syllogismo: Quidquid Indiæ orientali conceditur, ita com-  
municatur occidentali, ut religiosis de Societate æqualiter liceret usus.  
Sed facultas præsens Indiæ orientali conceditur. Ergo... Major propo-  
sitiō constat ex oraculo Gregorii XIII., de quo supra 10. Febr. 1579.  
Ord. 154. Et Minor constat ex præsentē indulto. Sed negabitur Minor,  
non enim Indiæ orientali conceditur, quod minimæ parti existentium in  
India orientali missionariorum concessum est privativè; nisi etiam velis  
communicata Indiæ occidentali quæ soli Goæ fortè concessa sint.

Certè missionarii Brasilienses, talis utique communicationis firmita-  
ti diffidentes, expressam extensionem præsentis facultatis petierunt 28.  
Jul. 1735., de quo infra Ord. 545. Et P. Nogueira inquit (c): *Dicta  
extensio* (privilegiorum Indiæ orientalis ad occidentalem) non sufficien-  
ter deducitur ex Pontificis (Gregorii) diplomate, quod intelligitur de  
privilegio concesso Indiis *utrisque*. Saltem intelligi debet de privilegiis  
concessis Indiæ toti orientali, aut toti occidentali. Si enim illicita est  
extensio ab una parte in aliam ejusdem Indiæ, neque potest civitas Ma-  
lacca gaudere privilegio concesso Goæ: Si est illicita extensio à missio-  
nariis orientalibus unius Ordinis ad missionarios item orientales alterius,  
alioquin non habentes communicationem privilegiorum; multo magis  
erit illicita ab una parte, vel à certis in oriente personis ad occidentem.

(II) *In-*

(a) *Mem. de Trev. ann. 1709. art. 24.* (b) *Bodin. lib. 2. Reip. cap. 2.*

(c) *Neg. D. 3. De Bulla Crac. f. 7.*

(11) *Intra adventum & quadragesimam*. Loco citato contendit Marquez, non obstante decreto Sacrae Congregationis 20. Mart. 1706.; potuisse à sociis in vigiliis, feriis quatuor temporum, & rogationum recitari de SS. Ignacio & Xaverio, quia Clemens XI. nec vidit nec annuit simili decreto. Imo vivæ vocis oraculo declarasse, se nihil rescire de decreto illo, nec velle religionum privilegia minuere. Factam verò esse declarationem P. Michaeli Angelo Tamburini Præposito Generali Societatis, ut ipse testatur. Ob eandem rationem ait, eos quibus Generalis communicasset privilegium recitandi semel in hebdomada de SS. Sacramento & de Immaculata Conceptione, in quantum posset, potuisse de privilegio recitare intra adventum etiam & quadragesimam, sicut Augustiniani & Carmelitani recitant, constatque ex directoriis Romæ impressis, & simili declaratione Clementis ad Carmelitarum Generalem Josephum à Sancta Theresia. Hucusque Marquez.

Sed quod attinet ad attestationem P. Tamburini, oppositum suadent ejusdem litteræ ad Provincialem & Visitatorem Provinciæ Paraguarie P. Antonium Garriga datæ, quarum fragmentum est: *Repáro*, que se estienda el privilegio al adviento y quaresma, pues aunque à esto no haia faltado probabilidad por la comunicacion de otras religiones, en las formas antiguas de este officio, de donde se copian estas comunicaciones está y siempre se ha copiado la exceptiva, *Extra tamen adventum & quadragesimam*. Ubi notandum est, probabilitatem illius intelligentiæ, usus, vel extensionis privilegii ad quadragesimam & adventum, non repeti à scribente ab ulla declaratione sibi à Clemente XI. facta, sed à communicatione cum aliis Ordinibus. Et à communicatione probabilitas peti valuit, quando S. Congregationis resolutio, de qua mox, nondum erat nota, & tam solemniter denunciata ut modò est. Nec videbitur fidem superare, quod potuerit in Novo Orbe à missionariis ignorari, si est credibile quod Summus Pontifex Romæ nihil de tali decreto rescivisset.

Sacra Rituum Congregatio 20. Mart. 1706. resolvit 1. Cum multis Congregationibus, Religionibus, Ecclesiis vel Nationibus concessum sit à Sede Apostolica, ut semel vel pluries in singulis hebdomadis vel mensibus celebrentur varia officia per annum, non licere ea facere in diebus quadragesimæ, adventus, vigiliarum, & quatuor temporum . . . 3. Regulares ex sola communicatione privilegiorum non posse recitare officia concessa aliis religionibus. Et hæ resolutiones non solum præscriptis Præfati & Secretarii signaturis munitæ sunt, sed cujuslibet Clerici Breviario insertæ in præsentia divulgatæ. Quo cessare jam debet quævis in oppositum probabilitas & usus.

## ORDINATIO DXXXIII.

Anno 1732. 7. Apr.

**A**pprobatur fundatio Congregationis seu Collegii Familie Jesu Christi extra muros civitatis Neapolitanæ pro educandis Sinis & Indis, ita ut in idem collegium admitti possint Europæi propriis sumptibus alendi, ut

ut ad obeundas missiones instituantur. Mentio fit in Const. *Injuncti*, de quo infra 22. Mart. 1736.

ORDINATIO DXXXIV.

Anno 1732. 27. Maji.

**U**T officialium electio in quacunque domo Bethlehemitarum fiat per Præpositum & quatuor definitores generales. Ex cit. tom. 13. Bullar. Rom.

ORDINATIO DXXXV.

Anno 1732. 30. Maji.

**N**E mulieribus pateat aditus in collegium hospitale, domos & habitationes Abbatis, & officiales Congregationis ecclesiasticæ sub invocatione S. Petri in conventu SS. Trinitatis Mexicanensi erectæ. Extat *ibid.* Incipit *Exponi*.

ORDINATIO DXXXVI.

Anno 1733. 17. Mart.

**N**E in provinciam S. Gregorii Minorum Discalceatorum in Philippinis mittatur visitator ex alia. Extat *ibid.* C. 87. Clementis XIII. Incipit *Exponi*.

ORDINATIO DXXXVII.

Anno 1733. 23. Jul.

**C**onfirmatur decretum S. Congregationis de Propaganda, ut Seminarium missionum erectum ex facultate per Breve Benedicti XIII. 3. April. 1727. cum consensu Ordinarii in conventu Minorum discalceatorum de *Pacheca* in Mexico deputetur pro conversione infidelium montium de *Cimapan*. Utque religiosi in præfatis locis missionarii pro necessitatibus facultatibus Archiepiscopum Mexicanum ordinarium adire teneantur. Prohibeturque Fratribus provinciæ S. Didaci transitus ad alias provincias & collegia missionum regularis observantiæ, & ad missiones provinciæ S. Gregorii Philippinarum. *Ibid.* C. 100. Incipit *Emanavit*.

ORDINATIO DXXXVIII.

Anno 1733. 7. Aug.

**N**E commissarii generales, ac ne Minister quidem Generalis Ordinis S. Francisci possit extrahere religiosos provinciæ Mexicanensis S. Didaci nisi de consensu Capituli, vel Definitorii Provincialis. Extat *ibid.* C. 103. Incipit *Nuper*.

Xxx

OR-

## ORDINATIO DXXXIX.

Anno 1734. 17. Febr.

**C**onfirmantur constitutiones pro Fratribus & Sororibus Ordinis Scavorum B. Mariæ Virginis in Brasilia. Extat ibid. C. 128. Incipit *Ex injuncto*.

## ORDINATIO DXL.

Anno 1734. 19. Jul.

**E**xposito quod in America Meridionali provinciæ Peruntinæ Ordinis S. Dominici, & S. Augustini, & Chilensis S. Augustini plures habent conventus, vel in locis a civitatibus remotis, vel in oppidis parvis & miserrimis, & alios erectos pro Indorum assistentia nomine prioratum, qui sex duntaxat, quinque, quatuor, aut tres religiosos alere possunt, in quibus regularis disciplina quoad fieri potest observatur, & ex incuncta dictarum provinciarum praxi omnibus conventuum privilegiis gaudebant, indulgetur ut prædicti conventus in possessione in qua fuerunt permaneant, non obstante Constitutione Pauli V. 21. Sept. 1611., qua statuebatur, ut conventus provinciarum Americæ, qui numerum saltem octo religiosorum alere non possunt, supprimerentur committendo executionem Episcopis illarum partium. Quæ executio per 122. annos omissa est, testante aliquando Sanctæfidei Archiepiscopo esse impossibilem. Extat tom. XIV. Bullar. Rom. C. 141. Clem. XII. Incipit *Exponi*.

## ORDINATIO DXLI.

Anno 1734. 24. Aug.

**C**onfirmatur decretum Card. Turnon cum certa moderatione. Diciturque, malè se gessisse Episcopis Indiarum concedendo dispensationem in sacramentalium usu circa baptismum inconsulta Sede Apostolica. Mentio fit in Const. *Omnium sollicitudinum* Benedicti XIV. de qua infra Ord. 570.

## ORDINATIO DXLII.

Anno 1734. 9. Sept.

**R**elata concessione Pii IV., ut Societatis Jesu presbyteri cum neophyris Indiarum dispensare possent in quocumque gradu divino jure non prohibito, quam Clemens XI. ultimo prorogaverat 11. Jun. 1701. ad viginti annos tunc proximos; & exposito per procuratorem generalem Societatis Jesu, quod prædicti viginti anni jam dudum expiraverant (1): Exposita etiam ipsius procuratoris dubitatione, ne aliqui missionarii credentes prædictam facultatem esse renovatam, & bona fide dispensantes aliqua essent censura innodati (II) conceditur tam Provincialibus & ab  
eis

eis deputatis presbyteris, quam locorum Ordinariis cum neophytis Indiarum, aliarumque regionum orientalium, in quocumque seu quibusvis, non tamen in primo, consanguinitatis aut affinitatis gradibus, vel alias conjunctis seu se attinentibus, ut matrimonium inter se contrahere, seu in eo etiam scienter contracto remanere valeant: Dictis quidem presbyteris in locis ubi Ordinarii non adsunt, vel ultra duas dietas juxta constitutionem Pauli Tertii existunt: ipsi verò ordinariis ubi presbyteri ipsi adsunt, vel eorum commode haberi potest copia, de eorum tanquam adiutorum & assessorum consilio, & cum illis; ubi autem non adsunt, neque eorum haberi potest copia, etiam sine illis in utroque foro dispensandi. Et eos, qui in ejusmodi gradibus contraxerunt, absolvendi, & prolem legitimam decernendi. Nec non eisdem presbyteris & ordinariis; servatis locorum circumstantiis & limitationibus ejusmodi, cum eisdem neophytis etiam in primo gradu rectæ lineæ affinitatis ex copula illicita resultantis se attinentibus, ut matrimonium inter se contrahere, seu in eo etiam scienter contracto remanere valeant, in occultis tamen & in foro conscientiae tantum, & urgentibus justis causis dispensandi, & eos, qui contraxerint absolvendi. Dictisque Ordinariis alios presbyteros idoneos, ubi non sint missionarii similem facultatem habentes quoad præmissa in sui locum subdelegandi, facultas ad viginti annos à die datæ valitura, tam quoad presbyteros, quam quoad Ordinarios conceditur. Omnia matrimonia post expiratam facultatem ex dispensatione alias rite contracta in radice revalidantur. Ii verò qui dispensarunt, pro ea tantum vice ut absolvantur, facultas datur. Extat cit. tom. XIV. Bullar. C. 146. Clem. XII. Incipit *Cum dudum*.

## A D N O T A T I O N E S.

(1) *Jam dudum*. Nempe totis terdecim annis. Ex quo patet, fundamentum ex eo desumptum quòd Romæ esset qui pro officio peteret prorogationem facultatum vicennialium, esse malè firmum, ut ante præviam prorogationis factæ notitiam procederetur in usu; nam quamvis esset qui ex officio peteret, & erat qui ex fragilitate memoriæ, vel ex negotiorum multitudine in petendi oblivionem induceretur. Et quamvis petita esset prorogatio poterat negari, vel restricta concedi, & notitia negationis, vel restrictionis in tanta locorum distantia intercidisse. Patet etiam recte egisse missionarios olim suspenses in simili casu facultatum usum; quod in hæc verba refert Avendaño (a) *Pro obtinenda* prorogatione post expletum terminum specialem Patres omnes Generales diligentiam præstiterunt; quia verò circa hoc oblivionis aliquid, aut nescio quid aliud intervenit post Urbani VIII. prorogationem expletam (15. Sept. 1649.), usus aliquorum temporalium privilegiorum cessavit, donec ab Innocentio X. (1. Mart. 1649.) est impetrata, & quidem ante expletum tempus, fed

(a) *Avend. tit. 12. Thesaur. cap. 3. n. fin.*



sed ita proximo illius termino, ut litteræ opportunè in Indias non potuerint pervenire. Propter hæc monitos voluit missionarios Benedictus XIV. infra anno 1757., ne ad extremum vicennii spatium differrent supplicationem ad Sedem Apostolicam deferre, ne vel dispensationes nullitatis periculo exponerentur, vel neophyti spiritualibus subsidiis sibi à Sede Apostolica solitis concedi suspensione privarentur.

Dices, tempore Urbani VIII. & Innocentii X. non fuisse tot prorogationis petitiæ & non negatiæ exempla, quæ non negandæ in posterum argumento essent. Fateor; sed nec erant tot exempla oblivionis commissæ, vel alterius causæ ad intermittendam supplicationem occurrentis, nam præter hanc terdecim annorum sive oblivionem, sive unde unde ortam dilationem, contigit alia, minor quidem, circa prorogationem Constitutionis *Animarum salutis* factam à Clemente XI. 22. Sept. 1708., & non resectam usque ad 12. Dec. 1729. Præterquam quod exempla petitiæ & impetratiæ prorogationis argumentum sunt concedendæ præsumptivum, non positivum concessæ, ut opus erat.

Sed & notandum est, facultatem dispensandi in quocumque gradu divino jure non prohibito a Pio IV. concessam, non fuisse à Clemente XI. anno 1701. ultimò prorogatam, ut procurator generalis retulit ad præsentem constitutionem impetrandam. Sola facultas dispensandi in primo gradu affinitatis ex copula illicita, in occultis, & in foro conscientię ultimo erat prorogata anno 1701.; reliquæ facultates ad dispensationes matrimoniales, quæ in illa & in hac Const. *Cum dudum* continentur, continentur simul ad verbum in Const. *Animarum salutis*. At constitutio hæc *Animarum salutis* non ultimò prorogata erat anno 1701., sed postea, & ante præsentis Constitutionis datam, erat prorogata bis, scilicet anno 1708. à Clemente XI., & iterum à Benedicto XIII., quamquam non sine oblivione unius integri anni, anno 1729. de qua Benedicti prorogatione quindecim toti anni restabant, nempe in compensationem terdecim oblivionis annorum. Propter hæc SS. Clemens XIII. anno 1766. supplicationibus ad se delatis providè annuit, ut quæ facultates vicennales diversis litteris continebantur, diversis temporibus expiraturæ sub unius Constitutionis textu eodem termino concederentur, ut vide Ord. ult.

(II) *Conceditur*. Etiam pro locis quorum incolæ sunt soli fideles: quod non habebat concessio alioquin similis facta in Const. *Animarum salutis*. De dispensatione in radice Vide Ord. 447. Adnot. 4. anno 1701. 2. April.

Postquam expiraverat vicennium hujus Clementinæ *Cum dudum* concessionis, cum nondum ad certas Americæ partes pervenisset nuntius de facta prorogatione, occurrit ut est frequentissimus casus & necessitas dispensandi cum neophyto ad matrimonium cum affini ex copula illicita in primo gradu. Recursum est ob distantiam, & romani recursus difficultatem & moras ad Episcopum loci, ut si posset ac vellet, dispensationem expediret, vel dispensandi facultatem. Rescripti summa fuit ut sequitur: *Con lo difficil del recurso todo se facilita*. Si por la dificultad del recurso fuera licito dispensar, fueran escusadas las facultades que se dan para aqui... En quanto à los escandalos, mayor escandalo es sollicitar

citar tales dispensaciones.... Esto supuesto respondo, que siendo publico el trato illicito, no puedo dispensar.... pero siendo occulto, puedo *in foro pœnitentiæ*: y lo concedo al Cura de dicho pueblo, y su lugar-teniente. Palacio. Septiembre 15. de 1763. Cujus rescripti partes quomodo sibi cohæreant, non bene capto. Si ex difficultate romani recursus, & ad scandala vitanda non poterat Episcopus dispensare, ut in prima rescripti parte significatur; unde potuit in secunda dispensatio expediri & delegari? Illa certè facultas non continetur in decennialibus, quæ Româ Episcopis Indiarum solitæ sunt concedi: ut vide supra Ord. 503. Aliquando concessum est Episcopo dispensare in primo gradu diæ affinitatis, ut vide infra Ord. 577.; sed ibi habetur ratio de vitandis scandalis, nec scandalum putatur esse ad vitanda scandala seu petere, seu concedere talium dispensationum genus.

ORDINATIO DXLIII.

Anno 1735. 29. Mart.

**O**ppidum *Mizque* fit residentiale Episcoporum Sanctæ Crucis de la *Siera*. Mentio fit in epistola Ill. D. Michaelis de Fuentes ad Regem Catholicum, cujus datam substitui Constitutionis datæ mihi non notæ. In illa sic habet: *Cien* leguas de Santa Cruz al Peru está la villa de *Mizque*, donde es la residencia de los Obispos por Bula que hai para ello respecto de hallarse en el centro del Obispado, desde donde se dan con prontitud las providencias. Y à estas dos poblaciones se reducen todas las que hai de Españoles en todo el Obispado, de las cuales la primera tendra doscientos vecinos, la segunda *veiente y quatro*.

ORDINATIO · DXLIV.

Anno 1735. 9. April.

**U**T Capitulum Generale Ordinis S. Hippolyti Mexicanensis de cætero per sexennia celebretur. Extat cit. tom. Bullar. C. 153. Incipit *Cum sicut*.

ORDINATIO DXLV.

Anno 1735. 28. Jul.

**V**ivæ vocis oraculo extensa fuit ad provinciam Brasilæ Soc. Jesu facultas facta missionariis in India orientali recitandi per hebdomades etiam intra adventum & quadragesimam, diebus non impeditis ritu duplici aut semiduplici, de SS. Ignacio & Xaverio. Refert P. Simon Marquez cum alia extensione ejusdem privilegii in favorem procuratorum Indiæ orientalis existentium in Europa. Vide supra Ord. 532. anno 1731. 21. Nov.

OR-

## ORDINATIO DXLVI.

Anno 1735. 26. Sept.

**R**Evocantur & annullantur duæ epistolæ pastorales Episcopi Pekinensis circa ritus Sinarum. Extat in cit. Bullar. C. 166. Incipit *Apostolica*.

## ORDINATIO DXLVII.

Anno 1735. 7. Octobr.

**U**T presbyteri Ordinis S. Hippolyti Mexicanensis nequeant in religione habere neque ad breve tempus aliquam prælaturam sine apostolica dispensatione. Nec esse possint Assistentes Provinciæ, nec magistri novitiorum. Sed dicti sacerdotes primè advocentur pro consilio in omnibus congregationibus & adunationibus faciendis in singulis conventibus. Ibid. C. 167.

## ORDINATIO DXLVIII.

Anno 1735. 6. Dec.

**U**T in Collegio Manilensi Societatis Jesu possent conferri gradus scholastici. Meminit P. Murillo lib. 5. Curs. Can. tit. 5. num. 62.

## ORDINATIO DXLIX.

Anno 1736. 27. Febr.

**C**onfirmantur constitutiones quædam Ordinis Bethlemitarum. Ex cit. Bullar. C. 172.

## ORDINATIO DL.

Anno 1736. 22. Mart.

**C**onfirmantur regulæ & constitutiones Congregationis seu Familæ J. C. pro educatione Sinensium & Indorum erectæ extra muros Neapolis. Ib. C. 175.

## ORDINATIO DLI.

Anno 1736. 5. Maji.

**I**ndultum recitandi feria VI. post Cineres vel alia non impedita de Quinque Plagis extensum fuit ad Patres Societatis Provinciarum Peruanæ Mexicanæ, Paraquariæ, Chilensis, Novi Regni & Philippinarum, scilicet quotquot erant & esse desierunt in Novo Orbe Hispanico: & ad omnes sæculares & regulares utriusque sexus Archiepiscopatus Lîmani, & Platenfis, & Episcopatum Truxillensis, Cuzquensis, Arequipensis, Guamangensis, Pacensis, & Sanctæ Crucis in America meridionali. Ex decreto simul typis edito cum Officio de Quinque Plagis.

OR-

ORDINATIO DLII.

Anno 1737. 31. Jan.

**E**Xposito per Carmelitas Excalceatos, quòd ex decretis pontificiis possunt ubique terrarum erigere confraternitates virorum & mulierum sub titulo B. Mariæ de Monte Carmelo, quæ neque usum saccorum, neque proprium oratorium, neque intra nec extra claustra, neque redditus, aut consuetudinem recitandi divinum officium, aliasque preces habent, ullasque functiones ecclesiasticas peragunt; sed tantummodo processionibus, quæ singulis mensibus ab eisdem Exponentibus fieri solent ad effectum lucrandi indulgentias, intersunt: Exposito etiam quòd Episcopus de Mechoacan in Indiis occidentalibus prædictas confraternitates, & quoddam oratorium rurale cujusdam prædii per dictos exponentes possessi, in quo religiosi missam pro spiritali colonorum ibi commorantium consolatione celebrare solent, visitare tentavit, declaratur ac decernitur, si preces veritate nitantur, supradictas confraternitates (1), & exponentium oratoria ruralia (II) ab Ordinariis locorum non esse visitanda, sed à Superioribus religionis. Ex cit. Bullar. C. 190. Incipit *Exponi*.

ADNOTATIONES.

(1) *Confraternitates*. Eadem ratione congregationes sub directione Societatis Jesu erectæ non suberant jurisdictioni & visitationi Episcoporum, ut latè probat Forti (a), & Card. de Lugo (b), quia scilicet nec sunt corpus stabile, sed quod cessante Societatis directione resolvitur, nec habent saccorum usum, nec redditus, quorum esse incapaces resolvit S. Congregatio Episcoporum & Regularium 16. Martii 1713., & confirmavit Benedictus XIV. Const. *Laudabile*. Data 13. Febr. 1758.

(II) *Oratoria ruralia*. Similis Constitutio prodiit ab eodem Clemente 19. Aug. tenoris qui sequitur: *Exponi* fecit procurator Carthusiensium, quod cum Urbanus V. concesserit monachis ejusdem Ordinis facultatem retipendi in suis domibus & grangiis altaria portatilia, atque inibi missas celebrandi; Bonifacius vero IX. præfatum Ordinem à quacumque Ordinariorum jurisdictione exemerit: Quarum concessionum exemplo Gregorius XIII. Societati Jesu 3. Maji 1575. concessit, ut in oratoriis & capellis, quæ Provinciales in domibus & collegiis & aliis locis ubi aliqui de Societate residebunt, approbaverint & ad divinum tantum cultum deputaverint, missa & divina officia alterius licentia minime requisita celebrari possint. Congregatio quoque Concilii 24. Sept. 1622. decrevit, ut in capellis seu oratoriis existentibus in domibus, membris, seu grangiis monasteriorum carthusianorum, postea tamen quam Ordinarii semel ejusmodi capellas visitaverint, missæ sacrificium tam per regulares, quam

(a) Forti, Art. 22. De Conserv. à num. 242. (b) C. de Lugo. lib. 4. Resp. Mor. D. 11.

quam per sæculares presbyteros celebrari valeat, audientesque præcepto satisfacere intelligantur, absque tamen parochialium præjudicio. Quod quidem decretum à Gregorio XV. approbatum fuit, qui pariter anno 1623. largitus est Carthusianis communicationem privilegiorum aliis Ordinibus concessorum: vigore cujus communicationis prædictus Ordo semper potitus est privilegio, quo potiuntur tam clerici Societatis, quam cæteri regulares, erigendi nimirum in suis grangiis oratoria sine Ordinariorum licentia & visitatione, sed approbatione tantum suorum Visitatorum, qui in dicto Ordine Provincialis vices gerunt. Cum autem, ut eadem expositio subjungebat, iidem monachi in grangia Turricis oratorium erexissent, & in Congregatione Concilii propositum esset dubium, an liceret Carthusianis oratorium retinere ad celebrandum in casu, quod 30. Julii resolutum fuit affirmative, prævia tamen visitatione. Et idem procurator considerans esse valde æquum, ut quemadmodum Societas Jesu, alizque religiones privilegium erigendi oratoria ad exemplum Carthusiensium privilegiorum obtinuerunt, & reipsa retinent in suis grangiis oratoria & capellas minimè subjectas Episcoporum visitationi, ut attestationibus superiorum earundem religionum constare asseritur, ita Carthusianos propter memoratam communicationem eisdem privilegiis frui posse desideret; conceditur toti Carthusianorum Ordini, ut non solum erigere possint oratoria, capellas & altaria in grangiis, & domibus religiosis, in quibus residebunt ejusdem Ordinis sacerdotes, atque in illis celebrare juxta decretum præfatæ Congregationis, sed... quod sufficiat quod dicta oratoria, capellæ, & altaria visitata fuerint & approbata à Visitatoribus ejusdem Ordinis... Non obstantibus contrariis *quibuscumque*.

## ORDINATIO DLIII.

Anno 1737. 1. Junii.

**D**Eclaratur, novum conventum & ecclesiam Quadraginta Martyrum de Urbe ad Fratres Discalceatos S. Francisci Nationis Hispanicæ & Indiarum pertinere. Ex cit. Bullar. C. 202. Incipit *Exponi*;

## ORDINATIO DLIV.

Anno 1738. 8. Mart.

**S**antos, qui in fine anni supersunt, non esse ad annum sequentem transferendos; sed quoties toto anni decursu de illis celebrari non valet, tunc in illo anno diebus eorum considerandos esse tanquam simplices, faciendo illorum commemorationem ut in semiduplicibus cum nona lectione ad Matutinum composita ex eorum omnibus lectionibus propriis secundi nocturni ad modum unius. Et ita declaravit Sacra Rituum Congregatio ad instantiam Ministri Provincialis Ordinis Minorum S. Francisci Discalceatorum provinciæ S. Didaci in regno Mexicano apud Ferraris, Edit. Rom. 1768. Verbo *Officium Divinum* art. 3. n. 64. p. 253.

AD-

ADNOTATIONES.

Eandem habet declarationem in Opere inscripto *Decreta Authentica Sacræ Rituum Congregationis Notis illustrata ad SS. D. N. Benedictum XIV. Edit. Ven. 1750.*; nisi quod hic dicitur facta ad instantiam Ordinis Capuccinorum. Quod verò annus accipiendus sit a 1. Januarii, non à die quo Sanctorum officium impeditum transfertur, ut aliqua Directoria interpretata sunt, nec à prima Dominica Adventus, ut aliqui dubitarunt, constat ex aliis in hac materia declarationibus.

Declaraverat Sacra Rituum Congregatio 7. Dec. 1680. (a), & 27. April. 1697., officia Sanctorum, quæ de mense Decembris aliquando supersunt, posse transferri & fieri prima die non impedita sequentis anni. Quod iterum declaratum est 27. Sept. 1698. (b). Sed anno 1795. 26. Nov. (c) decretum est, Sanctos qui in fine anni supersunt, non esse transferendos ad annum sequentem, sed in diebus propriis considerandos esse tanquam simplices. Hoc decreto præcedentibus derogari putavit Cavalieri. Alii, ut contraria in concordiam redigerent, opinati sunt, in præcedentibus annum intelligi civilem, in posterioribus ecclesiasticum. Sed dubium exemit Sacra Rituum Congregatio 7. Dec. 1743. in Mediolanensi (d), nam quæsito an post decretum 7. Dec. 1680. abrogatum sit decretum aliud S. Congregationis, scilicet officia Sanctorum, quæ alicubi supersunt de mense Decembris, possint transferri in annum sequentem? Responsum est, posterioribus S. Congregationis decretis, quibus cautum est, Sanctos qui in fine anni supersunt, non esse in sequentem annum transferendos, abrogatum esse decretum 7. Dec. 1680., ideoque comprehendi sub illis etiam Sanctos, qui in mense Decembri occurrentes translati supersunt.

Et 23. Januarii 1745. in Lunensi-Sarzanensi Ordinis S. Francisci de Observantia consequenter decretum est (e) *Occurrente festo Dedicationis propriæ ecclesiæ in die S. Sylvestri*, officium S. Sylvestri non esse transferendum in annum sequentem, sed celebrandum in ipso de Dedicatione cum commemoratione S. *Sylvestri*. Ubi patet, annum accipi civilem à 1. Januar. incipientem.

ORDINATIO DLV.

Anno 1738. 14. Mart.

Congregationi & Collegio familiæ J. C., de qua supra 22. Mart. 1736. eorumque ecclesiæ, presbyteris sæcularibus, alumniis, & convictoribus communicantur privilegia, & gratiæ Congregationis S. Philippi, & Piorum Operariorum, ac indulgentiæ della Rotonda. Ex cit. Bullar. C. 220. Incipit *Inter præcipuos*.

Et

(a) *Apud Caval. Op. Litburg. D. 2. c. 6.* (b) *Apud eund. D. 2. ibid.*  
(c) *Apud. eund. ibid. D. 3.* (d) *Decr. Auth. S. R. C. num. 1131.*  
(e) *Decr. Auth. n. 1161. pag. 275.*

Et ibid. Constitutione sequente data eodem anno & die, conceditur, ut collegiales sinenses Familiæ Jesu Christi, & ii qui ex Indiis advenierint absque dimissoriis suorum Ordinariorum, etiam sine beneficio, sed ad titulum tantum missionis, à quo libuerit Antistite, ad quatuor minores etiam unico festivo vel feriato, & ad sacros etiam presbyteratus ordines, tribus Dominicis, seu aliis continuis seu interpolatis festivis diebus, etiam extra tempora, & non servatis interstitiis, dummodò sint ætatis legitimæ, nec eis aliud obstat impedimentum, & habeant litteras testimoniales rectorum, promoveri valeant. Ita ut quotiescumque contingat, aliquem esse promovendum, Superior teneatur eum cum attestatibus de baptismo, vita, moribus, & scientiis profectu, ad Archiepiscopum Neapolitanum dirigere. Et quatenus hic ordines conferre non valeat, ad quemvis Antistitem possit dirigi. Incipit *Pro suprema*.

## ORDINATIO DLVI.

Anno 1738. 28. Mart.

**U**T quatuor doctrinarii seu parochi provinciæ Nominis Jesu Ordinis S. Augustini in Mexico Ex-provincialium privilegiis gaudeant cum certis conditionibus, in quibus illa est, ut sexdecim annis in doctrinis ab Ordinario canonicè traditis collatione animarum curæ & sacramentorum administrationi laudabiliter inservierint. Ibid. C. 134. Incipit *Exponi*.

## ORDINATIO DLVII.

Anno 1738. 3. Jul.

**U**T tres duntaxat Fratres Ordinis S. Augustini provinciæ S. Nominis Jesu antiquiores doctores graduati in universitate Mexicana, qui certas condiciones adimpleverint, privilegiis magistrorum dicti Ordinis uti valeant. Ibid. C. 236.

## ORDINATIO DLVIII.

Anno 1738. 7. Octob.

**U**T Provinciales Indiarum Ordinis S. Augustini, servatis de jure servandis, non expectata approbatione Prioris Generalis, incorrigibiles ejicere possint. Ibid. C. 243. Incipit *Exponi*.

## ADNOTATIONES.

Quænam de jure servanda sint, ut quis tanquam incorrigibilis ejiciatur, breviter habet ex Diana Bussembaum (a): Quod licet hætenus ex communi sententia Sanchez, Suarez, Azor, Rodriguez & aliorum, reli-

---

(a) *Bussemb. lib. 4. cap. 1. D. 6.*

religiosi propter delictum aliquod grave etiam semel perpetratum potuerint expelli, jam tamen propter declarationem Urbani VIII. editam anno 1724., per nulla privilegia possunt expelli à religione, nisi sint incorrigibiles, tales autem non censentur, nisi unius anni jejunio & pœnitentia in carcere sint *probat*i. Dum autem excipit hic author Societatem Jesu, nisi velit intelligi de nondum professis, contrarium habet Benedictum XIV. supra Ord. 324., qui & refert constitutionem Innocentii XII. ad instantiam religionum contrahentis carcerationis annum ad semestre.

## ORDINATIO DLIX.

Anno 1738. 20. Dec.

**A**D instantiam procuratoris provinciæ S. Nominis Jesu Mexicanæ Ordinis S. Augustini, decretum S. Congregationis Episcoporum & Regularium 5. Sept. 1738. sequens confirmatur: Regulares unius religionis confugientes ad ecclesias & monasteria (1) alterius religionis superioribus propriis restitui debere, præstito ab iis juramento, & facta obligatione de servanda immunitate, & de restituendo confugientes casu quod quod procedendum sit ad pœnas corporales carceris perpetui, mortis, & trirremium propter delicta à confugientibus commissa; secus si ipsi procedere deberent ad pœnas ordinarias, & ad correctionem præscriptas. Cujus rei declaratio ad definitorium provinciale, vel ubi illud non fuerit, ad consilium conventus spectabit. Quodsi constituto, regulares confugientes pœnas ordinarias solum promereri, prælati alterius religionis renuant eos restituere, vel ipsi ad proprias domos redire recusent, S. Congregatio utrosque instar apostatarum, vel apostatas recipientium, in excommunicationem Summo Pontifici reservatam declaravit incurfos. Extat ibid. C. 246. Incipit *Exponi*.

## ADNOTATIONES.

(1) *Monasteria*. Consequenter non prodest immunitas confugientibus ad prædia, grangias, & domos regularium, ubi unus vel alter religiosus ad curandam rem agrariam habitat: & quæ ex resolutionibus angelopolitanis non gaudent monasteriorum privilegiis. Facitque regia Philippi V. declaratio 5. Jul. 1716. id ipsum expressè indicens, immunitatem non prodesse confugientibus ad grangias. Quam regiam declarationem refert in collectaneis M. S. P. Petrus Lozano S. J.

Imò ex hoc in posterum nec suffragabitur immunitas confugientibus in Hispaniarum regnis ad ecclesias & monasteria, nisi ea sint de assignatis, juxta novissimam constitutionem Clementis XIV. ad instantiam Regis Catholici expeditam, & in ejus ditione promulgatam, ex qua una vel altera Ecclesia in singulis oppidis per loci Ordinarios designari debet, extra quam immunitas non suffragetur, neque asyllum habeant confugientes rei.



## ORDINATIO DLX.

Anno 1739. 13. Maji.

UT Missionarii Indici juramentum præstent de servanda constitutione de qua supra 24. Aug. 1734. Mentio fit in cit. ibi Const. *Omnium Solitudinum*.

## ORDINATIO DLXI.

Anno 1739. 13. Maji.

ARchiepiscopo Mexicano committitur ut declaret, tertiarios Ordinis B. Mariæ de Monte Carmelo, qui sæculares sunt (1) & fori privilegio non gaudent, sed tantummodo indulgentiarum (11), & gratiarum spiritualium indulto, aliis Ordinibus adscriptos omnium promiscuè indulgentiis uti posse. Et cit. Bullar. C. 257. Incipit *Exponi*.

## ADNOTATIONES.

(1) *Sæculares sunt*. Consonat lex 87. tit. 14. lib. 1. Recop. Hispano-Indicæ, quæ de tertiariis S. Francisci sic habet: *Encargamos*, y mandamos à los Virreies, Audiencias, y Governadores, que à ninguna persona impidan tomar el habito de la Tercera Orden de S. Francisco, que traen los seglares por devocion... y por a hora en quanto à los dichos Terceros guarden lo que por leies de estos reinos esta *dispuesto*:

(11) *Tantummodo indulgentiarum*. Plura alia privilegia tertiariis largitus erat Benedictus XIII. constit. *Paterna*, 10. Dec. 1726. Hæc tamen Constitutio una est earum de quibus Clemens XII. 3. Kal. Apr. 1732. decrevit, perinde esse habendas ac si non emanassent.

## ORDINATIO DLXII.

Anno 1739. 6. Aug.

CONFIRMAT sequens decretum Capituli Generalis Ordinis S. Augustini: *Cum* compertum sit summum dedecus inferri nostræ religioni, si ex ignobili vulgo ad illam admittantur, qui in sæculo suis inhonestis & depravatis moribus despectum communem merentur, ejusmodi sunt illi qui vulgò *mulatos* (1) & *mestizos* appellantur: nimisque indecens existimeretur, quod isti animarum regimini intendentes superiorum sedes occupare sinantur, strictè præcipimus sub pœnis à nostris constitutionibus contra inhabiles recipientes impositis, ut tales in posterum ad habitum religionis non admittantur. Si verò contra hoc decretum recipi aliquando contigerit, irritam & nullam esse receptionem & professionem declaramus; non enim est animus religionis illos admittere, & tanquam filios habere quos Respublica sæcularis tanquam infamiæ nota affectos contemnit, & ob propriam vilitatem (11) ab officiis honorificis excludit. Similiter prohibemus,

mus, si quis in dicta ( Mexicana ) provincia jam fuerit admissus, deinceps ad officia cum cura animarum assumi sub pœna ipso facto incurrenda nullitatis electionis, & quoad eligentes sub pœna privationis vocis activæ & passivæ per decennium. Ibid. C. 262. Incipit *Exponi*.

## A D N O T A T I O N E S.

(1) *Mulatos & mestizos*. *Mulatos* vulgò dicuntur orti ex parentibus albo & nigro, & *Mestizos* orti ex parentibus hispano, & indico; nam qui ex mixto sanguine indico & æthiopico procreantur, presso nomine vocantur *zambos* & *zambaigos*. Sed etiam despicitur vocum harum discrimen, ut omnes id genus homines appellentur *mulati*, alibi *gente de color*.

(II) *Ab officiis honorificis*. Ab officio certè protectoris Indorum, quod honorificum est, excluduntur mixtindi lege 7. tit. 6. l. 6. *Recop. Indiarum*. Et lege 4. tit. 8. l. 5. dicitur: *Ordenamos*, que los Virreies y Audiencias no consientan informaciones à mestizos y mulatos para notarios y escribanos publicos. At D. Ramirus de Valenzuela (a) inquit: *Cada dia se dan estas notarias à mestizos legitimos en la Camara de Indias*. Et quod majus est, lege 7. tit. 7. lib. 1. *Rec. Ind.* dicitur: *Encargamos* à los Obispos de nuestras Indias, que ordenen de sacerdotes à los mestizos de sus distritos, si concurrerem en ellos las calidades y suficiencia necessaria para el orden sacerdotal: precediendo diligente informacion de los prelados sobre vida y costumbres, y hallando que son bien instruidos habiles, y capaces, y de legitimo matrimonio. Y si algunas mestizas quisieren ser religiosas, y recibidas al habito y velo de los monasterios, provean que no obstante qualesquiera constituciones sean admitidas, precediendo la misma informacion de vida y costumbres.

Ut jura hæc in concordiam redigat laudatus Valenzuela, inquit odiosa esse intelligenda de mixtis illegitimis, vel etiam de iis quos vulgus *zambos* appellat. Quibus adde ex Solorzano, præsumptionem stare pro illegitimitate mixtindorum, eo quod viri honesti inter hispanos, quidquid dum recenserat terrarum acquisitio contigerit, id temporis aspernantur matrimonia cum non hispanis. Facitque quod mulati, quod hybridæ apud Calvinum dicuntur (b) nati ex contumelia juris & naturæ.

## O R D I N A T I O DLXIII.

Anno 1739. 30. Sept.

**F**Ratribus S. Francisci reformatis provinciæ S. Antonii in Brasilia prohibetur transitus ad aliam provinciam causa studiorum. Extat ibid. C. 267. Incipit *Exponi*.

OR-

(a) *Valenz. Addic. ad Pol. Solorz. l. 2. c. fin. n. 55.* (b) *Calvin. Lexic. Verbo Hybridæ.*

## ORDINATIO DLXIV.

Anno 1741. 20. Dec.

**R**enovatis litteris Pauli Tertii ad Card. Taberam Archiepiscopum Toleranum datis 23. Maji 1537., & Urbani VIII. datis 22. Aprilis 1639., Antistitibus Brasiliæ, aliarumque regionum (1) Regi Portugalliæ subjectarum mandat novus Pontifex Benedictus XIV., ut affixis edictis, omnibus Indis tam in Paraquaria, ac Brasiliæ provinciis, ac ad Flumen *de la Plata*, quam in quibuscvis locis Indiarum occidentalis & meridionalis assistentes, universis tam sæcularibus & ecclesiasticis, quam regularibus sub excommunicatione ipso facto incurrenda, à qua non nisi à Romano Pontifice absolvi possint, inhibeant ne Indos in servitutem redigere, vendere, emere, commutare, vel donare, ab uxoribus, & filiis separare, & bonis suis spoliare, ad alia loca deducere, & transmittere, & quoquomodo (11) privare libertate, aut in servitute retinere: nec non prædicta agentibus operam præstare; aut id licitum prædicare, aut coöperari præsumant. Extat in Bullar. Benedicti XIV. tom. 1. C. 38. Incipit *Immenſe*.

## ADNOTATIONES.

(1) *Regi Portugalliæ subjectarum*. Quamvis constitutio hæc data sit in favorem libertatis Indorum omnium, etiam eorum qui castellanæ ditionis, ut Paraguayi & Bonaerenſes, mandata verò solum ad Episcopos Lusitanos diriguntur. Unde minimè potuerunt Episcopi Castellani hujus delegationis pontificiæ vigore procedere contra quempiam, ut aliquis intendisse fertur.

(11) *Quoquomodo privare libertate*. Consonat pontificiæ prohibitioni Jus Indico-Hispanum lib. 6. tit. 1. *De los Indios* à lege 12. Et tit. 2. eod. libro per totum, qui est *De la libertad de los Indios*. Et tit. 12. eod. *Del Servicio personal*. Et tit. 17. *De los Indios de Tucuman, Paraguay, y Rio de la Plata*.

Consonat etiam Pontificio & Hispano Juri Lusitanicum, ut videre est in Codice novo cui titulus est *Leis e Decretos*, præsertim ex decreto dato Ulyssipone 6. Jul. 1755., ubi inter alia hæc habes: *Havendo descido muitos milhoens de Indjos, se foraon sempre extinguindo, de modo que es muito pequeno o numero das povoaçoens, e dos moradores de ellas..... A causa consiste en se naon haver sustentado na libertade... observandose as Leis... Derógo as Leis que permitiraon ainda en certos casos a escravidaoon... Os Indios faon libres... Os cattivos seian postos en libertade... Para ella ( la verdad en juzgar de la libertad ) seran preparados los autos pelos ovidores.... e los proporaon en Junta à que assistira o Prelado diocesano, o Governador, os quatro Prelados mores das missioens da Companhia de Jesus, de Nra Senhora do Monte do Carmo, dos religiosos Capuchos, e de Nra Senhora das Mer-*

Mercês, o dito ovidor, o juiz de fora, e o Procurador dos Indios vendendo pela pluralidade dos votos contra a liberdade, e bastando a favor de ella que seian *iguales*. Vide supra Ord. 121. 295. 57. & 59.

## ORDINATIO DLXV.

Anno 1742. 1. Maji.

**A**D instantiam Regum Batgao & Bittiá destinantur missionarii Capucini in magnum Thibet. Extat tom. 16. Bullar. Luxemburg. Const. 53. & 54. Benedicti XIV. Quamquam dubium mihi restat, an Thibet regnum Indiis annumerandum sit ut Constitutio præsens in hoc Breviario locum habeat. Indiis, inquam, orientalibus, prout hoc nomine comprehenduntur regiones ad Regem Portugalliæ, non tantum jure dominii, conquestæ, aut navigationis ad orientem, sed etiam jure commercii pertinentes juxta declarationem Gregorii XIII. de qua supra Ord. 156. Regio certè est Indiæ, & Sinarum ad Indias pertinentium finibus clausa, cujus incolis mercatores Indicanos non esse penitus ignotos, restantur viatores apud Prevost (a). Certò etiam est regio indica in sensu lato, de quo in cit. Ordinatione.

## ORDINATIO DLXVI.

Anno 1742. 11. Jul.

**R**elatis decretis factis circa ritus sinenses, scilicet decreto Congregationis de Propaganda illos supersticiosos judicantis cum prohibitione Innocentii X. decreto Inquisitionis alios permittentis, alios reprobantis cum confirmatione Alexandri VII. facta anno 1656. decreto ejusdem Inquisitionis facto anno 1669. declarantis, duo præcedentia rectè sibi constare cum confirmatione Clementis IX. decreto Clementis XI. anni 1704. comprobantis Inquisitionis responsiones, quibus sinenses ritus ut imbuti superstitione prohibentur, mandantisque responsiones ad Card. Turnonium transmitti, ut indictis pœnis observantiam urgeret: decreto ejusdem Clementis 25. Sept. 1710. iterum confirmantis responsiones & mandatum Card. Turnonii, præcipientisque ne quis audeat edere scripta de ritibus sinensibus absque licentia Inquisitionis. Relata etiam Constitutione *Ex illa die*, qua decernitur vocabulum *Tien-tsu* esse admittendum, nomina verò *Tien* & *Xang-Ti* rejicienda; tabellas cum inscriptione *King-Tien* appendi permittendum non esse; ne christiani præsent, ministrent, aut intersint sacrificiis seu oblationibus, quæ à Sinis in utroque æquinoctio Confucio, & progenitoribus fieri solent, tanquam superstitione imbutis, neque in ædibus Confucii peragant cæremonias singulis mensibus in novilunio & plenilunio, quæ in honorem ejusdem fiunt, nec in ædibus progenitoribus dicatis oblationes eisdem faciant, aut quomodolibet inserviant,

aut

(a) Prevost, *Hist. des Voi. tom. VII. l. 3. pag. 111. Vide etiam eund. l. 4. pag. 953.*

aut genuflectant coram progenitorum tabellis in domibus privatis, sepulcrive una cum gentilibus, aut seorsim ab illis, etiam facta protestatione se civili tantum cultu illa præstare; non tamen censendam damnatam assistentiam materiale, quam cum gentilibus citra approbationem præstari contingat à christianis, cum aliter odia vitari non possint; facta prius si commodè possit protestatione, ac cessante periculo subversionis. Non permittendas tabellas defunctorum cum inscriptione sinica, qua thronus animæ significatur. Quoad tabellas solo nomine inscriptas tolerari posse secluso scandalo. Obiervanda omnia sub censuris & pœnis. Juramentum de observantia præstandum ab ecclesiasticis omnibus, & ad S. Congregationem transmittendum. Declarato, Bullam hanc Constitutionis habere vim, quamvis præcepti titulum præferat. = Relatis etiam permissionibus octo Patriarchæ Alexandrini Caroli-Ambrosii Mediobarbæ, qui 4. Nov. 1721. permisit, in privatis domibus uti tabellis solo nomine secluso scandalo: omnes cæremonias non suspectas: Confucii cultum civilem, sicuti ante tabellam correctam accendi candelas, uri odores, apponi comestibilia: pro funeribus offerri candelas: genuflexiones erga tabellam correctam, aut erga feretrum, aut defunctum: præparari mensam coram feretro: reverentiam *Koteu* tum in anno novo, tum aliis anni temporibus: coram tabellis reformatis accendi candelas. = Relata insuper damnatione epistolarum Episcopi Pekinensis, qui mandavit observari constitutionem *Ex illa die* cum dictis permissionibus; = Declarat Benedictus XIV. permissiones illas constitutioni Clementis repugnare, & illarum praxim tanquam superstitiosam execratur. Superioribus mandat, ut refractarios removeant, & in Europam revocent, ac de illis notitiam exhibeant, ut puniri possint. Quodsi superiores non obtemperent, mittendi aliquem ex ipsorum ordine facultate privare minatur. Vult etiam ad formulam juramenti nonnulla adjici. Extat in Bullar. Bened. Incipit *Ex quo*.

## ORDINATIO DLXVII.

Anno 1742. 3. Dec.

**E** Leo de Nankin Francisco de Sancta Rosa de Viterbo præcipitur, ut ante consecrationem juramentum emittat ad formam præcedentis constitutionis. Extat ibid. C. 67. Incipit *Nuper*.

## ORDINATIO DLXVIII.

Anno 1743. 16. Febr.

**U**T quoties Ecclesiarum Indiarum tam orientaiium quam occidentaiium Antistes decesserit, non communicatis facultatibus, quæ à Sede Apostolica Episcopis concedi solent, quandiu sedes vacua fuerit, & usque ad novam provisionem apostolicam, cum limitationibus in formula expressis, Vicarius Capitularis legitime electus intra fines duntaxat illius diœcesis illas exercere tanquam delegatus possit, iis exceptis ad quarum usum ordo episcopalis requiritur, superaddita eidem Vicario Capitulari pote-

potestate consecrandi, quodcumque necessitas urgeat, calices, patenas, & altaria portatilia cum oleis sacris jam ab Episcopo benedictis. Ex authentico litterarum S. Congregationis de Propaganda extante in libro capitulari Ven. Capituli Cordubensis in Tucumania fol. 8. ann. 1748. Facultates, de quibus hic sermo, vide supra Ord. 503. 22. Febr. 1725. Et Ord. 446.

## ORDINATIO DLXIX.

Anno 1744. 7. Sept.

**U**T pœnitentes, confessi, & sacra communione refecti, qui ecclesiam regularium Societatis Jesu de Buenos aires (1), dummodò præter indulgentias Societati Jesu generaliter concessas, nullæ illi ecclesiæ specialiter concessæ reperiuntur, die 21. Novembris à primis vesperis usque ad occasum solis diei visitaverint & ibi oraverint, indulgentiam plenariam consequantur, ad quindecim annos. Ex authographo. Et licet jamdiu expiraverit, sicut & aliæ anno sequente referendæ concessiones, supprimenda non fuit, cum quotidie seu pro eadem seu pro aliis ecclesiis similes gratiæ seu prorogari, seu denuò impetrari soleant, in quarum usum passum dubitatur.

## ADNOTATIONES.

(1) *Dummodo præter indulgentias.* Similis exceptio aliàs in ejusmodi litteris adhiberi solet: *Volumus* ut si alia indulgentia in dicta ecclesia perpetuò vel ad tempus nondum elapsum duratura concessa sit, præsentès sint nullæ. Cujus clausulæ eam esse vim putarunt plures, ut indulgentiæ concessæ denuò sint nullæ, si aliæ præcedant concessæ pro eodem die; validæ tamen sint, etsi aliæ pro aliis diebus sint concessæ. Hujus sententiæ fuit aliquando Diana (a). Sed pœlinodiam cantavit ex Urbani VIII. decreto, quo voluit nullam esse concessionem durantibus aliis indulgentiis etiam pro distinctis diebus. Dianæ concinit Gobat (b), qui tamen addit: *Sentio*, breviam in quibus non exprimitur clausula præscripta ab Urbano, esse perinde intelligenda ac si Urbanus nullam declarationem fecisset. Quia hoc ipso quod ea clausula non inseratur post declarationem, imò & præceptionem Urbani, signum est non esse stylo Curiæ, qui legem facit (& consequenter abrogat) receptam illam declarationem, sed potius confirmatam explicationem num. 315. Pro quo & citat Pellizzarium, Quintanadueñas, & alios.

Sed videtur standum retractationi citra limitationem ejusmodi, quam quodammodo damnavit Urbanus apud cit. Dianam, ut patet ex litteris Suffraganei Leodiensis ad Atrebatensem Præpositum scribentis: *Sua Emi-*  
nen-

(a) Diana, P. X. ff. 16. R. 22. (b) Gobat, tr. 2. De Indulg. P. 2. cap. 6. in Append. num. 317.

mentia D. Card. Barberinus per epistolam datam 5. Aprilis (1642) mihi mandat, quod S<sup>ta</sup> Sanctitas (Urbanus VIII.) ad intentionem suam melius explicandam contra interpretationem dictæ clausulæ per aliquos religiosos datam, statuit, ut deinceps in eisdem indulgentiis inseratur clausula: *Volimus* autem, ut si alias pro Christi fidelibus in quocumque anni die dictam ecclesiam, seu capellam, aut altare in ea visitantibus aliquam aliam indulgentiam etiam dissimilem perpetuò vel ad tempus nondum elapsum duraturam concesserimus, præsentibus *nulla sint*. Ubi non tantum decernitur quid in posterum faciendum sit; sed improbatur interpretatio contraria clausulæ præcedentis minus claræ.

Pontifices quidem successores possunt velle quod noluit Urbanus, nisi tamen aliter quam silentio expriment ejus declaratio prævalet. Quæ propter consilium dat Silvius apud Dianam, qui quærunt indulgentias, si pro visitantibus ecclesiam alia sit concessa, curare debent, ut sine hac clausula concedantur, alioquin nullius roboris erunt.

Circa indulgentias dissimiles extat recentior declaratio affixa & publicata approbante Innocentio XI. apud Lacroix (a), & inter authentica decreta numeratur à Cavalieri (b): *Cum à S. Congregatione Cameracensis Archiepiscopus quævisset, quæ via clausulæ; Volimus* ut si alias Christifidelibus dictam ecclesiam qualibet anni die visitantibus aliqua indulgentia perpetua vel ad tempus nondum elapsum duratura concessa fuerit, præsentibus litteræ *nulla sint*. S. Congregatio respondit, ea non contineri altaria privilegiata pro defunctis, neque indulgentias aut certo personarum generi concessas, ut confraternitati, regularibus, & capitulo; aut certum pium opus in ipsa ecclesia peragentibus, ut litanias aliasve hujusmodi preces recitantibus, ac iis qui christiana doctrina erudiuntur, vel alios erudiunt, & qui expositioni Sanctissimi cum oratione quadraginta horarum interfunt, nec Stationum Urbis, & Septem Altarium indulgentias instar septem altarium Basilicæ Vaticanæ concessas, neque demum quæ pro una vice conceduntur. Cæterum si alia indulgentia sive plenaria, sive non plenaria, perpetua vel ad tempus, tum ab eodem tum ab alio Romano Pontifice generatim Christi fidelibus ecclesiam vel aliquod ejus altare seu capellam visitantibus, eodem anni die vel diverso, concessa fuerit, de qua non fiat in litteris apostolicis mentio, has litteras ob adjectam clausulam esse prorsus irritas & nullas: 23. Jun. 1676.

Hujus decreti commentarium dat laudatus Cavalieri in hæc verba: *De indulgentia* per Episcopum concessa (utique non plenaria) & nondum expirata dubitatio esse potest ob sanctionis verba illa: *Tum* ab eodem tum ab alio Romano Pontifice. Sed quia Episcopi non nisi autoritate per Summum Pontificem habita indulgentiam concedunt, & aliunde clausula illa minime tenet restrictiva verba, nec exposcit aliter paritatis ratio, idcirco & eadem non minus videtur *efficere*. Sed quidquid sit an Episcopus

(a) Lacr. lib. 6. P. 2. num. 1379. (b) Caval. Comp. in Auth. S. R. C. Decr. tom. 3. c. 14. D. 9. p. 6. Ed. 1758.

pus proprio nomine ac jure concedat indulgentiam, an Pontificis auctoritate; illud est certum, hujus vel illius Romani Pontificis nomine non venire nec intelligi posse Episcopum, nisi qui simul sit Episcopus Urbis & Orbis. Ergo quantum ex illis sanctionis verbis est, *Cum ab eodem, tum ab alio Romano Pontifice*, indubium est per episcopalem indulgentiam non reddi pontificias inutiles.

## O R D I N A T I O DLXX.

Anno 1744. 12. Sept.

**R**elato decreto Card. Turnonii dato Pudicherii 23. Jun. 1704., quo sub pœna excommunicationis Superioribus, & suspensionis missionariis missionis Madurensis, Maisurensis, & Carnatensis injungitur, ne in baptizando omittantur sacramentalia, & signanter sal, saliva, insufflatio: ut imponatur baptizando nomen in martyrologio descripti Sancti alicujus: ne liceat sacrarum rerum nomina immutare nec ea ullo idiomate quam latino vel indico explicare: ut terminum genitoribus quam brevissimum præfigant, ut filios ad ecclesiam deferant baptizandos: ne matrimonia inter christianos, (sex vel septem annorum) fieri permittant: ne mulieres audeant *taly* cum imagine idoli Pulearis collo deferre, aut cum funiculo 108. filorum croceo succo delictorum: ut ramus arboris *arescimara* omnino auferatur à cæremoniis nuptialibus, & numerus ferculorum adhiberi solitus: ut circuli super caput sponsum omittantur: ne fructus vulgo *cocco* ad capienda auspicia frangatur: ne mulieres arceantur à sacramentis causa menstruæ purgationis: ne fiat festiva gratulatio pro prima purgatione puellis contingente: ut Pareis omne præstetur spirituale auxilium etiam in ipsorum domibus: ne christiani tibicines, & musici operam præstent in idolorum pagodis aut festivitibus: ut etiam missionarii observent constitutionem Gregorii XV. prohibitivam temporis & loci in lavacris adhiberi soliti à gentilibus: ne cineres ex vaccæ stercore confectos, & pœnitentiam à Rutren institutam redolentes benedicant: eosque fronti sacro chrismate delinitæ impingant. Et Christianis: ne sine licentia parochi libros geutilium legant. Et Superioribus Societatis in Indiis, ut hoc decretum notificent missionariis. = Relata etiam resolutione Clementis XI. approbantis præcedens decretum cum clausula *Donec* aliter à Sede Apostolica provisum fuerit, postquam eos audierit, si qui erunt qui aliquid adversus contenta in ejusmodi decreto afferendum habuerint. Et litteris Benedicti XIII., quibus & Turnonii decretum confirmat, & nominatim decretum de administrandis sacramentis hominibus moribundis infimæ conditionis quos vocant *Pareas*. = Et litteris Clementis XII. datis 24. Aug. 1734., quibus confirmat præceptum adhibendi sacramentalia baptismi, & dispensat ad decennium ut omittatur in necessitate saliva, & insufflatio adhibeatur occultè, ubi non sit error putantium esse materiam ineptam sacramentalium: monet missionarios super gravi negligentia recurrendi ad Sedem Apostolicam pro dispensandi facultate, & malè se gessisse Episcopos dispensando inconsulta Sancta Se-



de: moderatur præceptum imponendi nomina martyrologii baptizandis, subrogata clausula *Curent* quantum fieri *poteſt*, firma remanente interdictione quoad nomina idolorum, & falſæ religionis pœnitentium: decretum de non immutandis nominibus ſacris declarat non habere locum in vocibus ab institutione miſſionis communiter receptis: ſervandum decretum de non protrahendo baptiſmo: damnat impuberum matrimonia, & declarat ſervandam eſſe Tridentini formam in locis, in quibus ejus decretum *cap. 1. ſ. 24. De Reform. Matrim.* publicatum eſt vel publicabitur, neque ejus obſervantia ſit impoſſibilis: monetque miſſionariis ut *curent* publicari in omnibus locis miſſionum illarum partium: confirmat prohibitionem mulieribus factam deferendi *taly*, quamvis miſſionarii aſſerant numquam permiſiſſe geſtationem: confirmat etiam geſtationem ſimulculi 108. filorum, & decretum ſuper abolendis ſuperſtitioſis nuptiarum ritibus, & ſuper fractione fructus *cocco* nuncupati, & ſuper admiſſione mulierum ad ſacramentorum participationem tempore purgationis. Super feſtivis gratulationibus pro prima puellarum purgatione reſolvit, quod *curent* miſſionarii abolere feſtum ſub nomine menſtrui, ſed ſub titulo nuptiarum permittant. Super ſpirituali aſſiſtentia Pareis præſtanda confirmat decretum, monetque miſſionarios ne ad baptiſmum admittant opinantes Pareas eſſe à Deo reprobatoſ, niſi errorem deponant. Confirmat etiam decretum de non præſtanda in pagodis opera per chriſtianos muſicos, circa ablutiones etiam miſſionariorum, de uſu cinerum, ac de libris gentilium per neophytos non legendis. Præcipitque, ne inconſulta Sancta Sede ritus gentilium in conſuetudines chriſtianorum convertant. Relato inſuper ejusdem Clementis ſub gravioribus pœnis iterato præcepto, ut miſſionarii jurejurando ſe adſtringant in executionem mandatorum, & ſuperiores exempla litterarum apoſtolicarum ſuis ſubditis reſpectivè tranſmittant ea lege, ut ſi quis reluctetur, cogatur è provincia decedere. Relato etiam, miſſionarios poſt obedientiam promiſſam, & juramentum præſtitum tria poſtulare. 1. Ut onere liberentur tot juramentorum. 2. Ut prorogaretur diſpenſatio ſuper ſalivæ & inſufflationis uſu. 3. Ut detur explicatio de aſſiſtentia Pareis præſtanda: = Benediſtus XIV. nihilominus juramentum præſtare jubet, & pœnas inobſervantiæ confirmat: diſpenſationem ſuper uſu inſufflationis & ſalivæ prorogat ad decennium ulterius: oblationem miſſionariorum paterno gaudio excipiens, aliquot, quot neceſſarii ſint, pro Pareis deputari præcipit, quorum defectu ſubrogentur alii: ut intra quinquennium documenta de executione exhibeantur, alioquin miſſionarii de alio cætu mittantur in ea regna: & Societatis Jeſu miſſionarii, quibus potiſſimum miſſiones illæ creditæ ſunt, non expectata juſſione alia, in virtute ſanctæ obedientiæ repedare debeant. Demum eſſe miſſionarii, qui tria poſtulata fecerunt, nullam difficultatem præ ſe tulerint circa alia capita decreti Card. Turnonii, quia ex aliorum litteris acceptum erat, alios permittere *taly*, alios fractionem *del cocco* ad capienda auſpicia, alios ſacris interdiciere mulieres menſibus detentas, jubet in virtute ſanctæ obedientiæ obſervantiam eorum, quæ Clemens XII. obſervari præcepit. Ex tranſumpto romanis typis edito. Incipit *Omnium ſolicitudinum*.

OR-

## ORDINATIO DLXXI.

Anno 1744. 26. Nov.

**R**elato decreto Elzearii Francisci des Achards de la Beaume Episcopi Halicarnasei, & Missionum Coccincinæ, Cambodiæ, & Ciampæ Visitatoris Apostolici: 1. Ne missionarius aliquis audeat mittere falcem in messem alienam, sed vineæ portionem sibi commissam excolat. 2. Ut ordo antiquus à Vicariis Apostolicis institutus observetur. 3. Ut provincia Hué, sive Aulæ, remaneat communis inter Parisiense Seminarium, & Societatem Jesu; ita ut RR. DD. Galli residentias suas in toparchiis Phu-can & Thoduc retineant, unde populationibus illis inserviant, & PP. Societatis residentias quas habent, in Kebat, unde christianitatibus dependentibus occurrent. Ut R. P. Hieronymus à SS. Trinitate; qui ecclesiam aperuit in Thoduc, se recipiat in ecclesiam Soingua. Sed cum hæc sita sit in Kebat, P. Hieronymus ibi quoad vixerit, remanere poterit, cui decedenti nullus de S. Francisci Familia sufficiatur. Ut provincia Cham communis administretur à missionariis Gallis & Patribus Societatis. Ut in provinciis borealibus Dinhcat, Quamgbinh, & Dingoé, christianitates administrantur à Jesuitis. Circa provincias Quingha, & Quining, ut illius Jesuitæ, hujus missionarii Galli curam habeant. Et PP. Franciscani se recipiant in Raygon, unde in Cambodiæ regnum poterunt se extendere. Ut provinciæ Phuyen, Nhrau, & Nhatlang privative stent missionariis Gallis, & provincia Dounay Jesuitis, reservata missionariis ecclesia Bingu. = Relata etiam S. Congregationis resolutione, ut PP. Franciscani à Coccincina in Cambodiam se recipiant, decernit Benedictus, ut PP. Franciscani audiantur. Auditosque manu tenet & confirmat in omnium ecclesiarum & residentiarum possessione, quibus ante memorata decreta gaudebant. Aliaque committit concilianda Hilario Costa Episcopo Corycensi, & Apostolico Vicario Tunkini orientalis. Extat in tom. XVI. Bullarii Luxemburg. C. III. Bened. XIV. Incipit *Quantopere*. = Et ibid. C. seq. denuntiatur ablegatio Episcopi Corycensis Episcopo Noëleni Coccincinæ Vicario Armando Francisco la Fevre.

## ORDINATIO DLXXII.

Anno 1744. 5. Dec.

**Q**uæstioni propositæ ab Archiepiscopo S. Dominici in Hispaniola, an filii ex adulterio procreati legitimentur per subsequens matrimonium; differendo respondet Benedictus, non ex autoritate Apostolicæ Sedis, sed ut doctor privatus. Apostolicis tamen ordinationibus annumerari digna est resolutio & dissertatio ea ratione, qua in Communi Bullario Constitutionibus iidem Apostolicis annumeratur. Casus erat: Vir uxoratus ex libera duos procreavit filios, cum qua matrimonium contraxit uxore defuncta. Natorum alter jam mortuus proculdubio natus erat prima vivente uxore; de altero non bene exploratum, an illa vivente

con-

conceptus aut natus esset. De utroque dubitatur, an illegitimi & spurii, an per sequens matrimonium legitimati habendi sint. Porro admissa regula, quam verissimam judicat Summus Author, quod proles nata ex adulterio numquam legitima sit, quamvis post mortem prioris conjugis succedat legitimus adulterorum contractus, est evidens natorum primum non esse legitimatum. De secundo cum ignoretur quo tempore conceptus & natus sit, favendum est proli, ut legitima censeatur. Regula verò illa continetur in *C. Tanta, Qui fil. sint leg.* cujus verba sunt: *Si autem vir vivente uxore sua aliam cognoverit, & ex ea prolem susceperit, licet post mortem uxoris eam duxerit, nihilominus spurius erit filius & ab hæreditate repellendus, præsertim si in mortem prioris alteruter eorum aliquid fuerit machinatus.* Ubi tò præsertim, quod idem sonat ac multo magis, non tollit quin proles spuria pro adulterina perpetuò sit habenda, etiamsi parentes matrimonium ineant legitimum. Displicet Benedicto, quod Archiepiscopus ad primum Decretalis fontem recurrerit, non tam ad explicandum, quam ad alienandum illius sensum, prout jacet in compilatione gregoriana. Sed & ostendit, Decretalem compilatam non discordare ab integra. Et quia Archiepiscopi erat opinio, definitionem compilatæ Decretalis procedere ex suppositione quod Alexandri Tertii ætate matrimonium inter mœchum & mœcham esset nullum, etiam non præcedente machinatione, nec promissione futuri conjugii, eam opinionem falsitatis latè redarguit. Ac denique blandè reprehendit usum ab Archiepiscopo tacitè factum doctrinæ a quodam protestante traditæ ad impugnandam sententiam orthodoxis jurisperitis communem. Extat cit. tom. Bullar. Luxemburg. C. 113.

## ORDINATIO DLXXIII.

Anno 1744. 19. Dec.

**D**E necessitate edendi & observandi constitutiones circa sinenses ritus respondit Episcopo Pekinensi Policarpo Benedictus XIV. ibid. C. 114.

## ORDINATIO DLXXIV.

**E**RECTA est anno 1744. Ecclesia S. Jacobi Guatimalensis in Metropoli-  
tanam super Nicaraguensem, Comayaguensem, & Chiapensem. Ita  
P. Murillo in Geographia Historiali Americæ. Et est ultima provincia-  
rum ecclesiasticarum divisio in Novo Orbe Hispaniensi juxta quam Epi-  
scopatus 31. sub septem Archiepiscopatibus ordine sequenti distribuuntur:  
Sub Metropoli S. Dominici de la Española Ecclesiæ tres, *De Cuba*, *de*  
*Puerto-Rico*; *de Caracas*. Sub Mexicana sex, *la Puebla*, *Guanaca*, *Mecbo-*  
*can*, *Guadalaxara*, *Yucatan*, *Durango*. Sub Manilenfi tres, *Zebu*, *Nueva-*  
*Segovia*, *Nueva-Caceres*. Sub Guatimalensi tres jam dictæ. Sub Limana  
octo, *Arequipa*, *Truxillo*, *Quito*, *Cuzco*, *Guamanga*, *Chile*, *Concepcion*,  
*Panamá*. Sub Platenfi, alias *de Chuquisaca*, alias *de los Charcas* quinque,  
*Paz*, *Tucuman*, *Santa Cruz*, *Paraguay*, *Buenos aires*. Sub Sanctahidensi de  
Ba-

*Bogotá tres, Popayan, Cartagena, Sancta Martha.* Episcopatus, inquam, triginta & unus, non triginta, ut loco citato habet Murillo. Utinam aliquis indicanz rei doctus amator harum dioceseon fines geographicè descriptos in lucem edat: & qui opere compleat quod Cl. V. Henricus Florez haud ita pridem vita defunctus verba promisit.

## ORDINATIO DLXXV.

Anno 1745. 23. Jan.

**H**enrico Archiepiscopo Nazianzeno in Curia Matritensi Sedis Apostolicæ Nuntio committitur, ut autoritate apostolica indulgeat, ut in regnis Castellæ, Legionis, & Indiarum per dies sabbati simplicis fideles vesci possint quibuslibet animalium partibus ea conditione (I) si consuetudo postremas (II) partes edendi jam dudum invaluerit, & à veritate aliena non sint (III) pericula exposita, & ipsa certò subeunda videantur, si carniū usus ad certas animalium partes redigatur. Ex cit. Bullar. C. 118. Incipit *Jam pridem*.

## A D N O T A T I O N E S.

(1) *Si consuetudo.* Consuetudo edendi carnes per dies sabbati simplicis in Indiis quoad Hispanos eadem fuisse videtur cum Castellana & Legionensi. Indis nulla erat partium edendarum differentia (de christianis loquor), ut tradidit initio sæculi proximè elapsi P. Joannes Perez Menacho Soc. Jesu in *M. S. De Præceptis Ecclesiæ*, ubi quærit: *Con que* titulo comen los Indios carne los sabados? Et respondet: *No por* privilegio, que no le hai, sino porque nunca admitieron la costumbre (de absterferse) por obligatoria. En el Concilio de Lima de 1552. Part. 1. cap. 21. se dice que puedan los Indios comer carne en Sabado... Y aunque este Concilio se dio por de ningúna autoridad en el Concilio Tercero (ann. 1583. Act. 2. cap. 1.); pero dijose que en lo que no estuviere mudado por los Concilios siguientes, se pudiesse guardar por via de direccion (dixose en los exemplares manuscriptos, no en los impressos por haver quitado los Cardenales esta clausula, que no era necessaria para tener el tal concilio por direccion). Y que esta costumbre la haia en el Arzobispado (de Lima), consta de lo que se vè, y dixo el Arzobispo año de 1585. à 17. de Junio en un synodo (cap. 88.), donde poniendo pena à los Indios, que comen carne, en días prohibidos, solo hace memoria de la quaresma y vigilijs, quatro temporas, y *viernes*. Flucisque Menacho. In quibus

Displicet 1., quod supponere videtur, sabbati abstinentiam, ubi obligat, solum ex consuetudine obligare, si consuetudinem contraponat scripto juri, & hoc à fundamento vel titulo obligationis excludat. Certè *Can. Sabbatho*, De Consecr. D. 3. jus ab Innocentio Tertio promulgatum continet: *Sabbatho jejunandum esse*. Et quidem obligatione tanta, quanta jejunatur sexta feria, & quanta dies dominica celebratur, & insertur ex com-

comparatione, quam ibi versat Innocentius. Jejunii sabbatini qualitas explicatur à Gregorio VII. in Synodo Romana, ex qua sumptus est C. *Quia dies*, De Consecr. D. 5., cujus verba sunt: *Quia dies sabbathi apud Sanctos Patres nostros in abstinentia celebris est habitus*, nos eorum auctoritatem sequentes salubriter admonemus, ut quicumque christianæ religionis particeps esse desiderat, ab esu carnum eadem die (nisi majore festivitate adveniente, vel infirmitate impediēte) *abstineat*. Ubi jejunium indicitur solum quoad abstinentiam, Et licet admonitio, quo verbo utitur Gregorius, obligationem per se non inducat, rectè cadit in materiam per se obligantem, ut obligationi satisfiat admonendo. Vide P. Azor lib. 7. De Præcept. Eccl. cap. 15. q. 3.

Displicet 2., quod defectu privilegii, ejus titulo carere dicuntur Indi ad edendas in sabbatho carnes, pro titulo detur quod numquam admiserint abstinenti obligationem, seu abstinenti consuetudinem ut obligatoriam. Non, admissio quippe, seu acceptationis recusatio titulum minimè præstat exemptionis à lege aliàs communiter obligante. Quamquam illa non admissione supposita, præsumi & credi aliquando potest, Pontificem exemptionem à lege approbare.

Displicet 3., quod ad asserendam Concilio, aut Congregationi Limanæ anni 1552. vim directivam, solum habeatur ratio de jure inducto per posteriores particulares synodos. Habenda namque ratio erat etiam de communi jure præcedente, cui per concilia particularia derogari nequit, nedum per eam nullius auctoritatis congregationem. Igitur Indorum consuetudo circa esum carnum in sabbatho, prout à castellana consuetudine exorbitans, si legitima fuit, justificanda est eodem titulo & ratione, qua lactiniorum usus in quadragesima, de quo supra Ord. 67., vel qua consuetudinem castellanam justifices à communi jure discrepantem.

(II) *Postremas animalium partes*. Extremas partes intellige ut in aliis ejusdem constitutionis clausulis habetur: animalium scilicet pedes, non crura, alas etiam, colla, præter intestina, sanguinem, jecur, & similes minutias. Non enim partes de reliquo postremas aut primas edere fuit unquam consuetudo, quod sciam. In frequentioribus oppidis fuit aliquando licitum per sabbatha vesci partibus animalium primis, seu anterioribus, vulgò *Quarto delantera*, non tamen in vim consuetudinis, sed ex dispensatione prælatorum, qualis ab eisdem fieri aliquando solet ad vescendum carnibus vel ovis in quadragesima diebus aliquot. Et dispensandi causa tunc prælatis erat eadem quæ tandem movit Pontificem ad ferendam præsentem constitutionem.

(III) *Pericula*. Hæc revera extitisse oportuit, quandoquidem præsentis concessionis ea conditione & lege factæ usus obtinuit sine difficultate per omnia. Et sic expiravit castellanus mos unde-unde natus edendi per sabbatha de carnibus minutias tantum, & postliminio restituta consuetudo de Græcis tracta per Gothos, salva veneratione erga abstinentes, quos illi reprehendere ausi sunt. Et modò apostolica auctoritate firmatum est sine vitio quod olim ad Egilam (Cixilam) scribens reprehenderat Hadrianus I. Vide Concilium Quinisextum sive in Trullo apud Harduinum, & epi-

& epistolam Nicolai I. apud eundem (a), Covarrubiam (b), Gregorium Lopez (c), Henriquez (d), & Marianam (e).

## ORDINATIO DLXXVI.

Anno 1745. 26. Mart.

**E**cclésiæ Romanæ Pœnitentiarius apostolica autoritate Episcopo Tucumanensi communicavit ad decennium, ut per se vel per idoneos confessarios, in singulis casibus deputandos specialiter, cum diœcesanis, prævia quoad censuras & excessus absolutione, super impedimentis occultis affinitatis ex copula illicita provenientiibus, sive in primo, sive in secundo, sive in primo simul & secundo gradibus, remota occasione amplius peccandi cum putati vel putatæ conjugis consanguinea vel consanguineo, quando agatur de matrimonio contracto, ad vitanda scandala quæ ex divortio sequerentur cum prædictis impedimentis, dummodò occulta remaneant, certiorata parte inscia de nullitate consensus, sed ita cautè ut alterius delictum nunquam detegatur, matrimonium uterque inter se de novo secrete ad præcavenda scandala, renovato consensu contrahere, & in eo remanere: Quando autem res sit de matrimonio contrahendo, ita quod nisi contrahatur, periculum immineret scandalorum, ut publicè servata forma Tridentini, contrahere possint, dispensare valeat. = Et super impedimento criminis adulterii cum fide data, neutro tamen contrahentium in mortem prioris conjugis machinante, ac dummodò illud occultum remaneat, ita quod ejusmodi dispensationes in foro judiciario non suffragentur. Ex authentico litterarum ad Ill. DD. Petrum-Michalem Argandoña Tucumaniz Episcopum. Easque, licèt expiraverit facultas, extractare libuit, ut in similibus constet, quid de apostolica benignitate sperari petive possit, & quid concedi soleat.

## ADNOTATIONES.

Facultates Majoris Pœnitentiarii, per quem habita est concessio præfens, recenset Benedictus XIV. C. *Pastor Bonus*. 95. data 13. April. anni præced. 1744. (f), ubi à num. 43. amplior in re proposita potestas fit, scilicet, *Super impedimento occulto affinitatis ex copula illicita seu ex actu fornicario proveniente*, quotiescumque adsit rationabilis causa, licèt periculum revelationis, seu scandalorum non immineret, vel non adesset, in matrimoniis contractis & contrahendis, in foro conscientiz dispensare, & dispensari mandare possit. = Super impedimento occulto criminis adulterii, si fuerit cum fide data duntaxat neutro machinante commissum, tam in contrahendis quam in contractis matrimoniis dispensare. = Si tamen

---

(a) Hard. rs 3. Concil. Col. 1682. can. 55. Et tom. 5. col. 309. (b) Covarrub. 4. *Variar.* cap. 20. (c) Greg. Lopez. in leg. 7. tit. 23. *Partit.* 1. (d) Henriquez, lib. 7. *De Indulg.* cap. 13. num. 8. (e) Mariana, lib. 7. *Histor. Hisp.* cap. 6. Et lib. 11. cap. 24. (f) Tom. XVI. Bullar. Luxemb. C. 95.

tamen crimen huiusmodi fuisset utroque vel altero machinante commissum, possit in occultis pariter dispensationem concedere ratione alicujus gravis imminens periculi.

## ORDINATIO DLXXVII.

Anno 1745. 1. April.

**P**roscribitur decreto Sanctæ Romanæ Inquisitionis Liber (I) P. Norberti de Bar-le-Duc inscriptus *Memorie Storiche intorno alle Missioni orientali*, & tria volumina complectitur, quia extra Urbem typis editus fuit, ab Urbe extra ipsam missus absque facultate; quia agit de sacris missionibus cum minime intercesserit facultas S. Congregationis de Propaganda, ut nempe typis ederetur, quæ præfigi debet in fronte Libri, & quia sibi persuasit Sua Sanctitas permitti non posse sine offensione (II) bonorum & scandalo animarum. = Decernitur etiam (III) prædicta non impedire, ne causa Beatificationis P. Joannis de Brito procedat, quia vel non constat ritibus malabaricis usum esse, postquam damnati sunt, vel si id constaret, si tamen martyrium & illius causa demonstrabitur, superadditis quoque signis & miraculis, omnis labe si qua contracta fuerit, deleta sanguinis effusione poterit judicari. Item præcipitur, nequis asserat, ex præsentē decreto labefactatam esse Const. *Omnium sollicitudinum*. Ex exemplari romanis typis edito.

## ADNOTATIONES.

(1) *P. Norberti*. Qui fortunam & successum Libri præfatus, aut qua alia ratione motus Hollandiam primum cogitavit, deinde Angliam: de quo extat apud Trevultianos memoria sequens (a): *L'Auteur louë l'entreprise de Peter Parisot, qui a etabli à trois milles de Londres deux manufactures de tapizeries... Ce Peter Parisot est le fameux P. Norbert, qui avroit mieux fait de demeurer en France occupé des exercices de son Cloître que de s'expatrier pour etabli des manufactures chez nos voivoin* *sins protestans*.

Trevultiani votum exauditum esse videtur ex parte, Norberto ex Lusitania post Angliam in suam Lotharingiam regresso, ubi Ex-frater literis à Clemente XIII. 24. April. 1759. datis, obiit Commercii decem post annis. Utinam a vivente retexta sint stamina à textore monacho & abbate male ducta. Anonymus quidam Scriptor Gallus (b) ait: *Vous sçavez les voyages qu' a fait le C., le marchand, le tapizier, l'abbé, le Canoine N. de B. connu successivement sous les noms de Parisot, de Platel, de Piter, &c., d'abord Lorrain, puis Suize, ensuite Hollandois, puis Anglois, en fin Portugais, toujours...* Sed cum reliqua scripsit anonymus nondum noverat profugo in natale solum regredi datum, ut divinis obsequiis

(a) *Mém. de Trev. 1754. art. 70.* (b) *Esp. des Mag. Lettr. VI. pag. 32.*

sequiis sub obedientia Episcopi Tullensis quietius vacare, quietius vivere, & quietius mori posset.

(II) *Offensione bonorum*. Nempe proscribitur Liber inter alia ut piarum aurium offensivus. In edicto Inquisitionis Limanæ 10. Jun. 1758. proscribitur: *La Obra* en idioma frances *Memoires Historiques* presentees en 1744. au Souverain Pontife... Par le P. Norbert... Letres edificantes & curieuses sur la Visite Apostolique de Mr de la Beaume... pour servir de continuation... Par M. Favre... Letres apologetiques du P. Norbert... Por fer la materia de esta obra reservada al juicio secreto de la S. Congregacion de Propaganda: y que publicada assi es contra la Constitucion de N. SS. P. Benedicto XIV., y turbativa de la paz y piedad christiana.

III. Massiliensis Episcopus iteratis edictis 22. & 29. Jan. 1745. addere habuit in libri proscribendi causis, *Com' un libelle* diffamatoire, scandaleux, & *calomnieux*. Ac de Benedicto XIV. quem constat monacho nondum ex cucullato fuisse proditum est (a): *E ben noto come sia stato ingannato Benedicto XIV. intorno all' opera del P. Norberto, e che se la sua clemenza sottrasse l'ingannatori a maggiori gastighi, non impedigli però, che in parlandone non mostrasse assai spesso il suo giusto risentimento*. Circumfertur etiam extractum Epistolæ Benedicti gallicè scriptum sub data 19. Dec. 1744., ubi post pauca de Bulla *Omnium sollicitudinum*, ait: *Quant' au P. Norbert... nous le conoissons pour un home impetueux & pour un broüillon*.

Nec tardus in eandem convenerit notionem qui pauca legat de literis P. Thomæ de Potiers P. Norberti in India superioris ad D. Du-Mas Pondicheri Gubernatorem excerptis à P. Patoulié, vel quisquis sit author Epistolæ duplicis (b) super Libro P. Norberti. Hominis vultum revelandi necessitatem fecit Libri qualitas. Qualiscumque tamen fuerit author, plaudere sibi potest, operi numquam defuturos qui plaudant.

(III) *Non impedire*. Id ipsum decretum erat anno 1741. 2. Jul., nempe *objectos* à fidei Promotore ritus non ob stare quominus in causa Ven. Servi Dei Joannis de Brito ad ulteriora procedatur, ad discussionem videlicet dubii de martyrio & causa martyrii, nec non alterius dubii de signis & miraculis, quæ ejus intercessione ab eo patrata dicuntur.

## O R D I N A T I O DLXXVIII.

Anno 1745. 4. Aug.

UT pœnitentes, confessi, & sacra communione refecti, qui ecclesiam Bonaërensis Collegii Societatis Jesu, dummodo (I) præter indulgentias generaliter concessas ecclesiis dictæ Societatis nullæ illi ecclesiæ specialiter concessæ reperiantur, die festo (II) Cathedræ S. Petri à primis vesperis ad occasum solis diei ejusmodi visitaverint ritè orantes indulgentiam plenariam consequantur. Ad 15. annos. Ex authographo.

AD-

(a) Tom. VI. Collect. Boragris. Pref. pag. 9. (b) Letr. Sur le Livr. du P. N. à Mr. l' Eveque de...



## ADNOTATIONES.

(1) *Dummodò præter indulgentias*. Concessio ferè inutilis devenit ex hac conditione, cum præter indulgentias generaliter concessas reperiatur aliqua undecim ante mensibus ecclesiæ Bonaerenſi concessa, ea scilicet quam retuli Ord. 569. Ut appareat, quanti sit Silvii consilium, de quo ibi, ut qui indulgentiam quærit, curet hac sine clausula concedi, ne gratiam captare inanem amet, vel dubiam si rationem dubitandi faciat sententia Gobati. Declaratio S. Congregationis ibi relata, ut ab Innocentio XI. approbata, minus obstat præsentis indulgentiæ valori, ea quippe declaratur sensus clausulæ habentis *Qualibet anni die visitantibus*; quod his præsentibus litteris non exprimitur. Obstant verò adnotata super Urbani declaratione.

(II) *Cathedræ S. Petri*. Cujusnam Cathedræ festo? Romanæ, an Antiochenæ? Optimum esset factum, si postulator egisset, ut exprimeretur in brevi, nequis ex ambiguitate suspicaretur gratiæ caducitatem. Dici potest, Cathedram S. Petri antonomasticè significare Romanam, propter eminentiam videlicet potestatis, & gloriam passionis. Estque regula Juris *Quoties idem. ff. De Regulis Juris: Si verbum* habet duas significationes proprias, stamus ei quæ aptior est. Et Gregorius Lopez videndus in leg. 5. tit. 33. Part. 7.

## ORDINATIO DLXXIX.

Anno 1745. 4. Aug.

UT pœnitentes, confessi, & sacra communione refecti, qui Ecclesiam S. Michaelis (1) clericorum Societatis Jesu civitatis Bonaërenſis, in qua alia indulgentia plenaria reperitur concessa, die festo S. Petri ad vincula visitaverint, & oraverint, plenariam consequantur, ad quindecim annos. Ex authographo.

## ADNOTATIONES.

(1) *Ecclesiam S. Michaelis*. Ejusdem diei & anni aliud extat exemplar eisdem verbis conceptum, nisi quod S. Michaelis non nominatur ecclesia. Hujus tituli seu advocatōis ecclesiam nullam habebat Societas in Bonaëre, nec unquam habuit. Sed est error in nomine, quem fortè animadvertens postulator in primo litterarum exemplari secundum impetravit. An verò illiusmodi errore vitietur rescriptum, ita ut gratia reddatur nulla, dubitaverit quispiam. Et videtur negandum arg. §. *Siquis in nomine*, Inst. ibi: *Error nominis*... non vitiat, si de corpore constat. Sicut de legatario in textu dicitur ibid.: *Siquis in nomine*.... legatarii testator erraverit, si de persona constat, nihilominus valet legatum, idemque in hæredibus servatur, & rectè. Nomine enim signi-

fcan-

ficandorum hominum causa reperta sunt, qui si alio quolibet nomine intelligantur, nihil *interest*. Idemque Jure Hispano cavetur (a).

## ORDINATIO DLXXX.

Anno 1745. 9. Aug.

**U**T pœnitentes, confessi, & sacra communione refecti, qui ecclesiam dictam in die Commemorationis omnium defunctorum ab ortu usque ad occasum solis diei hujusmodi singulis annis visitaverint, & ibi oraverint, plenariam consequantur. = Insuper eisdem prædictam ecclesiam visitantibus in diebus septem immediate sequentibus, septem anni & totidem quadragenæ relaxantur de injunctis pœnitentiis. Quas omnes animabus purgatorii applicare possint. Ad quindecim annos. Ex authentico.

## ADNOTATIONES.

Jam ab anno 1679. 20. Sept. Innocentius XI. Const. *Romanus Pontifex*, omnibus Christifidelibus in Regis Catholici dominiis existentibus, pœnitentibus, confessis, & sacra communione refectis, qui ecclesiam parochialem respectivè non tantum ab ortu solis, quod in præsentis fit, sed à primis vesperis usque ad occasum solis prædictæ diei quotannis visitarent, & solitas preces effunderent, plenariam indulgentiam in perpetuum concesserat, purgatorii animabus applicabilem. Utque omnes missæ perinde animabus suffragarentur, ac si dicerentur ad altare privilegio apostolico decoratum: quod ultimum generale indultum factum est deinceps à Clemente XIII. 19. Mart. 1761. Unde præsens quindennalis concessio, seu potius postulatio potuit quoad primam partem omitti, nisi per illam fiat, ut duplex indulgentia plenaria animabus defunctorum profuturæ possit eadem die lucriferi. Nam de cætero visitatio ecclesiæ regularium præ parochiali non est ea petitione digna, cum deceat magis ut fideles ad parochialem cæteris paribus alliciantur.

## ORDINATIO DLXXXI.

Anno 1745. 13. Aug.

**V**isitantibus eandem ecclesiam feria secunda cujuslibet mensis & ibi orantibus qua die id egerint, centum de debitis pœnitentiis relaxantur dies. Ad quindecim annos. = Tantundem preces de Passione Domini

(a) Leg. 5. tit. 33. Partit. 7.

mini in eadem ecclesia feria sexta qualibet totius anni recitantibus, ut ex authenticis habetur: in quibus deest clausula alias adhiberi solita, & adhibenda juxta regulam 53. Cancellariæ, quæ ut fuit promulgata à Clemente XII. sic habet: Item voluit, quod in litteris indulgentiarum ponatur, quodsi ecclesiæ vel capellæ, aut aliàs aliqua indulgentia fuerit concessa, de qua ibi specialis mentio facta non sit, hujusmodi litteræ sint nullæ. Hoc tamen non invalidat concessionem præsentem similes, aliud est enim velle quod ponatur clausula litteras annullans, aliud velle quod litteræ, in quibus ea clausula à successore omittitur, sint nullæ (a).

## ORDINATIO DLXXXIII.

Anno 1745. 13. Aug.

**O**Mnibus, qui septem altaria, quatenus erecta sint in ecclesia Bonærensi dicta, duodecim vicibus pro quolibet anno per Ordinarium designandi.... singulis annis visitaverint, qua vice id egerint, ut eas omnes indulgentias consequantur (1), quas consequerentur si septem altaria in Basilica Principis Apostolorum de Urbe ad id designata visitarent, conceditur, non obstantibus quibuscumque ad quindecim annos. Ex authentico. Estque gratia pro aliis locis concedi solita, quæ vulgò dicitur *Jubileo de los siete Altares*.

## ADNOTATIONES.

(1) *Omnes indulgentias consequantur*. In hac Basilica, inquit Emmanuel Rodriguez Minorita (b), sunt omni die 48. anni & totidem quadragenæ indulgentiæ, & remissio tertiæ partis peccatorum. In eadem Ecclesia seu Basilica fuisse dicuntur olim 109. altaria, quæ nunc in melius pauciori numero redacta sunt, & pro quolibet dati sunt octodecim anni indulgentiarum. Inter alia sunt septem altaria principalia, quæ in gyrum cancellis cupreis vallata sunt. Quodcumque est festum SS. Petri & Pauli, vel vocationis dictorum altarium, seu festorum Nativitatis Domini, Paschæ, Omnium Sanctorum, aliudque festum duplex duplicantur omnes prædictæ indulgentiæ. Item à prædicto festo usque ad Calendas Augusti sunt ibi duodecim anni indulgentiæ, & totidem quadragenæ, & remissio tertiæ partis peccatorum. Item quicumque ascenderit gradus Ecclesiæ S. Petri devotè, ibi consequitur pro quolibet gradu septem annos indulgentiæ. Hucusque Rodriguez, à quo quoad numerum antiquorum altarium discordat Bolandiani Operis continuator Conradus Janingus (c) laudans Alpharanum, qui re. propius examinata altaria recenset omnia numero 69., quæ variis temporibus in ea Basilica extiterunt.

OR-

(a) *Reg. Canc. in Bullar. Rom. t. 13. C. 1. pag. 10.* (b) *Roderic. tom. 2. SS. Reg. 4. 82. art. 2.* (c) *Acta SS. tom. VII. Jun. Commentar. De Basil. S. Petri pag. 86.*

## ORDINATIO DLXXXIII.

Anno 1745. 30. Aug.

**U**T quodcumque sacerdos aliquis sæcularis vel cujuscumque ordinis regularis in altari Collegii Bonaërensis per Ordinarium designando missam Defunctorum in die Commemorationis, & singulis diebus intra illius octavam, ac in una feria cujuslibet hebdomadæ pro Anima celebraverit, Anima ipsa à purgatorii pœnis liberetur, non obstantibus quibuscumque contrariis, conceditur tantum ad septem annos. Ita habetur ex authographo. = Sed oportet, brevî fuisse traditum oblivioni privilegium hoc, quandoquidem anno sequente 1746. 20. Decembris aliud est impetratum tenoris qui sequitur. *Volentes* ecclesiam regularem Societatis Jesu civitatis de *Buenosaires*, in qua aliud altare privilegiatum non reperiatur concessum, in eaque situm altare per Ordinarium designandum hoc speciali dono illustrare, dummodo in dicta ecclesia (1) quatuor missæ celebrentur, ut quodcumque sacerdos aliquis &c., ut supra, nisi quod concessio hæc sit ad quindecim annos.

## ADNOTATIONES.

(1) *Quatuor missæ celebrentur*. De necessitate celebrandi tot numero missas, quot præscribuntur, ut privilegiorum hujusmodi sit usus, extat apud Cavalieri sequens declaratio S. Congregationis ab Innocentio XII. approbata (a): *Cum* in indultis altaris privilegiati hæc adjici solet clausula, *Dummodo* in dicta ecclesia tot missæ quotidie celebrentur, quæritur an attentata clausula necessaria omnino sit singulis diebus missarum celebratio in indulto præfinitarum, vel potius sufficiat aliquibus, licet non omnibus, diebus cujuslibet hebdomadæ? S. Congregatio respondit affirmative quoad 1. partem, negativè quoad 2. Ac proinde celebrationem missarum in præfatis indultis præfinitarum omnino necessariam esse singulis diebus in eadem ecclesia. 5. Jun. 1694.

## ORDINATIO DLXXXIV.

Anno 1745. 30. Aug.

**P**œnitentibus, confessis, & sacra communione refectis, qui septem ecclesias tam intra quam extra muros civitatis Boniariensis per ordinarium designandas in uno anni die (1) per Ordinarium specificando visitaverint, & ibi oraverint, quo die id egerint, ut eas indulgentias consequantur (II), quas consequerentur, si septem Urbis Ecclesias ad id designatas visitarent, conceditur, non obstantibus contrariis, ad quindecim annos. Ex autographo.

AD-

(a) Caval. tom. 2. cap. 30. p. 3.

## ADNOTATIONES.

(1) *Per Ordinarium*. Extat apud cit. Cavalieri (a) sequens declaratio S. Rituum Congregationis sub die 23. Jan. 1701.: *Regulares* Superiores non veniunt nomine Ordinariorum, & consequenter non possunt assignare aliquam ex dominicis Novembris pro recitatione officii de B. Mariæ Virginis Patrocinio. Ex quo patet ad hujusmodi assignationes Ordinario reservatas non sufficere potestatem ordinariam qualemcumque fortiri.

(II) *Eas indulgentias*. Hæ sunt indulgentiæ Stationum Urbicarum, scilicet, Basilicæ Lateranensis, S. Petri, S. Pauli, S. Mariæ Majoris, SS. Fabiani & Sebastiani, Sanctæ Crucis in Hierusalem, & S. Laurentii. Quarum indulgentias enumerat Rodriguez laudatus (b), quatenus enumerari possunt, nam soli Deo iusta computatione numerabiles esse, asseruit Bonifacius VIII.

In Basilica Lateranensi sunt stationes, inquit Rodriguez, dominica prima quadragesimæ, dominica palmarum, feria quinta majoris hebdomadæ, sabbatho sancto, & in albis, in vigilia pentecostes, in die S. Joannis ante portam latinam, & est indulgentia plenaria, & liberatio unius animæ. = A die 20. Maji ad 1. Augusti die quolibet est indulgentia plenaria. = Ex quadam tabella S. Silvestri à Gregorio Basilicæ instauratore confirmata est remissio omnium peccatorum quocumque tempore anni. = In festo S. Salvatoris remissio omnium peccatorum. = Bonifacius VIII. concessit visitanti toties quoties esse mundatum ab omni forde peccati. = In capella S. Joannis Baptistæ quò mulieres non intrant, est remissio plenaria, sicut & in capella S. Laurentii. = Fortè post novissimam hujus Basilicæ instaurationem à Benedicto XIII. perfectam, aliquæ ex his remissiones interciderunt; fortè postquam interciderunt renovatæ sunt. = De indulgentiis propriis Basilicæ S. Petri in Vaticano vide supra Ord. 582.

In Basilica S. Pauli extra muros in Via Ostiensi, sunt quotidie 48. anni, & totidem quadragenæ indulgentiæ, & remissio tertiæ partis peccatorum. = In Conversione S. Pauli centum anni, & totidem quadragenæ. = In festo SS. Innocentium 48. anni, & totidem quadragenæ. Modò est ibi indulgentia plenaria. = Die 18. Novembris mille anni, totidem quadragenæ, & remissio tertiæ partis peccatorum. = Si quis dictam ecclesiam intraverit omnibus dominicis, tot habet indulgentias quot intrantes S. Sepulcrum in Hierosolymis.

In S. Mariæ Majoris sunt quotidie 48. anni, totidem quadragenæ & remissio tertiæ partis peccatorum. = In vigilia Ascensionis remissio tertiæ partis peccatorum. = In omni festo B. Mariæ Virginis mille anni. = Ab Assumptione ad Nativitatem B. Virginis duodecim mille anni ultra quotidianas.

In

(a) *Caval. tom. 2. c. 30. D. 3.* (b) *Rodrig. tom. 2. 99. Reg. q. 89.*

In Ecclesia S. Laurentii 48. anni, tot quadragenæ, & remissio tertię partis peccatorum. = In festis S. Laurentii, & S. Stephani, centum anni, & remissio tertię partis peccatorum. = Singulis festivitibus & stationibus ejus ecclesię, plenaria. = Siquis intraverit per annum omni feria quinta, liberat animam. = Siquis intraverit per januam australem de una cruce ad aliam contritus & confessus, habet remissionem omnium peccatorum.

In ecclesia SS. Fabiani & Sebastiani quotidie 48. anni, totidem quadragenæ, & remissio tertię partis peccatorum. = Præterea mille anni quotidie. = In eadem statione ad catacumbas prope majus altare sunt tot indulgentiæ quot in ecclesiis SS. Petri & Pauli. = Sex Pontifices singuli singulos annos mille concesserunt. = In cœmeterio Calixti secundum quosdam est plenaria.

Ad S. Crucem in Hierusalem præter id quod est commune, in Dedicatione 20. Martii est plenaria. = Omni dominica 300. anni, tot quadragenæ, & remissio tertię partis peccatorum. = Die 26. Januarii, & quotidie in capella S. Helenę est plenaria.

Fides horum penes citatum Rodericium sit. Mafeus Vegius penes Janingum loc. cit. (a) de antiqua S. Petri Basilica scribens ait: *Concessit* (S. Silvester), sicut in antiquis quibusdam monumentis comperimus, indulgentiam pro peccatis in perpetuum omnibus qui pœnitentes & confessi convenirent in eam, quotannis in ipsa solemnitate usque ad octavam diei, Romanis quidem unius anni, Italis duorum annorum, ultramontanis trium. Neque enim tam prodigi Pontifices tunc erant, quam nunc sunt in laxandis indulgentiarum gratiis, profundendisque pretiosissimis *the-sauris*. Ex quo vereor ne sit apochrypha supra S. Silvestro à Rodericio adscripta tabella in favorem Ecclesię Lateranensis.

Quidquid sit de indulgentiis stationum, dum celebrantur in Urbe, de communicatis per privilegia extat declaratio sequens ab Innocentio XI. 7. Martii 1678. facta, ut refert Gobat (b): *Indulgentias* stationum Urbis, quę à Romanis Pontificibus communicatę sunt, vel communicabuntur aliquibus locis, ordinibus, personisve, diebus tantum stationum in missali romano descriptis suffragari posse. Semel autem in die plenariam indulgentiam in certos dies ecclesiam visitantibus concessam, vel aliud pium opus peragentibus, *lucriferi*. Aliqui putant, communicatione indulgentiarum ejusmodi quasi *in partibus* non comprehendi plenarias. Cujus sententię fundamentum desiderat Gobat (c).

Fundamentum esse potest, quod jam rariùs conceditur plenaria, & numquam tot simul plenarię absque confessione, & communione. Imo cavetur sæpè in concessione indulgentiarum, ut sit nulla, si in eadem ecclesia alia præcedat similis. Sed quamvis de stationali cumulo indulgentiarum deducantur plenarię, restat in non plenariis, & in tot quadragenis,

(a) *Acta Ss. t. 7. Jun. P. 2. pag. 64.* (b) Gobat, *Quinar. tr. 4. P. 2. c. 37. n. 709. p. 287.*  
(c) Gobat, loc. cit. cap. 2.

nis, & annorum myriadibus immensum lucrum, si cordis motus, pœnitentia, & animi præparatio juvet. *Portentosas, & quæstorum imposturas* appellat Gerson; adstipulante Soto apud cit. Gobat, indulgentias quinque mille annorum. Sed modestius loqui & scribere decet.

Minus liberè, liberè tamen ait Natalis Alexander (a): *Nec indulgentiæ* quantumcumque plenariæ supponantur, illis profunt, qui satisfactio- nem pro peccatis proportionatam subire nolunt & implere, talem enim de jure divino requiri *constat*. Nam quamvis satisfactio pro peccatis requiratur proportionata jure divino; sed hæc proportio compleri potest per opera peccatoris justificati per gratiam condignificata, & per satisfactio- nem operum Christi & Ecclesiæ, quorum fructus per indulgentias appli- catur minus habenti de suo. Sic licet peccatum furti nequeat expiari à nolente restituere; restitutio tamen fieri potest à fure vel de proprio vel de alieno, quod ipsi ut restituat donatur.

Ne tantus indulgentiarum favor in damnum vertatur, vel sit minus utilis, salva Ecclesiæ potestate & largitate, Benedictus XIV. optimum præstat consilium & documentum duplex. Primum in Const. *Pia Mater*, 5. Nov. 1747. per hæc verba: *Ut fructus* indulgentiæ percipiatur, popu- lus edoceatur, quod remissio pœnæ temporalis obtinenda est, non solum per pœnitentiam sacramentalem, aut per tolerantiam adversitatum, sed etiam per jejunia, eleemosynas, & orationes, & alia pia exercitia, alio- quin verendum est, ne salutis remedia in pravæ licentiæ fomentum traherentur... Non cogitantibus quam incertum sit, an indulgentiam, licet externo ritu sibi applicatam, cum effectu sint *percepturi*.

Secundum documentum præbuit sapientissimus Pontifex romanis con- cionatoribus, quos una convenientes ineunte quadragesima anni 1756. ad petendam, ut moris est, apostolicam benedictionem, sic fertur allocutus: Vestrum multi nimium inculcant pro concione potestatem ecclesiæ in pec- catoribus absolvendis. Puritatis morum, & sinceræ conversionis necessitas inculcanda vobis est, sine qua etiam jejunia & carnis maceratio in exter- ioritates fructu vacuas degenerant. Fidem prædicate, pœnitentiam cordis & pia opera. Nempe in salubriter ungendis & pungendis peccatorum ani- mis, hoc oportet facere, & illud non omittere.

## ORDINATIO DLXXXV.

Anno 1745. 30. Aug.

**P**œnitentibus, confessis, & sacra communione refectis, qui expositioni Sanctissimi de licentiâ Ordinarii in Ecclesia Bonaërensi Societatis Je- su (1) semel in mense faciendæ per aliquod temporis spatium interfue- rint, & ibi oraverint plenaria in uno die mensis per Ordinarium desi- gnando conceditur. Eisdem pœnitentibus, confessis, & sacra communio- ne refectis prædictæ (II) expositioni in uno die aliorum undecim men- sum

(a) *N. Alex. in Hist. N. T. sac. 3. D. 2. Prop. 2., & ibi Schol. 1.*

sum ut supra interessentibus, & ibi orantibus septem anni, & totidem quadragenæ de debitis pœnitentiis relaxantur. Ad quindecim annos. Ex autographo.

ADNOTATIONES.

(1) *Semel in mense*. Gratia hæc est ea quam vulgus appellat *Jubileo del mes*, & alicubi *la Minerva*. Sed oportet ignorasse postulatorem, eandem per quindennia amplioribus terminis solitam esse concedi, ut pater ex litteris à Clemente XII. datis 22. Febr. 1737. quæ nondum expiraverant tempore præsentium impetrationis, & sic habent: *Cum fel. rec. Innocentius Papa X....* omnibus utriusque sexûs fidelibus pœnitentibus, & confessis, qui aliquam Societatis Jesu, vel quamcumque aliam sæcularem ecclesiam ubicumque existentem, una ex dominicis cujuslibet mensis quæ communitio generalis sollicitudine dilectorum filiorum clericorum regularium dictæ Societatis, & quoad ecclesias sæculares de licentia ordinariorum locorum, illarumque rectorum consensu, ibidem ageretur, devotè visitassent, & iisdem dominicis in aliqua ex prædictis ecclesiis SS. Eucharistiæ Sacramentum sumpsissent, ibique pro christianorum principum concordia &c. preces effudissent, plenariam omnium peccatorum indulgentiam & remissionem, quam animabus fidelium defunctorum applicare possint, ad quindecim annos concefferit, & subinde Romani Pontifices ejusmodi concessionem prorogaverint. Nos... ad quindecim alios annos à fine novissimæ prorogationis prorogamus.

(II) *Prædictæ expositioni*. Ritus exponendi & reponendi Ven. Sacramentum passim vidimus in illis partibus variari quoad argumentum, de quo est apud Cavalieri (a) declaratio sequens: *In festo SS. Corporis servanda est dispositio Cæremonialis Episcoporum in reponendo SS. Sacramento, ubi nulla fit mentio Versic. Dominus vobiscum*. Et sic servat in Urbe Summus Pontifex, & servatur ab omnibus. S. Rit. C.... Jun. 1663. in Granatenfi, & 28. Sept. 1675. in Salernitana. Et Cavalieri de suo addit: *Hæc igitur exurgit regula, quod Dominus vobiscum sit omittendum ante orationem SS. Sacramenti, ad quam sequitur illico realis deprecatio media benedictione*.

Si tamen hæc adhibeatur regula ut in concordiam redigatur Cæremoniale Episcoporum cum Rituali Romano, illa non est opus, jam enim à Rituali exactus est Versiculus ille, ut in Editione Plantiniana anni 1750. videre est, in qua ritus idem sacerdoti præscribitur, atque Episcopo in Cæremoniali. Et licet in Rituali Versiculus extaret, esset omittendus, cum S. Congregatio expressè declararet, non esse servandum Rituale Romanum, ubi indicitur *Dominus vobiscum*. Hinc mirum non est, in *Ussibus & consuetis* Paraquariæ Provinciæ extinctæ Societatis Jesu anno 1711. firmatis eam versiculi additionem legi & præscribi cantandam in omni

(a) *Caval. tom. 4. cap. 9. D. 3. p. 101. Et Cærem. Ep. lib. 2. cap. 33.*  
Bbbb 2



omni repositione; ad manum quippe est Editio Ritualis Romani quædam anni 1713., in qua nondum expuncta reperitur. Similiter corrigendus est Bisso (a) dum ait: *Genusflexus* super gradum infimum incipit *Dominus vobiscum*.

An verò in solemnibus aliis, in quibus nec SS. Sacramentum reponitur, nec benedictio populo illius ostensione datur, versiculus ille dicens sit ante vel post orationem extra divinum officium & extra missam, quando per orationem populo *vale* dicitur, dubium est in quo affirmaverit Cavalieri juxta suam regulam; quandoquidem regula est, omittendum versiculum tantummodo, & benedictionis verbum, quando benedictio realis impertitur per ostensionem Venerabilis Sacramenti. Sed negandum est ex praxi Romani Pontificis, cui conformes esse vult in hac parte S. Congregatio simplices sacerdotes, & ex paritate dictorum de ritu exponendi & reponendi Venerabile.

Praxis verò illa Summi Pontificis nota est ex publicatis Actis Canonizationis quinque Sanctorum in operibus Benedicti XIV. (b), ubi dicitur: *Completo* hymno duo cantores cecinere *V. Emitte Spiritum tuum*, &c., respondentibus aliis: *Et renovabis*. Interim cerosata portarunt acolythi... consistentes usque ad finem orationis, quam illico Papa cecinit: *Oremus. Deus qui Corda...* Per Christum D. N. Resp. Amen. Post collectam sedet Pontifex. Et paulo inferius dicitur: *Completo* à cantoribus hymno (*Te Deum*), Diaconus Card. Marinis... cantavit. *V. Orate pro nobis*. Et cantores subdidere: *Ut digni efficiamur...* Tunc: *Oremus. Omnipotens &c.* Ubi nulla fit mentio. *V. Dominus Vobiscum*, nec æquivalentis *Pax vobis*, quamvis minutissimè ritus, verba, & versiculi alii referantur.

## ORDINATIO DLXXXVI.

Anno 1745. 4. Sept.

UNiversam diocesim teneri ad celebrandum sub ritu duplicis primæ classis cum octava festum Titularis Ecclesiæ Cathedralis, quando simul est civitatis, declaravit in Pernambucensi S. Rituum Congregatio, ut refert Cavalieri in Append. ad cap. 2. *De Patrono vel Titulo Ecclesiæ*.

## ADNOTATIONES.

Laudatus Author addit de suo: *Verba illa, Quando simul est civitatis* ita legi debent: *Quando simul est Patronus civitatis*. Dicitio autem *Quando* hinc conditionem non dicit, sed stat pro *Quoniam*, quo in sensu usurparum (inquit) noscimus à Cicerone lib. 1. Epist. 12., & *De Senectute*. Sed nihil obstat, quin suapte verba declarationi stent, quibus absque correctione & absque commentario sensus est planior & verior.

Sunt

---

(a) Bisso, *Mierurg. V. Expositio SS. Sacram. pag. 419.* (b) B. XIV. tom. V. *Op. 2.* 420., & 424.

Sunt oppida plura præsertim in America, & in ora Brasiliæ in qua est Pernambucum, pro quo data est præsens responsio, ejusdem vocationis & tituli, quo insignitæ sunt cathedrales eorum ecclesiæ, ut oppidum S. Mariæ de Belen, Sancti Ludovici del Maraion, Santi Salvatoris de la Bahia de todos los Santos, S. Sebastiani del Rio Janeiro, Sancti Pauli de Piratininga; in America Hispaniensi sunt oppida Sancti Dominici de la Española, S. Joannis de Puerto Rico, Santa Martha, S. Jacobi de Guatimala, de Carácas, de Chile, del Estero: ita ut in publicis tabulis pro nomine proprio civitatis Sanctorum respectivè nomen adhibeatur. De his rectius ad litteram intellexeris declarationem, qua ritus primæ classis cum octava pro tota diœcesi præscribitur; quandoquidem ibi Titularis idem simul est civitatum, & earum respectivè ecclesiarum.

Nec in genuino hoc sensu opus est particulæ quando extrahere significationem à conditionali ad causalem. Hanc significationem, imo hanc vocem frustra quæsieris in citata Ciceronis epistola. Obvia quidem illa est, tum in Virgilio *Quando hæc te cura remordet*; tum in Terentio *Quando conscia sum, culpam à me esse procul*; sed ad præsens minus necessaria.

Adde quod is esse potest civitatis & ecclesiæ Titularis, ut nequeat esse patronus, nec civitatis nec ecclesiæ, in sensu vocis hujus obvio, quæ significat mediatorem & fautorem alicujus apud alium. Quod dum contingit, non est cur ampliari non debeat ritus ad universam diœcesim, secundum præsentem declarationem. Oppidum de Buenos aires Titularem habet SS. Trinitatem, à qua in publicis Actis denominatur Civitas SS. Trinitatis de Buenos aires. At SS. Trinitas nec civitatis nec ecclesiæ ullius esse potest Patrona in dicto obvio sensu, quamvis esse possit in alio, qui protectionem connotat juxta illud *Protektor noster aspice Deus*. A clericis autem per totam diœcesim festum SS. Trinitatis celebratur ibi cum octava: & rectè quidem ex terminis præsentis ordinationis. Saltem anno 1760. clericum vidimus doctum & doctorem, rectoremque foraneæ parochiæ de Luxan id ritus agentem: quod videtur esse aliis per diœcesim commune.

E regione falsum est, universam diœcesim teneri ad celebrandum sub ritu duplici primæ classis cum octava festum Sancti qui simul sit Patronus & Ecclesiæ & Civitatis. Faventiæ, colitur Patronus principalis, non modò Ecclesiæ Cathedralis, sed Civitatis S. Sabinus, de quo tamen octava non fit per totam diœcesim. Id certè quotannis præscribitur in Directorio ad usum consultissimi Cleri, ex illustratissimi Antistitis jussu vulgari solito: 7. (Decembr. 1773.) S. Sabini Ep. & M. Patr. Princ. dup. 1. cl. . . Oct. S. Sabini Prot. princ. hujus Civ. fit tantum a Clero sæc. in Civ. . . Omittitur (infra octavam) commemoratio S. Sabini extra Civ. sicque per totam octavam. Et in officio recitatur: Faventini cives gloriosum Martyrem postmodum sibi in primarium Patronum adsciverunt. Ex quo igitur Sanctus aliquis Civitatis, nec tantum Ecclesiæ patronus sit, non debet per universam diœcesim cum octava celebrari. Nec fuit hæc S. Congregationis in præsentī declaratione mens.

OR-

## ORDINATIO DLXXXVII.

Anno 1745. 4. Sept.

**D**E Titulari Ecclesie Cathedralis in genere commemoratio inter suffragia habenda est solum per illos, qui sunt de gremio Ecclesie; secus si esset infimul Patronus principalis civitatis. S. Rituum Congregatio declaravit in Pernabucensi, ut refert in eod. loco Cavalieri.

## ADNOTATIONES.

Nempe habenda est commemoratio ab iis, qui tenentur recitare officium cum octava ratione patronatus. Quinam vero ii sint, patet ex sequentibus declarationibus apud eundem (a): *Festum* Patroni principalis civitatis à clero sæculari civitatismet celebrandum est cum octava, à regularibus sine octava. In diocesi tamen ubi non adsit proprius loci patronus, similiter cum octava; at ubi colitur festum peculiaris patroni, nihil de patrono civitatis, vel attentata consuetudine sub ritu duplici majori sine octava. S. Rituum Congregatio in Calagurritana. 28. Sept. 1658. = Festum patroni loci principalis tenentur omnes cum officio etiam regulares celebrare; sed isti ad octavam non tenentur. S. R. C. 27. Mart. 1628. = Disponente S. R. Congregatione, quod regulares ad octavam patroni principalis non tenentur, quæsitum fuit, an *ly non tenentur* excludat etiam libitum? S. C. respondit affirmative. 20. Mart. 1683.

Alias eodem die & anno 4. Sept. 1745. resolutiones ad Pernambucum quæsitæ edidit S. Congregatio, inter decreta authentica relatas (b), quarum prima est: *Canonici* assistentes Episcopo in missa pontificali non albam, sed rochetum vel cottam, quoquomodo vel forma ad regionis morem compacta illa sint & consueta, induere debent una cum amictu subtus dalmaticam vel aliud chori peculiare insigne. = Secunda, quando præbendæ non sunt distinctæ, duo diaconi assistentes apud solium Episcopi erunt primæ duæ dignitates post primam immediatè sequentes. Si autem inter præbendatos canonicos sit perpetua, non autem accidentalis, ordinum distinctio in presbyterales & diaconales, tunc pro munere assistentiæ assumuntur primò duo canonici ex ordine diaconali. Diaconus verò evangelii, & subdiaconus pro epistola in missa pontificali intervientes, quando tale onus inter omnes per vices, vel alias juxta ecclesie consuetudinem distribuendum non sit, erunt alii duo digniores, sive canonici sive dignitates fuerint, qui sequuntur in ordine post assistentes canonicos solio, si ut supra dictum est, nulla intercedat ordinum, vel præbendarum distinctio.

Tertia: Cum nullus pro Vicario Generali Episcopi determinatus sit

lo-

(a) *Cavali. tom. 1. Cap. 3. De Patr. loc. D. 4. 6. & 9.* (b) *Decr. auth. S. R. C. Ed. Ven. 1750. n. 1121. p. 278.*

locus, sed illum diversum obtineat juxta diversam consuetudinem ecclesiarum; idcirco scribendum Episcopo, ut de suâ respondeat ecclesiæ praxi. = Quarta: Officium Parvum B. Mariæ Virginis in diebus simplicibus & ferialibus, non abrogata tamen consuetudine, quæ in contrarium fortasse vigeret, tuto potest omitti, & in bona conscientia. = Quinta: An clerici sæculares choro non adstricti possint recitare de Sanctis Ordinis Carmelitani, si sint ejusdem Ordinis tertiarii? Responsum fuit affirmative. = Sexta: An clerici sæculares professi in Ordine Christi possint recitare de Sanctis, de quibus recitant ejusdem Ordinis claustrales? Et responsum fuit (affirmative) cum clausula, Dummodo non sint choro adstricti.

## ORDINATIO DLXXXVIII.

Anno 1746. 24. Febr.

**J**urisdiclio Episcoporum in ecclesias regularium pro Indiarum regionibus declaratur. Quamquam anno 1744. ediderat Benedictus constitutionem *Firmandis atque asserendis* pro stabilienda Episcoporum jurisdictione in omnes regulares sæcularium curam exercentes, has litteras adicere compulsus est, in quibus relato Concilii Tridentini cap. 11. sess. 25. *De Regular.* & Pii V. Constit. *Exponi Nobis* data 24. Mart. 1567., cap. 16. (Ad. 4.) Synodi Provincialis anno 1582. celebratæ (Limæ) statutis Synodi Mexicanæ *Tit. De Vist. propr. Provinciæ*, §. 3., & *Tit. De Regular. & Manual.* §. 19. Relata etiam Const. *Quantum animarum*, & alia *Exponi Nobis* anni 1591., quibus Gregorius XIV. confirmavit Breve Pianum; Constit. *Religiosorum* Clementis VIII. Const. *Inscrutabili* Gregorii XV. Const. *Cum sicut* Innocentii X. data in causa angelopolitana: Relata etiam ope à Regibus Catholico & Fidelissimo præstita in Tridentini executionem, statuit Benedictus prædicta decreta & constitutiones in decretorum confirmationem editas, ut nempe regulares quicumque ad curam sæcularium obeundam sine prævio Ordinariorum locorum examine & approbatione accedere, aut in ea se ingerere nequeant, & in omnibus ad dictam curam pertinentibus eorum jurisdictioni, visitationi, & correctioni subjaceant, tam in Goana, quam in reliquis Indiarum orientalium provinciis observari debere, non obstantibus quibuscumque. Extat tom. 17. Bullar. Luxemb. Const. I. Incipit *Quamvis*. Vid. Ord. 596.

## ORDINATIO DLXXXIX.

Anno 1746. 16. Jun.

**S** Romana Inquisitio proscripsit Memoriarum P. Norberti continuationem à D. Favre sacerdote Helveto publicatam. Mentio fit à Trivultianis (a).

OR-

(a) *Mém. de Trév.* 1753. art. 34.

## ORDINATIO DXC.

Anno 1746. 6. Dec.

**M**Otu proprio dividit Benedictus XIV. diocesim Fluminis Januarii in quinque partes. Unam Episcopatus Fluminis Januarii relinquit, quæ ab infra-scripta diocesi S. Pauli versus austrum per limites præfecturarum sæcularium Fluminis Januarii & S. Pauli usque ad fluvium Paraibam separetur. Inde per istummet fluvium usque ad cataractam majorem, quæ per montes ad campestria Goaitacasium dicta erumpit. A loco vero cataractæ præfatæ per summos eorundem montium vertices à Marianensi diocesi infra-scripta determinata remaneat, donec Archiepiscopatus S. Salvatoris territorium attingat. = Aliam Episcopatus S. Pauli, cujus cum Januarensi usque ad Paraibam supra indicati sunt limites, quæque ex illo fluvio usque ad alium magnum sive Paranaensem nuncupatum à Marianensi diocesi infra-scripta per terminos inter præfecturas S. Pauli & Fluminis Januarii, & Auri fodinarum Generalium constitutos distinguatur. Inde per ipsum fluvium magnum quacumque ditionem Portugalliæ Regis interfluit, à Prælatura Gojacensi, ut infra erigenda disjungitur. = Aliam Episcopatus Marianensi, quæ ab Episcopatu Januariensi & Paulitano ut supra divisa, de cætero à Prælatura Gojasiensi ut infra erigenda per terminos præfecturarum sæcularium S. Pauli & Aurifodinarum Generalium separata remaneat, ac erga Archiepiscopatum S. Salvatoris & Episcopatum Pernambucensem antiquos Episcopatus Januariensis limites retineat. = Aliam Prælaturæ Gojasiensi, quæ ab Episcopatibus Paulitano & Marianensi divisa eisdem circumsepta sit limitibus erga Pernambucensem, Maragnonensem, & Paraensem, quos nunc habet Januariensis. = Ac reliquam Diocesis Januariensis partem Prælaturæ Cujabaensi (1), quæ à Gojasiensi per terminos inter Audientiam, vulgò *Ovidaria* Gojasiensem, Cujabaensem, & Paulitanam constitutos separata remaneat. =

In secunda & tertia parte erigit Episcopatus Paulitanum & Marianensem. In quarta & quinta Prælaturas Gojasiensem & Cujabaensem totaliter exemptas, singulas pro singulis presbyteris sæcularibus aut regularibus in Theologia seu Decretis graduatis, vel ab Ordinario suo vel loci, in quo eos existere contigerit, ad docendum alios approbatis, & per Portugalliæ Regem ad tempus sibi benè visum deputandis, qui absque alia Romani Pontificis, vel Archiepiscopi S. Salvatoris confirmatione administrationem Gojasiensis & Cujabaensis territorij habere, & inibi prædicare & prædicari facere, gentiles convertere procurare, conversisque baptismi gratiam, & Sacramentum confirmationis (II) impendere, & tam ipsis quam omnibus in dictis territoriis degentibus, & ad ea declinantibus, sacramenta & alia munera spiritualia, non tamen quæ sunt ordinis, ministrare & ministrari facere, beneficia ad Episcopi Januariensis collationem ante pertinentia conferre; calices, campanas, & alia ornamenta consecrare; ecclesias profanatas aqua per ipsos benedicta reconciliare; ecclesias, loca, & personas visitare, inquirere, & reformare, & punire sa-

cris canonibus inhærendo; beneficiales, matrimoniales, aliasque causas ecclesiasticas terminare, vel terminandas delegare; ac denique plenam & ordinariam jurisdictionem habere. = Ac pro eorum decente habitu substantiam cum mantelletâ nigri coloris deferre possint, cum omnibus privilegiis quibus Vicarius sive Administrator provincię seu districtus in Mozambique ordinariam jurisdictionem ibi habens utitur: assignata per Regem annua summa bis-centum-viginti-octo ducatorum auri de camera, & juliorum decem monetę romanę ex ærario cuilibet Prælatorum pro sustentatione.

Statuit quod clerus & populus sub prælaturis comprehensi, in iis quę sunt ordinis ad Archiepiscopum S. Salvatoris, habitis tamen à suo respectivè Prælato dimissoriis recurrere teneantur: quoddamque Prælati ratione personarum suarum duntaxat visitationi, correctioni, & superioritati, ac jurisdictioni præfati Archiepiscopi subsint, & à sententiis definitivis tantum, seu vim definitivarum habentibus, & quarum gravamen per appellationem à definitiva reparari nequeat per ipsos Prælatos, aut eorum officiales, appellationes ad eundem Archiepiscopum interponi & terminari possint.

Vult tandem quod taxa Ecclesię Januarensis in florenis centum sexdecim cum duobus tertiis consistens firma remaneat; & quod taxa Ecclesię Paulitanę & Marianensis in eadem summa, unaquęque in libris Camerę Apostolicę describatur. Ex Bullar. Luxemb. tom. XVII. Const. 22. Incipit *Candor*.

#### ADNOTATIONES.

(1) *Prælatura Cujabaensî*. Cum sit Cujabaensis tractus prope Lacum dictum *de los xarayes*, & Cujaba civitas gradu 14. 10. min. latit. austr. & 322. longit. ab Insula Ferri, protenduntur hac parte sine dubio Brasilię fines longè ultra lineam demarcationis alexandrinę; etiam si fiat additio, de qua in Turre Syllana conventum est. Multo magis quando ad Cujabaense territorium accessit *Mons Pinguis* vulgò *Mato-Grosso*, & ultteriores ad occidentem acquisitiones usque ad arcem *de la Escada*.

Id liquidum est vel ex iis, quę in exordio præsentis constitutionis habentur, ibi: *Joannes* Rex prospiciens Fluminis Januarii diocesim... eo longitudinis protensam, ut à remotioribus illius locis preces & querellę populorum ad Amistitis auditum anno nisi transacto pervenire nequeant. Ubi sermo est de longitudine itineris mediterranei occidentem versus, seu versus Regis Catholici ditionem, nam versus septentrionem, austrumve, certè non eo longitudinis protensa est vel erat Januariensis ditio, ut annus integer requireretur pro audiendis populorum clamoribus. Igitur tanta longitudo viarum in causam præsentis ordinationis relata, est versus occidentem. At illorsum tam longum unius anni iter agi non potest, quin fines transilientur alexandrinę demarcationis, quacumque illa ducatur. Sed conformis est extensio pactis, quę Matrîti 4. post annis 13. Jan. 1750. stipulantibus Rege Catholico & Fidelissimo constituta sunt, mox revocata.

(11) *Confirmationis sacramentum*. Ferunt Episcopum illarum partium quemdam adversa valetudine impeditum postulasse à Clemente XII. facultatem ut aliquis de capitularibus pro se sacramentum confirmationis administraret, & fuisse tantum ea lege concessam, si capitularis consecraretur episcopus titularis. Simile quid olim decretum esse fertur, ne insularis de Chiloe deesset hujus sacramenti minister; eo quod Episcopus Conceptionis rarò vel numquam ad oras Chiloenfes applicet. Hæc autem ideo facta aut decreta sint, non quod Summus Pontifex nequeat simplici presbytero talem delegare facultatem, ut quidam Prælati ex concessione recens missionariis facta gratis scandalum passus causabatur; sed ne mos vulgaretur in locis ubi non erat inductus. Nam de concedendi potestate temerarium sit vel dubitare post tot exempla, præsentis constitutionis & aliarum mille.

Benedictus XIV. (a) ait: *Minime* nos latet, administrandi sacramenti confirmationis potestatem ex indulto apostolico ad sacerdotem vel missionarium quandoque deferri posse. Hujusmodi nec nova nec inusitata videri debet, cum S. Gregorii Magni, aliorumque Pontificum Romano- rum exemplis sanctissimis innitatur. Et Benedictus ipse præter alia concessit eam facultatem Guardiano S. Sepulcri (b) 9. Jan. 1741., Abbati Monasterii Campidunensis anno 1749., & præfecto missionis Coptorum anno 1750. Vide Ord. 399. & supra Ord. 37. & 168.

## ORDINATIO DXCL

Anno 1747. 14. Sept.

EXposito per Josephum de Lara procuratorem Assistentiæ Hispaniæ S. J., quòd Philippus V. licentiam concessit, ut in civitate S. Dominici in Hispaniola erigeretur Societatis collegium, cui redditus & domus applicarentur ad aliud collegium & universitatem instar Salmanticensis olim erectam spectantes, cum obligatione ad onera juxta redditus applicatos, quoniam spes non erat ut in secundo dicto collegio succederet aptata fundatio: Exposita etiam lite, seu potius quæstionis materia in regia S. Dominici Audientia inter Collegii Rectorem & Priorem Conventus Ordinis Prædicatorum introducta super privativa conferendi gradus facultate. Quam ut dirimeret Ferdinandus Rex, Societatis collegium in universitatem erexit cum primò intenti privilegiis & oneribus, decernens ut gradus in eo suscepti eorum prærogativis gauderent, qui in quacunque universitate suscipiuntur. Quoad Conventum erectionem etiam Universitatis concessit, ita ut una & altera gradus conferre posset ad instar earum, quibus tam Ordo Prædicatorum quam Societas gaudet in civitate Manilæ, Sanctæfidei, & Quiti. = His inquam expositis, Pontifex Societatis collegium in universitatem, in qua Societatis alumni & professores Grammaticam, Rhetoricam, Logicam, Physicam, Theologiam Scholasti-

(a) Tom. 16. Bullar. Luxemb. C. 129. (b) Ibid. C. 10.

laſticam, & Moralem, ac Sacros Canones, nec non per lectores ſæcular-  
res Jus Civile, ac Medicinam, aliarumque litterarum ſtudia profiteantur,  
& doceant, erigit. Illudque regimini Societatis, illiusque Præpoſiti Gene-  
ralis ſubmittit. Illi privilegia publicis ſtudiorum univerſitatibus conceſſa  
æque principaliter communicat. Rectori ut quoscumque accedentes, ac  
per debitum tempus ſtudentes, ſi ſcientia & moribus idoneos eſſe reperi-  
rit, ad gradus promovere. Præpoſito Generali concedit, ut per ſe vel  
alium quæcumque ſtatuta licita tamen & honeſta edere & reformare  
poſſit, pœnas imponere, miniſtros eligere, & amovere, non obſtantibus  
quibuſcumque. Extat in Bullar. Luxemb. tom. 17. C. 37. Incipit *In ſu-  
pereminenti*.

## ORDINATIO DXCII.

Anno 1748. 24. Febr.

**S** Franciſcum Xaverium Patronum principaliorẽ, & Protectorem In-  
diarum, quæ numerantur à Capite Bonæ-Spei dicto uſque ad regna  
Sinarum & Japoniæ, eiſque adjunctarum (1) provinciarum, & adjacen-  
tium inſularum haberi jubet Benedictus XIV. Omnibuſque utriuſque ſexus  
fidelibus, qui ad horas canonicas tenentur, mandat (11), ut annua dies  
S. Xaverii ſub ritu duplici primæ claiſſis cum octavâ celebrent. Extat  
tom. 6. Operum Benedicti, pag. 123. Edit. anni 1751. Incipit *Indiarum*.

## ADNOTATIONES.

(1) *Adjunctarum provinciarum*. Huius clauſulæ ratione fortè poteſt, ſi  
juset uſus; extendi S. Xaverii patronatus ad eas Africæ regiones, quæ  
eis Caput à Bona-Spe dictum à Gregorio XIII. Indiæ orientali annume-  
ratæ ſunt, quia licet non ſint pars Indiarum, quæ ab eo Capite nume-  
rantur; ſunt tamen provinciæ illis adjunctæ.

(11) *Mandat*. Refert J. B. Pittoni (a) ſequentem S. Congregationis  
declarationem ex authentico: *Declaratio* ( de qua ſupra 1683. 20. Mart.  
ill. 2. ) in qua dicitur quod regulares non poſſint recitare officium de  
octava Patroni principalis ſine ſpeciali indulto, comprehendit etiam mo-  
niales ordinariis ſubjectas. Sublata igitur eſt non ſolum obligatio, ſed  
facultas recitandi. Eſſi declaratio, quam Pittoni citat ex anno 1683.  
20. Mart.; prout ab ipſo refertur, ſolum habet quod *non tenentur*, non  
habet quod *non poſſint*. Impotentiam tamen exprimit declaratio prout re-  
fertur à Lacroix (b) ſic habens: *Regulares* debent recitare officium Pa-  
troni principalis regni vel provinciæ, ac Titularis Eccleſiæ Cathedralis  
ſub ritu duplici primæ claiſſis; ad eorum verò octavas non modo non  
obligantur, ſed non poſſunt ad libitum ſuum officium recitare juxta ſæ-  
pius reſoluta à S. R. C.; præcipuè 27. Mart. 1628., 10. Jun. 1656.,  
20.

(a) *Pitt. CC. ad Riſ. 21. Febr. 1702.* (b) *Lacr. lib. 4. num. 1257.*



20. Mart. 1683. Bene tamen notat Pittoni, non tantum posse, sed teneri regulares etiam cum octava de Patrono recitare, quando specialiter indulgetur: multo magis, quando mandatur, ut *fin* presente constitutione, & in aliis fit. Vide supra anno 1745. 4. Sept. Ord. 586. & seq.

## ORDINATIO DXCIII.

Anno 1748. 17. Jul.

**F**acultates vicennales Societatis Jesu in Indiis concessæ anno 1729. ad ulterius vicennium prorogantur. Ex litteris Roma ad Paraguayi Provincialem datis 7. Jan. 1750.

## ORDINATIO DXCIV.

Anno 1750. 4. Maji.

**L**itteras Clementis VIII. datas 12. April. 1601., ut facultas concessa Regi Catholico utendi subsidii (1) redditibus contra quoslibet infideles, ad redditus quoque ex Cruciata provenientes pro suorum regnorum tutamine impendendos extenderetur, confirmans Benedictus XIV. Hispaniarum Regibus motu proprio concedit plenam facultatem redditibus, tam Subsidii, quam Cruciatae utendi contra quoslibet infideles, quatenus hoc fieri contingat pro fidei conservatione & incremento. Non obstantibus quibuscumque. Præcipit, ne Commissarius Generalis in exactione, administratione, distributione se immisceat. Moru item proprio vult ut ad Regis (II) postulatam Commissarius cum persona ecclesiastica ab ipso Rege deputanda divisionem Subsidii à Capitulis factam recognoscat. Incipit *Quoniam*. Referturque in regis schedulis ad Americam expeditis 12. Maji 1751. pro executione.

## ADNOTATIONES.

(1) *Subsidii*. Subsidium est regia quædam exactio, & ecclesiasticorum contributio qualis ea de qua supra Ord. 440. Et Molina tom. 3. De Just. d. 663. num. 9.

(II) *Ad Regis postulatam*. In regia schedula ad Peruvii Proregem inter alia dicitur: *Igualmente* ha de atenderse con este producto, si asisti-dos los presidios quedare alguno, à la conservacion y aumento de las misiones... Os nombro por superintendente, y à los que os sucedieren, para que los empleeis conforme à los santos fines de Su Santidad... los pleitos, que puedan tocar a administracion de gracias espirituales, falsedad, ò subtraccion de bulas, y demas concernientes à las facultades de los Comisarios executores del breve de 4. de Mayo, se seguiran en los subdelegados, feneciendose en el Tribunal con los recursos à la Comisaría General. Los que procedan de la recaudacion y administracion de todo el producto de la Cruzada, se llevaran ante mis Justicias, y feneceran en el Tribunal de vuestra superintendencia, y demas Superintenden-

dentes de esse ramo... Los Teforeros, Verederos, y Coletores han de gozar las esenciones, que hoi tienen; à exception de la introducida de no estar sugetos en las causas civiles y criminales à la Jurisdiccion Real ordinaria. Deben cessar todas las esenciones, que han gozado los muchos dependientes que havia de los Tribunales de la Cruzada, y que sin ser necessaria la comision se les concedian titulos con solo el fin de gozar de la *esencion*.

In alia regia schedula ad D. Josephum Garay Bazan Subdelegatum Generalem, Commissarium principalem, & Judicem Apostolicum executorem relati Brevis in Tucumania dicitur: *Hé resuelto*.... se applique desde luego todo el importe de la limosna de la Santa Cruzada, y las rentas y proventos que procedieren de las referidas gracias en estos dominios de la America, distribuiendose en los santos fines de su concession conforme el referido Breve, que comprende todos los expressados (conduccion de misiones, castigo de barbaros, y presidios de America) como reconocereis de su contexto... Por lo que mira à los Indios procurareis, que sus Curas al tiempo de Quaresma en que se juntan para oir la doctrina, y satisfacer al precepto annual de la Iglesia, los muevan y persuadan à la satisfaccion del importe de las bulas que huvieren tomado.... En caso que halleis conveniente encargar la predicacion à los Curas, auxiliareis vuestros despachos con la jurisdiccion de esse R. Obispo, no obstante que los referidos Curas os deben obedecer como Comisario Apostolico que sois en virtud del citado Breve y mi *nombramiento*.

Hac occasione in Instruptione Commissarii Generalis pro Indiis data Matriti 1. Jun. 1754., antiqua elemosynarum taxa, de qua supra Ord. 152. non nihil immutata est, ut sequitur: *Los Señores Virreies* 10. pesos, y otros tantos sus mugeres. = Los Arzobispos, Obispos, Inquisidores, Abades, Piores, Canonigos de las Iglesias Cathedrales, y Dignidades, assi de ellas como de Colegiales, y cavalleros de qualquier habito de las Ordenes Militares: Los Presidentes, Oidores, Alcaldes, Fiscales, Alguaciles Mayores, Secretarios, y Relatores de las Audiencias Reales, Gobernadores, Corregidores, Alcaldes Ordinarios, y Regidores de los Pueblos, Señores de Repartimiento, y los que tienen pension sobre ellos; los Capitanes Generales, Alcaldes de Castillos y Fortalezas, los Avogados, y hombres ricos en cantidad de diez-mil pesos, y las mugeres de los seglares de los estados y officios ya dichos, cada uno dos pesos de tipuzque, ò diez y seis reales castellanos que es su valor. = Todas las demas personas de qualquier estado ò condicion que sean (fuera de los Indios y Morenos) 1. peso de igual moneda, el que tambien han de dar los Caciques de los Indios; pero los Frailes y Monjas, Españoles pobres mendicantes, y los hombres y mugeres de servicio, solo 2. reales castellanos cadauno, y lo mismo los demas Indios assi casados como solteros, y los Morenos assi hombres como mugeres. = La limosna de los diffuntos Españoles ha de ser de quatro reales. Y por el anima de Indios, Morenos, Españoles pobres, y criados de servicio, Frailes y Monjas, de 2. reales por cada diffunto, entendiendose que la paga haia de ser

fer y sea en buena moneda, ò en oro, ò en plata enfañada, excepto si en algunas partes no la huviere, que entonces se ha de recibir de la que corriere, y se huviere acostumbrado recibir... = La limosna de la bula de composicion, queremos que sea de doze reales castellanos, y que por ella quede absuelto el que la tomare de la restitucion de 30. ducados de la misma moneda, con que no pueda tomar en cada biennio mas de 30., ni componerse por mas de novecientos ducados. = Las bulas de lacticiños de tassa de a quatro pesos han de servir para los Patriarcas, Primados, Arzobispos, Obispos, y Abades. Las de a 2. pesos, para las Dignidades, Canonigos, Inquisidores. Y las de uno para los demas clérigos seculares. = Prohibese à los Subdelegados la formacion de nuevas Instrucciones, por quanto esta solo ha de tener uso y cumplimiento.

Inter facultates Commissario Generali, ac de ejus commissione Subdelegatis concessas sequentes habet eadem moderna Instructio: = Primeramente puedan componer sobre lo... mal adquirido no constado de los dueños despues de hecha la debida diligencia. = Iten, sobre los frutos, que se deben restituir por la omission de las Horas Canonicas, con que la cantidad de la composicion se aplique por mitad à las iglesias ò lugares, por cuiá razon se debia rezar, y por la otra mitad à la Cruzada. = Iten, sobre la mitad de los legados hechos en descargo de lo mal llevado, si los legatarios huvieren sido negligentes por un año en pedirlos. = Iten, sobre los legados, que se huvieren hecho ò se hicieren durante el tiempo de la publicacion, si los legatarios no pudieren hallarse. =

Assimismo pueden dispensar y componer sobre la irregularidad en aquellos, que ligados con quales quiera censuras ecclesiasticas celebraron, ò de otro modo se mezclaron en las missas y otros officios divinos, como no haia sido en desprecio de las leyes de la Iglesia. = Iten, sobre otra qualquiera irregularidad, que no se haia contraido por homicidio voluntario, apostasia, heregia, ò por mala suscepcion de ordenes con retencion de beneficios, y de los frutos percebidos de ellos, abolicion de infamia, è inhabilidad que de la tal irregularidad proviniere, y execucion de las ordenes que no se huvieren recibido mal. =

Igualmente pueden dispensar con los que teniendo impedimento de afinidad contraida por copula illicita contrajeron matrimonio ( si esto lo hicieron segun la forma del Concilio Tridentino, y el tal impedimento fuere del todo oculto, y el uno de los contraientes huviere estado ignorante de el al tiempo de celebrarse el matrimonio ), paraque certificado primero de la nullidad del primer consentimiento el contraiente que la ignoró, y ocultandole la causa de ella ( si pareciere para evitar escandalos ), puedan de nuevo contraer matrimonio entre si, aunque sea secretamente solo en el fuero de la conciencia. La qual facultad solo se da para quando se juzgue convenir la dispensacion para evitar graves escandalos, y se estiende à legitimar la prole. Pero no se han de dar letras de la referida dispensacion; y quando se dieren las hade quemar ò

rom-

romper el confessor. = Iten, pueden dispensar en igual forma en dicho impedimento, quando sobreviniere al matrimonio paraque se pueda pedir el debito. =

Por quanto Su Santidad concede liberalmente à los que contribuieren... que por el tiempo de la publicacion puedan celebrar y hacer celebrar en su presencia, y de sus familiares, domesticos, y consanguineos, aun el tiempo de entredicho à que no haian dado causa, ò no haia estado por ellos el que no se levante, y que tuvieren facultad del Comissario General para ello, aunque sea un hora antes del dia, y una hora despues del medio dia, tanto en las iglesias como en oratorio privado diputando solamente para el culto divino, que se haia de visitar y designar por el Ordinario...; pueden los subdelegados conceder la facultad arriba dicha à los *fieles*.

## O R D I N A T I O DXCV.

Anno 1750. 15. Dec.

**A** Rchiepiscopis & Episcopis Indiarum occidentalium, & Americae septentrionalis & meridionalis Regis Catholici dominio subiectarum committitur & mandatur, ut unusquisque illorum in suis respectivè provinciis, exceptis diebus dominicis, & Nativitatis D. N. J. C., & sequentes S. Stephani, Circumcisionis, Epiphaniæ, Resurrectionis, & sequenti Pentecostes, & sequenti Corporis Christi, Ascensionis, S. Joannis Baptistæ, SS. Apostolorum Petri & Pauli, S. Jacobi, & Commemorationis omnium Sanctorum: Præterea quinque dicatis B. Mariæ Virginis, scilicet Purificationis, Annuntiationis, Assumptionis, Nativitatis, & Conceptionis: necnon S. Patroni & Tutelarum cujuslibet loci pro hominibus ejusdem loci dumtaxat, in quibus integra obligatio præcepti maneat, in reliquis diebus festis, sive per Sanctam Sedem præceptis, sive per synodales constitutiones, sive quacumque alia ratione, etiam ex causa voti per majores facti, quod quoad hanc partem etiam auctoritate apostolica per quemcumque illorum commutari vult, audita missa servilibus operibus sine ullo conscientiae scrupulo vacari possit, auctoritate apostolica concedat. Incipit *Venerabiles*. Ex vulgatis exemplaribus.

## D U B I U M.

*An Æthiopes sclavi possint in semi-festis compelli ad operas aliquin debitas.*

§. I.

*Probatur sententia negativa.*

**I**LL. D. Petrus Michael Argandoña Tucumanæ Præsul in Synodo Diocesana anni 1752. nondum in praxim edita constituit, *Que paguen los*  
amos

amos el diario jornal à sus esclavos , quando les hagan trabajar en los mencionados dias *festivos* . Loquitur de festis seu semifestis per Benedictum XIV. hac constitutione paulo ante ibi divulgata reformatis . Et licet eo synodali statuto non declaretur mancipiorum immunitas ab herorum coactione , supponitur tamen ; nam cui merces est solvenda , liber est ad laborem , cum sclavis qua talibus nulla debeatur merces .

Accedit authoritas illius Provinciae Metropolitanæ qui pro tempore erat , qui ex Theologorum consilio resolvit , utique pro sua diœcesi , prohibendos heros à coactione sclavorum & yanaconarum , donec à Sede Apostolica expectata responsio daretur , ut ab uno ex Theologis in consultationem adhibitis accepi . Fama etiam est , Theologos Limæ & in Chile , utriusque Magistratus opera consultos , idem respondisse . Et P. Eugenius Lopez Studii nostri Cordubensis Cancellarius in additione quadam ad M. S. *Explicationem Legum Indicarum* , quam prælo parabat , idem tenet (a) . Neque in recens nata controversia major authoritas desiderari potest .

Resolutionem laudatus Lopez probat , quia Benedicti XIV. novum indultum , ex quo privilegium est , vi caret obligandi quemquam ad laborem . Hæc tamen ratio imbellis est , nisi aliunde fulciatur , nemo quippe contendit aut contendere potest , per laborandi permissionem quemquam obligari directè ad laborandum ; sed quod ea permissione tollitur impedimentum potestatis herilis , ut utatur jure suo in exigendo sclavorum servitio , alias debito .

Firmius fortè probatur : Sclavi non poterant ad servilia cogi ante Benedicti constitutionem in festis , quæ modo festa media sunt . Ergo nec post editam constitutionem cogi possunt . Antecedens nemo negat ex dictis Ord. 58. Adnot. 9. ; supponitur enim Æthiopes in America gaudere privilegiis Indorum . Probatur consequentia ; in constitutione quippe Benedicti nulla sit privilegii præcedentis , aut juris per privilegium acquisiti derogatio , ut constet ex ejus tenore . At derogatione opus erat , nam regula communis est pro interpretatione privilegiorum , posteriora esse restringenda , ita ut prioribus nullum paretur præjudicium , nisi expressè derogentur .

Respondet quidam Recentior in M. S. , sclavos ante constitutionem non potuisse cogi ad laborem , in feria v. g. tertia post pascha , non ex privilegio quod haberent , ne possent cogi ; sed generalis prohibitio laborandi in festis hætenus fuit causa , ut à tali coactione liberi essent . Explicat : Privilegium neöphytis concessum non consistit in eo quod diebus festis obligari non possint ad servilia , sed consistit in exemptione ab obligatione feriandi . Unde sclavi , inquit , nullum jus habent absolutè ne compellantur , sed ex suppositione quod domini obligati sint ad feriandum . Neque ullum extat privilegium , ut servi possint diebus festis in commodum proprium laborare ; sed infertur partim ex communi obligatione

---

(a) *Eng. Lap. in lib. 1. tit. 1. Recop. Ind. 9. 2. dub. 5.*

tionem heros obligante ad non laborandum, partim ex permissione facta neophytis ut laborare possint. Ex eo quippe quod servus possit, dominus non possit servilibus occupari, sequitur quod in commodum servi cessura sint opera, si occupentur. Jam vero, concludit, hoc quale-quale privilegium servo tantum favens dependenter à præcepto dominos obligante, cessavit modò quando ablata est per recens indultum dominorum obligatio.

Sed contra est 1., nam quod Indis, neophytisve (quo utroque nomine comprehendendi servos æthiopes fatetur recentior hic) sit privilegium non tantum ut laborare possint, sed ne in festis laborare cogantur, & ut possint in commodum proprium laborare, constat ex dictis Ord. 58. sive concessum sit à Pontifice, sive à Rege, sive scripto jure, sive consuetudine, quod parum refert.

Quibus adde legem 50. tit. 16. l. 6. Juris Hispano-Indici sic habentem: *Cumplidos los ciento y sesenta dias, los demas de trabajo que quedan sin domingos y fiestas de guardar de la Iglesia, y los que el Indio tiene privilegio de trabajar si quiere, quedan libres paraque el Indio disponga de ellos... como persona libre.* Adde etiam praxim, de qua ante sæculum testatur P. Franciscus Diaztaño S. J. in M. S. *De infideli converso*, ubi ait; *Sed hic restat difficultas, quid dicendum de neophytis christianis, qui solum diem dominicum & alios dies festos determinatos observare tenentur ex privilegio possint-ne à suis dominis cogi, ut in aliis diebus festis exerceant servilia? Respondeo, quod in praxi positum est, ut suis voluntatibus relinquantur... Possunt liberè laborare, sed non cogi à dominis.* Ita declaratum est, & prohibitum in Concilio *Limenfi*.

Contra 2., nam falsum est, facultatem hætenus servorum propriam, referendi videlicet in usus proprios festorum operas, ortum ducere ex eo quod ipsi potuerint, domini non potuerint servilibus occupari. Neque hinc facultas ulla in servorum favorem derivari potest; nam rectè cohæret, servum posse, dominum non posse laborare, cum eo quod labor nihilominus servi cedere debeat in domini, & non in laborantis servi commodum. Fac enim præcipiatur clerico mancipium habenti, ut à servilibus ipse abstineat ob decentiam status etiam in profestis. Non poterit in eo casu herus, poterit mancipium tractare servilia: & labor tamen cedere potest ac debet in heri commodum. Et clericus quidni possit in dato prohibitionis sibi factæ casu mancipium præcepto & pœna compellere ad laborandum? Nam licet servilia exequi servile sit; at mandata dare vel pœnam decernere est opus in primis liberale. Ergo possent pariter ostienses heri servos compellere ad labores in sui commodum vertendos. Ergo quod hoc non potuerint in diebus quibus ipsi laborare nequibant, oritur aliunde, nempe à vero, neque unquam derogato, & modò superstitè servorum privilegio.

Confirmatur, quia quidquid de privilegio sit, certum est per novissimam constitutionem deteriore reddi neophytorum conditionem, qui servituti sunt obnoxii, hoc ipso quod illius causa vel occasione nunc possint compelli ad operas, à quibus hætenus immunes erant. At incredi-

Dddd

bile

bile est, Ecclesiam, cui coram fuit semper neophytorum favor, velle modo ut durioribus constringantur vinculis.

Deinde Benedictus XIV. nihil aliud edita constitutione fecit, quam decretum pro aliis regionibus jam factum ad Indias extendere, ut patet ex facto & ex tenoris identitate. At in constitutione datà pro Hispaniis animus certè non fuit quidquam de neophytis americanis aut angolanis, nedum contra illos innovare.

Tertio: vel nova constitutio alicui juri neophytorum adversatur vel non? Si secundum, eodem modo tractandi sunt post, atque ante constitutionem tractabantur. Si primum; ergo jus per constitutionem inductum contrarium est juri alteri præexistenti. At huic juri non derogat, quando non exprimit, nam quaecumque illud de cætero sit, est jus speciale, quod per generale etiam posterius non derogatur, ut est Regula Juris, & communis doctrina apud Suarez (a).

Denique, quia Indi jure reputantur pupilli & miserabiles personæ, ut probat Ill. Vega, Gregorius Lopez, & alii apud Ill. Villarroel (b), & Montenegro (c). Et declaratum est lege 13. tit. 7. lib. 1. Juris Indiarum, ibi: *Los Indios son personas miserables, y de tan debil natural, que facilmente son molestados y oprimidos*. Et constat insuper, quia tales sine dubio reputantur personæ, quæ egent tutore vel curatore, qualiter videmus in Indis, qui absque suis protectoribus aut procuratoribus à regia potestate creati, vix aliquid agere aut expedire possunt, sive in judicio, sive extra ut notum est, & ratiocinantur authores apud cit. Villarroel. Jam verò talium personarum jura salva sunt contra quamcumque constitutionem, qua expressè non derogatur.

Urgetur id ipsum: Quamvis expressè Pontifex potestatem faceret neophytos ad labores cogendi, adhuc esset præsumendum litteras fuisse impetratas falsa relatione, & esse nullius roboris. Ergo potius est præsumendum nihil innovare contra neophytos, quando nihil exprimunt de intenta ad compellendos facultate. Antecedens patet ex lege 21. tit. 13. lib. 6. Recop. Ind. sic habente: *No trabajen en dias de fiesta en beneficio de los Españoles, aunque tengan bulas de Su Santidad, porque N. S. Padre las havra concedido con siniestra relacion*.

## §. II.

### *Solvuntur Objectiones.*

**O**bjicies 1. Sclavis quæ neophytis ita favet privilegium à Paulo Tertio concessum, vel ita est illud interpretandum, ut incolume sit dominorum jus. Sed possunt hoc ipso sclavi non obstante privilegio compelli ad servilia in festis, in quibus hæc licet ex Benedicti concessione. Ergo... Major est firma, nam Princeps privilegium concedens non censetur

(a) Suar. lib. 3. De Leg. cap. 11. n. 8. (b) Villarr. Gob. Eccl. P. 1. q. 14. art. 1.  
(c) Monten. lib. 2. tr. 1. init.

setur derogare alterius juris quæsito, nisi id exprimat, ut in probationibus dictum est, & est doctrina communis apud Suarez (a). Sed Paulus in Bulla nihil exprimit contra domitorum jus: imò neque sclavos nominat. Ergo...

Probatur itaque Minor prima: Si privilegium paulinum [jus herile non lædit, dominus idem habet jus in sclavos, quod haberet non stante privilegio. Sed non extante privilegio paulino, posset herus in prædictis diebus sclavos cogere ad labores. Prob. min., nam titulo domini jus habet utendi servis ad servilia, eosque obligandi omni die non prohibito; & per Benedicti constitutionem prohibiti esse desierunt dies in quæstione.

Obiectio æquè probat, potuisse ab heris sclavos cogi ante Benedicti constitutionem post Pauli privilegium contra sententiam objicientis, quæ modò supponitur vera. Probo: Si Pauli privilegio non læditur domino jus, id possunt post privilegium quod ante poterant. Sed ante privilegium poterant obligare servos in diebus in quibus servi poterant, quamvis non posset dominus, laborare. Prob. min. Etiam in diebus quibus dominus non potest laborare, jus habet exigendi ut laborent sclavi, si licitè possunt, & nondum habent privilegium ne compellantur; nam jus habet exigendi licita, & in exigendo laborem nihil est illicitum, non ex parte servi, cui permissus est labor, ut patet; non ex parte domini, cui nullo ecclesiæ præcepto prohibetur exigere die festo.

Et alioquin non posset dominus sclavo infideli ad Ecclesiæ præcepta non obligato imponere in festis servile onus quod nemo dixerit. Diana (b) unum citat Antonium Cordubam negantem posse ab hero christiano imponi mauro, sclavo scilicet & infideli servilia onera in festis diebus. Sed Corduba nihil habet simile de verbis aut de sententia ipsi attributis à Diana, in editione saltem qua utor. Et licet infideli mauro non posset servile onus imponi propter ea quæ refert Lacroix (c), dispensatis tamen ab Ecclesia, ut sunt Indi, & qui hoc nomine censentur in præsentia ut Æthiopes, non est cur non posset imponi, ut prosequitur Lacroix eodem loco.

Directè, omisso quod pertinet ad privilegii qualitatem, authorem, sive originem, an sit habitum ex concessione Pauli Tertii, an aliunde, nego maj. objectionis ex doctrina etiam communi apud Suarez laudatum in probationibus, ubi cum statuisset quod *privilegium* inferens præjudicium tertio... restringi debet, quia non est mens Principis auferre alteri jus suum, nisi id expressè *declaret*, subdit: *Recipit hæc conclusio limitationem quam præcedens*. Et præcedentis conclusionis limitatio erat duplex. 1. Intelligendam esse de restrictione, quæ admittat aliquam utilitatem & effectum privilegii, nam privilegium semper sustinendum est ut sit utile. 2. Intelligendam esse cæteris paribus; aliquando enim tam necessarius & tam pius esse potest privilegii favor, ut ampliandus sit etiam augendo deroga-

tio-

(a) Suar. l. 3. De Leg. c. 27. num. 9. (b) Diana, P. V. tr. 14. R. 7.

(c) Lacr. l. 3. P. 1. n. 579.



tionem juris. Subditque exemplum exemptionis clericorum à jurisdictione temporali, & religiosorum ab ordinaria.

Utraque limitatio locum habet in casu nostro. Prima quidem, quia privilegium concedens neophytis, Ne compellantur certis diebus, esset planè inutile, si compelli possent: & libertas ad conducendum proprias operas, sive ad locandum proprios humeros careret effectû, si cogi possent ad laborandum pro dominis. Secunda; quia pius est ut qui maxime neophytorum favor. Etiam facit pro religione: & *summa est ratio quæ pro religione facit*, ut est Juris proloquium in leg. *Sunt persone ff. De religion. & sumpt. fun.*

Dices: Parum pro religione facit, quod sclavi otientur, & otio, ebrietate, ludis ut plurimum non bonis festa celebrent. Respondeo. Parum etiam pro religione facit quod sint clerici abutentes immunitate, & christiani liberi in Sanctorum festis male feriantes. Quid ergo? Damnanda est Ecclesia solemnitates indicens, aut vindicans immunitatem? Propter abusus negandum privilegium canonis & fori? Distinguenda igitur sunt in privilegiis, abusus, finis, & virtus seu valor. Contra abusus declamandum in compitis. Modò tamen attenditur finis, qui religiosus est certè, quandoquidem exemptio neophytorum ad animarum conversionem & manutentionem in fide ordinatur.

Objicies 2.: Si dies aliquis fiat de profesto festus, in eo non possunt sclavi compelli ad laborandum. Ergo à contrario si dies aliquis fiat de festo profestus, quod nova Benedicti constitutione fit, compelli possunt. Prob. conseq.; nam sicut impotentia domini ad obligandum respicit dies quatenus festi sunt; ita potestas obligandi respicit dies quatenus sunt profesti. Ergo sicut nova festi qualitas impotentiam facit, ita nova qualitas profesti dat potestatem.

Confirmatur: Sclavi possunt cogi ad laborandum in diebus qui reformati sunt ab Urbano VIII., ut constat ex praxi & ex iis quæ habet Avendaño (a). Ergo pariter in diebus semifestis, de quibus est quæstio, nam moderatio festorum à Benedicto facta similis est factæ ab Urbano quoad præceptum negativum.

Resp. concess. antec. nego conseq., nam festi qualitas est requisitum se solo sufficiens ad impotentiam; qualitas profesti est se sola insuficiens ad potestatem inducendam. Et in quacumque materia plura sunt requisita ad potestatem complendam, quam ad impotentiam: hæc enim malum quoddam est ex quocumque defectu resultans, sive ex parte materiæ, sive ex parte principii se habente. Ex. gr.: Ex quo ignis applicatus non fit, est impotens comburere, quamvis nec desit materia combustibilis, nec principium operationis, existentia tamen applicationis non facit potestatem, si virtus desit, vel materia combustibilis.

In casu nostro ad potestatem obligandi seu compellendi sclavos requiritur ablatio impedimenti, quod est privilegium. Unde neganda est consequentia probationis; nam qualitas festi facit impotentiam adæquatè

(a) Avend. tit. 22. Tbesaur. n. 472a.

tè adæquatione sufficientiæ; qualitas verò profecti facit potestatem tantum inadæquatè, & insufficienter quandiu reliqua ad potestatem requisita desiderantur. Et patebit hoc evidenter, si proveniat impotentia, non à mutatione diei, vel in diem inducta, sed à mutatione materiæ. Si opus servile fiat de licito illicitum, nequit à domino sclavis demandari. Ergo si fiat de illicito licitum, poterit? Poterit quidem, quando reliqua non desint. Idem est, si impotentia proveniat à præcepto confessarii, qui ad compensandam injuriam sclavo factam domino injungat, ut certo illum die laborare sinat in proprium commodum.

Ad confirm. dist. ant.: possunt jure præscriptionis, conc.; jure servitutis præcisè, nego. Data est Urbani constitutio anno 1642.; ex quo tempore plus satis elapsum est ad præscribendum jus contra privilegium in diebus ab Urbano reformatis, quibus praxis inolevit cogendi sclavos. Unde non licet extensio ad dies per Benedictum permittos, in quibus praxis non sit uniformis ad præscribendum est. Quodsi tunc misera sclavorum conditio advocato caruit, condonandum id fuit quando tanta non erat Indorum Protectoris autoritas deinceps Regis Catholici pietate in Indicorum Magistratuum numerum relati, de quo vide Ill. Villarroel (a). Jam verò præscriptionis jus nondum favet heris in casu nostro, & ne faveat in posterum, cura sit aliorum.

De P. Avendaño inquit Recentior laudatus in M. S., quod suæ sententiæ favet loco citato, ubi docet, quod possunt domini absque gravi culpa servos suos neophytos obligare ad laborandum in festis, quorum observantia ablata est per Urbanum. Sed hujus scriptoris autoritas in rebus indicis ex raritate pretiosa, pro sententia contraria unica, non erat sic enuntianda. Verba illius sunt: *Si neophyti ea ( festa ) servare velint, eritne speciale peccatum eos ad laborandum compellere?* Ad quod videtur dicendum, in eo grave non esse peccatum... Quamvis verò oppositum non inverosimiliter comprobari posset, à probationibus abstinere, quia nullus est futurus, qui in praxi hujusmodi sententiam complectatur. Ubi

Nota 1., non illud absolute docere, neque dicere, posse dominos absque gravi culpa servos compellere; sed quod videtur dicendum. Hæc autem phrasis vel formula *Videtur dicendum* non significat, authorem esse ejus sententiæ, ut traditur in *Voto Platonis* (b), & suadetur lege 2. *De Pactis*, & lege *Si chirographum*; & 1. *Qui testamentum ff. De Probat.* In *Voto* dicitur: *Quoties* authores mentem suam exprimunt per verbum *videtur*, nihil enuntiant assertivè, sed dubitativè, aut examinativè tantum proponitur.

Nota 2., Avendañum supponere, servorum compulsionem esse saltem peccatum veniale: unde sequitur lædi aliquatenus neophytorum jus, alioquin nullum esset peccatum servum à domino ad servilia cogi. Ratio verò cur in medio relinquat peccati quantitatem, videtur esse, quia ser-

(a) Villarr. Gov. Eccl. P. 2. q. 14. a. 3. n. 28. (b) *Vot. Plat. Prælod. 1. cum Cano lib. 3. De Loc. cap. 3.*

sermo illi erat de compulsionem quadam forti suavi: & ex harum qualitatum alterno excessu pendere potest, quod peccatum grave aut leve sit. Nota 3., à sententiæ negativæ probatione abstinuisse ea ratione qua prudens confessarius aliquando veritatem celat pœnitenti non obedituro. Unde minimus favor in sententiam affirmativam refilit.

De extero legendus omnino est author (a), qui ubique de Indorum privilegio *Ne compellantur*, nunc primum negato, tanquam de re indubitata loquitur. *Si non solum*, inquit, suaviter, sed fortiter, Indi & alii ad laborem compellantur, ita ut nequeant nisi cum probabili detrimento resistere, labor illis invitatus accidit, nec licet illis suo privilegio uti: quod sine gravi compellentium peccato stare *nequit*. Rursus ait: *Et hæc* quidem non solum de Indis intelligenda, sed etiam de Æthiopibus licet mancipia sint, non possunt enim ad laborem compelli, cum eisdem quibus Indi privilegiis fruantur. Et in illis quidem videtur esse major ratio, eo quod majus dispendium... subeant quam *Indi*, &c. Sic favet Avendaño sententiæ contrariæ.

Quod in hoc loco supponit hic author, & omnes in præsentiarum supponunt de Indorum privilegiis per Æthiopes in America participatis, dubitatum est olim. P. Mutius Viteleschi Præpositus Generalis Societatis Jesu à Congregatione Provinciali Paraquariæ III. anno 1620. celebrata rogatus, ut indicorum privilegiorum in favorem Æthiopum, si opus esset, impetraret à Summo Pontifice communicationem, respondit: *Jure suo* possunt Æthiopes omnibus Indiarum privilegiis uti cum Æthiopia in Indiis orientalibus comprehendatur, & illi in Indiis occidentalibus versentur, quæ privilegiis eisdem *gaudent*. Ratio valida & resolutio firma, dum agatur de privilegiis Indiarum utrique occidentali, & orientali communibus. At privilegium circa festa, de quo in præsentia, sicut alia circa jejunia, & sacramenta, concessa sunt Indis occidentalibus & meridionalibus, ut videre est in Const. Pauli Tertii supra Ord. 58. Et expressum est in resolutione S. Congregationis de qua supra Ord. 306. Nihilominus privilegia verbo contracta ad Indos occidentales & meridionales, extendi possunt consuetudine: & quod concessa circa jejunia & festa suffragentur æthiopibus saltem americanis, suadet communis ibi intelligentia.

Obicies 3.: hætenus potuerunt domini servos obligare ad servilia quoties erat causa dominos excusans a præcepto. Sic enim tempore messis urgente necessitate nemo conscientie duxit obligare servos ad laborem in festis, quin servi possent opponere privilegium. Ergo in posterum poterunt obligari in mediis festis, in quibus domini etiam excusantur a præcepto. Et ratio utriusque est, quia solum ecclesiæ præceptum seu prohibitio est impedimentum hero ne ipse possit præcipere servilia: quod impedimentum si demas, potestatem fecisti. Confirmatur; quia dominus potest domini continere servos ad opera non prohibita, ut parare cibos, exeuntem herum comitari, custodire pecora, & similia.

Resp.

(a) Avend. loc. cit. præsertim numer. 422. & 423.

Resp., supposito quod ignoro, hæcenus fuisse praxim non solum adhibendi, sed obligandi servos ad laborandum in festis instante necessitate, & quod rationabiliter tunc obligentur ad serviendum sine stipendio vel laboris compensatione, nego hoc fieri jure servitutis præcisè. Fiet ergo eo quod privilegio in hac parte per adversam consuetudinem derogatum sit, sicut dictum est supra de festis per Urbanum VIII. reformatis. Quodsi nulla sit præscripta consuetudo, & ad rei publicæ bonum vel vitandum malum interfit in festo laborare, debent sclavi tanquam mercenarii conducì, & tunc solum compelli, quando & quo modo liberi homines possunt & quandoque obligantur; vel eo modo quo obligari possunt, non solum in semifestis de quibus solis est quæstio, sed in quovis solemnissimo etiam, in quo neque objiciens, neque alius somniaverit, citra necessitatem obligari posse. Hoc verò non ideo fit, quia dominus ingruente necessitate excusatus est à præcepto feriandi, seu à prohibitione per se laborandi, nam potestas serviliter laborandi nihil habet commune cum potestate præcipiendi, nisi quis velit munus præcepta & leges ferentis esse servile. Fiet ergo vel necessitate, vel consuetudine, vel dispensatione.

Quodsi nec necessitas vera sit, nec privilegio contraria consuetudine derogatum, utique posset allegari jus pro sclavis. *Sed hæc est illorum miseranda conditio, cui usus magis, quam ratio, justitia & pietas suffragatur*, ut inquit laudatus Avendaño. = Ad confirm. idem dicito, si verum est quod possunt compelli ad opera ibi enuntiata, id nempe licere, vel consuetudinis jure, vel eo titulo, quicumque sit, quo id sit licitum in primo die paschatis v. g., in quo certe nihil licet post Benedicte constitutionem, quod antea non liceret. Nunc verò solum disputatur de titulo in hac constitutione fundato, vel ad eam consequente.

Objicies faciliora quædam. 4. Quod privilegium laborandi facultatem præbens tantum Hispanis esset inutile, quia hi non laborant. 5. Privilegium non compellendi Indos, quatenus lege indicæ in probationibus citata continetur, loquitur de Indis Chilensibus. Ergo non prodest aliis, quia privilegia non licet extendere à persona in personam, etiam ex identitate rationis. 6. Privilegium est exemptio à lege alios obligante. Sed in præsentì nulla est lex alios obligans, v. g. ad feriandum in festo S. Annæ, vel quovis alio de semifestis. Ergo nec est privilegium eximens. 7. Quod per novam constitutionem dies v. g. S. Annæ, se habet sicut quilibet alius profestus quoad laborem. 8. Privilegio derogatur per constitutionem contrariam. Sed nova constitutio test. intentio privilegio contraria. Ergo... 9. Potest per privilegium onus aliquod induci respectu privilegiati, ut patet in eo qui privilegium habet oratorii privati, qui ex privilegio missam audire tenetur tempore interdicti. Ergo idem in præsentì dicendum, nempe quod laborare potens laborare tenetur, si sub dominio præcipientis sit.

10. Verba allegata ex Concilio Limensi non significant obligationem, sed consilium. Ergo illis non obstantibus possunt sclavi compelli. Tandem objicies legem 17. tit. 1. lib. 1. Recop. Ind. *Mandamos*, que los domin-

domingos y fiestas de guardar no trabajen los Indios, ni los Negros, ni los Mulatos: y que se dê orden que oigan todos missa, y guarden las fiestas que estuvieren señaladas por de precepto para los Indios, Negros, y *Mulatos*. Ergo lex de non occupandis hominibus id genus intelligenda solum de festis, quæ respectu illorum sunt de præcepto.

Ad 4. Object. resp., privilegium recens concessum Hispanis non esse inutile, quia multi laborare habent opus, & licet malè feriat vitio suo non laborent, laborare possunt, quod antea non poterant. Tum etiam quia possunt ad proprias operas sclavos conducere tanquam liberos soluta mercede: quod non esse inutile conducentibus constat.

Ad 5. resp. 1., neque legem, neque legis argumentum seu rubricam loqui præcisè de Chilenibus, licet sub hoc titulo methodi causa, vel quia à Chilenibus facta est legem ferendi occasio, collocetur. 2. In lege illa non primo conceditur privilegium, sed privilegium conceditur, quod ex praxi vel ex synodis noscitur esse commune, de quo præter dicta videatur Avendaño (a). Regiæ Schematæ hoc ipso quod Indicæ Recopilationi insertæ sint, ex rescriptis fiunt leges in casu simili obligantes, ut fit in Jure Canonico. Imò priusquam essent recopilatæ, id affirmarunt plures apud Villarroel (b) cum Cordubensi nostro Juris Indici consultissimo Pinelo, qui in Tractatu *De Regiis Confirmationibus* loquens de quadam decisione pro determinata provincia facta ait: *Decision*, que aunque fue para Yucatan, como la razon es general, se estiende à todas las *Indias*.

Ad 6.: privilegium, de quo in præsentì, non est præcisè exemptio à lege feriendi in festis, sed exemptio à jure compellendi sclavos per illa verba significata, *Non compellantur, Les ha de ser libre alquilarse, o no, à quien, y como quisieren*. Hoc privilegium, ut patet, non est exemptio à jure ecclesiastico, sed à jure gentium quo sclavi compelli possunt ad serviendum: cui juri manent obnoxii quotquot simili privilegio carentes veri sclavi sunt, ut aliquis Turca vel Saracenus. Hujusmodi exemptioni nihil per Benedicti constitutionem derogatur. Unde ad object. in forma, concess. maj. dist. min: Non est in dictis diebus lex feriendi, alios obligans concedo. Non est lex sive jus compellendi, alios obligans, sive aliis imminens, nego; nam sclavi alii, ut Turca compelli possunt. Nec dicas, Principem nullum posse derogare juri gentium. Hoc enim est tantum verum quoad alienos subditos, falsum quantum ad proprios.

Ad 7. dist. propos.: se habet sicut quilibet dies profestus, quantum ad potestatem laborandi, concedo; quoad potestatem compellendi, nego. = Ex quo patet ad 8.; nam modo exposito privilegio constitutio Benedicti non est contraria, & quamvis esset contraria materialiter, adhuc esset expressa derogatione opus. = Ad 9. Potest utique indirectè onus per privilegium induci quatenus privilegio tollitur impedimentum obligatio-

(a) *Avend. l. 12. n. 129.* (b) *Villarr. P. 2. q. 14. n. 87. Frasso, c. 8. n. 21. Avend. tit. 1. n. 112. Salgado, 1. P. De Reg. Priv. cap. 1. n. 196. P. Eugen. Lopez in MS. Pinel. P. 1. c. 10. n. 50.*

tionis; in præfenti verò obligatio feriendi quæ sola tollitur nova Benedi-  
cti constitutione, non est impedimentum potestatis sclavorum compulsi-  
væ; sed hæc erat & est impedita per dictam præcedentem exemptionem,  
qua sclavi compelli nequeunt certis diebus.

Ad 10. Quamvis verba *Non compellantur* indifferentia sint ad signi-  
ficandum obligationem & consilium; sed ad significandam obligationem  
determinantur, tum ex cit. lege indica, ubi exprimitur quod Indis *debet*  
esse liberum laborare; tum ex praxi, nam illa verba referuntur ad festa,  
quæ tempore Concilii Limenfis erant Hispanis tantum observanda, in qui-  
bus communis intelligentia fuit ante præfentis quæstionis ortum, ex obli-  
gatione non esse compellendos servos ad laborem; tum ex matura privi-  
legii, cujus est privilegiatum deobligare, & obligare reliquos ne usum im-  
pediant, vel prohibeant.

Ad ult. Legi apposita restrictio cadit supra primam partem de ob-  
servandis festis, non supra secundam de Indis non occupandis. Ratio est  
clara, nam alioquin potuissent etiam occupari ante constitutionem in fe-  
stis Hispanorum, & modò in feria secunda post pascha: quod omnes re-  
putant falsum & absurdum. Licet autem restrictio legis non distinguat,  
ratione absurdi quod sequeretur, referenda est ad unam præ alia partem,  
ut est doctrina communis Theologorum, & Juristarum in tractatu *De*  
*Legibus*.

## ORDINATIO DXCVL

Anno 1751. 8. Nov.

**E**Xposito pro parte Regis Catholici, apostolica providentia opus esse  
in Indiis occidentalibus super hoc quod parochiæ, doctrinæ, aliaque  
officia ad animarum curam pertinentia per regulares duntaxat (1) obti-  
nentur & administrantur in vim litterarum *Exponi Nobis* à Pio V. edita-  
rum 24. Mart. 1567., quibus aliorum Pontificum confirmationes accesser-  
unt: ex quo fit ut clerus sæcularis ab his muniis exclusus remaneat,  
qua de re Indiarum Episcopi conquesti fuerunt: idcirco ipse judicaret ex-  
pediens concedere, ut dictas parochias etiam sæcularibus conferre possent;  
Benedictus gavisus est rem esse talem ut posset Regi complacere. Suppo-  
nensque monachos & regulares (11) antiqua disciplina *C. Quod Dei, de*  
*Stat. Monach.* regiminis parochialis esse capaces, ex nova non nisi apo-  
stolica dispensatione, quæ non nisi instante Episcopo concedi solet, ab  
Episcopo non sollicitanda, nisi necessitas aut utilitas id suadeat. A qua  
norma discessisse non est putandus Pius V., dum regulares ad parochias  
habiles fecit propter presbyterorum defectum. = Postquam retulit in-  
stantiam Archiepiscopi Mexicani, ut sibi liberum esset parochias conferre  
sæcularibus, in Sacra Congregatione Concilii discussam 4. Jul. & 8.  
Aug. 1722., concedit ut locorum Ordinarii non obstantibus Pii litteris  
( quibus, quatenus opus sit, derogat ) sæculares clericos idoneos ad pa-  
rochias, doctrinas, & alia officia ad animarum curam pertinentia assu-  
mere valeant. = Declarat, regulares animarum curam gerentes in con-

Eccc

cer-

cernentibus regularem observantiam non esse Episcopis subiectos, in spectantibus ad exercitium curæ animarum, vel etiam ad eorum vitam & mores; etiam Episcopis aliisque locorum ordinariis subiectos esse, ideoque ab eis & ab eorum visitatoribus æquè ac à suis regularibus superioribus in his omnibus corrigi posse, siquidem impossibile non est, ut alicujus vitæ ratio talis esse dignoscatur, quæ cum animarum regimine minimè conveniat, & parochianis scandalo sit. = Hoc idem in Const. *Firmandis*. 12. Kal. Dec. 1744. declaraverat, quæ cum ad Indias se extendat, ibi etiam observanda est. Idemque decernit de duabus regulis ibi constitutis, quarum una est, quod in quibus parochi regulares Episcopis & suis prælatis cumulativè subsumunt, si aliter ab uno quam ab alio judicetur, præferendum est Episcopi judicium. Altera, quod cum regulares non nisi cum amobilitatis qualitate curam animarum exercere valeant, tam Episcopus quam regularis prælatus, cum expedire judicaverint, regularem parochum remove valent, ita ut neque regularis superior (III) compelli possit remotionis causas Episcopo significare, neque Episcopus regulari prælato. Quoniam verò alicubi fieri potest, maximè in novis reductionibus ut regulares parochos mutare non expediat, etiam cum sæculares non desunt, Ordinarios admonet ut in ejusmodi circumstantiis, & ubicumque res optimè constitutas invenerint, ab innovationibus abstineant, & jure suo ita utantur, ut requirit æquitas & animarum utilitas, super quo illorum conscientia oneratur. = Denique statuit, nequis unquam, aut ullibi ad curam animarum exercendam assumi possit (IV) sine prævio examine & approbatione Ordinarii localis, prout aliàs decreverat tam in citatis litteris, quam in aliis datis 5. Kal. Martias 1745., quarum initium est *Quamvis ad confirmandum*, quæ tam ad occidentales quam ad orientales Indias se protendunt. Non obstantibus quibuscumque. Extat tom. 18. Bullar. Luxemburg. C. 53. Incipit *Cum nuper*.

### ADNOTATIONES.

(1) *Regulares dumtaxat*. Hæc non sic intellige quasi in Indiis occidentalibus regulares soli parochias, doctrinas, aliaque munia ad animarum curam pertinentia obtineant & administrent cum omnimoda exclusionem cleri sæcularis. Nulla, credo, diœcesis est in qua parochi sæculares non sint complures complurium parochiarum soli rectores. Et in Tucumania quidem tempore datæ præsentis constitutionis præter paucas Indorum novas reductiones, omnes per latissimam diœcesim parochiæ erant penes sæculares clericos, ut fidem facit Ill. Argandoña in epistola ad Sanctissimum, de qua Ord. seq. In Bonaerensi vicina omnes pariter vel ferè præter Guaranicas.

Sed prædicta verba, utique secundum exponentis & constitutionis mentem sic intellige, ut cum multæ sint parochiæ & doctrinæ sæcularibus clericis, multæ etiam sint regularibus & à solis illis respectivè administratæ. Ex instantia certè Archiepiscopi Mexicani anno 1722. discussa in Sacra Congregatione, & in hac constitutione citata, patet fuisse in

ca

ea diœcesi centum-quadraginta-novem parochias regularium, ex quibus vult sexaginta ad clericos sæculares translatas. Præter has autem & suas habent clærici sæculares proprias.

(II) *Monachos & regulares*. Quamvis regulares omnes vel ferè omnes, præsertim in ditione americana Regis Catholici, mendicantes & non monachi strictè sumpti sint, seu monasticæ vitæ professores, satis sit ad obediendum, quod a Summo Pontifice ad effectum de quo agitur, pro uno eodemque habeatur monachus & regularis qui monachus non sit. De cætero alia est ratio de monachis ac de mendicantibus, sicut & de canonicis regularibus, ut ponderat Solorzanus (a) dum ait: *Lo tercero se puede considerar en favor de los religiosos, que los textos que les proibien vaguear fuera de los conventos, aunque sea para cuidar de almas, se han de entender de los monges, que por su instituto professan estrecha clausura, pero no de los mendicantes, y otros que no la professan, ni se hallan prohibidos de la cura y conversion de las almas; antes por derecho comun y por sus particulares privilegios les esta mui encomendada, y para esso se hicieron y fundaron, como lo enseña Santo Thomas (b), y en nuestros terminos el P. Acosta añadiendo, que no son vistos apartarse de su instituto quando se ocupan en estos cargos, y que aunque no tuvieran doctrinas proprias, debian y deben conforme à el ajudar à los que las tuviessen, y à los Obispos en las confesiones y predicaciones, y otras misiones espirituales en quanto pudieffen.*

Discrimen inter monachos & canonicos regulares exhibet Cap. *Quod Dei, De Stat. Monachor.*, cujus argumentum est: *Canonicus regularis potest præfici ecclesiæ parochiali etiam sæculari, sed debet habere tecum socium sui ordinis si commodè potest. Et in textu dicitur: Licet in Lateranensi Concilio de monachis caveatur, ne singuli per villas & oppida per quasque parochiales ponantur ecclesias... Quia tamen istud de canonicis regularibus specialiter non cavetur... & per antiquos canones etiam monachi possunt ad ecclesiarum parochialium regimen ordinari... sic annuendum duximus postularis, ut exercens plebani officium, si commodè fieri poterit, unum canonicum regularem tecum habeas ad cautelam, cujus in iis quæ Dei sunt, & regularis observantiæ, tam confortio quam solatio perfruaris.*

Ubi nota, per citatum hîc Concilium Lateranense (scilicet Tertium anno 1179. celebratum cap. x., quod habetur cap. 2. *De Stat. Monach.*) non interdici monachis agere parochos, sed ne singuli ponantur. *Utrum monachi* (verba sunt Glossæ in Cap. *Quod Dei* cit.) de jure communi, vel ex dispensatione possint ad regimen animarum assumi, dubitari consuevit. Dicunt quidam quod hodie possunt de jure communi, olim tamen ex dispensatione... Alii dicunt, quod nec hodie possunt nisi ex dispensatione, cum Lateranense Concilium hoc prohibeat... Satis potest dici, quod olim monachi non poterant præfici ecclesiis, nisi ex necessitate;

(a) Solorz. lib. 4. Pol. cap. 16. (b) D. Thom. 1. 2. q. 187. art. 1., & q. 188. a. 4.



tate; hodie possunt etiam utilitate suadente. Sed regulares, ut dicit hic, licite possunt eligi ad regimen ecclesiarum utilitatis causa & de jure communi. Sed in hoc est differentia inter monachos & canonicos regulares, quod monachus tenetur socios habere secum sui ordinis, sed regulares ad hoc non tenentur nisi commodè possint. Hæc de vetere disciplina.

De moderna, post multam discussionem in causa canonicorum regularium habitam sub Pio V. & Gregorio XIII., noluit hic Pontifex licere regularibus, etiam de licentia sui Generalis, absque permissu Summi Pontificis, assumere curam etiam ad tempus, multoque minus beneficium curatum in titulum. Unde, inquit Fagnanus (a) *infertur* ut multo minus assumi possint ad curam animarum personarum sæcularium regulares aliorum ordinum, nam in canonicis regularibus ex multorum sententia speciale erat, ut possent præfici parochialibus sæcularibus, quæ (quæ) regulæ intersunt laxiori, & propterea non comprehendebantur in prohibitione Concilii Lateranensis. Quare si canonicis regularibus non licet amplius obtinere parochiales in titulum vel ad tempus propter decretum Gregorii XIII., longe minus licebit regularibus aliis strictorum ordinum. Hinc cum fuerit quæsitum, an regularis possit præfici curæ animarum ab Episcopo absque dispensatione apostolica, Sacra Congregatio Concilii censuit non posse, nisi accedente dispensatione, quæ non est concedenda nisi instante Episcopo pro necessitate vel utilitate Ecclesiæ. Et alias consultata, an Ecclesiæ parochiali ex necessitate, nempe ob penuriam sacerdotum, regularis perpetuò possit præfici, respondit permitti posse, ita ut deducto victu quod reliquum fuerit reddituum, in utilitatem ecclesiæ & pauperum convertatur. Ob id autem necessariam esse hodie dispensationem contra opinionem antiquorum doctorum, quod ita de stilo servari consuevit. Quod si magis placuerit Sanctissimo, posse quod petitur, ad tempus concedi, quoad scilicet Episcopus providerit de clerico sæculari; nihil tamen concedendum nisi instante Episcopo pro necessitate vel utilitate Ecclesiæ. Hæc Fagnanus ex parte transcriptus à Benedicto in præsentè Ordinatione.

Porro beneficia sine dispensatione conferri non posse regulari, intellige de beneficiis sæcularibus, vel quæ regularia esse non constat; quod enim beneficium regulare esse non constat, sæculare præsumitur. Beneficia pariter regularia, quæ vel ex institutione, vel ex quadraginta annorum possessione pacifica talia sunt, nequeunt sæcularibus sine dispensatione conferri. Unde est canonicum adagium: *Sæcularia sæcularibus, regularia regularibus.*

Quid quid de mendicantibus aliis sit & regularibus, quod attinet ad extinctam Societatem Jesu, certum est minus fuisse conveniens illius instituto curam agere animarum ex officio parochi, quamvis haberet pro fine principali in salutem & perfectionem proximorum incumbere, & ex charitate & obedientia juvare in hoc negotio pastores animarum: & sola necessitate factum esse ut parochias doctrinae susciperet regendas.

De

(a) Fagn. in Cap. Quod Dei, De St. Mon. lib. 3. Decretal. pag. 444. num. 17.

De P. Hieronymo Portillo, qui primus Societatem in Peruvium in-  
vexit, memoria proditum est (a): *Habuerat* in mandatis a Præposito  
Generali (S. Francisco de Borgia) Portillus, ne procurandas animas  
curionum more assumeret, quod ea, quamquam sancta occupatio, alie-  
na esset ab instituto Societatis. Sed cum Prorex, unaque Antistes, hanc  
procuracionem deferrent, ut sine gravi offensione sinistraque fama nul-  
lum pateret effugium, subeundum in breve tempus *putavit*.

Constitutiones habent (b): *In collegiis* Societatis nec curæ anima-  
rum, neque obligationes ad missas celebrandas, neque aliæ hujusmodi  
admittantur, quæ a studiis distrahere admodum, & ea quæ in illis ad  
divinum obsequium quærentur, impedire solent: quemadmodum neque in  
domibus aliis vel ecclesiis Societatis professæ, quæ quoad ejus fieri potest,  
expedita ad Sedis Apostolicæ missiones obeundas, aliaque opera ad Dei  
obsequium & animarum auxilium esse *debet*. Et alibi (c): *Cum* homines  
hujus Societatis semper parati esse debeant ad discurrendum per quas-  
vis mundi partes, quo fuerint à Summo Pontifice vel à suis superioribus  
missi, non debent curam animarum, neque item mulierum religiosarum,  
vel aliarum quarumcumque suscipere, ut ordinariè illarum confessiones  
audiant vel ipsas regant; quamvis nihil repugnet semel unius monasterii  
confessiones ob speciales causas *audire*.

Et quia Collegium Conimbricense possederat monasteria quædam  
cum ecclesiis parochialibus annexis, quæsitum est in Congregatione Ge-  
nerali Prima (d), an esset dispensandum in Constitutionibus, quæ op-  
positum videntur statuere, vel quidnam faciendum esset, & placuit, *omnem*  
*adhiberi* diligentiam, ut quam primum & quam optimo modo fieri pos-  
set, liberaretur ab animarum cura prædictum *collegium*.

Hæc autem non ideo decreta fuisse videntur, quod cura parochialis  
repugnaret statui regularium, nam de jure antiquo jam dictum est, de  
novo per Gregorium XIII. nondum erat inductum, & jure Concili Tri-  
dentini, quod eo tempore nondum erat confirmatum, solum præscribitur  
(e), ut ab uno Ordine ad alium translatus, etiam si canonicorum regu-  
larium fuerit, ad beneficia sæcularia etiam curata omnino incapax *exi-*  
*stat*: utque (f) in beneficiis curatis, quæ monasteriis unita sunt, Vica-  
rius ab Ordinario constituatur.

Sed neque Instituto Societatis ita erat repugnans parochialis cura,  
ut non posset à Præposito Generali dispensari. Constat hoc ex decreto  
139. Congregationis Generalis I. ibi: *An sit* exterminandus è Societate  
mos ille admittendi beneficia curata vel simplicia, quæ nostris ad tempus  
conferuntur. Commissum etiam fuit Præposito, qui statuit, ut non ad-  
mitterentur beneficia sine licentia Præpositi Generalis, quem informare  
oportebit de scandalo, si quod fuerit, vel timebatur, & de tota re ut  
videat an dispensari *oporteat*.

Et.

(a) *Hist. Soc. P. 3. l. 6. num. 275.* (b) *Const. Soc. P. 4. cap. 2. §. 4.*

(c) *P. 6. Const. cap. 3. §. 5.* (d) *G. I. Decr. 124.* (e) *Trid. sess. 14. cap. 22.*

(f) *Sess. 7. cap. 7.*

Et hinc patet quid dicendum de Indorum doctrinis, quæ licet secularibus in titulum perpetuum conferantur, regularibus tamen semper conferuntur cum amobilitatis nota & clausula in litteris præsentationis inserta. De Paraguariensibus informatus P. Mutius Viteleschi Præpositus Societatis, litteris ad eam provinciam 17. Jun. 1619. datis: *Lo de ser curas los nuestros entre Indios debese entender donde no hai ministros que les acudan, y en haviendolos eximante de semejante cuidado, ajudando à los curas externos como la Compañia suele en todas partes, no por obligacion, sino ex charitate. Vide supra Ord. 37. & 111.*

(III) *Remotionis causas.* Extat de hoc argumento regia schedula data 21. Dec. 1678., quædam etiam alia continens ad materiam præsentis Ordinationis pertinentia, cujus sunt verba in Synodalibus Arequipæ anni 1684. relata (a), ut sequitur: = El Rei. = *Por quanto* por parte de las religiones de Santo Domingo, S. Augustin, Nuestra Señora de la Merced, y la Compañia de Jesus de las Provincias de Nueva España, se presentó en el mi Consejo de las Indias el año de 1637. un memorial, pidiendo declaracion de diferentes puntos tocante à la administracion de las doctrinas, que estan à su cargo, y el capítulo 4., que es de los *interis*, es del tenor siguiente = Iten, que en el interin que se hace la proposicion al Virrei, pueda el prelado poner religioso, que sirva por quatro meses conforme à lo dispuesto por el Real Patronato, ò por el tiempo que V. M. fuere servido, pues lo contrario sería dejar à los Indios sin ministro = A que se decretó por el dicho mi Consejo lo que se sigue: No parece necesario prevenir este caso, pues en estos beneficios regulares no se ponen edictos, ni hai oposiciones, y las religiones tienen tantos fugetos, que con la misma facilidad pueden nombrar propietarios que interinarios. Y el memorial referido con los decretos à el proveidos se remitió al Marques de Cadereita siendo Virrei de la Nueva España con cedula de 11. de Agosto 1637., paraque lo hiciesse cumplir y executar en la forma que en los dichos decretos se contenia. = Y despues por otra cedula de 30. de Julio de 1653. se mandó, que los doctrineros regulares una vez presentados y examinados no se remuevan sin causa aprobada por el Virrei, presentando otro que el elija, y los examine y apruebe el Ordinario, para evitar los inconvenientes que resultaban de estas mudanzas. Y estando dada esta disposicion me represento el Arzobispo de Mexico en carta de 26. de Henero de 1670., que el Virrei de aquellas provincias havia presentado doce religiosos de S. Augustin para doce doctrinas, de que havian sido removidos otros del mismo orden: y del reparo que havia en darles la colacion y canonica institucion, por no haver precedido darle el Provincial las causas que havia tenido para estas remociones, fundandose en una cedula de 15. de Julio de 1574., en que se mandaba que los Provinciales todas las veces que huviesen de proponer algun religioso para doctrinas ò administracion de

(a) *Synod. de Areq. lib. 2. tit. 3. cap. 30.*

de sacramentos, ò remover al que estuviere proveido, diessen de ello noticia al Virrei, Presidente, Audiencia, ò Governador, que tuviesen la superior governacion de la provincia, y al Prelado, y no removiesen al que estuviere proveido hasta que huviesen puesto otro en su lugar, guardando el orden referido. Y con vista de ello se advirtio al dicho Arzobispo en cedula de Julio del mismo año 670., que la noticia que (conforme à la que va citada de 1. de Junio de 1574.) debian dar los Provinciales, que hacian la remocion de los religiosos, se havia de entender solo del hecho de haverlos removido, pero no de las causas que havin tenido para hacer la remocion, porque de estas solamente debian darla al Virrei conforme à lo dispuesto en la cedula referida de 30. de Julio del 1653. = Y ultimamente el Conde de Lemus, siendo mi Virrei en las provincias del Perú, diocuenta en carta de 30. de Diciembre de 1671., de que la Religión de Santo Domingo se havia quejado de que el Presidente de Quito no permitia, que los prelados nombrassen missioneros en interin por quatro meses, y se escusaba de dar presentacion à los que proponian, sino daban las causas, que tenian para remover à los que estaban sirviendo, para que mandasse lo que fuese de mi servicio. Y con esta ocasion se acordó por los de mi Consejo de las Indias en 7. de Agosto de 1673., que en quanto à uno y otro punto se observasse lo que estaba dispuesto en la cedula de 30. de Julio de 1653., y lo que se ordenaba para las provincias de la Nueva España en cedula de 4. de Julio de 1670. que queda citada, y que se respondiesse al Virrei, que el Presidente de la Audiencia de Quito executó lo que debía, y estaba dispuesto en uno y otro punto, y que assi lo debía el executar indispensable y puntualmente: teniendo entendido que este reconocimiento de las causas que havia de tener en la cuenta que le diessen los prelados regulares, no havia de ser judicial, sino economico y gubernativo, que no inducia jurisdiccion con personas religiosas, nicaras. Y que assi mismo se le dijesse, que segun el Concilio Tridentino recaía la jurisdiccion y derecho de nombrar parrocos aun en las vacantes de curas regulares en los Obispos. Y ahora el Obispo de la Iglesia Cathedral del Cuzco en un capitulo de carta de 11. de Marzo de 1676. en que trata de las doctrinas, que estan à cargo de los regulares, refiere que en vacando la doctrina por muerte ò resignacion que hacen al Provincial de aquella Religion, à quien toca el curato, pone un substituto hasta que se provea en propiedad, y administre los sacramentos como el propietario sin aprobacion ni colacion del Obispo. Y aunque lo havia representado varias veces, assi al Acuerdo de mi Audiencia de la Ciudad de los Reies, como à los religiosos no se havia puesto remedio, siguiendose tan grave daño de que se ponga en question, si los matrimonios que hacen son validos ò no. = Y haviendose todo visto en mi Consejo de las Indias, con lo que mi Fiscal dijo y pidio en el, he tenido por bien ordenar y mandar (como por la presente ordeno y mando), que se guarde y observe generalmente la providencia que esta dada por el decreto proveido por el dicho mi Consejo el año de 1637., y cedula despachada para su cum-

cumplimiento en 8. de Agosto del mismo año, en quanto à que los Provinciales y Superiores no puedan nombrar interinos por quatro meses para las doctrinas. Y asimismo lo dispuesto por la cedula de 30. de Julio de 1653. à cerca de que en el caso de remover los doctrineros, ò hacer estos dejacion de las doctrinas, al mismo tiempo que el Provincial ò Superior lo avise al Virrei, Presidente, ò Governador embie proposiciones de tres sugetos, y que en el entretanto que se despacha titulo à los nuevamente propuestos, sirva y exerza la doctrina el que se trata de remover. Y mando à mis Virreies, Presidentes, y Governadores de todas y quales quiera partes de mis Indias occidentales, à quien toca la execucion de mi Patronato Real; y ruego y encargo à los Arzobispos y Obispos de ellas, que cada uno en lo que le tocara, guarden y cumplan, hagan guardar y cumplir esta mi cedula, y lo en ella contenido precisa y puntualmente... y que den noticia à todos los prelados de las religiones, paraque la observen. Fecha en Madrid en 21. de Dic. de 1678. =

Tribus post hanc datam annis, scilicet anno 1681. proditit è typis Indiarum Recopilatio, in qua (a) habetur: *Aunque* por cedula de 4. de Julio de 1670. se mandó que la noticia que se ha de dar al Diocesano, se ha de entender solamente del hecho de haver removido al religioso doctrinero, pero no de las causas que han tenido los Provinciales, para hacer dicha remocion, porque de estas solo la deben dar al Virrei, Presidente, ò Governador. Sin embargo de lo referido es nuestra voluntad, y mandamos, que con las dichas religiones se guarde lo dispuesto por la lei 38. de este libro ( Esto es, que los Prelados den à los Virreies, y à las personas que governaren las causas que tuvieren para hacer qualquiera remocion, y el fundamento de ellas y que tambien los Virreies y Governadores las den à los Prelados, paraque ambos se *satisfagan*. Ubi decernitur, remotionis causas esse significandas per prælatum regularem Vice-patrono, & per hunc Episcopo ut utrique satisfiat, quin sit opus ut per prælatum regularem significetur immediate Diocesano. Et sic utcumque conciliatur hæc lex cum præcedente schedula, & cum præsenti constitutione, qua decernitur, ut *neque superior* regularis compelli possit causas remotionis Episcopo, nec Episcopus superiori *significare*. Id quod etiam habetur in cit. Constitutione, cujus initium est *Firmandis* §. 11.

(iv) *Nequis assumi possit*. Synodus Guamangana anni 1672. (b) sic habet: *Ningun* Ecclesiastico clérigo o religioso reciba parroquia alguna, ni la administre sin colacion del Obispo, aunque este destituida y desamparada, con pena de excomunion maior. Es decision del Concilio Lateranense y del Limentie, y determinacion textual del *Derecho* (c). Canon Limentis hñc citatus est: *Nullus* posthac parochiam Indorum clericus absque Episcopi collatione suscipiat, vel administret. Qui aliter susceperint, etiamsi proprio rectore parochia destituta sit, anathemate feriantur. Idem

a re-

(a) *Leg. 9. tit. 15. lib. 1. Recop. Ind.* (b) *Syn. de Guam. cap. 29. num. 3.*

(c) *G. Later. sub Leone X. Lim. Añ. 4. cap. 16. Cap. Religiosi. 1. Clem. De Privileg.*

a regularibus *observetur*. Addebatur hñc in Concilio: Regulares præterquam Ordinarii licentia non posse curam agere, & matrimonia esse invalida nisi privilegio fulcirentur: quod nullum esse judicabant Episcopi. Hoc additum sustulit Sacra Congregatio, ut refert Acoſta ad Senatus Indici Præſidem, quia noluit de privilegio regularium quidquam in hac parte definire. Nolendi cauſæ ſunt eædem propter quas Benedictus XIV. in præſenti conſtitutione refert, noluiſſe Sacram Congregationem anno 1722. quidquam definire circa inſtantiam Archiepiſcopi Mexicani: quas ceſſaſſe jam teſtis eſt Judex ipſe ſummus ibid.

## ORDINATIO DXCVII.

Anno 1752. 3. Maji.

**L** Eſto mêmoriali quo Procurator Generalis Soc. Jeſu poſtulabat renovationem facultatis extraordinariæ in forma Brevis, quæ ab anno 1734. à Clemente XII. prorogata fuerat ad annos viginti, EE. PP. dixerunt *pro gratia*, dempta tamen clauſula, ſi Sanctiſſimo placuiſſet quæ ſequitur: *Et inſuper* locorum Ordinarii, ut de preſbyterorum eorundem tanquam adjutorum & aſſefforum ſuorum in locis præſatis... conſilio & cum illis etiam in judiciali *foro*. Et poſtridie Sanctiſſimus annuit. Continetur in Conſtitutione infra referenda anno 1757. 27. Jan. Et clauſula quidem ſuppreſſa, non tantum in Conſtitutione *Cum dudum*, cujus prorogatio tunc petebatur & conceſſa eſt, ſed in Conſtitutione *Animarum ſaluti*, pari modo continebatur. Imo in prima poſt hoc tempus, quæ ultima fuit, prorogatione Conſtitutionis ejusdem *Animarum ſaluti*, quæ facultates conceſſas in illa alia *Cum dudum* unà complectebatur, non tantum clauſula memorata ſuppreſſa eſt, ſed facultas tota quatenus ex præſenti ordinatione manet Ordinariorum propria privativè, ut vide infra Ordin. ult. anno 1766. 10. Sept. Decebat enim verò, ut facultatis Ordinariorum privativè propriæ, privativa foret ipſiſinet impetrandi cura.

Eodem anno 1752. 12. Sept. Sacra Congregatio ad poſtulata quædam Ill. Argandoña Tucumanenſis tunc Episcopi, deinde Charqueniſis Metropolitanæ, cum relationem ſtatuſ Eccleſiæ ſuæ transmiſſeretur, & SS. Apoſtolorum Limina viſitanda curaret, reſpondit pro Sanctiſſimo. Primum erat: *Ut quoties* voluero, fameque ſpirituale corporis & ſanguinis Chriſti eſuriero, bis in die ſacroſanctum miſſæ ſacrificium celebrare poſſim. R. Indulſit tibi, ut viſitationis tempore binas miſſas celebrare poſſis. = Secundum: Ut altare quodcumque, in quo celebravero, ſive fixum ſive portatile, privilegiatum ſit, ut quolibet ſacro anima, cui illud applicem, è purgatorii poenis eruatur. Idque beneficii indiſcriminatim aſſequi animæ fidelium poſſint, ſive miſſa ſit de *requiem*, ſive de feria, aut de ſancto celebretur. R. Ut quotieſcumque ſuper altari, ſive portatile, ſive immobile fuerit, ſacrificium offeres, miſſamque ſive de *requiem*, ſive de feria, ſive de feſto leges, animam... è purgatorii flammis eripere liceat. = Tertium. Pro monaſteriorum Sanctæ Catharinæ Senenſis, & Sanctæ Thereſiæ monialium conſolatione Veſtram Beatitudinem rogo,

Ffff

ut

ut jubilæum Quadraginta Horarum quatrinduo à diebus dictarum Sanctarum concedat, idque ad tempus à V. B. præfigendum. R. Plenariæ indulgentiæ thesaurum ad solatium monialium SS. Catharinæ & Theresiæ, earum festis recurrentibus, ad quatrinduum duraturæ, à festo die computandum concedit. Et hoc quidem non tam pro monialibus, quam pro populo ad sacras illarum ædes confluyente, dum eucharisticus panis publicæ adorationi patebit. Ea tamen lege, ut quicumque voluerint hujus indulgentiæ plenitudinem lucrari, verè pœnitentes peccata confiteantur, & eucharistico cibo reficiantur. = Quartum: Plenissimum etiam jubilæum Vestra Sanctitas non gravetur pro die consecrationis templi cathedralis proximè consummandæ. Idque in perpetuum pro octava consecrationis quotannis recurrente, ut hoc lucro fideles fruantur, & ad frequentandam ecclesiam cathedralem magis alliciantur. R. Plenariæ pariter indulgentiæ donum, ubi cathedralis ecclesiæ solemnisi dedicatio habebitur, vel à te, vel à quocumque tibi succedente, sed ad eam diem dumtaxat, qua dedicatio fiet, & ea conditione, ut exomologesis & sacræ synaxis, uti supra, sacramenta perceperint, qui de illa gaudere cupient. Recurrente vero anniversaria futuris temporibus die, septem annos solummodo & totidem quadragenas de vera indulgentia concedit. = Quintum: Annue, Beatissimè Pater; ut sex ad minimum sive corpora, sive reliquiæ insignes sanctorum mihi transmittantur: quod donum comitetur particula ligni crucis nostræ redemptionis. Quodsi vel minutissima particula ex ossibus BB. Petri & Pauli adjungeretur, opportunissima huic Ecclesiæ Tucumanensi adveniret, quæ eosdem veluti patronos singulares colit, ipsorum honori olim dicata. Etiam opto, B. P., ut pro feria sexta majoris hebdomadæ, festo Inventionis, & Exaltationis Sanctæ Crucis, quibus particula à V. B. mittenda exponatur venerationi, aliquæ indulgentiæ concedantur. Ac tandem, ut pro reliquiarum mittendarum cultu possint sacerdotes & moniales officium duplex & missam respectivè celebrare diebus ab Ordinario assignandis, licet in Martyrologio Romano Sancti non sint descripti, nec constet de identitate corporum seu reliquiarum cum illis, qui in eodem Martyrologio continentur. R. Rerum tuarum gestori significavimus, Pontifice sic jubente, ut supplicem libellum daret, quo juberetur postmodum major Pontificis sacellarius sanctarum reliquiarum munera tibi tradere, sanctæ crucis etiam particulam: cui publicæ venerationi in templo propositæ plenariam indulgentiam applicuit diebus Exaltationis, Inventionisque crucis eadem lege confessionis & communionis. Feria verò sexta majoris hebdomadæ, annos dumtaxat septem & totidem quadragenas. Ex exemplari romanis typis edito.

## ORDINATIO DXCVIII.

Anno 1753. 20. Febr.

**D**Eclaratur ad Regem Catholicum pertinere ad beneficia in regnis Granatensi (I) & Indiarum vacantia nominare, & Regiam Coronam in pacifica nominandi possessione (II) permanere debere. Est pars  
Con-

Concordati à Benedicto XIV. & Ferdinando VI. celebrati super controversiis circa nominationes ad beneficia, residentialia & simplicia Hispaniarum.

ADNOTATIONES.

(I) *Granatensis*. In regno Granatensi, inquit Murillo (a) pertinent ad regium patronatum omnes canonicatus & dignitates, & omnia beneficia tam curata quam simplicia. Idemque jus obtinet in his Indiarum regnis ex tit. 6. lib. 1. Recop. Ind. Vide supra Ord. 22.

(II) *In pacifica possessione*. Nihil hic habetur, neque in constitutione Juris Secundi, de qua suo loco circa possessionem dicendi jus in causis regii patronatus, nisi quatenus in hoc Concordato exprimitur: *Salvas* siempre las prerogativas, que competen à la Corona en consecuencia de la Real Proteccion. De illa sic scribit D. Petrus Hontalba (b) & Arce: *Fundase* segun unos en que es regalia, segun otros en costumbre immemorial, otros por privilegio comprehendido en la concession del patronato, y por el que se expresa en una Bula de Gregorio XIII. à favor del Señor Felipe Segundo, para que Los de su Consejo y Camera conozcan, como antes lo hacian y les pertenecia à los Ordinarios, de todas las causas y litigios que pudiesen ocurrir cerca de las presentaciones, y derechos del Real Patronato. De que testifica el Secretario del archivo de Simancas con la expression de haverla remitido al Consejo el año de 1723. de su orden, y no haverse restituído à aquel archivo. Y la Secretaria del Real Patronato gobernada por el asiento, que se halla en ella de una Real Cedula de 14. de Junio de 1689., en la qual se hace supuesto de dicha Bula, y del referido su contexto... Aunque es verdad, que buscada en los archivos de la Curia Romana, mediante la autoridad del Cardenal Bentivoglio, no ha parecido, como ni la de Leon X., ni la de Sixto IV. de 1474. pertenecientes al Patronato.

ORDINATIO DXCIX.

Anno 1753. 2. Mart.

UT superiores (I) cujuscumque missionis Societatis Jesu Philippinarum, Mexicanæ provinciae, Peruenfis, Chilensis, Paraquariae, & Novi Regni, sicut & Quitensium, quibus antea concessum erat, non solum prout in praesenti sunt, sed prout ex mutua concordia & permutatione inter Hispaniarum & Portugalliae Reges facta vel facienda pertinebunt, & eorumdem superioritatis muneribus durantibus, cum ad visitandas ejusmodi missiones (II) accesserint, possint sacramentum (III) confirmationis, chrismate etiam antiquo, si novum haberi non possit, per catholicum An-

(a) Murillo, in tit. De Elect. num. 132., Ex Bobadilla lib. 2. Pol. cap. 18.

(b) Hontalba, Discurso en just. sobre la jur. para el conec. de los negoc. pertenec. al R. Patron. 9. V.



Antistitem benedicto fidelibus (IV) cujuscumque missionis juxta Ritualis Romani ritum conferre & administrare. Ea lege, ut in iis provinciis missionum quæ in districtu diocesum habentur, & sub jurisdictione Antistiti (V), ab eo Antistite, sub cujus jurisdictione missio continetur, licentia semel quoad ipse vixerit, petatur; hoc autem defuncto ab ejusdem successore pari etiam modo petatur (VI), gratis semper concedenda. = In iis verò missionum provinciis, quæ nullius Antistitis jurisdictioni subjectæ (VII) ipsis dumtaxat Societatis missionariis à Sede Apostolica creditæ sunt, antedicta licentia minimè necessaria est, nisi fortè aliquando contingeret, in eisdem provinciis vel residentiales Antistites, vel Apostolicos Vicarios episcopali charactere & autoritate insignitos à Sede Apostolica deputari, a quibus cum illuc accedere non valeant, licentia antedicta pari modo peti & concedi debet. = Si Superior legitimè impeditus sit, quo minus visitationis munus explere valeat, conceditur ut unum vel plures missionarios deputer, à quibus confirmatio administraretur. = Et in articulo vel evidenti periculo mortis constituto conferendi idem sacramentum facultas cuilibet missionario sacerdoti conceditur. = Præterea cuilibet missionario vice parochi fungenti conceditur, ut cum Indis dispensare possit in tribus proclamationibus ante matrimonium contrahendum fieri solitis dummodo ea intercesserint momenta (VIII) propter quæ dispensatio ejusmodi prudenter tamen adhibenda necessariò concedi posse judicatur. = Insuper indulgetur omnibus prædictarum provinciarum sacerdotibus, & obligatis ad Horas, ut festum Præsentationis B. M. Virginis ritu duplici 2. classis cum octava tam quoad Horas, quam quoad missam celebrare possent. Ex authentico romanis typis edito, & Regii Senatus Indici consulto in executionem permissio.

### AD NOTATIONES.

(I) *Superiores cujuscumque missionis.* Quamvis nomine superiorum, absolute adhibito, in Societate non comprehenderentur superiores missionum aut residentiarum, ut expressum est in ejus privilegiorum Compendio communis & Indici Proœmio; secus est quando *superiores missionis*, ut hic nominantur. Unde hujus privilegii compotes erant tam ii qui à Præposito Generali, quam ii qui à Provinciali deputabantur, dummodo superiores essent cum jure visitandi. Unde & rectores collegiorum, ut Tarixensis in Paraquaria, cui cum dependentia liberat missio Chiriguana, & illius erat prædicto modo superior, cum ad visitandum accederent, confirmare possent: non tamen doctrinarii omni jurisdictione præterquam fori interni parochorum propria destituti, nisi quatenus illud conceditur impeditis superioribus, vel in articulo mortis.

(II) *Ad visitandas.* Hinc patet contra opinionem cujusdam illarum partium prælati, missiones accipi pro laborum oppidis, et jam constitutis & antiquis doctrinis & reductionibus, nec tantum pro missionibus vivis & deambulatoriis excursionibus; nam ad visitandas excursions quis accedit?

(III)

(111) *Possint*. In novis publicis illius temporis (a) vulgatum est, eandem conferendi sacramentum confirmationis potestatem, quæ Jesuitis, esse factam missionariis [Dominicanis & Capuccinis]. Quod si verum est, fortunatior sit noster hic labor, dum pro Jesuitis casus aliorum usui deservire potest. Illa certè potestas facta fuit olim Franciscanis à Leone X. sive indefinitè, sive ad certas personas limitata. Sed Fr. Joannes de Torquemada (b) ait: *Solo un sacerdote hemos sabido que huviesse administrado el sacramento de la confirmacion en esta nueva Iglesia, usando de las concessiones de los Summos Pontifices*. Este fue el P. Fr. Toribio Motolinia.

An vero hæc potestas ob privilegiorum communicationem competat Ordinibus non expressis, dubium est in quo videtur negandum ex eo quod habet Cardinalis Petra (c), confirmationis administrationem non venire in concessione generali; nam eadem ratione suaderi videtur, nec venire in generali communicatione, quia communicatio concessio quædam est. Et P. Avendaño (d) plures percurrit pontificias concessiones, ex quibus negat, posse missionarios confirmationis sacramentum administrare, quantumvis aliqua generalis sit, & indefinita.

De Adriani Omnimoda, quæ nulla est generalior, etiam negat; tum quia in generali concessione non comprehenduntur ad potestatem ordinis pertinentia; tum quia Adrianus eam facultatem concedi posse negavit in opere theologico ante pontificatum edito. Quæ ratio minoris est, nam etiam fertur (e) dictasse in scholis Pontificis fallibilitatem in definiendis factis etiam dogmaticis; & tamen non crediderim eam sententiam tenuisse jam Pontificem, aut Pontifici esse tribuendam, quamvis opera ejus theologica recusa sint cum jam sederet.

Leonis X. concessionem negat Avendaño prodesse ob caducitatem. Et ita (addit) concessionem hanc fuisse personalem notavit Fr. Emmanuel Rodericus Q.Q. *Regular. tom. 1. q. 31. art. 3.*, utpote duobus tantum factam. Quod autem etiam illis viventibus non potuerit esse communis, ostendunt ea quæ habet idem Emmanuel *Quæst. 55. art. 18. fine*, non obstante concessione Julii Secundi, & ipsius Leonis X. & hujus declaratione videnda apud illum *loc. cit. §. Circa quam*. Hucusque Avendaño, quem reprehendit Loflada addens (f): *El P. Rodriguez dice lo contrario de lo que se le imputa*.

Sed Rodericio duo sunt quæ imputantur. 1. Quod personalem esse notaverit Leonis X. concessionem quippe factam duobus religiosis. 2. Quod juxta illius sententiam non potuerit esse communis concessio etiam viventibus illis quibus facta est. Verba Rodericii loco primo citato sunt: *Et hoc quidem* (omnia sacramenta infidelibus & noviter conversis ministrare) *concesserat Leo X. duobus Fratribus*. Et loco secundo citato ait: *Ex quo in-*

---

(a) *Mercur. de Madrid. Septiembre 1752. V. Roma.* (b) *Torquem. Monarg. Ind. l. 16. cap. 15.* (c) *Petra, ad C. 2. Bened. XI. n. 16.* (d) *Avend. sit. 12. Thes. Ind. à num. 208.* (e) *Abbreg. Chronol. de l'Hist. Ecc. an. 1522.* (f) *Loflada, Chronol. Privil. Ind. P. 1. §. un.*

infertur secundum declarationem Leonis X. minimè hujusmodi privilegia concessa particularibus religiosis aliis omnibus fieri communia. Et certè si contrarium diceretur, tota religionum observantia funditus everteretur. Subditque alia his & imputatis ab Avendaño non contraria.

(IV) *Uniuscujusque missionis*. In constitutionis exordio, sive in supplicationis expositione sermo fit de missionibus, quas *Antistites nunquam visitant aut raro*. Cujus quidem generis complures erant in omnibus nominatis provinciis. Sed raritas illa quanta debet esse? Nam fuit Prælatus qui existimaret, quinquies vel sexies à sæculo & ante sæculum visitatas, visitatas esse non raro, & hinc vitium subreptionis in supplicationem & gratiam præsentem derivaret. Certè Tridentinum visitationes Episcoporum indicit (a) per singulos annos, vel per biennia saltem. Ut minimum unoquoque triennio invisant & perlustrent, dicitur in Concilio Narbonensi (b) anni 1551. Et raro dici potest visitata diocesis vel missio post decennium visitari solita; nam raro fit quod cum assidue fieri oporteat, ad tempus longævum, quale in Jure est decennium, differtur. Obreptionis autem vel subreptionis imputatio fundamento caret, quamvis missiones multæ assidue visitatæ essent, si aliquæ visitatæ sint nunquam vel raro, pro quibus tantum petita est facultas. Nec est quod malè habeat Prælatos concessio, cujus, dum petatur, usum proximè visitaturi negare possunt.

(V) *Ab eo Antistite*. Dubitatum fuit, an sufficeret, licentiam ab Antistite concedendam peti & concedi à Capitulo sede vacante. Et pars affirmativa suaderi potest doctrina, quam Diana tradit (c) dicens: *Quamvis* jurisdictio perpetuò annexa dignitati censeatur ordinaria, quando simpliciter conceditur à Pontifice sive à Canone.... secus quando conceditur cum addito *Tamquam Sedis Apostolicæ delegato*. Et ibid. resol. 8. ex Fagundez inquit: *Quamvis* ea quæ jure speciali competunt Episcopis, non transeant ad Capitulum... id intelligendum est de iis, quæ Episcopis competunt ex jure speciali delegato, non de iis quæ jure speciali ordinario. Eæ autem facultates conceduntur jure speciali ordinario, quæ conceduntur illis ratione officii & dignitatis, non personæ.

Consonat Barbosa (d), cujus doctrina est: *Casu* quo aliquid jurisdictionis committatur in perpetuum muneri episcopali ex delegatione Sedis Apostolicæ, ut ex officio deinceps competat Episcopis, Capitulum succedit in hac jurisdictione, nisi aliud colligatur ex mente concedentis. Sicque poterit in spiritualibus visitare moniales, exemptas. Confirmatur ex doctrina communi Canonistarum in tit. *Ne sede vacante aliquid innovetur*, posse scilicet Capitulum sede vacante concedere Episcopo extraneo facultatem administrandi sacramentum confirmationis & obeundi pontificalia, nam licet horum administratio vel executio sit actus ordinis, concessio facultatis hæc agendi est actus jurisdictionis. Poterit igitur pari ratione

Capit-

(a) *Trid. s. 24. cap. 3.* (b) *C. Narbon. cap. 19.* (c) *Diana, P. 3. tr. 4. R. 24.*  
 (d) *Ench. l. 1. Jur. Eccl. c. 32. Ex Molina De just. tr. 5. d. 111.*

Capitulum concedere licentiam privilegiato, sicut potest alieno Episcopo. Sed petenda rursus sede plena, ut hac constitutione præscribitur.

Dubitatum etiam fuit, an requisitam licentiam posset concedere Provisor & Vicarius Generalis sede plena. Nempe sic res habuit: Cum primum in Paraguaim allata est præsens facultas, Episcopus erat Ill. Oblitas, sed longissimè absens in civitate Guasco, unde nunquam Paraguarium cogitavit. Licentia in quæstione petita, & bona fide concessa est à Provissore. An canonice? Et Episcopus quidem successor confirmationes ex privilegio & ea licentia factas tantum non iteravit.

P. Azor (a) facultatem administrandi sacramentum confirmationis his annumerat quæ speciali mandato indigent, ut Vicario communicatæ intelligantur. Facitque doctrina Canonistarum apud P. Hut (b), juxta quam jurisdictio voluntaria, gratiosa, & liberalis est una de indigentibus speciale mandatum. Sed cum excipiunt & limitant, *Nisi Episcopus agat in remotis*, poterit Provissor longe agente Episcopo, non poterit præsentem, licentiam concedere.

Benedictus XIV. (c) ait: *Hæc quippe* (chrisma conficere, sacramentum confirmationis conferre, ecclesias & altaria consecrare, aut pollutis sanctitatem pristinam restituere, aliaque hujus generis) Vicarius Generalis, etsi episcopali charactere sit insignitus, peragere non potest sine speciali Episcopi Diocesani consensu, cum non in istis, sed in jurisdictionis tantum exercitio illius vices gerat: quod benè observat Sbroz... Ob quam rationem nec ea peragendi poterit alteri Episcopo facultatem impertiri. Pro quo citat Rebusum (d), & Barbosa (e).

Hæc tamen non obstant dictis de Capitulo sede vacante, & de Vicario Episcopi in remotissimis agentis. Sed & rationis extensio ad hoc ut non possit alteri Episcopo facultas communicari, videtur infirma, nam licet ordinis sit functiones ordinis exercere, sed ad hoc concedere facultatem est jurisdictionis. Sic Sacerdotem ordinare est ordinis episcopalis proprium; sed dimissorias concedere ut ordinetur, etiam fit à non Episcopo qui superior sit.

Restat dubium de Capitulo sede vacante Vicario, an supposito quod Capitulum possit eam facultatem concedere, possit & ipse sola sui deputazione in Vicarium. De quo laudatus Pontifex (f) ait: *Quoniam* Vicarius Capitulæ Vicario Generali Episcopi quodammodo comparatur, merito dubitant doctores, an ille sola sui muneris commissione possit ea expedire, ad quæ perficienda Vicario Generali opus est speciali mandato. Negat Barbosa (g). Sed Gutierrez (h), Garcia (i) Molina (k), alique plurimi sententiam affirmativam tuerentur, validisque rationibus sustentant. Tridentinum enim, inquit, voluit Vicarium à Capitulo eligi ad  
evi-

(a) Azor, lib. 3. Inq. Partis 2. cap. 46. (b) Hut lib. 2. art. 28. q. 3.

(c) B. XIV. De Syn. Diœc. l. 2. c. 8. n. 2. (d) Rebus. tit. De Vicar. num. 181.

(e) Barbosa. De Pot. Ep. Alleg. 54. n. 83. (f) B. XIV. loc. cit. l. 2. c. 9. n. 3.

(g) Barbosa. c. 42. De Canonic. n. 103. (h) Gutierrez, l. 1. Can. Quæst. c. 12. n. 10.

(i) Garcia, De Benef. P. 5. s. 7. n. 28. (k) Molina, tr. 3. De Just. d. 21. num. 1.

evitandas Capitularium discordias, ad causas celerius expediendas, & multa præcavenda incommoda, quæ experientia docente obvenirent, si episcopalis jurisdictionis actualis administratio penes universum Capitulum resideret. Hæc autem incommoda non minus sequerentur, si constituto Vicario Capitulari, adhuc Capitulum sibi suoque judicio reservaret, quæ aliàs indigent speciali mandato.

(VI) *Gratis semper concedenda.* Sive ut infra dicitur: *Pari modo peti & concedi debet.* Igitur non sufficit licentia petita & negata, præsertim si negaretur, quia Episcopus de proximo cogitat visitare. Quodsi id non cogitet, credi non potest negatum ire licentiam, quæ sicut peti, etiam concedi debet; ut verba constitutionis habent.

(VII) *Nullius Antistitis jurisdictioni subiectæ.* Circa limites jurisdictionis episcopalis in Indiis Hispaniensibus prodiit lex sequens, ex qua videri possit, nullas aut fere nullas missiones esse nullius Antistitis jurisdictioni subiectas (a): *Los limites señalados à cada uno de los Obispados de nuestras Indias son quince leguas de termino en contorno por todas partes, que comiencen à contarse en cada obispado desde el pueblo donde estuviere la catedral, y la demas tierra que media de un obispado à otro, se parte por medio, y cada uno tiene su mitad por cercanía: y hecha la particion en esta forma, entran con la cabecera que cupiere à cada uno sus sugetos, aunque esten en limites de otro obispado.* Rogamos y encargamos à los prelados de nuestras Indias, que guarden sus limites señalados que hoi tienen, sin hacer novedad. Y en quanto à las nuevas divisiones y limites se exetúte lo suso dicho, donde nos no proveiéremos otra cosa. Quæ lex à Rege Catholico pro potestate à Sede Apostolica facta, de qua Ord. 69., cum immotos relinquat episcopatum fines ante sui promulgationem constitutos, & lata sit anno 1553., recopilata anno 1681., multa relinquit Americæ loca nullius Antistitis jurisdictioni subiecta. Multa etiam post legis promulgationem manent sub nulla diœcesi ad extrema ditionis hispanicæ, præsertim qua vergit ad utrumque polum.

De finibus Episcopatus Tucumanensis, ubi susceptum hoc opus est, ait Ill. Argandona Epistola ad Sanctissimum, de qua supra Ord. 597.: *Diœcesis hæc latissimè patet à septentrione ad austrum per quadringentas leucas præter propter.* Platenfis Archiepiscopatus diœcesi adjacet quæ vergit ad septentrionem; sed quæ ad orientem, Episcopatus Bonaerensis seu Fluminis Argentei, & occidentem versus Diœcesis Jacobopolitana seu Chilenfis, quin ad austrum certi limites *agnoscantur.* Certos præter propter ad austrum habebit Tucumanica Diœcesis fines, si à termino septentrionali satis noto quadringentæ numerantur ad austrum leucæ, ut supra dicitur. Sed licet notus sit terminus ad septentrionem, quæ Platenfi territorio jungitur, ignotus est prorsus quæ respicit Episcopatum Sanctæ Crucis & conterminum Paraquariensem, qui ante citatam legem erectus incertos pariter habet fines.

(VIII)

(a) L. 3. t. 7. lib. 1. Recop. Ind.

(VIII) *Ea intercesserint momenta*. Ea scilicet quæ sufficientia reputant authores, ut Ordinarii dispensent juxta facultatem (a) à Tridentino concessam. Facta verò dispensatione sine recurſu ad curiam episcopalem procedi posset ad matrimonii celebrationem juxta facultatem concessam parochis Indiarum relatam in regia schedula, de qua supra Ord. 356., cujus executio decreta est à Senatu Indico, & ab Auditorio Platenſi per regiam provisionem in causa civitatis Neo-Cordubensis intimata.

# ORDINATIO DC.

Anno 1757. 27. Jan.

CUM Cardinalis Portocarrero (1) nomine Ferdinandi VI. Regis Catholici exposuisset, obortis quibusdam dubiis circa facultatem concedendi dispensationes matrimoniales, quo Societatis Jesu missionarii per Indias orientales & occidentales gaudere dicuntur, & circa hujusmodi facultatis usum & exercitium, ad removendas dissensiones inter eosdem & locorum Ordinarios, sedandosque conscientiarum & animorum motus, apostolicam definitionem exoptari, statim materię discussionem demandavit Benedictus XIV. Congregationi Inquisitionis, cujus sequentes resolutiones confirmavit. = Primo dubio (11), quo quærebatur, an facultates missionariis Indiarum S. J. concessæ ad ea protendantur loca, in quibus non alii reperiuntur infideles, quam qui aliunde venerunt, Christi quæ fidem amplexi sunt; affirmativum redditur responsum, ad formam tamen concessionum. = Secundo, an comprehendant dispensationes super impedimenti publicis pro foro exteriori, tam ante quam post contractum matrimonium; affirmativè ad formam pariter concessionum. = Tertio, an missionarii facultatibus uti possint in locis, in quibus diocesani Episcopi similes habent facultates. Respondetur, posse pro foro externo in locis in quibus non existunt Ordinarii similibus facultatibus instructi, vel absunt ultra duas dietas non minus (11) bis-centum-millibus passuum juxta id quod in brevibus & constitutionibus apostolicis cautum reperitur. = Quarto, quo definiendum proponitur, num in casibus, in quibus in judiciali foro dispensare possunt missionarii, hoc ipsis liceat sine prævia informatione coram Notario & Vicario loci capta ad comprobandam dispensationis causam, & impedimenti qualitatem, vel sufficere dicenda sit verbalis & extra judicialis informatio. Responsum est, nihil innovandum: & quoniam superioribus temporibus visa est sufficiens certitudo moralis, tum causæ, tum impedimenti, quantumvis judicialibus monumentis non innixa, satius esse ut eadem methodus in futurum observetur. = Ad quintum dubium respiciens convalidationem matrimoniorum, de qua quærebatur ex hypothesi eorum nullitatis desumptæ ex defectu facultatis in iis qui concesserant dispensationem ad ea matrimonia incunda, cum ex data ad Primum responsione deprehendere licuerit, hujusmodi positionem seu

(a) *Trid. s. 24. cap. 1. De Ref. Matr.*

seu hypothesim non subsistere, nullus relinquitur responsioni locus. = Hæ responsiones datæ sunt in Congregatione Sanctæ Inquisitionis coram Sanctissimo, qui & illas approbavit, confirmavitque, præcipiens ut in posterum non concedatur confirmatio nisi præmissa adnotatione temporis, quo inductum antea concessum erat. = In eadem constitutione dicitur: Ad rectum usum facultatum dispensandi juvabit adnotasse, facultatem dispensandi in foro conscientiæ (IV) perpetuò concessam esse. = Ibidem admonentur missionarii, ne redigant ad extrema vicennii momenta cogitationem & curam petendæ confirmationis seu prorogationis, ne periculum subeant vel nullitatis actuum siquid efficiant post elapsum facultatum terminum, vel fraudandi pauperes Christi fideles opportunis malorum remediis, quatenus eò deveniant ut hujusmodi facultatibus uti non valeant. Enumerantur tandem documenta, quibus datæ responsiones inniuntur, scilicet constitutio *Animarum saluti*, constitutio *Cum dudum*, constitutio *Alias*, quas vide supra sub Clemente XI., Benedicto XIII., Clemente XII. Præsentis initium est *Cum Venerabilis*. Extatque tom. IV. Bullar. Benedicti XIV. Const. 66. pag. 514.

## ADNOTATIONES.

(I) *Nomine Regis*. Hinc rursus patet, facultates hæc vicennales neque impetratas, neque in usum deductas clam Rege, aut sine ejus permissu; quandoquidem eo connitente per dubiorum explicationem usui aptæ sunt. Vide Ord. 449.

(II) *Primo dubio*. Igitur & in Peruvio & in Nova Hispania utilis erat concessio, quantum est ex præsentis capite; nam eo etiam conveniunt infideles, vel Indi, vel Afri, nati vel asportati, & in majori ætate ad fidem conversi. Unde & corrigenda venit Avendañi sententia supra Ord. 522. Adnot. 4., & dubium resolvendum de quo ibid.

(III) *Non minus bis-centum-millibus*. Hæc verba desiderabantur in novo Compendio Privilegiorum Societatis (a), ubi refertur extensio facultatis dispensandi cum neophytis dum Episcopi distent ultra duas diætas seu milliaria quadraginta.

(IV) *In foro conscientiæ perpetuo*. Id Pius IV., id Paulus V. expresse rat. Sed Inquisitionis declaratione supra relata anno 1701. 29. April. dub. 4. creditum est, revocatam esse perpetuitatem etiam quoad conscientiæ forum. Ex præsentis constitutione tamen, in qua declarationis illius habita est ratio, palam fit, perpetuitatem negatam Piani Brevis facultatibus, quæ pro foro externo sunt.

OR-

(a) T. I. Inq. Ed. 1757. V. Matrimonium. §. V. pag. 380.

## ORDINATIO DCI.

Anno 1757. 2. Jun.

**B** Virginem Mariam, quæ neöphyto cuidam Mexicano apparuisse fertur anno 1531., quamque Archiepiscopus & illarum partium Episcopi omnium ordinum consensione in primariam deinceps elegerunt Novæ Hispaniæ patronam, autoritate apostolica declaravit Benedictus XIV. ritè electam. Concessitque pro omnibus regnis & dominiis Regi Catholico subiectis, ut die ab Ordinario assignanda, excepta dominica, officium proprium & missa celebraretur. *Ex officii lection.* Titulus est B. Mariæ de *Guadalupe*. Qua nominatione colitur in Hispania B. Mariæ Virginis celebris imago alia, de qua Bolandiani Operis continuatores in Vita S. Gregorii Magni (a) sic scribunt: *Aliud* indicitur munificentiae D. Gregorii Magni erga Hispanos monumentum, Imago sive Icon Sanctissimæ Dei Genitricis Mariæ, quæ apud Guadalupem in Extremadura miraculis claret, quam asserunt S. Leandro cum commentariis in Jobum ad se missam accepisse. De qua potest legi Tamajus Salazar ad diem VIII. Septembris, qua Inventio hujus Iconis celebratur. Nos aliqua attigimus XIV. Januarii in Vita S. Fulgentii cap. 3. litt. 6., & XI. Martii inter Prætermisissos pag. 53., ubi de Simone Rolando, Hispanis Simone Vela, Imaginis hujus repertore, *egimus*.

Ex his citationibus patet continuatorum error quidam, indigenis manifestus, quo Imago de *Guadalupe* cum Imagine de *Galla Rupe*, vulgo *Peña de Francia* confunditur, cum longe alia sit tempore & loco inventionis, & inventore, nec minus diversa quam Guadalupensis Mexicana à Guadalupensi de Extremadura.

## ORDINATIO DCII.

Anno 1758. 1. April.

**C**ardinali de Saldaña provincia datur ut semel visitet & reformet res & personas Societatis in regnis & Indiis Portugalliæ Regi subiectis. Ex Brevi vulgato.

## ORDINATIO DCIII.

Anno 1760. 10. Nov.

**P**atronatus principalis Hispaniæ & Indiarum Regi Catholico subiectarum asseritur Immaculatæ Conceptioni B. M. V. absque præjudicio patronatus S. Jacobi cum ritu primæ classis & octava: concessa etiam indulgentia plenaria pro iis qui confessi & sacra communione refecti oraverint & visitaverint ecclesiam B. M. V. dicatam: & pro regularibus & monia-

(a) *Acta SS. XII. Mart. Vita S. Gregorii. Commentar. præv. §. 8.*



monialibus visitantibus suas ecclesias. Ex authentico à Rege Catholico misso pro executione, cum schedula data 16. April. 1761. De Indorum verò obligatione ad observantiam hujus festi, vide supra in simili Ord. 348. anno 1670. 11. Aug., quæ de patronatu est S. Rosæ.

## ORDINATIO DCIV.

Anno 1761. 25. Jan.

**P**RO omnibus Hispaniæ & Indiarum regnis concessit Clemens XIII., ut in festo Immaculatæ Conceptionis celebrentur officia divina, ut in Ordine Minorum. Mentio fit in Directorio Officii Divini Hispalensis Ecclesiæ pro anno 1763. fine, ubi dicitur: *Para todos los reinos de España y de las Indias concede, que todos los ecclesiasticos así seculares como regulares, y exentos de uno y otro sexo, que estan obligados à rezar el officio divino, y celebrar el santo sacrificio de la misa, recen y celebren en el dia de la Purissima Concepcion y octava, el officio que reza y con que celebra el santo sacrificio de la misa la Religion de S. Francisco segun su breviario y missal...* Se advierte, como los *sabados* que se rezare el officio y misa de la Concepcion, sera el que reza dicha Orden de S. Francisco, segun esta señalado por los meses del año, por ser este el officio y misa de la Concepcion, que queda corriente para España y las Indias, no porque lo expresse la Bula; pero supuesto que esta admitido dicho officio y misa para su dia y octava, parece que se debe observar lo que antes tuvo esta facultad, que nos conformabamos los *sabados* que se rezaba este officio y misa con el officio y misa del dia y de la octava, segun esta en el breviario y missal de la Orden, y en la impression que para este fin se ha *hecho*.

## ORDINATIO DCV.

Anno 1763. 18. Jul.

**I**N specimen Bullarum seu litterarum, quæ de apostolica dimanant auctoritate in dies pro instituendis Indiarum Episcopis, subdam ex autographo epitomen earum, quibus Ill. D. D. Didacus Salguero. & Cabrera ex Decano Ecclesiæ Tucumanensis in Cathedram Arequipensem promotus recens est. = Prima. Præmissa, Ecclesiam de Arequipa, quæ de jure patronatus Regis Catholici est, ex privilegio Apostolico (I), cui non est hæcenus derogatum (II), per translationem præexistentis prælati esse pastore destitutam, illi de persona laudati Didaci providet, illumque in Episcopum præficit, curam & administrationem ipsius Ecclesiæ committit in spiritualibus & temporalibus Clemens XIII. Vult autem, ut antequam regimini se immisceat, in manu Decani vel Archidiaconi ejusdem Ecclesiæ, seu alterius eorum, fidei professionem juxta formam in Bulla introclusam emittere, & emissæ formam ad Sedem Apostolicam intra legitima tempora transmittere teneatur. Vult etiam ut in civitate de Arequipa montem pietatis erigere curet (III) conscientiam illius super hoc

que-

onerans. = Secunda: Ne si forte aliquibus sententiis censuris & pœnis ligatus sit electus, provisio invalida reputari possit, illum absolvit ad effectum, ut provisio & litteræ apostolicæ validæ sint. = Tertia: Archiepiscopum Limanum hortatur & mandat, ut electum & ecclesiam suffraganeam suam in ampliandis & conservandis juribus favoris auxilio prosequatur. = Quarta: Regem Catholicum hortatur & rogat, ut in eisdem electum & ecclesiam præsidium impendat: = Quinta: Capitulo Ecclesiæ de Arequipa mandat, ut electo obedientiam & reverentiam debitas exhibeat. = Sexta: Clero civitatis & diœcesis mandat id ipsum. = Septima: Idem populo civitatis & diœcesis. = Octava: Et vasallorum universitati, ut fidelitatem & consueta servitia & jura persolvant. = Nona: Ut Decanus & Archidiaconus vel eorum alter ab electo professionem fidei recipere curet. = Decima: Ad supplicationem electi, ut à quocumque maluerit Catholico Antistite, accitis & in hoc sibi assistentibus (IV) duabus personis in dignitate ecclesiastica constitutis, munus consecrationis recipere valeat: recepto prius per eum fidelitatis juramento, juxta formam eisdem litteris adnotatam. Decernit tamen, quod si non recepto, munus præfatum recipere & impendere præsumpserint, à pontificalibus & administratione spirituali & temporalis suspensum sint. Vult etiam ut formam juramenti præstiti per litteras quantocius ad se destinare procuret; quodque per hoc Archiepiscopo; cui jure metropolitico subest, nullum præjudicium paretur. Forma verò juramenti est: Ego N. ab hac hora in antea fidelis ero & obediens B. Petro... suisque successoribus canonicè intrantibus: non ero in consilio, aut consensu, vel facto, ut in eos... injuriæ aliquæ inferantur quovis quæsito colore: consilium verò quod mihi credituri sunt per se aut nuntios seu litteras, ad eorum damnum, me sciente, nemini pandetur. Papatum Romanum, & regalia S. Petri adjutor eis ero ad retinendum & defendendum contra quemvis hominem. Legatum Apostolicæ Sedis honorificè tractabo, & in suis necessitatibus adjuvabo. Jura, honores & privilegia, & auctoritatem Romanæ Ecclesiæ, D. N. Papæ, & successorum conservare... & promovere curabo... Regulas SS. Patrum, decreta... & mandata apostolica totis viribus observabo, & faciam ab aliis observari. Hæreticos, & schismaticos, rebellesque D. N. & successoribus pro posse persequar & impugnabo. Vocatus ad synodum veniam, nisi præpeditus fuero canonica præpeditio. Apostolorum limina singulis decenniis visitabo personaliter, & Domino & successoribus præfatis rationem reddam de toto pastoralis officio, de rebusque ad Ecclesiæ meæ statum, ad cleri & populi mei disciplinam pertinentibus... Quodsi legitimo impedimento detentus fuero præfata omnia adimplebo per nuntium ad hoc speciale mandatum habentem de gremio Capituli mei, aut alium in dignitate ecclesiastica constitutum... De hujusmodi autem impedimento docebo per legitimas probationes ad S. R. E. Cardinalem Proponentem in Congregatione S. C. Tridentini per supradictum nuntium transmittendas. Possessiones verò ad mensam meam pertinentes non vendam, nec donabo, nec aliquo modo alienabo, nec impignorabo, nec de novo infeudabo, etiam cum consensu Capituli, inconsulto Romano Pontifice

tifice (v), & constitutionem super prohibitione investiturarum bonorum jurisdictionalium de anno 1625. editam servabo. Et si ad aliquam alienationem devenero, pœnas in quadam (vi) super hoc edita constitutione contentas eo ipso incurrere volo. Sic me Deus adjuvet, & hæc sancta Evangelia. = D. Francisco Eduardo Panyagua del Consejo de S. M., su Secretario y Oficial maior de la Secretaria del Supremo Consejo y Camara de Indias por lo tocante al Perú = Certifico, que haviendose visto en la Camara con lo que dijo el Señor Fiscal las Bulas originales del Obispado de Arequipa expedidas à favor de N. acordó en 17. de Agosto (vii) se les diessé el passe en la forma regular, y paraque assi conste donde convenga, firmo la presente certificacion en Madrid à 6. de Sept. de 1763.

## ADNOTATIONES.

(1) *Ex privilegio apostolico*. Nempe concessio a Julio Secundo 28. Jul. 1508., de quo supra Ord. 22. Hoc tamen non tollit, quin Regi Catholico etiam competat jus indicii patronatus aliunde quam à privilegio, nempe ex dote ecclesiis collata, ex ædificatione & fundo juxta illud = Patronum faciunt dos, ædificatio fundus = ut legit Gonzalez Tellez in *tit. De Jure patronatus tom. 3.*, vel ut habet Reiffenstuel. = Patronum faciunt jus, ædificatio, fundus, = (a). Nihil enim obstat, quominus titulo multiplici jus idem habeatur. Hinc dubitaverit quis, an patronatus Indiarum ex titulo laicali sit laicalis, an ecclesiasticus ex ecclesiastico, utroque titulo & laicali, & ecclesiastico concurrente.

Solorzanus (b) affirmat esse laicalem, quia ecclesiæ dotatæ sunt ex bonis regalibus seu regalizatis, nempe ex decimis ab Alexandro VI. Regi consignatis, & quia pro laicali pacifica possessione habitus est. Additque: *T aunque* tuviera algo de mixto por haverlo por privilegio apostolico, pero la calidad laical atrae la ecclesiastica, quando interviene favor de la Iglesia. Et quoad ecclesias præsertim constitutas in regionibus ex infidelium manu ereptis antequam privilegium concederetur, facit quod tradit Magerus apud eundem Solorzanum, cujus verba sunt: *Magero* tiene por cosa cierta y acostumbrada, que por sola adquisicion ò conversion de tierras infieles se adquirir entero derecho de patronato. Nam titulus ecclesiasticus in hoc casu accedens proexistenti laicali, sive huic superveniens & accessorius, ejus naturam ut sequatur pronum est.

(11) *Cui non est hætenus derogatum*. Nam licet in Concilio Tridentino quædam fiat patronatum abrogatio (c), excipiuntur tamen ibidem patronatus super cathedralibus ecclesiis, & pertinentes ad Imperatores & Reges. Et S. Congregatio 4. Dec. 1586. censuit, sublatos eo decreto esse patronatus ex mero privilegio competentes, non ex fundatione vel dota-

---

(a) Reiff. *tract. 21. De Benef. d. 3.* (b) Solorz. l. 4. *Pol. c. 3. Et tom. 2. De Ind. Jur. lib. 3. cap. 3.* (c) *Trid. sess. 25. cap. 9. De Ref.*

dotatione: ut in Tridentini declarationibus habet Gallemart. Et ratio est, quia privilegium concessum ex dotatione vel fundatione est onerosum, & ejusmodi privilegia non comprehenduntur abrogatione, nisi exprimatur.

(III) *Montem pietatis*. Fortasse hic ille mons est, cujus fit mentio supra Ord. 515. Sed quod attinet ad eleemosynas hoc nomine relinquendas in testamentis, à pluribus non unius diocesis Americanis audiui, nondum usu invaluisse. Nec ipsi quidquam audierant de hac institutione.

(IV) *Affistentibus duabus personis*. Vide Ord. 99. & 318. Clemens XIII. Const. *Cum omnium*, dat. 9. Kal. Maji 1762. declaravit, Superiores regulares non perpetuos in dignitate Ecclesiastica constitutos non esse, ad effectum ut in iudices conservatores eligantur. An censeantur esse constituti in ecclesiastica dignitate, ad assistendum Episcopo consecranti, viderint qui interesse habent.

(V) *Inconsulto Romano Pontifice*. Etiam pro Indiis requiri beneplacitum apostolicum ad ejusmodi alienationes, constat tum ex præsentē litterarum tenore, tum ex iis quæ tradit Cardinalis Petra (a) dum ait: *Videntur* ubicumque obtineri beneplacita apostolica, præsertim in alienationibus veris, & concessionibus in emphyteusim perpetuam, & innumeri sunt recursus per totam Italiam, & insulas adjacentes, imò Siciliam, & extra Italiam per Germaniam, Hispaniam, & Lusitaniam. Imo Nuntiis istorum regnorum elargitur in Brevibus facultas concedendi beneplacita usque ad certam summam. Ita etiam usque ab Indiis recurritur ad Urbem pro hujusmodi *beneplacitis*.

(VI) *Pœnas*. Pœnam scilicet nullitatis actorum, excommunicationis etiam contra Episcopos, & interdicti ab ingressu ecclesiæ. Quodsi per sex menses inforduerint in hoc interdicto, decretum est, ut incurrant suspensionem ab administratione ecclesiæ. De quibus vide cit. Card. Petram (b).

(VI) *Se les diesse el passe*. Hujus permissionis aut regii placiti defectu interclusa est executio litterarum apostolicarum, quibus Ill. Labrit in Episcopum Americæ institutus erat, ut refert P. Gumilla (c): *El Doctor Nicolas Labrit Canonigo de Leon con tres emulos de su espíritu postrado à los pies de Benedicto XIII. le pidió que los empleasse en las misiones de gentiles en las regiones que gustasse. Su Beatitud los consagró Obispos para las quatro partes del mundo. A la occidental donde corre el Orinoco con Bula especial de el vino el Obispo Labrit, y mientras iba passe de sus Bulas, y fiat de Su Magestad Catholica, le ofrecio el Governador de la Trinidad y Guaiana su palacio. Determinó esperar en la Caiana, territorio de Francia, pero mudando de rumbo dio fondo en Aquiré, donde le mataron los Caribes.*

## O R D I N A T I O DCVI.

Anno 1766. 10. Sept.

**A**D vicennium ulterius inchoandum à fine benedictinæ prorogationis scilicet à die 17. Jul. 1768. indicas facultates Societatis missionariis con-

(a) *Petra*, tom. 5. ad C. 5. *Pauli II. scilicet*. 3. num. 44. pag. 243. (b) *Petra*, loc. cit. scilicet. 4. n. 4. pag. 249. (c) *Gumilla*, *Orin. Illustr.* P. 2. c. 9. p. 102.

concedi solitas prorogavit Clemens XIII. In iis litteris, quæ de cæteris ejusdem tenoris sunt atque relatæ supra Ord. 522. novæ quædam adhibentur clausulæ. 1. In facultate dispensandi ad matrimonium, *ubi inter fideles infideles existunt additur: Etiam aliunde profecti: = 2. Ibidem, dum sit potestas dispensandi in utroque foro, additur: Et sine judiciali processu. = Ibidem supprimitur clausula de adhibendo ab Ordinariis dispensantibus in foro externo aliquo de Societate in assessorem. Imo etiam omittitur facultas in præcedente prorogatione Ordinariis facta ad dispensandum se solis. = 4. Facultas extraordinaria, quæ seorsim concedebatur per vicennia in Const. *Cum dudum*, ad dispensandum in primo gradu affinitatis ex copula illicita, de qua supra anno 1734. 9. Sept., facultatibus ordinariis hujus Constitutionis eodem termino expiratura & renovanda nunc primum adjuncta est opportunè. Sed modò prodiit ut sequitur: *Ac insuper* eisdem Provincialibus & Presbyteris deputatis cum prætatis neophytis in primo etiam gradu rectæ lineæ affinitatis ex copula illicita resultantis (dummodo nullum sublit dubium, quod conjux possit esse proles ab altero contrahentium genita) sese attinentibus, ut matrimonium inter se contrahere, seu in eo etiam scienter contracto remanere valeant, in occultis tamen & in foro conscientiæ tantum, ac urgentibus justis causis, gratis dispensandi, & eos qui in gradibus ejusmodi etiam scienter contraxerint, ab excessibus, & excommunicationis, aliisque censuris & pœnis ecclesiasticis, in foro conscientiæ tantum, gratis pariter absolvendi facultatem *concedimus*. Facultas hæc ultimò prorogata erat à Benedicto XIV. anno 1752. 3. Maji, ut vide supra Ord. 597., de cujus prorogatione restabant etiamdum plures anni. Sed hac vice toto sexennio anticipata est prorogationis supplicatio quia tempus prorogandæ constitutionis *Animarum salutis* instabat juxta monitum Benedicti XIV. de quo supra Ord. 600. Et animus erat, ut ad vitandam oblivionem seu omissionem, de qua supra Ord. 542., simul & sub eisdem litteris expediendæ deinceps postularentur tam facultates contentæ in Const. *Animarum salutis*, quam extraordinaria illa de primo gradu affinitatis contenta in Const. *Cum dudum*; nam cæteræ, quæ in hac Constitutione continentur, mera repetitio sunt contentorum in illa. = 5. Valituræ constitutionis terminus præfigitur ad viginti annos à fine aliorum viginti, ad quos similes gratiæ à Benedicto XIV. concessæ fuerunt. Sed non exprimitur quod ex litteris ejusdem Benedicti 27. Januar. 1757. datis erat exprimendum, scilicet adnotatio temporis, quo indultum erat antea concessum, nempe 17. Jul. 1748. Præsentis ordinationis clausulæ excerptæ sunt ex authentico romanis typis edito & signato. Vide Ord. 600. Et regium placitum ad facultatum usum quæ hîc prorogantur, vide tum ibi, tum Ord. 522. Adnot. 7. Sed vicennale spatium, ad quod ejusmodi facultates concessæ sunt, placuit humanæ ac divinæ providentiæ fato, ut contraheretur.*

A. M. D. G.

F I N I S.

INDEX.

# I N D E X

*Qui ad Paginas refertur.*

## A

<b>A</b> Ba-boya, quid.	Pag. 410
Abbatia Iamaica.	90
Abren impugnatur.	75
Abrogatur excomm. lim.	348
Abrogantur Commissarii.	467
Absolutio Ind. à reserv. 129. Ab ba-	
resi. 286. A casibus Bullæ Cœne.	
270. A reservatis Episcopo.	184.
A reservatis. 58. 160. Facultas	
Episcoporum Lusit.	202
Abstinencia.	142. 115. 575
Abstinendum ab elect.	462
Abusus Goæ.	429. 447
Acadia. 31. Academ. iter.	44
Acapulco.	21
Acta elect. mittenda.	438
Adipis usus.	142
Adjuncti de Capitulo.	360
Albion. 27. Album Prom.	4
Alexandri VI. linea.	7. 60
Alfaro Ordinationes.	406
Alienandi facultas.	266. 631
Alloza (Joannes).	304
Altamirano (Didac.)	123
Alternativa. 369. 385. 438. 460.	
461. 462.	
Alvar Nuñez.	24
Amazonas.	23. 37
Amboino.	14
America.	7. 8
Americus (Vesp.)	9. 61
Andalucia (Nova).	13
Angra.	4
Aniani fretum.	27
Annata.	200
Annobon.	6

Antequera.	102
Antillas.	7. 533
Apalaches.	20
Approbatio ad confes.	415
Approbatio Concil.	297
Arenaria (Inf.)	31
Arequipa Episc.	269
Arguin.	4
Atabualpa.	21. 66
Augustiniani.	483
Australes terra.	12. 29. 44
Ayola.	9
Azores.	4

## B

<b>B</b> Affing (Sinus).	35
Babama.	15
Balboa.	15
Baldaya.	3
Balsamum.	215. 249
Banco de Terran.	12
Bantan.	20
Baptismus Ind.	115
Baptismus infant.	507. 514
Belarmini catech.	393
Benedictio ornament.	160
Bermuda Inf.	20
Bermudez Patriarcha.	139
Betancur.	2
Bethlebemita. 457. 479. 506. 518.	
519. 522. 533. 537. 538.	
Bethlebemitissa.	440
Bigamia excepta.	202
Bina celebratio.	427
Boil (Bernardus).	70
Boston urbs.	31

H h h h

B-

<i>Boxador Prom.</i>	2. 3. 55	<i>Causa angelop.</i>	415.	<i>Cartbaginenfis.</i>	
<i>Bracamón.</i>	8		515		
<i>Brasilia.</i>	9. 13. 72	<i>Cebu.</i>			26
<i>Brasílica controvers.</i>	454	<i>Ceilan.</i>			12.
<i>Breviarium, &amp; Missale.</i>	263	<i>Celebratio bina.</i>	160.	<i>Ante auroram.</i>	
<i>Brouveri trajectus.</i>	37		270.	<i>In navi.</i>	346.
<i>Buena-esperanza. Pr.</i>	7			<i>Post mediam</i>	
<i>Buenos-aires Episc.</i>	365. 22			<i>noctem.</i>	355.
<i>Bulla Cæne.</i>	160. 180. 230. 268.	<i>Censura, ex bello.</i>		<i>Tecto capite.</i>	356
	345	<i>Cerda (Ludov.)</i>			184
<i>Bulla Cruc.</i>	275. 287. 213	<i>Cevicos, dubia.</i>			377
<i>Bulla Inscrutabili.</i>	383. 418	<i>Che-rembireco, quid.</i>			409
<i>Bulla In conferendis.</i>	435	<i>Chiapa.</i>			21. 62
<i>Bulla Pii V.</i>	423	<i>Chiapensis.</i>			65

## C

<b>C</b> <i>Abo-Blanco.</i>	4	<i>Chile.</i>			22. 13
<i>Cabo-Verde.</i>	3. 4. 5	<i>Chilichium ferocitus.</i>			131
<i>Cabral.</i>	10. 72	<i>Chocolate.</i>			361
<i>Casarelli Monitor.</i>	424	<i>Chrisma.</i>		215. 149	
<i>Cajenna.</i>	35	<i>Christianum mart.</i>			34
<i>California.</i>	22. 23. 41. 46	<i>Christophori (I.).</i>			35
<i>Cambalu.</i>	16	<i>Cibola.</i>			13
<i>Cambota.</i>	23	<i>Cinaloa.</i>		21. 46	
<i>Campeche.</i>	16	<i>Coccineæ Vist.</i>			573
<i>Canada.</i>	12. 21. 22. 36	<i>Coccinensis Ep.</i>			261
<i>Canaria.</i>	2	<i>Collegium quoto num.</i>			531
<i>Canonici assistentes.</i>	590	<i>Colon (Christoph.)</i>		8. 61	
<i>Cantus simplex.</i>	550	<i>Colonia SS. Sacr.</i>			42
<i>Capitulum sede vac.</i>	177. 387	<i>Colonia S. Jos.</i>			522
<i>Caraguata, quid.</i>	404	<i>Communicatio priviil.</i>	147. 186. 278		
<i>Caramuel.</i>	137	<i>Communio Indor.</i>		153. 197	
<i>Carmelita.</i>	343. 343	<i>Compositio.</i>			264
<i>Carnes in sabatbo.</i>	575	<i>Compostella jubil.</i>			181
<i>Carolina.</i>	37. 43	<i>Conceptio. Ep.</i>		104. 239	
<i>Cartago.</i>	15. 21. 50	<i>Concilia.</i>	103. 244. 285.		297
<i>Castilla.</i>	13	<i>Confessio per interpr.</i>			430
<i>Catai.</i>	16	<i>Confirmatio Sacr.</i>			291
<i>Catechismus.</i>	116	<i>Confirmatio priviil.</i>			108
<i>Causa belli.</i>	65	<i>Confraternitatis altare.</i>			361
<i>Causa regularium.</i>	272	<i>Congo.</i>			6
<i>Causa minores.</i>	292	<i>Congo Missionarii.</i>			439
<i>Causa Limana.</i>	342	<i>Congregationes Guarnidoram.</i>			541
		<i>Congregatio S. Petri.</i>			553
		<i>Conquista.</i>	55. 56. 57. 58. 59		
		<i>Consecratio Ep.</i>			428
		<i>Conservatores.</i>	264. 380.		416
		<i>Consuetudo.</i>			142

Con-

*Conventus.* 355. 481. 483. 531  
*Conversatio cum infid.* 160  
*Corduba.* 27. *Cordubensium monial.*  
*professio.* 359  
*Corepiscopi.* 209  
*Cortesii patronatus.* 107  
*Cranganor.* 340  
*Cuba.* 14  
*Cujaba.* 45. 592  
*Culuacam.* 21  
*Curam animarum concernentia.* 513  
*Cuzco.* 21

## D

**D** *David (I).* 47  
*Davidis fretum.* 29  
*Darien.* 90  
*Decima.* 74. 196. 243  
*Declarationes S. C.* 427  
*Delegatio Mendic.* 152  
*Delegati potestas.* 422  
*Derogatio Clem. Religiosi, & Reg.*  
*Cancellaria.* 190  
*Desertores Ordin.* 271  
*Desolation (Cabo).* 28  
*Diaconatus.* 338  
*Diamantes (Terra).* 37  
*Dieta.* 97  
*Dimissoria.* 366  
*Dionisi auctoritas.* 253  
*Disparitas cultus.* 381  
*Dispensatio ad matr.* 164. 216. 224.  
 268. 285. 231. 278. 500. 625  
*Disputatio de Ind. lib.* 91  
*Distributiones.* 385  
*Doctrina.* 541. 243. 375  
*Dominicani.* 198. 477  
*Donatio Alexandrina.* 63  
*Donatio angelop.* 415  
*Draconis bucca.* 9  
*Drak (Franciscus.)* 27. 29  
*Dubia pro parte Regis Cath.* 496. 625.  
*Manilensis.* 377. *Episcopi Qmbek.*  
 507

*Ducatus auri.* 241. 376  
*Durango. Episc.* 365

## E

**E** *Ecclesia sine Capitulo.* 111  
*Edicta ad provisiones.* 434  
*Eiecti è relig.* 375. 432  
*Electio conservator.* 380. 368  
*Eleemosina pro funere.* 344. 348. 352.  
 383. 397. 415. 454. 523  
*Episcopatus primi.* 87. 84. 82  
*Episcopatum fines.* 151. 624  
*Episcopi consecratio.* 207. 407. 428.  
*Dispensat illegitimos.* 257. *Deses*  
*privatur redditibus.* 274. *Absolvit*  
*ab hæresi.* 266. *Visitat regulares.*  
 309. *Approbat.* 338. 379. 384.  
*Fructus percipit à die translationis.*  
 357. *Assistentes.* 365. 590. *Episco*  
*po subsunt curati.* 383. & 609.  
*Quando regulares?* 416. *Festa an*  
*instituat?* 449. *Exemptus ab Inquis.*  
 515. *Facultates solita.* 528  
*Erectio Ecclesiar.* 160. 213. 231  
*Error nominis.* 580  
*Estotilandia.* 6  
*Excommunicatio abrog.* 67  
*Exemptiones abrog.* 487. 524  
*Explicatio facult.* 498  
*Ex-provinciales.* 462

## F

**F** *Abiani P. Epistola.* 254  
*Facultates Poggiana.* 184. *In Jubileo*  
*non suspensa.* 583  
*Falkland.* 46  
*Familia Christi.* 589  
*Faventina praxis.* 589  
*Feriae ad ord.* 106  
*Fernandez (I).* 27  
*Festa Indor.* 115. 599  
*Festum S. Rosæ.* 448. *S. Antonii.* 526  
*Festa quoad præceptum negativum.* 599  
 Hhhh 2 Floren-



<i>Florentini Concilii auctoritas in decreto ad Arm.</i>	251	<i>Helena (S.).</i>	11
<i>Florida.</i>	15. 16. 23. 26. 28	<i>Herba parag.</i>	404
<i>Flumen Grande.</i>	44	<i>Hesperides.</i>	4 5
<i>Fragmenta post sacrif.</i>	440	<i>Hierro.</i>	1. 2
<i>Franciscanorum alumnatus.</i>	340. Dis-	<i>Hippolitani.</i>	295. 506. 527. 538. 549
<i>scalceatorum privilegia.</i>	439. Capi-	<i>Hispania regna.</i>	262
<i>tula.</i>	408. <i>Possessio.</i>	<i>Hispanorum servitia temere exaggerata.</i>	130
<i>Frezier.</i>	459	<i>Hortari ad prael.</i>	230
<i>Fridsland.</i>	27	<i>Hospitalarium conservator.</i>	298
<i>Frisa occid.</i>	27	<i>Hudson sinus.</i>	29. 33
<i>Frobisberi fretum.</i>	27		
<i>Fuerte-Ventura.</i>	2		
<i>Fugitivi poena.</i>	525		

## G

<b>G</b> <i>Allacia (N.).</i>	21
<i>Galli in Brasilia . 25. In Florida .</i>	26
<i>Gama (Vascus) .</i>	8
<i>Gangis fons .</i>	35
<i>Georgia .</i>	43
<i>Goa . 13. Sedes Episc. 112. 197. Dum</i> <i>vacat .</i>	261
<i>Gojasiensis Pralatura .</i>	592
<i>Gomez Freire discursus .</i>	227
<i>Gradus consanguinit .</i>	202
<i>Gradus litterarii . 352. 367. 382. 395.</i> <i>414. 466. 477. 480. 485</i>	
<i>Gregorius XIII. reformat plures Con-</i> <i>stit. .</i>	311
<i>Groënlandia .</i>	h. 34
<i>Guadalaxara . Ep. .</i>	160
<i>Guadalupe Icon. .</i>	627
<i>Guaraniarum matrim. .</i>	409
<i>Guatemala . Metrop. .</i>	574
<i>Guinea . 1. Nova .</i>	21
<i>Guayna .</i>	38

## H

<b>H</b> <i>Abitus Cler.</i>	88
<i>Heretici Indi à quo absolvantur.</i>	266

<b>I</b> gnacius (S.).	180
Ignorantia invinc.	458
Illegitimi.	218. 467. 572
Impedimentum publ. honestatis.	206.
Disparitatis cultus.	381
Incarnationis epocha.	68
Indi natura liberi.	91. 114. 130
Indorum servitus.	342. 566. Privilegia. 115. An possint ad laborandum compelli? 128. 599. Ad baptismum proni. 130. Venditorum pretium. 138. Communicandi. 153.
Irrogata injuriæ manifestantur sine irregul.	157. Immunes ab interdicto. 214. Quoad velationes. Ibid.
Quoad jura paroch.	307. Quoad indulg. 352. 393. Quoad communionem. 394. Libertatis Ind. defensio. 402. Quoad festum S. Rosæ. 449.
Conceptionis.	115. Indos & mulatos non arcendos. ab ordinibus, 467.
Quo jure sabbatba carne vescuntur.	575.
Indiæ occid. de Corona Castellæ.	239
Indiarum fines.	281
Indiarum Patriarca.	260
Indicanorum Ordo.	83
Indulgentiæ à Nuntio.	189. Ante confessionem. 212. An possint excommunicatis.
	212

Indul.

*Indulgentia pro converforibus*. 216.  
 296. *Pro conquistoribus*. 59. *Pro*  
*visitantibus ecclesias*. 224. 245. 296  
 281. 406  
*Indulgentia pauciores pro Indis*. 338  
*Indulgentiae animabus applicabiles*. 510  
*Indulgentia duplex quandoque nulla*. 569  
*Infideles an arcendi à sacrificio?* 161  
*Infidelium filii an baptizandi?* 507. 83  
*Informatio de statu libero*. 488  
*Ingarum Imperium*. 21  
*Inquisitores Episcopi*. 93  
*Inquisitorum Officium*. 244. *Non ju-*  
*dicant Indos*. 287. *An extra forum*  
*contentiosum*. 532. 544  
*Instructio de baptismo Aethiopum*. 121  
*Irregularitas*. 184. 256  
*Iter ad Sinas*. 28. 29. 38. *Iter Aca-*  
*demicorum*. 44. *Ad Chiquitos*. 45.  
*Ad Tobas*. 46

J

*Jamaica*. 7. 13. 90  
*Januarium Flumen*. 16. *Januarii Pra-*  
*latura*. 265. *Episcopatus*. 461. *Di-*  
*viditur*. 592  
*Japonia*. 24. *Ecclesia Japon*. 359. *Ma-*  
*trimonia*. 373  
*Java*. 14  
*Jejunia Indor*. 115. *Sinarum*. 412  
*Josephi (S.) cultus*. 463. 464. 466.  
 489. 550  
*Jubilaeum S. Annae Lim*. 180. *Compo-*  
*stellani communicatio*. 181  
*Jucatan*. 13. 16. 20. 201  
*Judex Metropol. Chil*. 352  
*Juliani (S.) finus*. 45  
*Juramentum à Missionariis praestan-*  
*dum*. 463  
*Jurisdicctio Episc. in Ecclesias Regul*.  
 591. 609

K

*Kamschatka*. 40

L

*Labrit. Ep*. 631  
*Laici non gravandi*. 387  
*Lanzarote (I)*. 2  
*Latronum (II)*. 18  
*Lauretana peregrin*. 534  
*Legaspi*. 25  
*Leonis X. concessio*. 94  
*Leovvis (I)*. 35. 43  
*Liampó*. 23  
*Licentia ad confess. suspendi potest*.  
 417  
*Licentia conferendi sacramentum con-*  
*firm*. 622  
*Lima*. 22. *Limanum decretum de af-*  
*fnit*. 172. 197. *Limana Synodus*.  
 296. *Sedes Episc*. 142  
*Limana Apost. visit*. 157. 292  
*Limites Episc*. 624  
*Linea demarcat*. 7. 62  
*Litterae promot. Ep*. 628  
*Lites in America*. 272  
*Ludovici (S.) Episc*. 461  
*Ludovici (S.) Beltran*. 484  
*Ludovisiana*. 39. 46  
*Lusitana dition. Episcopatus*. 112.  
 231  
*Lusitana an sub Hispania comprehen-*  
*datur*. 487

M

*Macazar*. 19  
*Machinatio cum effectu*. 202  
*Madagascar*. 13. 37  
*Madera*. 2  
*Magallanes. fret*. 16. 29  
 Hhhh 3 Ma-



# INDEX.

639

<i>Ordinatio per quemlibet.</i>	105	<i>Peñalosa quæstiones.</i>	434
<i>Ordinationum feriæ.</i>	106	<i>Pensilvania.</i>	39
<i>Ordinatio Sinarum.</i> 431. 439. 448.		<i>Permutandi merces facultas.</i>	268
<i>Sine titulo.</i>	457	<i>Pernambuco, Prælat.</i>	356
<i>Ordinarius quis.</i> 203. 543. 584. 392		<i>Perú.</i>	19. 21
<i>Ordines extra temp.</i> 269. 374. 393		<i>Peruvii fines.</i>	238
<i>Ord. Præd. Fratres extra claustra.</i>		<i>Peso hueco.</i>	445
397. <i>Conversi non ordinentur.</i> 437.		<i>Philippina.</i>	23. 25. 340
<i>Non ante ætatem.</i>	437	<i>Philippinarum ecclesiæ Sede vac.</i>	464.
<i>Ordinario loci moniales Chilensæ subji-</i>		511	
<i>ciuntur.</i>	431	<i>Pii V. Bulla revocatur.</i> 383. 418. 609	
<i>Orellana.</i>	23	<i>Pinellus (A. L.)</i>	303
<i>Orinoco.</i>	21	<i>Pinzon (Vincentius Yañez).</i> 9. 13. 72	
<i>Orleans (N.).</i>	48	<i>Pizarro.</i>	19
<i>Ornamentorum bened.</i> 358. 386. 391		<i>Plata enfañada.</i>	275
397		<i>Platenfis Sedes Ep.</i>	353. 183
<i>Ostiz (Ill.).</i>	91. 133	<i>Pœna indebite ordinatorum.</i> 207. <i>Con-</i>	
<i>Otaitea.</i>	46	<i>tra negotiatores.</i>	349
		<i>Popaian.</i>	23. 159
		<i>Portiuncula.</i>	184
		<i>Porto-Bello.</i>	11
		<i>Portofanto.</i>	2
		<i>Præbendæ suppressio.</i>	384
		<i>Præceptum paschale.</i> 394. 397. 399	
		<i>Prædia quoad immun.</i>	563
		<i>Præsentati Mercedarii.</i>	438
		<i>Presbyteri Hospital.</i>	534
		<i>Pretium Indorum.</i>	138
		<i>Primatiale jus.</i>	156
		<i>Privilegia regio-pontificia.</i> 192. <i>Indiis</i>	
		<i>communia.</i> 278. <i>Adversantia Tri-</i>	
		<i>dentino.</i> 505. <i>Privilegia Indorum.</i>	
		<i>Vide V. Indi.</i>	
		<i>Probabilismo num faverit Urb. VIII.</i> 410	
		<i>Processiones.</i>	353. 391. 392
		<i>Processus contra Regul.</i>	192
		<i>Promontorium Album.</i>	4
		<i>Prorogatio præc. pasch.</i>	397. 399
		<i>Proscriptio Libri P. Norb.</i>	578
		<i>Provincialis O. P. quoad irregularita-</i>	
		<i>tem.</i>	198
		<i>Provinciarum divisio.</i>	156
		<i>Puchueles, &amp; quarterones an neophiti.</i>	
		488. 493. 496	
		<i>Puerto-Rico.</i>	13

Quar-

## Q

<b>Q</b> uarta funer.	191. 349
Quarteron. V. Puchueles.	
Quebek.	350. 451. 32
Quebedo (Ill.).	91
Quiloa.	8
Quiros.	32
Quito.	20. 155
Quivira.	23

## R

<b>R</b> ecursus in causis.	426
Redditus menstrui.	375. 382
Regium placitum.	160
Regulares extra claustra. 309. Indo-	
rum ministri. 312. 340. Reproba-	
ti. 366. Ad funus vocati. 391.	
Curati. 512. Confugientes. 563. An	
parochie capaces? 609. Amovibi-	
les.	609
Reies. Flumen.	8
Religiosi doctrinarii. 193. Paupertas.	
229. Quo destinantur se conferant. 352	
Resolutio quorundam casuum.	501
Revalidatio matrim.	494
Rex Cath. Sedis Ap. delegatus. 67.	
Communes habet Lusitani gratias.	
68. Episcopatus definit. 151. Deci-	
marum dominus. 78. Nominat ad	
beneficia.	618
Rio-Janeiro. 16. De la Plata. 16	
Ritus Sinenses. 414. 427. 448. 462.	
521. 567. Malabarici.	571.
Ritus in expositione.	55. 587.
Rosa (S.)	441. 448. 453
Rosarii gratia.	441
Ruego y encargo.	89

## S

<b>S</b> able. (L).	31
---------------------	----

Sacerdotum penuria.	277
Sacerdotes Japon. durante persecutione.	381
Sacra in lingua vulg.	356
Sacra C. declarationes.	427
Salomonides (II.).	26
Salvatoris (S.) ecclesia.	460
Salutatio concionatoris.	478
Sancta Crux (urbs).	25. 348
Sancta fidei. Ep.	207. 218
Sanctorum translatio.	560
Sandalia.	537
Sclavi quoad semifesta.	599
Scripta de Missionibus.	454
Scripta de ritibus Sin.	519
Sebaldina (II.).	31. 41
Sedis Tucum. translatio.	489
Seminaria Mission. 467. 478.	536
Senegal.	4
Sententia de non cultu.	459
Sepulveda (Doctor).	65. 130
Servitium personale.	227
Simonia.	257
Sinis intimanda.	412
Sinarum provinciae.	484
Sinenses ritus. V. Ritus.	
Societas Holland.	31. 37
Socotora.	12
Sodalitates immunes.	541
Solano (S. Fr.).	459. 535
Solorzanus emendatur.	370. 91
Sonora.	46
Soto (Ferdinandus).	24
Spizbergium.	30
Spurios ordinandi facultas.	277
Stipendium pro elemosyna.	220
Stationum indulg.	584
Statuta ferendi fac.	160
Statuta Minorum.	379. 431
Subsidium contra Scotos.	489
Successio sanguine junctorum.	489
Sumatra.	13
Sunda.	20
Superioris licentia ad usum facult.	

Suspend

<i>Suspensio monasterii.</i>	417
<i>Suspensio Ex-fratrum.</i>	432
<i>Synodus dioeciesana.</i>	261. 337
<i>Synodus Limana à S. C. emendata.</i>	
299. <i>Qua ratione obligat in provinciis.</i>	301
<i>Synodus Mexic.</i>	309. 103. 124

T

<b>T</b> <i>Azman, regio.</i>	37
<i>Terceras (II.).</i>	5
<i>Terra nova.</i>	8. 9. 12. 28
<i>Tertiarii Carmel.</i>	564. 591
<i>Testamenta.</i>	537
<i>Theses.</i>	306
<i>Tibet.</i>	35. 42
<i>Thome (S.) Inf.</i>	6
<i>Thuribius (S.).</i>	292. 309. 534
<i>Tierra-del-fuego.</i>	16
<i>Titularis cultus.</i>	588
<i>Tituli manu-capiendi.</i>	227
<i>Tituli lectoris, &amp;c.</i>	408. 550
<i>Tlascalæ Ep.</i>	104
<i>Tomin, quid?</i>	275
<i>Traditio Apost.</i>	252
<i>Transitus ad Cartus.</i>	284. 524
<i>Transitus ad Japon.</i>	292. 341. 393
<i>Transitus ad laxiorem ordinem.</i>	525
<i>Translatio Episc.</i>	357
<i>Translatio festi.</i>	491
<i>Triennalis possessio.</i>	436
<i>Trinidad.</i>	8
<i>Tristan-de-Acugna (I.).</i>	13
<i>Tubichabæ, quid.</i>	410
<i>Tucuman. 25. 24. Episcopat.</i>	231.
<i>Qua ratione in Insulis esse dicitur.</i>	
238. <i>Tucuman. Ep. postulata.</i>	617.
<i>Tuitiva.</i>	426
<i>Tunkini festa &amp; jejunia.</i>	413. Synodus. 455. <i>A Macai dioecesi disjunctur.</i>
<i>Turonensis libra.</i>	481

V

<b>V</b> <i>Acantis Eccl. redditus.</i>	376
<i>Vagorum matrimonia.</i>	454
<i>Valencia (Martin).</i>	103
<i>Validitas Capituli.</i>	440
<i>Vallisoletum. Ep.</i>	107
<i>Vega. (D. Felician.).</i>	304
<i>Vela.</i>	9
<i>Velas (II.).</i>	21
<i>Venezuela.</i>	20
<i>Veracruz (urbs).</i>	16
<i>Veragua.</i>	11
<i>Vera pax. Ep.</i>	206. 348
<i>Verazani.</i>	18. 19
<i>Verbiest (Ferd.).</i>	467
<i>Vicarius revocatur. 370. A Metropolitano deputatur. 378. Quoad Conservatores.</i>	418
<i>Vicarius Apostol. 446. 448. 456. 457</i>	
<i>Vicariis Ap. subsunt missionarii. 447</i>	
<i>Vicarius da Vara quis. 456</i>	
<i>Vicarius Capitularis an dispenset ad matrimonium. 492. 568</i>	
<i>Vicarium quis eligit. 512</i>	
<i>Vicarius Generalis quo loco sedet? 590</i>	
<i>Vicennales facultates. 310. &amp; deinceps.</i>	
<i>Vicennium unde incipit. 451</i>	
<i>Virginia. 28. 32</i>	
<i>Vis consuetudinis. 142</i>	
<i>Visitatio liminum Apostolorum. 157. 202</i>	
<i>Visitatores famulatus. 387</i>	
<i>Vivæ vocis oracula. 147. 180</i>	
<i>Vitia Indorum. 133</i>	
<i>Unio regni duplex. 263</i>	
<i>Universitas Lim. 246. Mexicana. 337. Guatimalæ. 480. De Caracas. 527. Hispaniolæ. 594</i>	
<i>Universitatum genus triplex. 395</i>	
<i>Vocis activæ &amp; passivæ privatio. 386</i>	
<i>Votorum commutatio. 184</i>	
<i>Voti</i>	

*Voti castitatis dispensatio.* 285  
*Uraba.* 11  
*Willops.* 25  
*Uxor de pluribus retinenda.* 115. 125.  
 247

X

**X** *Averius Gga.* 24. *Nuntius.* 141  
*Cultus.* 365. 465. 595

Y

**Y** *Ork. Nova.*  
*Yesso.*  
*Yanacena, quis.*

32  
 35. 40  
 404. p. 600

Z

**Z** *Embla. Nova.*  
*Zebu. V. Cebu.*  
*Zumarraga (Ill.).*

26  
 103. 132

F I N I S.



<i>Pag.</i>	<i>lin.</i>	<b>ERRATA</b>	<b>CORRIGE</b>
83	3	la que	<i>Et que</i>
101	41	provincialibus	provisionibus
138	17	naturaliter	actualiter
156	15	Hispalenfis	Ayqualensis
227	9	personalera	personale
375	36	certa	incerta
384	15	tot	401
387	27	quos	pios
437	19	intenti	intento
504	13	aptat	a partat
543	36	distans	distancia,
		quantitas	quantitatem
		& mensura.	& mensuram.
553	11	Officiale	Officialium
553	15	necessitatis	necessariis
554	26	Episcopis	Episcopos
572	9	missionariis	missionarios
<i>ibid.</i>	11	gestationem	prohibitionem gestationis
582	14	designandi	designanda

*His adde errata quedam non typorum.*

<i>Pag.</i>	<i>lin.</i>	<b>ERRATA</b>	<b>CORRIGE</b>
5	16	<i>Nec minus</i>	Non est negandum præter Tenerisem, quæ de Cana- riis est, esse in Azoribus Insulam a Pico dictam.
16	44	Insula	Sinus
44	23	Consolatione	Circumfusione

*Faveat Lector, & vitia benignè corrigat.*



# NOI RIFORMATORI

Dello Studio di Padova.

**A** Vendo veduto per la Fede di Revisione, ed Approvazione del Pubblico Revisor D. Natal dalle Laste nel Libro intitolato: *Fasti Novi Orbis, & Ordinationum Apostolicarum ad Indias pertinentium Breviarium &c. ms.* non v'esser cosa alcuna contro la Santa Fede Cattolica, e parimente per attestato del Segretario Nostro, niente contro Principi, e buoni costumi concediamo Licenza a *Giovanni Gatti* stampator di Venezia che possi essere stampato, osservando gli ordini in materia di Stampe, e presentando le solite Copie alle Pubbliche Librerie di Venezia, e di Padova.

Data li 16. Giugno 1774.

( ANDREA QUERINI RIF.

( GIROLAMO GRIMANI RIF.

( SEBASTIAN FOSCARINI CAV. RIF.

Registrato in Libro a Carte 163. al Num. 82.

*Davidde Marchesini Segret.*











